






C
VI
12

~~Handwritten scribbles~~



Aristotelis Logica, ab

ERV DITISSIMIS HOMINIBVS
CONVERSA.

Porphyrij institutiones ad Chrysaorium.

Aristotelis Categoriae, seu prædicamenta.

regulæ, id est de interpretatione, Liber.

Priorum analyticorum, *Libri. II.*

Posteriorum analyticorum, Libri II.

Topicorum, Libri VIII.

De reprehensionibus sophistarum, Liber.

William D. Scholay, Esq. of New York City

LV TETIAE,

Apud Vascosanum, uia Iacobæa ad insigne Fontis.

M. D. LI.

CVM PRIVILEGIO.



12-1: I. 12

GVL. GVERENTAEI, AD

Nicolaum Grouchium.

Exibit tandem, pulsoque erumpet in auras

Inuidia fumo clarus Aristoteles.

Protagorasque sua rediuiuos pellet ab arce:

Et tumida illorum sub pede colla premet.

Qui tamen exertis uibrabunt sibila linguis:

Et flatu inficient proxima quæque suo.

Sed spirent quod adhuc restat, spargantque uenenum:

Iam fraudis pœnas, stultitiæque dabunt.

Agnoscent iuuenes, uana mendacia lingua:

Verbaque iam fucis non bene tecta suo.

Tum tibi debebunt, Grouchi, quod soluere nunquam.

Aut ipsi, aut post hos, secula longa queant.

GVL. GVERENTAEVVS LECTORI.



QUOD diu, multumque ab omnibus philosophie studiosis efflagitatum est: ut quae Aristoteles de ratione disserendi graece scripsit, ea nos latine reddita, non modo uerbis elegantibus, sed etiam propriis, & ad auctorem explicandum accommodatis sententiis legere possemus: id iam Nicolaus Grouchij singulari industria perfectum esse confido: ac studiis doctorum ita ab eo satisfactum, ut nihil sit, quod in eo genere amplius possit desiderari. Quod & si dictum magnum est, de re praesertim tam ardua, in tam multiplici hominum iudicio, tamen eam esse eius uiri ingenij nim, & facultatem exploratum habe, ut doctos omnes existimatu-
 no dubitem, nullum esse inter tot Aristotelis interpretes, qui cum eo uel elegantia sermonis, uel perspicuitate interpretationis, uel rei ipsius cognitione sit conferendus. Inter quos magna laus est Ioachimi Perionij, uiri doctissimi: qui primus philosophiam a barbarie, tanquam acerbissima seruitute vindicauit: & praeclarissimi ad omnem posteritatis memoriam fa-
 Eli, cum magna nominis sui gloria, auctor extitit, qui philosophiam, antea balbutientem, uel, si uerum fatendum est, ineptissime garrientem, ita emendauit, ut iam elegantia sermonis, possit cum reliquis artibus contendere. Sed quod ius solet contingere, quorum opera, ac industria noua, successus plus aequo consilio, institutoque responderet: ac maturitatem iudicij, praecipue hominum commendatio praeuortit: ut eo hominum de se iudicio, ueluti uento quodam secundo, facile se auferri patiantur: ac ultro ab omnibus oblatam laudem, ingenua quadam nobis erga nos indulgentia libenter arripiant: id ni fallor, Perionio contigit. Qui postquam ius, quae primum ex Aristotele in latinum uerterat, mirum in modum studia hominum erexit: ac incredibilem sui opinionem expectationemque concitauit: cum eam maxime labore, diligentiaque tueri debuisset: cepit aliquanto securius in id studium incumbere: & perinde ac si nihil ipsum in eo genere posset fallere: aut eadem esset omnium Aristotelis librorum ratio, ita in reliquis edendis se gerere, ut de sua estimatione, aut hominum iudicio, non admodum metueret uideretur. Hinc factum est, ut ea emis-
 erit, quae in feruentissimo illo omnium studio, pauci animaduertuerunt: ubi deferbuit, eruditi uiri non omnino probauerunt. Res tam nota est, tam ser-

mone omnium peruulgata, ut non mihi cuiusquam odium timendum sit: si quid etiam paulo liberius dixerō. Quid? quod nonnulli nouas post eum interpretationes ediderunt, suāque opera splendori illius tenebras offundere conati sunt? Id autem Nic. Grouchius impium, ac nepharium ratus, cuiusuis hominis famam imminuere, nedum clarissimi uiri summam gloriam labefactare: hanc suam editionem ita temperauit, ut expectationi desiderioque doctorum satisfecerit, nec ullo modo gloriam Perionij minuerit. Nam cum paucis ab hinc annis in Lusitania philosophiā in regio gymnasio, cum summa laude & admiratione omnium profiteretur: libros Aristotelis quos nondum Perionius uerterat, ipse transtulit: in aliis id fecit, quod malo in cogitatione, iudicioque aliorū relinquere, quā in oratione mea ponere: quod ipsius factum, quo magis ab omnibus desiderabatur; eū minus reprehensionem debet meruere, nisi forte id aliquis reprehendendum putat, quod negligi non potuit, sine summo Reip. incōmodo. Nam quod Perionij interpretationem emendare maluerit, quā nouam edere: tantum abest, ut hoc illi uitio uertendum sit, ut magnam eo facto modestia, & humanitatis commendationem apud aequos iudices eum consecuturum sperem: qui, si diligenter perspexerint, quid ipse in eo genere posuit, ac in iis, quae transtulit: non aliam cuiusquam operam requiri, modestissime ab eo factum iudicabunt, quod gloriam Aristotelicā interpretationis, quam in se totam transferre poterat, ita sibi cum aliis commune esse uoluerit, ut maiorem partē ipsis relinqueret. Itaque lator quidem ipsi Grouchio uiro doctissimo, & mihi amicissimo occasionem quarēdi nominis, in re tam illustri oblatam esse: sed multo magis studiosis philosophiā adolescentibus gratulor, quod habituri sint sermonis elegantiam, coniunctam cum uera, & certa ratione disserendi: longe aliter quā nostro tempore à quibusdam fieri uidemus, qui neglecto Aristotele, omnis memoria sapientissimo disserendi artifice, suas ineptias adolescentibus inculcant, & quod dici solet, pro thesauro carbones indicant. quod aliquando optimi adolescentes intelligent, & monui meliora sequentur.

Vale.

Institution. Porphyrii.



QUA necessaria est, Chrysaori, ad Categoriarum rationē, quæ ab Aristotele tradita est, generis, differentia, speciei, proprii, accidentisque cognitio, earumque rerū tractatio, & ad definiendum & ad diuidendi, ac demonstrādi rationem magnum affert adiumentum: tibi quidem institui breuiter, & ut institutionis ratio postulat, quæ à maioribus didici, exponere. In quo ego pratermissis obscurioribus questionibus, eas interim tractabo, quæ ad sensum popularem accommodantur. Ac primum ne longe abeam, de generibus ac formis, coherereantne ipsa per sese, an in solis animis sint: & si coherant per se, utrum corpora sint, an corporis expertia: & nū auulsa sint & distracta ab iis quæ subiecta sunt sensibus: an in iis ipsis hæreant ac nitantur: hæc, inquā, pratermittam omnia, præsertim cum hoc arduum sit, subtiliorēque egeat disputatione. Quo autē pacto de illis ipsis, iisque quæ diximus, cū ueteres omnes, tum uel maxime Peripatetici probabiliter differuerint, quidque senserint, docebo.

De genere. 1.

Genus & species non uno modo dicuntur. Nam genus dicitur aliquorum, & qui ad unū quiddam, & qui inter sese quodammodo affecti sunt, & cognatione quadam coniuncti, multitudo. Qua quidem significatione, Herculeorum genus ex unius Hercules collatione appellatum est, multorumque hominum inter se affectione, qui inter se coniuncti sunt ea societate, quæ ab illo ducta est, qua appellatione ab aliis ge-

INSTITVTIONES

neribus distinguitur. Dicitur etiam alio modo genus, unde alicui ortus principium est, siue ab eo qui genuit, siue ab eo loco in quo quisque ortus est. Sic enim & Orestem à Tātalo, & Hylum ab Hercule duxisse genus dicimus, itémque Pindarum Thebanum genere, Platonem Atheniensem. Dat enim ut pater, sic patria ortus cuiq; initium. Quae mihi quidem prima uidetur occurrere significatio. Nam & Herculei dicuntur ij, qui ab Hercule genus habuerunt: & Cecropida ij qui à Cerope, itémque his finitimi. primúmque certe uocatum id genus est, quod cuique dat ortus causam & initium: deinde multitudo eorum, qui ab uno principio, ut ab Hercule, quasi quodam capite manarunt. Quam quidē multitudinem definiuimus, seu iunximusque à ceteris, cum uniuersam multitudinem quae ab Hercule fluxisset, Herculeorum genus nominaremus. Iam alio etiam modo genus appellatur, id cui subiicitur species, quae ex illis ducta uidetur appellatio. Nam & initium est genus id formarum, quae ei subiecta sunt, & uidetur uniuersam multitudinem quae ipsi subiecta est, continere. Sed cum his tribus modis genus notetur, tamen de tertio apud philosophos tantum oratio est. Idque hoc modo definiunt: Quod de multis, specie autem differentibus dicitur, cum quid quicque sit quaritur, ut animal. Eorum enim quae dicuntur, partim de uno tantummodo dicuntur, uelut indiuidua, cuiusmodi est Socrates, hic homo, haec res: partim de multis, ut genera, ut species, ut differentia, ut propria, ut accidentia ea quae communiter in multis, non proprie in uno insunt. Est autē genus, ut animal: species, ut homo: differentia, ut rationis particeps: proprium, ut aptum ad risum: accidens, ut id quod album est, quodque nigrum, & sedere.

sedere. Genera autem ab ijs differunt, quæ in uno solum dicuntur, quòd in multis ipsa dicuntur. Ab ijs item quæ in multis sunt hoc modo: à specie quidem, quòd species etsi de multis illa quidem dicatur, sed tamen specie minus differentibus, uerum numero. Homo enim cum species sit, de Socrate & Platone dicitur: qui non specie, sed numero solum inter se differunt. At uerò animal cùm nomen generis obtineat, de homine, boue, equoque dicitur: qui specie etiam, nō solum numero differunt. Porro autem inter genus & proprium hoc interest, quòd proprium de una modò specie cuius proprium est, dicitur, iisque indiuiduis quæ species cōtinet: ut ridens, de solo homine, singulisque hominibus dicitur. Genus autem non solum de una specie dicitur, sed de multis, iisque differentibus. Postremo genus, & differentia, communiaque accidentia hoc inter se differunt, quòd etsi de multis etiam specie differentibus & differentia dicantur, & communia accidentia, non tamen in quaestione dicuntur ea, quæ quid quicque sit, sed in ea, quæ quale quicque sit, quaeritur. Si qui enim rogent, quidnam sit illud tandem, quo de hac dicantur omnia, genus respondemus, differentias & accidentia non respondemus: quippe cum hac de re dicantur, nō in quaestione quæ quid quicque sit, sed quale quicque sit, quaeritur. Nam & cum qualis sit homo quaerit aliquis, rationis eum participem: & cum rogamur, qualis sit coruus, nigrum esse respondemus. Quorum rationis particeps differentia est: niger autem accidens. At cum interrogamur quid sit homo, animal respondemus, quod genus est. Quamobrem genus hoc ipso quòd in multis dicitur, ab ijs separatur omnibus, quæ de uno tantummodo dicuntur: quòd de

INSTITVTIONES

specie differentibus, ab aliis quæ ut species dicuntur & propria. Quod uerò in quæstione dicitur, quæ rei natura indagatur, & à differentiis secernitur, & ab accidentibus communibus, quæ non in quæstione quæ uis & natura rei, sed quæ qualitas, aut modus inuestigatur, dicuntur omnia de iis, de quibus quicque dicitur. Nihil igitur redundans, nihil parum explicatum continet, quæ generis notioni constituta est definitio.

De specie. 2.

Species autem in uniuscuiusque forma dicitur. Ex quo illud, Primum quidem species est digna quæ imperet. Vocatur etiam id species, quod subest generi. Hinc soliti sumus dicere, hominem speciem esse animalis, quod genus est, & candorem coloris speciem, & triangulum figuræ. Quod si speciei fecimus mentionem, cum generis uim definiendo explicaremus, hoc modo, Quod de multis, specie autem differentibus in rei natura querenda dicitur: & generis, cum specie definiremus his uerbis, Species est quod subest generi, nemo reprehendat. Illud enim intelligendum est, quoniam genus alicuius genus est, & species alicuius species, utendum fuisse necessario utroque nomine, cū uis & natura utriusque definiendo aperiretur à nobis. Speciem etiam definiunt hoc modo, Species, id est quod generi subiicitur, & de qua genus in quæstione quæ quid quicque sit queritur, dicitur. Rursus etiam hoc modo, Species est quod de multis numero differentibus dicitur in quæstione quæ rei natura exquiritur. Quæquam speciei ultima, quæque tantūmodo species est, nō etiam genus, hæc propria definitio est: aliarum omnium, quæ non sunt ultima. Quod hinc sciri potest, quia in quaque categoria

regoria quiddam primum est, & quiddam ultimum : inter quæ duo, alia interiecta sunt, quæ eadē & genera sunt & species. Est autem primū genus, supra quod aliud genus esse nūquam potest: ultimum uero quod nullum aliud sequitur. inter primum autem & ultimum alia interiecta sunt, quæ eadem & genera sunt & species, sed si cum alio aliōque conferantur. Idque in una categoria perspicui potest. Substantia enim genus est illa quidem, quæ corpus complectitur: & corpus, corpus animatum: corpus animatum, animal: animal, animal rationis particeps: animal rationis particeps, hominem: homo, Socratem, Platonem, & singulos homines: ita tamen, ut eorum omnium primum genus sit substantia, solūque genus: homo uerò species ultima, & modo species: corpus autem & substantiæ species, & animati corporis sit genus. itēque animatū corpus, species corporis est, genūque animantis. Rursum animal species est animati corporis, genus ratione utentis animātis. & animal ratione utens, species animalis est, & genus hominis. At uero homo animalis ratione utentis est ille quidem species, sed hominum singulorum est species tantummodo, non etiam genus. Ita quicquid ante indiuidua proximè dicitur, id omne non generis, sed modò speciei nomen obtinet. Ut igitur substantia quæ in summo sita est, propterea summū genus habetur, quod genus est nullū ea antiquius: sic homo quia species est, qua nulla sit posterior, & quia nō est natura quæ in species & formas diuidi queat, sed in sola indiuidua (indiuiduum enim est Socrates, itēque Plato, & hoc quod album est) ob eam causam in speciei numero modò, & ultimæ, atque, ut diximus, infimæ non etiā generis, habetur. At uerò quæ in me-

INSTITVTIONES

dio locata sunt, superiorum species & forma, posteriorū ge-
 nera dicuntur. Itaque duæ ex his comparationes affectiones-
 que ducuntur: una, qua ad superiora affecta sunt, ex qua eo-
 rum forma speciesque appellantur: altera, qua ad inferiora,
 ex qua eorum genera nominantur. Summa autē & ex-
 trema uno modo solum cōparantur. Genus enim principale,
 cum sit summū omnium, ad ea affectū est quæ complectitur:
 ad ea autem quæ eo antiquiora sunt, quoniam summum est
 primūque principium, atque id, ut diximus, cuius nullum
 esse genus ullo modo potest, ad ea, inquam, nullo modo affe-
 ctum est. Atque etiam infima species unam comparationem
 habet, eam qua superiora & priora respicit, quorum species
 est: itēque eam, qua cum inferioribus confertur nō diuer-
 sam, siquidē indiuiduorum etiā species nominatur. Sed in-
 diuiduorum propterea species dicitur, quod ea cōplectitur:
 eorum autem quæ superiora sunt, species etiam dicitur, sed
 quod eam illa continent. Primum quidem genus definiunt
 hoc modo, Quod cū genus sit, non est species. Item hoc mo-
 do, Cuius genus aliud esse nullum potest. Speciem autem ul-
 timam hoc modo, Quod sic species est, ut nō etiam genus sit.
 Item, Quod ita species est, ut in species diuidi nullo modo
 queat. Item hoc modo, Quod de multis iisque numero diffe-
 rentibus dicitur, cum rei natura quarendo inuestigatur.
 Quæ autem inter extrema interiecta sunt, ὑπάρχοντα ge-
 nera ac species nominant, unumquodque eorum ponunt
 esse genus & speciem, sed si ad aliud & aliud compareretur.
 Nam ea omnia quæ superiora sunt & antiquiora ultima
 specie, ascendendo usque ad summum genus ὑπάρχοντα ge-
 nera & species uocantur. Vt Agamemnon, Atrides, Pelo-
 pides

pides, Tantalides, & extremum Iouis. Et in ortus quidem & familiarū descriptione ad unum fere initium & quasi caput, uerbi gratia ad Iouem, cetera referunt. Generum autem & formarum non est eadem ratio: propterea quod id quod est, non est cōmune genus omnium: nec omnia quæ sunt, ut placet Aristoteli, ad unū primū genus caputque referuntur, sed ponenda sunt, ut ipse in Categoriis docet, decem prima genera, quasi decem initia & capita rerum. Nam si quis omnia esse dicat, ambiguè, inquit, non una ratione appellabit. Si enim id quod est, commune genus esset omnium rerum, una ratione ac modo esse dicerentur. Cum uerò sint decem prima, nominis est solum, non etiam rationis quæ nomini constituta est, societas & communio. Ac prima quidē decem sunt: formarum autem infimarum certus est numerus, non infinitus: indiuiduorum, quæ formas ultimas sequuntur, infinitior. Quocirca iubeat Plato eos qui à summis generibus ad infimas species descendissent, insistere: descendere autem per media iis differentiis quæ speciem complent, diuidendo: indiuidua uero omittere omnino, quod scientia comprehendendi nullo modo possent. Ac eos quidem qui descendunt ad infimas species, necesse est multitudinem dispartiendo decurrere: qui autem ad summa nituntur genera, in unum multitudinem concludant necesse est. Nam cum species, tum genus uel multo etiam magis, multa in unam naturam colligit. Singula autem res contrā, unum in multa partiuntur. Nam & speciei communione ac societate unum efficitur ex multis, & singulorum natura, ex una & communi re, multa fiunt. Ut enim res singule diuidenti, sic quod commune est, uim comprehendendi efficien-

INSTITVTIONES

dique unum habet. Sed cum quid genus esset, quid species,
 explicatum sit à nobis, cùmque unum genus sit, species mul-
 ta (semper enim in multas partes genus diuiditur) genus
 quidem semper de specie dicitur, & superiora omnia de in-
 ferioribus: species autem neque de genere proximo, neque de
 superioribus ullis dicitur, quòd non reciprocetur. Aut enim
 paria de paribus dici oportet, ut quod ad binniendū aptum
 est, de equo: aut maiora de minoribus, ut de homine animal.
 At minora de maioribus dici non conuenit. Neque enim ut
 hominē esse animal dicis, sic animal esse hominem recte pos-
 sis dicere. In quibus autem species dicitur, in iis etiam speciei
 genus, & generis genus ad primum usque dicetur necessa-
 rio. Si enim uerè dicitur Socrates esse homo, & homo ani-
 mal, animalque substātia: uerè etiā Socrates dicitur esse ani-
 mal & substātia. Quādo enim superiora de inferioribus di-
 cuntur, & species de indiuiduo, & genus de specie indiui-
 duoque dicitur. Summum etiam genus tum de genere dici-
 tur, aut de generibus si multa sunt media, tū de specie, tum
 de indiuiduo. Nam & summum genus de omnibus generi-
 bus, formis, indiuiduisque, quæ ei subiecta sunt, dicitur: &
 genus quod infima specie prius antiquiūque est, de omnibus
 formis infimis & indiuiduis. Quæ autem species est modò,
 de indiuiduis omnibus, & indiuiduum de uno solum singu-
 lorū: indiuiduum autem Socrates dicitur, & hoc quod albū
 est, & hic qui accedit Sophronisci filius, si modo Socratē so-
 lum filium habeat. Quæ indiuidua nominantur ex eo, quòd
 ex proprietatibus suis quicque cōstat, quæ omnes in alio eā-
 dem esse nullo modo possunt. Socratis enim proprietates nū-
 quam in alio eadem esse possunt: at hominis communis &
 uniuerſi

uniuersi proprietates, eadē esse possunt in multis, aut potius in omnibus singulis, quia homines sint. Quare & indiuiduū à specie, & species à genere continetur: quippe cum genus quiddā totū sit, pars indiuiduum, species partim pars, partim totū: ita tamen ut pars sit alterius, totū nō alterius, sed in alijs sit. Siquidē totum in partibus inest. Ac de genere quidem & specie, quidque sit summum genus, quid infima species, quāq; eadem genera sint & species, quae indiuidua, quōtque modis genus & species dicantur, diximus.

De differentia. 3.

Differentia autem communiter, proprie & maximē proprie dicitur. Aliud enim ab alio differre communiter dicitur, quòd sumpto undecunque discrimine uel à se differt, uel ab altero. Nam inter Socratem & Platonem interest aliquid: & à se ipse differt Socrates cū puer est, & cū in media aetate: cū quid agit & cum nihil. Idque genus differentia semper in discriminibus spectatur ijs, in quibus rei modus & affectio consistit. Proprie autē inter aliqua interest, cum alia affectio uel accidens, id quod elui funditus nō potest, dissimilitudinē facit. Est autem affectio quae separari nō potest, qualis est cecitas oculorum, nasi aduinitas, aut cicatrix quae ex uulnere quasi callum obduruit. Ea autem maximē proprie inter se differunt, quae differentia distant ea quae speciei est efficiēs. uelut, hoc homo equo praestat, quòd est rationis particeps. Omnino igitur differentia omnis eum in quo sit diuersum ab altero facit. Sed hoc interest, quòd communis & propria dissimilem: ea autem quae est propria maximē, omnino aliū eum in quo insit, efficit: ita sit, ut quae aliū efficiunt eum, in quo sita sunt, ea speciei efficientes appellen-

INSTITVTIONES

tur: quæ autem dissimilem, omnino differentia. Nam & rationis particeps, si ad animal addatur, id ad aliud genus transferet, speciemque animalis conficiet: at motus tantummodo ei dissimilem facit qui non mouetur. Ita differentia illa ad aliud genus animal transtulit, hæc modò dissimiles inter se res facit. Ac iis quidè differentius quæ aliud genus efficiunt, & genera in partes diuiduntur, & conficiuntur definitiones, quoniã ex generibus & differentiis omnis cõstat cõfici-
tũrque definitio. Ex iis autè quæ dissimiles modò efficiunt uarietates solum & cõmutationes oriũtur. Ergo ut paulò alius repetã, illud quidè iã perspicuũ est, differentias aliàs separari posse ab eo in quo sint, aliàs non posse. quãdoquidè moueri, stare, agrotare, ualere, & cetera eiusdè generis, separari possunt: adũcitas autè nasi, & nariũ, ut ita dicã, similitas, & particeps experisq; rationis, euelli distrahique non possunt. Sed earũ quæ seiũgi nõ possunt aliqua distinctio est. Alia enim ex se & ui sua cõueniũt rebus, alia casu & fortuitò. Nã homini per se cõuenit rationis particeps & mortalis, & quod aptũ animũ habet ad percipiendam scientiã: adũcitas autè & sima nares, temere & casu, nõ ui sua. Quocirca quæ per se insunt, eæ in definitione qua rei uis & natura explicatur, adhibentur, iisq; res alia efficitur: at quæ forte temere, nec ad definitionẽ eius generis addũtur, nec aliã rem faciunt, sed modò dissimilem. Deinde quæ ui sua & per se rei conueniũt, nec amplificari, nec minui possunt. quæ casu etiam si separari non possunt, tamen & contentionem capiunt & remissionem. Nam nec genus de formis suis cum dicitur, illas magis & minus sibi adiũgi patitur, nec differentia generis, quibus diuiditur in partes: cũ præsertim ex his
definitio

definitio cuiusque perficiatur, & rei nullius uis & natura, quæ una eadēque est, imminui possit, nec amplificari. At uerò aduncis simisque naribus magis & minus esse, & colore aliquo quis leuiter uel multum infici imbuique potest. Iam ergo cum tria differentium genera esse perspiciamus, & alia, quæ abesse possunt, alia quæ nō possunt: rursumque eorum quæ abesse non possunt, quædam quæ ui naturæque sua adsunt, nonnulla quæ casu & fortuito. Rursus ex iis differentibus quæ per se inhaerent, alia sunt, quibus genera in partes & formas diuidimus: alia, quæ speciem efficiant. Velut quoniam animalis per se differentie hæ sunt, animatum, sensus, rationisque particeps, & expers rationis mortale & immortale: hæ quidem duæ differentie animatum & sensus particeps, animalis uim naturæque ac speciem absoluit: (Est enim animal nihil aliud, quam natura animata, sensus compos) hæ autem, mortale & immortale, rationis particeps & rationis expers, genus in partes diuidit: his enim in formas & species genera partimur. Sed quæ genera dispartunt, eadem formas speciesque complent, cum præsertim his differentiis, particeps rationis, & expers rationis: mortale, & immortale, animal distribuatur in partes: ita tamen ut particeps rationis & mortale, hominis: particeps rationis & immortale, Deorum: expers rationis & mortale, beluarum genus compleat. Eadēque ratione cum summa substantia differentie diuidentes hæ sint, animatum, inanimatum, sensus particeps, sensus expers: ex his duæ illæ animatum & sensus particeps ad substantiam additæ, animal complent: hæ autem animatum & sensus expers, plantam. Quoniam igitur hæ omnes uno modo sumptæ & intellectæ

INSTITVTIONES

efficiētes sunt formarum, alio modo diuidentes, factum est ut procreatrices formarum omnes sint appellatae: quarum quidē in generum diuisionibus, rerūque naturis definiedo explanādus usus est maximus. at earum quae ut casu & fortuito conueniant separari non possunt, non item: ac earū multo etiam minor, quae abesse possunt. Has autem definiūt hoc modo, Differentia est qua forma & species genus superat. Homo enim ratione & mortalitate uincit animal. nam animal nullam omnino earum continere, non est uerū: unde enim forma differentias haberent? neque uero omnes habet contrarias, quoniam isto pacto eadem res simul contrarias formas haberet: sed ui sua in se differentias qua eis subiecta sunt, genera complectuntur, re uera & actu nullā. Ita fit, ut nec quippiā ex iis qua nulla sunt, fiat: nec in eodem fini simul forma cōtraria. Atque etiam hoc modo eam definiunt, Differentia est quae de multis, specie autem differentibus, in quaestione qua quale quid sit indagatur, dicitur. Nam rationis particeps, & mortale de homine dicūtur, sed in quaestione qua quale quicque sit, nō in ea qua quid quicque sit, quaritur. Cum enim quid sit homo, interrogamur, aptè respondemus, animal: cum uero quale sit animal rogamur, particeps rationis & mortale rectè respōdeamus. Nā res omnes ex materia & specie constant, aut ex iis qua proportionē materiae & speciei dicūtur. Vt enim statua ex aeris materia sit, & ex figura tanquam ex specie: sic homo & communis & sub ratione speciei, ex genere proportionē materiae, & ex differentia proportionē speciei efficitur. Atque ut illic totum quiddam est statua, sic hic animal rationis particeps mortale, homo: Definiunt eam etiam hoc modo,

do,

do. Differentia id est, quod uim habet ad ea secernenda quæ subiecta sunt sub idem genus. Rationis enim particeps, & expers rationis hominem equumque, qui eidem generi quod est animal, subiecti sunt, inter se distinguit, & separat. Et hoc modo, Differentia est, quo quicque distinguitur. Neque enim genere inter se homo & equus differunt, quod & nos & equi sumus animantes: sed particeps rationis cum accessit, nos ab illis separauit. Item rationis participes sumus nos quidem & angeli: sed cum additum fuit mortale, nos ab illis distinxit. Sed illud intelligi par est, eos qui accuratius & subtilius differentia perspiciunt ac persequuntur rationem, non quiduis eorum quæ separant, omnia quæ eidem generi tributa sunt, in differentiarum numero habere, sed quod ad rem eiusque uim & naturam aperiendam pertineat, quodque sit pars rei. Non enim aptum esse ad nauigandum differentia hominis est, etiam si hominis sit proprium. Dicamus enim licet, animantium alios aptos esse ad nauigandum, alios non esse, hominem ab aliis separantes: sed tamen aptum esse ad nauigandum non explet naturam hominis, nec eius pars est, uerum consequens naturæ uis quadam: quod non sit differentia talis, quales sunt eæ, quas efficientes formarum appellauimus. Quamobrem differentia procreatrices specierum sunt omnes quæ species inter se distinguunt, quæque in rei natura explananda adhibentur. Ac de differentia quidem satis fere dictum est.

De proprio. 4.

Proprium autem diuidunt quadripartitum. Nam & quod uni soli speciei, neque toti cōuenit, ut homini mederi, uel geometræ fungi munere, proprium appellant: & quod toti speciei &

INSTITVTIONES

si non soli, uelut, homini bipedem esse: & quod in sola totaque specie, idque interdum reperitur, ut omni homini in senectute canescere: & quartum id, in quod hæc omnia concurrunt & conueniunt, quod in sola totaque specie, idque semper intelligitur, ut in homine, natū esse ad risum. Quāquā enim nōn ridet semper, tamen ridens dicitur: non quòd semper rideat, sed quòd semper insitam habeat ridēdi facultatem. Quod ei aequè naturale est, atq; equo aptum esse ad hinnitum. Atque hæc illi propria maxime appellant, quòd reciprocentur. Si enim equus sit, etiam aptus erit ad hinniendum: & si quid aptum sit ad hinniendum, cōtinuò equus sit, necesse est.

De accidente. 5.

Accidens uerò, est quod adest & abest sine eius rei in qua situm est, interitū. Cuius genera duo sunt: alterum, quod separari potest: alterum, quod non potest. Ac dormire quidem in iis est quæ separari possunt: nigror sic in coruo & Aethiope inest, ut separari non possit. Potest enim & coruus albus & Aethiops intelligi mutato colore, sine interitū rei cui inhaeret. Diffiniunt illud etiam hoc modo, Accidens est quod & inesse in eadem re, & non inesse potest. Item, Quod nec genus est, nec differentia, nec species, nec proprium, semperque in subiecta re inhaeret. Expositis his omnibus quæ nobis proposita erant ad dicendum, uelut quid genus esset, quid species, quid differentia, proprium & accidens: iam quid commune inter se habeant, quid proprium, differamus.

De cōmunitatibus & differentiis quinque uocum.

Commune est quidem omnium, ut dixi, de multis dici: sed ita tamen, ut genus ac differentia de formis & indiuiduis, quæ sunt

sunt eis subiecta, dicatur: species autem, de suis indiuiduis, propriū de specie, cuius sit proprium, & de indiuiduis, quæ species subiecta sint: accidēs, & de formis, & de indiuiduis. Nam animal de equo & boue, quæ species sunt, & de hoc equo & hoc boue, quæ sunt indiuidua, dicitur. Rationis autem expers tum de equo ac boue, tum de singulis dicitur. Sed species, qualis est homo, de singulis hominibus modò dicitur. At proprium & de specie cuius est proprium, & de indiuiduis illi speciei subiectis dicitur. Vt quod aptum est ad risum, de homine, & de hominibus singulis. Quod uerò nigrū est, de specie coruorum, & de singulis coruis, quoniam accidens est quod separari non potest, dicitur: & moueri, quod accidens est quod potest separari, de homine equoque dicitur: sed ita, ut primum de indiuiduis, secūdo autem loco de iis etiam quæ indiuidua continent.

De communitatibus & differentiis generis & differentia. 6.

Communis est autem generi cum differentia, formarum complexio. Differentia enim species complectitur, & si non omnes quas genus. Particeps enim rationis & si non continet ea quæ sunt expertia rationis, ut animal: at certè hominem & angelum qui species sunt, continet. Quæque de genere, quia genus sit, dicuntur, omnia de formis iis quæ illi subiectæ sunt, dicantur necesse est. Sicuti quæ de differentia ut differentia est, dicuntur, eadem etiam de specie quam illa efficit, dicuntur. Nā quoniam animal genus est, de eo quasi genere dicitur esētia, & quod animatū est, & quod sensū habet. Quinetiā de formis omnibus quæ animali subiectæ sunt, hæc ipsa usque ad indiuidua dicuntur. Quoniamq; particeps

INSTITVTIONES

rationis differentia est, de eo differentiae nomine dicetur id quod ratione utitur, nec de eo solum quod est particeps rationis, sed de iis etiam formis, quas id, quod rationis est particeps, complectitur. Hoc etiam commune illorum est, quod generibus differentiisque sublati, tolluntur una ea omnia quae illis subiecta sunt. Ut enim si nullum sit animal, nec equus est nec homo: sic si nihil sit rationis particeps, animal quod ratione utatur, constare nullo modo potest. Proprium autem generis est, in pluribus dici quam differentiam, quam speciem, quam proprium, quam accidens. Cum enim animal in homine, equo, aue, & angue dicatur, tamen quadrupes de iis tantum quae quatuor pedes habet, & homo in solis indiuiduis, quod ad hinnitum natum est, in solo equo, & singulis. Itemque accidens in paucioribus dicitur. Sumendae autem sunt differentiae, quibus genera in partes diuiduntur, non quae generis uim naturamque complet. Deinde differentiam genus uel sua continet, quandoquidem animalium aliud rationis particeps, aliud expers: differentia autem non continet genus. Tum antiquiora prioraque sunt genera iis differentiis, quae illis subiecta sunt. Itaque si tollantur, tollunt differentias, nec ab illis una tolluntur. Sublatis enim animantibus, rationis copotibus & experitibus nihil loci relinquitur. At uero genera non tollunt differentia. ut enim omnes tollantur, tamen substantia animata, sensus copos, quod animal est, mente & cogitatione intelligitur. Praeterea genus in quaestione qua natura rei inuestigatur, dicitur: differentia in quaestione ut dixi, qualitatis. Genus etiam in quaque forma & specie unum est, ut in homine genus est animal, differentia multa, ut quod rationis est particeps, quod mortale, quod ad mentem & scientiam percipiendam

dam natum est, quibus à cæteris animantibus distinguitur. Postremo genus materia simile est forma differentia. Multa sunt præterea quæ generis differentiaque propria sunt & communia, sed hæc satis multa sunt.

De cõmunitatibus & differentijs generis & proprij. 7. Genus quidem & species communem habent eam dicendi rationem, qua in multis, ut dixi, reperiuntur. In quo speciem illam intellectam uolo, qua species modo est non etiam genus, cum accidit speciem atque genus esse. Hoc etiam illorum cõmune est, quòd priora sunt ijs de quibus dicuntur, & quòd utrumque quiddã totum est. Sed hoc differunt, quòd genus species complectitur: species continentur, nec genera continent: quippe cum in pluribus genus, quàm forma dicatur. Præterea genera præponi oportet quæ differentiis iis, quas efficientes formarum diximus, quasi efformata, species compleant & absoluant. Itaque priora sunt naturæ ordine genera, tolluntque, neque tolluntur. Si enim sit species, genus etiã omnino est: at si genus sit, nõ continuo species est. Genera etiam una ratione de omnibus formis quæ ei subiecta sunt, dicuntur, formæ de generibus non item. Iam hoc superant formas genera, quòd formas complectuntur: formæ autem genera, quòd proprias differentias. Præterea nec species summum, nec genus infimum locum obtinere potest. Generi cum proprio hoc commune est, quòd species sequuntur. Ut enim si quid sit homo, idem animal: sic si quid sit homo, continuo ad risum aptum sit, necesse est. Illud etiam, quòd æquè genus de formis dicitur, atque proprium de ijs indiuiduis quæ ipsum participant. Aequè enim homo & bos animantes sunt, & Anytus & Melitus æquè apti ad risum. Atque etiam illud

INSTITVTIONES

commune est, quòd una ratione & genus de suis formis, & proprium de iis quorum proprium est, dicitur. Inter ea autem interest, quòd genus prius est, posterius proprium. Primum enim animal esse debet, deinde differētius propriisq̃e distingi ac diuidi. Et genus quidē de multis formis dicitur, proprium autem de una aliqua forma cuius sit proprium. Præterea proprium uicissim comineat retrò, cū de eo dicitur, cuius est proprium, at genus de nullo uicissim dicitur. Nō enim si quid sit animal, id cōtinuò sit homo: neq; si quid animal, idcirco aptum sit ad risum: sin aliquid sit homo, cōtinuò etiam aptum animum ad risum habeat, necesse est: uicissimq̃e si quid aptum animum ad risum habeat, homo. Præterea inest proprium in tota specie cuius proprium est, & in sola ea, idq̃e semper: genus uerò etsi in tota specie cuius genus est, & semper, attamē non in sola ea reperitur. Præterea si propria tollantur, non etiam genera secum unā tollūt: cū interim sublati generibus, forma ea, quarū sint propria, constare nullo modo possunt: Ita sublati iis, quorū sunt propria, ipsa etiam tollantur necesse est.

De cōmunitatibus & differētibus generis & accidentis. 8.
 Communis est generi cum accidente, de multis, ut dixi, dicendi ratio, siue in iis sit accidentibus quæ separari possunt, siue in iis quæ non possunt. Nam & moueri in multis dicitur, & quod nigrum est, in coruis & Aethiopiis, aliisque nonnullis quæ sine animis sunt. Hoc autem inter genus accidensq̃e interest, quòd genus formis prius sit & antiquius, accidentia posteriora formis. Ut enim accidens statuatur id quod abesse non potest, certè id accidente prius est, cui inheret: hoc etiam, quòd æquē genere participant ea, quæ illo participant,

cupant, accideus non æquè. Contentionem enim remissionem-
que capit accidentium communio, generum non item. Item,
quòd primum in indiuiduis accidentia inhaerent, genera &
species naturæ ordine priora sunt indiuiduis substantiis. Et
quòd genera in quaestione naturæ de iis quæ illis subiecta
sunt, dicuntur: accidentia uero in quaestione qualitatis uel mo-
di cuiusuis rei. Si enim rogatus fueris qualis sit Aethiops, ni-
grum esse respondebis: aut quomodo affectus sit Socrates, agro-
tare eum, uel ualere dices. Ac genus quidē quid à cæteris qua-
tuor differat, diximus. Vnumquodque autē eorū à quatuor
cæteris etiā differre uidebitur. ita cum quinque sint, & u-
numquodque à cæteris quatuor distet, effici uidetur, ut qua-
ter quinque ducta, uiginti differentias omnes expleant. Nō
ita est, sed quoniā semper enumeratur deinceps, ex duobus-
que una differentia, quia iā sumpta est, relinquitur: ex tri-
bus dua, ex quatuor tres, ex quinque quatuor colliguntur
differentia: profectò ex quatuor, tribus, duabus, & una, decē
fiunt. Nā quoniā quid genus à differentia, quid à specie, quid
à proprio & accidente differret, dictum est, idcirco quatuor
hinc oriuntur differentia. Quid autē differentia à genere dif-
ferret, tum dixi, cum quid ab ea differret genus, ostēdi. Reli-
quū est igitur, ut quid à specie, proprio, & accidente differat,
doccamus, ex quo tres nascuntur. Rursum quid species à dif-
ferentia interesset, dixi, cum quid differentia à specie dista-
ret, dicerem. quid etiam differret à genere species, docui,
cum quid genus à specie differret, docerem. Ita restat, ut
quid species à proprio & accidente differat, disseramus: quæ
dua fient differentia. Illud tādē ad disputandū relinquitur,
quid inter propriū intersit & accidēs. quandoquidē quid à

INSTITVTIONES

specie, quid à differētia & genere differret antè docui, cū eorum inter se differentiam traderem. Si ergo quatuor generis, differentia tres, speciei & caterorum dua distinctio- nes in unum conferantur, si denique propriū ab accidente u- na, certè ex omnibus decem fient: quarum quidem quatuor generis & caterorum iam ostendimus.

De cōunitatibus & differētijs speciei & differētia. 9
Communis igitur differentia cum forma, par aquaque commu- nio est. Singuli enim homines aquè participes sunt hominis differentiaque rationis, ex qua participes rationis nominā- tur. Hoc etiam eis commune est, quod semper adsunt iis, qui- bus ipsorum conuenit communicatio. Semper enim Socra- tes & rationis est particeps & homo. Proprium autem dif- ferentia est, in quaestione dici qua quale quicque sit, speciei uerò in ea qua quid quicq; sit, quaritur. Nam si homo qua- litate aliqua affectus sumatur & intelligatur, non omni- no qualis sit, sed quia differentia generi accommodata eum talem fecerint. Iam in multis formis sepe differentia cerni- tur. uelut quadrupes in pluribus animantibus specie diffe- rentibus: species autem sola indiuidua quæ sub specie sub- iecta sunt, cōplectitur. prater ea prior est differentia ea spe- cie quæ ex ipsa nominatur. quandoquidem sublato eo quod rationis est particeps, homo constare nullo modo potest: at ho- mine sublato, quod rationis est particeps, minimè tollitur, cū angelus cohareat. Prater ea coniungitur differentia cum alia differentia. Siquidem quod rationis est particeps, quòdque mortale, in uim naturamque hominis conclu- duntur. Species autem cum specie non copulatur, ut aliud inde genus oriatur. Equam enim quandam si certus asinus contrectet,

contrectet, inde mula nascetur: at si omnino equam asinus contrectet, nunquam mulam possit gignere.

De communitatibus & differentijs proprij & differentia. 10.

Differentia autem cum proprio hoc commune est, quod aequè illis participant ea, quibus cum communicantur. Aequè enim id omne quod particeps est rationis, est compos rationis: & quæ nata sunt ad risum, aequè nata sunt omnia. Illud etiam ijs commune est, & semper convenire & omnibus quæ cōtinent. Quanvis enim animal bipes debilitatum quid habeat, ad id certè ad quod natum est, semper accommodabitur. Et id quod ad risum natum est, etiamsi nō rideat semper, tamen ex eo ad quod natum est, semper intelligitur. Differentia autem proprium est plerunque in multis formis contineri, ut rationis particeps in angelo & homine dicitur. Proprium autem in una specie cuius est proprium. Et differentia quidem ex ijs consequens est, quorum differentia, & si id uicissim retro non commeet. Proprium autem uicissim etiam retro commeet, quod reciprocetur ipsum, & ea quorum proprium est.

De communitatibus & differentijs accidentis & differentia. 11.

Hoc differentia cum accidenti commune est, quod in multis dicuntur. Cum eo etiam quod separari non potest, illud commune est differentia, quod semper & omnibus quæ complectuntur, conveniunt. Nam bipes semper homini convenit, & nigror corvis omnibus. Sed hoc differunt, quod formas differentia continet, nec cōtinetur. (Nam & angelum & hominem particeps rationis cōplectitur) accidens uerò

quodāmodo completitur, quia sit in multis: quodāmodo cō-
 tinetur, quòd non unū aliquod accidens, sed multa recipiāt
 ea, quibus inherere solent. Præterea nec intendi differentia,
 nec remitti potest: at accidentia & intentionem capiunt &
 remissionem. Cūque contraria differentia misceri iungi-
 que inter se non possint, tamen contraria sæpe accidentia cō-
 iunguntur. Ac differentia quidē & aliorum hæ sunt com-
 munitates ac proprietates. Species autem quid à genere dif-
 ferret, & differentia, dictum est, tum, cū quid genus & dif-
 ferentia à cæteris distaret, ostendimus. Restat ut quid à
 proprio & accidente intersit, dicamus.

De differentiis & cōmunitatibus speciei & proprii. 12.
 Hoc igitur speciei cum proprio commune est, quòd inter se reci-
 procatur. Nam si quid homo sit, etiam aptum ad risum erit:
 & si quid aptum ad risum sit, homo. Nā sæpe diximus, quod
 aptum est ad risum, ex eo, quòd natum sit ad risum, intelli-
 gendum esse. Atque etiam illud commune est, quòd æquè con-
 ueniunt. Aequè enim & species insunt in ijs quibus cum cō-
 municantur, & propria in ijs quorum sunt propria. Hoc ue-
 rò differunt, quòd species, aliorum esse genus potest, propriū
 aliorum proprium esse non potest: quòdque species antè co-
 hæret quàm proprium, propriū speciei innascitur. Sit enim
 homo necesse est, ut sit aptus ad risum. Cūque species sem-
 per in subiecta re insit re ipsa, proprium interdum potentia
 inest, atque interdum solum adesse potest. Homo enim sem-
 per est Socrates, non semper ridet, quanquam semper ad ri-
 sum aptum animum habeat. Præterea quorum definitiones
 diuersæ sunt, ea inter se differunt. Cūque speciei sit, subesse
 generi, de multisque dici in quæstione qua rei natura qua-
 ritur,

ritur, quæque sunt eiusdem generis: proprij est uni alicui, ei-
que omni semperque convenire.

De communitatibus & differentiis spe-
ciei & accidentis. 13.

Hoc autem commune speciei cum accidente est, quòd in multis
dicuntur. Rarè autem sunt aliæ communitates, quòd id quod
accidit, & id cui quid accidit, distent inter se plurimū. Pro-
prium autem speciei est, in quaestione qua quid quicque sit
quaeritur, de ijs dici quorum est species: accidentis autem in
ea qua quale quid sit, aut quomodo affectum sit. Illud etiam
speciei proprium est, quòd uniuscuiusque rei natura unius
est formæ particeps: accidētis, quòd multorum accidētium,
& eorum quæ separari possunt, & eorum quæ nō possunt.
Præterea species antè intelliguntur quàm accidentia, etiam
si nō possint seiungi, (rem enim subiici oportet, ut ei quid ac-
cidat) accidentia uero posterius nascuntur, habentque na-
turam suam omnem in substantia coherentem. Speciei etiā
æqua est pârque cōmunio, accidētium etiam eorum quæ se-
iungi non possunt, non item. Quoniā Aethiops alijs alio co-
lore nigro potest magis minúsque imbui & infici. Nunc su-
perest ut de pprio & accidēte differamus. Quid enim pro-
priū à specie, quid à differētia & genere differret, diximus.

De communitatibus & differentijs proprij
& accidentis. 14.

Cōmune est illud proprio cum accidenti indiscreto, quòd illa in
quibus cernuntur, constare sine ipsis nullo modo possunt. Ut
enim constare homo sine eo non potest, quòd ad risum aptū
sit: sic esse sine nigro colore Aethiops nullo pacto potest. Et
quemadmodum in ijs omnibus, quorum est proprium, &

INSTITVTIONES

semper inest proprium: ita accidens quod seiungi non potest. Hoc uerò differunt, quòd proprium uni modò speciei conuenit, uelut homini id quod ad risum aptum est: accidens autè quòd seiungi non potest, uelut niger, non solùm Aethiopi conuenit, sed coruo etiam, & carboni, & ebreno, aliisque nonnullis. Iam proprium, & id cuius est proprium reciprocatur, in omnibusque aequè inest proprium: accidens autem id quod separari non potest, non reciprocatur. Propriorum etiam aqua est pârque communio: accidentium alia maior, alia minor. Sunt præterea alia multa cõmunitates & proprietates eorum omnium quæ adhuc commemorauimus, sed hæc satis multa sunt ad ea discernenda, eorumque inter se comprobandas communitates.

CAPITA.

De genere.	cap. 1. fol. 3.	De communitatibus & differentiis speciei & differentie. cap. 9.
De specie.	cap. 2. fol. 4.	De cõmunitatibus & differentiis proprii & differentie. c. 10. f. 13
De differentia.	cap. 3. fol. 7.	De cõmunitatibus & differentiis accidentis & differentie. ca. 11. f. 13
De proprio.	cap. 4. fol. 9.	De differentiis & cõmunitatibus speciei & proprii. ca. 12. f. 13
De accidente.	cap. 5. fol. 9.	De communitatibus & differentiis speciei & accidentis. ca. 13. f. 14.
De communitatibus & differentiis generis & differentie. ca. 6 fol. 10.		De communitatibus & differentiis proprii & accidentis. ca. 14. fo. 14.
De cõmunitatibus & differentiis generis & proprii. cap. 7. fol. 11		
De communitatibus & differentiis generis & accidentis. cap. 8. fo. 11.		

FINIS.

ARISTOTELIS
CATEGORIAE,

Ioachimo Perionio interprete, per N. Grou-
chium correctæ & emendatæ.

LVTETIAE,

Ex officina Michaelis Vascoſani, uia Iacobæa
ad inſigne Fontis.

M. D. LI.

CVM PRIVILEGIO.



ARISTOTELIS STAGIRITAE

Categoria, interprete Ioachimo Perionio Benedi-
ctino Cormariaceno.



Quia dicuntur, quorum nomen solum cō-
mune est, definitio autem naturæ, nomini cō-
gruens, alia atque alia. Ut animal, id quod
homo est, & depictum animal. Hæc enim no-
minis tantummodo societate coniuncta, definitione ea quæ
naturam eorum, uimque nominis explicat, differunt. Si quis
enim quæ sit utriusque eorum natura, quia animalia sint,
dicat, utriusque propriam constituet definitionem.

Synonyma autem dicuntur, quorum & nomen commu-
ne est, & eadem nomini attributa naturæ definitio, ut a-
nimal, id quod homo est, & id quod est bos. Nam & ani-
mal communi nomine eorum utrumq; appellatur, & ea-
dem est quæ naturæ explicat, definitio. Etenim si quis red-
dat definitionem quæ quid sit utrunque, quatenus anima-
lia sunt, explicet, certè eandem attribuet utrique. Parony-
ma autem uocantur ea, quæ orta ab uno uariè commutan-
tur, ut à grammatica grammaticus: fortis à fortitudine.

Eorū quæ dicuntur partim coniuncta sunt, partim sim-
plicia. Ac coniuncta quidem, ut homo currit, homo uincit.
Simplicia sunt, homo, bos, currit, uincit.

Eorum quæ sunt, alia de subiecto aliquo dicuntur, nec in
subiecto insunt ullo, ut homo: de subiecto enim dicitur quo-
piam homine, in subiecto autem nullo inest. Alia in sub-
iecto sunt illa quidē, sed de subiecto nullo dicuntur. In sub-
iecta autem re esse dico id, quod in re aliqua inest, non tan-

quam pars, nec ab eo cui inest seungi separarique potest. Veluti grammatica aliqua in subiecto inest animo, sed de subiecto nullo dicitur. Eodémque modo hic uel ille cādor, est ille quidem in subiecto corpore (est enim in corpore color omnis) attamen de nullo subiecto dicitur. Quædam & de subiecto dicuntur, & sunt in subiecto, ut scientia in subiecto animo inest, ac de subiecta grammatica dicitur. Nonnulla nec in subiecto sita sunt, nec de subiecto dicuntur ullo, ut singuli homines, ut singuli equi. Nihil enim eius generis neq; in subiecto est, neque de subiecto ullo dicitur. Omnino autem & indiuidua, & res singula de subiecto nullo illa quidem dicuntur, sed eorum nonnulla in subiecto esse nihil prohibet. Nam grammatica singulis sunt in iis, quæ in subiecto insunt, nec de subiecto ullo dicuntur. Cum alterum de altero tanquam de subiecto dicitur, quicquid de prædicato dicitur, id omne de subiecto quoque dicitur. Veluti quia homo de quopiam homine dicitur, & animal de homine: ob eam etiam causam animal de singulis hominibus dicitur. Singuli enim homines & homines sunt & animalia. Quando genera diuersa sunt, nec unum ab altero continentur, eorum etiam differentia specie differunt, ut animalis & scientia. Animalis enim differentia sunt, terrenū & bipes, & uolucres, & aquatile: at uero harū nulla scientia est. Quoniā inter scientiā & scientiā hoc ipso quod bipes sit, nihil interest. Eorū autem generū, quorū unū altero continentur, nihil prohibet easdem esse differentias. Nam superiora genera de iis quæ iis subiecta sunt generibus dicuntur. Ita fit, ut omnes quæ sunt prædicati, subiecti etiam sint futuræ differentia. Quæ autem simplicia sunt, ea uel substan

tiam

tiam significant, uel quantitatem, uel qualitatem, uel quæ cum aliquo comparantur, uel locū, uel tempus, uel situm, uel habere, uel facere, uel pati. Est autem substantia, ut populariter dicā, ut homo, ut equus. Quantitas, ut quod duorum cubitorū est, quoddamque trium. Qualitas, ut candor, grāmatica. Quæ cum aliquo cōparantur, ut duplū, ut simplū, ut maius. An loco, ut in foro, in Lycio. In tēpore, ut cras, anno superiore. Situm esse, ut iacere, ut sedere. Habere, ut armatū esse, uestitum esse. Facere, ut secare, urere. Pati, ut secari, uri. Nihil autē eorū quæ enumerata sunt per se affirmationē aut negationē faciunt: sed ex eorū mutua quadā cōiunctione omnis & affirmatio & negatio nascitur. Nā & omnis affirmatio & negatio, aut uera est, aut falsa, & nihil eorum quæ simplicia sunt, non coniuncta, uerum est aut falsum, ut candor, ut currit, ut uincit.

De substantia. 1.

Substantia autem, quæ & propriē & primum, & maximē appellatur, ea est, quæ nec de subiecto ullo dicitur, nec in subiecto ullo inest, ut quidam homo, quidam equus. Secundo autem loco substantia uocantur species eæ, in quibus quæ primæ nominantur natura, insunt. Itēque earum formarum genera, uelut quispiam homo, specie quidem hominis continetur. Speciei autem genus est animal. Hæ igitur secundæ natura substantiæque nominantur, ut homo, ut animal. Perspicuum est autem ex ijs quæ dicta sunt, eorum quæ de subiecto dicuntur, necesse esse, & nomen de subiecto dici, & definitionem, ut homo de subiecto quopiam hominem dicitur, & nomen etiam dicitur. Siquidem quempiam hominem, tu hominem recte appellabis. Atque etiam

hominis de aliquo homine dicetur definitio. Homo enim quisspiā, & homo est, & animal rationis particeps, mortale. Ergo & nomen de subiecto dicetur, & definitio. At uero eorum quæ in subiecto continetur, permulta sunt, quorum neque nomen, neq; definitio de re subiecta dicitur: nõnullorū nomen nihil prohibeat dici de subiecto interdum, etiam si non possit definitio. Veluti candidū cum sit in subiecto corpore, de subiecto dicitur. Candidum enim corpus dicitur. At candidi definitio nunquam de corpore dicitur. Cetera uero omnia uel de primis substantiis subiectis dicuntur, uel in iis subiectis continentur. Quod perspicere exemplis potest, ueluti animal de homine dicitur, de quopiam igitur etiam homine dicitur. Si enim de singulorum hominum nemine, ne de homine quidem dicitur omnino. Rursum inest color in corpore, ergo & in aliquo corpore. Nam si in nullo est singulorum corporum, neque in uniuerso corpore. Ergo hoc iam apparet, reliqua omnia aut de subiectis primis substantiis dici, aut in eis inesse subiectis. Quocirca sublatis primis naturis atque substantiis, nihil loci relinquitur ceteris omnibus. Porro secundarum substantiarum species magis substantia est quàm genus, quoniam ad primam naturam proprius accedit. Si enim quid sit prima essentia quisspiam explicet, planius & id aprius faciat usus specie, quàm si genus adhibuisset: ueluti apertius cuiusdam hominis naturam explicabit, qui hominē esse dicet, quàm qui animal. Est enim magis propria species cuiuspiam hominis, at genus communius. Item si quis quid sit aliqua arborum singularum aperiat, apertius docebit, si arborem dicat esse, quàm si plantam. Iam prima substantia quia ceteris

reris omnibus subiecta sunt, reliquaque omnia de eis dicuntur, aut in eis sunt, idcirco maxime substantia naturaque nominantur. Quam autem habent rationem ad cetera omnia prima essentia, eadem habet species ad genus. Subiicitur enim generi species, quippe cum de specibus genera dicantur, nec species generibus ex hac parte respondeant. Ita fit etiam ex his, ut species magis quam genus nomen obtineat substantiae. At uero species nulla earum quae genera non sunt, magis quam altera substantia est. Nemo enim cuiquam singulorum hominum, nomen hominis adhibebit aptius, quam bonis, cuiusdam bouum singulorum. Similiterque in primis essentiis ac naturis, nihil magis aliud alio substantia est. Neque enim quisquam singulorum hominum, uerius essentia est, quam bos aliquis. Iure autem post primas essentias, species sola ac genera essentia secunda nominantur. Hac enim sola eorum quae dicuntur, quae uis sit primae substantiae explicat atque declarant. Nam si quis uelit explicare quae uis sit & natura cuiuspiam hominis, isque uel speciem afferat uel genus, apte ille quidem fecerit, licet plinius si hominem esse dicat, quam si animal, fecisse uideatur. At si quid ceterorum omnium afferat, alienum id futurum est, & ad eam rem minime accommodatum: ut si candidum eum dicat, uel currere: aut aliud quiduis generis eiusdem. Quapropter ex reliquis rebus omnibus, haec sola merito substantiae uocantur. Praeterea quoniam ceteris omnibus primae substantiae subiecta sunt, quoniamque reliqua de eis omnia dicuntur, uel insunt in ipsis, ob eam causam principales dicuntur substantiae. Quod autem sunt ad cetera omnia primae substantiae, hoc & genera sunt & species primarum sub-

hominis de aliquo homine dicitur definitio. Homo enim quispiā, & homo est, & animal rationis particeps, mortale. Ergo & nomen de subiecto dicitur, & definitio. At uero eorum quæ in subiecto continētur, permulta sunt, quorum neque nomen, neque definitio de re subiecta dicitur: nōnullorū nomen nihil prohibeat dici de subiecto interdum, etiam si non possit definitio. Veluti candidū cum sit in subiecto corpore, de subiecto dicitur. Candidum enim corpus dicitur. At candidi definitio nunquam de corpore dicitur. Cetera uero omnia uel de primis substantiis subiectis dicuntur, uel in iis subiectis continentur. Quod perspicere exemplis potest, ueluti animal de homine dicitur, de quopiam igitur etiam homine dicitur. Si enim de singulorum hominum nemine, ne de homine quidem dicitur omnino. Rursum inest color in corpore, ergo & in aliquo corpore. Nam si in nullo est singulorum corporum, neque in uniuerso corpore. Ergo hoc iam apparet, reliqua omnia aut de subiectis primis substantiis dici, aut in eis inesse subiectis. Quocirca sublatis primis naturis atque substantiis, nihil loci relinquitur ceteris omnibus. Porro secundarum substantiarum species magis substantia est quàm genus, quoniam ad primam naturam proprius accedit. Si enim quid sit prima essentia quispiam explicet, planius & id aptius faciat usus specie, quàm si genus adhibuisset: ueluti apertius cuiusdam hominis naturam explicabit, qui hominē esse dicet, quàm qui animal. Est enim magis propria species cuiuspiam hominis, at genus communius. Item si quis quid sit aliqua arborum singularum aperiat, apertius docebit, si arborem dicat esse, quàm si plantam. Iam prima substantia quia ceteris

teris omnibus subiecta sunt, reliquaque omnia de eis dicuntur, aut in eis sunt, idcirco maximè substantia naturaque nominantur. Quam autem habent rationem ad cetera omnia prima essentia, eadem habet species ad genus. Subiicitur enim generi species, quippe cum de specibus genera dicantur, nec species generibus ex hac parte respondeant. Ita fit etiam ex his, ut species magis quàm genus nomen obtineat substantiæ. At uerò species nulla earum quæ genera non sunt, magis quàm altera substantia est. Nemo enim cuiquam singulorum hominum, nomen hominis adhibebit aptius, quàm bonis, cuiusdam bouum singulorum. Similiterque in primis essentiis ac naturis, nihil magis aliud alio substantia est. Neque enim quisquam singulorum hominum, uerius essentia est, quàm bos aliquis. Iure autem post primas essentias, species solæ ac genera essentia secunda nominantur. Hæc enim sola eorum quæ dicuntur, quæ uis sit prima substantiæ explicat atque declarant. Nam si quis uelit explicare quæ uis sit & natura cuiuspiam hominis, isque uel speciem afferat uel genus, aptè ille quidem fecerit, licet plinius si hominē esse dicat, quàm si animal, fecisse uideatur. At si quid ceterorum omnium afferat, alienum id futurū est, & ad eam rem minime accommodatum: ut si candidū eum dicat, uel currere: aut aliud quiduis generis eiusdem. Quapropter ex reliquis rebus omnibus, hæc solæ merito substantiæ uocantur. Præterea quoniam ceteris omnibus prima substantia subiecta sunt, quoniamque reliqua de eis omnia dicuntur, uel insunt in ipsis, ob eā causam principales dicuntur substantiæ. Quod autē sunt ad cetera omnia prima substantiæ, hoc & genera sunt & species primarū sub-

ſtāiarū ad reliqua omnia . De his enim cetera omnia dicuntur . Vt enim quempiam hominem grammaticū dices, ſic & hominem grammaticum & animal: ſimilitérq; in cæteris omnibus . Hoc autem omni ſubſtantia commune eſt, non ineſſe in ſubiecto . Nam nec in ſubiecto prima ſubſtantia eſt, nec de ſubiecto ullo dicitur . de ſecundis etiam id perſpicuū eſt, eas in nullo eſſe ſubiecto . Homo enim eſi de ſubiecto quopiam homine dicitur, tamen in nullo ſubiecto ineſt . Neque enim in quodam homine homo ineſt . Itémque animal de ſubiecto quopiā homine dicitur, cū interim animal in aliquo homine nō inſit . Iam uero eorum quæ in ſubiecto inſunt, nihil impedit, quo minus nomen illud quidem interdum de ſubiecto dicatur, ſed tamen nunquam definitio poteſt . At ſecundarum ſubſtantiarum & definitio de ſubiecto & nomen dicitur . Hominis enim alicui homini conuenire dicas definitionem, itémque animalis . Non igitur in ijs quæ in ſubiecto inſunt, eſſe ſubſtātia ullo modo po teſt . Sed non eſt ſubſtantia hoc propriū: quin etiam ſunt in ijs, quæ non ſunt in ſubiecto, differentia . Nā gradiens & bipes de ſubiecto aliquo homine dicuntur, nec ſunt in ſubiecto ullo . Neque enim in homine bipes ineſt, neq; gradiens . Atque etiā de eo differentia definitio, cuius eſt differentia, dicitur, ut ſi gradiens de homine dicatur, dicetur etiā de homine gradientis definitio . Eſt enim homo gradiens . Nec uerò conturbare nos debent ſubſtantiarum partes, quaſi inſint in totis ut in ſubiectis, ne quando eas ſubſtantias negare cogamur . Ea enim in ſubiecto eſſe negauimus, quæ ut partes ineſſent . Hoc autem eſſentijs ipsis & differentijs tri butum eſt, ut de quibus ipſa dicuntur, & ωανύτως dicantur .

Omnes

Omnes enim quæ ex illis ducuntur dicendi rationes, aut de indiuiduis, aut de formis dicuntur. Ex prima enim substantia, quoniam de subiecto nullo dicitur, nulla dicendi ducitur ratio. At secundarum substantiarum formæ de indiuiduis dicuntur, genus autem & de speciebus & de indiuiduis. Itemque differentia de formis indiuiduisque dicuntur. Atque etiã prima substantia, & formarũ sibi uen dicant & generum definitionem, & species illam generis. Quæ enim de prædicato dicuntur, de subiecto quoque dicuntur omnia. Eodẽmque modo differentiarũ definitio formis & indiuiduis accommodanda est. Synonyma autẽ definita sunt ea, quorũ nomen commune est, eademque definitio. Omnia igitur quæ à substantiis & differentiis proficiuntur, & uerũ dicuntur. Omnis etiã substantia quiddã hoc uel illud significat. Ac in primis quidem essentiis nõ est id dubium, sed uerum est eas hoc quiddam significare uel illud, præsertim cum indiuiduum, quodque unũ numero est, declaretur illis & exprimat: secunda autẽ uidentur illa quidem similiter, figura appellationis, hoc quippiam significare, cum dicitur homo uel animal, nõ tamẽ id uerũ est, sed qualitatẽ potius significant. Neque enim res una subiecta est, ut in prima substantia: sed de multis homo animalque dicuntur, quãquam non omnino qualitatem significat, sicut album. Nomen enim albi nisi qualitatem nihil significat omnino. At genus & species cum substantia qualitatem adsignificant. Significant enim talem aliquã substantiam. Sed genere quàm specie plura explicantur: quoniam qui nomen animalis profert, plura quàm is qui hominis complectitur. Iam hoc etiam substantiis insitum est, ut ipsis ni-

bil sit contrarium. Nam primæ quidem substantiæ, ut cui-
 piam homini, uel cuiquam animali, quid contrariū esse pos-
 sit? Nihil enim eis repugnat. Ne homini quidē aut anima-
 li. Sed hoc proprium non est substantiæ, quin etiam in ple-
 risque aliis rebus hoc cernitur, ueluti in quantitate. Neque
 enim rei duorum tubitorum aut trium quicquam contra-
 rium est, neque decem, nec cuiquam rei eiusdem generis.
 nisi forte dicat aliquis multa paucis esse contraria, aut ma-
 gna paruis: sed illud profecto uerum est, definitis quantita-
 tibus nil aduersari. Illud præterea substantiis conuenit, ut
 nec elationem nec summisionem suscipere possint. Quod
 non ita dictū uelim, quasi substantia alia, alia nec magis nec
 minus substantiæ nomen obtineat: hoc enim concessum est:
 sed hoc uolo, nullam substantiam, id ipsum quod suapte na-
 tura est, nec magis nec minus sibi uendicare. Veluti si ho-
 mo substantia est, nec ipse seipso magis aut minus est, nec
 alter altero magis est aut minus homo. Neque enim alter
 altero nomen hominis magis obtinet, sicuti res alba alia, a-
 lia albior est, & minus alba: & honestum aliud alio ho-
 nestius est, & minus honestum. Quinetiam idem seipsum
 magnitudine aliqua & exiguitate superare dicitur, ut
 corpus cum candidum sit, hoc tempore quàm antea, albius
 uocatur: & quod calidū est, magis minúsque calidū. At ue-
 rò essentia nec magis nec minus essentia nominatur. Ne-
 que enim homo nunc magis quàm antea nomen hominis
 obtinet, nec quicquam eorum quæ substantiæ appellantur.
 Quare non patitur substantia illud magis aut minus sibi
 tribui. Sed hoc substantia est proprium maxime, una ea-
 demque cum sit numero, uim habere accipiendi contraria,

ita ut caterorū omniū quæ non sint substantiæ, nihil quisi-
quam asferre possit, quod unum idēque manens contra-
ria possit accipere. Vt color cum sit unus & idem nume-
ro, niger non dicitur, & albus: neque eadem actio uitiosa
& recta. Eadem est caterorum omnium ratio, quæ sub-
stantiæ non uocantur. At substantia cum una sis eadē-
que numero, uim habet accipiendi contraria. ueluti unus
idēque homo aliàs albus, aliàs est niger: interdum cali-
dus, interdum frigidus: nonnunquam bonus, nōnunquam
improbis: quod in cateris omnibus non reperitur. Nisi for-
te aliquis occurrat, confirmans contraria accipere & o-
rationem posse & opinionem. uidetur enim eadē uera &
falsa oratio: ut si uera est oratio, sedere aliquem: cū is sur-
rexerit, hac ipsa oratio falsa erit. Eademque est ratio opi-
nionis. Si quis enim uerē sedere aliquem sentiat, cum sur-
rexerit male existimabit, si eandem de eo habeat opinionem.
Quod si cui hæc probabuntur, attamen ratione quadam
magna est dissimilitudo. Nā substantiæ ipsa mutata, uim
habent accipiendi contraria, cum enim ex calido quip-
piam sit frigidum, ipsum immutari solet, quoniā & quod
nigrum sit ex albo commutatur. & bonum ex malo. Itē-
que cætera omnia commutatione accidente contraria ac-
cipiunt. At uerò oratio & opinio, manent ipsæ quidem im-
mobiles omni ex parte, sed re ea quæ subiecta est immuta-
ta, in eis contraria nascuntur. Manet enim hæc eadē ora-
tio sedere aliquem: re uerò mutata, interdū uera, interdum
falsa est. Eadem est ratio opinionis. Quapropter hoc qui-
dem pacto proprium erit substantiæ, immutatione sui ipsius
accipere posse contraria. Quanquam autem quis oratio-

nem & opinionem contraria accipere comprobet, profectò non ita est. Neque enim ex eo quòd aliquid acceperint, contraria suscipere dicuntur oratio & opinio: sed quia in re alia, aliqua affectio nata est. Nam quia res est aut non est, idcirco uera est aut falsa oratio, non quia possit ea accipere in se contraria. Omnino enim à nemine nec oratio mutatur nec opinio. Nunquam igitur contraria accipient, nisi in eis aliqua affectio gignatur. At substantia quòd contraria in ea sunt, ex eo uim habere dicitur accipiendi contraria. Nam & morbus in ea esse & ualeitudo potest, & candor & nigror: quæ cū omnia in se accipit, uim habere accipiendi contraria dicitur. Quare natura ac essentia hoc proprium est, uim habere accipiendi contraria, immutatione sui, cum unum & idem numero maneat. Ac de substantia quidem hætenus.

De quantitate. 2.

Quantorum autem aliud deiunctum est, aliud coniunctum, & partim ex partibus constant, quæ situm quendam inter se habent, partim ex ijs quæ non habent. Est autem deiunctum, ut numerus, ut oratio. Continuum, ut linea, extremitas, corpus, & præterea locus & tempus. Nam numeri partium terminus communis nullus est, quo eius partes coniungantur. Velut si quinque sint partes decē, nullo communi termino quinque & quinque coniuncta sunt, sed separata, neq; tribus & septē ullus cōmunis terminus accommodatur. Nec possis omnino in numero communem ullū partiū terminū reperire, sed semper secreta sunt ac separata. Ita numerus in eis est quæ secreta sunt. Similis est ratio orationis. Nā quantam esse orationem ex hoc perspicere potest,

potest, quod syllaba breui longaque ponderatur. Id quod de uocis oratione intellectum uolo. Partes enim eius nullo communi termino & sine coaptantur, quoniam terminus communis nullus est, quo syllaba cohæreant, uerum per se quæque secreta est. Linea autem continuata est. Licet enim communem sumere terminum, punctum uidelicet, quo eius partes cōiungantur. & extremitatis lineam. Nam extremitatis partes ad certum communem terminum omnes pertinet. Item in corpore potes reperire communem terminum, lineam, uel extremitatem, qua coniuncta sint partes corporis. Atque etiam locus & tempus sunt generis eiusdem. Nam & id tempus quod adest, quodq; præsens est cū præterito & futuro copulatur: & locum certum corporis partes occupant, quæ aliquo communi termino coaptantur. Loci ergo partes quæ singulas corporis partes continet, eodem termino quo corporis partes copulantur. Ita in continuatis est locus, quandoquidem ad certum communem terminum eius partes pertinent. Præterea alia ex partibus cōstant, quæ habent situm inter se: alia ex iis quæ non habet, ueluti lineæ partes sitū certum tenent, quoniam unaquæque alicubi sita est: potesque ubi quæque sita sit in plano explicare, quæque cum parte reliquarum omnium coaptetur. Itemque plani partes situm certum obtinent. Aque enim doceri potest, ubi singula sita sint, & quæ iter se aptæ. Eadem est ratio solidi corporis & loci partium. At uerò in numero, quem eius partes inter se situm habeant, aut ubi sita sint, aut quæ inter se uinctæ atque aptæ, docere nemo potest. ne temporis quidem. Pars enim nulla manet temporis. Quod autem nō manet, quī situm certum habeat? quin

potius ordinē certum id obtinere possis dicere, quia tēporis
 pars alia prior, alia posterior est. Similitēr que in numero,
 quòd unū prius q̄ duo, & duo antè q̄ tria numerantur.
 Ita ordinem quendam certum obtinent, situm autē eorum
 nunquam certè possis reperire. Eadem est ratio orationis.
 Nulla enim eius pars manet, sed prolata & missa uox, iā
 reuocari nullo modo potest. Non igitur situs ullus erit eius
 partium, siquidem nulla manet. Alia igitur ex paruius cō
 stant quæ ipsa certo quodam situ constant. Alia ex iis quæ
 non constant. Sed proprie quanta nominantur ea quæ di
 ximus, improprie & casu cetera omnia. Hac enim spectā
 tes & intuentes, cetera quanta appellamus. ueluti multū
 album aliquid dicimus, quòd extremitas magna sit: actio
 nem & motionem diuturnam, quòd multum interiectū sit
 temporis. Neque enim quicquam eorum per se quantū di
 citur: ut si quis doceat quanta sit actio, eam tempore expli
 cabit, anni unius, aut sic quodammodo. Et qui res quā sit
 alba exprimet, extremitatis ratione explicabit. Nā quā
 longa est extremitas, tam album aliquid esse confirmaue
 rit. Ita sit, ut sola ea quæ enumerata sunt, proprie quāta di
 cantur, reliqua omnia non per se illa quidē, sed casu & for
 tuito. Iam quantis nihil contrarium est. Nā certis ac defi
 nitis perspicuum est nihil repugnare, ut rei trium aut duo
 rū cubitorū, uel extremitati, neque ulli eorū quæ sunt gene
 ris eiusdem. Nihil enim eis contrariū est. Nisi forte dicat a
 liquis & multa paucis, & magna paruis esse cōtraria. At
 qui non sunt hac in quantis, sed in iis quæ cum aliquo com
 parantur. Nihil enim per se magnum aut paruum dicitur,
 sed quod cum alio comparatur. Ut mons paruus, milium
 magnum:

magnum: quia hoc maius sit omnibus iis quæ sunt eiusdem generis: ille, quia minor aliis eiusdem generis. Fit igitur cū altero collatio. Nam si per se magna aut parua dicerentur, nunquam certe mons paruus, nec milium magnum uocaretur. Præterea in uico multos esse, Athenis paucos, cū sint multo plures dicimus: & domi multos, in theatro paucos, cum sit multo maior numerus. Iam res duorū & res triū cubitorū, ceteraque eiusdem generis, quantum sit aliquid significant: magna autem & parua non quantū sit significāt, sed potius comparisonem. Nam ex altero spectatur quod magnū est & quod paruum. Perspicuum est igitur, ea in iis esse quæ cum aliquo comparantur. Præterea siue quis hæc ponat in quantis, siue nō ponat, tamen nihil eis est contrarium. Quod enim non potest per se intelligi, cum aliquoque comparatur, quā potest ei quicquam esse cōtrariū? Præterea si magna paruis contraria sunt, in eodē simul cōtraria erunt, & idē sibiipsi aduersum. Accidit enim, ut res eadē sit simul magna & parua. Est enim ad hæc parua, eadē magna ad alterā. Eadē igitur res eodē tempore & parua est & magna. Ita simul contraria accipit. Nihil autem simul contraria accipit. ut in substantia perspicui potest, in qua cū esse cōtraria possint, tamē nulla simul in morbo est, & uolet, nec alba & nigra simul est, nec aliud quicquā est, in quo simul contraria esse possint. Atque etiam eadem res sibi ipsa aduersa erit. Si enim res magna parua contraria est, eadē etiā simul & magna & parua, certē eadē res sibi erit cōtraria. At fieri nō potest, ut aliquid sibi sit contrarium. Non igitur sunt parua magnis contraria, nec multa paucis. Ex quibus efficitur, ut etiam si quis hæc non dicat

in iis esse quæ cum aliquo comparantur, sed in quantis, tamen eis nihil sit contrarium futurum. Sed quantorū repugnantia in loco apparet maximè. Summum enim locū infimo contrarium ponunt, mediā regionem infimum locum appellantes, quòd inter medium & mundi terminos, longissimum interiectum sit intervallum. Atque etiam ex his ducta uidetur caterorum contrariorum definitio. Contraria enim definiuntur, quæ in eodem genere plurimum differunt. Nec uerò illud magis aut minus in quantis reperitur. Vt res duorum cubitorum non asciscit alia magis rei huius naturam atque rationem. Quod eodem modo iudicandum est de numero, ueluti tria non magis quàm quinque numeri nomē obtinent, nec quinque potius quàm tria: ne tēpus quidem aliud alio magis aut minus temporis appellatur nomine. Quanta igitur nec magis nec minus dicuntur. At quantorū maximè proprium est, paria & imparia nominari: quanta enim quæ diximus omnia uel paria uel imparia uocantur, ut corpus par uel impar dicitur. Itēque numerus & tempus par & impar. Similitérque singula quæ dicta sunt, uel æqua uel non æqua dicuntur. Cetera uerò quæ non sunt in quantis, non admodū æqualia, uel inæqualia nominantur. Vt commutatio non admodū dicitur æqua uel non æqua, sed potius similis uel dissimilis: & res alba non ferè æqua uel non æqua, sed similis uel dissimilis. Est igitur hoc quantorum maxime propriū, ut paria uel imparia dicantur.

De iis quæ cum aliquo conferuntur. 3.

EA autem cum aliquo conferuntur, quæ id quod sunt, aliorū esse dicuntur, aut quoquo modo aliter cum alio conferuntur.

tur. ueluti maius quicquid ipsum est, id omne alteri tribuit, aliquo enim maius dicitur. & duplū, id ipsum quod est, ad alterum refertur, quoniam alicuius rei duplum est, itēque cetera omnia eiusdem generis. Sunt etiam hæc in iis quæ cum aliquo conferuntur, ut habitus, ut dispositio, ut scientia, ut situs. Hæc enim omnia quicquid sunt, aliorum sunt, aut quomodocunque aliter cum altero conferuntur, ac nihil præterea. Nam & habitus, alicuius habitus dicitur: & scientia, alicuius sciētia: & situs, rei cuiuspiam situs. Eadem est cæterorum omnium ratio. Sunt igitur quæ cum aliquo conferuntur ea, quæ id quod sunt alterius esse dicuntur, uel quoquo modo ad alterum referuntur. ut mōs ad alterum magnus dicitur, quippe cum ad aliquid mons magnus nominetur. Quod simile est, alicui etiam simile dicitur, ceteraque omnia generis eiusdem eodem modo cum aliquo conferuntur. Sunt autem quædam situs genera, accubatio, status, sessio: situs autem in iis est, quæ cum aliquo conferuntur. Sed iacere, stare, sedere, non sunt ipsa quidem situs: ab iis autem generibus situs quæ diximus orta sunt. Reperitur etiā in iis quæ cum aliquo cōferuntur repugnātia, ut uirtus uitio est cōtraria, cum utrumque in iis sit quæ cum aliquo comparantur: & ignorationi scientia. Nec uerò omnibus data sunt contraria. Duplo enim nihil aduersatur, nihil triplo, nec ulli eiusdem generis. Illud autem magis & minus in iis reperitur quæ cum aliquo conferuntur. Nam & quod simile ac dissimile est, similis dissimilisque dicitur: & quod par & dispar est, aliud alio magis par & dispar, cum utrumque in numerum eorum ueniat, quæ cum aliquo conferuntur. Quod enim simile est,

cuius simile: & quod par est, alicui par esse dicitur. Quāquam non omnia quæ cū aliquo comparantur, illud magis & minus admittunt. Neque enim duplū magis aut minus duplum, quā aliud habetur, nec quicquā eiusdē generis.

Omnia uerò quæ in hoc genere sunt, reciprocantur. uoluit seruus, domini seruus: uicissimque dominus, serui domini esse dicitur. Et ut duplum simpli, sic uicissim simplū dupli simplum habendum est. Itēque & maius minore maius, & minus maiore minus dicitur. Eadem est ratio ceterorum, nisi quod interdum casus dissimilitudo rationem dicendi commutabit. Quanquam enim scientia, rei quæ sub scientiam cadit, dicatur, tamen res quæ scientiæ subiecta est, scientiæ non dicitur, sed sub scientiā cadere dicitur: & sensus, rei quæ sub sensum cadit sensus est, uicissimque res subiecta sensui, non dicitur sensus, sed sub sensum cadere. At enim reciprocari nonnunquam ista non uidebuntur: quoties non accommodatum ad id quod dicitur, uerbum exprimit is qui rem declarat. Ut si quis pennam auis esse dixerit, non uicissim dicat auem pennæ esse, cum præsertim primum quod dedit, non esset uerbum proprium, cum scilicet dixit pennam auis esse pennam. Nō enim hoc ipso quia auis sit, penna eius propria est, sed quia pennigera sit. Si quidem plerisque aliis penna attributa sunt, quæ in numero auium non habentur. Ergo si apte & accommodate ad rationem dicendi uerbum exprimat, continuo reciprocantur. Velut penna pennigeri penna, uicissimque penniger penna penniger. Atque etiam hoc loco interdum sane si nullum accommodatum sit rebus nomen impositum, nomina facienda sunt necessario. Ut si gubernaculum dicatur

catur navis esse gubernaculum, haud probè fiat. Neque enim hoc ipso quòd navis sit, eius gubernaculū esse dicitur, cum naues sint, quæ nulla gubernacula habeant. Itaque non est hoc loco reciprocatio. Navis enim non solet dici gubernaculi navis: aptiorque ratio dicendi fiat, si gubernaculum rei gubernaculo instructa esse dicatur, quādoquidem res instructa gubernaculo ob id dicitur, quòd gubernaculū habeat. Similis est ratio cæterorum, ut caput aptius capitati, quàm animalis: quippe cū non quia animal sit, caput habeat, carent enim capite multa animalia. Sed ita facillimè nomina imponētur rebus, quarum nulla sunt propria, si à primis, eorum etiam declinatione quadam deducantur nomina, quibus cum ipsa prima comparantur. Id quod in iis perspici potest de quibus modò diximus, ut à pēna pēnigerum, à gubernaculo quod gubernaculo regitur. Quare quæ cum aliquo conferuntur, si apte & accommodatè dicantur, reciprocantur omnia. Nam si cum alio aliquo conferantur quàm quod proprie ac per se respiciant, non reciprocantur. Dico autem, ne ea quidem vicissim inter se respondere posse, quæ omnium consensu reciprocantur, etiamsi imposta eis sint nomina. siquidem ad aliquid eorum quæ accidunt, non ad id ad quod proprie affecta sunt, accommodabuntur. Veluti servus si non domini, sed hominis aut bipedis, aut cuiuspiā eius generis servus dicatur, certè nulla futura est inter eos reciprocatio. Neque enim homo esse servi homo dici potest, propterea quòd non est ea apta & propria dicendi ratio. Quòd si aptè & accommodatè ad id ad quod refertur, verbum exprimatur, apta ad ipsum illud semper erit dictio, etiam si omnia quæ aduēitia sunt,

detrahantur, iis solis remanentibus, cum quibus illa confe-
 rūtur. Ut seruus si cum domino conferatur, profectò subla-
 tis detractisque omnibus, quæ domino ascititia & aduen-
 titia sunt: uelut eum bipedem esse, & natum ad scientiam
 & cognitionem, & hominem, relicto illo solo, eum herum
 esse, tamen semper ad ipsum referetur. Siquidem seruus, do-
 mini seruus nominatur. Nam si parū accommodatum ad
 id cum quo confertur, nomen reddatur, separatis cæteris o-
 mnibus, relicto autem eo uno, cui adiunctum erat, minimè
 cum eo conferetur. Accommodetur enim exempli gratia,
 seruus ad hominē, & penna ad auem, seiungaturq; ab ho-
 mine heri appellatio, iā seruus cū homine nō cōparabitur:
 itēque ab aue separetur pennigeri ratio, non iā penna ue-
 niet in numerū eorū quæ cum aliquo cōferūtur. Sublato e-
 nim pēnigero, nullius certè penna est futura. Quapropter
 uerbum accipiendū est cum quo alterum ritè conferatur.
 Quod si nomen sit impositum, facilis est uerbi accommoda-
 tio. Sin nullum sit, profectò faciendum nouum necessariò est.
 Quæ si hoc pacto omnia tribuātur, perspicuum est, quæ cū
 aliquo conferentur, reciprocatur iri omnia. Iam quæ sunt
 in hoc genere, simul sunt naturæ ordine. Ac in plerisque id
 uerum est, in aliis non item. Simul enim atque duplum est,
 & simplum est: & si simplum sit, duplum quoque est: & si
 dominus sit, seruus sit necesse est: & si seruus sit, & domi-
 nus. Similis est ratio cæterorum. Atque etiam tollunt hæc
 inter se omnia. Neque enim sublato duplo, esse simplum ul-
 lo pacto potest, aut simplo sublato, duplo loci aliquid relin-
 quitur. Eadē est aliorū ratio, quæ sunt eiusdem generis. At
 non in omnibus ijs quæ cum aliquo conferentur, id uerè di-
 citur,

citur, ea simul esse ordine naturæ. Nam res ea quæ scientiæ
 subiecta est, prior est naturæ ordine scientia, quòd ferè res
 postquam iam sunt, scientia comprehendamus. In paucis e-
 nim, aut in nullis potius scientiam simul esse cū re quæ sub
 scientiam illam cadit, perspici potest. Præterea sublata re
 quæ sub scientiam cadit, scientia quoque tollitur. At subla-
 ta scientia, id quod cadit sub scientiam non tollitur. Siqui-
 dem si nulla sit res subiecta scientiæ, non est scientia, quo-
 niam nullius erit rei scientia. At uero sublata scientia, ni-
 hil prohibet rem esse eam quæ sub scientiam cadat. Ut de
 orbis quadratura (si scientia comprehendi possit) nec dum
 scientia est, cum interim cadere possit sub scientiam. Iam
 uero sublato animante, nullus locus scientiæ relinquitur,
 cum interim res multæ comprehendi possint scientia. Simi-
 lis etiam ratio eorum est, quæ in sensibus cernimus. Res e-
 nim subiecta sensui, sensui antiquior est. Sublata enim re,
 quæ cadit sub sensum, sensus tollatur necesse est: sensu uero
 sublato, non tollitur quod sensu percipi potest. Nam sensus
 & in corpore sunt, & circa corpora uersantur. Atqui
 sublata re quæ sensus mouet, etiam corpus, quoniam in iis
 quæ sensus mouentia sunt habetur, tollitur. Et si nullum sit
 corpus, nullus futurus est sensus. Re igitur quæ subiecta est
 sensui, sublata, sensus una tollitur: sensus autem si subtra-
 hantur, sensus mouētia quæ sunt, minimè tolluntur. Subla-
 to enim animali, sensus quidem tollitur: corpus autē quod
 cadat sub sensum, remanet, ut calida, dulcia, amara, cate-
 ræque omnia quæ sensum mouent. Postremo sensus una cū
 eo quod uim habet sentiendi existit: quandoquidem una
 cum animali sensus oritur. Res autem subiecta sensibus,

ARISTOTELIS

animali & sensu antiquior est. Nam & ignis & aqua, & cetera eius generis ex quibus constant animantes, animalibus & sensibus omnibus antecedunt. Sensu igitur id quod sensus mouet, est antiquius. Sed hoc loco quaestio quadam existit, nullane sit essentia, id quod uidetur, in ijs sit quae cum aliquo conferuntur, an id fieri possit in nonnullis secundis substantiis. Nam id quidem uerum est de primis substantiis, quippe cum nec tota, nec partes primarum naturarum ad aliqua referantur. Neque enim aliquis homo cuiuspiam homo dicitur, neque hic uel ille bos, alicuius certus bos. Similis est ratio partium. Manus enim aliqua, non appellatur alicuius certa manus, sed alicuius manus: & caput quoddam non cuiuspiam quoddam caput, sed alicuius caput uocatur. Quod idem in plerisque secundis essentis contingit. Ut homo cuiuspiam homo non dicitur, nec bos, bos alicuius, nec lignum, alicuius lignum, sed alicuius possessio. Atque id quidem perspicuum est, haec talia omnia in ijs non esse quae cum aliquo conferuntur. De quibusdam autem secundis essentis quaestio est. Veluti caput, alicuius caput: & manus, cuiuspiam manus dicitur: itemque cetera generis eiusdem. Videntur igitur hac in ijs esse quae cum aliquo conferuntur. Ac si satis explicata perfecteque tradita eorum est definitio quae cum aliquo conferuntur, profecto aut magni negotij est substantiam nullam in hoc genere esse docere, aut certe id fieri non potest. Sin secus, suntque ea demum in ijs quae cum aliquo conferuntur, quorum uis omnis & natura in eo posita est, ut ad aliquid affecta sint, certe aliquid quod contra hac ualeat, afferatur. Et quanquam prior definitio in omnia ea ualeat, quae cum aliquo conferuntur:

tur: tamen nō idem est, rem aliquam id ipsum quod est al-
terius dici, & rem aliquam id modo esse quod cum aliquo
comparatur. Ex quo perspicuum est, eum qui certo sciat al-
iquid eorum quæ in hoc genere sunt, etiam illud cum quo
conferitur, probe intellecturum: quod etiam hinc intelligi
potest. Nam si quis quippiam in iis esse quæ cum aliquo con-
feruntur sciat, (est autem uis & natura eorum quæ sunt
in hoc genere, ad aliquid certo quodam modo affecta esse)
illud etiam sciat necesse est, quam ad rem id ipsum quoquo
pacto sit affectum. Nam si quam ad rem illud affectum sit
quoquo modo, prorsus ignorat, ne illud quidem intelliget,
an ad aliquid affectum sit quoquo modo. Atque id in re-
bus singulis perspicui potest. Ut si quis hoc uel illud certò
sciat duplum esse, is continuo cuius id sit duplum probè no-
uerit. Si enim nullius eorum quæ certa sunt & definita,
duplum ipsum nouerit, ne illud quidem an sit duplū prorsus
intelliget. Itémque si certò sciat quisspiam hoc uel illud
esse melius, idem quo illud sit melius statim probè intelligat
necesse est. Ob id autem quod deteriore sit præstantius non
incerte cognoscet. Opinio enim hæc est non scientia. Neque
enim adhuc certò sciet, deteriore melius esse: quoniam si res
ita ferat, nihil eo sit deterius. Quapropter illud quidem
perspicuum est, si quis probè norit aliquid eorum quæ cum
aliquo conferantur, eum necesse esse illud etiam probè nos-
se, cum quo conferatur. At uerò caput, manum, & cate-
ra eiusdem generis, quæ sunt in essentiis, ea quidem quic-
quid sunt, quisspiam certò sciat necesse est: id uero cum
quo conferantur, non necesse est. Cuius enim hoc ca-
put sit, cuiusque hæc manus, cognito capite, cognitæque

manu, certò sciri non potest. Non sunt igitur hæc in iis quæ cum aliquo conferuntur. Quòd si hæc non sunt in iis quæ cū aliquo conferantur, certè uerè dicitur, substantiam nullam in numerum eorum uenire quæ cum aliquo conferantur. Quanquam autem difficile est, aliquem qui in his non sit multum diūque uersatus, de his talibus certum aliquid affirmare, tamē singulatim de his quæstionem ponere, magna utilitatis est.

De qualitate. 4.

Qualitatem autem uoco, ex qua quales nominamur. Qualitatis autem genera sunt plura. Vnum, habitus & affectio. Sed habitus hoc differt ab affectione, quòd habitus longinquior est & permanentior, quales sunt scientia, atque uirtutes. Scientia enim in iis est, quæ permanent diuturnaque sunt, etiam si scientia aliquis sit mediocriter instructus: nisi ui morbi aut alicuius eiusdem generis per magna inciderit mutatio. Eadem est ratio uirtutis. Ut iustitia, ut temperantia, & cætera eiusdem generis, non facile euelli mutarique possunt. At uero affectiones facile commutari, celeritèrque euelli possunt & distrahi. ut calor, ut frigus, ut morbus, ut bona ualetudo omniàque quæ sunt generis eiusdem. Nam & his homo quodam modo afficitur. & celeritèr ex calore in frigus commutatur, & ex bona ualetudine in morbum. Quod idem in cæteris talibus contingit, nisi aliqua eorum longinquitate temporis in naturæ habitum sic transferantur, ut uel omnino tolli non possint, aut ægrè eiici. quæ tum habitus appellari licet. Illud autem perspicuum est, ex his in habitibus habēda esse ea, quæ diuturniora sunt, quæque permanentiora. Nā qui scientiæ aliquam

aliquam particulam tenent, non firma memoria, sed exili, in iis habitum esse non solemus dicere, quāquam quodammodo affecti sunt scientia, aut in bonam, aut malam partem. Hoc igitur inter habitum & affectionē interest, quod hæc facile desistere potest, ille diuturnior est, difficultérque diuellitur. Habitus uero etiam affectiones sunt: affectiones autē non necesse est uicissim esse habitus. Nam & ij in quibus habitus insunt, iis etiā afficiuntur, & qui affecti sunt, ij non continuo habitibus sunt pradii. Alterū genus qualitatis est, ex quo aliquos pugilum habitum gerere, & ad cursum ualere: alios ob bonam ualeitudinē & ad morbos procliuēs esse dicimus, & omnino ea omnia quæ à ui naturali, aut imbecillitate appellantur. Non enim ex eo hæc dicuntur, quod affecti sint quodam certo genere, sed quia uim quādam aut imbecillitatem eis natura tribuit, qua aptos animos habent ad facile aliquid faciendū, nihilue patendum. Ut pugilum & cursorum habitu esse dicuntur, non ex eo quod affecti sunt quodammodo, sed quod natura ualent, aut non ualent ad aliquid facile obeundum. Valentes etiam appellantur quod uim habeant naturalem, ut nō facile, nec leui de causa de statu suæ ualeitudinis dimoueantur. Imbecilli autem, quod tam infirma sunt ualeitudine, ut statim quauis ex causa commoueantur. Similis est ratio durorum & mollium. Durum enim dicitur ex eo, quod in eo uis insit quædam innata, impediens quominus facile secari queat. Molle autem, quod in eo uis ea non insit. Tertium qualitatis genus conficiunt patibiles qualitates ac perturbationes: in quo genere sunt dulcedo, amaror, acrimonia, quæque sunt eiusdē generis: itēque calor, frigus, candor,

atror. Has autē esse qualitates hinc perspicere potest, & ea in
 quibus insunt, qualia ex eis nominantur: ut mel, quia dul-
 cedine perfusum est, dulce appellatur: & candidū corpus,
 quod candore praestet. Quod idem in ceteris contingit. Sed
 patibiles qualitates uocantur, non quod ea quae eas recepe-
 rūt, affecta sint aliqua ex parte. neque enim mel ex eo dul-
 ce dicitur, & affectū sit quippiam, nec quicquā tale. Itemq;
 calor, & frigus qualitates uocantur patibiles, non ob eam
 causam quod ea in quibus insunt, passa sint aliquid: sed pa-
 tibiles qualitates ex eo dicuntur, quod in sensibus omnes ha-
 qualitates, quas modo nominavi, motum quendā & affe-
 ctionem efficiant. Nam & dulcedo quendā motum affert
 gustatui, & calor tactui, & cetera eiusdē generis. At uero
 candor & nigror alique colores non eodem modo, quo ea
 quae diximus, qualitates dicuntur, sed quod à perturbatio-
 nibus motionibusq; natae sint. Nā commutationes multas
 colorū ex perturbationibus oriri, hinc intelligi potest, quod
 quando quis pudore afficitur, ruber sit, & qui metuit, pal-
 lidus, itemq; ceteris eiusdē generis. Quocirca si cui natura
 aliquā talem rationem tribuerit, uerisimile est eū simili fo-
 re colore. Quae enim cū pudore aliquis affectus est, in corpo-
 re nascitur affectio, eadē à natura institutione existere po-
 test, ut naturae etiā similis color oriatur. At quae qualitates
 ortum habent & originem ab affectionibus, quae uix tolli
 possunt, ac permanent, patibiles nominantur. Siue enim à
 prima institutione naturae pallor aut atror exiit, quali-
 tas dicitur, (quales enim ex eis appellamur) siue longo mor-
 bo aut ardore eadem cōparatae sunt qualitates, nec facile
 corrigi possunt, aut per omne tēpus atatis ualent, qualita-

res etiā ha patibiles nominātur, siquidem ex iis quales appellamur. Quae autem ab ijs quae facile euelli possunt oriūtur, motiones dicuntur, patibiles qualitates non item, quādoquidem non ex iis homines quales nominātur. Neque enim qui erubuit, ob id ipsum quod pudore affectus est, ruber uocatur: nec qui metu expalluit pallidus: sed potius non nihil perturbatus fuisse dicitur. Ita perturbationes sunt haec quidem omnia, qualitates non sunt. Similiter in animo & patibiles qualitates dicuntur & perturbationes. Quae enim simulac orti sumus, ex motionibus quae difficulter euelli possunt, oriuntur, ea etiam qualitates nominantur. ut mentis ē sua sede a motio, ut ira, & cetera eiusdem generis. Nam quales ex iis nominamur, ut amātes, ut iracundi. Itemque omnes mentis ex suo statu depulsiones, quae natura sed temerē & fortuito hominibus eueniunt, aut quae uix euelli possunt, & si quae iis similia: quippe cum ex iis quales nominemur. At quae constant ex iis quae facile ac cito dissipari possunt, uocatur perturbationes, ut si quis ira commotus, fiat iracundior. Neque enim iracundus appellatur ex eo quod in hac perturbatione iracundior existat, sed potius q̄ aliquid acceperit, & quasi passus sit, dicimus. Perturbationes igitur ha, nō qualitates uocantur. Quartū qualitatis genus est figura, & ea quae in quoque est forma, itemq; rectitudo, & obliquitas, & si quid aliud his simile est. Nam ex his aliquid quale dicitur. Nam & triāgulum & quadratum & rectū, & obliquum esse, quale quiddā nominatur. Atque etiam ex forma quale aliquid nominatur. Rara autem & crassa, aspera & leuia quale quiddā illa quidem uidentur significare, sed aliena sunt ab ea quae

ARISTOTELIS

*qualitatis propria est, affectione. Simum enim potius uerba
 talia declarant. Crassum enim quid dicitur, quod eius par
 tes, inter se propè cohæreant. Rarum autem id cuius partes
 inter se disiunctæ sunt. Leuia & partes quodammodo in re
 ctum sitæ sint. Aspera, quod partes aliæ emineant, aliæ supe
 rëtur. Aliæ etiã fortasse sunt genera qualitatis, sed hæc sunt
 ferè quæ maximè in omnium ore uersantur. Ac qualitates
 quidè quid sint qualèsq; diximus. Qualia autem sunt ea
 quæ ab eis sunt cognominata, aut quoquo alio modo dedu
 ctæ, plerâque enim ac fere omnia ab iis nomina duxerunt.
 ut à candore candidus, à grammatica grammaticus, à iu
 stitia iustus, itèmq; cætera eiusdem generis. Sunt autè qui
 dam, qui, quoniam nomina nulla imposita sunt qualitati,
 nomina sua ab ea non trahant: uelut cursor & pugilis qui
 ex ui innata nominatur, nomen non traxit ab ulla quali
 tate. Neq; enim imposita sunt rebus iis nomina, ex quibus
 quales hi appellantur, perinde atque scientiis, à quibus hi
 pugiles aut palæstrici nominantur propter affectionē. Ars
 enim pugilum, & palæstra eæ artes appellantur, à quibus
 quales ij nominis adiunctione & coniugatione appellan
 tur. Interdum impositum nomen est qualitati, cum interim
 id quod quale ex ea dicitur, nomen non mutuatur ab ea,
 ut à uirtute, uirtute præditus. Virtute enim præditus dici
 tur aliquis, quod uirtutem habeat, nec est simplex à uirtu
 te cognominatum. Idquæ in paucis contingit. Sunt igitur
 qualia ea, quæ nomina sua ab ijs qualitatibus de quibus
 differui, sumpserunt, aut alio quodammodo ab iis orta sunt.
 Est autem qualitatibus inter ipsas repugnantia, ut iusti
 tiæ iniustitia contraria est, & candor atrori, itèmq; cæ
 tera*

tera eiusdem generis. Eadem est eorū ratio quæ ex ijs qualia nominantur. uelut iusta iniustis contraria sunt, & nigra candidis. Nec hoc in omnibus contingit. Rubris enim aut fusco coloribꝫ sue talibus, nihil contrarium est, cum sint qualia. Illud etiam intelligendum est, si unum aduersorum in qualibus est, alterum etiam in ijs fore: quod singulatim ceteras categorias intuenti perspicere licet. uelut, Si iniustitia contraria sit iustitia, iustitia autem sit qualitas, qualitas iniustitia sit necesse est. Nulla enim categoria præter qualitatem iniustitiæ conuenit & accommodatur. Similis est ratio cæterorum omnium quæ in qualitate contraria sunt. Recipiunt etiam intentionem & remissionem qualia. Nam & album aliud alio albius dicitur, & aliud alio magis minꝫ sue iustum. Atque etiam incremētū ipsa ad se comparata recipiunt. quod enim album est, fieri potest albius. Sed in plerisque id fit, non in qualibus omnibus. Nam iustitiæ alia, alia magis minꝫ sue iustitia dicatur, quæstio est. Quod idem in cæteris affectionibus contingit. Nonnullus enim hæc in dubium ueniunt. Iustitiam enim iustitia minorem maioremue, aut ualitudine ualitudinem dici nō putant oportere. Alium quidem alio & magis ualere dicunt, & iustiores, quod idem fit in grammatica cæterisque affectionibus omnibus. Sed ea quæ ex ipsis nominantur, sine ulla controuersia magis & minus sibi adiungunt. Nam & alio alius peritior grāmaticus est, & ualentior, & iustior. At uerò triangulus & quadratum illud magis & minus non probant, neque ulla alia figura. Ea enim in quæ trianguli orbisque definitio ualeat, omnia æquè trianguli orbisque sunt. Eorum autem quæ trianguli orbisque non reci-

piunt definitionem, nihil aliud alio magis dicitur. Nam nihilo magis quadratum quàm altera parte longius, est circulus, quippe cum in neutrum ualeat circuli definitio. Omnino autem, nisi utraque rationem eius rei de qua agitur, recipiant, nunquam alterum altero magis minúsue dicitur. Non igitur in omnibus qualibus illud magis minúsue dicitur. At eorum quidam quæ adhuc commemorata sunt, nihil est qualitatis proprium. Similia autem aut dissimilia aliqua in solis qualitatibus reperiuntur. præsertim cum nihil simile aut dissimile dicatur alia re ulla, nisi ex qua illud quale appelletur. Est igitur qualitatis proprium, ab ea aliquid simile aut dissimile nominari. Sed nihil est quòd uerear, ne quis nos dicat cum de qualitate disputaremus, multa enumerasse eorum quæ in iis esse dixerim quæ cum aliquo cõferatur. Et si enim habitus & affectiones ad ea retulimus, quæ cum aliquo conferuntur, in iisque sunt fere qualitatis genera omnia, tamen res singula nulla in iis reperiuntur. Nam & scientia quæ genus est, quicquid ipsa est, aliterius esse dicitur (alicuius enim scientia uocatur) & res singulae nulla quicquid ipsa sunt, ad aliud referunt. Ut grammatica non dicitur alicuius grammatica, nec musica alicuius musica: nisi forte hæc ipsa propter genus, in iis sunt quæ cum aliquo conferantur. Velut grammatica, alicuius scientia dicitur, non alicuius grammatica: & musica alicuius scientia, non alicuius musica. Non sunt igitur res singulae in iis quæ cum aliquo conferuntur. Quales autem ex singulis scientiis nominamur, quoniam ea sunt in nobis, & artifices ex eo dicuntur, quòd nonnulli singulis scientiis præditi sint. Quare singulae scientiæ
etiã

etiam qualitates erunt, ex quibus quales appellamur, nec in iis sunt quæ cum aliquo conferuntur. Postremo si idem sit & in qualitatibus & in iis quæ cum aliquo conferuntur, non alienum est id ipsum in utroque genere collocare.

Agere & Pati. 5.

Atque etiam agere patique & repugnantiam recipiunt, & magis ac minus. Calfacere enim & refrigerare sunt inter se contraria, & calefcere & frigere, & gaudere ac dolere. Reperitur igitur in his repugnantia. Item magis & minus. Nam & calfacere magis ac minus licet, & minus calefcere & magis, & maiorem minoremque percipere dolorem. Illa igitur agere & pati cum magis minusque copulantur. Atque de his quidem hætenus. In iis quæ cum aliquo conferuntur, situm esse, à situ nomē habere diximus. De cæteris categoriis quæ sunt, quando, ubi, & habere, quoniam aperta sunt & non obscura, nihil aliud trado nisi id quod initio dixi. Habere idem declarare quod uesitum esse & armatum esse: & Vbi, ut in Lycio, in foro, cæteraque omnia quæ de iis dicta sunt. Ac de generibus quidem quæ nobis proposuimus, satis multa dicta sunt.

De contrariis. 6.

Nunc de contrariis, quot modis opponi soleant, differamus. Contrariorum autem genera sunt quatuor. Vnum eorum quæ cum aliquo conferuntur: alterum eorum quæ aduersa dicuntur, tertium eorum quæ priuantia, quartum eorum quorum alterum ait quid, alterum negat. Hæc autem omnia, ut simpliciter rem proponam, contraria sunt.

ARISTOTELIS

in iis quæ cum aliquo conferuntur, ut duplum, simplum: in iis quæ aduersa dixi, ut bonum, malum: priuantia, ut cecitas & affectus: aientia & negantia, ut sedet, non sedet. Ac ea quidem contraria quæ cum aliquo conferuntur, quicquid ipsa sunt, contrarij esse dicuntur, aut quoquo modo aliter ad id affecta sunt. Vt duplum simpli, quicquid ipsum est, alterius esse dicitur. Est enim alicuius duplū. Scientia etiā, & res quæ sub sciētiā cadit, ut ea quæ cum aliquo conferuntur, inter se contrario nomine opponuntur, quippe cū & scientia tota in re quæ ei est subiecta, uersetur, & res quæ subiecta est scientiæ, ad scientiam tota referatur. Res enim quæ scientiā comprehenditur, alicui scientiæ subiecta est. Quæ igitur, ut ea quæ cum aliquo conferuntur, inter se contrario nomine opponuntur, quicquid ipsa sunt, contrariis tribuunt, aut quoquo pacto inter se affecta sunt. At uero quæ ut aduersa, contraria sunt, neuiquam inter se ita affecta sunt, ut uim naturamque suam inter se referant, sed tamen inter se sunt contraria. Non enim bonum, mali bonum appellatur, sed contrarium. Differunt igitur hac inter se contrariorum genera. Quæ autem aduersa sunt eiusmodi, ut necesse sit alterum inesse in iis, in quibus natura insunt, aut de quibus dicuntur, inter ea nulla media interiecta sunt. Quorum uerò non est necesse inesse alterum, in medio eorum aliquid est collocatum. Vt morbus & bona ualetudo, in corpore nasci solent, & alterum necesse est, uel morbum uel bonam ualitudinē animantis corpori conuenire. Impar etiam & par in numero dicitur, alterutrūque necesse est in numero reperiri: nec inter agrotationem & ualitudinem, par & impar quicquam medium inter-

iect

iectum est. Quorum non est necesse alterutrum inesse, in medio eorum aliquid collocatum est. Veluti cādor & atror in corpore natura nascūtur, & tamen non necessario alterutrum inest in corpore, cum praesertim non omne corpus album sit aut nigrum. Item malum & bonum & in homine, & in aliis plerisque illa quidem dicuntur, sed tamen alterutrum non est necesse in eis inueniri de quibus dicuntur. Non enim uel mala sunt, uel proba omnia. Itaque his interiectum est aliquid, ut inter album colorem, & nigrum, fuscus & pallidus, & ceteri colores, & inter malum & bonum, quod neque malum est, neque bonum. Ac nonnullis quidē mediis rebus imposita sunt nomina. ut fuscus & pallidus inter album & nigrum mediū sunt colores & ceteri eiusdem generis. In aliis non est facile id quod medium est nomine uno appellare & exprimere: definitur autē utriusque extremi negatione, uelut quod nec bonum est, nec malum, quod nec iustum est nec iniustum. Priuatiā autem in eodem aliquo reperiuntur, ut in oculo cecitas & aspectus. Atque ut rem in pauca conferam, in quo natura debet ac solet esse habitus, in eodem utrunque dicitur existere. Priuari uerò tum deniq; dicitur aliquid eorum quae apta sunt ad percipiendam rem, cum in quo debet inesse, aut quando debet haberi, nequaquam inest. Edentulum enim appellamus quempiam, non quòd dentibus careat, & cecum, non quòd careat oculis, sed quòd non habeat ea tum, cum natura apta sunt. Sunt enim quaedam quae à primo ortu oculis careant & dentibus, quae tamen nec caeca nec edentula dicuntur. Priuari autem re, & habere rem, non idem est quod priuatio, & habitus: quoniam habi-

tus est aspectus, priuatio cecitas: nec habere oculos est ipse aspectus, nec cacum esse, ipsa cecitas. Nam & priuatio quaedam cecitas est, & cacum esse, est priuatum esse, non priuatio. Deinde si idem esset cecitas, quod cacum esse, profecto de eodem utrunque diceretur: nunc cacus homo dicitur, cecitas homo non dicitur. Videnturque inter se opponi priuari re, & habere rem, more eorum quae priuantia dicimus. Eadem est enim ratio repugnantiae. Ut enim cecitas aspectui repugnat, sic cacum esse etiam & aspectum habere inter se repugnant. Ne id quidem quod sub affirmationem & negationem cadit, idem quod affirmatio & negatio declarat. Nam & affirmans est oratio, affirmatio: & quod sub affirmationem & negationem cadit, res est, non oratio. Haec autem inter se opponi ut assertio & negatio dicuntur, quoniam in iis eadem ratio repugnantiae ualet. Nam ut assertio & negatio inter se contrariae sunt, ueluti sedet & non sedet: sic res quae utroque eorum continentur sedere aliquem, & non sedere, contrario opponuntur nomine. Priuantia uero non opponi inter se more eorum quae cum aliquo conferuntur, hinc intelligi potest, quod uis eorum non ex mutua coniunctione intelligitur & pendet. Non enim aspectus, cecitatis aspectus dicitur, neque ullo alio modo ad eam aspectus est. Similiter ne cecitas quidem aspectus cecitas appellatur. uerum oculorum priuatio cecitas dicitur, oculorum cecitas non dicitur. Praeterea quae cum aliquo conferuntur, reciprocantur omnia. Itaque si in iis cecitas esset quae cum aliquo conferuntur, certe illud etiam reciprocaretur quo cum iungeretur. At ei uicissim non respondet. Neque enim aspectus,

cecitatis

cacitatis aspectus nominatur. Atque etiam ne more quidē eorum contrariorum quæ aduersa dixi, inter se contraria esse priuantia, hinc perspicitur. Nam contrariorum eorum inter quæ non est medium, alterutrum necesse est semper inesse ijs, quibus natura conueniunt, aut de quibus dicuntur. Inter ea enim nihil medium interiectum esse posuimus, quorum alterutrū in eo reperiretur necessario, quod uim ad id accipiendum haberet: ueluti inter morbum & bonam ualeitudinem, inter parem numerum & imparem. Inter quæ autem medium est, nunquam necesse est alterutrum in ulla re inueniri. Neque enim necessario album est aut nigrum, neque calidū aut frigidum id omne, quod uim habet hæc recipiendi. quippe cum nihil prohibeat aliquid eorum, quæ inter hæc ipsa media sunt interiecta, cōuenire. Iam uerò inter ea etiam medium aliquid est, quorū alterutrū in eo non reperitur necessario, quod id recipere potest, nisi quibus natura alterum tributū sit. ut ignis natura calidus est, & nix alba. In his enim necessario alterum reperitur, nō alterutrum, utrumuis occurrat. Neque enim fieri potest ut ignis frigidus sit, aut nix atra. Ergo non necesse est alterum eorum in omni re inesse quæ uim habet ad recipiendum, sed in ea sola cui alterum innatum est, & insitū, atque ei alterum definite conuenit, non alterutrum. At uerò priuantium neutrum uerè dicitur, præsertim cum non semper necesse sit in eo quod recipere illa potest, inesse alterum. Cui enim nondum natura conuenit aspectus, is neque cæcus esse, neque despicere dicitur. Ita nunquam hæc in iis esse possunt aduersis & contrariis, inter quæ nō est mediū. Nec in iis quidē, quibus medium interiectum est.

tus est aspectus, priuatio cecitas: nec habere oculos est ipse aspectus, nec cecum esse, ipsa cecitas. Nam & priuatio quadam cecitas est, & cecum esse, est priuatum esse, non priuatio. Deinde si idem esset cecitas, quod cecum esse, profecto de eodem utrumque diceretur: nunc cecus homo dicitur, cecitas homo non dicitur. Videnturque inter se opponi priuari re, & habere rem, more eorum quae priuantia dicimus. Eadem est enim ratio repugnantiae. Ut enim cecitas aspectui repugnat, sic cecum esse etiam & aspectum habere inter se repugnant. Ne id quidem quod sub affirmationem & negationem cadit, idem quod affirmatio & negatio declarat. Nam & affirmans est oratio, affirmatio: & quod sub affirmationem & negationem cadit, res est, non oratio. Haec autem inter se opponi ut assertio & negatio dicuntur, quoniam in iis eadem ratio repugnantiae ualet. Nam ut assertio & negatio inter se contrariae sunt, ueluti sedet & non sedet: sic res quae utroque eorum continentur sedere aliquem, & non sedere, contrario opponuntur nomine. Priuantia uero non opponi inter se more eorum quae cum aliquo conferuntur, hinc intelligi potest, quod uis eorum non ex mutua coniunctione intelligitur & pendet. Non enim aspectus, cecitatis aspectus dicitur, neque ullo alio modo ad eam aspectus est. Similiter ne cecitas quidem aspectus cecitas appellatur. uerum oculorum priuatio cecitas dicitur, oculorum cecitas non dicitur. Praeterea quae cum aliquo conferuntur, recipiuntur omnia. Itaque si in iis cecitas esset quae cum aliquo conferuntur, certe illud etiam reciprocaretur quo cum iungeretur. At ei uicissim non respondet. Neque enim aspectus,

cecitatis

cacitatis aspectus nominatur. Atque etiam ne more quidē eorum contrariorum quæ aduersa dixi, inter se contraria esse priuantia, hinc perspicitur. Nam contrariorum eorum inter quæ non est medium, alterutrum necesse est semper inesse ijs, quibus natura conueniunt, aut de quibus dicuntur. Inter ea enim nihil medium interiectum esse posuimus, quorum alterutrū in eo reperiretur necessario, quod uim ad id accipiendum haberet: ueluti inter morbum & bonam ualeitudinem, inter parem numerum & imparem. Inter quæ autem medium est, nunquam necesse est alterutrum in ulla re inueniri. Neque enim necessario album est aut nigrum, neque calidū aut frigidum id omne, quod uim habet hæc recipiendi. quippe cum nihil prohibeat aliquid eorum, quæ inter hæc ipsa media sunt interiecta, cōuenire. Iam uerò inter ea etiam medium aliquid est, quorū alterutrū in eo non reperitur necessario, quod id recipere potest, nisi quibus natura alterum tributū sit. ut ignis natura calidus est, & nix alba. In his enim necessario alterum reperitur, nō alterutrum, utrumuis occurrat. Neque enim fieri potest ut ignis frigidus sit, aut nix atra. Ergo non necesse est alterum eorum in omni re inesse quæ uim habet ad recipiendum, sed in ea sola cui alterum innatum est, & insitū, atque ei alterum definite conuenit, non alterutrum. At uerò priuantium neutrum uerè dicitur, præsertim cum non semper necesse sit in eo quod recipere illa potest, inesse alterum. Cui enim nondum natura conuenit aspectus, is neque cæcus esse, neque despicere dicitur. Ita nunquam hæc in iis esse possunt aduersis & contrariis, inter quæ nō est mediū. Nec in iis quidē, quibus medium interiectum est.

Necesse est enim in omni re quæ uim habeat ad ea recipien-
 da, inesse alterum. quoniam quod tempus à natura consti-
 tutum est ad despiciendum, in eo animans uel cæcus est uel
 despicit. atque eorum non præfinitè alterum dicitur, sed al-
 terutrum. At uerò eorum cōtrariorum inter quæ medium
 est, nunquam alterū in omnibus quæ recipere possunt, sed
 quibusdam solum, id quæ præfinitè alterum, non alterutrū,
 inest necessario. Quare perspicuum est, neutro modo priuā-
 tia inter se cōtraria esse, quo contraria sunt inter se ea quæ
 aduersa nominauimus. Postremo contrariorum quandiu
 res subiecta est, fieri potest inter ipsa commutatio, nisi si cui
 alterum natura sit tributum, ut igni calidum esse. Nam &
 ualentes in morbum incidere possunt, & alba nigra fieri,
 & frigere quæ calescunt: ex bono etiam improbus, & ui-
 cissim ex malo probus effici potest. Præuus enim, si ad me-
 liorem usum rationemque ex mala deducatur, iam habeat
 ad uirtutem progressionis aliquantum. Cum autem semel,
 uel parum in uirtute processerit, profectò aut perfectam sa-
 pientiam mutatione morum consequetur, aut certe magnā
 in uirtute faciet progressionem. Semper enim aptiores ani-
 mos habet ad uirtutem, quanuis parum initio in ea proces-
 serit, ut uerissimile sit eum maiorem progressum esse factu-
 rum. Quod si sit sempiternum, tandem certè aliquādo, nisi
 tempus impediat, perfectā sapientiam consequetur. At pri-
 uantibus nulla inter se fieri mutatio potest. Et si enim ex re
 in priuationē sit progressus & cōmutatio, tamen regressus
 ex priuatione in rē quæ amissa est, fieri nullo modo potest.
 Neque enim qui oculis semel captus est, unquam postea ite-
 rum despexit: nec caluus comā recepit, nec edētulus dentes.

Aientia autem & negantia non esse inter se contraria ullo generum quæ commemorauimus, ex hoc intelligi potest, quod in his solis necesse est uerum unum esse, falsum alterum. Nam nec contrariorum necesse est semper alterum uerum esse, alterum falsum, nec eorum quæ cum aliquo conferuntur, nec priuantium: ut bona ualeitudo & agrotatio aduersa sunt, neutrumque nec uerum est, neque falsum. Itemque duplum & simplex quæ cum aliquo conferuntur, contraria sunt inter sese, nec alterum uerum est aut falsum. Ne priuantia quidem, ut aspectus & cæcitas. Omninoque nihil quod in cōiunctione non dicitur, uerum esse aut falsum ullo modo potest. At quæ enumerata sunt, simplicia, nō coniuncta sunt omnia. In iis etiam contrariis quæ coniuncta sunt id non uidetur contingere. Nam cum ualere Socratē, & Socratem agrotare contraria sint, tamen non est semper horum alterum uerum esse, falsum alterum. Etenim si in uita maneat Socrates, alterum uerum, alterum erit falsum: si ex uita excesserit, utrumque falsum. Si enim Socrates nullus sit omnino, nec agrotare eum uerum est, nec ualere. In priuantibus si omnino nullus sit, neutrum uerum est: si in uita sit, non semper alterum uerum, alterum falsum est. Cum enim despicere Socratē, & cæcum esse Socratem priuantia sint, tamen non necesse est alterum uerum esse uel falsum. Nam quo tempore nōdum ei natura aptus est aspectus, ambo falsa sunt: quo autem tempore in uita non manet Socrates, utrumque etiam falsum est, & despicere eum, & cæcum esse. At aientium & negantium siue Socrates in uita sit, siue nullus sit omnino, semper alterum falsum, alterum uerum est futurum. Nam agrotare Socra

ARISTOTELIS

rem, & non agrotare, si is in uita maneat, perspicuum est alterum uerum esse, alterum falsum. Itēque si discesserit ē uita. Nam agrum esse eum, cum nullus sit omnino, falsum est: non agrum esse, uerum. Quare aientium & negantiū proprium illud est, eorum alterum uerum esse semper, falsumque alterum. Bono autem malum contrarium est necessario, idque ex inductione rerum singularū intelligi potest, ut bona ualitudini morbus repugnat, iustitia iniustitia, fortitudini ignauia, & cetera eiusdem generis. Malo uero aliās bonum, aliās malum contrarium est. Nam parum & nimium quæ sunt in malis, inter se sunt contraria. similiterque mediocritas, quæ utrique contrario nomine opponitur in bonis est. Atque id quidem in paucis perspicui licet, in compluribus semper bona malis sunt contraria. Deinde contrariorum, si alterum sit in rerum natura, non est necesse esse alterum, quandoquidem si omnes ualentes sint, bona ualitudo erit, morbus non erit. Itēque si albi omnes sint, candor erit, atror nō item. Iam si Socratem ualere & Socratem agrum esse contraria sunt, nō possunt autem simul ambo eidem inesse, certē si alterum sit, stare alterū nullo modo necesse est. Nam si Socratem ualere uerum sit, non erit uerum agrotare Socratem. Atque etiā illud perspicuum est, in iis quæ sunt eiusdem speciei aut generis, existere sole- re contraria ea quæ aduersa diximus. Ut bona ualitudo, & morbus in corpore animantium, candor & atror omnino in corpore, iustitia & iniustitia in animo hominis sitæ sunt. Postremò omnia contraria quæ diximus aduersa, uel in eodem genere, uel in contrariis generibus sita sunt, uel ipsa genera sunt necessario. Nam & cādor ac atror in eodem

eodem genere, quia eorum genus color est, sita sunt, & iustitia & iniustitia in generibus contrarijs. illius enim uirtus genus est, huius uitium: & bonum & malum nō sunt ullius generis, sed ipsa sunt genera aliquorum.

De modis prioris. 7.

Prius aliud alio quadrifariam dicitur. Primum genus est & aptissimum, tempore, ex quo aliud alio antiquius appellatur. Antiquius enim quid dicitur ex eo quod tēpore antecedit. Alterum à quo non retro cōmeat consecutio: quo in genere unum duobus prius est. Nam si duo sint, continuo sequitur unum esse. Vnum autem si sit, non necesse est duo esse. Ita non uicissim retro commeat, consequēs esse si unum sit, ut duo sint. Prius igitur huius generis dicitur, à quo nō commeat retro uicissim consequentia. Tertio, quodam ordine prius appellatur, id quod in artibus & orationibus uideri licet. Nam in artibus iis quæ demōstrationes adhibent, aliquid prius ordine & posterius continetur. initia enim & elementa priora sunt ordine ijs quæ describūtur, & in grammatica elemēta priora sunt syllabis. Eadem est ratio orationum. Principium enim prius est ordine narratione. Extra ea etiam quæ enumerata sunt genera, quod melius est, & in maiore pretio, id prius naturæ ordine uidetur. Solent enim plerique eos qui apud ipsos sunt in nomine & gloria, quōsque pluris faciūt, principes & antiquiores sibi dicere: quod genus fere alienissimum omnium habetur. Atque hi sunt fere prioris modi, qui ferūtur. Est etiā præterea aliud eius genus. Eorum enim quæ uicissim retro cōmeant in argumentatione, quod causa est quomodocunque cur sit alterum, id rectē prius naturæ ordine dicitur:

ARISTOTELIS

Esse autem eius generis quædam, hinc intelligi potest, quod
esse hominem & uera de eo oratio, sic reciprocantur, ut si
homo sit, uera sit oratio, esse hominem: & si esse hominem
uera sit oratio, sit homo. Vera autem oratio minime causa
est, cur res sit, & s; q; potius causa est quodammodo, cur ue-
ra sit oratio. Nam quia res sit aut non sit, idcirco uel uera
uel falsa oratio dicitur. Quinque ergo modis alterum al-
tero prius habetur.


De modis Simul. 8.

Simul autem sunt ea omnino & propriè, quorum ortus in eo-
dem tempore est. Neutrum enim horum nec prius nec po-
sterius esse potest. Hæc autem simul in tempore dicuntur.
Natura uero simul sunt ea, quæ reciprocantur illa quidem
in argumentatione, quæ si unum sit, alterum esse concludi-
tur, sed neutiquam alterum causa est ortus alteri, quod in
duplo & simplo cernere licet, quæ sic reciprocantur, ut si
duplum sit, etiam simplum sit: & si simplum sit, sit duplū,
& neutrum causam alteri ortus afferat. Atque etiā ea quæ
ex eodem genere quasi ex altera parte diuidendo respon-
dent, simul natura esse dicuntur. Ea autem ex altera parte
cum diuiduntur inter se respōdent, quæ ex eadem sunt di-
uisione, ut pennigerum, terrenum & aquatile, in quæ ani-
mal diuiditur. Atque horum neutrum altero prius est, sed
simul natura sunt. Quæ eadem in species secari possunt, ut
dicamus pennigerum aliud graduens, aliud aquatile. Sunt
igitur illa etiam simul natura, quæ cum sint ex eodem ge-
nere, eadē diuisione continentur. Genera autē formis an-
tiquiora sunt semper. Neque enim uicissim retro commeāt,
cum esse unum si sit, alterum conficitur: ut si sit aquatile, sit
animans:

animans: at si sit animans, non sit necessario aquatile. Sũt igitur simul natura, & qua reciprocantur, cum neutrum causa sit ortus & status alteri, & qua inter se ex eodem genere diuiduntur. Sed ea omnino simul sunt, quorum ortus eodem est tempore.

De motus generibus. 9.

Motus autem sex sunt genera, ut ortus, ut interitus, ut accessio, decessio, commutatio, & loci commutatio. Ac ceteras quidem motiones inter se differre, hinc perspicere potest, quòd ortus non est interitus, nec incrementum imminutio, nec loci commutatio. Eadem est ratio ceterarum. In commutatione autem hoc dubium est, sitne necesse id quod commutatur ex aliqua superiori motione mutari. Quod non ita est. Accidere enim potest, ut omnibus perturbationibus, aut certè permultis agitemur, cum interim nulla ceterarum motionum in huius ueniat societatem. Neque enim aut crescere, aut imminui necesse est id quod ex perturbatione mutatur. Similis est ratio ceterarum. Ita necesse est diuersam esse à ceteris motionibus commutationem. Etenim si eadem esset, profectò quod commutatur omne uel augeri oporteret uel diminui, uel aliquem alium motum consequi. At nõ est necesse. Similiterque id quod crescit, aut alio motu agitur, commutaretur necessario. Atqui sunt quædam quæ cum crescant, eadem tamen nulla consequitur commutatio. Velut quadratum circunieto gnomone, crescit illud quidem, sed tamẽ nihil commutatur. Quod idem in ceteris fit eiusdem generis. Quare differunt inter se motiones. Motui autem omnino quies cõtraria est, singulisque singula. Nam & ortui contrarius est interitus & acces-



sioni abscessio, & loci commutationi, in loco quies. Sed in loci mutatione maxima repugnantia dicitur: ut loci infimi mutationi, summi commutatio, & summi mutationi infimi loci mutatio maxime aduersatur. At uero reliqua motionis nō est facile explicare, quōdnam sit contrarium. Nec cōtrarium illius ullum est, nisi quis etiam in hac quietē quā ad qualitatem pertineat, mutationi in cōtrariā qualitatem cōtrario nomine opponat: sicut in loci mutatione, quietem in loco, aut in contrariū locum mutationem. Est enim cōmutatio nihil aliud, nisi in qualitate mutatio. Ita cōtraria est qualitatis mutationi quies quā in qualitate spectatur, uel certē in contrariā qualitatem mutatio, ut album fieri & nigrū fieri, contraria sunt: quippe cum commutatio sequatur, quoties in contrarias qualitates sit mutatio.

De Habendi generibus. 10.


Habendi etiam genera sunt plurima. Aut enim habere ut habitum & affectionem dicitur, aut aliam aliquam qualitatem. Scientiam enim & uirtutes habere dicimur. Vel ut quantitatem, ut qui certa est magnitudine, dicitur magnitudinem habere trium quatuorue cubitorum. Vel ut ea quā corpus uestiūt, ut uestem aut tunicam habere dicitur quispiam. Vel in parte, ut in digito annulum. Vel tanquam partem, ut manum uel pedem. Et tanquā in uase, ut modius habet & continet triticum, uel uinum amphora. Nam & amphora uinum, & modius triticum continet. Hec enim omnia quia ut uas quoddam illa continent, illa ipsa habere dicuntur. Habere etiam aliud ut possessionem dicimus, ueluti domum & agrum. Atque etiam uir mulierem habere, & uirum mulier dicitur.

sur. Quæ significatio uerbi habendi una ex omnibus alienissima est. Neque enim aliud habere mulierem iudicamus, nisi unà in domo habitare. Sunt alij quoque fortasse habendi modi, nos quidem omnes ferè exposuimus, qui crebris usurpantur sermonibus.

C A P I T A.

De Substantia.	cap. 1. fol. 3.
De Quantitate.	cap. 2. fol. 6.
De ijs quæ cum aliquo conferuntur.	cap. 3. fol. 8.
De Qualitate.	cap. 4. fol. 12.
Agere & pati.	cap. 5. fol. 16.
De Contrariis.	cap. 6. ibidem.
De modis Prioris.	cap. 7. fol. 20.
De modis Simul.	cap. 8. ibidem.
De motus generibus.	cap. 9. fol. 21.
De Habendi generibus.	cap. 10. ibidem.

F I N I S.



ARISTOTELIS
DE INTERPRETATIONE
LIBER,

*Ioachimo Perionio interprete, per N. Gron-
chium correctus & emendatus.*

LV TETIAE

Apud Vascosanum, via Iacobae ad insigne Fontis.

M. D. LII.

CVM PRIVILEGIO.



CATALOGVS CAPITVM.

De Nomine	Caput I.
De uerbo	Cap. II.
De oratione	Cap. III.
De subiectis & prædicatis enunciationū,	Cap. IIII.
De futuris contingentibus	Cap. V.
De enunciationibus infinitis	Cap. VI.
De enunciationibus modorum.	Cap. VII.

ARISTOTELIS STAGIRITAE

De Interpretatione liber, Ioachimo Perionio

Benedictino Cormariaceno interprete.

IRimum constituendum est, quid sit nomen, quid uerbum, tum quid negatio & affirmatio, postremo quid enūciatio & oratio. Mētis quidem interpres est oratio, scripta orationis. Atque ut non iisdem literis, sic nec uocibus quidem omnes iisdem utuntur. At uero & sensa animi, quorū primum uerba notata sunt, & res quarū sensus animi speciem gerunt: idem apud omnes ualent. Sed de his in libris de Animo diximus. Non enim ad institutum sermonem pertinent. Ut autem in animo interdum ueri & falsi notitia expers est, interdum necesse est alterutrum interesse: sic in oratione. Verum enim & falsum coniunctione & disjunctione rerum omne consistit. Quocirca perceptioni animi ei, quæ à uero & falso abest, nomina & uerba respondent: ut homo, ut id quod album est, cum nihil additur præterea. neque enim uerum quicquam falsūue enunciatur. Id quod hinc intelligi potest, quod Trachelaphi uerbum aliquid illud quidem significat, sed nōdum quicquā uere aut falso dicitur, nisi aut esse aut non esse omnino adiungatur, aut ad tempus accommodetur.

De Nomine.

Caput I.

NOMEN igitur uox est ex instituto significans, omnis expers temporis, cuius pars nulla quicquam de-

A ij

clarat separatim. Nā in Reipublicæ uerbo, publica nihil per se significat, ut in hac oratione, Res publica. Sed non est simplicium iunctorumque nominum eadem ratio. propterea quòd in illis pars nullo modo significat, in his pars uidetur illa quidem posse significare, sed tamen separatim in hoc toto sumpta nihil declarat omnino: uelut in hoc uerbo pronomen, nomen nihil per se significat. Ex instituto autem dixi, quòd nullū nomen natura constat, sed cum quasi nota quædam ad aliquid significandum erit impositum. Nam soni ij qui nullis literis exprimentur, quales sunt beluarum, aliquid illi quidem significant, attamē nullus eorum ad nomen pertinet. Non homo etiam nominis uim non obtinet, nec ei nomen ullum impositum est, quo appelletur: quandoquidem nec oratio est, nec negatio. Appelletur sane nomē infinitum, quod æquē in quauis re dicatur, tam quæ est, quàm quæ nulla est. Hac uerò Ciceronis, & Ciceroni, & cætera eiusdem generis, non nomina, sed casus nominis uocētur. Huius hæc ratio est, quòd cum alia omnia eis sint cum nomine communia, iuncta tamen uerbo est, aut erit, nec uerum, nec falsum significāt: quod in nomine fit semper. uelut his orationibus, Philonis est, uel non est, nondum quicquam uerè, falsòue dicitur.

De uerbo.

Cap. II.

VERBUM autem id est, quod tempus adsignificat, cuius pars nulla significat separatim, semperque ea declarat & indicat quæ de altero dicuntur. Tempus autem dico adsignificare: ut ualetudo nomē est, curari uerbum,

bum, quod instans & præsens significat, & semper ea qua de altero dicuntur indicat, qualia ea sunt, qua de subiecto dicuntur, uel in subiecto insunt.

Non curatur autem, & non incidit, non appello uerba, quanquam significatione sua tempus includunt, & in re aliqua semper coherent. Et quoniam nomen eis nullum impositum est, uerba infinita appellari licet. quandoquidem tam in eo quod est, quam in eo quod non est, aequè dicuntur. Itémque curabitur & curatus est, non sunt habenda uerba, sed casus uerbi. Hoc autem à uerbo differunt, quòd præsens tempus, uerbum significat, illa id omne in quo interiectum præsens est. Ac uerba si solà dicantur, nomina sunt, significantque aliquid. Nam & qui ea enunciat, intelligentiam imprimit in animo, & qui audit, quiescit: sit autem necne sit res, nondum exponit. Neque enim illud, esse aut non esse, rem declarat: nec si ipsum ens per se solum dicas nudum est. Id enim nihil est, significat aut coniunctionem quandā, qua intelligi sine ijs qua copulantur, non potest.

De oratione.

Cap. III.

ORATIO est uox qua significat, cuius pars aliqua seiuncta separatāque ut nomen, non ut affirmatio aut negatio, significat, uelut homo aliquid significat, non rem esse, aut non esse: cui tamen si quid adiunctum sit, uel affirmatio erit, uel negatio: non significat autem uocabuli hominis una syllaba. Neque enim in hoc uerbo forex, illud rex quicquam declarat, sed uox est solum. In iunctis autem significat illud quidem, ut dixi, sed

A iij

non per se. Quamquam autem ex instituto, quemadmodum dixi, non ut instrumentum, omnis significat oratio, non tamen omnis enūciat ac dicit, sed ea sola quæ uel uerum, uel falsum complectitur. Neque enim omnes id complectūtur. uelut precatio, oratio est illa quidem, sed nec uera, nec falsa. Ac cetera quidem quoniam artis rhetorica uel poetica propria sunt, ab hac arte omnes expelli ac repudiari debent: quæ autem quid de quodam dicit, ea sola retinenda est. Est autem primum enunciationis unius genus, affirmatio, deinde negatio. cetera una coniunctione fiunt. Sed omnis ex uerbo aut casu uerbi constet enuntiatio, necesse est. Etenim hominis definitio nisi est, uel erat, uel erit, uel aliquid tale adiungatur, nondum quicquam enunciat: propterea quod totum hoc, animal gradens bipes, unum quiddam est, non multa: neque enim unā conficiunt orationem, propterea quod continetur, ac sine ulla interspiratione pronunciantur hæc uerba. Verum id non est instituta disputationis. Vna autem enuntiatio est, quæ aut unum aliquid declarat, aut quæ una sit per coniunctionem. Multa uero quæ uel multa, & non unum aliquid significant, uel carent coniunctionibus. Ac nomē quidem & uerbum uocabula sunt tantummodo. quandoquidem uere id dici non potest, eum qui sic aliquid uoce exprimat, enunciare aliquid, siue rogetur, siue non rogetur: sed si quando quicquam uno uerbo enunciat, id eo tantum fit, quod ita uelit qui ita loquitur. Harum autem enunciationum, simplex alia est, ut quæ aliquid de quodam dicit, uel aliquid cuidam inesse negat. Alia autem

quæ

quæ ex his constat, iam quasi coniuncta oratio est. Sed simplex pronuntiatio, est oratio quæ aliquid de quodâ dicit, uel negat, pro ratione temporum. Affirmatio est enuntiatio quæ aliquid de quodam dicit. Negatio est enuntiatio, quæ aliquid inesse cuiuspiam negamus. Quâdo autem quod in aliquo inest, negari potest inesse, & quod abest alicui, dici potest adesse, & quod adest, adesse confirmari potest, & quod abest, abesse, itemque in cæteris temporibus quicquid aliquis alteri tribuerit, id omne detrahere potest, & quod detraxerit, attribuire: profectò omni affirmationi negatio, omnique negationi contraria sit affirmatio necesse est. Sit autem contradictio, affirmatio, negatioque contraria. Opponi autem contradictorio nomine dico, eam quæ eiusdem rei est, & de eadem re dicit, de qua altera, non inuenimus, cæterisque omnibus adiunctis, quæ contra Sophistarum molestas rationes adferre solemus.

De subiectis & predicatis enunciationum.

Caput IIII.

QVONIAM autem res partim uniuersa sunt, partim singula (uniuersas autem appello eas, quæ suapte natura dicuntur, in multis: singulas, quæ non dicuntur: ut homo, in rebus uniuersis est: in singulis, Callias) necesse est effari inesse aliquid, aut non inesse rerum uniuersarum cuiuspiam, aut singularum. Ac si quis aliquid uniuerse inesse, aut non inesse in quadâ re uniuersa confirmet, contraria erunt enunciationes. Dico autem in re uniuersa uniuerse dici, uelut in his, Omnis homo albus est,

est, Nullus homo albus est. Sin autem de re uniuersa, nō uniuerse quid enuncietur, non sunt enunciationes contrariae. attamen fieri potest, ut quæ declarātur ac significantur contraria sint. Appello autem nō uniuerse aliquid de re uniuersa eloqui, quales hæ sunt enūciationes, Homo est albus, Homo non est albus. Nam cum homo in rebus sit uniuersis, sine uniuersi generis nota accipitur enunciādo. Verbum enim omnis, non est res quædā uniuersa, sed uniuersa generis tantum nota. In attributo autem uniuersali, si notam uniuersi generis addas, nunquam uere affirmabis. Neque enim uera esse ulla potest assertio, in qua cum uniuersale sit attributum, uniuerse enunciatur. Ex quo genere illa est enūciatio, Omnis homo omne animal est. Assertio igitur negationi contradictorio nomine opponitur, quæ rem uniuersam in eodem inesse dicit, sed non omnino. ut, Omnis est homo albus: & Non omnis homo est albus. Nullus homo albus est, Aliquis homo est albus. Contrario uero nomine opponitur rei uniuersæ assertio, rei uniuersæ negationi: quales hæ sunt, Omnis homo iustus est, Nullus homo iustus est. Quocirca esse hæ simul uera nullo modo possunt. At his contrariæ simul in eodem dici uerè possunt: ut, Non omnis homo albus est, & Aliquis homo albus est. Quapropter quæ ex rebus uniuersis contradictoria constant, idque cum uniuersi generis nota, earum necesse est alteram uerā esse uel falsam. Itēque earum quæ ex singulis constant. quales hæ sunt, Albus est Socrates, Non est albus Socrates. Quæ autem ex uniuersis rebus, nulla adiecta generis uniuersi nota constant, earum non
semper

semper una uera est, falsa altera. Nam hæc simul uera dicuntur, Est homo albus, Non est homo albus. Et hæc, Est homo pulcher, Nō est homo pulcher. Nam & si quis turpis sit, nō est formosus, & tum cum sit aliquid, id nōdum est. Sed hoc statim alienum uideri potest, propterea quòd hæc enunciatio, Non est homo albus, idem etiam quod illa simul, Nemo est albus, ualere uideatur. Sed nec idem ualeat, nec simul etiam illam declarat necessario. Vni autem negationi unam affirmationem cōtradictorio nomine opponi hinc intelligi potest, quòd idem negari negatione oporteat, quod affirmatione confirmatum sit, & de eodem, uel eorum aliquo quæ sunt in rebus singulis, uel eorum quæ sunt in uniuersis, idque uel adiecta uniuersi generis nota, uel nulla apposita: ut Socrates albus est, Socrates albus non est. Sin autem aliquid aliud eidem inesse negatur, aut alij cuiquam, nō opponetur hæc illi contrario nomine, sed altera. Huic enim enunciationi, Omnis homo est albus, hæc repugnat, Non omnis homo est albus, Et huic, Aliquis homo est albus, hæc, Nullus homo albus est. Item huic, Est homo albus, illa, Non est homo albus. Ac unam quidem affirmationē uni negationi cōtradictorio nomine opponi, qualesque essent, dixi. Hoc etiam docui, alias esse contrarias & quales essent: contradictionemque non omnē ueram esse aut falsam: quæque de causa, & quando uera esset aut falsa. Est autem una affirmatio & negatio, quæ unū aliquid de uno dicit, aut de toto genere, aut citra ulla notam: ut, Omnis homo albus est, Non omnis homo albus est. Est homo albus, Non est homo albus: Nemo albus est,

Aliquis homo albus est, si modo albi uerbum unum significet. Nam si duobus nomen unum impositum sit, ex quibus constare non possit unū: non ea una & simplex affirmatio, aut negatio est. Vt si quis equo, & homini nomen uestis imponat, itaque enūciet, Vestis alba est, hæc neque affirmatio simplex sit, neque negatio. Hæc enim idem ualeat ac si dicas, Homo est, & equus albus: nil autem hoc aliud est, quam si diceres, est homo albus, & est equus albus. Quod si hæc plures sunt, multaque declarāt, certe prima uel multa declarat, uel nihil: quandoquidem nemo equus est. Quare ne in his quidem una uera est, altera falsa necessario.

De futuris contingentibus.

Cap. V.

IN instantibus igitur ac præteritis affirmatio aut negatio uera sit uel falsa necesse est: in iisque, ut dixi, quæ cum rebus uniuersis uniuersi generis notam habent, semper altera uera est, altera falsa necessario. Itemque in iis quæ sunt ex rebus singulis. In iis autem quæ sunt ex rebus uniuersis, non tamen de toto genere dicunt, non necesse est, de quibus etiam diximus. At uerò in enūciationibus quæ de rebus singulis & futuris dicunt, nõ ita est. Si enim omnis aut uera aut falsa enūciatio est, ceterè omnia sint, aut non sint necesse est. Nam si hic aliquid fore dicat, ille idem neget fore, profecto necesse est uere alterutrum dicere, si modo omnis enūciatio uera est aut falsa: quandoquidem in eodem simul utrumque non intelligitur. Etenim si uerè dicitur, esse album aliquid aut non esse album, necesse est id esse album, aut non esse album.

bum. Et si est album aut non est album, uerè id dictum fuit, uel negatum. Et si non inest, id falsum est, quòd si falsum, nec inest. Ita necesse est ex omni eternitate, uel affirmationem, uel negationem ueram fuisse uel falsam. Nihil igitur euenit, neque fit forte, temere, casu: nihil in alterutram partem, aut cadet, aut non cadet, sed ex necessitate omnia fiunt quaecunque fiunt, nilque est quod utranque in partem habet equabilem euentum. Nam aut is uerè dixit, qui rem confirmauit fore, aut is qui negauit: si autem equabile esset utranque in partem, par ratio esset, ut aut fieret, aut non fieret. Quod enim utrâque in partem cadit, nō hoc modo potius, quàm illo euenit, aut futurum est. Præterea si quid album sit hoc tempore, fuit uerum, album in futurum esse. Ita ex eternitate fuit uerum quicquid sit, id aut esse iam, aut futurū esse. Quòd si ex eternitate fuit uerum aliquid esse iam, aut futurū esse, certè id nō potest nō fieri, aut fore. Quod autem non potest non fieri, fieri non potest, ut non sit: quod autem ut non sit, fieri non potest, id necesse est fieri. Quicquid igitur futurum est, id fieri necesse est. Ita nihil in alterutram partem cadit, neque fortuito. Si enim fortuito, non ex necessitate. Sed ne illud quidem uere dici potest, neutram partem esse ueram: hoc est, neque futurum quicquam, neque non futurum esse. Primiū enim id eueniet: si falsa sit affirmatio, ueram nō esse negationem: & si hac falsa sit, non esse ueram affirmationem. Deinde si uerum est album aliquid simul & magnum esse, duo illa sint necesse est. Et si cras futurū utrūque uerum sit, cras erit. Si autem nec futurum est, nec

minus futurum cras, exempli causa, bellum nauale, id certe non erit ex eorum numero, quæ pariter utraque in partem cadere possunt. quoniam nec fieri nauale bellum necesse est, nec minus fieri. Atque hæc sunt incōmoda, & alia eiusdem generis, quæ suscipere cogimur, si necesse sit ex omni affirmatione & negatione, quæ contradictorio nomine opponantur, siue in ijs quæ rebus uniuersis constant, siue quæ ex singulis, alteram ueram esse, alteram falsam, nihil scilicet in alterutram partem casurum esse in ijs quæ sunt, sed omnia esse, aut futura esse ex necessitate. Quæ ratione omnis è uita tollitur, & deliberatio & actio. quoniam si hoc faciamus, illud euenit: & si hoc minime faciamus: non eueniet. Nihil enim prohibet, ad decem millia annorum hunc confirmare hoc uel illud fore, alterum negare, ut ex necessitate eueniat, quod in alterutram partem tum ei licebat uere dicere. Neque uero interest utrum pronunciarint aliqui contradictionem, necne pronūciarint: quippe cum perspicuum sit hoc: uel illo modo res euenire solere, etiam si nihil ne hic confirmet, nec ille neget futurum. Neque enim quia confirmatum est, aut negatum fore aliquid, idcirco id futurum est, aut non futurum, uel ad decem millia annorum, uel quouis tempore. Quare si ex omni aternitate ea uis, & natura rerum fuit, ut una uera esset, necesse fuit eam fieri. Ita omnium rerum ea uis fuit ex aternitate, ut ex necessitate fierent. Si quis enim uerè dixerit fore aliquid, id non potest non fieri. Et quod factum est, id ex aternitate fuit uerum futurum esse. Atqui si hæc sint, multa sequuntur incommoda. Videmus enim

enim rerum futurarum initium, & cōsilio indagari, & actione. omninoque in ijs quæ nō semper agunt aliquid, cernimus illa duo, æquè agere ea posse & non posse, in quorum quidem potestate utrumque situm sit, & ut res sit, & ut ne sit. Quare etiam ut fiat, & ut non fiat. Multaque adeo nobis nota sunt, quorū uis est talis. Velut uestis hæc frāgi potest & discindi, nec frangetur, sed prius atteretur. Similitèrque fieri potest, ut non discindatur. Nō enim prius atteri posset, nisi fieri posset, ut ne discinderetur. Similis est ratio eorum omnium, in quibus eadē uis reperitur. ex quo perspicuum est, nec esse, nec fieri ex necessitate quæcunque fiant, sed alia in utranque partem cadere posse: nec affirmationem in ijs uerā aut falsam potius quā negationem esse. alia esse in quibus alterum magis & plerunque fiat, ita tamē ut alterū euenire possit, alterum minime. Ac quicquid est in rerū natura, id sit quandiu stat: & quod non est quandiu non stat, id non sit, necesse est. Attamen nec quod est, id omne esse necesse est, nec quod non est, non esse. Neque enim ex necessitate esse quicquid est quia sit, idem ualeat quod omnino esse ex necessitate. Quod idem dicendum est in ijs quæ non sunt. Eadem est etiam ratio contradictionis, in qua omne necesse est, uel esse uel non esse, fore uel nō fore. Quanquam non est necesse eum, qui separatim accipiat uerè alterū dicere, ut necesse est nauale bellum cras geri uel nō geri, non tamen geri cras bellū nauale necesse est, aut non geri, etiam si illud, geri aut non geri sit necesse. Quoniam igitur eadem ratio est ueritatis orationum & rerum, certè necesse est ea omnia, quorum ea uis

Et natura est, ut utranque in partem inclinent, contrariâque recipiant, eadem ratione etiam contradictione contineri. Quod in ijs etiam rebus sit, quæ non semper sunt, quæque non semper non sunt. Ex his enim necesse est alteram contradictionis partem ueram esse, alteram falsam: non quidem hanc uel illam, sed alterutrâ. Et quanquam ad ueritatem alterâ propius accedit, tamen non iam uera est, uel falsa. Ex quo efficitur, nõ necesse esse in enunciationibus contradictorijs alteram ueram esse, alteram falsam. Non enim eadem ratio est eorum quæ sunt in rerum natura, et eorum quæ nõ sunt. esse autem uel non esse possunt, sed sicut diximus ita res habet.

De enunciationibus infinitis Cap. VI.

QVONIAM autem affirmatio omnis quiddam de quodam dicit, idque uel nomen est, uel uacat nomine: quod autem in affirmatione continetur, id et unum esse et de una re dici debet. quod autem de nomine et de eo, quod uacat nomine modo dixi, ad id referendum est, quoniam non homo, non nomen, sed infinitum nomen appello. nam unum quiddam significat quodam modo nomen infinitum: quemadmodum non ualet non uerbum dico, sed infinitum: profecto omne effatum aut ex nomine et uerbo, aut ex infinito nomine uerboque constet necesse est. Esse autem effatum sine uerbo nullum potest. Nam uerba illa, est, fuit, erit, fit, et cetera eiusdem generis, quoniam tempus adsignificant, in ijs sunt quæ uerba esse supra posuimus. Prima igitur erit affirmatio

Et negatio, Homo est, Homo non est. Deinde hæ, Nō homo est, Non homo non est. Tum hæ, Omnis homo est, Nō omnis homo est. Postremo hæ, Omnis non homo est, Non omnis non homo est. Eadē est ratio temporum, quæ præsens utraque ex parte claudunt.

Cum uerō uerbum, est, in oratione tertiū dicitur, tum duo contrario nomine oppositarum pronuntiationum genera nascuntur: quod autem dixi, hoc exemplo intelligi potest, Homo iustus est: hic enim tertium, siue nomē, siue uerbum est uerbū, est. Ob eāque causam hæc quatuor erunt, quorum duo affecta erunt eodem modo ad affirmationē et negationem, quo priuationes, alia duo non erunt. Quatuor autem fieri dixi, quoniam est, uel nomini iusti coniungi potest, uel non iusti. Quod idem fit in negatione. Sunt igitur quatuor. Sed quod dixi, ex hac descriptione intelligi licet.

A. Homo iustus est,	} ^{affirmatio}	C. Homo nō est iustus.
C. Nō iustus nō est homo.		A. Nō iustus est homo.

In his enim est, et non est nominibus iusti, et non iusti adiunguntur. Atque hæc quidem eo ordine disposita sunt, quæ in Analyticis ostendimus. Nec diuersa erit ratio, si nominis fiat affirmatio, adiecta generis uniuersifi nota.

A. Omnis hō iustus est.	} ^{commune}	C. Nō oīs hō iustus est
C. Nō oīs hō nō iust ⁹ est.		A. Oīs hō est nō iust ⁹ .

Nisi quod non possunt a quæ uere simul esse enūciationes eæ, quæ rectis lineis ex diametro inter se respondent. Sed tamē ueræ sunt interdum eodem tempore. Atque hæc quidem duæ contradictiones sunt. Aliæ autem duæ cum

hoc, Non homo, subiectum est, ei que aliquid attribuitur.
 Non homo iustus est, Non homo non est iustus,
 Nō homo est non iustus. Nō homo nō est nō iustus.

His autem plures esse contradicentes nullo modo possunt: hæque ab illis, hoc ipso diuersæ erunt, quod illud nō homo, tanquam nomen, sibi adiungant. Atque in ijs etiam omnibus in quibus est uerbum non accipitur, ut in illis uerbis ualere, & ambulare, id idem efficit, si ita ponatur, ac si, est, coniungeretur. uelut, Omnis homo ualet, Non omnis homo ualet. Et, Omnis non homo ualet, Non ualet omnis non homo. Non enim non omnis homo, dicendum est, sed negatio ad hominis uerbum addi debet, quoniam omnis non res uniuersa est, sed in toto genere rem accipi declarat. Quod ex his enūciatis omnibus perspicui potest, Valet homo, Non ualet homo, Valet non homo, Non ualet non homo. Inter has enim & illas hoc interest, quod in his nihil prorsus uniuersæ & in totum dicitur: in illis dicitur. Ergo significat omnis & nullus aliud nihil, nisi nomē uniuersæ, & in toto genere accipi in affirmatione aut negatione. Ita cetera eadem omnia conuenit adhiberi. Quando autem huic enunciationi, Omnis animas iustus est, illa contraria est que dicit, nullum esse iustum animantem, perspicuum est eas nunquam simul in eodem ueras futuras esse, quæ autem his repugnant, possunt interdum: uelut, Non omnis animans iustus est: & Est aliquis animans iustus. mutuo autem se hæ enunciationes consequuntur: hæc quidem, Nemo est iustus, huic, Omnis homo est non iustus: & hæc, Est aliquis homo iustus, huic, Non omnis homo est
 non

non iustus. quandoquidem sit aliquis iustus necesse est, si hoc sit. Illud etiam perspicuum est, si uere licet negare in singulis enūciationibus ei qui rogatus sit, uerè etiam eundem posse affirmare: ut, Estne sapiens Socrates? Non: est igitur non sapiens Socrates. In uniuersis autem non est uera huic similis affirmatio, sed tantum negatio: ut, Non omnis homo sapiens est? Non, Omnis igitur homo non sapiens est. Hoc enim falsum est. at illud uerum: Non omnis igitur homo est sapiens. Atque hæc quidem illi repugnant & contradicens est, illa contraria. Quæ uero ex nominibus & uerbis infinitis inter se repugnantes & contradicentes sunt, qualia sunt hæc, non homo, & non iustus, eæ sine nomine & uerbo negationes uideri possunt, sed tamen non ita est. Nam cum necesse sit semper uerum aliquid uel falsum negationem declarare, qui hoc totum, Non homo dixerit, nihilo magis atque adeo minus, quàm qui solum hominis uerbū pronunciauerit, uere aliquid aut falso dixerit, nisi quid adiungat. Nec uero pronunciatū hoc, Est omnis nō homo iustus, idē quod superiorum ullum declarat: nec illud quod huic repugnans est & contradicens, Nō est omnis nō homo iustus. Atq; hæc, Omnis nō homo est non iustus, par illi est, Nullus est iustus non homo. At uero nomina & uerba si transponantur aut traiciantur, idem semper significāt, uelut, Est albus homo, Est homo albus. Si enim secus sit, certè eidem affirmationi multæ sunt futuræ oppositæ negationes: At unam uni esse oportere demonstrauimus. huius enim, Est albus homo, negatio est, Non est albus homo. Huius autem, Est homo albus, si idem quod illa,

Est albus homo, non declaret, negatio erit uel hæc, Non est non homo albus, uel illa, Non est homo albus. Atqui hæc, Non est non homo albus, huius est negatio, Est non homo albus. Altera autem huius, Est albus homo. Dæ igitur sint unius necesse est. Ex quo intelligitur, si nomen & uerbum transponatur, traſſianturque in oratione, eandem omnino affirmationem & negationem futurã. Dicendo autem aut negando unum aliquid de multis, aut multa de uno, nunquam una & simplex affirmatio & negatio fit, nisi unum quippiam ex multis illis declaratur. unum autẽ appello, non si nomen unum sit illi impositum, nec ex his unum aliquid efficiatur: uelut homo certè, & animal est, & bipes, & cicur, sed unum quiddam ex his constat: ex homine autem & albo & ambulatione non unum efficitur. Quare si quis unum quippiã de ijs enunciet, non una pronuntiatio sit, sed multa, etiã si uox una esse uideatur. Itẽque multa sunt, si de uno quodam hæc dicantur omnia. Quocirca si dialectica interrogatio responsionis petitio est, ut uel ipsa propositio accipiat, uel pars altera repugnãtiæ & contradic-tionis, propositio autẽ unius est pars repugnãtiæ & cõtra-dictionis, profecto nunquã ad hæc unũ responsum adhi-beri potest. quandoquidẽ ne si uera sit quidẽ, una inter-rogatio est. Sed de his in Topicis diximus. Ex quo id etiã perspicuum est, quid est, nõ esse dialecticam interroga-tionem. Nam & optio danda est, ut ex interrogatione utram uelit partem contradic-tionis & repugnãtia al-ter eligat, & qui interrogat antè, constituere definitio-nem debet, actum quærere, sit, necne sit hoc homo. Sed
quoniam

quoniam alia coniuncta & copulata sic dicuntur, ut unum fiat attributum ex his quæ separatim dicuntur, alia nō: quæ hoc loco distinctio & dissimilitudo est, quærat aliquis. Nam & animal de homine separatim uere dicitur, & bipes separatim, atque ea coniuncta unum faciunt attributum. Item homo & albus, quæ eadem unum sunt. At uero non si quis sutor sit, & bonus, cōtinuo sutor bonus esse dicatur. Si enim quia utrunque separatim uerum sit, etiam coniuncta ambo uera semper esse debere credat quispiam, permulta incommoda suscipere cogetur. Nam hominis albiq̃ue nomen de homine uere dicitur, ergo etiam totum, rursus autem albi nomē separatim dici potest, quare etiam coniunctim. Ita erit homo albus albus, atque ad exitum nūquam perueniet oratio. Itēque erit musicus albus ambulās, eadēque sæpe cōnexa & repetita, nihil in quo cōsistant habebūt. Præterea si Socrates Socrates sit & homo: etiā Socrates Socrates homo sit necesse est. Et si homo ac bipes, sequitur ut sit etiā homo homo bipes. Illud igitur perspicuum est, absurda multa cōsecutura necessario, si quis coniunctiones omnino cōtendat fieri oportere. Nunc quemadmodum hæc constituenda sint omnia, uideamus. Eorum igitur quæ dicuntur, & eorum de quibus alia dicuntur, quæcunque per accidens ita dicuntur, ut aut de eodem aliquo subiecto dicātur, utraque aut alterum de altero, ea omnia non unum efficiunt. Velut in hoc, Homo est albus & musicus, nec unum ex albo fit & musico: siquidē utrunque accidens est. nec si quis albus idem & musicus sit, idcirco ex albo musico fit unū. Forte enim temere.

aliquis muscus & albus dicitur. Ita non unū quiddam ex musico & albo efficitur. Quocirca ne sutor quidem bonus omnino dicendus est, sed tantummodo animal bipes. hac enim non per accidens, sed per se unum efficiunt. Atque etiam unum quiddam non constat ex ijs omnibus, quæ in altero posita rursus repetuntur. Itaque nec id quod album est, album est, nec homo, homo animal uel bipes: quòd in homine & bipes & animal continentur. Vere autem de eo quod cum signo particulari accipitur, idem ipsum nomen citra ullum signum sumptū dicitur, ut dicitur aliquis homo esse homo: aut quidam homo albus, albus homo esse. nec id uerum est semper. Tūmque id falsum est denique, cum id quod adiunctum est, aliquid repugnans continet, ex quo etiam repugnantia consequantur. Vt si mortuus homo, homo esse dicatur. At si nihil tale copulatū reperiatur, totum uere dicitur. An si adsit tale aliquid, semper id uerum non est? si non adsit, ne tum quidē semper uere dicitur? Velut Homerus aliquid est, ut, poeta. Est ne ille tamen, an potius non est? Nam casu & fortuito de Homero illud, est, in hac enunciatione, Poeta est Homerus, dicitur, non sua ui atque natura. Quam ob rem in quibus dicendi rationibus repugnantia est nulla, si pro nominibus definitiones adhibeantur, in quibusque non casu & fortuito, sed per se suæque ui uerba enunciantur, in ijs omnibus quod tale est aliquid, uere dicetur esse omnino, & citra ullam adiectionem tale. Nam quæ nulla sunt, quia opinabilia sunt, non uere aliquid esse dicuntur: quippe cum ea non opinemur esse omnino, sed

non

non esse in rerum natura.

De enunciationibus Modorum.

Caput VII.

HIS autem expositis, nunc quemadmodum inter se affecta sint enunciationes, quæ de eo dicunt quod possit fieri, aut non possit, de quæ eo quod euenit, aut non euenit, de eo denique quod impossibile, quodque necessarium est, differamus. Quam enim uim habeant, magna quaestio est. Si enim ex ijs quæ inter se comparantur, eæ inter se pugnant, & contradicunt quæ ex uerbis est, & non est, constant: uelut huius, Est homo, negatio est, Non est homo, non illa, Est non homo: Et huius, Est homo albus: hæc, Non est homo albus, non illa, Est homo non albus. (Nam si de omni re, uel quod ait, uel quod negat dicitur, certè uerum erit, lignum hominem non albu esse. Quod si ita est, in omnibus ijs, etiam in quibus, est, uerbum non adiungitur, quod pro illo, est, dictum erit, idem ualebit. ut huius effati, Homo ambulat, non hæc, Ambulat non homo, sed illa, Non ambulat homo, futura negatio est. quoniam utrum hominem dicamus ambulare, an ambulantem esse, nihil interest) si inquam ita se res habeat in omnibus: profecto huius, Fieri potest, hæc, Potest non fieri: non illa, Nō potest fieri, negatio sit necesse est. Atqui res & fieri & non fieri eadē potest. Quicquid enim diuidi & ambulare potest, id & non diuidi potest, & nō ambulare. Cuius ratio est, quod non semper id omne re ipsa est, quod hoc pacto fieri potest. Ita etiam conuenit negatio. Nam potest non ambulare quod uim

ad ambulandum habet : & non cerni, quod sub aspectum potest cadere . At fieri non potest, in eodem uere enunciationes repugnantes contradicentisque dicantur. Non igitur huius pronuntiati, Potest fieri, illa, Potest non fieri, repugnans contradicentisque est. nam ex his quae dicta sunt horum alterum efficitur : ut aut idem de eodem dicamus simul, & negemus, aut certe, ut non ex uerbis est, & non est, quae adiunguntur omnibus, affirmationes nascantur & negationes. Quod si fieri illud non potest, hoc profecto sequendum est. Ergo huius enunciationis, Potest fieri, negatio est non haec, Potest non fieri, sed illa, Non potest fieri. Eadem ratio est eius quod contingit. Etenim eius negatio est illud, Non contingit. Quod idem fit in ceteris . cuiusmodi sunt, impossibile, necessarium. Ut enim in illis est, & non est uerba, additamenta sunt, illa autem albus & homo res subiecta : sic in his, est & non est pro subiectis habentur : haec autem, potest, & contingit, accessiones sunt, quae quidem in his enuntiatis, Potest fieri, &, Non potest fieri, ita quid uerum sit quidue falsum, ut in illis est & non est, definiunt & explicat. Huius autem, Potest non fieri, negatio non est quae sequitur, Non potest fieri, sed haec, Non potest non fieri. Et huius, Potest fieri, non illud, Potest non fieri, sed hoc, Non potest fieri. Quocirca quod fieri potest, & quod potest non fieri, alterum alteri consequitur, quod idem & fieri, & non fieri potest. Non enim pugnant secum & contradicunt, quod fieri potest, & quod potest non fieri : sed, quod fieri potest, & quod fieri non potest, quoniam dissident à sese & contradicunt, nunquam in eodem uere dicuntur.

tur. Eodémq; modo de his, *Quod potest nō fieri, & Quod non potest non fieri*, iudicādum. Similitérque huius, *Necessarium est, negatio est non illud, Necessarium non est, sed illud, Nō necessarium est*. Huius autem, *Necessarium non est, illud, Non est non necessarium*. Itémque huius, *Impossibile est fieri, non illud, Impossibile est non fieri, sed illud, Non impossibile est fieri*. Huius uerò, *Impossibile est non fieri, illud, Non impossibile est non fieri*. In summa, est & non est poni, ut dixi, pro rebus subiectis debent: hac autem quæ negationem & affirmationem efficiūt, ad illa ipsa uerba est & non est, addenda sunt. Atque ea demū repugnantes, & contradicentes existimandæ sunt enunciationes, in quibus potest & non potest, contingit, & non contingit, impossibile est, & non impossibile est, necessarium, & non necessarium, uerum, & nō uerum collocantur. Atque consequentia quæ hinc nascuntur, disponenda sunt hoc modo. Ei enim quod fieri potest, illud quod contingit ut sit, consequitur, retròque id commeat uicissim. Hac etiam consequuntur, quod non impossibile est fieri, & quod non necesse est fieri. Ex eo uerò quod potest non fieri, & quod accidit ut non fiat, id quod non necesse est non fieri, & quod non impossibile est non fieri, consequentia sunt. Ex eo etiā quod fieri non potest ut sit, & quod non accidit ut sit, id quod necesse est non esse, & quod impossibile est esse sequitur. Consequentia etiam sunt, & id quod necesse est esse, & quod impossibile est non esse, ex eo quod non potest non esse, & quod non accidit ut non sit. Id quod ex hac descriptione intelligi potest.

ARISTOTEL. LIB.

<p>Fieri potest ut sit Accidit ut sit Non impossibile esse Non necessarium esse.</p>	<p>Quod fieri non potest Quod non accidit ut sit Quod impossibile Quod necesse est non esse.</p>
<p>Fieri potest ut non sit Accidit ut non sit Non impossibile non esse Non necessarium non esse.</p>	<p>Quod nō potest fieri quin sit Quod non accidit ut non sit Quod impossibile est quin sit Quod necesse est esse.</p>

Quod igitur impossibile est ut sit, & quod nō impossibile est esse, ex repugnantibus & contradicētibz eius quod accidit ut sit, & quod fieri potest ut sit, & quod nō accidit ut sit, & quod nō potest fieri ut sit, ita consequētia sunt, ut conuerso ordine affirmationes negationibus, nō affirmationes affirmationibus conueniant. Ex eo enim quod potest fieri, eius quod impossibile est, consequens est negatio hac, Non impossibile est esse. Ex eo autem quod negat, id quod ait, quoniam ex eo quod nō potest fieri ut sit, id quod impossibile est esse, efficitur. Hoc enim totum, Impossibile est esse, affirmatio est, illud negatio, Non impossibile est esse. Sed quam affectionem ad illa habeat id quod necesse est, uideamus. Atq; illud quidem perspicuū est in his non ita esse ut in illis, cōtrariāsque hic consequi, repugnantes autem quæ eadem contradicentes dicuntur, seorsum esse ab ijs quæ cōsequuntur. Neque enim huius, Necesse est non esse, illa, Non necesse est esse, negatio est. quandoquidem utraque de eodem uera esse potest. Quod enim necesse est non esse, id est nō necesse esse. Cur autem enunciationes quæ de eo quod necesse est dicunt, non eodem modo, quo superiores, ex illis cōsequuntur, hoc causa est, quod ei quod necessarium est, id quod impossibile est esse

esse, idem ualeat, cōtrario nomine oppositum. Quod enim impossibile est ut sit, idem necesse est, nō, esse quidem, sed non esse. Quod autē impossibile est quin sit, id sit necesse est. Ita si illa eodem modo ex eo quod potest esse, & non potest esse concluduntur: certē in his cōtra fiat necesse est: quandoquidem nō idem ualent quod necesse est esse, & quod impossibile est ut sit: sed contrario modo alterum cum altero consentit, ut dictum est. An autem fieri non possit, ut hoc modo constituantur repugnantia & contradictiones eius quod necesse est, quæstio est. Huic enim quod necesse est esse, cōsequitur id quod fieri potest ut sit. Sin minus, negatio erit consequens, quoniam necesse est de quacunque re uere, aut affirmari, aut negari. Ergo si non possit esse, impossibile est esse. Quod igitur impossibile est ut sit, id necesse erit esse: quo nihil absurdius. Atqui ex eo quod potest esse, consequens id est, quod nō impossibile est esse, ex quo id quod non necesse est esse. Ita sit ut quod necessarium est, id non sit, necesse esse, quod fieri non potest. Ne ex eo quidem quod potest esse id, quod necesse est esse, aut non esse concluditur. Nam illud utranque in partem potest cadere, horum autem utrumlibet uerum sit, nō iam illa uera sunt futura. Simul enim aliquid & esse, & nō esse potest. Si uero necesse sit esse, aut non esse, iam amplius utranque in partem cadere non poterit. Relinquitur ergo ut id quod non necesse est non esse, eius sit cōsequens, quod potest esse. Nam de eo etiam quod necessarium est, id uere dicitur: atque etiā hæc ipsa repugnat, & contradicit ei quæ ex eo concluditur, quod fieri non potest. Ex illo enim efficitur id quod impossibile

est esse, & quod necesse est non esse : cuius hoc, Non necesse est non esse, negatio est. Consequuntur ergo hæ contradicentes altera alteri, quemadmodum dixi : quibus ita positis, nihil repugnans cōcluditur. Vtrum autem ex eo quod necesse est esse, id quod fieri potest ut sit, sit consequens, quæstio est. Nam si non sit cōsequens, contrarium & contradicens erit cōsequens id, quod fieri non potest. Quod si quis hoc contrarium aut contradicens esse neget, is necesse est fateatur id esse quod fieri potest ut non sit. sed & hoc & illud falsum est in eo quod necessarium est. At contra idem uidetur secari posse, & non secari, esse & non esse. Ita quod necessarium est, id poterit non esse quod falsum est. Illud igitur perspicuum est, non quicquid potest aut esse aut ambulare, posse etiā non esse, aut ambulare : sed sunt de quibus id uere non dicatur : primumque in ijs quæ rationis expertia aliquid efficere possunt. Vt ignis uim habet ille quidem caloris, sed quæ rationis sit expertus. Quæ igitur facultates ratione ad agendum impelluntur, eæ multa etiam contraria efficere possunt : rationis autem expertes, nō omnes, cum præsertim ignis calorem sua ui gignere, & non gignere non possit, nec ea omnia quæ semper agunt. Sunt tamen quedam facultatibus rationis expertibus prædita, quæ simul contraria recipere possint. Quod dixi, propterea quod non omnis uis ad contraria accipienda apta est : ne eæ quidem, quæ sunt eiusdem generis. Sunt uero ipsæ facultates homonymæ. Quod enim possibile est, id nō uno modo dicitur : aliudque eo dicitur posse, quia iam re uera agat sic : Vt posse aliquē ambulare, quia iam ambulat,

let, & ut semel dicā, posse esse, quod iam in actu ipso sit, id quod posse esse dicitur. Aliud quod futurū sit, ut agat aliquando. uelut cum aliquem posse ambulare dicimus, quod futurum sit ut ambulet. Atque hæc quidem uis in ijs tantūmodo reperitur, quæ mutabilia sunt, illa etiam in ijs quæ immutabilia sunt. Et utrumque uerè dicitur posse ambulare, aut esse, & quod ambulat iam, atque in actu est, & quod uim habet ad ambulandum. Ergo quod hoc modo. potest, non uerè omnino de re necessaria dici potest, alterum potest. Ita quoniam ex parte genus consequens est, certè ex eo quod necessarium est, id quod fieri potest, etiam si non omne, concludetur. Ac fortasse quod necessarium est, aut non necessarium, quasi fons est & causa, cur sint aut non sint omnia: ut cætera omnia ex eo spectari debeant, quomodo sint cōsequētia. Quapropter ex his quæ dicta sunt apparet, in actu & re uera esse, quæcunque fiunt necessario. Si igitur priora sunt æterna, etiā actus ui & facultate prior est. Atque alia cum uim nullam habeant, actus modo sunt, ueluti hæ substantiæ quas primas dicimus: alia simul uim habent cum actu, eaque naturæ ordine priora sunt, posteriora temporis. Alia nunquam in rerum natura sunt, sed solum esse possunt.

VTRVM autem affirmatio negationi, an affirmatio affirmationi, & oratio orationi cōtraria sit ea, quæ omne hominem iustū esse dicit, illi, Nemo iustus est: an hæc, Omnis homo iustus est, illi, Omnis homo iniustus est, uelut Callias iustus est, Callias iustus nō est, Callias iniustus est: quæ inquam ex his inter se sint cōtrariæ, magna


quaestio est. Si enim sensa animi imitatur oratio, illic autem contraria sententia de contrario est, ut haec, Omnis homo iustus est, illi, Omnis homo iniustus est, certè in ijs etiam enunciationibus quæ uoce exprimuntur, ita res habeat necesse est. Sin minus illic opinio, & sententia de contrario contraria est, ne hic quidem affirmatio affirmationi contraria erit, uerum negatio: ut dixi. Quæ igitur opinio & sententia falsa, ueræ contraria sit, uideamus. utrùmne ea quæ negat, an quæ ait. Atque hinc nostra omnis manabit oratio. Est de bono sententia uera quæ id dicit bonum esse: alia falsa, id nō esse bonum: tertia, id malum esse. Harum utra ueræ illi sententiae cōtraria sit: & si una sit, utra sit cōtraria, quaestio est. Atque illud quidem falsum est, ex eo iudicari contrarias sententias esse, quia uerbis constant contrarijs. Nam illa de bono sententia, id bonum esse, & de malo, id esse malum, eadem fortassis atque adeo uera est, siue multæ sint, siue una: sunt autem hæc contraria. At uero non quòd contrariorum sint, cōtraria sunt proloquia, sed potius quòd contrario nomine opponantur. Quòd si una sententia de bono est, id esse bonum, alia nō esse bonum: & si est etiam quæ aliquid dicat, quod nec in bonum cadat, nec cadere possit, profectò nulla ex illis alijs statuenda contraria est, quæ cadere dicunt, quod non cadit in bonum, & cadere negant quod cadit. (Veraque enim hæc incertæ infinitæque sunt, & quibus inesse aliquid confirmamus, quod abest, & abesse quod adest negamus) sed ea demum statuendæ sunt contrariæ, in quibus animo concipiendis, prima inest erroris ac deceptionis causa.

causa. Errores autem ac deceptiones iisdem continentur extremis, quibus rerum ortus. Atqui inter disparata extrema, omnes continentur rerum generationes. Ergo etiam fallaciae. Si igitur bonum bonum est, & non malum: illudque sua vi ac per se dicatur hoc casu & fortuito (accidit enim ut sit non malum) uerior autem ea est de quaque re enunciatio, quae sua vi ex se, & per se uera est: & pari ratione falsa magis, quae suapte sponte, & per se falsa: fallax autem haec opinio bonum non esse bonum, eam respicit quae per se uera erat: altera autem fallax etiam, bonum esse malum eam respicit, quae per accidens uera erat. Ex quo efficitur, ut magis falsa sit in bono ea sententia, quae ex negatione est, quam quae est ex contrario. At is demum errat in quaque re uehementer, qui in diuersa & contraria sententia est. Siquidem contraria dicuntur ea, quae in eodem genere plurimum differunt. Quod si harum altera contraria est, magis autem ea est contraria quae negat: certe hac ipsa sit contraria necesse est. Illa autem altera, quae bonum in malis esse defenditur, cum ea coniuncta implicataque est: propterea quod eundem necesse est bonum non esse in bonis putare. Iam uero si in ceteris omnibus hoc modo sumi repugnantia debeat, etiam hic illud uere dictum est à nobis. Aut enim in omnibus ea quae repugnat, & contradicit contraria est, aut in nullis. Vbi autem uerba contraria sunt nulla, in ijs falsa ea sententia uera opponitur, quae ut disparatum quippiam alteri repugnat, ut is qui hominem non esse hominem putat, fallitur. Si igitur hic contrariae sunt, negationes etiam in ijs ea demum.

erunt contraria, quæ cōtradicientes erunt. Præterea eadem est ratio eius, quæ bonū in bonis ponit, & eius quæ non bonum in non bonis: & præterea eius quæ bona in non bonis, & eius quæ nō bona in bonis collocat. Ei ergo sententia uera, quæ non bona in nō bonis putat, quæ tandem contraria erit? Non ea quidem quæ in malis nō bona ducit, quandoquidem simul uera est interdum: & uera ueræ esse cōtraria nullo modo certè potest. Aliquid enim quod est non bonum, est in malis. Ita ueræ simul esse possunt. Nec uerò ea contraria erit, quæ non bona in non malis numerat: siquidem hæc quoque uera est, & simul esse possunt. Relinquitur ergo, ut eius quæ nō bona in non bonis numerantur, illa contraria sit sententia, quæ non bona in bonis esse dicit, quoniam falsa est. Quare etiam huius, Bonum non est bonū, hæc, Bonum est bonum contraria est. Perspicuum autem est, nihil interesse, utrum uerbum hoc Omnis, in affirmatione, nec ne, collocemus. Nam contraria erit uniuersa negatio. Ut illi opinioni, Omne quod bonum est, est in bonis, hæc repugnat, Nihil quod bonum est, est in bonis. Et certè sententia ea quæ ipsum bonum esse bonum putatur, si bonum uniuersale uerbum sit, idem ualeat quod hæc, Quod bonum est, id est in bonis. Inter hanc autem & illam, Quicquid bonum est, id est in bonis, nihil interest. Quod idem in eo quoque quod non est bonum, dicendum est. Quapropter si ita in ijs quæ animo concipiuntur, uti diximus, res habet, & si intelligentiarum & notionum quæ in animis imprimuntur, interpret est oratio, quæ aut affirmamus aut negamus: certè affirmationi contraria

traria sit, necesse est ea demum negatio, qua idem aliquid quod affirmabatur, de toto genere negatur. ueluti huic, Omne quod bonum est, in bonis est: uel, Omnis homo bonus est, ea in qua nullum uel nemo contrario nomine opponitur. Contradictorio autem nomine ea opponitur, in qua non omne, uel non omnis, adhibetur. Illud etiam perspicuum est, ueram enunciationem uel sententiam, uera contrariam esse non posse. Nam & ex oppositis & contrarijs, contraria seu aduersa constât, de quibus homo idem uerè potest dicere: at cōtraria eadem simul conuenire non possunt.

F I N I S.



ARISTOTELIS

PRIORVM ANALYTI-

corum, id est de prima
Resolutione.

LIB. II.

Firmino Durio interprete, per N. Grou-
chium correcti & emendati.

LVTETIAE,

Ex officina Michaelis Vascofani, uia Iacobæ
ad insigne Fontis.

M. D. LI.

CVM PRIVILEGIO.

A. J. T. 1818

1818

1818

1818

1818

1818

1818

1818

1818

ARISTOTELIS DE PRIMA
RESOLUTIONE,

LIB. I.

FIRMINO DVRIO INTERPRETE.

De principijs ratiocinationis. Cap. I.

Nitiū dicendum uidetur quid sit, in quo posita est instituta disputatio, quaque de re sit suscepta. Versatur autem in demonstratione, ac de demonstrandi arte est instituta. Tum explicandum nobis est, quid sit propositio, quid extremum, quid ratiocinatio, cuiusmodi sit tum quæ perfecta, tum quæ imperfecta dicitur. Demum quidnam sit quidpiam in toto aliquo esse, aut non esse: quidque appellemus aliquid de aliquo omni, aut nullo dici. Est igitur propositio, oratio quæ aliquid de aliquo affirmat aut negat: idque aut in toto, aut in parte, aut indefinite. In toto autem dico, cum quid aut omni, aut nulli inesse dicitur: cū uero alicui, uel non alicui, uel nō omni, id particulare appello. Quod si inesse aut non inesse dicitur absque uniuersali aut particulari nota, Inde finitum id uoco. Cuiusmodi hæc sunt, Aduersa eadem arte continentur, Voluptas non est bona. Eo autē differt demonstratiua propositio à dialectica, quòd illa est ex aientibus & negatibus unius partis assumptio: quippe ut confesum sumit qui demonstrat, nihil rogat. Dialectica propositio, quæstio est utranque contradictionis partem complexa. At

quod attinet ad ratiocinationem ex utrauis struendā, nulum inter eas est discrimen. Nam & qui demonstrat, & qui rogat, ita ratiocinatur uterq; ut quid cuiq; inesse, uel non inesse prius sumpserit. Ita propositio ratiocinationis, affirmatio est, uel negatio cuiusdam de alio: eo, quo diximus, modo. Demonstratiua autem tum demū est, cum uera fuerit, & per prima initia confirmata & sumpta. Dialectica uero propositio: quod ad eum attinet qui rogat, quaestio est contradictionis: quod autem ad eū qui ratiocinatur, est assumptū quid apparens aut probabile: quemadmodū in Topicis exposuimus. Sint igitur haec, quod ad rem praesentem attinet, de propositione satis, quid inquam illa sit, quo differat ea, quae ratiocinationi adhibetur, à demonstratiua, & dialectica, haec item inter se. Diligentius enim de his in progressu differemus. Extremū uero id appello, in quod resoluitur propositio: cuiusmodi est, id quod de alio dicitur, idq; de quo illud dicitur, seu adiiciatur, seu tollatur illud esse, uel non esse. Ratiocinatio uero est oratio, in qua nonnulla ita ponuntur, ut diuersum quid ab ijs necessario efficiatur, quia ea ita sint: quod postremū indicat nullo extremo egere externo, ut necessaria sit consecutio. Perfectā uero ratiocinationem eam appello, quae nulla alia re eget praeter ea, quae in ea sumpta sunt, quo colligendi necessitas sit euidentis ac perspicua. Imperfectā, quae una re, aut pluribus eget: quae etiā si ad extrema concessa & substrata consequantur necessario, nō sunt tamen illa in propositionibus expressae. Est autem res eadem, quidpiam in aliquo toto esse, & quidpiam de alio omni dici: nempe cum nullam subiecti partem reparias, in qua predicatū non uere dicatur. Eodem pacto intelligendum est, de nullo aliquo dici.

De pronuntiatorum reciprocatione. Cap. II.

AT uero cum effatorum alia rem esse dicant, alia necessario eam esse, alia eam accidere: horumque alia aiant, ne-
gent alia, idque in quavis enunciandi ratione: aientium rur-
sus & negantium, alia in toto sint, alia in partem, alia in-
distincta: hæc inquam cum ita sint, in effato eo quod quid-
piam uniuersim esse negat, necessario extrema reciprocantur: exempli causa, si nulla uoluptas est bona, nihil quod bo-
nū sit est uoluptas. In eo autem pronūciato quod ait quid,
extrema retro commeant illa quidem: sed in parte tantum,
non uniuersim: ut, Si uoluptas omnis est bona, quoddam bo-
num uoluptas sit necesse est. Ex particularibus uero affir-
mans in parte retro commeat necessario: nam si quædam
uoluptas est bona: quoddam bonum est uoluptas. In negan-
tibus id non ita est. ut enim quoddam animans non sit ho-
mo: non ex eo efficitur quendam hominem non esse ani-
mans. Principio igitur constituamus propositionem, in
qua quidpiam uniuersim negetur: sitq; hæc, a, b: tum si nul-
lum b, est a. ne ullum quidem a, erit b. Quod si quis relu-
ctetur, quoddam a esse b: designetur illud, sitque c. nō erit
igitur tum usquequaque uerum, quod dicebamus nullū b
esse a, cum c, pars sit aliqua ipsius b, eoque contineatur.
Quod si dicas, omne b esse a, hinc consequetur quoddam a
esse b. quod si nullum esse dicas, ne ullum quidem b erit a:
cum antea pro confesso id haberetur, omne b esse a. Est au-
tē eadē ratio, si in parte fuerit proloquū: nam si quoddā b
est a, necessario efficitur ut quoddam a sit b. Quod si nul-
lum a esse b dicas, hinc consequetur, ne ullum quidem b
esse a. Quod si dicas, quoddam b non esse a, non continuo

efficitur, ut quoddā *a* nō sit *b*. uerbi causa, si *b*, pro animā te intelligatur, *a* uero pro homine: neque enim omne animans est homo, cum omnis homo sit animans. Eadem erit reciprocatōis uia in pronunciatis necessariis: uniuersale enim negans in totum reciprocatur, affirmantium utrunque in parte tantum. Si enim nullum *b* est *a*, idque necessario: nullum quoque *a* est *b*, eodem modo. Nam si ipsum *b* alicui *a* accidere contendas: *a* quoque cuidam *b* acciderit. At si omne uel aliquod *b* necessario sit *a*: sane & quoddam *a* necessario est *b*. si enim id non sit necessarium, neque etiam quoddam *b* necessario est *a*. Negatio uero in parte ob eam ipsam, quam antea exposui, causam, non reciprocatur. At quod attinet ad accidentia, quia accidendi uocabulum uarium est ac multiplex: quippe quo, tum necessarium contineatur, tum non necessarium, denique & possibile: sane in affirmantibus omnibus eadē est quæ prius reciprocandi ratio. Nam si *a* ipsi *b* uel in totum uel cuidam accidat, & *b* quoque ipsi *a* acciderit: nam si ut nulli conueniat necesse est, *a* quoque nulli *b* conuenire oportet: id quod paulo ante confirmauimus. In negantibus uero diuersa est ratio: quia quæ accidere dicuntur, aut quia necessario nō insint, aut quia citra necessitatem absint, eodem modo commeant. ut si quis dicat homini accidere, ut non sit equus, aut albedinem nulli uestimēto, quorū unum non inest, idque necessario: alterum citra necessitatem. Et eodē prorsus modo retro commeat utraque propositio, quo superiores: si enim accidat, ut nullus homo sit equus, accidat quoque, ut nullus equus sit homo. Et si in nullo uestimēto albedo accidat, in nulla quoque albedine uestimentum accidit.

accidit. Quod si in aliqua necessario sit, in quodam etiã in-
 dumento albedo reperietur necessario: id quod paulo ante
 confirmauimus. Illud idem de negante particulari iudican-
 dum est. At priuantes illa propositiones in quibus quid ac-
 cidere dicitur, quia plurimum fiat, & natura ita sit com-
 paratum (quomodo accidentis uocabulo peculiariter uti-
 mur) iam non eadem lege reciprocationis utitur: quin ne-
 gatio uniuersalis retro non com meat: particularis autẽ ma-
 xime. Id quod perspicuum erit, ubi de accidente differemus.
 In præsens id tantum nobis præter ea quæ dicta sunt, cõfes-
 sum sit; quod accidere nulli, aut cuidam non inesse, speciem
 habet affirmationis: nam illud, accidit, consimilem locũ at-
 que ordinem seruat, atque ipsum, est. Hoc autem quibus-
 cunque prædicatis adiiciatur, affirmationem quoque mo-
 do efficit, ac perpetuo. Cuiusmodi hæc sunt, Est nõ bonum,
 non album, & in uniuersum est, non hoc, aut non illud. Id
 autem in progressu confirmabimus. Hæ uero reciprocandi
 legem eandem sequuntur, quam & alia. His ita constitu-
 tis dicendum nobis est, quæ sint ea ex quibus struatur ra-
 tiocinatio quæuis. Quando ratiocinatio proba sit futura,
 quaque uia ac ratione sit componẽda. Posterius de demon-
 stratione dicendum nobis erit. Est enim ante demonstra-
 tionem de ratiocinatione differendum, eo quod hæc latius
 patet. huius enim illa pars quædam est, hæc uero totum at-
 que in pluribus.

Prima Figura. A, B, C. Cap. IIIL

QVANDO CVNQVE ergo tria extrema ita inter
 se affecta fuerint, ut postremũ in medio toto contineatur,
 hoc autem in toto primo uel sit uel non sit, necessario hinc

efficitur extremorum perfecta complexio. Medium id appello, quod cum in alio sit, aliud quoque in hoc continetur, & situm quoque mediū seruat. Extrema uero ea dico, quorum alterum in alio est, in altero autem aliud continetur. profecto si *a* de omni *b* affirmetur, & *b* de *c* quouis: necesse est ut *a* de quouis *c* affirmetur. praesertim cum paulo ante explicatum sit, quid sit de aliquo toto dici. Eadē est ratio, si *a* de nullo *b* dicatur: *b* uero in *c* toto sit. Nam *a* in nullo *c* reperietur. Quod si primū extremum cuius medio sit consequens, & hoc nulli postremo insit, nulla erit extremorum complexio. nihil enim quicquam necessario hinc efficitur, quia ea ita se habeant: cum fieri possit, ut primum postremo, tum omni insit, tum nulli: unde nec in parte nec in toto necessarium quicquam efficitur. Quotiescunque autem nihil necessario colligitur, ex iis sane ratiocinatio non fuerit. Extrema in quibus alterū alteri toti insit, sint haec, animans, homo, equus, in quibus nulli insit, illa, animans, homo, lapis. Ne ratiocinatio quidem fuerit, ubi primum in medio nullo reperietur: simul & hoc in postremo nullo. Extrema affirmandi sint haec, scientia, linea, medicina: negandi uero haec, sciētia, linea, unitas. Hinc perspicuum est, quando futura sit ratiocinatio: quando non item, ubi extrema uniuersalia fuerint. Illud etiā constat, quandocunque fuerit ratiocinatio, extrema, eo quo diximus modo, affecta esse oportere: quòd si ita digesta sint, ratiocinationem ex iis effici. At ubi extremorum alterum ad aliud sit affectum in totum, alterum in parte, cum uniuersalis seu affirmatio, seu negatio maiori extremo coniuncta fuerit, minori uero affirmatio in parte, necesse est hinc nasci ratiocinationem absolutam:

absolutam: ubi autem minori extremo additum fuerit uniuersale illud, aut quoquo alio modo extrema fuerint digesta, ratiocinatio fieri nullo modo potest. Maius extremum id dico, in quo medium continetur. Minus uero id, quod medio subternitur. Sit enim hoc confessum, quoduis *b* esse *a*, quoddam item *c* esse *b*. hinc sane efficitur necessario, ut quoddam *c* sit *a*, si de aliquo toto dici id sit, quod initio explicauimus. Quod si nullum *b* sit *a*, quoddam uero *c* sit *b*, necesse est, ut quoddam *c* non sit *a*. Cum antea interpretati simus quid sit, quoque modo audiendum, de nullo aliquo dici. Erit igitur ad hunc modum ratiocinatio suis numeris absoluta: quod idem fiet si *b c* affirmatio fuerit indistincta: quippe cum eadem struatur ratiocinatio: seu particulare sumas pronunciatum, seu indefinitum. quod si minori extremo iungatur uniuersalis affirmatio, uel negatio, nulla hinc erit ratiocinatio: cum propositio, aut in parte fuerit aut indefinita, seu affirmet illa, seu neget. uerbi gratia, si quoddam *b* sit *a*, uel non sit, *c* uero quoduis sit *a*: extrema consentanea sint hæc, bonum, habitus, prudentia. Disparata, bonum, habitus, inscitia. Rursus si nullum *c* sit *b*: quoddam uero *b*, uel etiam non omne, sit *a*, uel non sit: ne sic quidem erit ratiocinatio. extrema omnino consentanea sunt, album, equus, cygnus. Repugnantia plane, album, equus, coruus: quæ eadem usurpanda sunt, si *b*, a propositio indistincta fuerit. Neque item ratiocinatio fuerit, ubi priori extremo addita uniuersalis affirmatio fuerit, uel negatio: posteriori uero negatio in parte, uel etiam indefinita: ceu si omne *b* sit *a*, quoddam uero *c* non sit *b*. Cum ei, cui in parte medium non coheret, prius extremum uni-

uersim modò consentaneum sit ac consequens, modò alienū ac repugnans: ut si proponantur hi tres fines, animās, homo, album: tum ex ijs albis, de quibus homo asseuerari non possit, secernantur, olor, & nix: sanè de altero horum animans uniuersim affirmatur, negatur planè de altero: ita ratiocinatio nullo modo fuerit. Rursus a in nullo b reperiatur, nec itè b in aliquo c: extrema uero sint inanimatū, homo, albū, atque tum assumātur ea alba, de quibus homo nō dicitur, olor & nix: nā inanimū de altero quidē omni affirmabitur, de altero nullo dicitur. Ad hac, cū incerta sit huius pronūciati ueritas, quoddam c non est b (quod quidem uerum est, seu nullum planè sit, seu non omne) cum autem eo modo sumpta fuerint extrema, ut alterum in altero nullo reperiatur, inde non struetur ratiocinatio. id quod paulo ante cōfirmauimus: perspicuum est ex hac extremorum structura ac dispositione ratiocinationem nō effici: alioqui ex illa quoque efficeretur: eadem autem probandi ratio erit, ubi negatio in toto fuerit. Quòd si ambæ intercapedines in parte aiant quid, aut negent, seu altera aiat, neget altera, seu ambæ indefinita sint, seu altera indefinita, altera certa ac definita, ne tum quidē ratiocinatio ulla erit. His autē cōpositionibus omnibus extrema hac cōmunem præbebunt usum, animans, album, equus: animās, album, lapis. Ex iis quæ hucusque exposuimus, hoc constat, ad ratiocinationem in parte per hanc figuram connectendam, necessariā esse eam extremorū collocationem: quæ si obseruetur, necessario inde ratiocinationem effici: alioqui nulla plane effici possit. Ex iis etiam hoc intelligimus, quæ in hac figura struantur ratiocinationes, omnes suis numeris

DE PRIMA RESOLUTIONE. 6

ris absolutas esse ac perfectas: quippe quæ ex iis absoluantur, quæ initio sumpta sunt ac concessa. Hinc etiam id constat, quæstiones cuiusvis generis in hac figura probari, tum quæ in toto ait aut negat, tum quæ in parte. Ac figuram eam primam appellandam censeo.

Figura secunda, M, N, X.

VBI uero aliquid unum & idem, in aliquo quidem toto, in alio uero nullo reperiatur, seu in utroque toto uel nullo, figuram eam secundam appello. In qua medium uoco id, quod de ambobus extremis dicitur: Extrema uero ac fines, ea in quibus id dicitur: Maius quidem, id quod proximè medium situm est: Minus, quod ab eo longius distat. Collocatur autem medium extra fines ac extrema, situ uero primum est omnium: quapropter nullo pacto integra ac perfecta futura est ratiocinatio per hanc figuram: necessaria tamen conclusio hic fieri potest, seu extrema in toto sumpta sint, seu non sint. Sane ubi extrema uniuersa fuerint, struetur tum legitima ratiocinatio, ubi medium in altero nullo, in altero omni reperiatur, utrauis negatione adiecta: sin secus fiat, nihil omnino colligetur. Faciamus enim ut m , in nullo n reperiatur: in x uero omni: tum quia negatio in toto recipiatur ac commeat, nullum m est: iam autem confessum est, omne x esse m : ita nullum x est n . Hoc enim antea confirmauimus. Rursus, si m in toto n , & in x nullo reperiatur, sanè & n in nullo x erit: nam si nullum m , in nullo x cohereat, ne x quoque in ullo m insit: inerat autem m omni x , nullum igitur x n erit: eo enim modo iterum effecta est prima figura structura: & quia negatio inuertitur, n quoque in nullo x reperiatur: ita

eadem complexio efficietur. Licet autem & id ipsum ab absurdo confirmare. Ex his igitur hoc constat, ubi ita collocata atque digesta fuerint extrema, inde ratiocinationem quidem effici, non tamē absolutam ac integram, ut in qua colligendi necessitas non ab his modo sit, quæ initio sumpta sunt, sed aliunde quoque absoluatur. Quod si omne n sit m , item & omne x , nullum hinc efficitur ratiocinium. Extrema autem consentanea hac proponantur, essentia, animans, homo: Dissentanea uerò ac repugnantia, essentia, animans, numerus. Essentia autem media est & pro argumento. Neq; item complexio ulla erit, ubi m , in nullo n , in nullo item x dicatur. Extrema consequentia sint, linea, animans, homo: Repugnantia hac, linea, animans, lapis. Unde planè constat, ubi ex uniuersis extremis constituetur conclusio, dispositionem eam extremorum, quam initio exposui, necessario esse obseruandam: alioqui non necessario consequetur conclusio. At uero ubi medium in altero tantum extremo toto fuerit, tum demum conclusio est futura, quæ aliquid in parte neget, si maiori extremo adiiciatur illud totum, seu affirmes, seu neget: minori autem addatur illud in parte, quod illi toti aduersetur ex diametro. Quod fieri intelligo, si alterum totum neget, alterum in parte affirmet: Et si totum illud affirmetur, illud in parte negetur. Nam si m in nullo n , & in aliquo x reperiatur, necesse est n in aliquo x non reperiri: cum enim negatio retro cōmeet, in nullo m reperitur n . At uero pro certo sumptum est m in aliquo x reperiri: ita n in aliquo x nō erit: quandoquidem in prima figura efficitur conclusio. Rursum si m sit in toto n , in x autem aliquo non sit, necessario effici-

tur,

efficitur, ut n in aliquo x non sit: alioqui omni inesset, m uero de toto n dicitur: ita necesse est, ut m sit in toto x , cū antea pro certo & confesso sumeretur, in aliquo non esse. Quod si m in toto n intelligatur, in x autē non toto, inde efficitur, ut n in x non toto reperiatur: cuius rei eadē est, quæ prius, probatio. At ubi m in toto x dicitur, in n uero non toto, nulla tum erit conclusio. Extrema cōsentanea sint hæc, animans, substantia, coruus: Dissentanea uero animās, album, coruus. Neque item erit ratiocinatio, ubi in nullo x dicitur illud m , in n uerò aliquo. Coniuncta extrema sumantur animans, essentia unitas: Repugnantia, animans, essentia, scientia. Atque ita hucusque nobis expositum est, quando futura sit, & non sit conclusio, ubi uniuersale pronunciatum particulari cōtrarium fuerit. Vbi uero similia ambo fuerint, nempe si negent ambo, uel aiant, iacebit plane cōclusio. Quod ut intelligatur, proponamus primū priuatiua, ut illud uniuersale adiiciatur extremo priori ad hūc modum, ut nullum n sit m , quoddā uero x non sit m : sane fieri potest, ut in ipso x & omni & nullo reperiatur ipsum n . Extrema plane repugnantia sint hæc, nigrum, nix, animans: omnino consentanea nunquam reperiās, si m in aliquo x insit, in alio nō insit. Nam si in omni x reperiatur illud n : m uero in nullo n , sanē m in nullo x erit: cum antea pro cōcesso sumptum sit, in aliquo esse. Hoc igitur modo extrema reperire non possis. Quapropter infirmanda est ea ratiocinatio per pronunciatum particularis incertam naturam. Nam quia uerum illud est, aliquod x non esse m , etiā si nullum sit: cum autem nullum esset, antea iacebat conclusio: perspicuum est ne hoc quidem modo stare posse. Consi-

tuantur rursus propositiones affirmatiuæ ambæ, ut illud
 uniuersale eodem modo collocetur. Verbi causa, ut omne *n*
 sit *m*, aliquod item *x* sit *m*: tum accidit, ut omne *x* sit *n*,
 & nullum. Extrema in quibus cernatur nullum *x* esse *n*,
 sunt album, cygnus, lapis. Extrema uero, in quibus omne
x sit *n*, reperire nō possis ea ipsa de causa, quam antea ex-
 posuimus. Quare ex incerta propositionis de parte natura
 ducendum est ad eam rem probandam argumentū. Quòd
 si illud uniuersum minori extremo iunctum sit ita, ut nul-
 lum *x* sit *m*, quoddam uerò *n* non sit, fieri potest, ut *n* in
x & toto & nullo reperiatur. In toto quidem reperitur,
 ut in his, albo, animante, coruo: in nullo autem cernitur, ut
 in illis, albo, lapide, coruo. Quòd si affirmant propositiones
 ambæ, extrema dissidentia sint, album, animans nix: con-
 sentanea, album, animans, olor. Ex quibus planè intelli-
 gitur nullam fore ratiocinationem, ubi similes fuerint propo-
 sitiones ambæ, & altera in toto, altera in parte: quin nè si
 medium in utroque aliquo sit, uel nō sit, aut in hoc quidem
 aliquo, in illo non item: aut in neutro toto, aut indistinctè.
 Extrema omnibus communia sunt, album, animās, homo:
 album, animās, in animum. Ex iis igitur, quæ exposuimus,
 perspicuum est ratiocinationem necessariam fore, ubi ex-
 trema ita inter se fuerint affecta, ac collocata, ut diximus.
 Quòd si ratiocinatio sit, necesse est extrema ita esse colloca-
 ta, atq; affecta. Hoc etiam intelligitur omnes imperfectas
 esse, quæ in hac figura struuntur ratiocinationes: quippe
 quæ perficiantur omnes quibusdam assumptis, quæ uel in
 extremis necessario erant posita, uel certe conceduntur qua-
 si ex pacto, & fictione: ut sit cum absurdo aliquid confir-
 mamus:

namus. Constat & hoc, nullam in hac figura affirmatē effici conclusionem: sed omnes negantes, tum quæ in toto sunt, tum quæ in parte.

De figura tertia.

P. R. S.

AT uerò ubi hoc in aliquo toto fuerit, illud autem in eodem nullo, seu ambo in eo toto, aut nullo sint, figuram eā tertiam appello. In qua Medium id uoco, de quo ambo illa enunciamus: Extrema uerò ea ipsa, quæ de alio enunciantur: Maius quidem, quod à medio longius distat: Minus uerò id, quod propius accedit. Medium autem extra ipsa extrema collocatum est illud quidem, ac situ & dispositione est postremum. Ita ne in hac quidem figura ulla efficiatur perfectæ ratiocinatio: effici tamē possit, seu extrema uniuersaliter medio iungantur, seu nō omnino. Vbi igitur extrema uniuersim sumantur, si & p & r in toto s reperiantur, necessario efficietur cōclusio, ut p in aliquo r intelligatur. Cum enim reciprocetur affirmatio, sanè in aliquo r erit ipsum s. Itaque, quia ipsum p est in toto s: s uerò in aliquo r, consequitur, ut p in aliquo r insit. Ita enim struitur ratiocinatio in prima figura. Licet autem id ipsum cōfirmare, tum ab absurdo tum expositione. Si enim ambo extrema in toto insint, & assumatur pars quedam ipsius s: uerbi gratia, ipsum n, sanè ei inerit & p & r: ita cuidam r p quoque inerit. Quod si r in toto s, in eodē uerò nullo ipsum p reperiat, efficietur conclusio, quæ p in aliquo r non inerit, idque necessario: quippe eadem est, quæ prius, eius rei probanda ratio, si pronunciatum hoc r s retrocedat ac commeet. Confirmabitur & id ipsum ex

incommodo, ut sit in superioribus. Vbi uerò ipsum *r* in nullo sit *s*: in hoc uerò toto ipsum *p*, iacebit planè conclusio. Extrema consentanea sunt, animans, equus, homo: Dissidentia, animans, inanimum, homo. Ne tum quidem ratiocinatio erit, ubi in nullo *s* ambo dicantur. Extrema coniuncta sumantur, animans, equus, inanimū: Repugnantia uerò homo, equus, inanimum. Ex ijs inanimum est medium. Hinc igitur manifestū, quando sit, uel non sit futura in hac figura ratiocinatio, ubi extrema omnino sumpta sunt: quippe ubi affirmant, colligetur extremum alterum in aliquo altero esse: ubi uerò negant, nihil efficitur. At ubi alterum ait, alterum negat: si maius quidem neget, alterum autem affirmet, hinc consequetur extremum alterum in altero aliquo non esse: sin cōtra sit, nulla futura est conclusio. Quòd si extremum alterum medio iungatur uniuersim, alterum uero in parte: si ambo affirment, necessario efficitur cōclusio, etiam si utrumuis eorum in toto dicatur. Nam si *r* sit in toto *s*, *p* uero in eo aliquo, necesse est *p* in aliquo *r* inesse. Nam, quia comineat affirmatio, ipsum sanè *s* in aliquo *p* erit, atque ita, cum ipsum *r* in toto *s* intelligatur, ipsum uero *s* in aliquo *p*: sanè *r* in aliquo *p* erit: quare & *p* in aliquo *r*: rursum si ipsum *r* in aliquo *s* intelligatur, in eo uerò toto ipsum *p*, necesse est, ut *p* in aliquo *r* in sit. Huius enim conclusionis adstruendæ eadem est atque superiorum uia, quam etiam confirmare possis, quemadmodum antecedentes, tum absurdo, tum expositione. Quòd si extremorum alterum aiat, alterum neget, atque illud uniuersim dicatur: sanè ubi minus extremum ita affirmet, stabit conclusio. Nam si *r* in toto *s* sit positum: *p* uero in eo ipso aliquo

quo non insit, necesse est, ut p in aliquo r quoque non insit. Nam si in eo toto esset, r autem in toto s , profecto ipsum p in toto s quoque reperiretur. At pro concessio sumptum est non inesse. Potest autem adstrui hic modus absque eo ductu, si aliqua pars ipsius s sumatur, in qua p non sit. Quod si maius extremum affirmet, minus autem neget in parte, nulla erit conclusio: ut si p in toto s insit, in eo uero aliquo ipsum r non insit. Sumantur pro extremis omnino consentientibus, animatum, homo, animans: pro dissidentibus uero ac planè repugnātibus nulla accipi possunt, si r in s alia ex parte insit, alia non item. Si enim p in toto s reperiat: r uero in s aliquo, & p quoque in aliquo r erit: at, ut cōfessum est, in nullo erat: quin quemadmodum antea, eodem modo hic faciendum est. Cum enim aliquid in alio aliquo non esse indefinitum sit ac incertum, sanè quod in nullo est, uere dicitur in aliquo non esse: cum autem in nullo esset, nulla erat ratiocinatio. Quod si extremum negans uniuersim dicatur, affirmans uero in parte, ubi negans prius fuerit, affirmans autem posterius, stabit ratiocinatio. Nam si p in nullo s , in hoc uero aliquo sit ipsum r : sanè p in quodam p non erit. Nam si pronunciatum hoc r s permutetur, uisetur prima figura. Quando uero minus extremum negauerit quid, iacebit planè ratiocinatio. Fines consentientes sunt, animans, homo, fera: repugnantes uero, animans, sapientia, fera: in quibus illud fera medium inseritur. Ne syllogismus quidem erit, si ambo extrema negent, ut alterum in toto sit, alterum in parte. Fines dissidentes sunt, ubi minus in medio toto dicitur, animans, sapientia, efferatum: Coniun-

Eli ac consentientes, animans, homo, fera. In quibus au-
 tem maius extremum omnino dicitur, minus uero in par-
 te, exempla repugnantia sunt, coruus, nix, album: Consen-
 tanea uero reperiri non possunt, si r in ipso s partim sit,
 partim non sit. Nam si omni r ipsum p sit consequens: i-
 psum uero r alicui s , sanè & p ipsum alicui s consequens
 est. At pro certo ac concessio habebatur nullum consequi: ue-
 rum ex incerta ueritate propositionis, de parte hoc confir-
 mari debet. Quòd si ambo fines in medio aliquo sint, uel
 non sint: seu hic in sit, ille non item: seu alter in aliquo, alter
 uero in eo non omni, seu indefinita sint ac incerta, ne tum
 quidem firma est ullo pacto futura ratiocinatio. Fines au-
 tem omnibus modis in commune utiles, animans, homo, al-
 bum: animans, inanimum, album. Hinc igitur constat,
 quando sit in hac figura futura firma conclusio, quando
 secus. Ac si ita fines disponantur, ut praecepimus, necessario
 conclusionem effici: quòd si stet ratiocinatio, fines necessa-
 riò ita esse collocandos. Illud quoque constat imperfectas
 eas esse, quæ in hac figura struuntur, ratiocinationes: quip-
 pe quæ absoluantur omnes, ubi nonnulla assumas. Adde
 quòd in hac figura nihil uniuersim efficere possis, seu affir-
 mes, seu neges. Id etiam ex his perspicuum est, quando in
 quauis figura iaceat conclusio: sanè ubi extrema ambo in
 parte aiant quid, aut negent, nihil planè inde efficitur.
 Quòd si affirmatio cum negatione uniuersali sumatur,
 perpetuo sequitur conclusio negans minus extremum de
 maiori: Verbi causa, si a in toto b , aut aliquo sit, b uero
 in nullo c , cum retro commeent propositiones, necessario
 efficitur, ut c in aliquo a non sit: quod in aliis figuris eo-
 dem

dem modo fit. Nam in quauis efficitur ratiocinatio ex con-
 uersione: constat & hoc: si indefinita propositio pro af-
 firmante particulari sumatur, eundem atque illam syllo-
 gismum efficere in quauis figura. Illud quoque manifestum
 apparet, imperfectas ratiocinationes in prima figura om-
 nes perfici atque absolui: quippe, aut demonstratione fi-
 niuntur omnes, aut per absurdum. At utrouis horum mo-
 dorum efficitur prima figura. Nam ubi demonstratione
 perficiuntur, reciprocatione absoluuntur omnes, hæc au-
 tem primam figuram constituēbat. In his autem quæ ab
 absurdo confirmantur, ratiocinatio in prima figura strui-
 tur, proposita atque constituta aliqua re falsa: ut si in ul-
 tima figura $a \text{ et } b$, in toto c reperiuntur, ipsum a in ali-
 quo b erit: alioqui in nullo b fuerit a : b uero in toto c : a
 igitur in nullo c inest: at antea in toto esse concessum est: eo-
 dē modo in ceteris fieri solet. At uero reduci possunt ratio-
 cinationes omnes in eas, quæ uniuersim colligunt in prima
 figura. Est enim in secunda figura id perspicuum omnes
 perfici per illas, præterquàm quòd non eadem uia omnes:
 quin uniuersales perficiuntur quidem si priuans retro com-
 meet: at quæ in parte sunt, ambæ ab incommodo confir-
 mantur: quæ autem in parte sunt in prima figura, ut ex se-
 ipsis perfectæ sint, atque absolutæ, eas tamen per secun-
 dam figuram confirmare licet ductu ad incommodum: uer-
 bi causa, Si a est in toto b , hoc uero in aliquo c , a quoque
 in aliquo c erit. Nam si in nullo sit, sit uero in toto b , b sa-
 nè in nullo c erit: id quod ex secunda figura intelligitur:
 eadē est in priuante cōclusionē cōfirmatio. Nam si a in nul-
 lo b cernitur, b uero in aliquo c maxime, a sanè in aliquo

c non reperietur: alioqui si in toto eo esset, & in nullo *b* reperiretur, profecto ipsum *b* in nullo *c* esset: eo autem modo struebatur media figura. Vnde quia ratiocinationes figuræ mediæ ad eas, quæ in prima figura uniuersales fiunt, reducuntur omnes: particulares autem ex prima ad eas referuntur, quæ in media fiunt: perspicuum est, quæ in parte efficiuntur, referendas eas esse ad eas, quæ in prima figura uniuersim fiunt. Quæ uero in tertia figura struuntur, si extrema uniuersa sint, continuo per ratiocinationes illas primæ figuræ perficiuntur. Quod si in parte sint extrema, ad syllogismos eos referuntur, qui in parte colligunt per primam figuram. Hos uero ad illos referri docuimus: quare referentur quoque qui in parte struuntur per tertiam figuram. Hinc igitur planè constat, ratiocinationes omnes ad eas referri debere, quæ uniuersim fiunt in prima figura. Atque ita hucusque nobis expositum est, quæ sit dispositio, uis, & natura earum ratiocinationum, quæ aliquid esse, uel non esse colligunt, seu per se in sua quæque figura cernantur, seu ex diuersis figuris simul comparentur.

De uaria pronuntiatorum coniunctione.

AT uero quia diuersa sunt hæc, inest, necessario inest, accidit inesse: permulta enim insunt illa quidem, non tamen necessariò: alia nec necessariò insunt, nec re ipsa omnino insunt, inesse tamen possunt. Perspicuum est in de ratiocinationes ex iis singulis confectas, diuersas esse, extremæque in iis non eodem modo se habere, quin alia ex necessariis constat, alia ex absolutis, alia ex contingenti-
bus.

tibus. In necessariis igitur eodem fermè modo res se habet, ac in absolutis: si enim eodem modo collocentur extrema, tū in iis quæ inesse, tū in iis quæ necessariò inesse quid aiunt uel negant, modò conficietur ratiocinatio, modò non conficietur. Hoc tantum differūt, quòd extremis adicitur necessario inesse, uel non inesse: priuans enim propositio eodem modo recipiatur, ac in toto aliquo esse, ac de toto aliquo dici, eodem hic modo locum habent, quo in absolutis. Quo fit, ut quemadmodum in iis, quæ insunt, ita in necessariis conclusio per reciprocationem ostendatur, idque in omnibus, præterquam quòd in media figura, cum altera propositio fuerit affirmatiua uniuersalis, altera particularis priuans. Itémque in tertia, cum altera uniuersalis affirmatio erit, altera negatio in parte, non ita ostendi possit: quin necesse est, ubi singulare aliquod proposueris, cui neutrum insit, in eo ratiocinationem efficere: in eo enim necessario efficietur. Quòd si in re singulari proposita necessario efficiatur, in illius generis, cuius pars est illa res, singula parte etiam efficietur. Harum autem ratiocinationum utraque in sua figura efficiatur.

Quomodo necessarium & absolutum pronuntiatum committantur in prima figura.

FIT autem nonnunquam; ut necessaria efficiatur conclusio, ubi altera propositio necessaria sit: uerum non utrauis, sed quæ maiori extremo coniuncta est: uerbi causa, si sumptum sit, a necessario esse, uel non esse in b: b uero in c esse modò: sanè si eo modo sumptæ sint propositiones, a in c necessario erit, uel non erit: quippe quòd sit in b necessario,

uel non sit: c uerò pars est ipsius b: unde perspicuum est, c necessario alterum eorum futurum. Quòd si b esse a necesse non sit, c uerò esse b maxime, inde non efficietur necessaria cōclusio: alioqui accidet quoddam b necessario esse a tum in prima, tum in tertia figura, quod planè est falsum: fieri enim potest, ut b eiusmodi sit, ut illi nulla in parte a aliquando insit. Iam uerò conclusionem non sequi necessariam extremis propositis, facile intelligitur: exēpli causa, si a sit motus, b animans, loco c locetur homo: tum homo necessario est animās, animans autem mouetur, neque id necessario, neque itidem homo. Eadem est ratio, si priuās fuerit propositio a b: est enim demonstrandi ratio eadem. In ratiocinationibus autem particularibus, cum propositio uniuersalis necessaria fuerit, connexio efficietur necessario: sin particularis necessaria sit, non inde sequetur conclusio necessaria, siue priuans sit uniuersalis propositio, siue affirmatiua. Constituamus primū uniuersalem necessariam, sitque omne b necessario a: quoddam uerò c sit b, tantum, necessario inde consequitur quoddam c necessario esse a: c enim sub b continetur, omni autem b a necessario inerat. ita fiet ubi cōclusio priuans fuerit: est enim eadem probandi uia. Quòd si particularis propositio necessaria sit, non consequetur conclusio necessaria: quemadmodum enim in uniuersalibus ratiocinationibus, ita neque in his quicquam absurdum accidit: quod & in priuantibus aequè est intelligendum, sint extrema hac, motus, animās, album.

Coniunctiones quæ in secunda figura.

CVM autem in secunda figura propositio priuans necessaria

cessaria fuerit, necessaria efficietur connexio: sin affirmatiua, non item. Constituatur enim primum priuans necessaria, ita ut a nulli b inesse possit, insit autem ipsi c tantum. Nam cum negatiua reciprocetur, & b nulli a inesse poterit: a uero omni c inest: igitur in nullo c b esse potest: est enim c sub a comprehensum. Ita fiet si negatio ipsi c adiiciatur. Nam si nulli c inesse potest: & c nulli a: a uero omni b inest: ita fit ut nulli b possit inesse c: constituitur enim rursum prima figura. Ita fit ut & ipsum b nulli c inesse possit, eodem enim modo retroeunt. Quod si affirmatio necessaria sit, non efficietur necessaria conclusio. Faciamus enim, ut omne b necessario sit a: nullum uero c sit a tantum: si retrocedat negatio, constituitur prima figura, in qua antea probatum est, nisi maior propositio negatiua necessaria sit, connexionem non fore necessariam: unde nec in his necesse est fore. Præterea si necessaria sit conclusio, fit, ut c alicui a non insit necessario: si enim b nulli c inest, idque necessario, & c nulli b æque necessario inest: b autem alicui a necesse est inesse. Nam a omni b necessario inerat: ita fit, ut sit necesse c alicui a non inesse: At nihil uetat, quin eiusmodi acceptum sit, cui uniuersim ipsum c inesse possit. Iam uero extremis propositis probari possit, conclusionem non esse absolute necessariam, sed tantum quandiu illa sunt. Verbi gratia, pro a sumatur animans, loco b homo, in locum c succedat album, sintque eodem modo sumptæ propositiones: accidit nullum album esse animans, nullum item album est homo, non tamen necessario: fieri enim potest, ut homo sit albus, non tamen quandiu nullum

album est animans. Ita conclusio necessaria est, quandiu illa sunt, absolute necessaria non item. Ita sit in ratiocinationibus particularibus: cum enim propositio priuans uniuersa fuerit & necessaria, connexio quoque necessaria erit. Quod si affirmatiua uniuersa sit & necessaria: negatio autem particularis sit, nec necessaria: non sequetur conexio necessaria. Primum itaque constituamus negationem uniuersalem necessariam, nullum b potest esse a, quoddam autem c est a. Nam quia reciprocatur negatio, necesse est nullum a esse b, quoddam autem c est a: ita sit, ut necessario quoddam c non sit b. Rursum proponatur uniuersalis affirmatio necessaria, ut affirmatio adiciatur ipsi b: tum si omne b necessario est a, quoddam autem c non est a, perspicuum est inde, quoddam c non esse b, sed non necessario. Eadem enim extrema usui erunt ad id probandum: quae antea in uniuersalibus syllogismis. Quod si negatio necessaria sit in parte, nihilo magis conclusio necessaria est: id enim per ipsa extrema probari potest.

Quo pacto in tertia figura committantur.

CVM autem extrema de medio in totum dicentur in ultima figura, fuerintque amba propositiones affirmantes, utraque necessaria, conclusio quoque necessaria consequitur. Quod si propositionum altera aiatur, altera neget, cum negans necessaria fuerit, connexio necessaria est futura: ubi uero aliens necessaria fuerit, non erit necessaria conclusio. Constituatur amba primum affirmantes, ut & a & b omni c insint, sitque necesse a inesse ipsi c: iam cum b omni c insit, c alicui b inest (commutatur enim uniuersalis
in

in particularē). Ita si *a* necessario insit omni *c*, & *c* alicui *b* insit, necesse est *a* alicui *b* inesse: quippe cum *b* comprehen-
datur sub *c*. Ita rursus prima figura. Eadem ratione proba-
bitur, si necesse sit omni *c* inesse *b*: cōmutatur enim altera;
& *c* alicui *a* inest. Itaque si omne *c* necessario est *b*, quod-
dam autem *a* est *c*, quoddam *a* necessario est *b*: è conuerso
sit priuans propositio *c* *a*, & *c* *b* affirmans, sitque priuans
necessaria: iam quia reciprocatur affirmatio, quoddam *b*
est *c*, nullum autem *c* est *a*, idque necessario: igitur quoddā
b necessario non est *a*, cum *b* sub *c* comprehendatur. Quod
si affirmatio necessaria sit, non sequetur necessaria conne-
xio. Cōstituamus enim ex *c* *b* necessariam affirmationem,
ex *c* *a* negationem non necessariam: quia commutatur af-
firmatio, quoddam *b* necessario est *c*: igitur cum nullum *c*
sit *a*, quoddam uero *b* sit *c*, quoddam *b* non est *a*, non tamen
ex necessitate: docuimus enim, cum negatio in prima figu-
ra necessaria non fuerit, neque conclusionem necessariam
fore: quod & ab extremis intelligi potest. Constituamus e-
nim loco *a* bonum, pro *b* animal, loco *c* equum: Tum nullus
equus est bonus: (id enim fieri potest) omnis autē equus ne-
cessario est animal: neque tamē necesse est, quoddam ani-
mans non esse bonum, cum fieri possit, ut omne sit bonum.
quod si forte id fieri non possit, aliud extremum constitua-
mus uigilare, uel dormire: nam omne animans utrūque ho-
rum recipere potest. Cum igitur ambo extrema de medio
uniuersim dicuntur, exposuimus, quando conclusio neces-
saria fuerit: si uerō alterum uniuersim, alterum in parte di-
catur, idque affirmanda in ambobus, cum idem uniuersim
& necessario dicetur, conclusio efficietur necessaria: cuius

rei probatio eadem est, qua prius: affirmatio enim in parte
 commeet, ac reciprocatur. Igitur cum omne *c* necessario sit
b, a uerò sub *c* contineatur, necesse est quoddā *a* esse, quòd
 si quoddam *a* est *b* necessario, uicissim etiam quoddam *b*
 est *a*, idque de necessitate: hæc enim retrocedunt. Eadē est
 ratio, cum ex *c* & *a* necessaria fuerit & uniuersalis pro-
 positio, quia *b* ipsi *c* subiicitur: sin particularis necessaria
 sit, non efficitur necessaria conclusio. Sit enim uerbi causa,
 ex *c* *b* particularis propositio, ac necessaria, sitque omne *c*
a, nec id necessario: commutata igitur propositione *c* *b* pri-
 ma figura efficitur, uniuersalis autem propositio nō est ne-
 cessaria: at particularis maximè: cum autem ita constitu-
 ta sunt propositiones, docuimus non effici necessariam com-
 plexionem. Igitur neque ex his etiam cōsequetur, quod uel
 maximè ab extremis intelligitur. Sit itaque *a* uigilia, *b* ue-
 rò bipes, ipsi *c* succedat animans: tum *b* cuidam *c* necessa-
 rio inest: *a* uero omni *c* inest, nec tamen *a* ipsi *b* neces-
 sario inest: neque enim necesse est id, quod bipes est, dor-
 mire, aut uigilare. Hoc idem ex iisdem extremis probabi-
 tur, ubi *a* *c* propositio fuerit particularis ac necessaria, cō-
 clusionem non fore necessariam. Quòd si extremorum al-
 terum affirmetur, negetur alterum, cum id quod negatur,
 & uniuersim & necessario negabitur, complexio tum ne-
 cessaria erit. Nam si nullum *c* est *a*, idque necessario, quod-
 dam autem *c* est *b*, quoddam *b* necessario non est *a*. At ue-
 rò cum affirmatio necessaria fuerit, siue ea in toto dicatur,
 siue in parte, uel negatio fuerit particularis, non erit con-
 clusio necessaria: cætera enim eadem, qua prius affere-
 mus: ubi autem affirmatiua uniuersalis necessaria fuerit,

extrema

extrema sint, uigilia, animās, homo, sitque homo medium. Cum uerò affirmatio in parte fuerit ac necessaria, sumen-
tur hæc, uigilia, animans, album. Nam quoddam albū ne-
cessario est animans: fierique potest, ut nullum animans ui-
gilet, nec tamen efficitur, ut quoddam animans non uigi-
let necessario. Cum uerò negatio particularis fuerit ac ne-
cessaria, extrema hac proponantur, bipes, motus, animal,
sitque in his medium animal. Hinc igitur intelligi potest cō-
clusionem non fore absolutam, nisi propositiones ambæ ab-
solutæ sint. At necessaria est, ubi altera tantum propositio
necessaria fuerit: in ambobus autem, siue affirmantes sint
syllogismi, siue negantes, oportet alterum effatum comple-
xioni respondere: nempe ut absolutum sit, si illa sit absolu-
ta: necessarium, si necessaria. Ita id quoque perspicuum est,
neque necessariam neque absolutam fore connexionem,
nisi antecedit pronuntiatum necessarium, uel absolutum:
ac de necessario abunde satis, qua, inquam, ratione colli-
gatur, quoque discrimine distinguatur ab eo, quod absolu-
tè inest.

De coniungendis ac componendis effatis, de contingen-
ti, ac ratiocinationibus ex eo conficiēdis, quoque
pactō reciprocetur in seipsum.

DE contingenti uerò deinceps nobis est dicendum, quā-
do, quaque uia, quibus item propositionibus cōficietur syl-
logismus. Contingere autem ac cōtingens in præsentia in-
telligo id, quod cum non sit necessario, si tamē ponatur, nul-
lum inde sequitur incommodum: cum enim necessarium di-
cimus esse contingens, nominis tantum similitudine id

facimus, & agnominatio: quòd autem contingens id sit, quod diximus, abunde argumento sunt affirmaciones, & negationes inter se contrariæ: nam non contingens esse, & impossibile esse, ac necesse non esse, uel eadem sunt, uel certe sese mutuò consequuntur: quòd si ita est, eorum quoque contraria sese mutuò consequuntur. Hæc enim accidit esse, non impossibile est esse, non necesse est non esse, uel eadem sunt planè, uel sibi inuicem adiuncta: de re enim quauis affirmatio dicitur, uel negatio. Ita fit, ut contingens sit nõ necessarium, & non necessarium contingens. At uerò hoc in contingenti reperitur, ut omnes de eo propositiones in se mutuò commeent ac reciprocentur, quod non ita intelligo quasi affirmaciones in negationes commutentur, sed quia speciem affirmandi habent, in oppositas commutari: uerbi causa, contingit esse, in hanc cõmutari potest, contingit non esse: item in omni contingit, in hanc commeat, in nullo contingit, aut non omni: Item in aliquo contingit, in hanc uertitur, non omni accidit. quod idem fit in cæteris. Nam quia contingens nõ est necessarium, quod autem huiusmodi est, potest non esse, hinc constat, si contingit b esse a, contingit & non esse: quod si accidit in omni reperiri, accidit & in nullo reperiri. Eadem est affirmationum in parte ratio: eadem enim est in his demonstrandi uia. At uerò propositiones huiusmodi affirmant, non negant. Nā uerbum accidendi (quod & prius diximus) eodem fungitur munere, quo ipsum esse. His igitur ita constitutis rem ab initio repetamus. Vocabulum accidendi duobus modis usurpamus, altero pro eo, quod frequentius fit, & à necessario deficit: cuiusmodi hæc sunt, hominem canescere, augeri, tabescere, &

(ut

(ut semel dicam) quicquid aptum est, ut insit. Id enim non habet perpetuam necessitatem, quia non semper est homo: hic tamen cum est, aut necessario illud est, aut certè plurimum. Altero modo accidere id dicimus, quod incertum est & indefinitum, quòdque ita, & secus euenire potest. Cuiusmodi hæc sunt, animans incedere, aut dum incedit, terram concuti, & (ut uno uerbo dicam) quicquid sit fortè fortuna: eorum enim omniū nihil in hanc partem natura magis est propensum, quàm in contrariam. Quocirca utraque contingentis acceptio in cōtrarias propositiones recipitur, sed nō eodem planè modo. Quin quod natura propensius est, conuertitur in non necessarium: eo modo dicimus, contingens est, hominem non canescere: quod autem indefinitum, & susque deque est, in id mutatur, quod in utranq; partem ex æquo uergit. Ac de his ita incertis, neque scientia constitui potest, nec ratiocinatio euidens, quia medium inconconstans est. De his autē, quæ natura propensa sunt in partem alteram, potest quidem cōstitui: quin disciplina fermè omnes, ac inquisitiones de his fiunt, quæ ita accidunt: de illis autem ut ratiocinatio fieri possit, nō solent tamen quaestiones institui: sed de ea postèrius explicabimus fusius. Iam uerò dicamus quādo, quāque uia, ac cuiusmodi futura sit ex contingentibus propositionibus ratiocinatio. At uero cum hæc dicendi forma, accidit hoc illi inesse, duobus modis intelligi possit, tum de eo, cui insit, tum de eo, cui inesse possit: hæc enim loquendi ratio, de quocunque b contingit & a dici, horum utrumque designat, uel de quo dicitur b, aut de quo dici potest: hæc autem inter se nihil differunt, in quocunque b, & a quoque eidem accidere, & omni b inesse

posse a. Planum igitur duobus modis accipi posse illud, contingit a in omni b inesse. Initio igitur dicamus, quis sit futurus syllogismus, cum b accidit ipsi c, a uero ipsi b: ita enim ambæ propositiones contingentes sumuntur: cum autem a ei accidit, cui b inest, altera absoluta est propositio, altera contingens. Ducendum igitur nobis est initium ab ijs, quæ similia sunt, ac eiusdem formæ, quod & alias fecimus. Quum a accidit omni b, b uero omni c, syllogismus erit perfectus, quo colligetur, a accidere omni c: quod ex finitione perspicuum est: ita enim antea explicuimus, accidere omni. Haud secus, si a nulli b accidit: b autem omni c, a nulli c accidet. Diximus enim, cui b accidit, a non accidere, id sibi uelle, ut ne unum quidem omittatur ex ijs, quibus b accidit. At uero quum a omni b accidit, b uero nulli c, ex proloquio ita acceptis nulla nascitur ratiocinatio: quod si effatum ex b c commutetur pro natura accidentis, is ipse erit syllogismus, qui paulo ante expositus est. Nam quia accidit, ut b nulli c insit, potest & inesse omni: id enim antea docuimus. Ita si b omni c accidit, a uero omni b, idem iterum oritur syllogismus. Hoc idem fit, si ambabus propositionibus contingentibus adiiciatur negatio: uerbi causa, si a nulli b accidit: b uero nulli c. Ut enim ex pronunciatis ita sumptis nulla constitutur ratiocinatio, si tamē ea commutentur, eadem erit quæ superior. Ex quo perspicuum est, nullum planè fieri syllogismum: aut fieri quidem, sed imperfectum, ubi negatio uel minori extremo adiiciatur, uel etiam ambabus propositionibus. Necessariò enim ita demum colligitur complexio, si primum reciprocatio fiat. At ubi pronuncia-

tum alterum uniuersale fuerit, alterum in parte: si uniuersale maiori extremo coniungatur, perfectus erit syllogismus. Nam si *a* omni *b* accidit: *b* uerò alicui *c*, *a* quoque alicui *c* accidit: quod facile intelligitur ex interpretatione eius quod omni accidit. Iam si *a* nulli *b* accidit: *b* uerò cuidam *c*, necessariò consequitur, ut *a* cuidam *c* possit non inesse: cuius rei probanda eadem est, quæ superius, ratio. Quòd si particularis propositio negatiua sumatur, uniuersalis autem affirmatiua, & eundem retineant situm, ut *a* omni *b* accidit, *b* cuidam *c* accidit non inesse; syllogismus ex propositionibus ita acceptis non habet uim apertam. Quòd si reciproce tur particularis, ac sumatur, *b* alicui *c* accidere, eadem quæ prius sequetur complexio, quemadmodum initio fecimus. Sin maior in parte fuerit, minor uerò in toto, nullo pacto hinc fiet syllogismus, siue affirment amba, siue negent, siue qualitate euariant: si etiam amba indefinita sint, aut particulares. Nihil enim uetat, quominus *b* excedat ipsum *a*, nec æqualiter dicatur. Sumatur igitur *c* pro eo, quo *b* excedit ipsum *a*, sanè huic nec omni, nec nulli, nec alicui, nec non alicui accidit ipsum *a*: etiam si reciprocentur contingentes propositiones, modò *b* pluribus accidat, quàm *a*. Quòd autem ita constitutis propositionibus primum postremo modò omni, modò nulli, accidere sit necesse, extrema planè ostendunt: Sintque hæc extrema omnibus communia, in quibus necessariò insit primum postremo, animans, candidum, homo: in quibus non inest, animans, candidum, uestimentum. Nullum autem fieri syllogismum constitutis ita extremis, hinc manifestum euadit, quia syllogismus omnis, aut colligit

inesse, aut necessariò inesse, aut quid cuiquam accidere. Quòd autem is syllogismus nec inesse colligat, nec necessariò inesse, hinc intelligitur: affirmatiua enim còclusio tollitur negatiua: negatiua uerò per affirmatiuam euertitur. Restat, ut primum postremo accadat: quod fieri non potest. Ostendimus enim si ita statuuntur extrema, primum postremo omni inesse necessariò in nonnullis, in alijs nulli inesse: idque necessariò. Non igitur contingens fuerit conclusio: quippe quod necessarium est, id ab eo, quod accidit, diuersum esse diximus. Constat igitur, ubi extrema universaliter accepta fuerint in contingentibus propositionibus, semper fieri syllogismũ in prima figura, siue affirmet, siue negent: praterquam quòd si affirment, perfectus est futurus: sin negent, imperfectus. Contingens autem, & accidēs id sumendum est, quod à necessario distinguitur, quomodo diximus: non quod cum eo conuenit, id quod nonnullum acrius discernitur.

Coniunctio contingentis, & absoluti in prima figura.

QVOD si altera propositio absoluta sit, altera uerò còtingens, cum accidere significabit ea, quæ maiori extremo cohærebit, perfecti erunt, qui hinc orientur, syllogismi, & de contingenti, ut antea explicuimus. Quòd si minori extremo coniungatur, imperfecti erunt omnes syllogismi ac priuantes, nec secundum contingentis acceptionem antè expositam, sed quòd aut nulli, aut non omni necessariò insit. Si enim nulli, aut non omni ex necessitate insit, accidere dicimus, ut id nulli, aut non omni insit. Fac igitur, ut a omni b accadat, b uerò omni c insit, tum quia c sub b
compre-

comprehensum est, *a* autem accidit omni *b*, perspicuum est, illud idem ipsi *c* accidere, sitque perfectus syllogismus. Eodem modo suis numeris absolutus fuerit syllogismus, quo colligetur accidere, ut *a* nulli *c* insit, si priuans fuerit propositio *a b*, affirmatiua autem *b c*: sitque de contingēti sumpta *a b*, pura uerò *b c*. Constat igitur perfectos constitui syllogismos, ubi minor propositio absoluta fuerit: quòd si opposito modo res habeat, syllogismi quoque erunt: quod ab absurdo ostendi debet. Vnde quoque perspicuum fiet, imperfectos eos fore: quippe qui ex propositionibus acceptis probari nequeant. Est autem primùm exponendum, si cum *a* sit, necessariò *b* erit: si *a* esse possit, posse esse *b*, idque necessariò. Faciamus enim, dum res ita habeat, ut loco *a*, possibile collocetur: pro *b*, impossibile: tum possibile, dum fieri potest, fiat: impossibile uerò, quia fieri nequit, ne fiat. Iam cum *a* possibile sit, *b* impossibile, tum fieri potest, ut *a* fiat sine *b*: quod si fieri, esse quoque potest: quod enim factū est, ubi demum fuerit factum, tum est. Possibile autem, & impossibile non in faciendo modò accipiēda sunt, sed & in uero, absoluto, & quocūq; alijs modis in uniuersum possibile accipitur: in omnibus enim eadem erit ratio. Praterèa si *a* sit, *b* quoque esse: non est ita accipiendum, neque protinus existimandum, quasi ex eo quod unum quid, ut *a* sit, *b* fore. Nihil enim quicquam ex uno tantum necessariò consequitur: sed ex duobus minimum. Idque ubi proloquia ita fuerint in ratiocinationis formam exposita, ut antea præceptum est. Nam si *c* dicitur de *d*, ipsum uerò *d* de *f*, necesse est, ut *c* de *f* dicatur. Quòd si propositiones ambae possibiles sint, conclusio quoque possibilis erit: quemadmodum igitur

tur, si *a* pro propositionibus accipiat, *b* uero ut complexio:
 Hinc fiet, ubi *a* necessarium fuerit, *b* quoque necessarium
 esse: neque id modo, sed si illud possibile fuerit, hoc quoque
 possibile fore. Qua re ita constituta constat, ubi falsum qui-
 dem positum fuerit, non tamen impossibile, id quod inde ac-
 cidit, falsum quidem esse ex fictione: impossibile non item:
 uerbi causa, si *a* falsum quidem sit, non tamen impossibile:
 cum autem *a* est, *b* quoque consequitur, sanè *b* falsum e-
 rit, non item impossibile. Cum enim monstratum sit, ex *a*
 consequi *b*, hoc autem possibile esse, si illud quoque possibile
 sit: fingimus autem *a* esse possibile, *b* igitur possibile erit:
 si enim impossibile esse dicas, accidet, ut idem possibile sit,
 & impossibile. His igitur rebus ita expositis faciamus, ut
 omne *b* sit *a*, & omne *c* possit esse *b*: hinc necesse est, ut
 omne *c* possit esse *a*: quod si lubet, fingamus non posse, &
 hoc nobis concedatur, ut omne *c* sit *b*, quod ut falsum sit,
 non est tamen impossibile: tum si omne *c* non potest esse *a*, cum
 omne *c* sit *b*: non omne *b* potest esse *a*. Fit enim in figura
 tertia syllogismus. At uero antea positum erat fieri posse,
 ut omne *b* esset *a*: colligitur itaque necessario, ut omne *c*
 possit esse *a*. Cum enim res falsa, non tamen impossibilis ex
 fictione posita fuisset, quod ex ea consequitur, impossibile
 est. Illud ipsum ductu ad incommodum in prima figura o-
 stendere etiam licet, si concedamus, ut *c* sit *b*: nam si om-
 ne *c* est *b*, omne autem *b* potest esse *a*: *c* quoque omne po-
 test esse *a*, cum tamen positum sit non omne posse. Quod
 autem dicimus omni inesse, non est accipiendum tempo-
 re quodam praefinito, quasi nunc sit, aut hoc uel illo tempo-
 re, sed omnino: ex eiusmodi enim propositionibus syllogis-

mos constituimus. Quòd si propositio in ipso articulo, & tempore praesenti accipiat, nullus inde fiet syllogismus: nihil enim fortasse prohibueris, omne quod moueatur, hominem esse aliquando, nempe si prater hominem nihil moueatur: omnis tamen equus potest moueri, at nullus equus potest esse homo. Praterea loco ipsius *a*, sumatur animal, sitque argumentum id quod mouetur, postremus autem limes sit homo: tum propositiones eodem modo se habent ut antea, complexio tamen necessaria est, nò cōingens: quippe necesse est hominem animal esse. Hinc planum est, uniuersale illud simpliciter accipiendum esse, nò tempore praefinito. Rursus *a b* proloquium uniuersale capiatur, & priuans, ut nullum *b* sit *a*: omne autem *c* possit esse *b*: his ita constitutis efficitur, ut nullum *c* possit esse *a*: sin minus faciamus, ut *c* sit *b*, eo modo quo prius necessario efficitur, ut quoddam *b* sit *a*: constituitur enim in tertia figura syllogismus: hoc autem est absurdum. Cōtingit igitur, ut nullum *c* sit *a*: cum enim res falsa ponatur, non tamē impossibilis, ex ea impossibile quid sequitur. Hic autem syllogismus non est de cōingenti, ut definitum est, sed quòd nulli necessario insit: hoc enim est contrarium fictionis iam constitutae: est enim positum, ut quoddam *c* necessario sit *a*. Syllogismus autem ad incommodum de contraria & aduersa conficitur. Quòd autem complexio contingens non sit, termini id planè indicant: accipiamus enim loco *a*, coruum pro *b*, intelligens, loco *c*, hominem: sanè nullum *b* est *a*: nulla enim res intelligens est coruus. At omne *c* potest esse *b*, quippe cum omnis homo intelligere possit: at necessario nullum *c* est *a*: non est igitur complexio

contingens: quin nec perpetuò necessaria. Constituamus enim ut *a* sit quod mouetur, *b* uerò scientia, & *c* homo: tū nullum *b* est *c*, *b* autem omni *c* inesse potest: complexio inde consequens necessaria nō erit: neque enim est necesse nullum hominem moueri, imo uerò quempiam non est necesse. Hinc perspicuum est, complexionem sequi, ut nulli insit necessario. Sunt autem commodius sumenda extrema. Quòd si assumptio negatiua sit, & contingens, ex his propositionibus ita acceptis nullus fit syllogismus: quòd si contingens retroeat, fiet syllogismus ut antea. Faciamus omne *b* sit *a*, fierique posse, ut nullum *c* sit *b*: dum extrema ita se habent, nihil efficitur necessario: quòd si permutetur *b* *c*, & accipiat omne *c* posse esse *b*, eo modo fit syllogismus quo antea: quippe cum eundem habeant situm extrema. Eadem est ratio, ubi priuantia fuerint ambo interualla: dum *a*, *b* significet non inesse, *b* *c* accidere nulli. Ut enim per propositiones acceptas non efficiatur necessaria argumentatio, si tamen permutetur contingens propositio, ilico fiet syllogismus. Sit enim sumptum, nullum *b* esse *a*: item fieri posse, ut nullum *c* sit *b*: ex his nihil efficitur necessario. Quòd si sumas omne *c* posse esse *b*, ut res habet: propositio autem *a* *b* eadem seruetur, idem rursus efficietur syllogismus. Quòd si sumptum sit, omne *c* non esse *b*: non item non accidere, non inesse: nulla inde fiet quouis pacto ratiocinatio, siue *a* *b* propositio affirmet, siue neget. Sint autem omnium communia extrema, quibus ostēdatur necessario inesse, album, animans, nix: extrema alia, quibus ostendatur non posse inesse, album, animans, pix. Constat, si extrema uniuersaliter sumantur, & altera propo-
 sitio

sutio absoluta sit, altera contingens, dū minori extremo coniuncta fuerit propositio contingens, perpetuū fieri syllogismus: praterquam quod nonnunquam ex ipsis propositionibus fiet, aliquando propositione una commutata. Quando autem utrunque horum fiat, & qua de causa, superius exposuimus. Quod si altera uniuersalis intercapedo fuerit, altera in parte tantum, syllogismus semper erit perfectus, dum minori extremo uniuersalis contingens iungatur, siue affirmet, siue neget: particularis autem affirmatiua sit absoluta, non aliter ac cum extrema uniuersaliter accipiantur. Huius rei probatio eadem est qua superius. Vbi uerò propositio maiori extremo iuncta in toto fuerit & absoluta, nec contingens: altera uerò in parte ac contingens, siue negent amba, siue affirmet: seu altera neget, aiat altera, syllogismus erit omnino imperfectus. Hoc interest, quod alij ductu ad incommodum ostendentur, alij per reciproca- tionem contingentis, quemadmodum in superioribus fieri diximus. Adde quod syllogismus erit ex permutatione, ubi propositio maiori extremo iuncta uniuersalis fuerit, qua esse, uel non esse significet: altera uerò particularis priuans, & contingens: ut si omne *b* sit *a*, aut non sit, & fieri possit, ut quoddam *c* non sit *b*: si *b* *c* commutetur secundum naturam contingentis, constituitur syllogismus: ubi uerò particularis propositio significet non esse, nullus fiet syllogismus. Extrema ad docendum inesse, sint hæc, album, animans, nix: quibus autem docetur non inesse, album animans, pix. Est enim probatio ostendenda ex indefinito. Quod si uniuersalis sit propositio, qua minori extremo coheret, qua autem ad maius extremum posita est, sit parti-

cularis, aiens, negans, contingens, an absoluta, nihil refert. Quocunque enim modo habeat, nullo pacto syllogismus constituitur. Nihil item magis syllogismus futurus est, cum in parte, uel indefinita propositiones fuerint, siue contingentes fuerint, siue absolutæ, seu etiam ordine inuerso. Eadem est huiusce rei ostendende ratio quæ prius, & extrema communia ad ostendendum inesse necessariò, animans, album, homo: at quibus ostenditur posse inesse, animans, album, uel stis. Hinc perspicuum est, cum maiori extremo uniuersalis propositio apposita fuerit, perpetuò firmam esse ratiocinationem: quòd si minori extremo adiungatur, nihil ullo pacto inde colligi.

Coniunctio necessarij, & contingentis.

AT uerò ubi proloquiorum alterum necessariò esse, uel non esse significauerit, alterum autem accidere, modò extrema eodem pacto ac antea se habeant, efficietur syllogismus, isque perfectus, cum minori extremo necessarium iunctum fuerit. Complexio uerò contingens erit, non absoluta, si ambæ propositiones affirmatiuæ sint, siue uniuersales sint ambæ, siue nò sint. Quòd si altera affirmet, altera neget, cum affirmans necessaria fuerit, conclusio erit contingens, nec significabit, non inesse quid: sin necessaria sit ea, quæ negat, colligetur & accidere non inesse, item non inesse, seu in toto sint extrema, seu non sint. Est autem còtingens in complexione & eo modo intelligendum, quo accipi superius diximus: neque autem colligetur necessario non inesse. Hac enim maximè diuersa sunt, non necessario esse, & necessario non esse. Sanè complexionem necessariam

non

non effici, ubi extrema affirmantur, hinc perspicuum est. Faciamus enim, ut omne *b* necessario sit *a*, & omne *c* accidat esse *b*: syllogismus sanè imperfectus erit: quo colligetur, omne *c* accidere esse *a*. Hunc autem imperfectum esse, ex ipsa probatione constat: eodem enim modo ostendetur colligere, quo superiores. Rursum accidat; ut omne *b* sit *a*, sit uero omne *c* necessario *b*: hinc sanè colligetur, omne *c* posse esse *a*: esse uero, non item: atque hic perfectus est, & nulla ex parte imminutus: ilico enim absoluitur ex propositionibus ab initio sumptis. Quòd si uaria, ac dissimiles fuerint propositiones, fingamus negantem esse necessariam, ut nullum *b* sit *a*, nec esse possit, idque necessario, omne autem *c* possit esse *b*: necessario efficitur, ut nullum *c* sit *a*: concedamus enim uel omne *c* esse *a*, uel aliquod: consensum autem fuit, nullum *b* posse esse *a*. Quia igitur reciprocatur negatiua, & nullum *a* potest esse *b*, admittitur autem, omne *c* esse *a*, uel certè quoddam: nullum igitur *c* potest esse *b*, aut quoddam esse nequit: cum ab initio omne *c* esse *b* concessum sit. Constat autem posse colligi, accidere inesse, quandoquidem colligitur non esse. Rursum sic affirmatiua propositio necessaria, sit que contingens, ut nullum *b* sit *a*, omne autem *c* sit *b* necessario: syllogismus sanè perfectus erit, quo colligetur non esse, sed posse non esse: quippe ita accipitur maior propositio. Nec licet hinc in absurda deducere: si enim admittatur, nullum *c* esse *a*, est autem confessum fieri posse, ut nullum *b* sit *a*, nullum hinc efficitur incommodum. Quòd si negatio minori extremo iuncta sit, & significauerit accidere, syllogismus erit per reciprocationem, quemadmodum antea

fieri diximus. Quòd si significet non posse esse, nullus erit syllogismus: ne si ambae quidem priuantes sint, minor autem non fuerit contingens. Sunt autem extrema eadem, in quibus alterum alteri insit, album, animas, nix: in quibus non insit, album, animans, pix. Eodem pacto res habebit in particularibus syllogismis: cum enim priuans necessarium fuerit, efficietur non esse, ut si nullum b possit esse a, quoddam c possit esse b, hinc necesse est consequi, quoddam c non esse a, nam si omne c sit a, nullum autem b potest esse a, sanè nullum quoque a potest esse b. Itaque si omne c est a, nullum c potest esse b. At modò cõcedebatur, quoddam c posse esse b. Quando uerò affirmatiua particularis necessaria fuerit, ea, inquam, quæ in syllogismo priuante, ut b c, uel etiam uniuersalis in affirmante syllogismo: uerbi causa, a b: non colligetur aliquid esse: cuius rei eadem est probatio, quæ superioribus adhibita est. Quòd si uniuersalis minori extremo iuncta sit contingens: siue affirmet, siue neget, maior autẽ sit particularis et necessaria, nulla est ratiocinatio. Extrema in quibus alterum alteri insit necessarium, animans, album, homo: in quibus inesse nequeat, animans, album, uestis. Vbi uerò uniuersalis necessaria fuerit, particularis autem contingens, si uniuersalis priuatiua sit, extrema affirmantia, animans, album coruus: negantia, animans, album, pix. Quòd si uniuersale affirmet, extrema affirmandi hæc sint, animal, album, cygnus: negandi uerò, animal, album, nix. Neque item syllogismus erit, ubi ambae indefinitæ fuerint propositiones, aut particulares. Extrema communia aiendi, animans, album, homo: negandi, animans, album, inanimum. Quoddam enim al-

bum

bum animans est, quoddam etiam inanimatum est albū, & id necesse est esse, nec unquam esse potest. In contingenti itidem fit: extrema igitur hæc ad omnes modos ualēt. Ex his, quæ exposuimus, perspicuum est, si extrema eodē modo collocata fuerint in absolutis & necessariis, fieri syllogismū, & non fieri eodē modo in ambobus: præterquam quod in absolutis, ubi priuans fuerit propositio, complexio erit contingens: in necessariis autem complexio tum contingens, tum absoluta erit. Id etiam intelligitur, omnes esse imperfectos syllogismos, eosque per figuras ante expositas perfici.

De ratiocinationibus ex ambobus pronunciatis
contingentibus in secunda figura.

NVLLA erit in secunda figura ratiocinatio, cum ambo ex contingenti fuerint, seu affirmant, seu negant, seu in toto sint, seu in parte. Quod si alterum esse, alterum accidere significet, sitque absolutum affirmans, ne tum quidem syllogismus erit: ubi autem negās fuerit uniuersale, syllogismus semper erit. Eadem erit ratio, ubi alterū fuerit necessarium, alterum contingens. Contingens autē in his intelligendum est, quod in complexionibus locum habet, ut & antea intelligebatur. Principio uerò ostendendum est, contingens negatiuum non reciprocari: nempe si a nulli b inesse possit, non necessario reciprocatur, ut b nulli a accidat: sit enim hoc admissum, ut b nulli a inesse possit: iam cum commeent affirmationes ex contingēti in negationes, aduersæ in aduersas, contrariæ in contrarias, b autem contingit inesse nulli a, constat & omni inesse posse: id quod sane falsum est. Vt enim hoc illi omni accidat, non continuò

necesse est, illud huic omni accidere: ita non com meat nega-
 tio. Iam quid uetat, quo minus *a* nulli *b* accidat, *b* uerò a-
 licui *a* non insit, idque necessario: uerbi causa, fieri potest,
 ut omni homini album non insit, cum omni inesse possit. At
 falsum est, hominem accidere nulli albo, quandoquidem in
 multis nō inest, idque necessario: necessarium autē à cōin-
 genti diuersum esse diximus. Quin ne ab absurdo quidem
 cōmeare probabitur, nempe si quis, quia mendaciū sit nulli
a accidere ipsum *b*, roget quasi uerum sibi concedi, nō nul-
 li accidere (hac enim aiunt, & negant) quod si uerum sit,
 ex eo effici putet, ut aliquod *a* necessario sit *b*, atque ita
 quoddā *b* esse *a*, quod fieri non possit: non enim si nulli *a*
 ipsum *b* non accidat, continuo quoddā *a* necessario est *b*:
 cum illud, nulli rei nō accidere, duobus modis intelligatur:
 uno, si alicui necessario insit: altero, si alicui necessario non
 insit. Nam quemadmodū id quod in aliquo necessario in-
 est, falso dixeris, in toto posse reperiri: ita quod in aliquo *a*
 necessario non est, non uerē assēuerabis in toto eo non posse
 esse. Quapropter si quis ex eo quod *c* in toto *b* nō accidat,
 postulet sibi concedi, in illo aliquo ipsum ex necessitate non
 esse, falsum profecto is sumat, quandoquidē in toto fortas-
 se reperitur. At in toto non accidere ideo dicimus, quia in
 nonnullis est necessario. Quo fit, ut in aliquo ex necessitate
 esse, in aliquo item non esse, ambo illi aduersentur, in toto,
 inquam, posse esse, huic item, in nullo accidere. Hinc igitur
 constat, ex eo accidenti & non accidenti, quod initio ex-
 posuimus, non modo sumi oportere in aliquo esse necessa-
 rio, sed etiam in aliquo ex necessitate non esse: quod si su-
 matur, nullum ex eo sequitur incommodum: ita nulla effi-
 citur

citur ratiocinatio. Ex ijs quæ hucusque diximus, perspicuum est, negationem non reciprocari, quod cum abundè probatum sit, ponamus in nullo *b* accidere ipsum *a*, in illo autem toto ipsum *c*: sanè ratiocinatio nulla efficitur per reciprocationem: quandoquidem paulo ante docuimus, enunciationem huiusmodi retro nō commeare. Nec item ab absurdo effici possit: ut enim in toto *c*, accidere id concedatur, nihil inde falsum efficiatur, quippe cum in toto *c*, & in eo ipso nullo ipsum *a* esse possit. Hoc autem constat, si quæ futura sit conclusio, de contingenti eam perpetuo fore, eo quod nullum sumptum sit pronunciatum absolutum, eamque aut affirmantem, aut negantem: at neutro modo fieri potest. Nam si affirmet, per extrema docebimus non posse inesse: sin neget, conclusio probabitur illa quidem necessaria esse, non item contingens. Quod ut intelligamus, ponamus pro *a*, album: loco ipsius *b*, hominem: in ipso *c*, equum: sanè ipsum *a*, quod pro albo intelligitur, in altero toto esse potest, in altero uerò nullo: *b* uerò in ipso *c*, nec esse potest, nec item non esse: ex eo enim non posse esse constat, quod nullus equus homo est. At quod ne non esse quidem possit, ex eo intelligitur, quod necesse sit, nullum equum hominem esse: necessarium autem à possibili diuersum esse diximus. Nulla igitur eo modo efficitur conclusio. Eadem erit probandi ratio, si priuatio diuersam habeat dispositionem: ubi item ambæ enunciationes affirmant, uel negent: quippe ex iis ipsis finibus res ipsa confirmabitur, item si altera in toto sit, altera in parte: aut ambæ in parte, aut indefinitæ, seu quo alio modo permutari illæ possunt: nam ad ea omnia demonstranda eadē adhibebuntur extrema.

Hinc igitur hoc est manifestum, si ambo pronūciata de accidente sumantur, nullam fore conclusionem.

De coniunctione earum enunciationum, quæ quid esse dicunt, & quid accidere, in secunda figura.

QVOD si unum, quid esse dicat, alterum autē, quid accidere, hoc autem affirmet, illud uerò neget, ne tum quidem syllogismus erit, seu in toto, seu in parte sumantur extrema, cuius rei confirmāda eadem est quæ prius ratio, & per eos ipsos fines efficitur. At ubi affirmans accidere dixerit, negans uerò inesse, tum stabit ratiocinatio. Quod ut intelligatur, ponamus *a* in nullo *b* esse, in toto uerò *c* idem posse esse, commeante negatione, ipsum *b* in nullo *a* reperietur, *a* uerò in toto *c* accidit, hinc sanè efficitur conclusio in prima figura, nulli *c* accidere *b*. Quod idē fiet, si negatio ipsi *c* adiiciatur. Quod si ambo pronūciata negent, ut alterum neget esse, alterum posse non esse dicat, ex enunciationibus ita ppositis nihil ex necessitate efficitur. Quod si ea, quæ est ex accidenti reciprocetur, efficitur conclusio, ut nulli *c* accidat ipsum *b*, eodem atque antea modo: ita enim prima figura repetetur. Quod si ambo effata affirment, iacebit conclusio. Extrema consentanea sint hæc, ualetudo, animans, homo: repugnantia, ualetudo, equus, homo. Eodē modo res habet in syllogismis ijs, qui sunt in parte: ubi enim affirmatio quiddā esse dixerit, seu in toto, seu in parte, nulla tum erit complexio, id quod eadem uia, ac ijs ipsis finibus ostenditur, quibus antecedentes. At ubi priuans fuerit, ex reciprocatione efficietur, ut & antea. Rursus si intercapedines amba priuantes ita sumantur, ut in

in toto sit, quæ non esse aliquid dicit, sanè ex pronunciatis ita digestis nihil efficitur necessario: efficietur autem complexio, si reciprocetur illud ex accidente. Quòd si priuans esse quidpiam dicat, idque in parte, conclusio nulla erit, seu affirmet, seu neget pronunciatum alterum: ne si ambo quidem indefinita sint affirmantia, aut negantia, aut in parte. Cuius rei eadem est quæ prius confirmatio, ac per eos ipsos fines.

Dispositio necessarij & accidentis in secunda figura.

AT uerò ubi pronunciatorum alterum ex necessitate esse, alterum uerò quidpiam accidere dixerit, si negatio necessaria sit, efficietur conclusio, non modò quòd possit non esse, sed & quòd non sit: quòd si affirmatio ea sit, iacebit cõclusio. Sit enim hoc concessum, nullum, inquam, b esse a ex necessitate, omne uerò c, posse esse a, tum commutata negatione, ne ullum quidem a est b: omne autem c poterat esse a: atque ita rursum efficitur in prima figura cõplexio, nullum c posse esse b. Hoc etiam constat, nullum c esse b: nam faciamus esse, tum si a nulli b accidit, b uerò in aliquo c est, sanè a in aliquo c non accidit, cum omni accidere antea sit cõcessum. Idem erit probationis modus, si negatio ipsi c adijciatur. Rursus proponatur affirmatio necessaria, negatio uerò accidens, ut a nulli b accadat, omni uerò c necessario inest: in ea finitè dispositione nulla efficitur conclusio, quandoquidem fieri potest, ut b in c ex necessitate non sit: ut si pro a, statuas album, in b uerò, hominem, in c, olorem: sanè album in olore necessario inest, in homine uerò nullo accidit: homo tamen in nullo est olore, idque necessario. Vnde

perspicuum est complexionem contingentem nō effici, cum necessarium à contingente maximè sit diuersum. Quinetiā ne necessaria quidem complexio inde sequitur, quādoquidem effici eā diximus, aut ex necessarijs ambobus, aut ex priuante altero. Adde quòd, ut eā concedātur, potest tamen *b* in *c* reperiri. Quid enim uetat, *c* sub *b* comprehēdi, a uerò ipsi *b* toti accidere, ipsi uerò *c* ex necessitate inesse: uerbi causa, si in *c* intelligatur uigilia, in *b* animans, loco uerò ipsius *a*, motus: in uigilante enim motus est necessariò, animanti autem toti accidit, cum tamen omne, quod uigilat, sit animans. Vnde constat ne cōclusionem quidem fore, quæ non esse dicat: quippe cū in ea dispositione necesse est quippiam esse, nec item contrarias enunciationes colligi, ita nulla planè efficitur conclusio. Eadem erit probationis uia, si permutetur affirmatio. At ubi similes & cognata propositiones fuerint, si ambæ negent, semper sequitur complexio, reciprocante ea, quæ est de contingēti, eo quo diximus modo. Sit enim sumptum *a* in *b* necessariò non esse, in *c* uerò posse non esse: tum si commutentur propositiones, & *b* in nullo *a* erit, *a* uerò in toto *c* poterit esse, sanè eo modo struitur prima figura: hoc idem fiet si ipsi *c* negatio adiiciatur. Quòd si affirmantes ambæ sint, nulla est futura conclusio. Constat enim eam non fore, quæ quidpiam non esse dicat, aut ex necessitate non esse, eo quòd priuans propositio nulla sumpta sit, quæ uel esse, uel necessariò esse diceret: quin ne colligetur quidem posse non esse, cum *b* in *c* non insit necessariò, extremis ita collocatis: nempe si *a* intelligamus album, *b* cygnum, *c* uerò hominem: nec item cōclusio erit affirmationum, aut negationum contrariarum,

cum probatum sit *b* in *c* necessario non esse. Nullo igitur pacto syllogismus efficitur. Eodem modo res habet in syllogismis, qui sunt in parte: cum enim priuās in toto fuerit & necessaria, perpetuò efficietur conclusio: tum quæ accidere dicat, tum quæ non esse. Cuius rei confirmatio per reciprocationem facienda est. Vbi uerò affirmatio ea fuerit, nulla planè ratiocinatio erit. Id enim eadem uia, iisdem item finibus monstrabitur, quibus in uniuersalibus modò usi sumus. Ne tum quidem erit, cum ambæ affirmantes sumuntur: eius enim rei eadem est, quæ antea confirmatio. Vbi uerò ambæ quidem negent, in toto autem sit, ac necessaria ea, quæ non esse significat, sanè ex ijs, quæ sumpta sunt, nihil necesse est effici. Quòd si contingens illa propositio reciprocetur, stabit ratiocinatio eo modo, quo antea. Sin ambo proloquia indefinita proponantur, aut in parte, nulla erit ratiocinatio: Id quod eadem ratione, iisdem item extremis cõfirmatur. Ex ijs igitur, quæ exposuimus, perspicuum est, ubi priuans uniuersa fuerit & necessaria, cõclusionem effici, nò modò quòd possit quidpiam non esse, imò uerò quòd non sit: quòd si affirmans ea sit, nullam cõclusionem sequi. Hoc etiam constat, ubi in necessarijs, & absolutus eadem seruetur finium dispositio, eodem modo fieri, & nò fieri ratiocinationem. Est & hoc manifestum, omnes eas ratiocinationes imperfectas quidem esse, perfici autem & absolui in figuris ijs, quas commemorauimus.

De ratiocinationibus, quæ ex ambobus contingentibus in tertia figura struuntur.

AT uerò in tertia figura efficietur conclusio seu am-

bo pronunciata accidentia sint, seu alterum tantum. Sanè cum ambo accidere significauerint, complexio quoque accidens erit. Idem fiet si alterum accidere, alterum esse quid dixerit. Quòd si alterum necessarium fuerit, ubi affirmauerit illud quidem, complexio consequetur neque necessaria neque absoluta. At quum necessarium illud fuerit priuans, colligetur quidpiam non esse, ut in superioribus fieri diximus. Est autem in his contingens illud intelligendū eodem modo, quo in complexione. Sint igitur ambo contingentia primum, ut $\mathcal{E} a$, $\mathcal{E} b$ ipsi c omni accidunt: iam cū affirmās in parte retro commeet, b autem omni c accadat, $\mathcal{E} c$ quoque cuidam b acciderit: Ita si a omni c accadat, c uerò alicui b , neesse est profecto, ipsum a alicui b accidere. Nam ita struitur prima figura. Quòd si a nulli c accadat, b uerò in toto c inesse possit, neesse est, ut a in aliquo b possit non esse: quippe cum iterum fiat prima figura per reciprocationem. Quòd si ambo priuantia proponātur, ex rebus sanè concessis nihil efficietur necessariò. Quòd si retro commeent pronunciata, efficietur conclusio, eo modo, quo antea. Si enim $\mathcal{E} a$ $\mathcal{E} b$ possint nō esse in c , ex reciprocatione rursus fiet prima figura. Vbi uerò finium alter in toto fuerit, alter in parte, ubi eadem fuerit eorū dispositio, quæ in absolutis, eodem quoque modo erit uel non erit ratiocinatio. Faciamus enim, ut a omni c accadat, b uerò alicui c , profecto si inuertatur ea propositio, quæ est in parte, iterū efficietur prima figura. Nam si a in toto c inesse potest, c uerò in aliquo b , a sanè in aliquo b inesse potest. Eadem est ratio, si ipsi c adijciatur uniuersalis nota. Item ubi a c priuans fuerit, b c affirmans: ex inuersione enim rursus fiet prima figura.

figura. At ubi amba enunciationes negant, altera in toto, altera in parte, ex ijs eo modo sumptis nulla efficietur complexio. quòd si reciprocentur illa, efficietur sanè eo, quo antea, modo. Quòd si amba indefinita sumantur, aut in parte, nullus erit syllogismus: quippe cum necesse sit, a in b & toto & nullo reperiri. Extrema consentanea sunt hac, animans, homo, album. Disidentia uerò, equus, homo, album, in quibus ipsum album medium est.

Coniunctio accidentis & absoluti in tertia figura.

VBI autem effatum alterum quid esse dixerit, alterũ quid accidere, colligetur quidpiam accidere, esse non item. Constabit autem ratiocinatio in eadem extremorum dispositione, qua prius. Faciamus enim primũ, ut affirment illa, ut a sit in toto c, b uerò toti c accidat: retro commeante ipso b c, prima figura efficitur, colligeturque a in aliquo b posse inesse: hoc enim diximus, ubi in prima figura pronunciatum alterum significet quid accidere, complexionem effici accidentem. Hoc idem fiet, ubi ipsum b c dixerit esse, a c uerò accidere: item ubi a c neget, b c affirmet, & utrumuis esse significet, utroque modo contingens erit complexio. Fit enim iterum prima figura, in qua si pronunciatum alterum sit contingens, conclusionem quoque contingentem fore docuimus. Quòd si minori extremo iungatur negatio contingens, uel ambo pronuntiata negent, in positis pronũciatis nulla est ratiocinatio: erit autem, si hac reciprocetur, quemadmodum fit in superioribus. Vbi uerò pronunciatorum alterum in toto sit, alterũ in parte, affirmentque ambo, uel certè quod in toto est, neget: quod autem in parte af-

bo pronunciata accidentia sint, seu alterum tantum. Sanè cum ambo accidere significauerint, complexio quoque accidens erit. Idem fiet si alterum accidere, alterum esse quid dixerit. Quòd si alterum necessarium fuerit, ubi affirmauerit illud quidem, complexio consequetur neque necessaria neque absoluta. At quum necessarium illud fuerit priuans, colligetur quidpiam non esse, ut in superioribus fieri diximus. Est autem in his contingens illud intelligendū eodem modo, quo in complexione. Sint igitur ambo contingentia primum, ut a et b ipsi c omni accidant: Iam cū affirmās in parte retro commeet, b autem omni c accadat, et c quoque cuidam b acciderit: Ita si a omni c accadat, c uerò alicui b , neesse est profecto, ipsum a alicui b accidere. Nam ita struitur prima figura. Quòd si a nulli c accadat, b uerò in toto c inesse possit, neesse est, ut a in aliquo b possit non esse: quippe cum iterum fiat prima figura per reciprocationem. Quòd si ambo priuantia proponantur, ex rebus sanè concessis nihil efficitur necessariò. Quòd si retro commeent pronunciata, efficitur conclusio, eo modo, quo antea. Si enim a et b possint nō esse in c , ex reciprocatione rursus fiet prima figura. Vbi uerò finium alter in toto fuerit, alter in parte, ubi eadem fuerit eorū dispositio, quæ in absolutis, eodem quoque modo erit uel non erit ratiocinatio. Faciamus enim, ut a omni c accadat, b uerò alicui c , profecto si inuertatur ea propositio, quæ est in parte, iterū efficitur prima figura. Nam si a in toto c inesse potest, c uerò in aliquo b , a sanè in aliquo b inesse potest. Eadem est ratio, si ipsi c adiiciatur uniuersalis nota. Item ubi a c priuans fuerit, b c affirmans: ex inuersione enim rursus fiet prima figura.

figura. At ubi ambæ enunciationes negant, altera in toto, altera in parte, ex ijs eo modo sumptis nulla efficietur complexio. quòd si reciprocentur illæ, efficietur sanè eo, quo antea, modo. Quòd si ambæ indefinitæ sumantur, aut in parte, nullus erit syllogismus: quippe cum necesse sit, a in b & toto & nullo reperiri. Extrema consentanea sunt hæc, animans, homo, album. Dissidentia uerò, equus, homo, album, in quibus ipsum album medium est.

Coniunctio accidentis & absoluti in tertia figura.

VBI autem effatum alterum quid esse dixerit, alterũ quid accidere, colligetur quidpiam accidere, esse non item. Constat autem ratiocinatio in eadem extremorum dispositione, qua prius. Faciamus enim primũ, ut affirment illa, ut a sit in toto c, b uerò toti c accidat: retro commeante ipso b c, prima figura efficitur, colligeturque a in aliquo b posse inesse: hoc enim diximus, ubi in prima figura pronunciatum alterum significet quid accidere, complexionem effici accidentem. Hoc idem fiet, ubi ipsum b c dixerit esse, a c uerò accidere: item ubi a c neget, b c affirmet, & utrumuis esse significet, utroque modo contingens erit complexio. Fit enim iterum prima figura, in qua si pronunciatum alterum sit contingens, conclusionem quoque contingentem fore docuimus. Quòd si minori extremo iungatur negatio contingens, uel ambo pronuntiata negent, in positis pronuntiatis nulla est ratiocinatio: erit autem, si hæc reciprocetur, quemadmodum fit in superioribus. Vbi uerò pronunciatum alterum in toto sit, alterũ in parte, affirmentque ambo, uel certè quod in toto est, neget: quod autem in parte af-

firmet, idem erit ratiocinationum modus, omnes enim per primam figuram perficiuntur. Vnde perspicuum est, collectum iri, non quidem esse, sed accidere. Si autem affirmet uniuersale proloquium, particulare uerò neget, confirmatio ducetur ab absurdo, ut si b sit in toto c , a uerò alicui possit non inesse, necessariò efficitur, ut a in aliquo b possit non esse. Nam si a in toto b necessariò reperiatur, est iam concessum ipsum b in toto c inesse: ita ipsum a in toto c necessariò erit. Id enim antea probauimus. At pro certo habebatur, in aliquo posse non esse. Vbi uerò ambæ indefinitæ, aut in parte sumuntur propositiones, nulla erit conclusio. Cuius rei eadem est, quæ in uniuersalibus fuit probatio, ac per eos ipsos fines.

Connexio necessarij ac contingentis in tertia figura.

QUANDO uerò pronunciatum alterum necessariū est, alterum contingens, & affirmant ambo, conclusio perpetuò contingens erit. Vbi autem alterum ait, alterum negat, si aiens sit necessarium, colligetur posse non esse, sin negans id fuerit, concludetur tum posse non esse, tum non esse, necessariò non esse, nequaquam, ut nec in alijs figuris. Faciamus primum, ut ambo extrema affirment, ut a in toto c necessariò insit, b uerò in toto c esse possit: tum quia a in toto c necessariò inest, c uerò alicui b accidit, a quoque alicui b accidet, non inerit: eo enim modo in prima figura colligebatur. Eadem erit probandi uia, si illud b c sit necessarium, a c contingens. Rursus alterum aiat, neget alterum, sitque aiens necessarium, ut a in nullo c esse possit, b uerò in toto c necessariò insit: iterum sanè fiet in prima figura.

Conclu-

Conclusio autem contingens erit, non absoluta, quippe cum pronunciatum priuans dicat accidere. Ex quo perspicuum est, conclusionem fore contingentem: cum enim eo modo digestæ essent propositiones in prima figura, sequebatur contingens complexio. Quòd si priuans sit necessaria, complexione colligetur, posse in aliquo non esse, item & non esse: Ponamus enim, *a* in *c* non esse ex necessitate, in eodem autem toto ipsum *b* posse esse, si affirmatio illa *b c* commutetur, fiet prima figura, in qua priuans propositio sit necessaria, ex qua dispositione diximus effici, ut *a* in quodam *c* possit non esse, & non sit. Neesse est igitur, *a* in aliquo *b* non esse. Cum autem negatio minori extremo iuncta sit, eaque contingens, ratiocinatio erit, si pronunciatum illud permutetur, ut & antea fiebat: sin necessaria sit, nulla erit conclusio, quippe cum alterum in altero toto sit necessario, in nullo item esse possit. Alterum in altero toto est, ut in his, somno, equo, homine dormiente. In nullo uerò, ut in his, somno, equo, homine uigilante. Eadem ratione si extremum alterum in toto medio sit, alterum in parte tantum, aianteque ambo, efficietur, alterum alteri accidere, illi inesse nõ item. Colligetur item contingens conclusio, si negetur unũ, affirmetur alterum, & hoc sit necessarium: nam si quod negatur necessarium sit, colligetur quidpiam non esse. Est enim eadem probandi ratio, seu in toto sint extrema, seu nõ sint, cum in prima figura instaurètur syllogismi. In his igitur ut in illis, euenire est neesse. Quando uerò negatio in toto minori extremo iuncta fuerit, eaq; cõtingēs, ratiocinatio per reciprocationem efficietur: sin necessaria ea fuerit, nulla erit cõclusio: id quod eadem uia, ijsdem item extremis cõfir-

mabitur, ac in uniuersalibus. Hinc igitur planè intelligi potest, quando, quòque modo, in hac quoque figura futura sit ratiocinatio, quando accidere quid, quado item quidpiam esse colligetur. Manifestum est etiam omnes syllogismos imperfectos quidem esse, instaurari autem eos ac perfici in prima figura.

Quòd omnis ratiocinatio ad illas tres figuras referatur, extra quas nulla planè reperiatur.

EX ijs, quæ hucusque exposuimus, constat, qui in his figuris fiunt syllogismi, per eos uniuersales perfici, qui in prima figura struuntur, ad eosque referri: ubi uerò ostenderimus, ratiocinationem omnem in aliqua earum figurarum strui, perspicuum erit eadem esse omnium syllogismorum rationem. Neesse est igitur demonstrationem omnem ac ratiocinationem efficere, ut quidpiam sit, uel non sit, idque aut in toto, aut in parte, & recta probatione, uel ex fìctione. Huius autem fìctæ probationis pars ea est, quæ fit ab absurdo. Primum igitur de ratiocinatione ea recta probante differamus, in qua si res semel est probata, in reliquis facile perspicietur, in ea, inquam, quæ est per incòmodum, & omnibus, quæ sunt ex hypothesi. Si igitur colligendum sit, ipsum a in illo b esse, uel non esse, neesse est, ut aliquid de aliquo confessum sit præsumptum. Quòd si sumatur, a de b dici, in argumentũ sumetur quæstio proposita initio: si autem ipsum a de c dici sumatur, c uerò de nullo alio, nec de illo aliud, nec de a quicquam aliud, nulla erit ratiocinatio, quippe cum nihil efficiatur necessariò ex eo, quòd unum de uno sit sumptum: est igitur pronunciatum alterum

alterum assumendum. Itaque si *a* in alio dici sumatur, aut aliud in ipso *a*, aut aliquid aliud in ipso *c*, nihil uetat ratiocinationem eo modo strui. Conclusio autē ex iis ita sumptis nihil pertinebit ad ipsum *b*, ne si ipsum *c* in alio, hoc item in alio, rursus hoc aliud in alio, ut nunquam quicquā cum *b* coniungatur, ne tum quidem colligetur ipsum *b* in *a*: cum à nobis hoc antea dictum sit, nunquam quicquam de alio ratiocinatione collectum iri, nisi medium quoddam sumptum sit, quod ad utrunque illorum recta quadam dicendi lege se habeat. Nam cum omnis in uniuersum ratiocinatio ex propositionibus constet, profecto quæ ad quiddā certum pertinet, ex iis conficitur propositionibus, quæ ad illud affecta sunt: & quæ hoc in illo cōcludit, ex iis struitur, quæ hoc cum illo coniungant: fieri autē nequit, ut pronunciatum quoddam sumatur ad concludendum ipsum *b*, cum de eo nihil affirmetur aut negetur: nec item ad colligendum *a* in *b*, si nihil ambobus commune sumatur, sed de utroque seorsum propria nonnulla affirmentur, aut negentur. Vbi igitur hoc de illo ratiocinatione est concludendum, medium quid in iis est sumendum, quod ea quæ dicuntur copulet ac uinciat. Quando ergo quidpiam ambobus commune sumi oportet, id tribus modis fieri potest. Nam aut *a* de *c*, & *c* de *b* dicetur, aut *c* de ambobus, aut ambo de illo, hæ autē sunt figuræ à nobis expositæ: perspicuum est syllogismum omnem in aliqua ex ijs figuris necessario strui. Eadē enim est ratio ubi per plura media ipsi *b*, coniungetur *a*: in pluribus enim eadem quæ in paucioribus erit figura. Ex his igitur constat ratiocinationes omnes recta probantes per figuras expositas effici.

Quòd autem in iis, quæ sunt ex hypothesi, eodem modo res habeat, hinc intelligetur. Nam omnes, quæ per incommodum quidpiam efficiunt, falsum quid concludunt: propositum autem ex hypothesi probant, quandoquidẽ ex contrario posito aliquid eueniat, quod fieri nõ possit: uerbi causa, concludimus dimetientem nullam cum latere rationem habere, ex eo quòd si aliquã habere posueris, sequetur, imparia paribus esse æqua: Sanè concluditur, numeros impares paribus esse æquos. At dimetientem irrationabilẽ esse ex hypothesi monstratur, nempe quia ex illius contrario quidpiam falsum euenit. Illud enim est, quod dicimus concludere per impossibile, quidpiam ex hypothesi initio proposita concludere, quod fieri nequeat. Cum igitur in rationationibus iis, quæ ad incommodum deducunt, recta ostendatur, ac concludatur quidpiam falsum, quæstio autẽ proposita probetur ex hypothesi: & paulo ante docuimus, quæ aliquid recta ostenderet, omnem per aliquam ex tribus illis figuris effici: manifestum est rationationes ex incommodo per eas quoque fieri, nec eas modo, sed & quæ sunt ex hypothesi pari ratione omnes: transsumptum enim omnes quidem concludunt, propositum autem ex consensu ac conuentione probatur, aut ex alia aliqua hypothesi. Quòd si ita est, necesse est demonstrationem ac rationationem omnem per tres illas figuras, quas exposuimus, effici. Cum autem hoc planè probatum sit, manifestum inde est, syllogismum omnem per primam figuram perfici, & quemlibet ad eos referri, qui in ea sunt uniuersales.

Iam uerò in omni rationatione necesse est extremum alterum

alterum affirmari, unum item in toto sumi: quippe cum sine illo toto nullus planè sit syllogismus: uel certè ad propositum non pertinebit, aut propositam initio quæstionem postulat. Ponamus sanè, uoluptatem ex musica esse honestā: Si quis igitur postulet, uoluptatem esse honestam, absque eo quòd dicat omnem, ratiocinatio nulla erit: quòd si quandam honestam esse postulet, eamque aliam, hoc nihil ad re' propositā: sin eam ipsam roget, positam quæstionem sumit. Hoc autem clarius cernetur in demonstrationibus mathematicis: uerbi gratia, si probādum sit, qui in æquicruro ad basin sunt anguli, inuicem esse æquos: Ducantur ad centrum lineæ $a b$: iam si pro certo sumat, angulum $a c$ æquum esse angulo $b d$, non omnino id postulans de semicirculorum angulis. Rursus si assumat angulum c angulo d æquum esse, nec id in omni angulo sectionis sumat, tum si querat, à totis æqualibus angulis, si æquales tollantur, qui restant æquales esse, propositum is postulat, nisi sumat, si ab æqualibus æqualia auferantur, reliqua esse æqualia. Hinc igitur perspicuum est, in omni ratiocinatione quidpiam uniuersale esse oportere, conclusionemque uniuersalem ex ambobus finibus in toto probari: eam uerò, quæ sit in parte, tum hoc, tum illo modo. Vbi igitur conclusio in toto est, fines quoque in toto sumi necesse est. Vbi uerò hi in toto sumuntur, fieri potest, ut conclusio non sit in toto. Planum est autem, in omni ratiocinatione, aut pronunciata ambo complexionibus similia esse necessario, uel certè alterum: nō modò, inquam, qua aiat, aut neget, quin & qua necessarium sit, uel absolutum, uel accidens. Quod in aliis quoque dicēdi rationibus obseruādū

est. Constat autem omnino, quando futura sit, uel non sit ratiocinatio: quando item perfici possit, quando perfecta sit, & ubicunque ratiocinatio fuerit, fines eo modo necessario esse collocandos, quo antea exposuimus.

Hoc etiam constat, demonstrationem omnem ex tribus finibus modò, non pluribus strui. Nisi fortè per diuersa argumenta complexio eadem colligatur: ut si e complexio per a b , & c d , aut per a b , & a c , & b c probetur. Quid enim causa est, quominus eiusdem complexionis probanda plura sint & diuersa argumenta? Vbi autem plura fuerint, plures quoque ratiocinationes erunt non una. Vel etiam ubi pronunciatum utrunque a , inquam, & b syllogismo effectum fuerit, ut sit a per d e , b uerò, per f g : uel alterum inductione, ratiocinatione alterum confirmetur. Eo quoque modo plures erunt ratiocinationes, cum complexiones sint plures: Nempe tum a , tum b , tum c . Quòd si una ratiocinatio fiat non plures, illo quidem modo licebit eandem conclusionem uariis argumentis effici: at c autem per a b , ut plura sint media, fieri nullo modo potest. Ponamus enim conclusionem e , quæ ex a , b , c , d , colligatur: profecto necesse est, ex iis quædam, ad alia rationem totius habere, alia uerò partium. Id enim dudum ostēdimus, ubi ratiocinatio sit, quædam extrema inter se ita affecta esse oportere: faciamus igitur, ut a ad b ita affectum sit, profecto ex iis complexio quædam sequitur, eaque aut e , aut c , aut d , aut quæpiam diuersa ab iis. Quòd si ipsum e inde concludatur, ex solis a b ratiocinatio constabit. Quòd si c d rationem inter se totius, & partis habeant, quidpiam quoque ex his efficietur. Nempe uel e , uel alterum ex illis a b , uel etiam quidpiam

quidpiam diuersum. Quòd si sequatur ipsum e, uel a etiã, uel b, profecto plures fuerint ratiocinationes, aut eandem conclusionem per fines diuersos probari accidet eodem modo, atq; antea fiebat. Si uerò quidpiam ab iis diuersum sequatur, plures erunt ratiocinationes: eaque à se inuicem discretæ. Quòd si illud c ad d non sit ita affectum, ut ratiocinationem componere possint, frustra sanè sumpta sint: nisi forrè aut ad inductionem, aut ad disceptationem occultam, aut ob aliquam aliam causam huiusmodi id fiat. Quòd si ex ipsis a b diuersa quadam sequatur conclusio, non ipsum e: ex c d uerò, aut alterum illorum, aut quidpiã ab illis diuersum, plures sanè ratiocinationes fient, non tamen ad questionem propositam: quippe cum propositum esset ipsum e syllogismo concludere. Quòd si ex ipsis c d nulla conclusio efficiatur, frustra sanè ea sumpta sint, nec conclusione colligetur initio proposita questio. Constat igitur omnem in uniuersum demonstrationem, omnem item ratiocinationem ex tribus tantum finibus strui.

Quod cum planè intelligatur, perspicuum quoque est, duobus tantum pronunciatis eam constare, non pluribus: quippe cum tres fines duo tantum pronunciata efficiant, nisi quidpiam extrinsecus accedat ad perficiendum ratiocinationem, ut initio à nobis dictum est: unde luce clarius apparet, in qua ratiocinatione pronunciata ea nō sunt paria, ex quibus principalis conclusio efficitur (oportet enim nonnullas ex complexionibus antecedentibus pro enunciatu accipi) eam inquam argumentationem, aut nihil collegisse, aut plura postulasse, quàm quæ ad questionem necessaria essent. Itaque si ratiocinationes in potioribus tantum

pronunciatis cernantur, ex his paribus omnes struuntur, finibus uero imparibus. Cum hi pronunciata uno uincant: complexiones autem dimidia pars pronunciatorum erunt. At ubi probabitur conclusio per ratiocinationes antecedentes, uel per media plura non coniuncta, ut si a b per c , & d probeatur: numerus finium eodem modo uincet numerum pronunciatorum: finis enim ille insertus aut extra collocabitur, aut medius inferetur. Quod utrouis modo fiat, pauciora erunt interualla extremis: pronunciata autem equalia sunt interuallis. Nec uero hæc perpetuo paria erunt, illi uero impares, sed uicibus permutatis, cum pronunciationes pares fuerint, fines erunt impares: ubi uero hi sint pares, pronunciationes erunt impares, quippe cum adiuncto extremo uno, simul accedat pronunciatum unum, undecunque extremum illud accedat. Quia igitur pares erant propositiones, fines uero impares, ubi sit ea accessio, necesse est id permutari: complexiones uero eundem locum, ac rationem non seruant ad fines & prologia. Vbi enim extremum unum accedit, adiicientur simul complexiones una tantum pauciores extremis antegressis. Finibus enim aliis sua cuique efficitur conclusio, ultimo tantum non fit. Ut si ipsis a, b, c , adiiciatur ipsum d , continuo accedunt conclusiones duæ: altera quidem ipsi a , altera uero illi b . Quod idem fit & in aliis. Quod si finis ille medius inferatur, eadem erit ratio: Tantum enim ad unum non concludet. Plures igitur erunt complexiones & extremis & pronunciatis.

Quando uero ex nostra disputatione intelligitur, quæ sunt ea, de quibus struuntur syllogismi, qualia ite in quaq; figura

figura, quòtque modis probari possint, facile quæque intelligere possimus, quanam quæstiones ad probandum difficiles sint, quæ item paratæ & faciles. Sunt enim eæ faciles ac expeditæ, quæ per plures figuras, modos item ac casus cõcluduntur: quæ uerò in paucioribus probantur, & per casus non item multos, eæ magis sunt difficiles & perplexæ. Sanè affirmatio uniuersalis per primam tantum figuram concluditur, idque uno tantum modo. Negatio uerò per primam & mediã, ac per illam una tantum ratione, per hæc uerò duobus modis. Affirmatio autem, quæ est in parte in prima, & postrema figura cõcluditur: ac in prima uno tantum modo, in postrema tribus. Negatio uerò in parte in omnibus figuris probatur, præterquam quod in prima unico tantum modo, in media uerò duobus, in postrema tribus. Vnde planè liquet, uniuersalem affirmationẽ agrè admodum astrui, euertere autem facile. Est autem omnino facilius multo, quæ in toto sunt quæstiones euertere, quàm quæ in parte. Nam seu in nullo, seu in aliquo non insit, euerit̃tur: quorum hoc in omnibus figuris efficitur: illud autem in duabus. Eadem est ratio priuantium. Nam seu in toto sit, seu in aliquo, tollitur quæstio proposita: id autem in duabus figuris fieri posse diximus. In iis autem, quæ in parte sunt quæstiones, unico modo sit refutatio: nempe si aut in toto, aut in nullo rem esse probes. Ad confirmandum autem magis sunt expeditæ quæstiones in parte, quippe cum & in pluribus figuris, & per plures modos concludantur. Et ut semel finiam, neminem ignorare oportet, quæ sunt in toto quæstiones, per eas, quæ sunt in parte, has uero per illas uicissim refelli. In cõfirmatiõẽ autẽ uniuersales quæstiones

per particulares astrui minimè possunt: hæ uerò per illas maxime. Illud etiam constat, refutandi negotium facilius esse multò, quàm confirmandi. Ex iis igitur, quæ exposuimus, perspicuum est, quæ uia struatur omnis ratiocinatio, quot extremis ac pronunciatis ea constet, quàmque hæ rationem inter se habeant, quæ item quæstiones in quibus figuris concludantur, quæ item in pluribus, quæque in paucioribus probentur.

De copia pronunciatorum paranda, pars altera.

IAM uerò exponendum nobis est hoc loco, quo pacto ratiocinationum copia nobis suppetit ad quæstionem, quæque uia ac ratione initia in unaquaque sumamus. Neque enim satis est, syllogismorum struendi rationem nosse, nisi eorū componendorum facultatem habeamus. Rerū igitur quædam tales sunt, quæ in nullo alio uerè & in toto dicantur, ut Cleon, & Callias, & quicquid singulare est, & sub sensum cadit. In iis uero alia dicuntur: eorum enim uterq; & homo est, & animans: alia uerò de aliis quidem dicuntur: alia uerò priores de his non item. Nonnullæ de aliis dicuntur, & de iis alia, ut homo de Callia dicitur, de homine animans. Constat igitur res quasdam esse, quæ de nullo alio suapte natura dicantur: quæ enim sub sensum cadunt, omnia ferme talia sunt, ut in nullo dicantur, nisi fortuito: dicimus enim nonnunquam, hoc album esse Socratem, illud, quod accedit esse Calliæ. Quòd autem sursum uersus procedendo aliquando fit status, alio loco iterum dicemus ac confirmabimus: id hoc loco quasi concessum ponamus. In his igitur concludi non potest aliud dici, nisi fortè quorundam

dam opinione id fiat, quin ea ipsa in alijs dicetur. Nec item singularia in alijs, sed alia in illis dicuntur. Quae autem in ijs media sunt, utraq; rationem admittere possunt. Nam & ipsa de alijs, & alia de ipsis dicentur: ac omnis ferme disputatio, ac commetatio de ijs potissimum instituitur: in ijs autem omnibus propositiones hoc modo sumenda sunt: principio proponendum est, de quo agitur, eius finitionem, ac omnes rei proprietates: tum rei consequentia, & antecedentia, ac repugnantia ea, quae in re esse nullo modo possunt: nec enim ea sunt sumenda, in quibus res esse nequit, cum retrò commet negatio: in consequentibus distinctio est utendum: quae sint: quae in rei essentia sint posita: quae uerò illius proprietates, quae item ut accidentia dicantur, in istaque quanam opinione sint in re, quae re uera. Nam quò maior fuerit eorum omnium uis ac copia, eò expeditius propositum concludemus: quò autem ueriora fuerint, melius reus demonstrabimus. Sunt autem ea deligenda, non quae rem aliquam, sed quae totam cōsequantur: uerbi causa, nō sunt sumenda quae homini alicui, sed quae omni sint consequentia. Constat enim ratiocinatio uniuersalibus pronuntiatis: ubi autem sumitur indefiniū effatum, ambiguum est, uniuersale sit necne: cum definitum est, facile intelligitur. Eodem modo sumenda sunt antecedentia ea, quae omnino res ipsa consequatur, idque ob eam ipsam causam. Nec uerò sumendum est, consequens totum sequi, nempe ad hominem omne animās, aut ad musicam omnem scientiam: sed sequi tantum, quemadmodum etiam proponimus illud ipsum. Illud enim praeterquam quòd inutile est, fieri sanè nullo pacto potest: uerbi causa, ut omnis homo, sit omne

animans, aut iustitia omne bonum: antecedenti uerò illi quidem iungi solet illud omne. Cum autem aliquò cōtineatur propositum, cuius consequentia sunt sumenda, tum nō sunt ea deligenda, quæ totum sequantur, uel non sequantur, quippe cum in illis iam sumpta sint. Quæ enim animas consequuntur, ea quoque omnia hominem sequuntur: quæ uerò in illo non insunt, ne in hoc quidem reperiuntur. At proprietates uniuscuiusque rei sumi debent: quippe cum quædam sunt speciei peculiæres non communes generi: in formis enim diuersis necesse est quasdam proprietates reperiri. Nec uerò illud uniuersale in ijs requirēdum est, quæ antecedunt id quod continetur, ut se habent ad animans hominis antecedentia. Nam si animans hominem cōsequitur, illa quoque consequatur necesse est. Hac autem ad hominis ipsius delectum propriè pertinent: sumi quoque debent, quæ plurimùm consequuntur, uel antecedunt. Nam ad quæstiones eas, quæ plurimùm eueniunt, ratiocinationes struuntur ex pronunciatis aut omnibus, aut nonnullis, quæ plurimùm ita sint: quippe cum complexio rei cuiusuis suorum initiorum similitudinem quædam referat. Nec uerò ea deligēda sunt, quæ aliquid omnino consequantur, ut ex quibus ratiocinatio componi nequeat, cuius rei causa in progressu aperietur.

EI igitur, qui aliquid de aliquo toto confirmare uelit, in ea inspiciedum est, quæ illi subiiciuntur, quod sit astruēdum, de quibus illud dicatur. Item in consequentia omnia eius, de quo id dici debeat. Nam si in ijs unum & idem reperiatur, necesse est alterum in altero esse. Si uerò sit propositum non in toto, sed in aliquo tantum esse, sumenda sunt utriusque

utriusque antecedentia. Si enim in ijs aliquid unum sit, necesse est alterum in altero esse: quando uerò concludendum erit, quidpiam in alio nullo esse, tum ratio habenda est consequentium eius, in quo aliud esse probandum est: expendenda sunt & repugnantia, quæ inesse nequeunt ei, quod probandum est non inesse. Aut uerò contrà, subiecti repugnantia, & attributi consequentia accipiēda erunt. Nam si hæc quacunque illa sint, eadem reperiantur, alterum in altero nullo esse poterit: ita enim fit ratiocinatio, modò in prima figura, modò in media. Quòd si in aliquo aliud non esse concludendum sit, eius antecedentia accipienda sunt, cui inesse oporteat: & ea repugnātia, quæ ei inesse nequeāt, quod in altero non esse probandum est. Nam si ex ijs aliquid unum & idem reperiatur, necesse est, ut alterum in altero aliquo non reperiatur: uerum quæ à nobis dicuntur, singula hoc modo forsan magis erunt perspicua. Constituamus enim consequentia ipsius *a* in *b*, eius uerò antecedentia in *c*, repugnantia uerò, & quæ illi inesse nequeant, in *d*: rursus in *f*, intelligantur ea, quæ ipsi *e* insunt: antecedentia uerò, & quæ ipsum consequitur in *g*: ea autem quæ ipsi inesse nequeant in *h*. Sanè si quoddam *c* cum aliquo *f* conueniat & idem sit, necesse est *a* in toto *e* esse: ipsum enim *f* in toto *e* inest, *a* uerò in toto *c*: ita fit, ut *a* sit in toto *e*. Quòd si *c*, & *g* idem sint, necesse est *a* in aliquo *e* reperiri: quippe cum *a* consequatur *c* totum: *e* uerò ipsum *g* quoque sequatur omnino. Quòd si forè *f*, & *d* conueniant, in nullo *e* inerit *a*, idque per prosyllogismum. Cum enim negatio reciprocetur, & *f*, & *d* idem sint, in nullo feris *a*: uerò in toto *f* inest. Rursus si *b*, & *h* concurrant, in nullo

e ipsum a inerit: nam b in toto a inest, in e uerò nullo: cum ipsum b cum h idem sit, & b in nullo e inesse diximus. Si uerò d, & g in idem redeant, a in aliquo e non erit. Nam in ipso g non erit a: quandoquidem ne in d quidem inest: g uerò sub e continetur, ita ipsum a in aliquo e non erit. Quòd si g, & b eadem sint, inuersa erit conclusio. Nam g in toto a erit, quippe cum b sit in toto a: e uero in toto b, cum idem sit atque g: hinc non efficitur necessariò, ut a sit in toto e: at in aliquo esse est necesse, quia reciprocatur affirmatio in toto in eam, quæ sit ex parte. Constat igitur in utraque cuiusuis quæstionis parte, ea esse spectanda, quæ diximus, cum ex his struantur ratiocinationes omnes. Ac in cõsequentibus quidem, aut cuiusuis rei antecedentibus inuestigandis, priorum ac communiorum ratio est habenda potissimum: uerbi causa, in ipso e potius quarendæ sunt l f, quàm f tantum: in a etiam sunt prius sumenda l c, quàm e tantum. Nam si a in c f reperiatur, tum in f, tum in e inest. Quòd si illa non sequatur, fieri potest, ut ipsi f, sit cõsequens. Eadem est ratio habenda in antecedentibus illius. Nam si communioribus sit consequens, a quoque sequetur, quæ illis continentur: quòd si illa nõ sequatur, hæc tamen sequi possit. Apertum est autem ac perspicuum in tribus extremis, ac pronuntiatis duobus rationem illam esse positam, omnes item conclusiones in tribus figuris superioribus effici: tum enim probamus ipsum a in toto e reperiiri: cum c, & f eadem sint, ex his autẽ medium efficitur: extrema autẽ sumpta sunt a e, ita fit prima figura: illud autem in ipso aliquo ostenditur, cum e, & g pro eodem sumuntur, quo modo efficitur figura postrema:

ipsum

ipsum enim g pro medio habetur, in nullo uerò esse concluditur, cum d , & f eadem sint: at tum & prima, & media figura efficitur: prima quidem, quia a in nullo finest, quandoquidem retrocedit negatio: f autem in toto e inest. Media uerò efficitur, quia d in nullo a reperitur: in e uerò toto inest. Colligitur autem in aliquo non esse, cum d , & g eadem sint, quo modo postrema figura struitur. Nam a in nullo g inest, e uerò in eo toto est. Hinc igitur luce clarius apparet omnem ratiocinationem in figuris illis strui, quas exposuimus, nec in delectu sumenda esse utriusque consequentia, ut ex quibus nulla struatur ratiocinatio: ex cōsequentibus enim nulla planè fuit confirmatio: nec item quidpiam negare licet ex utriusque consequentibus. Nam ad hoc efficiendū oportet aliquid in uno esse, in alio nō item. Hoc autem per se est manifestum, alias omnes rationes, ac uias delectus habendi ad struendum syllogismum, esse planè inutiles: nempe si conueniant utriusque consequentia, aut antecedētia ipsius a , & repugnātia, quæ ipsi e inesse nequeūt, uel quæ neutri inesse possunt: ex ijs enim nulla est ratiocinatio. Nam si consequentia eodem conueniant, ut b , & f , efficitur media figura ex ambobus pronunciatis affirmatibus: si uerò eadem sint antecedentia ipsius a , & quæ in e esse non possunt, ut c , & h , fit prima figura ex posteriore pronunciato priuante: quòd si eadem sumātur, quæ neutri inesse queant, ut d , & h , priuantia sunt ambo pronūcias a in prima aut media figura, quo modo nulla efficitur cōclusio. Quòd autē certa quadā eadem sumi oporteat, non alia aut aduersa ea, quæ hac arte cōtinentur, hinc erit aperiū: primum, quòd cura ac cogitatio tota medijs inuestigandi

causa suscipitur, medium autem unum est sumendum, & idem non uarium: deinde aduersa omnia ac repugnantia, quæ eidem inesse nequeant, ex quibus fortè syllogismus strui possit, omnia ad superiores modos referentur, ut si *b*, & *f* sint contraria, aut quæ in eodem esse nõ possint. Nam si hæc ita sumantur, cõcludetur *a* in nullo e esse, quod ex ijs sumptionibus non efficitur, sed ex ratione superiori: cum enim *b* sit in toto *a*, & in nullo *e*, necesse est, ut *b* cum aliquo *h* cõueniat: prætereà si *b*, & *g* in eodem esse non possunt, cõcluditur *a* in quodam *e* non esse: nam eo modo fiet media figura. Nam *b* in toto *a* inerit, & in nullo *g*: ita *g* conueniet cum aliquo *d*: nihil enim refert an *b*, & *g* eidem repugnēt, & inesse nequeant: an *g* cum quodam *d* sit idem. Nam in *d* comprehensa sunt omnia, quæ repugnāt ipsi *a*: liquet itaque ex obseruatione huiusmodi, nullam effici ratiocinationem. Quod si *b* & *f* sint aduersa, profecto *b* cum aliquo *h* conuenit: atque ita ex ijs efficitur conclusio. Profecto qui res eo modo obseruant, ijs accidit, ut uiam quandam ac rationem aliam inuestigent ab *e* *a*, quæ necessaria sit: idque quia non intelligunt, *b* & *h* eadem esse.

VT autem sit in ratiocinationibus ijs, quæ institutum probant, eodem planè modo & in ijs, quæ ad incommodum ducunt. Sunt enim hæc ex consequentibus, & antecedentibus amborum, eademque in ambabus adhibenda est obseruatio. Nam quod probando concluditur, ab absurdo quoque colligi potest, idque per eos ipsos fines. Quod item ab absurdo colligitur, id etiā probatione colligitur: uerbi causa, nullum *e* esse *a*, ita probatur: faciamus quoddam *e* esse, *a*, tum quia omne *a* est *b*, quoddā item *e* est *a*: sanè aliquod *e* esse

e esse b necesse est: at cōfessum erat nullum planè esse. Rursus ita colligitur in aliquo esse: nam si a est in nullo e, e uerò in toto g, ipsum a in nullo g reperietur, cum antea in eo toto fuerit. Hoc idem fit in alijs quæstionum generibus: semper enim & in quouis concluditur propositum ab incommodo per uiriusque antecedentia, & consequentia. In quauis etiam quæstione eadem est sequenda ratio, seu propositum cōcludere uelis, seu aduersarium ad incommodum deducere: quippe cum ex ijsdem sint extremis ambo modi concludendi: ut si conclusum sit in nullo e esse a, colligitur ipsum b in aliquo e inesse, quod fieri nequit. Si sumatur ipsum b, in e quidem nullo, in a uerò toto inesse, perspicuū est ipsum a in nullo e fore. Rursus si rectà conclusum sit, ipsum a in nullo e inesse, hoc ipsum ex incommodo monstrabitur, si faciamus in aliquo esse. Quod eodem modo fit in alijs quæstionibus: in quauis enim extremum quoddam commune sumendum est aliud ab ijs, quæ subiecta sunt, in quo falsum colligitur: atque ita inuerso eo pronūciato, altero autem eodem manente per ea ipsa extrema, efficietur ratiocinatio probās. Hæc enim ab ea differt, quæ est ad incommodum, quòd in hac pronūciatū alterum falsum accipitur, in illa ambo re uera ponuntur. Hæc autē in progressu magis explicabuntur, ubi de incōmodo differemus. Id tātū in præsentia perspicuū erit, ad illa præcepta aduertendū esse, seu rectà cōcludere uelis, seu ad incommodum deducere. In alijs quoq; ratiocinationibus, quæ sunt ex hypothesi, cuiusmodi sunt, quæ ex trāssumpto fiūt, & quæ ex qualitate ducuntur, ad ea quoque aduertendū est, quæ subiecta sunt nō in quæstione propofita, sed in trāslatiua. Est autem eadem

planè animaduersionis ratio: intelligendum uerò nobis est, ac diuisione explicandum, quòt sint modi ratiocinationum ex hypothesi. Hac igitur ratione unaquæque quæstio concluditur: nonnulla tamen alia quoque uia cõcludi possunt, ut uniuersales ex particularium inspectiõne, idque per hypothesim. Nam si c, & g eadem sint, & sumatur, ipsum e in solo g reperiri: ipsum a in toto e reperietur. Quòd si rursus d, & g eadem sint, e uerò in g solo dicatur, concludetur, a in nullo e inesse. Constat itaque eam esse animaduersionem adhibendam. Eadem est in necessarijs, & contingentibus ratio: est enim in ijs eadem obseruatio: & in cõtingenti ratiocinatio erit per eadem extrema, ac eodem ordine posita, atque in absolutis. Contingentis autem nomine ea quoque intelligenda sunt, quæ cum nõ sint, esse tamè possunt: ostendimus enim contingens per ea quoque cõcludi. Eadem quoque est ratio in alijs dicendi modis.

EX iis, quæ adhuc exposuimus, id constat, nõ modò hac uia ratiocinationes omnes strui posse, sed & alia nullo pacto posse. Cum enim antea probatũ sit, ratiocinationes omnes in figuris antea expositis strui, illæ uerò ex alijs ac cõsequentibus, & antecedentibus rei cuiusuis componi nequeunt, quippe cum ex iis pronunciata sunt, & mediũ sumatur, profecto nulla ratiocinatio ex alijs potest effici. Omnium igitur quæstionum cõcludendarum, tum quæ in Philosophia sunt, tum quæ in quauis arte ac disciplina tractantur, una est & eadem uia & ratio: in re enim quauis cogenda sunt simul, quæ in ea insunt, & in quibus ipsa inest, earumque maximam copiam parare, atque ita illa in tribus extremis cõtemplari, si euertas, hoc modo, sin cõfirmes, illo:

illo: idque si ad ueritatē agas, in ueris pronunciatis, & quæ re ipsa ita sint: sin de dialectica ratiocinatione cogites, in probabilibus, & uerisimilibus. Ac ratiocinationum initia in totum exposuimus, tū quomodo inter se affecta esse debeant, tum quæ sit eorum conquirendorum ratio, ne præcepta omnia, quæ exposuimus, in singulis inspiciamus, nèue in confirmando, & refutando eadem sequamur: in toto item ac in parte astruendis, aut in iis euertendis: sed pauca quadam, accerta nobis sint ad obseruandum proposita. In singulis autem rebus sic sunt deligēda principia, ut aut ipsius rei, quæ proposita sit principia quæras, ut boni, aut sciētia principia. Sunt autem propria cuique arti permulta: unde & initia illa in quaque re asferre, hominis est in ea maxime uersati & periti: uerbi causa, ex peritia, quæ in rebus est astrologicis, Astrologiæ petita sunt principia: quippe ubi astrorum ratio longa obseruatione comperta est, tum inuenta sunt, & instituta de Astrologia demonstrationes: id quod in cæteris tum artibus, tum scientiis eodem modo habet, quæcunque sunt illæ tandem. Vbi igitur inuenta fuerint, quæ in unaquaq; re insunt, nostrum tum erit, demonstrationes continuò ex iis edere. Nam si in inuestiganda rei natura nihil sit prætermissum, quod illi reuera & planè insit, licebit sanè rerum omnium, quæ ostendi possint, demonstrationem instituere & adferre. Explicare etiam faciliè erit, si quid ita sit natura comparatum, ut demonstrari nequeat. Quo igitur pacto pronunciata deligenda sint ad opus, in totum ferme exposuimus, de qua ratione diligentius ac subtilius in commentario de arte dialectica differuimus.

Huius autem uiae ac rationis particulam quandam esse eam, qua per generasit, diuisionem, faciliè intelligi potest, cum diuisio sit, quasi imbecilla quadam ratiocinatio: postulat enim, id quod probare oportuit: semper autem quidpià superius concludit: id quod ignorarunt, quicumque ea sunt usi, atque inde rei naturam probare conati sunt: quasi uero natura rei ac essentia demonstratione concludi possit: ita nec intellexerunt, quid diuisione concludi possit, nec hoc itè eo, quo diximus, modo concludi potuisse. Ac cū demonstratione concludendum est, quidpià esse, mediū id, quo struenda est ratiocinatio, semper sumi oportet minus ac angustius priori extremo, non de eo toto dici. At contrà fert diuisio: sumit enim uniuersum medium. Nā ponamus pro a, animans, pro b, mortale, in c uero, immortale, homo uero, cuius definitio sumi debet, loco ipsius d locetur: sanè sumit, qui diuidit, omne animans mortale esse, aut immortale, perinde ac si dicas omne a aut esse b, aut c: tum ponit hominem esse animans: sumit igitur, ipsum a in d inesse: concluditur itaque omne d, aut esse b, aut c, atque ita hominem necessario mortalem esse, uel immortalem. At animās esse mortale solū, non efficitur necessario, sed postulatur, cum tamen concludendum id fuisset. Rursus si quis constituat, a esse animans mortale, b uerò, pedestre, loco ipsius c, expes, in d uerò, hominem intelligat: eodem pacto sumit a, aut in b esse, aut in c: nam omne animal mortale, aut pedestre est, aut expes: a item in d esse: sumpsit enim, hominem animale esse mortale: ita necessario efficitur, ut homo sit animal pedestre, uel expes: non autem, ut sit pedestre: sed hoc pro certo sumit, cum id rursus illa argumentatione

tione concludendum esset. Ita in omni diuisione hoc modo accidit, medium uniuersale sumi. Extrema uerò, id de quo sit concludendum, & differentia demum nil planè afferunt, quo efficiant necessario ac doceât, quidnam homo sit, uel aliud quiduis, de quo agatur. Nam cum non putent, aliam posse reperiri facultatem, ac probandi rationem, uias alias, ac rationes omnes eo modo faciunt. Perspicuum est autem, nihil hac uia in accidentibus, aut proprietatibus, aut genere euertere posse, aut concludi. Denique in quibus omnibus quæstio est, itane an secus res habeat: cuiusmodi hoc est, sitne dimetiens rationalis, an irrationalis. Nam si sumat qui diuidit, lineam omnem rationalem esse, aut irrationalem, ac dimetientem esse lineam, inde efficitur, dimetientem rationalem esse, aut irrationalem. Quòd si sumat, eam esse irrationalem, id ipsum ponit, quod concludi oportuit, atque ita propositum probari nequit: cū enim hæc sit diuisionis ratio, & per eam probari non possit, aut rationale, aut irrationale (sit loco a, linea, in b uero, rationale, aut irrationale, in c, dimetiens) constat non ad omnē modò disputationem, non conferre illam inuestigandi rationē, sed ne ad eā quidem, cui maxime accommodata uideretur. Est igitur ex his, quæ adhuc exposuimus, dilucidum, quibus ex rebus, quaque ratione ac modo demonstrationes cōponantur, quæ itē sint in quouis genere quæstionis obseruanda.

De ratiocinationum resolutione, pars tertia.

DICENDVM autem deinceps fuerit, quomodo ratiocinationes referamus ad figuras eas, quas antea exposuimus. Nam hoc unum ex proposita disputatione restat: cum

demum enim ad finem perductum erit propositum, cum & syllogismorum structuram intellexerimus, & eorum inueniendi facultatem habuerimus, & structos iam & compositos in figuras superiores resoluendi. In quo hoc etiam cōsequemur, ut ex iis, quæ postea explicabuntur, confirmentur quæ antea exposuimus, eorūque clarior sit & apertior ueritas: quippe cum uera omnia necessario cōsentiant. At principio enitendum est, ut duo pronūciata ratiocinationis secernas, quandoquidem facilius est diuisio illa, quæ in maiores partes sit, quàm quæ in minutiores, tota autem suis partibus sunt maiora. Tum animaduertēdum, utrum in toto sit, utrum in parte. Quòd si ambo sumpta non sint, & expressa, alterum sumendum est, & supponendū. Nam & qui scribunt, & qui disserunt, ubi pronunciatum uniuersale proposuerint, quod est in eo cōprehensum omittunt, aut hæc quidem ponunt, ea autem pratermittunt, ex quibus hæc concluduntur, quippe quæ frustra postularentur. Est autem diligenter hoc obseruādum, sitne sumptū quidpiam superuacaneum, an pratermissum quicquam, quod necessarium esset: ac hoc adiungendum est, illud abijciendū, quouſque ad duo tandem pronunciatia peruentū sit: nisi enim hæc ita fiant, resolui ac reduci non possunt ratiocinationes rogata. Ac in nonnullis statim perspicitur, si quid desit: in aliis res est obscurior: ratiocinari enim uidetur, quia ex pronunciatis semel positis ac concessis quidpiā efficitur necessario: uerbi causa, si sumptū sit, nisi essentia aliqua tollatur, essentiam non tolli: quòd si partes tollātur, illud quoque perire, quod illis constat. Nam si semel ea sint posita, necessario inde efficitur, partem essentia, essentiam esse:

esse: ex pronunciatis tamen assumptis id non est ratiocinatione conclusum: imò pronūciata desunt, quibus id efficiatur. Rursum, si ubi homo sit, necesse est animans esse: quando uerò animans sit, essentiam esse, necessario quidem efficitur, si homo sit, essentiam quoque esse: necdum tamen ratiocinatione id effectum est, quippe cum non eo modo collocata sint pronunciata, quo praecepimus. In his autem ideo decipimur, quia quemadmodum syllogismus argumentatio est necessaria, ita hīc ex pronunciatis concessus efficitur aliquid necessariò: at argumentatio necessaria in pluribus dicitur, quàm syllogismus, quippe cum ratiocinatio omnis necessaria est, non quicquid necessario cōcludit, ratiocinatio est. Itaque non si quid ex pronunciatis propositis necessario efficitur, continuo est enitendum, ut ad suam figuram referatur ea argumentatio, sed sumenda sunt primum duo pronunciata, atque ita in sua extrema dissoluenda, ac pro medio id habendum, quod in utroque pronūciato sumitur. Nam in quauis figura medium in utroque pronūciato reperiri est necesse: ubi igitur de alio dicatur medium, & aliud de eo, aut de alio illud quidem enuncietur, de eo autem negetur aliud, tum prima erit figura: si de alio illud dicatur, & negetur de alio, media erit figura: sin de illo alia dicantur, seu unum negetur, affirmetur alterum, postrema erit: ita enim medium disponi docuimus in singulis figuris. Eadem autem erit ratio, etiam si pronunciata uniuersa nō sint: est enim tum eadem mediū collocandi ratio. Hinc igitur perspicuum est, argumentationem eam syllogismū non esse, in qua res eadem saepius dicta nō sit: neque enim in ea medium aliquod sumptum est. At uerò quando iam intel

ligimus quamquam quæstio in quaque figura concludatur, in
 qua uniuersalis colligatur, qua itē particularis, cōstat non
 esse omnium figurarum rationem semper habendam, sed
 eius, quæ cuique quæstioni accommodata erit: in iis autem
 quæstionibus, quæ per multas figuras concludūtur, ex me-
 dij collocatione figuram deprehendemus. At enim ferē sit,
 ut in syllogismis decipiamur ob concludendi necessitatem,
 id quod paulo ante diximus, nonnunquam ex similitudi-
 ne extremorum collocandorum, id quod profecto ignorare
 non debemus: uerbi causa, si a dicatur in b, & hoc in c, ui-
 deri possit constitui ratiocinatio extremis ita collocatis, cū
 tamen nulla sit argumentatio necessaria, nedum syllogis-
 mus. Nam agnoscemus in a perpetuum: in b uero, Aristo-
 menem intelligibilem: in c, Aristomenem: sanē a in b reue-
 ra inest: nam Aristomenes intelligibilis est perpetuus: b itē
 in ipso c est, nam Aristomenes intelligibilis est Aristomenes,
 a uerò non est in c, cum Aristomenes sit caducus & mor-
 talis: ex ea igitur extremorum dispositione syllogismus nō
 efficiebatur, sed pronunciatum a b in toto sumi oportuit: at
 falsum est, si quis postulet, omnem intelligibilem Aristo-
 menem esse perpetuum, cum Aristomenes sit mortalis. Rur-
 sus loco ipsius c, Miccalus: pro b uerò, Miccalus musicus: ubi
 est ipsum a, ponatur ipsum perire cras, sanē b, de c uerē af-
 firmatur, nā Miccalus est Miccalus musicus: a itē in b uerē
 dicatur, nā crastino die perierit musicus Miccalus: cū tamē
 falsum sit a in c esse, id quod superiori exēplo est simile: men-
 daciū est enim, si dicas, omnē Miccalum musicū cras peritu-
 rū: id quod si pratermittatur, nihil planē cōcludetur: ac is
 error ob rem exiguam admittitur: nam quasi nihil referat
 hoc in

hoc in illo dicere, aut hoc in illo toto esse, ita id concedimus.

Sapenumero etiā errare, ac falli ex eo solemus, quòd fines ij nō rectē explicantur, qui in pronūciatis adhibētur: uerbi causa, si a sit sanitas, morbus uerò loco ipsius b, in c uerò sit homo: sanè uerè dixeris, nullū b posse esse a, quippe cum nullus morbus possit esse sanitas: b itē in toto cesse: nā homo quiuis morbo est obnoxius: hinc profecto cōsequi uideatur, ut in nullo homine morbus esse possit: quod ideo fit, quia fines nō sunt aptē digesti in uoce. Neq; enim ratiocinatio efficietur, si pro habitu sumas res eas, quæ ab habitu appellationē habent, ut si pro sanitate, sanū collocetur, pro morbo agrū: neque enim uerè dixeris, qui agrotat, eum ualere nō posse: quod si non sumas, nihil concludas, nisi fortè quidpiā accidere, id quod fieri sanè potest: accidit enim, ut in nullo homine sit sanitas. In media etiā figura falsa conclusio eadē ratione colligitur. Accidit enim in nullo morbo sanitatē esse, in quouis autē homine esse, atq; ita in nullo homine morbum reperiri. At in tertia figura falsa conclusio efficietur ex ipso cōtingente. Fieri enim potest, ut in re eadem tota sit sanitas, ac morbus: scientia item, ac ignoratio, cōtraria itē quauis: cum tamen in se mutuo inesse non possint. Id autem cum iis, quæ supra dicta sunt, minimè consentit: nam quandoque plura in eodem esse possunt, illa quoque in se mutuo esse poterant. Constat igitur deceptionem in iis, ex finitū collocatione oriri. Nā si res affectas, & quæ ab habitu appellationē habent, commutes, nihil concluditur falsum. Liquet igitur in pronūciatis huiuscemodi rem affectā commutandā esse in affectionē, ac pro extremo esse collocandā.

NEC uerò in omnibus conandum est, ut extrema una

dictione explicentur: quippe cum in multis ipsa orationes
 sint, in quibus nomen unū positum non est: unde paulo dif-
 ficilius est ratiocinationes huiusmodi in suas figuras re-
 ferre. At in nonnullis ob eam inuestigationem, falli ac erra-
 re accider: uerbi causa, immediatorum uidebitur esse con-
 clusio. Faciamus enim, ut in *a* sint duo recti, in *b* triangu-
 lus, in *c* uerò aquicrurus: sanè *a* est in *c* per *b* medium: in
b uerò per aliud medium non item: quippe cum triāgulus
 duos rectos suapte natura habeat, & per se: ita ipsius *a* b
 nullum erit medium, cum tamen demonstrari possit. Per-
 spicuum est igitur medium non esse in omnibus sumēdum,
 quasi quidpiam unum, sed ut orationem nonnunquam. Id
 quod in exemplo proposito accidit. Cum autem primum in
 medio, & hoc in postremo dicitur, non est ita accipiēdum,
 quasi extrema de se mutuo eadem ratione dicātur, aut pri-
 mum de medio, eo modo, quo medium de ultimo: sed quot
 modis quidpiam esse dicitur, & uerè enunciatur: totidem
 sanè modis arbitrandū est, intelligi aliquid in alio esse: uer-
 bi causa, aduersorum scientia est una. Ponamus enim, in
a unam esse scientiam, in *b* uerò, inuicem aduersa: sanè *a*
 in ipso *b* inest, non quasi aduersa sint una scientia, sed id-
 circo, quia uerè in his dicitur, unam esse eorum scientiam.
 Accidit autem nonnunquam primum in medio dici, mediū
 in tertio non item. Verbi causa, si sapientia est scientia, est
 autem sapientia rerum bonarum: concluditur, rerum bo-
 narum esse scientiam: hīc non assumptum est in recto scien-
 tia est bonum: at propositio in recto fuit, sapientia est scien-
 tia. In nonnullis medium in tertio quidem dicitur, primum
 in medio minimè: exempli gratia, omnium qualitatū uel
 etiam

etiam aduersorum est sciētia, bonum autem & aduersum est & qualitas, atque inde efficitur, quòd boni est scientia, non quòd bonum scientia sit. Neque hīc propositio in recto fuit, quòd scientia esset, aut qualitas, aut cōtrarium, at assumptio in recto fuit, quòd bonum hāc ipsa esset. Aliquando nec primum in medio dicitur, nec medium in tertio: ubi primum in tertio aliquando quidem dicitur, aliquando nō dicitur. Vt quia quarum rerum scientia est, earum est genus aliquod: at boni est scientia: concluditur inde boni esse genus aliquod: nihil autem de alio dicitur. Si uerò illud est genus, cuius habetur scientia, boni autem scientia quādam est, concluditur bonum esse genus: profecto primum in postremo dicitur, de se mutuo non item. Quod eodem modo in negatione est intelligendum, cum enim hoc in illo non esse dicimus, non semper intelligimus, hoc non esse illud: sed nonnunquam hoc non esse illius, aut illi: ut mutationis non est mutatio, nec generationis generatio est: at uoluptatis est generatio, non est igitur ipsa uoluptas generatio. Rursus ipsius risus aliquod est signum: signi autem non est aliud signum, risus igitur non est signum: hoc idem fit in ceteris alijs, in quibus euertitur quæstio, ex eo quòd genus ad rem quodam modo referatur. Rursus quòd occasio non sit tempus oportunum, ita concluditur. Nam deo sua est occasio: at nullum illi tempus est oportunum, quippe cum deo nihil utilitatem asferre possit: extrema enim collocanda sunt, occasio, tempus oportunum, deus: pronunciatum autem in casu nominis sumi debet. Hoc enim omnino ac in omnibus præcipimus, quòd fines & extrema in recta appellatione accipi debent, ut homo, bonum contraria: non

autem hominis boni, contrariorum. Pronunciata autem accipi debent ex uarijs singulorum casibus, nempe aut huic, quemadmodum æquale: aut huius, ut duplum: aut hunc, ut pulsans, uidens: aut hic, ut homo est animans: aut siquo alio modo nomen in pronunciato inflecti potest. Illud autem esse quidpiam in alio, ac de eo uerò dici, tot modis intelligi oportet, quot sunt genera summa: eaque aut certo quodam modo, aut omnino, simplicia item, aut coniuncta, quod in negatione eodem modo accidit. Sunt autem ea obseruanda, ac quàm optimè fieri possit, distinguenda.

ID autem quod in pronūciatis iteratur extremo priori coniungendum est, non medio: quod dico tale est, si concludatur iustitiæ esse scientiam, quòd bona sit, illud bonum, quà bonum, extremo iungendum est: constituamus enim in *a* scientiam, quòd bonum, in *b* uerò, illud quod bonum, in *c*, iustitia: sanè *a* de *b* uerè dixeris: nam boni quòd si bonum, scientia est, & *b* quoque in *c* uerè dicitur: est enim iustitia id quod bonum. Ad hunc igitur modum resolutio efficitur. Quòd si ipsi *b* cōiungatur illud, quod bonū, iam non erit uerum: nam *a* de *b* uerè diceretur, *b* de *c* nō itē: nam si in iustitia dicas, eam bonam esse, quà bonum: id & falsum est, & intelligi nequit. Eadem erit ratio, si salubre ostēdatur esse cognobile quà bonum, aut hirco ceruus quà non est, aut homo caducus quà sensibilis: est enim in omnibus ijs, quæ ad prædicantur, extremo apponenda geminatio. Nec uerò eadem est extremorum dispositio, ubi quid omnino concludatur, & quando hoc, uel illud, uel quodam tenus, uel alio quodam modo: uerbi gratia, cum bonū probabitur

babitur esse cognobile, & cum quid cōcludetur cognobile, quā bonū. Quin si cognobile omnino cōcludatur, mediū collocandū est, id quod est: sin quā bonū sit, aliquod ens. Cōstituamus enim in *a*, sciētiam, quā est quoddam ens, in *b* uerò aliquod ens, in *c*, bonū: profecto *a* in *b* uere dicitur: quippe cum scientia sit alicuius entis, quā ens est: *b* item in *c*: nam quod loco ipsius *c* constitutum est, quodpiam ens est: ita & *a* in *c* uerè dicitur, erit igitur boni sciētia, quā bonū quoddam est: nam quoddam ens certam quādam naturā modò designabat. Quod si ens mediū locetur, & extremo ens omnino, non quoddā ens adiectū sit, diximus non effici sciētiam esse boni, quā bonum est, sed quā ens: ut loco *a*, est sciētia, quā ens: in *b* uerò, ens, in *c* bonum. Ac constat extrema eo modo esse sumenda in iis, qui in parte sunt syllogismi.

NOMINA etiam nominibus, quæ idem ualēt, cōmutare oportet, orationem item oratione, nomē etiam ac orationem, ita ut orationē semper nomine cōmutet. Nam facilius eo modo extrema digeruntur: exēpli gratia, si nihil referat, dicas, suspicabile nō esse genus opinabilis: an opinabile non esse id, quod suspicabile: nam idem significat, id quod pro oratione sumptū est, tum suspicabile & opinabile pro extremis sint collocāda. At uerò quia hæc diuersa sunt, uoluptas est bonū, & uoluptas est ipsum bonum, non sunt eodē modo extrema constituenda. Sed si concludatur uoluptatē esse ipsum bonum, extremum est collocandum, ipsum bonū: sin esse bonum, bonum modò id, quod in aliis eodem modo fit. Nec uerò hæc aut in re, aut in sermonei dem ualent, cui ipsum *b* inest, eidē toti inest *a*, & in quo toto reperitur *b*, in eo ipso toto inest ipsum *a*. Nihil enim prohibeat, *b* in *c* quidē

esse, sed non omni, nempe si *b* sit quidpiam pulchrum, c uerò album: profecto si in re quadam alba quidpiam pulchri insit, uerè dixeris, album esse pulchrum, non omne fortasse. Itaque si *a* est in *b*, nec tamen in iis omnibus est, de quibus ipsum *b* dicitur, seu ipsum *b* in toto *c* reperiatur, seu in aliquo, non est necesse, *a* in *c*, nō modò toto, sed ne ullo quidem inesse. Quòd si in quacūque re ipsum *b* uerè dicatur, ipsum *a* insit in ea omni, inde efficietur, in quo toto ipsum *b* dicitur, in eo quoque omnino dici ipsum *a*: si uerò de quo *b* dicitur, in eo toto dicitur ipsum *a*, nihil prohibet, *b* in *c* quidem esse, in eo uerò nō toto *a* esse, uel etiam omnino non esse. Vbi igitur tria sunt extrema, perspicuum est illud, de quocunque *b* dicitur, ipsum quoque *a* dici, idem ualere, ac de quibuscunque dicitur *b*, de iis quoque omnibus ipsum *a* dici: quòd si *b*, de aliquo omnino dicatur, *a* quoque eodem pacto dici: sin in aliquo non omnino dicatur, non est necesse ipsum *a* in eo toto esse. Nec uerò existimandum est ob dispositionis exempla, alienum quid, aut absurdum euenire: neque enim in exemplum adducimus hoc esse illud: sed ut geometra lineam istam pedalem esse dicit, ac rectam & illatibilem, cum ea non sit: nec iis utitur, quasi inde aliquid concludat: qui enim quidpiam demonstrat, id nullo pacto ex eo efficiet, quod totius rationem ad partem suam nō habeat: aliud autem ad hoc, ut pars sit toti comparata: cum ne ratiocinatio quidē isto modo fiat: sed ea expositione utimur eodem modo, ac qui dicunt rem percipere sensu eum qui instituitur. Neque enim hæc ita fiunt, quasi sine his res ipsa demonstrari nequeat: ut sunt ea, ex quibus ratiocinatio struitur. Nec uerò ignorare id debemus, non omnes conclu-

conclusiones, quæ una & eadem ratiocinatione efficiuntur, ad eandem figuram pertinere: sed alias per hanc, alias per illam colligi. Vnde cõstat resolutionem, eo quoque modo esse faciendam. Cum autem quæstio non omnis in quâuis figura, sed in singulis certè probetur, ex complexione facile intelligitur, in qua figura res inuestigari debeat. Ac in definitionibus probandis, ubi definitionis particulam unam probaueris, ea ad quam probatio pertinet, pro extremo collocanda est, non tota oratio. Ita enim accidet, ut prolixitate minus turbemur. Exempli gratia, si quis probauit aquam esse humorem potabilem, potabile & aqua pro extremis sunt collocanda.

IAM enitendum non est, eos syllogismos referre in figuras, qui sunt ex hypothesi. Nec enim referre eos possis ex ijs, quæ proposita sunt: quia syllogismo non probant, sed ex conuentione & pacto admittuntur. Verbi causa, si quis id ponat, si una contrariorum non sit facultas, nec scientiam quidem eorum unam esse: tum probet contrariorum non esse unam facultatem, nempe quia salubris, & insalubris nõ est eadem: ita enim fieret, ut res eadem salubris esset, & insalubris: profecto probatũ est eo modo non unam esse contrariorum omnium facultatem: at eorum scientiam nõ esse unam, probatum quidem id nõ est, quanuis necessariò fateri id oporteat: non ratiocinatione quidem, sed ex pacto ac consensu. Non potest igitur hic syllogismus ad figuram referri: sed ille potest, quo concluditur non unam esse contrariorum facultatem: his enim fortasse ratiocinatio fuit: ille hypothesis tantũ. Eodem pacto res habet in ijs, qui per incommodum cõcludunt. Nec enim resolueret eos possis: du-

Etiam autem ad incommodum, maxime. Nam is ratiocinatione probatur. Illum quidem facere non potestis, quia ex hypothesei concluditur. Est autem inter hos syllogismos, & superiores discrimen: quod in illis praconceptione est opus, ut rem confiteatur aduersarius. Vt si probatur unam esse contrariorum facultatem, ac eorum eandem esse scientiam: in his autem sine ulla praconceptione, rem confitebuntur ob perspicuam falsitatem: uerbi causa, si ponas dimetiētem esse rationabilem, consequitur, ut numeri impares paribus sint aequales. Sunt autem permulti quoque alij, qui ex hypothesei concludunt, syllogismi, qui diligenter & apte obseruandi sunt & annotandi: ac quot sint syllogismorum ex hypothesei genera, quotque modis illi fiant, posterius explicabimus. Quod ad rem praesentem attinet, hoc tantum intelligi debet, syllogismos eiusmodi in figuras referri non posse ob eam, quam exposui, causam.

IN quaestionibus autem omnibus, quae per plures figuras probantur, si quae in una conclusa sit, ipsam argumentationem in alteram figuram referre possis, ut quae priuans in prima concluditur, in secundam, quae in hac, in primam referatur, non omnes, sed aliquae, id quod in progressu perspicuum erit. Nam si *a* in nullo *b* reperitur, & *b* est in toto *c*, *a* sane in nullo *c* reperitur: nam hoc pacto prima figura efficitur. Quod si inuertas pronunciatum priuans, media erit figura. Ita enim *b* in nullo *a* erit, & in *c* toto. Hoc idem fiet, ubi in parte tantum, non omnino concludet ratiocinatio. Vt si *a* in nullo *b*, & hoc in aliquo *c* insit. Nam efficietur figura media, si reciprocetur pronunciatum priuans. Ex iis autem ratiocinationibus, quae in secunda si-

gura

gura struuntur, uniuersales quidem in primam figuram referentur: ex iis, quæ in parte concludunt, altera tantum. Faciamus enim, ut nullum b sit a , omne uerò c sit a : sanè si retrò commeet negatio, prima figura dicitur. Nam eo modo nullum a est b , & omne c est a . Quòd si ipsi b affirmatio iungatur, ipsi uerò c negatio, illud c in maiori extremo collocandum est. Ita enim fiet, ut nullum a sit c , & omne b sit a . Atque ita nullum b erit c , nec ullum quidem c erit b . Reciprocatur enim priuans pronunciatum. Quòd si ratiocinatio in parte concludat, ubi maiori extremo negatio fuerit iuncta, in primam figuram reducetur, ut si a in nullo b insit, & in c aliquo: efficitur enim prima figura, si retrò commeet negatio. Nam b in nullo est a , & hoc in aliquo c inest. Vbi uerò affirmatio ita fuerit, resolui non possit, ut si omne b sit a , non omne uerò c sit a : nam illud a b reciproca-tionem non admittit. Quòd si fortè illa fiat, non stabit conclusio. Nec item quæ in tertia figura struuntur ratiocinationes, in primam omnes referri possunt: contrà quæ in hac sunt, ad tertiam omnes referantur. Faciamus enim, exempli causa, ut omne b sit a , & aliquod c sit b : cum igitur affirmatio in parte reciprocetur, c quoque in aliquo b inerit: a autem in toto b erat: fit igitur figura tertia. Eadè erit ratio si priuans sit ratiocinatio. Nam quia affirmatio in parte inueritur ac retrò commeat, efficitur, ut a in nullo b insit, & c in aliquo. Ex ratiocinationibus autem, quæ in postrema figura struuntur, una modò in primam figuram resolui nequit, nempe ubi negatio in toto nõ fuerit, reliquæ referri possunt omnes. Ponamus enim, ut & a , & b in toto c dicantur, profecto ipsum c in utrumuis retrò commeabit

in parte: atque ita ipsum *a* in aliquo *b* inerit, & efficitur prima figura, dum *a* in toto *c* inest, & hoc in aliquo *b*. Eadem erit ratio, ubi *a* in toto *c* inerit, *b* uerò in *c* aliquo. Nam ipsa *b*, *c* inuertuntur ac reciprocantur. Quòd si *b* in toto *c*, & in hoc aliquo ipsum *a* insit, collocandum est ipsum *b* in primo limite. Nam eo modo ipsum *b* in toto *c* erit, & hoc *c* in aliquo *a*: atque ita ipsum *b* in aliquo *a*: & quia pronunciatum in parte retrò commeat, ipsum *b* in aliquo *a* inerit. Ac ubi ratiocinatio priuans fuerit, & extrema omnia in toto sint, eodem modo omnia sumi debent. Sit enim exempli gratia, *b* in toto *c*, & in hoc nullo ipsum *a*: profecto ipsum *c* in aliquo *b* non erit: *a* uero in nullo est: ita medium erit ipsum *c*. Hoc idem fit, ubi negatio est in toto, affirmatio in parte: nam *a* in nullo *c* inest: *c* uerò in *b* aliquo: quòd si negatio in parte sumpta sit, resolutio nulla erit, nempe si omne *c* est *b*, quoddam autem *c* non sit *a*. Si enim illud *b* *c* inuertatur, pronuntiata ambo illa quidem in parte erunt. Constat autem in mutua illa reductione in figuras, pronunciatum, quod minori extremo iunctum est, in utraque figura esse inuertendum: hoc enim commutato, egressio efficitur. Ex his autē, quæ in figura media sūt ratiocinationes, una in figuram quidem tertiam resoluitur: altera nō item. Refertur enim ea, in qua negatio est uniuersalis. Nam si *a* in nullo *b* inest, & in *c* aliquo, utrumuis cum ipso *a* aequè inuertitur: atque ita nullum *a* erit *b*, & quoddam *a* erit *c*. Erit igitur ipsum *a* medium. Quòd si *a* in toto *b* inest, in aliquo *c* non item, nulla fit resolutio, cū neutrum ex pronūciatis post reciprocaationem sit uniuersale. Resoluitur etiā in mediam figurā, quæ in tertia sunt ratiocinationes:

quando-

quādocunque negatio in toto fuerit: Vt si *a* in nullo *c* inest, & in *b*, aut aliquo, aut omni: nam *c* in nullo *a* inerit, & in *b* aliquo. Quod si priuatio sit in parte, nulla erit resolutio. Neque enim reciprocationem admittit negatio ea, quæ est in parte. Hinc igitur constat eos ipsos syllogismos in his figuris non resolui, qui in primam referri non potuerūt. Accum alij syllogismi in primam figuram referantur, ij ex incommodo tantum probantur. Ita ex iis, quæ hucusque exposuimus perspicuum est, quo pacto ratiocinationes reduci oporteat, quod etiam figuræ in se mutuo commeant & resoluuntur.

NE Cuerò parum refert ad confirmandum, uel refutandum, arbitrerisne, hæc idem ualere, an diuersa, non est, inquam, hoc, & est non hoc: uerbi causa, non est album, & est non album: neque enim idem ualent, nec huius, esse inquam album, negatio est illud, esse non album: quin nō esse album, cuius rei fiat, est ratio: nam eodem modo se habet illud, potest ambulare, ad alterum, potest nō ambulare, quo modo illud, est album, ad alterum, est non album, & hoc nouit bonum, ad illud, nouit non bonum. Nihil enim refert dicas, hic bonum cognoscit, an est peritus boni, nec item refert dicas, potest incedere, an est potens incedere: itaque illorum contraria eadem sunt, non potest ambulare, non est potens ambulare. Quod si idem ualent, illud, non est potens ambulare: & est potens non ambulare, uel etiam nec ambulare, profecto hæc eadem in eadem re simul reperiuntur: quippe cum homo idem facultatem habeat, ut ambulet, & non ambulet, & est peritus boni, & non boni. At affirmatio & negatio contrariæ, in eadem re simul nunquam

insunt. Atque ita quemadmodum hæc non idem ualent, non nosse inquam bonum, & nosse nō bonum: ita nec illa, esse non bonum, & non esse bonum, rem eandē significant. Nam in his, quæ similitudine inuicem comparantur, si unū sit alterum, aliud quoque necessario est: nec idem ualēt, esse non æquale, & non esse æquale. Ei enim quod est, esse nō æquale, aliquid subiicitur, quod est in æquale: alteri planē nihil: quo fit, ut non quauis res æqualis sit, aut inæqualis: æqualis, uel non æqualis maximē. Iam hæc non simul perpetuo reperiuntur, est non album lignum, & non est album lignum. Nam si quid est lignum non album, illud est lignū: si quid uerō non sit lignum album, non est necesse, ut sit lignum: unde constat ipsius pronunciati, est bonum, illud, est non bonum, negationem non esse cōtrariam. Quod si de re quauis una, uel affirmatio uerē dicitur, uel negatio opposita, profecto ubi negatio non uerē dicitur, affirmatio quodammodo uerē enūciabitur. At cuiusuis affirmationis sua est negatio: illius igitur ista erit contraria, non est nō bonū. Porro hunc ordinem hæc omnia seruant inter se: ponamus loco ipsius a, esse bonum, in b, non esse bonum, in c uerō, esse non bonum, idque sub ipso b, demum non esse nō bonum in d, ac subiiciatur ipsi a: sanē in re quauis, aut ipsum a inerit, aut b, ipsum item c, uel d, & in nulla re eadem inesse simul possint, ac in quacunque re c reperitur, necesse est, ipsum b in quauis reperiri. Nam si uerē dicitur, aliquid esse non album, uerum quoque est, illud non esse album: quippe cum fieri nequeat, ut quid simul sit album, & non album: nec item sit lignum non album, & sit lignum album: quod si affirmatio ipsa non insit, inerit negatio, ipsum autem c non
perpetuo

perpetuo in toto *b* reperitur. Nam quod planè non est lignum: nec lignum quidem est non album: contra fit in his, in quocunque reperitur ipsum *a*, in eo reperitur ipsum *d*, quandoquidem necesse est, uel *c*, uel *d* in eo reperiri. At uerò quoniam fieri nequit, ut res eadem simul sit non alba, & sit alba, ipsum *d* semper inerit. Nam de ea re, quæ alba sit, uerè dixeris, eam non esse non albam: at ipsum *a* non dicitur in toto *d*. Nam de ea re, quæ lignum planè non sit, nō uerè dixeris ipsum *a*, nempe quòd ea sit lignum album, atque ita in ipsa ipsum *d* uerè dicitur, at ipsum *a*, nempe quòd ea sit lignum album, non ita. Constat etiam in nulla re eadem inesse posse *a*, & *c*, quanuis *b*, & *d* in nonnullis iisdem reperiri possint. Eandem rationem seruant priuationes ad enunciationes, modo is obseruetur situs: collocemus in *a* æquale, loco ipsius *b*, non æquale, ubi est *c*, ponatur in æquale, in locum *d*, succedat non in æquale: ac in rebus permultis, quibus aliquid idem partim insit, partim non insit, æquè uera negatio fuerit, nempe quòd non omnia illa sunt alba, uel etiam quòd non est album unumquodque ex illis, cum tamen falsum sit, unumquodque esse non album, uel omnia esse non alba. Eodem modo illius pronuntiati, omne animans est candidum, non est hæc negatio contraria, omne animans est non album (hæc enim ambo falsa sunt) sed illud, non omne animal est candidum. Iam uerò ex quo constat, hæc pronuntiata res diuersas significare, est non album, inquam, & non est album: cumque alterum aiat, alterum neget, perspicuum est, non eandem esse utriusque probandi rationem: uerbi causa, omne animas non esse candidum, aut posse esse.

non, & uerè dici non album, quod idem est, atque esse non album. At uerò horum omnium, nempe quòd uerè dicatur, esse album, uel non album: eadem est concludendi ratio: ambo enim hæc concluduntur in prima figura. Nā ipsum uerum eandem uim & situm habet, ac ipsum est: nam ipsius pronuntiati, uerum est asseuerare hoc albū, non est hæc negatio contraria, uerum est asseuerare hoc non album: quin potius illi contraria est, non uerum est asseuerare album. Quòd si uerè dicatur, quisquis homo fuerit, cum musicum esse, uel non musicum, sumendum est, omne animans musicum esse, uel non musicum: atque ita res est confecta. At uerò illud, omnem hominem non esse musicum, in modum refutationis concluditur, idque in tribus modis, quos superius exposuimus. At ut semel dicam quandocunque a, & b ita sunt inter se affecta, ut in nulla re eadem ambo inesse possint, & in re quauis necesse sit alterum esse: c item, & d eandem inter se rationē seruant: ac ipsius c illud a sit consequens, nec retro commee: profecto ipsum d consequens erit ad b, nec reciprocabitur: atque a, & d in re eadem esse possunt, b, & c non possunt: ac primum hinc planè intelligitur ipsum d consequi ad b. Nam cum alterum horum, c in quā uel d necesse sit esse: in qua autē re b inest, ipsum c esse nequit, quia ad ipsum statim consequitur a: hæc autē, a in quā & b in re eadē simul esse nequeunt: manifestū est igitur, quòd ipsum d cōsequitur. Iā uerò cum c non reciprocetur cū ipso a, & in re quauis uel c dicitur, uel d, ita accidit, ut a & d in eadē re insint: b uerò & c esse simul nequeunt, eo quòd ipsum a sit cōsequens ad c. Inde enim res quadā absurda cōsequitur, & quæ fieri nō possit. Constat igitur ne
ipsum

ipsum quidem *b*, cum *c* reciprocari, quādoquidem ipsum *a* cum *d* stare potest. At uerò in nonnullis accidit, ut decipiamur in huiusmodi finium dispositione, idque ex eo quòd nō bene sumantur contraria ea, quorū alterum in re quauis inesse sit necesse: uerbi causa, si *a*, & *b* in re eadem simul esse non possunt, & necesse est in qua re alterum non sit, in ea alterum esse: c item, & *d* eodem modo inter se sunt affecta, ac ipsum *a* in totum consequitur ad *c*: ita enim concludetur, in qua re sit *d*, in ea necessario esse *b*: id quod falsum est. Sumamus enim negationem ipsorum *a* *b*, quæ sit in loco: illorum item *c* *d*, quæ sufficiatur in locum ipsius *g*: profecto necesse est in re quauis, aut a uerè dici, aut *f*, nempe affirmationem, aut negationem: c item, uel *g*, cum hæc sint a-ientia, & negantia, ac in quacunque re *c* inest, in ea quoque *a* ponitur: atque ita in quacunque re inest ipsum *f*, in ea quoque inest & *g*. Rursus quando in re quauis, uel *f*, uel *b* dicitur: *g* item, uel *d*: *g* autem consequitur ad *f*, atque ita ipsum *b* consequens erit ad *d*, id quod iam intelligimus. Itaque si *a* consequitur ad *c*, *b* quoque ex *d* consequens erit: id quod planè falsum est. Nam in his, quæ ita sunt inter se affecta, consecutionem cōtra ualere docuimus: nec enim fortasse est necesse, ut in re quauis, aut *a* dicatur, aut *f*, sit ē, aut *b*: nec enim ipsum *f* negatio est illius *a*. Nam boni, non bonum, negatio est: at non idem ualer, hoc non est bonum, ac illud, non est nec bonum, nec non bonum. Eadem est ratio ipsorum *c* *d*: nam duæ negationes in his sumptæ sunt.

ARISTOTELIS DE PRIMA
RESOLVTIONE, LIBER II.



Hucusque igitur id à nobis expositum est, quot
figuris, quot item, quibùsque pronunciatis,
quando, quaque ratione struatur ratiocina
tio, quæ etiam inspectanda sint ac obseruanda
ei, qui aliquid refutare, uel confirmare uelit, quæ etiam sit
inuestigandi propositi ratio in arte quauis, qua item uia ac
ratione uniuscuiusque questionis principia reperiamus. At
uerò cum ex syllogismis alij in toto sint, alij in parte, qui in
toto sunt, multa semper concludunt: qui uerò in parte sunt,
si affirmant, plura quidem concludunt: sin negent, unã tan
tum conclusionem colligunt: quod ideo fit, quia pronuncia
ta alia retrocommendant, at negatio in parte non item. Con
clusio autem aliquid de aliquo significat: ita fit, ut ratioci
nationes alia multa concludant. Verbi causa, si conclusum
sit, a in toto b inesse, uel etiam in aliquo, necessario inde effi
citur, ut b in aliquo a reciprocetur: quòd si a in nullo c in
sit, ne in ullo quidem a ipsum b inerit. Hoc autem pronun
ciatum à superiori diuersum est. Quòd si a in aliquo b non
insit, nõ ideo efficitur ipsum b in aliquo a nõ reperiri: quip
pe cum fieri possit, ut in eo toto insit. Atque ea est una om
nium syllogismorum ratio, tã qui in toto, quàm qui in par
te colligunt. In uniuersalibus autem alia quoque ratio af
ferri potest. Eorum enim omnium, quæ uel medio continen
tur, uel cõclusionem, una est eadem ratiocinatio, si hæc in
conclusionem ponantur, illa in medio. Verbi causa, si conclu
sio a b colligatur per c, necesse est, ut a de omnibus iis dica
tur,

tur, quæ ipso *b* aut *c* continentur. Nam si *d* in toto *b* est, hoc uerò in toto *a*, profecto *d* in toto *a* continebitur. Rursus si *e* in *c* toto contineatur, *c* uerò in *a*, profecto & *e* in ipso *a* toto continebitur. Eadem est ratio, ubi priuans fuerit cōclusio. In secunda autem figura concludere tantum licet, quod complexione continetur, ut si *a* in nullo *b* insit, & in *c* toto, efficietur ipsum *b* in nullo *c* inesse. Quòd si *d* sub *c* cōtineatur, constat in eo non esse ipsum *b*: ex ea autē ratiocinatione non constat, ipsum *b* nō inesse iis, quæ sub *a* continentur: tamen si re ipsa in ipso *e* nō insit, si sub *a* ipsum contineatur. At ratiocinatione est effectum, *b* in nullo *c* inesse: in *a* uerò, nō esse citra probationem, & ut cōfessum est sumptum. Itaque ratiocinatione non efficitur, *b* in *e* non esse. In iis autē, qui in parte colligūt syllogismi, quòd ad ea attinet, quæ complexione cōtinentur, nulla est eorum necessitas. Neque enim efficitur ratiocinatio, ubi illa in parte sumpta sit propositio. Eorum autem, quæ medio cōtinentur, omnium quidem cōclusio erit, nō tamen ex ratiocinatione: ut si *a* in toto *b*, & hoc in aliquo *c* insit, profecto id quod sub *c* collocatum est, nō cōcludetur: quod autem sub ipso *b* est, maximè, nō tamen ob ratiocinationem antecedentem. Hoc idem fit in alijs quoque figuris. Neque enim concludetur id quod cōplexione comprehensum est. Alterum autem, cōcludetur illud quidem, sed nō per ratiocinationem: quomodo in uersalibus probabantur, quæ sub medio erant, per pronūciatum nōdum probatum, atque ita in his concludetur: alioqui ne in illis quidem conclusio erit.

POTEST autem fieri, ut pronūciata uera sint ea, quibus cōstat ratiocinatio, nonnunquam etiā falsa: aliquā-

do, ut alterum uerum sit, alterum falsum. Complexio autem necessario uera est, uel falsa, ac ex pronūciatis ueris cōplexio falsa cōcludi nequit: ex falsis uera quidem colligi potest: nō tamē per causam colligetur, sed quod sit modo. Neque enim ex falsis ratiocinatio unquam est, eāque per causam: cuius rei ratio in progressu explicabitur. Principio igitur ex ueris falsum cōcludi nō posse, ex iis erit perspicuum: nam si ubi *a* sit, necesse est *b* esse, ubi hoc nō sit, necesse est *a* non esse: ubi igitur uerum sit ipsum *a*, necesse est quoque ipsum *b* uerum esse. Alioqui accideret, ut res eadem simul sit, & non sit: id quod fieri nequit. Neque uerō suspicetur aliquis, ex eo quod ipsum *a* extremum unicum positum sit, ex uno posito quidpiam necessario effici. Neque enim hoc fieri potest: nam id quod efficitur necessario, conclusio appellatur: ex quibus autem ea efficitur, illa minimum tria sunt extrema, interualla autem, ac pronūciata duo. Vbi igitur uerum sit, in quo *b* insit, in eo toto ipsum *a* inesse: in quo uerō sit *c*, ipsum *b* quoque insit, necesse est in quo sit *c*, in eo quoque *a* inesse. Nec falsum id ullo modo esse potest. Illud igitur *a*, quod quasi unum acceptum est, pro pronūciatis duobus cōiunctis est intelligēdum. Eadem quoque est priuantium ratio. Neque enim ex ueris falsum probari ullo modo potest: ex falsis autem uerum concludi, illud quidem potest, seu falsa sint ambo pronūciata, seu alterum, nec tamen utrumuis, sed secundum, si pronūciatum in totū falsum sumamus, alioqui utrumuis indiscriminatim. Faciamus enim, ut *a* in toto *c* insit, & in *b* nullo, profecto ne *b* quidem in *c* erit. Quod autem dicimus, accidere potest: uerbi causa, nullus lapis est animās, nullus itē homo est lapis.

Vbi

Vbi igitur sumptum sit, *a* in toto *b* inesse, & hoc in toto *c*: *a* in omni *c* inerit: atque ita ex pronuntiatis ambobus falsis uera efficitur cōclusio: omnis enim homo est animans: idem est existimādum de cōplexione priuante. Nam ponamus, *a* in nullo *c* inesse, itē & *b*, *a* uerò in toto *b* inesse: ut si ea ipsa extrema sumātur, & in ijs homo medium colloctetur. Nam & animans, & homo in nullo lapide insunt, animal autē omni homini inest: atque ita si sumamus in eo nullo inesse, cui toti inest: cōtrā in quo nō inest, in eo toto esse, ex ambobus pronūciatis falsis uera efficietur cōclusio. Hoc idē probabitur, ubi utrūque in parte falsum sumatur. Quòd si alterum modò falsum ponatur, ubi primum in totum falsum fuerit, ut ipsum *a* *b*, nō efficietur uera cōclusio: uera autem erit, si *b* *c* sumatur falsum. Appello autem pronūciatum in totū falsum, quod cōtrarium est uero: ut si in toto esse sumptum sit, quod in nullo inest, aut cōtrā quod in toto inest, in nullo inesse. Ponamus enim, ut *a* in nullo *b* insit, *b* uerò in *c* omni, profecto si pronūciatū *b* *c* uerum sumptū sit, *a* *b* uerò planē falsum, ac ipsum *a* in *b* omni inesse, sit positū, fieri nō potest, ut uera sit conclusio: ipsum enim *a* in nullo *c* inerat, quandoquidem cuicunque insit *b*, in eo nullo inerat ipsum *a*: at illud *b* in *c* quouis erat. Nec cōclusio quidem uera esse possit, si *a* in *b* quouis insit, *b* uerò in omni *c*, ac pronunciatum *b* *c* uerū sumptum sit, *a* *b* uerò in totū falsum, hoc modo, nullum *b* est *a*, conclusio sanē falsa erit: nam ipsum *a* in toto *c* re ipsa inest: in quocunque enim ipsum *b* inest, in eo quoque inest *a*: at *b* est in omni *c*. Constat itaque conclusionem ueram nō fore, ubi pronunciatū prius omnino falsum sit sumptum, seu affirmet illud, seu neget, alterum autem

uerum sit: quòd si falsum quidem illud ponatur, nō omnino tamen, uera tum erit conclusio. Nam si *a* in omni *c* inest, & in *b* aliquo, *b* itē in omni *c*, quemadmodum animās in omni cygno inest, & in albo aliquo, album uerò in toto cygno inest, profecto si sumptum sit, *a* in omni *b* inesse, *b* uerò in omni *c*, *a* in omni *c* reuerà inerit: est enim omnis cygnus animans. Eadem erit ratio, ubi pronunciatum *a b* priuās fuerit: fieri enim potest, ut *a* in aliquo *b* in sit, in *c* uerò nullo, *b* autem in *c* toto: uerbi gratia, animās est in aliquo albo, & in nulla niue, candor autem in omni niue reperitur: si ergo ponatur, *a* in nullo *b* inesse, & hoc in omni *c*, ipsum *a* in nullo *c* inerit. At uero si proloquium *a b* in totum uerū sumatur, & *b c* omnino falsum, efficietur uera conclusio: nihil enim causa est, quominus ipsum *a* in *b*, & *c* totis in sit, *b* autem in nullo *c* reperiatur. Huius rei indicio sunt omnes eiusdem generis formae, quae non se inuicem contineant: animans enim in equo, & homine reperitur, equus autem in nullo homine uisitur: erit igitur falsa cōclusio, ubi *a* in toto *b* sumatur, & hoc in toto *c* inerit, ut omnino sit falsum proloquium *b c*. Hoc idem fiet, ubi propositio *a b* priuās fuerit, quippe cum fieri possit, ut *a* in nullo *b*, in *c* item nullo, in sit: *b* item in nullo *c*, ut se habet alterum genus ad formas alterius. Nam animal nec musica, nec medicina inest, nec musica etiā medicina: ita si sumatur, *a* in nullo *b* esse, *b* uerò in *c* toto, uera erit complexio. Quòd si pronunciatum *b c* nō omnino, sed in parte falsum sit, ita quoque uera erit cōclusio: nihil enim quicquā prohibet, quominus *a* in *b* & *c* toto in sit, *b* uerò in *c* quodam, ut genus in specie est, & differente, animans enim in omni homine inest, & in omni terre-

stri,

stri, homo uerò in aliquo terrestri inest, non omni. Si igitur sumatur, a in omni b inesse, & hoc in omni c, efficitur, a in omni c inesse, id quod uerum erat. Idem fieri existimandum est, ubi proloquium a b priuans sit: accidit enim, ut a in b, ac nullo insit, b uerò in aliquo c, quo modo se habet genus unum ad formam, & differentiam generis diuersam. Animans enim nulli prudentiae inest, nulli item cognitioni, prudentia autem alicui cognitioni inest: atque ita si sumatur, a in nullo b, & hoc in omni c, a in nullo c inerit: id quod antea uerum erat. In ratiocinationibus item in parte accidit, conclusionem ueram esse, ubi prius pronunciatum in totum sit falsum, alterum uerum, uel illud in parte falsum, hoc omnino uerum. Item cum a b uerum sit, particulare autem pronunciatum falsum: quando item ambo falsa sint: nihil enim uetat, a in nullo b esse, & in c aliquo, ut b in c aliquo sit: exempli gratia, animans in nulla niue est, & in aliquo albo, & in albo aliquo est nix. Ita si nix medium collocetur, animans uerò primū, & sumatur a in toto b esse, & hoc in aliquo c, effatum illud a b in totū falsum est, alterum autem b c inquam uerū, & cōclusio inde uera efficitur: tātundem fiet, si propositio a b neget: quippe cum fieri possit, ut a in toto b insit, in aliquo autem c nō insit, b uerò alicui c insit: uerbi causa, animās in toto homine inest, & alicui albo non est cōsequens, cum tamen homo alicui albo insit. Atque ita uera erit cōclusio, si homo medius ponatur, ac sumatur, a in nullo b esse, & hoc in aliquo c, cum tamen pronunciatum a b omnino sit falsum. Conclusio item uera erit, si proloquium a b in parte sit falsum, & b c uerum: neque enim quicquam uetat, a in b, & c aliquo

inesse, & *b* in aliquo *c*, ut animās in aliquo pulchro reperitur, in aliquo item magno, & pulchrū in aliquo magno est: si igitur sumas, *a* in omni *b* esse, & hoc in aliquo *c*, propositio illa *a b* quadā tenus est falsa, illa autem *b c* uera, & cōclusio ex his est uera. Eodē modo res habebit; ubi pronunciatum *a b* negetur: nam ad huius rei probationem iḍdem sumuntur fines, ac eodem modo disponentur. Rursus si *a b* uerum sit, *b c* falsum, uera erit complexio. Quid enim causa est, quominus *a* in toto *b* insit, & in aliquo *c*, *b* autē in nullo *c* insit: uerbi causa, animās in omni cygno inest, & in aliquo nigro, cum cygnus in nullo nigro insit. Si igitur *a* in toto *b* sumatur, & hoc in *c* quodam, uera erit conclusio, cum pronunciatum *b c* sit falsum. Idem fiet, si pronunciatū *a b* priuās sumatur: fieri enim potest, ut *a* in nullo *b* insit, & in *c* aliquo non insit, *b* autem in nullo sit *c*, quo modo se habet genus ad formā generis alterius, & diuersi, & ad accidētia ea, quæ illius formis insunt: animās enim in nullo numero inest, & in quodam albo: numerus autem in nullo est albo. Ita si numerus medius ponatur, & sumatur, *a* in nullo *b*, & *b* in aliquo *c*, *a* in quodā *c* non erit, id quod modō uerum erat: ac pronunciatum *a b* uerum est, *b c* falsum. Vera etiam erit conclusio, si *a b* in parte sit falsum, *b c* item falsum: neque enim quicquam uetat, quominus *a* in *b*, & *c* quibusdam insit: *b* uero in nullo *c*, ut si *b*, *c* sint aduersa, eaque eiusdem generis accidentia ambo: animans enim in quodam albo est, quodā item nigro, & album in nullo nigro inest: si igitur sumas, *a* in toto *b* inesse, & hoc in aliquo *c*, uera efficietur inde cōclusio. Quod si *a b* priuās sumatur, itidem fiet: ad id enim monstrādum iḍdem fines eadem dispo-
 sitione

spofitione ſumentur. Quòd ſi pronunciata ambo falſa ſint, uera quoq; eſſe poſſit cõcluſio: fieri enim poteſt, ut *a* in nullo *b* inſit, in *c* uerò quodam ſit, cum *b* in nullo *c* inſit, ut genus aliquod formæ generis diuerſi omnino non ineſt, & in accidente quodam ſuarum formarum ineſt. Animās enim in nullo eſt numero, & in aliquo eſt albo, cū numerus in nullo ſit albo: ſi igitur *a* in toto *b* ponatur, & hoc in quodam *c*, uera efficietur concluſio, cum falſa ſint ambo pronunciata. Hoc idem fiet, ſi pronunciatum *a b* negetur, nihil enim prohibet, *a* in toto *b* eſſe, in *c* quodam non eſſe: *b* item in nullo *c*, ut animans in omni cygno eſt, in aliquo nigro non eſt, cygnus autem in nullo nigro: ubi igitur ſumptum ſit, *a* in nullo *b* ineſſe, & hoc in quodam *c* efficietur, *a* in quodam *c* non eſſe: atque ita uera erit cõcluſio, cum ambo pronunciatæ ſint falſæ.

Secunda figura.

IN media uerò figura ex falſis uerum planè cõcludere licet, ſeu pronũciata ambo in totum falſa ſumantur, ſeu in parte, ſeu alterum ſit uerum, mētiatur planè alterũ, idque utrumuis. Vbi etiam ambo in parte mentiantur, ubi item alterum ſit planè uerũ, alterum in parte falſum, & cõtrà ſi alterum ſit planè falſum, alterum uerum in parte, idque tum in uniuerſalibus ſyllogiſmis, tum in particularibus. Nam ſi *a* in nullo *b* ineſt, & in *c* omni, quo modo animās in nullo lapide ineſt, & in omni homine: atq; tum propoſitiones cõtrario modo ponātur, ut ſumatur, *a* in omni *b* ineſſe, & in *c* nullo, ex pronunciatæ planè falſis uera efficietur complexio. Hoc idem fiet, ſi *a* in toto quidem *b* ineſt, & in

c nullo: idem enim efficietur syllogismus. Rursus si propositio altera tota falsa sit, altera tota uera: nihil enim uetat, quominus *a* in *b*, & *c* in totū in*si*t, & *b* in nullo e*in*si*t*, quo modo se habet genus ad formas non cōtinentes inuicem: animās enim in equo & homine in totum inest, cum tamen nullus homo sit equus. Ita si sumatur, animās in altero toto inesse, & in altero nullo, pronunciatum alterum in totum falsum erit, alterum planē uerum, & uera erit cōclusio, utrius negatione adiecta. Item si alterū in parte sit falsum, alterum sit omnino uerum: fieri enim potest, ut *a* in *b* aliquo in*si*t, & in *c* omni, & *b* in nullo *c* in*si*t, eo modo animans est in albo aliquo, & in toto coruo, cum candor in nullo coruo in*si*t. Igitur si sumatur, *a* in *b* nullo, & in *c* toto inesse, pronūciatum *a* *b* in parte erit falsum, *a* *c* omnino uerum, ac uera erit conclusio: hoc idem fiet si commutetur negatio: ex iisdem enim finibus id mōstrabitur, si affirmatio sit in aliquo falsa, negatio planē uera. Quid enim uetat, quominus *a* in quodam *b* in*si*t, & in *c* toto non in*si*t, *b* sit in nullo *c*: uerbi gratia, animans est in quodam albo, & in nulla pice, & album in nulla pice inest. Itaque si sumatur, *a* in toto *b* inesse, & in *c* nullo, propositio *a* *b* in quadam parte erit falsa, *a* *c* uera omnino, & conclusio erit uera. Vera item erit conclusio, ubi ambo pronunciate in parte falsa sint: quippe cum *a* in *b*, & *c* quibusdā inesse possit, cum *b* in nullo *c* in*si*t: exempli gratia, animans in quodam albo, quodam item nigro inest, cum album in nullo nigro reperiatur. Itaque si *a* in toto *b* sumatur, & in *c* nullo, propositiones amba in aliquo erunt falsa, & uera conclusio: hoc idem fiet, si commutetur negatio in finibus iisdem: hoc

etiam

etiam fieri perspicuum est in *ijs*, qui in parte concludunt syllogismi. Neque enim quicquam prohibet *a* in toto *b* inesse, & in *c* aliquo, cum *b* in *c* aliquo non insit, ut animas in toto homine inest, & in quodam candido, cum homo in quodam candido non sit. Si igitur *a* in nullo *b* ponatur inesse, & in quodam *c* esse, pronūciatum illud uniuersum in totum falsum est: quod autem in parte est, uerum, & conclusio uera. Eadem erit ratio, si *a* *b* sumatur affirmatio. Nam fieri potest, ut *a* in nullo *b* insit, & in quodam *c* non sit, & *b* in aliquo *c* non sit, ut animas in nullo inanimato inest, & in quodam albo non est, cum inanimatum in quodam albo non sit. Ita si ponatur *a* in toto *b* inesse, & in quodam *c* non esse, proloquium illud uniuersum *a* *b* omnino est falsum, *a* *c* uerū, & conclusio uera. Idem fiet, si uniuersalis propositio uera ponatur, particularis falsa. Quid enim prohibet, quāso, ipsum *a* nulli *b*, nulli item *c* esse consequens, cum *b* in quodam *c* non sit? Exempli gratia, animans nulli numero, nulli item inanimato est consequens, & numerus cuidam inanimato non inest. Si igitur ponatur *a* in nullo *b*, & in quodam *c*, uera erit conclusio: propositio autem uniuersalis quidem uera, particularis autem falsa. Idem fiet, si affirmatio sit uniuersalis: potest enim *a* in *b*, & *c* totis inesse, cum *b* alicui *c* non sit consequens: quo modo se habet genus ad formā, & differens: animas enim totum hominem, totum item terrenum consequitur: homo uerò nō omne terrenum. Itaque si sumatur *a* in toto *b* inesse, & in *c* aliquo nō esse, pronūciatum uniuersale uerum erit, particulare falsum, uera autem complexio. Cōstat etiā ex ambobus falsis ueram effici complexionem, si quidem

potest *a* in *b*, & *c* totis inesse, cum *b* alicui *c* non insit. Si enim sumatur *a* in nullo *b*, & in quodam *c* inesse, pronuntiata ambo falsa erunt, cōclusio uera. Idem fiet, si affirmer pronūciatū uniuersale, quod in parte est, neget: potest enim *a* toti *c*, & nulli *b* esse consequens, cum *b* alicui *c* non insit: uerbi causa, animans nullam sciētiam consequitur, & totum hominem, & scientia non omnem hominem. Ita si ponatur *a* in toto *b* inesse, & cuidam *c* nō esse cōsequens, pronuntiata falsa erunt, complexio uera.

Figura tertia.

In postrema quoque figura ex falsis efficietur uerū, tū ex ambobus in totum falsis, tum ex utroque in parte falso, & ex altero omnino uero, altero falso: ex uno item in parte falso, altero omnino uero, & contrā. Demum quibuscūque aliis rationibus pronūciata immutari possunt. Neque enim quicquam uetat, & *a* & *b* in nullo *c* inesse, cum *a* in aliquo *b* insit: uerbi gratia, homo, & pedestre nulli in animo sunt consequētia, & homo alicui pedestri inest. Itaque si ponatur *a*, & *b* in toto *c* inesse, pronūciata in totum falsa erunt, connexio uera: eadem est ratio, ubi alterum ait, negat alterum. Fieri enim potest, ut *b* in nullo *c* insit, & in eo toto insit *a*, cum *a* alicui *b* non insit: uerbi causa, nigrum in nullo est cygno, & in hoc toto est animal, animal autem non omni nigro inest. Ita si sumatur *b* in omni *c*, & in hoc nullo ipsum *a*, *a* in quodam *b* non erit, & conclusio erit uera, propositiones falsa. Vera item efficietur complexio, ubi utraque in parte falsa sit propositio: neque enim quicquā uetat, *a*, & *b* in quodam *c* inesse: *a* uerō in aliquo *b*: uerbi causa, album, & pulchrum in aliquo animante insunt, & album

album in re quadam pulchra inest. Si igitur ponatur, cum a, cum b in toto c inesse, pronūciata ambo in parte falsa erunt, complexio autem uera: hoc idem fiet, si pronūciatum a c ponatur priuās. Quid enim uetat, quominus a in quodam c non sit, b uerò in c aliquo sit, cum a in b non toto insit? Exempli gratia, album in quodam animante nō est, & in eo aliquo est pulchrum, album autem non omni pulchro inest: ita si sumatur a in nullo c, & b in eo ipso toto, propositiones amba in parte falsa erunt, complexio uera. Eadem erit ratio, si propositio altera in totum falsa sumatur, altera omnino uera, quippe cum fieri possit, ut & a & b ipsi c omnino sint cōsequentia, cum a in quodam b nō sit, ut animans, & cādidum omni oloři consequentia sunt, cum animans nō omni candido insit. Propositis igitur huiusmodi extremis, si b in toto c sumatur, a uerò in eodem nullo, profecto pronūciatum b c omnino uerum erit: illud autem a c planē falsum, cum ipsa cōclusio sit uera: hoc idem fiet, si illud b c, falsum sit: a c uerum: ad id enim confirmandum ij assumuntur fines, nigrum, cygnus, inanimum. Quinetiam ubi amba affirmantia sint pronūciata, tantundem fiet. Nihil enim uetat, ut b toti c sit consequēs, & in eodem toto ipsum a nō sit, cum a in quodam b insit. Hoc modo animās in omni cygno reperitur, & in eodem toto ipsum a non sit, cum a in quodam b insit. Hoc modo animās in omni cygno reperitur, & in eodem nullo nigrum, cum nigrum alicui animāi insit. Si igitur ponatur a & b in toto c inesse, pronūciatio b c uera planē fuerit: a c uerò planē falsa, conclusio autē uera. Illud idem fiet, si a c ponatur falsa, quod per eosdem fines ac exempla cōfirmabitur. Rursus uera erit cō-

clusio ex pronunciato planè uero, & altero in parte falso:
 fit enim nonnunquam, ut *b* in toto *c* insit: *a* autem in *c* ali-
 quo, & *a* in quodā *b* insit, ut bipes omni homini inest, pul-
 chrum non omni, & tamen pulchrum alicui bipedi inest.
 Itaq; si ponatur *a* & *b* in toto *c* esse, propositio *b* *c* uera pla-
 nè erit, *a* *c* in parte falsa: conclusio autem uera. Idem fiet,
 si pronunciatum *a* *c* uerum sumatur, *b* *c* in parte falsum: ijs-
 dem enim finibus commutatis id ostendetur. Item si propo-
 sitio altera neget, altera aiat: quādoque enim accidit, ut *b*
 in toto *c* insit, & *a* in eo aliquo: at dum hæc ita se habeant,
a non omni *b* inest. Itaque si sumatur, *b* in toto *c* inesse, *a* ue-
 rò in *c* nullo, negatio erit in parte falsa, altera propositio
 planè uera, cōclusio item uera. Præterea quādoquidē pro-
 batum est, ubi *a* in nullo *c* insit, *b* uerò in eo aliquo, fieri pos-
 se, ut *a* in aliquo *b* non sit, perspicuum, ubi *a* *c* planè uerum
 sit, *b* *c* in parte falsum, cōclusionem posse esse ueram. Nam
 si sumatur *a* in nullo *c* inesse, *b* uerò in *c* omni, pronuncia-
 tum *a* *c* planè uerum erit: *b* *c* autem in parte falsum. Con-
 stat item in ratiocinationibus, quæ in parte sunt, ex falsis
 uerum omnino concludi. Eadē enim extrema sumi debent,
 quæ sumpta sunt, dum uniuersalia essent pronunciata, in
 aientibus aientia, negantia in negantibus. Nam quod ad
 extremorum expositionem pertinet, nihil refert, quod nul-
 li inest, sumere, quasi omnino insit, & quod alicui insit, om-
 nino inesse. Idem de priuantibus est existimandum. Hinc
 igitur perspicuum est, ubi cōclusio est falsa, ea ex quibus ar-
 gumentatio constat, aut omnia, aut aliqua necessario esse
 falsa. Quòd si uera sit, nec omnia, nec aliqua uera esse, ne-
 cesse est: quin nonnunquam sit, ut cū neutra syllogismi pro-
 positio

positio uera sit, cōclusio sit æquē uera, nō tamē ex necessitate. Cuius rei hæc est ratio, nam quādo duæ res ita sunt inter se affectæ, ut si una sit, altera quoque sit ex necessitate: hæc si non sit, ne illa quidem erit: quòd si ea sit, non est necessesse, ut illa sit. Ex eo autem quòd aliquid sit, & non sit, fieri non potest, ut res eadem sit necessario: quod dico tale est, cū a album est, ipsum b ex necessitate esse. Rursus cum a albū non sit, ipsum b necessario esse. Nam quia ex eo quòd hæc res, nempe a, est alba, necesse est illam, b, inquam, esse magnam: at cum b est magnum, c non est album, profecto necesse est, si a sit album, ut c non sit album. Et cum ex duobus propositis, si unum sit, alterum esse necesse est: ubi hoc non sit, necesse est illud non esse: profecto cum b non est magnum, a nequit esse album. Quòd si dum a non est albū, ex necessitate b est magnum: accidit, ut cum b non sit magnum: illud ipsum b sit magnum, idque necessario, id quod fieri nequit. Nam si b non est magnum, a non est candidum ex necessitate: si igitur b erit magnum, dum a non est albū, efficitur quasi per tres fines, si b nō est magnum, ut illud ipsum sit magnum.

De probatione circulari.

PROBATIO autē in orbem & ex alternis tūc fit, cum sumpta cōclusionē, & propositionē altera ratione dicēdi inuersa cōcluditur altera propositio, quæ in superiori syllogismo sumpta fuit: exēpli gratia, si probandum fuerit, omne c esse a, idque probatum sit per ipsum b. Rursus si probetur b esse a, ex eo quòd c sit a, & b sit c, atque ita b sit a, principio autem cōtra sumpsit, qui ratiocinatur, nēpe c esse b. Vele etiam si probandum sit, b esse in c, ac sumat a in

edici, quæ fuit cōclusio, & b in a inesse: at antea contrario modo sumptum erat, nepe a esse in b aliquo, nulla sit ex alterius probatio. Nam si mediū quoddam diuersum sumatur, nō fit in orbem probatio: nihil enim idē sumitur. Quod si quippiam ex illis sumatur: alterum tantum accipi necesse est. Si enim ambo sumerentur, eadem efficeretur conclusio, cum diuersam effici oporteat. In his igitur, quæ non retro simul commeant, ratiocinatio efficitur ex altero pronuntiato non confirmato: neque enim in his extremis concludere possumus tertium in medio inesse, aut mediū in primo: in his autem, quæ uicissim commeant, extremis, omnia ex se inuicem probari possunt, ut si a b c comeant inter se, & sint æqua. Faciamus enim, ut a c probatum sit per b, rursus a b per cōclusionem, & propositionem b c cōuersam: ita & b c per cōclusionem, & propositionem a b inuersam: sunt autē pronūciata c b, & b a probāda. Ea enim sola citra probationem usurpauimus: sanè si b sumatur in toto c inesse, & c in omni a, efficietur, ut b sit in a. Rursus si ponatur c in omni a inesse, hoc uerò in toto b, necesse est, ut c in toto b insit. Ac in ambabus illis ratiocinationibus pronūtiatum illud c a citra cōfirmationem sumptum est: reliqua uerò probata sunt. Itaque si illud cōfirmauerimus, omnia ex se inuicem cōfirmata fuerint, itaque si sumatur c in omni b inesse, hoc item in omni a, sumūtur duo pronūciata iam probata, & ex his efficitur necessario, ut c in ipso a insit. Perspicuum est igitur in his modo, quæ uicissim comeant, orbicularē probationem fieri, ac uicissitudinariam: in alijs uerò eo quo diximus modo. Probatur enim c de b, hoc item de a, si sumas, c dici in a: at c in a dici, ex pronuntiatis illis probatur: uti-

mur itaque conclusione ad id probandum. In priuantibus autem ratiocinationibus hoc modo fit mutua confirmatio. Ponamus b in omni c inesse, a uerò in nullo b , efficitur conclusio, nullum c inquam esse a . Quòd si rursus concludendum sit, a in nullo b inesse, quod dudum sumptum est, sumetur a in nullo c , & hoc in omni b : atq; ita inuertetur pronuntiatio. Quòd si concludi oporteat, b in c inesse, non ita conuertendum erit illud a b , cum pronuntiatio idem sit, b in nullo a inesse, & a in nullo b : sed sumendum est, in quo nullo ipsum a inest, ipsum b in eo toto inesse: ponamus a in nullo c inesse, quæ cōclusio fuit, & in quo nullo est a , sumamus ipsum b in eo toto esse: necesse est igitur ipsum b in toto c inesse. Atque ita cum tria sint pronūciata, unum quodque effectum est conclusio, atque illud est in orbem demonstrare, nempe cum conclusionem sumis cum altero pronuntiatio inuerso, unde concludis alterum pronuntiatio. At in iis, quæ in parte sunt, ratiocinationibus uniuersale pronuntiatio ex aliis probari nequit: particulare potest. Ac uniuersale concludi non posse perspicuum est, quandoquidem uniuersum ex uniuersis efficitur: conclusio autē in his non est uniuersa, & probatio efficienda est ex conclusione, & altero pronuntiatio. Adde quòd retro commēte pronuntiatio nullus efficitur syllogismus, cum in parte sint ambo pronuntiatio. Potest autem, quæ in parte est propositio probari: sit enim iam probatum a de quodam c per mediū b , iam si sumatur b in omni a inesse, ac conclusio eadem maneat, profecto b in aliquo c inerit: efficitur enim prima figura, ac medium est ipsum a . Quòd si priuans sit ratiocinatio, pronuntiatio uniuersum concludi nequit, ob eam,

uerum sit: quòd si falsum quidem illud ponatur, nō omnino tamen, uera tum erit conclusio. Nam si *a* in omni *c* inest, & in *b* aliquo, *b* itē in omni *c*, quemadmodum animās in omni cygno inest, & in albo aliquo, album uerò in toto cygno inest, profecto si sumptum sit, *a* in omni *b* inesse, *b* uerò in omni *c*, *a* in omni *c* reuerà inerit: est enim omnis cygnus animans. Eadem erit ratio, ubi pronunciatum *a b* priuās fuerit: fieri enim potest, ut *a* in aliquo *b* in sit, in *c* uerò nullo, *b* autem in *c* toto: uerbi gratia, animās est in aliquo albo, & in nulla niue, candor autem in omni niue reperitur: si ergo ponatur, *a* in nullo *b* inesse, & hoc in omni *c*, ipsum *a* in nullo *c* inerit. At uero si proloquium *a b* in totum uerū sumatur, & *b c* omnino falsum, efficietur uera conclusio: nihil enim causæ est, quominus ipsum *a* in *b*, & *c* totis in sit, *b* autem in nullo *c* reperiatur. Huius rei indicio sunt omnes eiusdem generis formæ, quæ non se inuicem contineant: animans enim in equo, & homine reperitur, equus autem in nullo homine uisitur: erit igitur falsa cōclusio, ubi *a* in toto *b* sumatur, & hoc in toto *c* inerit, ut omnino sit falsum proloquium *b c*. Hoc idem fiet, ubi propositio *a b* priuās fuerit, quippe cum fieri possit, ut *a* in nullo *b*, in *c* item nullo, in sit: *b* item in nullo *c*, ut se habet alterum genus ad formas alterius. Nam animal nec musica, nec medicina inest, nec musica etiā medicina: ita si sumatur, *a* in nullo *b* esse, *b* uerò in *c* toto, uera erit complexio. Quòd si pronunciatum *b c* nō omnino, sed in parte falsum sit, ita quoque uera erit cōclusio: nihil enim quicquā prohibet, quominus *a* in *b* & *c* toto in sit, *b* uerò in *c* quodam, ut genus in specie est, & differēte, animans enim in omni homine inest, & in omni terre-

stri,

stri, homo uerò in aliquo terrestri inest, non omni. Si igitur sumatur, a in omni b inesse, & hoc in omni c, efficietur, a in omni c inesse, id quod uerum erat. Idem fieri existimandum est, ubi proloquium a b priuans sit: accidit enim, ut a in b, ac c nullo in sit, b uerò in aliquo c, quo modo se habet genus unum ad formam, & differentiam generis diuersam. Animans enim nulli prudentia inest, nulli item cognitioni, prudentia autem alicui cognitioni inest: atque ita si sumatur, a in nullo b, & hoc in omni c, a in nullo c inerit: id quod antea uerum erat. In ratiocinationibus item in parte accidit, conclusionem ueram esse, ubi prius pronunciatum in totum sit falsum, alterum uerum, uel illud in parte falsum, hoc omnino uerum. Item cum a b uerum sit, particulare autem pronunciatum falsum: quando item ambo falsa sint: nihil enim uetat, a in nullo b esse, & in c aliquo, ut b in c aliquo sit: exempli gratia, animans in nulla niue est, & in aliquo albo, & in albo aliquo est nix. Ita si nix medium collocetur, animans uerò primū, & sumatur a in toto b esse, & hoc in aliquo c, effatum illud a b in totū falsum est, alterum autem b c inquam uerū, & cōclusio inde uera efficitur: tātundem fiet, si propositio a b neget: quippe cum fieri possit, ut a in toto b in sit, in aliquo autem c nō in sit, b uerò alicui c in sit: uerbi causa, animas in toto homine inest, & alicui albo non est cōsequens, cum tamen homo alicui albo in sit. Atque ita uera erit cōclusio, si homo medius ponatur, ac sumatur, a in nullo b esse, & hoc in aliquo c, cum tamen pronunciatum a b omnino sit falsum. Conclusio item uera erit, si proloquium a b in parte sit falsum, & b c uerum: neque enim quicquam uetat, a in b, & c aliquo

inesse, & *b* in aliquo *c*, ut animas in aliquo pulchro reperitur, in aliquo item magno, & pulchrum in aliquo magno est: si igitur sumas, *a* in omni *b* esse, & hoc in aliquo *c*, propositio illa *a b* quoad tenus est falsa, illa autem *b c* uera, & conclusio ex his est uera. Eodem modo res habebit; ubi pronunciatum *a b* negetur: nam ad huius rei probationem idem sumuntur fines, ac eodem modo disponentur. Rursus si *a b* uerum sit, *b c* falsum, uera erit complexio. Quid enim causa est, quominus *a* in toto *b* insit, & in aliquo *c*, *b* autem in nullo *c* insit: uerbi causa, animas in omni cygno inest, & in aliquo nigro, cum cygnus in nullo nigro insit. Si igitur *a* in toto *b* sumatur, & hoc in *c* quodam, uera erit conclusio, cum pronunciatum *b c* sit falsum. Idem fiet, si pronunciatum *a b* prius sumatur: fieri enim potest, ut *a* in nullo *b* insit, & in *c* aliquo non insit, *b* autem in nullo sit *c*, quo modo se habet genus ad formam generis alterius, & diuersi, & ad accidentia ea, quae illius formis insunt: animas enim in nullo numero inest, & in quodam albo: numerus autem in nullo est albo. Ita si numerus medius ponatur, & sumatur, *a* in nullo *b*, & *b* in aliquo *c*, *a* in quodam *c* non erit, id quod modo uerum erat: ac pronunciatum *a b* uerum est, *b c* falsum. Vera etiam erit conclusio, si *a b* in parte sit falsum, *b c* item falsum: neque enim quicquam uetat, quominus *a* in *b*, & *c* quibusdam insit: *b* uero in nullo *c*, ut si *b*, *c* sint aduersa, eaque eiusdem generis accidentia ambo: animans enim in quodam albo est, quodam item nigro, & album in nullo nigro inest: si igitur sumas, *a* in toto *b* inesse, & hoc in aliquo *c*, uera efficietur inde conclusio. Quod si *a b* prius sumatur, itidem fiet: ad id enim monstrandum idem fines eadem dispositione

spofitione fumentur. Quòd fi pronunciata ambo falſa ſint, uera quoq; eſſe poſſit cõcluſio: fieri enim poteſt, ut *a* in nullo *b* inſit, in *c* uerò quodam ſit, cum *b* in nullo *c* inſit, ut genus aliquod formæ generis diuerſi omnino non ineſt, & in accidente quodam ſuarum formarum ineſt. Animās enim in nullo eſt numero, & in aliquo eſt albo, cū numerus in nullo ſit albo: ſi igitur *a* in toto *b* ponatur, & hoc in quodam *c*, uera efficietur concluſio, cum falſa ſint ambo pronunciata. Hoc idem fiet, ſi pronunciatum *a* *b* negetur, nihil enim prohibet, *a* in toto *b* eſſe, in *c* quodam non eſſe: *b* item in nullo *c*, ut animans in omni cygno eſt, in aliquo nigro non eſt, cygnus autem in nullo nigro: ubi igitur ſumptum ſit, *a* in nullo *b* ineſſe, & hoc in quodam *c* efficietur, *a* in quodam *c* non eſſe: atque ita uera erit cõcluſio, cum ambo pronunciata ſint falſa.

Secunda figura.

IN media uerò figura ex falſis uerum planè cõcludere licet, ſeu pronũciata ambo in totum falſa ſumantur, ſeu in parte, ſeu alterum ſit uerum, mētiatur planè alterũ, idque utrumuis. Vbi etiam ambo in parte mentiantur, ubi item alterum ſit planè uerũ, alterum in parte falſum, & cõtrà ſi alterum ſit planè falſum, alterum uerum in parte, idque tum in uniuerſalibus ſyllogiſmīs, tum in particularibus. Nam ſi *a* in nullo *b* ineſt, & in *c* omni, quo modo animās in nullo lapide ineſt, & in omni homine: atq; tum propoſitiones cõtrario modo ponātur, ut ſumatur, *a* in omni *b* ineſſe, & in *c* nullo, ex pronunciatis planè falſis uera efficietur complexio. Hoc idem fiet, ſi *a* in toto quidem *b* ineſt, & in

c nullo: idem enim efficitur syllogismus. Rursus si propositio altera tota falsa sit, altera tota uera: nihil enim uetat, quominus a in b , & c in totū in sit, & b in nullo c in sit, quo modo se habet genus ad formas non cōtinentes inuicem: animās enim in equo & homine in totum inest, cum tamen nullus homo sit equus. Ita si sumatur, animās in altero toto inesse, & in altero nullo, pronunciatum alterum in totum falsum erit, alterum planē uerum, & uera erit cōclusio, utrius negatione adiecta. Item si alterū in parte sit falsum, alterum sit omnino uerum: fieri enim potest, ut a in b aliquo in sit, & in omni, & b in nullo c in sit, eo modo animans est in albo aliquo, & in toto coruo, cum candor in nullo coruo in sit. Igitur si sumatur, a in b nullo, & in c toto inesse, pronūciatum a b in parte erit falsum, a c omnino uerum, ac uera erit conclusio: hoc idem fiet si commutetur negatio: ex iisdem enim finibus id mōstrabitur, si affirmatio sit in aliquo falsa, negatio planē uera. Quid enim uetat, quominus a in quodam b in sit, & in c toto non in sit, b sit in nullo c ? uerbi gratia, animans est in quodam albo, & in nulla pice, & album in nulla pice inest. Itaque si sumatur, a in toto b inesse, & in c nullo, propositio a b in quadam parte erit falsa, a c uera omnino, & conclusio erit uera. Vera item erit conclusio, ubi ambo pronunciate in parte falsa sint: quippe cum a in b , & c quibusdā inesse possit, cum b in nullo c in sit: exempli gratia, animans in quodam albo, quodam item nigro inest, cum album in nullo nigro reperiatur. Itaque si a in toto b sumatur, & in c nullo, propositiones amba in aliquo erunt falsae, & uera conclusio: hoc idem fiet, si commutetur negatio in finibus iisdem: hoc

etiam

etiam fieri perspicuum est in *ijs*, qui in parte concludunt syllogismi. Neque enim quicquam prohibet *a* in toto *b* inesse, & in *c* aliquo, cum *b* in *c* aliquo non insit, ut animas in toto homine inest, & in quodam candido, cum homo in quodam candido non sit. Si igitur *a* in nullo *b* ponatur inesse, & in quodam *c* esse, pronūciatum illud uniuersum in totum falsum est: quod autem in parte est, uerum, & conclusio uera. Eadem erit ratio, si *a* *b* sumatur affirmatio. Nam fieri potest, ut *a* in nullo *b* insit, & in quodam *c* non sit, & *b* in aliquo *c* non sit, ut animas in nullo inanimato inest, & in quodam albo non est, cum inanimatum in quodam albo non sit. Ita si ponatur *a* in toto *b* inesse, & in quodam *c* non esse, proloquium illud uniuersum *a* *b* omnino est falsum, *a* *c* uerū, & conclusio uera. Idem fiet, si uniuersalis propositio uera ponatur, particularis falsa. Quid enim prohibet, quāso, ipsum *a* nulli *b*, nulli item *c* esse consequens, cum *b* in quodam *c* non sit? Exempli gratia, animans nulli numero, nulli item inanimato est consequens, & numerus cuidam inanimato non inest. Si igitur ponatur *a* in nullo *b*, & in quodam *c*, uera erit conclusio: propositio autem uniuersalis quidem uera, particularis autem falsa. Idem fiet, si affirmatio sit uniuersalis: potest enim *a* in *b*, & *c* totus inesse, cum *b* alicui *c* non sit consequens: quo modo se habet genus ad formā, & differens: animas enim totum hominem, totum item terrenum consequitur: homo uerò nō omne terrenum. Itaque si sumatur *a* in toto *b* inesse, & in *c* aliquo nō esse, pronūciatum uniuersale uerum erit, particulare falsum, uera autem complexio. Cōstat etiā ex ambobus falsis ueram effici complexionem, si quidem

potest *a* in *b*, & *c* totis inesse, cum *b* alicui *c* non insit. Si enim sumatur *a* in nullo *b*, & in quodam *c* inesse, pronuntiata ambo falsa erunt, conclusio uera. Idem fiet, si affirmet pronūciatū uniuersale, quod in parte est, neget: potest enim *a* toti *c*, & nulli *b* esse consequens, cum *b* alicui *c* non insit: uerbi causa, animans nullam sciētiā consequitur, & totum hominem, & scientia non omnem hominem. Ita si ponatur *a* in toto *b* inesse, & cuidam *c* nō esse cōsequens, pronuntiata falsa erunt, complexio uera.

Figura tertia.

In postrema quoque figura ex falsis efficietur uerū, tū ex ambobus in totum falsis, tum ex utroque in parte falso, & ex altero omnino uero, altero falso: ex uno item in parte falso, altero omnino uero, & contrā. Demum quibuscūque aliis rationibus pronūciata immutari possunt. Neque enim quicquam uetat, & *a* & *b* in nullo *c* inesse, cum *a* in aliquo *b* insit: uerbi gratia, homo, & pedestre nulli inanimosunt consequētia, & homo alicui pedestri inest. Itaque si ponatur *a*, & *b* in toto *c* inesse, pronūciata in totum falsa erunt, connexio uera: eadem est ratio, ubi alterum ait, negat alterum. Fieri enim potest, ut *b* in nullo *c* insit, & in eo toto insit *a*, cum *a* alicui *b* non insit: uerbi causa, nigrum in nullo est cygno, & in hoc toto est animal, animal autem non omni nigro inest. Ita si sumatur *b* in omni *c*, & in hoc nullo ipsum *a*, *a* in quodam *b* non erit, & conclusio erit uera, propositiones falsæ. Vera item efficietur complexio, ubi utraque in parte falsa sit propositio: neque enim quicquā uetat, *a*, & *b* in quodam *c* inesse: *a* uerō in aliquo *b*: uerbi causa, album, & pulchrum in aliquo animante insunt, &
album

album in re quadam pulchra inest. Si igitur ponatur, cum a, cum b in toto c inesse, pronūciata ambo in parte falsa erunt, complexio autem uera: hoc idem fiet, si pronūciatum a c ponatur priuās. Quid enim uetat, quominus a in quodam c non sit, b uerò in c aliquo sit, cum a in b non toto insit? Exempli gratia, album in quodam animante nō est, & in eo aliquo est pulchrum, album autem non omni pulchro inest: ita si sumatur a in nullo c, & b in eo ipso toto, propositiones ambæ in parte falsa erunt, complexio uera. Eadem erit ratio, si propositio altera in totum falsa sumatur, altera omnino uera, quippe cum fieri possit, ut & a & b ipsi c omnino sint cōsequētia, cum a in quodam b nō sit, ut animans, & cādūm omni oīori cōsequētia sunt, cum animans nō omni candido insit. Propositis igitur huiusmodi extremis, si b in toto c sumatur, a uerò in eodem nullo, profecto pronūciatum b c omnino uerum erit: illud autem a c planē falsum, cum ipsa cōclusio sit uera: hoc idem fiet, si illud b c, falsum sit: a c uerum: ad id enim confirmandum ij assumentur fines, nigrum, cygnus, inanimum. Quinetiam ubi ambæ affirmantia sint pronūciata, tantundem fiet. Nihil enim uetat, ut b toti c sit cōsequēs, & in eodem toto ipsum a nō sit, cum a in quodam b insit. Hoc modo animās in omni cygno reperitur, & in eodem toto ipsum a non sit, cum a in quodam b insit. Hoc modo animās in omni cygno reperitur, & in eodem nullo nigrum, cum nigrum alicui animāti insit. Si igitur ponatur a & b in toto c inesse, pronūciatio b c uera planē fuerit: a c uerò planē falsa, conclusio autē uera. Illud idem fiet, si a c ponatur falsa, quod per eosdem fines ac exempla cōfirmabitur. Rursus uera erit cō-

clusio ex pronunciato planè uero, & altero in parte falso: fit enim nonnunquam, ut b in toto c insit: a autem in c aliquo, & a in quodā b insit, ut bipes omni homini inest, pulchrum non omni, & tamen pulchrum alicui bipedi inest. Itaq; si ponatur a & b in toto c esse, propositio b c uera planè erit, a c in parte falsa: conclusio autem uera. Idem fier, si pronūciatum a c uerum sumatur, b c in parte falsum: iisdem enim finibus commutatis id ostendetur. Item si propositio altera neget, altera aiat: quādoque enim accidit, ut b in toto c insit, & a in eo aliquo: at dum hac ita se habeant, a non omni b inest. Itaque si sumatur, b in toto c inesse, a uerò in c nullo, negatio erit in parte falsa, altera propositio planè uera, cōclusio item uera. Præterea quādoquidē probatum est, ubi a in nullo c insit, b uerò in eo aliquo, fieri posse, ut a in aliquo b non sit, perspicuum, ubi a c planè uerum sit, b c in parte falsum, cōclusionem posse esse ueram. Nam si sumatur a in nullo c inesse, b uerò in c omni, pronūciatum a c planè uerum erit: b c autem in parte falsum. Constat item in ratiocinationibus, quæ in parte sunt, ex falsis uerum omnino concludi. Eadē enim extrema sumi debent, quæ sumpta sunt, dum uniuersalia essent pronūciata, in aientibus aientia, negantia in negantibus. Nam quod ad extremorum expositionem pertinet, nihil refert, quod nullo inest, sumere, quasi omnino insit, & quod alicui insit, omnino inesse. Idem de priuantibus est existimandum. Hinc igitur perspicuum est, ubi cōclusio est falsa, ea ex quibus argumentatio constat, aut omnia, aut aliqua necessario esse falsa. Quod si uera sit, nec omnia, nec aliqua uera esse, necesse est: quin nonnunquam sit, ut cū neutra syllogismi propositio

positio uera sit, cōclusio sit a quē uera, nō tamē ex necessitate. Cuius rei hac est ratio, nam quādo dua res ita sunt inter se affecta, ut si una sit, altera quoque sit ex necessitate: hac si non sit, ne illa quidem erit: quōd si ea sit, non est necesse, ut illa sit. Ex eo autem quōd aliquid sit, & non sit, fieri non potest, ut res eadem sit necessario: quod dico tale est, cū a album est, ipsum b ex necessitate esse. Rursus cum a albū non sit, ipsum b necessario esse. Nam quia ex eo quōd hac res, nempe a, est alba, necesse est illam, b, inquam, esse magnam: at cum b est magnum, c non est album, profecto necesse est, si a sit album, ut c non sit album. Et cum ex duobus propositis, si unum sit, alterum esse necesse est: ubi hoc non sit, necesse est illud non esse: profecto cum b non est magnum, a nequit esse album. Quōd si dum a non est albū, ex necessitate b est magnum: accidit, ut cum b non sit magnum: illud ipsum b sit magnum, idque necessario, id quod fieri nequit. Nam si b non est magnum, a non est candidum ex necessitate: si igitur b erit magnum, dum a non est albū, efficitur quasi per tres fines, si b nō est magnum, ut illud ipsum sit magnum.

De probatione circulari.

PROBATIO autē in orbem & ex alternis tūc fit, cum sumpta cōclusionē, & propositionē altera ratione dicēdi inuersa cōcluditur altera propositio, quae in superiori syllogismo sumpta fuit: exēpli gratia, si probandum fuerit, omne c esse a, idque probatum sit per ipsum b. Rursus si probetur b esse a, ex eo quōd c sit a, & b sit c, atque ita b sit a, principio autem cōtra sumpsit, qui ratiocinatur, nēpe c esse b. Vele etiam si probandum sit, b esse in c, ac sumat a in

edici, quæ fuit cōclusio, & b in a inesse: at antea contrario modo sumptum erat, nepe a esse in b aliquo, nulla fit ex alternis probatio. Nam si mediū quoddam diuersum sumatur, nō fit in orbem probatio: nihil enim idē sumitur. Quod si quippiam ex illis sumatur: alterum tantum accipi necesse est. Si enim ambo sumerentur, eadem efficeretur conclusio, cum diuersam effici oporteat. In his igitur, quæ non retro simul commeant, ratiocinatio efficitur ex altero pronuntiato non confirmato: neque enim in his extremis concludere possis tertium in medio inesse, aut mediū in primo: in his autem, quæ uicissim commeāt, extremis, omnia ex se inuicem probari possunt, ut si a b c cōmeent inter se, & sint æqua. Faciamus enim, ut a c probatum sit per b, rursus a b per cōclusionem, & propositionem b c cōuersam: ita & b c per cōclusionem, & propositionem a b inuersam: sunt autē pronūciata c b, & b a probāda. Ea enim sola citra probationem usurpauimus: sanē si b sumatur in toto c inesse, & c in omni a, efficietur, ut b sit in a. Rursus si ponatur c in omni a inesse, hoc uerò in toto b, necesse est, ut c in toto b insit. Ac in ambabus illis ratiocinationibus pronūciatum illud c a citra cōfirmationem sumptum est: reliqua uerò probata sunt. Itaque si illud cōfirmauerimus, omnia ex se inuicem cōfirmata fuerint, itaque si sumatur c in omni b inesse, hoc item in omni a, sumūtur duo pronūciata iam probata, & ex his efficitur necessario, ut c in ipso a insit. Perspicuum est igitur in his modo, quæ uicissim commeāt, orbicularē probationem fieri, ac uicissitudinariam: in alijs uerò eo quo diximus modo. Probatur enim c de b, hoc item de a, si sumas, c dici in a: at c in a dici, ex pronuntiatis illis probatur: uti-

mur itaque conclusione ad id probandum. In priuantibus autem ratiocinationibus hoc modo fit mutua confirmatio. Ponamus *b* in omni *c* inesse, *a* uerò in nullo *b*, efficitur conclusio, nullum *c* inquam esse *a*. Quòd si rursus concludendum sit, *a* in nullo *b* inesse, quod dudum sumptum est, sumetur *a* in nullo *c*, & hoc in omni *b*: atq; ita inuertetur pronuntiatio. Quòd si concludi oporteat, *b* in *c* inesse, non ita conuertendum erit illud *a* *b*, cum pronuntiatio idem sit, *b* in nullo *a* inesse, & *a* in nullo *b*: sed sumendum est, in quo nullo ipsum *a* inest, ipsum *b* in eo toto inesse: ponamus *a* in nullo *c* inesse, quæ cõclusio fuit, & in quo nullo est *a*, sumamus ipsum *b* in eo toto esse: necesse est igitur ipsum *b* in toto *c* inesse. Atque ita cum tria sint pronuntiata, unum quodque effectum est conclusio, atque illud est in orbem demonstrare, nempe cum conclusionem sumis cum altero pronuntiato inuerso, unde concludis alterum pronuntiatio. At in iis, quæ in parte sunt, ratiocinationibus uniuersale pronuntiatio ex aliis probari nequit: particulare potest. Ac uniuersale concludi non posse perspicuum est, quandoquidem uniuersum ex uniuersis efficitur: conclusio autẽ in his non est uniuersa, & probatio efficienda est ex conclusione, & altero pronuntiato. Adde quòd retro commẽte pronuntiatio nullus efficitur syllogismus, cum in parte sint ambo pronuntiata. Potest autem, quæ in parte est propositio probari: sit enim iam probatum *a* de quodam *c* per mediũ *b*, iam si sumatur *b* in omni *a* inesse, ac conclusio eadem maneat, profecto *b* in aliquo *c* inerit: efficitur enim prima figura, ac medium est ipsum *a*. Quòd si priuans sit ratiocinatio, pronuntiatio uniuersum concludi nequit, ob eam,

quam paulo ante dixi, rationem. Quod in parte est nequit, si illud *a b* eodem modo retro commeet, atque in uniuersa libus. Potest autem concludi per assumptionem, nempe si sumamus, in qua re in parte inest *a*, in ea ipsum *b* in parte quoque inesse: quod si res aliter habeat, non efficitur syllogismus, quia negat quæ in parte propositio. At uerò in secunda figura affirmatio hac uia probari nequit, negatio maximè, ac non probatur affirmatio, qua non sunt ambo affirmantia pronūciata: complexio enim est priuās, affirmatio autem ex ambabus affirmationibus efficiebatur. Priuans autem pronūciatum hoc modo probatur: faciamus, ut *a* sit in *b* toto, in *c* nullo, conclusio est, *b* in nullo *c* inesse. Quod si ponatur, *b* in omni *a* inesse, & in *c* nullo, efficitur necessarium, ut *a* in nullo *c* insit: efficitur enim in secunda figura, ac medium est ipsum *b*. Quod si *a b* sumatur priuās, alterum autem affirmās, efficitur prima figura, siquidem in toto *a* est *c*, *b* uerò in nullo *c*, ita *b* in nullo *a* erit, ne *a* quidem in *b*, *c* autem est medium. Nō igitur efficitur ratiocinatio excomplexione, & propositione una: quod si assumatur altera, fiet. Quod si uniuersa non sit ratiocinatio, quod in toto est pronūciatum probari nequit, ob quam antea exposui causam, quod in parte est, maximè, ubi affirmatio uniuersalis fuerit: sit enim *a* in omni *b*, & in *c* nō omni, cōclusio est *b c*. Igitur si sumatur *b* in omni *a* inesse, & in *c* non omni, concludetur *a* in aliquo *c* non esse, ac medium est *b*. Quod si uniuersalis propositio neget, pronūciatio *a c* non probabitur, etiam si retro commeet illud *a b*. Accidit enim ut uel ambo pronūciata negent, uel certè alterum. Itaque nō efficitur syllogismus, sed eadem uia ac ratione probatur

bitur ac in uniuersalibus, nempe si sumatur, cui ipsum *b* in parte nō inest, in illius parte illud *a* inesse. In tertia autem figura, ubi uniuersa ambo pronūciata sumpta sint, nō possunt ea ex se inuicem probari. Nam pronūciatū in toto ex iis probatur, quæ in toto sunt: ac in hac figura cōclusio perpetuo est in parte. Constat igitur in hac figura uniuersale pronūciatum cōcludi nullo modo posse: ubi uerò alterum sit in toto, alterum in parte, aliquādo sanè licebit, aliquādo nō item: licebit quidem, ubi ambæ affirmēt, & illud totum minori extremo iūctum sit: quòd si alteri iūgatur, nō licebit. Ponamus enim, ut *a* in toto c in sit, *b* uerò in eo aliquo, conclusio est *a b*: quòd si sumatur *c* in toto *a* inesse, propositiōne uniuersa retrocommēte, *a* rursus in *b*, quæ cōclusio antea fuit, effectum est, *c* in aliquo *b* inesse, non cōtra *b* in aliquo *c*, etiam si necesse sit, si *c* est in aliquo *b*, *b* quoque in aliquo *c* inesse. Non tamē res est eadem, illud in hoc inesse, & hoc in illo: sed assumēdum est, si hoc in illo aliquo sit, alterum quoque in eo aliquo esse: quòd si sumatur, nō iam efficitur syllogismus ex cōclusione, & altero pronūciato. At si *b* in toto *c* in sit, *a* item in aliquo *c*, illud *a c* probari potest, si sumatur *c* in toto *b* inesse, *a* uero in eo aliquo: nam si *c* omni *b* inest, *a* itē alicui *b*, necesse est, ut *a* alicui c in sit, ac *b* est medium. Probabitur item alterum pronūciatum, si unum adfirmet, alterum neget, & in toto sit, id quod affirmat. Ponamus enim *b* in toto *c* inesse, *a* uerò in quodam *c* non esse in conclusione, efficitur, *a* in aliquo *b* non esse: quòd si assumatur *c* in omni *b* esse, *a* autem non omni *b* inerat, necesse est, ut alicui *c* non in sit: medium autem est *b*. Vbi uerò pronūciatum priuans in toto sit, non probatur

alterum, nisi sumantur pronunciata eadem ratione atque in superioribus, nempe in quo illud in parte non est, in eodem aliquo alterum insit. Verbi gratia, si *a* in nullo *c* inest, & in hoc aliquo insit ipsum *b*, concluditur *a* in quodam *b* non esse. si igitur sumptum sit, ipsum *c* in eo quodam esse, cui aliqua ex parte non inest *a*, necesse est, ut *b* in aliquo *c* insit: alioqui pronunciatum alterum probari nequit, etiam si retrocommet, quod in toto est: nulla enim efficietur ratio-cinatio. Hinc igitur perspicuum est, probationem uicisitudinariam in prima figura effici, tum per primam, tum per tertiam figuram: si enim affirmans sit conclusio, in prima efficitur, si neget, in postrema: nam sumitur alterum in eo toto inesse, in quo nullo alterum inerat. At in figura media, si uniuersa sit ratiocinatio, tum in ea ipsa, tum in prima figura, ac in postrema efficitur conclusio: ubi autem in parte sit syllogismus, tum in ipsa, tum in postrema figura id efficitur: in postrema autem figura, omnia in ea ipsa probantur. Constat etiam, quum in media figura, & in tertia per eas ipsas non efficiuntur syllogismi, eos aut probatione orbicularem non efficere, aut certe imperfectos esse.

De ratiocinationum reciprocatione.

RETRO uertere, est conclusionem commutata concludere, uel maius extremum in medio non esse, uel etiam hoc in postremo: nam si inuertatur conclusio, & alterum pronunciatum seruetur, necesse est alterum eueri: si enim illud sit, conclusio quoque erit. Refert autem plurimum, an in contradicens, an in contrarium conclusionem inuertat: nec enim idem efficitur syllogismus, si utroque modo illa inuertatur,

tatur, id quod ex progressu intelligitur. Cōtradicientia hæc appello, omne, non omne: aliquod, nullum: aduersa uerò per contraria omni inesse, & nulli, alicui item, & non alicui inesse. Sit enim probatum a de c per medium b: profectò si sumptum sit, a in nullo c inesse, & in b toto, efficietur, ut b in nullo c insit. Quòd si a in nullo c insit, b uerò in toto c, a nō omni b inerit: at nulli planè, nō item: quippe cum in tertia figura non concludi totum diximus. Eam autem propositionem, quæ maiori extremo coniuncta est, omnino ac in totum euertere per reciprocationem non licet, quippe cum in tertia figura semper euertatur: necesse est enim, ut ambo pronūciata ad minus extremum sumantur. Eadem est ratio, ubi syllogismus priuās sit: sit enim probatum, a in nullo c inesse per medium b: si igitur sumatur a in toto c inesse, & in b nullo, ipsum b in nullo c inerit: item si a & b in toto c insint, a alicui b inerit, cum nulli antea inesset. Quòd si uertatur conclusio in contradicens, diuersi fient syllogismi, & contradicentes, nec uniuerfi: nam alterum pronūciatum in parte est: ita sit, ut & conclusio in parte quoque sit: faciamus enim, ut syllogismus proponatur affirmans, ac eo modo commutetur, profectò si a non omni c inest, & ipsi b omni, ipsum b non omni c inerit. Rursus si a non omni c inest, & huic omni inest c, ipsum a non omni b inerit. Iridem fiet, si priuans sit ratiocinatio: nam si a in aliquo c inest, & in b nullo, ipsum b alicui c non inerit, at non omnino nulli. Item si a in c aliquo insit, & huic toti insit b, quo modo initio sumptum est, a in aliquo b inerit. In his autem, qui in parte sunt, syllogismis uertuntur ambo pronūciata, dum conclusio in contradicens commutatur: quòd si

in contrarium uertatur, neutrum eueritur: nec enim in his sit, ut in uniuersalibus, nempe ut euertantur pronuntiata, si conclusio in conuersione deficiat, nec enim euertere ullo pacto licet. Sit enim ostensum a de aliquo c, tum si sumatur a in nullo c esse, b item in aliquo c, a in aliquo c non erit. Quòd si a in nullo c insit, & in b omni, ipsum b in nullo c erit, atque ita ambo pronuntiata euertuntur. Sin contrario modo commeet conclusio, neutrum tollitur: nam si a in quodam c non est, & in b toto, b in quodam c non erit. Necdum tamen euersum est pronuntiatum initio propositum, quippe cum fieri possit, ut in aliquo sit, in aliquo non sit: ipsum autem uniuersale a b nullo pacto concluditur: nam si a in quodam c non inest, b uerò in quodam est, neutrum pronuntiatum in toto est. Idem fieri existimandum est, ubi priuans fuerit ratiocinatio. Si enim sumptum sit, a esse in toto c, euertuntur ambae propositiones: sin in aliquo, neutra. Huius rei eadem est, quæ prius, demonstratio.

Figura Secunda.

AT in secunda figura eueri nequit pronūciatum maiori extremo iunctum ex contrario, quocunque modo reciprocatio fiat, quippe cum in tertia figura semper cōcludatur, in qua uniuersa conclusio nō efficitur: alterum autem pronūciatum eodem modo euertemus, quo reciprocatio facta fuerit: eodem modo inquam, nempe si commutatio fiat, in contrariū contrario modo, sin in contradicens, cōtradictorio. Ponamus enim, ut a in toto b insit, & in c nullo, cōclusio est b c. Si igitur sumptum sit b in toto c inesse, dum a b idem seruetur, profecto a in toto c inerit, efficitur enim

prima

prima figura: quòd si *b* in toto *c*, & *a* in nullo *c* inest, ipsum *a* non omni *c* inest: fit enim postrema figura. Quòd si *b* *c* in contradicens commutetur, illud *a* *b* eodem modo probabitur, *a* *c* uerò contradictorio modo: nam si *b* alicui *c* inest, *a* uerò nulli *c*, ipsum *a* alicui *b* nō inerit. Rursus si *b* in *c* aliquo reperitur, & *a* in toto *b*, *a* in aliquo *c* inest: atque ita contradicens efficitur conclusio: eadem ratione id probabitur, si pronūciata cōtraria ordine sint disposita. Quòd si ratiocinatio sit in parte, & cōclusio in cōtrarium uertatur, neutrum pronūciatum euertetur, quemadmodum neque in prima figura: sin commet in contradicens, utrumque tollitur. Sit enim positum *a* in nullo *b* inesse, & in *c* aliquo esse, concluditur inde *b* *c*: tum si ponatur *b* in quodam *c* inesse, & maneat illud *a* *b*, concludetur *a* in aliquo *c* non esse, nec ideo euersum est, quod initio positū fuit, quippe cum fieri possit, ut quidpiam in alio aliquo insit, aliquo item non sit. Rursus si *b* est in aliquo *c*, *a* item in aliquo *c*, nulla efficitur ratiocinatio: neutrum enim pronūciatum sumptum est in toto, atque ita non subuertitur illud *a* *b*: quòd si in contradicens commet conclusio, euertūtur ambo pronūciata: nam si *b* est in omni *c*, & *a* in nullo *b*, profecto *a* in nullo *c* erit: at alicui inerat. Rursus si *b* in toto *c*, & *a* in aliquo *c* insit, efficietur, ut *a* in aliquo *b* sit: eadem est demonstrandi ratio, ubi uniuersale illud affirmauerit.

Figura tertia.

NEVTRVM item pronūciatum euertetur in syllogismo quōuis in tertia figura, ubi conclusio in cōtrarium uertatur: ubi uerò mutatur in cōtradictēs, tollētur ambo in

ratione quâuis: sit enim probatum a in aliquo b in-
esse, ac medium sumptum sit c, & pronūciata sint uniuersa:
tum si sumatur a in quodam b nō esse, b uerò in omni c,
non concluditur a de c: nec item b, nec c cōcluduntur, si a in
aliquo b inest, & in c omni. Eadē uia id monstrabitur, si in
toto nō sint pronūciata: aut enim ambo in parte sint oportet
ob cōuersionem, aut illud totum minori extremo iungi,
quo modo nec in prima figura, nec in media efficiebatur
ratione. Quòd si contradictorio modo commeent, pronū-
nunciata euertuntur ambo: nam si a in nullo b, & b in to-
to c inest, a in nullo c inest. Rursus si a in b nullo, & in c to-
to reperitur, b in nullo c inest. Idem fiet, si in toto alterum
nō sit: nam si a in nullo b, & hoc in aliquo c inest, a in quo-
dam c nō erit. Si uerò a in nullo b, & in toto c inest, ipsum
b in nullo c erit. Eadem est ratio, si priuans sit ratione.
Sit enim effectum, a in quodam b non esse, ac illud b c
affirmet, a c uerò neget, hoc enim modo efficiebatur ra-
tionatio: nō erit igitur syllogismus, dum sumatur cōtra-
rium complexionis: nam si a in aliquo b, & hoc in omni c
infit, diximus non concludi a & c: ne cōcludebantur qui-
dem, si a in quodam b sit, & in nullo c: quare non euertū-
tur pronūciata: ubi uerò contradicens conclusionis sumi-
tur, maximè. Nam si a in omni b, & hoc in omni c inest, a
in omni c erit, cum antea nulli inesser: rursus si a in toto b,
& in c nullo est, b in nullo c est: at antea omni inerat.
Eadem ratione id probabitur, si pronūciata in toto non
sint, nam illud a c efficitur uniuersale, & priuans, alte-
rum in parte affirmans. Si igitur a sit in omni b, & hoc
in quodam c, efficitur, ut a in quodam c infit: at uerò nulli
in esse,

inesse, positum erat. Rursus si a in toto b inest, & in c nullo, b in nullo c inest. Quod si a est in quodam b, & hoc in quodam c, nihil concluditur: & si a in b quodam inest, & in c nullo, ne sic quidē syllogismus fiet: quapropter illo modo evertuntur pronuntiata: hoc uerò nequaquam. Ex his igitur, quæ exposuimus, dilucidum est, quo pacto in singulis figuris efficiatur ratiocinatio, dum commutatur cōclusio, quando pronuntiati contrarium colligitur, quando cōtradictēs. Constat etiam ex his, syllogismos in prima figura fieri, tum per figuram mediā, tum per postremam: pronuntiatum item minori extremo iunctum semper in media figura tolli, quod uerò ad maius est, per postremam: at in secunda figura, tum per primam, tum per postremā: per hanc pronuntiatum maius, per illā minus pronuntiatum semper eueriti. In tertia autem per primā, ac mediam: maius quidē per primam semper: minus uerò per mediā perpetuò. Atque ita planè constat, quid sit illud commeare, quòque pacto in singulis figuris, & quis efficiatur syllogismus.

De probatione per incommodum.

Ratiocinatio autem per incommodum tum demum fit, cum conclusionis contradicens ponitur, & pronuntiatum aliud assumitur, idque in omni figura efficitur: accedit enim ad reciprocationem, à qua eo differt, quod reciprocatione quidem utimur, ubi iam structus est syllogismus, & posita sunt ambo pronuntiata, deducimus autem in incōmodum citra præcōcessionem cōtradicientis, sed quia dilucidè uerum est: fines autem in ambobus eandem seruāt colloca-tionem, & est eadem in ambobus propositionū sumendarū ratio, uerbi causa, Si a est in toto b, & medium est c, si po-

natur a nō omni, aut nulli b inesse, & ipsi c omni, quod anteā uerum concedebatur, necesse est, ut c in b, aut nullo, aut non omni insit: hoc autem fieri nequit: falsum est igitur id, quod positum est, ac illius contradicens uerum. Eodem modo fit in alijs etiam figuris: quæ enim reciprocationem admittunt, syllogismum quoque ad incommodum recipiunt. Ac quæstiones omnes aliæ in omnibus figuris per incōmodum probantur: ea autem, quæ in toto affirmat, per mediā quidem, ac tertiam figuram probatur, per primā nequaquam. Ponamus enim a in b, aut non omni, aut nulli inesse, ac undecunque assumatur pronunciatum aliud, seu quòd c insit omni a, seu quòd b in toto d insit: eo enim modo fuerit prima figura. Si igitur ponatur a non omni b inesse, syllogismus non efficitur, undecunque pronunciatum alterum petatur: sin in eo nullo est, cum sumetur pronunciatum b d, concludetur quidem falsò, nō efficietur propositum: nam si a in nullo b, & hoc in omni d inest, a in nullo d inerit: sit autem hoc ex numero eorum, quæ fieri nequeunt: falsum igitur est a in nullo b esse: quòd si hoc falsum sit, non continuo uerum est in eo toto esse. Quòd si propositio c a assumatur, nulla fit ratiocinatio: ne tum quidem fit, cum ponitur a non omni b inesse: perspicuum est igitur, uniuersalem affirmationem in prima figura per incommodū probari non posse: probatur autem ea quæstio, quæ quidpiam in aliquo, tum quæ in nullo, tum quæ in nō omni inesse dicitur. Fingamus enim a in nullo b esse, & sumatur b in c, uel toto uel aliquo, necesse est igitur, a non omni c, aut nulli inesse: hoc autem est impossibile. Faciamus enim sit uerum ac perspicuum, a in omni c inesse: si igitur hoc falsum est, necesse est, ut a in aliquo

liquo *b* insit : quòd si alterum pronunciatum assumatur, nullus efficietur syllogismus: ne tum quidem, cum contrarium conclusionis ponetur, nempe in aliquo non esse, unde constat contradicens esse ponendum. Rursus fingamus *a* in quodam *b* esse: sumatur item *c* in toto *a*, necesse est igitur *c* in quodam *b* esse, sit autem hoc impossibile, falsum igitur est, quod est positum, atque ita uerum est, in nullo esse. Eadem est ratio, si *c* a sumatur priuans: quòd si ea sumatur, quæ ipsi *b* iuncta est, non efficietur syllogismus. Si uerò contrarium ponatur, syllogismus quidem efficietur, ac concludetur quid absurdum: institutum autem nō probatur: ponamus enim *a* in toto *b* inesse, & sumatur *c* in toto *a*, sanè efficitur, ut *c* in toto *b* insit: id autem est impossibile: falsum igitur est, *a* in omni *b* inesse: at si non omni inest, nō continuo necesse est, ut nulli insit. Idem fieri arbitrandū est, si alterum pronunciatum ad ipsum *b* sumatur: concludetur enim aliquid, idque absurdum: at hypothesis non tollitur: contradicens igitur ponēdum est. Ut autem probemus, *a* non omni *b* inesse, ponendum est omni inesse: nam si *a* omni *b* inest, & *c* omni *a*, *c* omni *b* inerit: quòd si hoc fieri nequeat, falsum est quod posuimus. Itidem fiet, si pronunciatum alterum ad *b* sumatur. Item si illud *c* a sit priuans, eodem modo res habebit: ita enim syllogismus efficitur: quòd si negatio ad ipsum *b* posita sit, nihil probatur: quòd si ponatur nō inesse in omni, sed in aliquo, nō efficitur, non omni inesse, sed nulli: nam si *a* in aliquo *b*, & *c* omni *a* inest, *c* alicui *b* inerit: quòd si id fieri nequit, falsum fuit, *a* alicui *b* inesse: uerum igitur erat, nulli inesse: cū autem id ostenditur uerū, rursus enertitur: nam *a* in quodam *b* erat, in quodā

non erat. Præterea absurdum nō est sequutum ex illa hypothēsi: falsa enim fuisset, quandoquidem ex ueris falsum concludi nequit: at modò est uera: a enim alicui b inest: non fuit igitur fingendum, alicui inesse, sed omni. Idem quoque fit, si probemus a in quodam b non esse: si enim idem ualēt, alicui non inesse, & non omni inesse, eadem erit in ambo-
bus probandi ratio. Constat igitur, in omni ratiocinatione cōtradicens ex fictione ponendum esse, non contrarium. Eo enim modo, & probandi necessitas erit, & locum habebit postulatum illud præclarum. Nam si in re quauis affirmatio uera est, aut negatio, & probetur negatio nō esse uera, necesse est affirmationem esse ueram: contrà si affirmationem uerā non admittit, par est, & uerisimile postulare negationem: cōtrarium autem neutro modo postulare decet: nec enim necesse est, si falsum est, nulli inesse, ut uerū sit, inesse in toto: nec est uerisimile, si unum falsum sit, alterū uerum esse. Constat igitur uniuersalem quæstionem affirmatam in prima figura non probari per incommodum, alias autem omnes concludi.

De secunda figura.

IN media autē, & postrema figura illa quoque probatur. Fingamus enim a non omni b inesse, & sumatur a in omni c esse: tum si a non omni b inest, & ipsi c omni, c non omni b inest: hoc autem est impossibile. Sit enim manifestum, c in omni b inesse: est igitur falsum id, quod ex fictione positum est: est igitur uerū, quod omni inest. Quod si fingatur cōtrarium, syllogismus quidem efficietur, & cōcludetur quid absurdum, non tamen efficitur quæstio proposita: nam si a in nullo b, in toto c inest, c in nullo b erit:
id

id autem absurdum est: falsum est igitur, nulli inesse: ut autem hoc falsum sit, non continuò uerum est, ut omni insit. Cum autem a alicui b inest, ponatur a in nullo b esse, & sit in omni c, necessario efficitur, ut c in nullo b insit: quòd si fieri nequit, ex necessitate cõsequitur, ut a alicui b insit: quòd si ponatur alicui non esse, ea ipsa efficientur, quæ in prima figura fieri diximus. Rursus fingamus, a alicui b inesse, ac ipsi c nulli insit, necesse est, ut c in b non sit: at inerat omni: falsum est igitur, quod positũ est, nulli igitur b ipsum a inerit. Quando uerò concludendũ est, a non omni b inesse, fingatur quasi omni insit, ipsi uerò c nulli, necessario efficitur, ut c nulli b insit: id autem est absurdum, uerum est igitur, quòd non omni inest. Atque ita constat, conclusiones omnes in media figura effici.

De tertia figura.

E ADEM ratione concludetur in postrema figura. Ponamus enim a, ut in aliquo b non sit, c uerò in omni b insit, hinc efficietur, ut a cuidam c nõ insit. Quòd si hoc fieri nequeat, falsum est, cuidam non inesse: uerum est igitur omni inesse. Quòd si ponatur, nulli inesse, absurdum quidẽ ea ratiocinatione concludetur, sed non tamen efficietur propositum. Nam si ponatur contrarium, ea ipsa efficientur, quæ prius. At ut alicui insit id poni oportet: nam si a in nullo b inest, & c in b quodam, a non omni c inest: quod si falsum sit, uerũ est, a alicui b inesse. Vbi uerò nulli b inest a, ponamus quasi alicui insit, ac sumatur c in toto b inesse, inde efficitur necessario, ut a alicui c insit: at nulli inesse diximus: falsum est igitur, quòd a alicui b insit. Quòd si ponatur a in toto b, non probatur propositum. Sumi autem debet ea

hypothesis ad concludendum non omni inesse. Nam si a in omni b inest, & c in quodam b, a in quodam c inest: at nō ita erat: falsum est igitur, quod omni in sit, atque ita uerum non omni inesse. Quod si ponatur, alicui inesse, id ipsum accideret, quod & in iis, quæ superius exposita sunt. Cōstat igitur in omni syllogismo, qui per incommodū probat, cōtradicens esse ponendū, ac in figura media affirmationē quodam modo cōcludi, in tertia etiam quæstionem uniuersam.

INTER eam autem probationem, quæ fit per incommodum, & eā, quæ propositum cōcludit, eò interest, quod illa ponit id quod euertere uult, deducendo hominē in mendacium confessum: ea autem quæ propositum cōcludit, initiū sumit ex quæstionibus ueris ac concessis. Sumunt igitur amba pronunciata concessa: sed altera ea sumit, ex quibus efficitur syllogismus: altera uerò unum quidem ex his sumit, alterum autem sumit cōclusionis contradicens, & illic cōclusionē notam esse nihil oportet, nec prius sumi ita esse, uel non esse: hīc uero necessario sumi debet, nō esse ita. Neque uero quicquam refert, affirmet, an neget conclusio: nā utrobique eadē est ratio, ac quicquid recta probatione cōcluditur, ex incommodo quoque probabitur. Itidem quod ex incommodo efficitur, recta probatione efficietur, ac per eosdem fines, nō tamen in iisdem figuris: nam ubi syllogismus in prima figura efficitur, uerū colligetur, aut in media, aut in postrema figura. In media quidem, si sit priuās, in postrema uerò, si affirmet, at quando in media figura efficitur syllogismus, uera cōclusio efficietur in prima figura. idque in quouis genere quæstionum. Quod si in postrema figura syllogismus fiat, efficientur conclusiones ueræ,

tum in prima, tum in media figura, in illa quidē affirmantes: in hac negantes: ponamus enim, ut in prima figura effectum sit, *a* in nullo *b* inesse, aut non omni: tum hypothesis erat, quod ipsum *a* alicui *b* inesset, *c* uerò sumptum est omni *a* inesse, & in *b* nullo: ita enim syllogismū effici diximus, & incommodum cōcludi, mediam item esse figuram, si *c* in *a* quidem omni, & nullo *b* insit: ex quibus effici cōstat, ipsum *a* in nullo *b* esse. Eodem modo fiet, si probatum sit, *a* nō omni *b* inesse: ponitur enim, quod omni insit, *c* uero sumebatur in toto *a* esse, in ipso uerò *b* non omni: hoc idem fiet, si illud *c* a priuās sumatur, hac enim uia efficitur media figura. Rursum probetur *a* in quodam *b* esse, profecto fingendum est, nulli inesse, *b* uerò in toto *c* inesse sumebatur: *a* uerò in ipso *c*, aut omni, aut quodam: ita enim incommodum efficitur, ac tum sit postrema figura, cum *a* & *b* in toto *c* insunt, inde concludi cōstat, *a* in quodam *b* inesse, idque necessario. Itidem fiet, si *b* uel *a* in quodam *c* inesse sumantur. Rursum probetur in media figura, *a* in omni *b* inesse, profecto fingendum est, quasi non omni insit, sumptum est autem, *a* in omni *c* inesse, *b* uerò in omni *c*, hoc enim modo incommodum concludetur, ac prima figura est, cum *a* in omni *c*, & hoc in omni *b* inest. Tantundem fiet, si in aliquo inesse probatum sit: nam hypothesis est, *a* in nullo *b* inesse, sumptum est autem *a* in omni *c*, & *c* in quodam *b*: quod si priuans sit syllogismus, poni quidem debet, *a* in aliquo *b* esse, at sumptum est *a* in nullo *c*, & *c* in omni *b*: efficitur igitur prima figura. Eadem erit ratio, si non in toto sit conclusio: sed effectum sit modo, *a* in quodam *b* non esse: ponitur enim *a* in omni *b*: iam

uerò positum est a in nullo c , & hoc in omni b : hac enim uia efficitur prima figura. Rursus faciamus, ut probatū sit in tertia figura, a omni b inesse, ponitur ex hypothesi, a nō omni b inesse: est autem iam sumptum, esse in omni b , & a in omni c : ita enim concludetur incommodum, & fiet prima figura: eadem ratione fiet, si probatum sit in aliquo esse: nam ponitur ex hypothesi, a in nullo esse b , & sumptum est c in aliquo b , & a in omni c . Quod si conclusio sit priuans ex fitione, ponendum est, a in quodam b esse, positum est autem c in nullo a , & in omni b , ac media est ea figura. Iridem fiet, si in toto non sit probatio. Sumetur enim ex pacto, a in omni b inesse, & sumptum est c in nullo a , & in quodam b , atque ea est media figura. Perspicuum est igitur unamquamque questionem per eadem extrema, tum probatione recta, tum per incommodum concludi posse. Eadē quoque ratione licebit, ubi ratiocinationes recta probantes fuerint, eas in incommodum cōvertere, in his quae sumpta fuerint extrema, dum contradicens propositio in conclusione sumatur: efficiuntur enim iidem syllogismi, atque sunt, qui per conuersionem fiunt, unde & continuo figuras ipsas habemus, per quas unaquaque questio concludatur. Constat igitur omnem questionem utraq; uia probari, tū per incommodum, tum recto ductu, nec posse alteram uia ab altera sciungi.

De ratione concludendi ex contrariis.

PERSPICIETVR autem hac uia, in quantā figura ex pronunciatis contrariis concludere liceat, in qua non liceat. Contraria autem pronunciata in uoce quatuor esse dico, nempe omne nullum, omne nō omne, aliquod nullum, aliquid

aliquod non aliquod: reuera tria tantum sunt contraria, nam quoddam, & non quoddam uoce modo pugnant. Ex his autē aduersa ea dico, quæ in toto sunt, ut omne & nullum: uerbi causa, omnis scientia est studiosa, & nulla scientia est studiosa. Alia uerò cōtraria appello. Ac in prima figura ex pronunciatis contrariis nō efficitur syllogismus, nec affirmans, nec negans: affirmans quidem, quia oportet ambo pronūciata affirmantia esse: contraria autē sunt affirmatio, & negatio: negans autem effici nequit, quia cōtraria idem de eodem affirmant, & negant. At medium in prima figura de ambobus nō dicitur, sed aliud de eo negatur, ipsum autem de alio affirmatur, hæc autem contraria non sunt. At uerò in media figura syllogismus effici potest, tum ex contradicentibus, tum ex aduersis: ponamus enim bonum in a, scientiā autem in b & c: profecto si sumpsit omnem scientiam esse studiosam: item & nullam: a in toto b inest, & in c nullo, atque ita b in nullo c inerit, nulla igitur scientia est scientia. Eadem est ratio, si primū sumpserit omnē scientiā esse studiosam, dein sumat medicinam nō esse studiosam. Nam a in omni b inest, & in c nullo, atq; ita quādā scientia nō est scientia: itē si a in toto c, & nullo b inest: ac b est scientia, c uerò medicina, a opinio: cū enim sumpsisset, nullam scientiam esse opinionem, postea accepit, quandam scientiam esse opinionem. Inter hunc autem syllogismum, & superiorem hoc interest, quod extrema cōmutentur: nam antea affirmatio ipsi b iungebatur, nūc autem ipsi c. Eodem modo fiet, si alterum pronunciatum in toto altero non sit: perpetuo enim mediū manet, quod de uno affirmatur, de altero negatur, atque ita possint hīc con-

iraria concludi, uerum nō semper, nec ratione quauis, sed si ea sint inter se, quæ sub medio continentur, ut uel eadem sint, uel unum ad alterum rationem totius ad partem habeat: alioqui id effici nequit: neque enim pronunciata, aut contraria, aut contradicentia ullo pacto erunt. At in tertia figura nunquam ex contrariis pronunciatis efficietur syllogismus affirmans, ob eam, quam superius exposui rationem, in prima figura: efficietur autem negans syllogismus, seu in toto sint extrema, seu nō sint. Faciamus enim, ut loco *b*, & *c* sit scientia, & in locum *a* succedat medicina: tum si quis sumat, omnem medicinā esse scientiam, ac nullam medicinam esse scientiam, is sumpsit *b* in toto *a*, *c* autem in eodem nullo: unde efficietur, quandam scientiam nō esse scientiam. Idem fiet, si pronunciatum *a* *b* in toto sumptum non sit: nam si quædam medicina est scientia, rursus nulla medicina scientia sit, efficietur, scientiam quandam non esse scientiā: ac ubi extrema in toto sumuntur, efficiuntur pronunciata contraria: quòd si alterum in parte accipitur, sunt contradicentia. Est autem aduertendum, contraria nonnunquam ita accipi posse, ut diximus, nempe omnem scientiam esse studiosam. Rursus aut nullam, aut certerè quædam esse studiosam, id quod non solet esse obscurum. Licet & alterum cōcludere, uel etiam sumere ex uariis interrogationibus, quemadmodum in Topicis dictum est. Cum autem affirmationum tres sint oppositiones, accidit contraria sex modis accipi, ut totum & nullum, totum nō totum, quoddam & nullum, idque in extremis commutare: uerbi causa, *a* in omni *c*, & nullo *b*, aut in *c* toto, in *b* uerò nullo, aut in altero quidē omni, in altero uerò non omni.

Rursus

Rursus id in extremis commutare licet: eadem est ratio & in tertia figura. Perspicuum est igitur, quot modis, ac in quibus figuris ex contrariis pronunciatis syllogismus effici possit. Constat etiam ex falsis uerum concludi posse, quemadmodum antea exposuimus, ex contrariis non posse: conclusio enim semper est rei aduersa, ut si sit ea bona, concluditur eam non esse bonam: aut si animal sit, efficitur non esse animal: idque quia syllogismus ex contradictione constat: extrema autem proposita aut eadem sunt, aut alterum est totum, alterum uero pars. Liquet etiam nihil uetare in ratiocinationibus uitiosis, quominus concludatur quaestionis posita contrarium, ut si quid sit impar, id non esse impar: nam ex pronunciatis contrariis efficiebatur syllogismus contrarius: ubi igitur talia pronunciata sumpseris, efficitur contradicens quaestionis posita. Hoc autem intelligi debet, ex uno syllogismo contraria non posse ita concludi, ut complexio dicat, quod non est bonum, esse bonum, aut aliquid huiusmodi, nisi tale pronunciatum statim initio sumptum sit, ut omne animans esse album, & non album, hominem autem esse animans: quin uel contradictio assumi debet, ut quod scientia omnis sit opinio, & non sit opinio: deinde sumendum est, medicinam scientiam quidem esse, opinionem tamen nullam, quomodo reprehensiones fieri solent, aut duplici ratiocinatione illud efficiendum est: ut autem contraria sint re uera, quae sumuntur, pronunciata, alia ratione, quam hac fieri nequit, quemadmodum antea expositum est.

De ratione postulandi propositi.

POTEST autem eius quod in quaestione est, petitio ac sū-

pto, ut pars quædam comprehendi in uniuerso genere eorum modorum, quibus non bene id, quod propositum est, demonstratur. Id quod multis modis fieri accidit, nepe seu nihil omnino concludatur, seu ex his, quæ minus nota sunt, aut æquè ignota, & si ex posterioribus probetur id, quod prius est: demonstratio enim efficitur ex uerisimilioribus, & prioribus, ac in nulla istarum postulatur propositum, sed cum alia per se cognosci comparata sint, nonnulla ex aliis, (Initia enim per seipsa cognobilia sunt, quæ initius continentur aliunde) cum id quod per se notum non est, conatur quis per se id ipsum probare, postulatur tamen initio proposita quaestio, id quod ita fieri potest, ut continuo proposita quaestio postuletur. Potest etiam accidere, ut ad res nonnullas egrediamur, quæ per alias natura probari erant comparata, & ex his prima quaestio probetur. Verbi causa, si a probetur per b, & hoc per c, c uero suapte natura probari possit per a. Ita enim fit, ut illud ipsum ex seipso probent, qui ita ratiocinantur, id quod faciunt, qui lineas æquè distantes describere se arbitrantur: neque enim intelligunt homines illi, per se ea sumere, quæ probari non possunt, nisi lineæ sint æquè distantes: iis itaque qui sic ratiocinantur, euenit, ut dicant res singulas esse, si ipsamet sint, quomodo res omnes per se cognobiles erunt, id quod fieri nequit. Si quis igitur postulet a esse in c, cum ignotum sit, b esse in c, item & a in b, nondum constat, an principium postulet, sed manifestum est eum non demonstrare: nam quod æquè est ignotum, principium demonstrationis esse nequit. Quod si b & c ita sint inter se affecta, ut uel in idem conueniant, uel constet ea reciprocar, aut alterum in altero esse, postulatur quaestio prima: si enim

enim ea reciprocentur, per illa quoque probauerit *a* esse in *b*: nunc autem id uetas, nō modus: sin id faciat, fecerit quidem id quod dictum est, & in tribus reciprocationem efficit. Eadem erit ratio, si sumat *b* in *c* inesse, cum æquè sit ignotum, & *a* in ipso *c*, nec dum postulatur prima quæstio, nō tamen demonstrat. Quòd si *a* & *b* idem sint, aut ea retrò commeent, aut *a* sit consequens ipsi *b*, postulatur quæstio ea ipsa de causa: exposuimus enim antea, quā uim habeat illud initio propositum, nempe quòd sit per se mōstrare, quod per se manifestum non est. Quòd si propositum postulare, est per se confirmare id, quod per se nō est notum. Id autem est propositum non demonstrare, cum demonstratio sit, & æquè sint ignota, quod demonstratur, & ex quo id demonstratur: aut quia eadem in aliquo eodem insint, aut quia re eadem ijs insit. Sanè in media figura, & in tertia utroque modo æquè postulari potest propositum. In syllogismo autem affirmate, tum in tertia, tum in prima: In negante uerò, ubi eadem ab aliquo eodem absunt, nec eodem modo se habent ambo pronuntiata: Item in media figura, quia extrema non retrò commeent in syllogismis negantibus: ac in demonstrationibus postulatur prinipium, cum re uera ita se habet: in disputationibus autem dialecticis, non ita fit opinione hominum.

ILLVD autem, quod in disputationibus sæpe dicere solemus, falsum inquam eam ob causam nō accidere, in iis primū ratiocinationibus accidit, quæ in incōmodum deducunt, cum ad contradictionē eius rei pertinebit, quæ per incommodum probata sit. Neque enim quisquam dixerit illud nō propter hoc, nisi qui cōtradicens dederit, sed quid-

piam falsum esse contendet ex ijs, quæ antea sunt posita,
 nec in ea probatione, quæ propositum concludit, ut in qua
 non ponitur contradicens. Præterea cum quidpiam recta
 probatione euersum fuerit, ut per $a b c$, tum dici nō potest,
 syllogismum ex pronunciato posito non fieri. Tum enim eā
 ob causam non fieri dicimus, cum ea sublata nihilominus
 concluditur syllogismus. Id quod in probantibus non acci-
 dit, quippe si propositio euertatur, nulla ad eam erit ratio-
 cinatio. Constat igitur ob eam causam in ijs syllogismis di-
 ci, qui ad incommodum ducunt, cum hypothesis initio pro-
 posita ita se habuerit ad incommodum, ut sit ea, uel nō sit,
 nihilominus sequatur illud. Ac unus est modus maxime cō-
 spiciuus, quo falsum propter hypothesis non efficitur, cum
 syllogismus ex mediis ad incommodum factus ab ipsa hy-
 pothesi absolutus sit, nullo modo coniunctus: quemadmodū
 in Topicis dictum est. Illud enim est ponere causam, quod
 causa non sit. Verbi causa, si quis probari uolens dimetien-
 tem esse irrationabilem, conetur Zenonis rationem proba-
 re, nihil inquam moueri posse, & in id incommodum rem
 deducat: nulla enim ratione coniuncta est hæc falsa cōclu-
 sio cum eo, quod initio dictum est. Alius est modus, cum con-
 clusio absurda hypothesis quidem continens est & coniun-
 cta, ob eam tamen nō sequitur: id enim fieri potest, seu sur-
 sum, seu deorsum uersus sumas continens: ut si ponatur a
 esse in b , b in c , c rursus in d : sit autem falsum, b esse in d , sa-
 nè si ubi a tollitur, nihilominus b ipsi c insit, c item ipsi b ,
 conclusio falsa ex hypothesis initio posita non sequebatur.
 Rursus si quis sursum uersus continens & coniunctum su-
 mat, ut si a sit in b : e uerò in a , & fin e , cū falsum sit, f es-
se

se in a: nā hac ratione nihilominus efficietur incommodū, ubi tollatur hypothesis posita: absurdum autem coniungi debet, cum extremis initio positis: ita enim ex hypothesi cōcludetur. Vt si coniunctum & continens sumas deorsum uersus, pradicato coniungas: nam si impossibile sit a esse in b, ipso a sublato nō sequetur falsa conclusio: sin sursum pergas, subiectum accipi debet: nam si fieri nequit, ut f sit in b, ipso b sublato non manebit incommodum. Eadem erit ratio, ubi priuantes fuerint ratiocinationes. Constat igitur cōclusionem falsam expositione non sequi, si incommodum cū extremis in initio positus nō sit iunctum, ac ne sicquidē falsum perpetuò ab hypothesis cōcludetur: nā si ponatur a, non quidem in b, sed in g inesse, g uerò in c, & hoc in d, hoc etiam modo manet absurdū. Idem fiet, si sursum uersus extrema sumas: cum igitur seu illud sit, seu non sit, semper sequatur incōmodum, expositione non est consequutum: uel certè, quod dicitur, eo sublato nihilominus falsum effici, nō est ita accipiendum, quasi si aliud ponatur, sequatur incommodum: sed cum eo sublato idem incommodum ex pronuntiatis, quæ restant, efficitur: quādoquidem nihil est absurdum, eandem conclusionem falsam per multas hypotheses effici. Vebri causa quod æquē distantes concurrant, seu interior angulus exteriore sit maior, seu triangulus plures duobus rectos habeat.

De falsa ratione.

EFFICITVR autē ratio falsa ex eo, quod prius falsum fuit, quippe cū syllogismus omnis duobus pronuntiatis aut pluribus cōstet. Quod si ex duobus cōstet, necesse est, aut

alterum, aut utrunque falsum esse, quandoquidem ex ueris falsa conclusio effici non potuerit: sin ex pluribus constet, ut si c per a b probetur, & hæc per d e f g, nam in his est aliquid ex superioribus falsum, gratia cuius collecta est conclusio: nam a & b ex illis concluduntur: ex illis igitur efficitur conclusio, eaque falsa. Vt autem ratione non decipiamur, & uincamur, obseruandum est diligenter, dū aduersarius rationes postulat sine conclusionibus, ne in pronunciatis eadem res bis concedatur: quandoquidem intelligimus sine medio syllogismum nullum effici. Mediū autem appellatur id, quod sæpius dicitur: quòd si nouerimus, quid in quaque figura concludatur, perspicuum inde fuerit, qua ratione medium sit obseruandum in unaquaque conclusione. Illud autem non potest tibi esse obscurum, siquidem intelligis quale sit propositū, quod defendis. Quod autem respondentibus obseruandum præcipimus, id occultare debent, qui argumentantur, uel certè id conari: id quod fiet primum, si conclusiones antea non confirment, ac concludant, sed post propositiones necessarias assumptas illæ obscuræ maneant, ac prætermittentur. Præterea si quis ea, quæ propinqua sunt, non roget, sed ea inter quæ plurima sint media: uerbi causa, faciamus, ut concludi oporteat a de f, ac media sint b c d e, peti igitur debet, an a sit in b. Rursus non quidem, an b sit in c, sed utrum d sit in e, deinde an b sit in c: eadēque ratione cetera sumi debent: quin & à medio incipiendum est, si per medium unicum efficitur syllogismus. eo enim modo respondentem maxime fefellerit. At uerò quoniam intelligimus, quādo, quaque ratione dispositis extremis efficiatur syllogismus, perspicuum est,

est, quando sit futura reprehensio, quando nō sit: fieri enim potest reprehensio, ubi omnia conceduntur, aut ordine mutato ponuntur responsa, nempe si alterum neget, aiat alterum. Syllogismus enim fore diximus, seu hoc, seu illo modo disposita sint extrema. Itaque si quid concedatur conclusioni contrarium, necesse est reprehensionem fieri: est enim reprehensio syllogismus contradictionis. Quod si nihil concessum sit, fieri nequit reprehensio, nec enim efficiebatur ratiocinatio, ubi omnia pronunciata negantia essent: quare nec reprehensio. Nam si sit reprehensio, syllogismus quoque esse oportet: non tamen si sit syllogismus, continuo reprehensionem esse necesse est. Eadem erit ratio, si in respondendo nihil ponatur uniuersum, cum reprehensionis ac syllogismi eadem sit ratio.

De deceptione, quæ in opinione oritur.

QVEMADMODVM autem in extremorum dispositione decipimur, ita in opinione deceptio quoque accidit: ut si quid duobus primum inesse possit, & alterum quis ignoret, putetque nulli inesse, alterum uerò nouerit. Faciamus enim, ut *a* in *b*, & in *c* per se in sit, ea item in toto *d* eodem modo: profecto si putet *a* in toto *b* esse, & hoc in *c*: *a* uerò in nullo, hoc autem in toto *d*, rem eandem simul cognoscet, & ignorabit. Rursus si quis fallatur in ijs, quæ sunt ex eadem coniugatione, ut si *a* sit in *b*, & hoc in *c*, *c* rursus in *d*: & opinatur *a* in toto *b* inesse, & in nullo *c*: simul enim nouerit, & non opinabitur inesse, aliudne igitur hinc sibi uult, quam quod nouit, id se non opinari? Nouit enim quadamtenus *a* esse in *c* per *b*, quo modo pars in

toto cognoscitur: atque ita quod quis quadamtenus nouit,
 id se planè opinari putat: id quod fieri nequit. In eo autem,
 quod prius est dictum, nemo opinari potest, ambas propo-
 sitiones secundum media ambo, si non ex eodem ordine me-
 dium sumptum sit, ut si a sit in toto b , & in nullo c , & hac
 ambo in toto d : ita enim euenit, ut prima propositio suma-
 tur, uel in totum, uel certè quadamtenus cōtraria. Nam si
 arbitretur, cuicunque insit b , illi omni inesse a , ac nouerit b
 esse in d , profecto is nouit d esse a . Si igitur è contrario pu-
 tet, cuicunque insit c , in eo nullo esse ipsum a , is non putat a
 esse in aliquo, cui insit b : hac autem aut omnino, aut aliqua
 ex parte cōtraria sunt, arbitrari inquā, cui b insit, illi om-
 ni inesse a , & rursus cui b insit, ipsi alicui non existimare
 a inesse. Ac eo modo opinio concipi nequit. At nihil uetat ex
 utroque pronunciarū alterum opinari, uel ex altero utrū-
 que, ut a in toto b esse, & b in d , rursus a in nullo c : est enim
 is error ei similis, quo in particularibus hallucinamur: ut si
 a sit in toto b , & hoc in toto c , a in toto c inerit. Si quis igitur
 nouerit, cuicunque b insit, ei toti inesse a , profecto nouit
 inesse ipsi c : at nihil prohibet, quominus ignoret ipsum c esse.
 Ut si a sit duo recti, in b uerò triangulus, in c triangulus
 sensibilis. Possit enim quis arbitrari c non esse, etiam si no-
 uerit omnem triangulum habere duos rectos: simul igitur
 rem eandem nouerit, & ignorabit: nosse enim triangulum
 omnem habere duos rectos, uarium est ac multiplex, est e-
 nim tum in toto id scire, tum sigillatim: ac nouit quidem
 scientia uniuersa, c habere duos rectos: singulari uerò non
 item: ita sit, ut non habeant cōtrarias opiniones. Idem exi-
 stimandum est de ratione illa scripta in Menone, scientiam
 inquam

inquam esse reminiscenciam: nunquam enim fit, ut res singularis anticipata cognitione sciatur, sed dum inductio-
ne utimur, simul rei particularis scientiam sumamus, qua-
si eam in memoriam reuocemus. Quædam enim sunt, quæ
statim ubi uidimus, cognoscimus: ut duobus rectis, si noue-
rimus triangulum esse: id quod eodem modo fit in alijs. Co-
gnitione igitur uniuersa particularia cognoscimus: pro-
pria ac peculiari nescimus. Quo fit, ut in iis hallucinemur,
non tamen opinione contraria: sed dum cognitionem uni-
uersalem habemus, decipimur particulari. Eadem est ratio
eorum, quæ superius exposuimus. Error enim ex medio nõ
est ei scientiæ contrarius, quæ syllogismo parta est, nec opi-
nio ea, quæ ex uno medio nascitur, contraria est ei, quæ ex
altero comparatur. Nihil autem prohibet, qui nouerit a in
toto b esse, & hoc in c, eum arbitrari, non esse a in c: uerbi
causa, omnem mulam sterilem esse, opinari potest, & hanc
esse mulam, cum tamen eã uterum ferre putet: nec enim is
scit a esse in c, nisi qui utrunque simul cognoscit. Cõstat igi-
tur si alterũ nouerit, & alterum ignoret eũ falsum iri: quo
modo se habent uniuersales sciẽtiæ ad particulares: neque
enim sensibilem quicquam scimus, si à sensu absit, ne si il-
lud quidem etiam senserimus, nisi fortè eo modo, quo rem
uniuersam scimus, & quatenus propriam cognitionem il-
lius habemus, nõ quasi actũ illam exerceamus. Scire enim
tribus modis dicitur, nempe aut cognitione uniuersali, aut
particulari, aut actũ & operatione: quare totidẽ etiã mo-
dis intelligitur, hallucinari. Nihil igitur uetat, quempiam
in re eadem tum scire, tum decipi, nõ tamen contrario mo-
do ei accedit, qui ex utraque propositione rem nouit, neque

has prius expendit: qui enim putat mulam uterum gestare, is non habet actu ueram scientiã, nec item errorem scientiæ cōtrarium, ob huiusmodi opinionem: error enim uniuersali cōtrarius est syllogismus. At uero qui bonum malū esse arbitratur, is idem esse putat, bonum esse, ac malum: ponamus enim, bonum esse in *a*, malum uerò in *b*: Item bonū esse in *c*, cum quia idem esse putat *b* & *c*, profecto arbitrabitur *c* esse *b*, item & *b* esse *a*: eadē ratione, atque ita *c* esse: ut enim si uerum sit, de quo *c* dicatur, *b* dici, item de quo *b*, ipsum *a*, profecto *a* de *c* uerum fuerit: nō aliter in opinione res habet. Idem existimandum, in quo res sit: cum enim *c* & *b* eadem sint, *b* utē & *a*, profecto *c* & *a* eadem fuerint. Ac in opinione eodem modo res habet: an uerò si quis primum admiserit, id protinus necessariū est? at illud fortasse falsum est, quempiam, inquam, arbitrari, bonum esse malum: nisi fortē accidentariò: nam id uarijs modis arbitrari licet: id autem diligentius est perspicendum.

De ijs, quæ in prima figura sunt, reciprocationibus.

VBI extrema retrò cōmeent, necesse est medium quoque cum utroque reciprocari: nam si *a* est in *c* per medium *b*, si illa commeent, ut cuicumque ei insit *a*, *c* quoque omni insit, profecto *b* cum *a* reciprocatur: & cuicumque inest *a*, ei omni inest *b* per medium *c*, ac *c* cum *b* reciprocatur per medium *a*. In negatione tantundem fit, ut si *b* sit in *c*, *a* uerò in *b* non sit, ne *a* quidem in *c* erit: profecto si *b* cum *a* cōmeat, *c* quoque cum *a* commeabit: faciamus enim *b* inesse in *a*, nec *c* igitur erit: quādoquidem *b* omni *c* inerat: quòd si cum *b* commeet, *c* quoque cum *a* commeabit. In quocunque
enim

enim dicitur *b, c* quoque dicitur. Item si *c* cum *a* conuertatur, *b* quoque conuertetur: nã in quo est *b*, in eo quoque est *c*: in quo autem est *c*, *a* non inest, & id solum à conclusione initium ducit: aliorum nõ est eadem ratio, quemadmodum & in affirmante syllogismo. Rursus si *a*, & *b* conuertentur, *c* item, & *d*, sit autem necesse in re quauis *a*, uel *c* inesse, profecto *b* & deiusmodi erunt, quorũ alterũ in re quauis insit: nam quia in quocũque est *a*, inest *b*, in quo uem est *c*, inest quoq; *d*: at in re quauis aut *a*, aut *c* inest, non in eadem simul: liquet igitur in omni re aut *b* dici, aut *d*, & nõ ambo simul: uerbi causa, si quod ingenerabile est, incorruptibile quoque est: Item quod est incorruptibile, est ingenerabile: necesse est quicquid generatũ est, caducum esse, & quicquid caducũ est, genitum esse: cõponũtur enim duæ ratiocinationes. Rursus si in re quauis *a* inest, aut *b*, itẽ *c* uel *d*, nec in eadem simul, si *a* & *c* reciprocantur, *b* quoq; & *d* retrocommeent: nam si cui rei *d* inest, in ea non sit *b*, constat *a* in ea esse: quòd si sit, *c* quoque inest, quippe cum retrocõmeent: simul igitur *c* & *d* in eadem re erunt: id autem fieri nequit. Quando uerò *a* in toto *b*, in *c* item toto inest, & de nulla re alia dicitur, *b* item in toto *c* inest, necesse est *a* & *b* retroverti: cum enim *a* de *b* & *c* tantũ dicatur, dicetur autem *b*, tum de seipso, tũ de *c*: perspicuũ est, de quibus dicitur *a*, de iis quoque omnibus *b* dictum iri, præterquam de ipso *a*. Quando item *a* & *b* in toto *c* insunt, & *c* retrouertitur cum *b*, necesse est *a* in toto *b* inesse: cum enim *a* in omni *c* insit, *c* item in *b*, quia commeent illa, *a* quoque in omni *b* inerit: quãdo uerò ex duabus rebus propositus altera fuerit magis quàm altera expetẽda, ut *a* quàm *b*, cum illa cõ-

eraria sint. Eadem ratione b magis expetendum quàm c: si a c magis sunt expetenda quàm b d, ipsum a magis expetendum est, quàm d: a què enim a persequendum est, ac b fugiendum, cum hæc sint contraria, c item a què ac d, quippe cum illa quoque contraria sint: si igitur a a què expetendum est, ac d, profecto b a què fugiendum est, ac c: utrumque enim a què fugiendum est, atque alterum expetendum: quo fit, ut ambo, a inquam & c, a què atque illa, b d fugienda sint, aut prosequenda: nam quod maius est, par esse nequit: nam b d æqualia erant. Sin d sit ipso a magis expetendum, sanè b minus fugiendum erit, quàm c: minori enim minus opponitur: at maius bonum & minus malum magis expetenda sunt, quàm bonum minus, & maius malum: totum igitur b a magis persequendum est, quàm a c: at nō ita est: a igitur magis expetendum est, quàm d, & c quoque minus fugiendū quàm b. Ac si id sibi proponit in amore, quicumque amat, ipsum inquam a nempe ita esse affectum, ut gratificetur, & non gratificari sit in c, uel ceriè gratificari in d, in b uerò eum non esse, qui gratificetur: cōstat a talem inquam esse, magis esse expetendum, quàm gratificari, atque ita in amore amor congressui est prapponendus: amor igitur in affectu est potius, quàm in congressu: quòd si in eo potius collocatur, ut is sit illius finis, profecto cōgressus, aut nullo pacto est, aut dilectionis causa: eo enim modo fiūt desideria alia, & artes. Perspicuum est igitur, quantā ratione se habeāt extrema in reciprocatione, in comparatione. Item persequendorum, & fugiendorum.

Hoc loco nobis exponendum est, non dialecticas modo ratiocinationes ac demonstrationes per superiores figuras

guras effici, sed & oratorias, ac omnem omnino probationem in quauis ratione docēdi. Res enim omnes probamus, aut ratiocinatione, aut inductione. Ac inductio, & ratiocinatio ex ea tum fit, cum alterum extremum de medio cōcluditur per alterum: ut si in his a c, medium sit b, & probetur a esse in b per c: hac enim uia inductiones facere solemus: uerbi causa, sit a longauū, b uerò uacās bile, in c singula lōga, ut homo, equus, mulus: sanè a est in toto b, quicquid enim bile uacat, est longauum: quinetiam b, nempe uacans bile, est in toto c: quòd si c retrouertatur cum b, nec medium excedat, necesse est a esse in b: quippe cum antea à nobis probatum sit, ubi duo eidem rei insint, & extremum cum altero eorum reciprocetur, alterum eorum, quæ dicuntur ei inesse, quod reciprocatur: est autem c intelligendum, quasi quid ex uniuersis singulis compositum: nam inductio ex omnibus efficitur: ea autem ratiocinatio primam propositionem concludit, & quæ medio caret: in his enim, quæ medium habent, efficitur syllogismus ex medio. In his uerò, quæ medio carent fit per inductionem. Ac inductio ratiocinationi contraria est aliquo pacto: hac enim ex medio probat extremum in tertio: illa uerò ab extremo confirmat tertium in medio. Natura igitur antecedit, & est notior ea ratiocinatio, quæ per medium efficitur: ratione nostri magis est perspicua, quæ fit per inductionem.

De exemplo.

EXEMPLVM autem tum est, quum extremum in medio inesse probatur, ex eo quòd sit simile tertio: debet autem notius esse, & magis perspicuum: quòd medium sit in

tertio: & primum in illo singuli: uerbi causa, constituamus in a malum: in b, suscitare bellum in finitimos: in c uerò, Athenienses aduersus Thebanos: in d, Thebanos in Phocenses: iam si probare uelimus, perniciosum esse, cōmittere bellum cum Thebanis, primum sumendum est, perniciosum esse, in finitimos bellum gerere: id quod probatur ex simili, nempe quòd Thebanis aduersus Phocēses perniciosum fuerit. Cum igitur in finitimos bellum gerere perniciosum sit: in Thebanos autem bellare, est bellum gerere in finitimos: constat igitur in Thebanos bellare perniciosum esse. Ac constat b in c & d inesse: utrunque enim est in finitimos bellum committere. Constat item a esse in b, nā Thebanis nullam utilitatem attulit bellum in Phocenses: probabitur autem a esse in b per ipsum d. Eodem modo fiet, si ex multis similibus probetur medium in extremo esse. Hinc igitur manifestum est, exemplum non habere eam rationem, quam totum ad partem, aut pars ad totum, sed quam pars una ad alteram habet, quum amba in eodem toto continentur, altera autem est notior: ab inductione autē eo differt, quòd ea ex uniuersis singulis extremum in medio esse confirmabat, nec connectebat syllogismum ad extrema. Exemplum autem coniungit quidem, ex omnibus autem non probat.

De abductione.

ABDVCTIO uerò est: quando constat primū in medio esse: an uerò mediū sit in postremo, ignotum quidē est: aequè tamen credibile est, uel certè magis quàm ipsa cōclusio. Iam uerò si pauca media intercedant inter postremum, & medium, ita enim sit, ut ad cognitionem propius omnino accedat:

no accedat: uerbi causa, sit *a* res cognobilis, in *b* uerò locetur scientia, in *c* intelligatur iustitia: sanè cōstat scientiam esse cognobilem. An uerò iustitia sit scientia, obscurum est, & non compertum. Quòd si aequè, uel magis credibile sit, *b* esse in *c*, ac *a* in *c*, tum est abductio: cum enim rei scientiā antea non haberemus, propius ad eam accessimus, in assumendo pronunciato a *c*. Rursus si pauca sint media inter *b* & *c*: nam eo quoq; modo propius cognitionem res est: exempli gratia, si *d* sit quadrari, & in *e* rectilinea figura, in *f* circulus: tum si inter *e* & *f* unicum sit medium, nempe ut per umbellas circulus efficiatur par figura rectilinea, sanè res est prope cognitionem: quando uerò *b* *c* magis credibile non sit quàm *a* *c*, nec pauca eorum sunt media, abductio- nem tum non appello, nec item cum *b* *c* medio uacat, id enim est scientia.

De refutatione.

REFVTATIO uerò est pronunciatum alteri cōtrarium. Inter hāc autem, & pronunciatū hoc interest, quòd hāc in parte esse potest, pronunciatum omnino nequit, uel certè in syllogismis uniuersalibus non potest. Obicitur autem refutatio duplici ratione, & in duabus figuris: bifariā quidem, aut enim in toto est, aut in parte omnis: in duabus figuris, omnes enim afferuntur contrariae pronunciato: cōtrariae autem in prima, & tertia figura concluduntur tantum: nam cum quis postulat quidpiam in aliquo toto esse, occurrimus, uel quòd nulli insit, uel quòd in aliquo non sit, ex quibus illud in prima figura colligitur: hoc in postrema figura: uerbi gratia, intelligamus in *a* unam esse sciētiam: in *b* uerò collocetur, aduersa: sanè si quis proposuerit, unam

esse aduersorū scientiā, occurrit alter, vel quod contrariorū
 eadem non sit omnino scientia: aduersa autem sunt cōtra-
 ria, atque ita efficitur prima figura: vel quod rei nota, &
 ignota non sit una scientia, ea autem est figura tertia: nam
 in eo tercio, cognito inquā & incognito, uerè dicitur, ea ad-
 uersa esse: cum tamen falsum sit, una scientia illa contineri.
 Eadem est quoque ratio in pronunciato priuante: si quis e-
 nim petet contrariorum non esse unam scientiam, cōtinuo
 ei occurrimus, aut omnium contrariorum esse eādem, aut
 certè quorundam aduersorum, ut sani & acri, ac omnium
 unam esse probamus in prima, quorundam uerò in tertia.
 Nam in omnibus omnino pronunciatis uniuersalibus, quæ
 quis pro exceptione adfert, id uidendum est, ut illud quod
 contra adfertur, sit uniuersale aliquid ad rem propositam:
 ut si petat non eandem esse aduersorum omnium scientiā,
 dicat ille, contrariorum unam esse: eo autem modo necesse
 est primam figuram effici. Est enim medium uniuersale
 quid ad quæstionem initio propositam: In parte autem si
 quid opponere uelis, aliquid asserendum est, ad quod sub-
 iectum proposuionis sit uniuersale, ut cogniti & incogniti
 non esse eandem scientiam, aduersa enim totum sunt ad il-
 la, & ita fit tertia figura. Nā quod in parte sumitur me-
 dium est, ut cognitum & incognitum: nam ex his refuta-
 tiones asserre conamur, unde contrarium concludere pos-
 sumus: quapropter per eas figuras solas asserimus, nam in
 his tantum contraria conclusiones efficiuntur, nam in me-
 dia figura nulla affirmatio colligebatur. Iam uerò ut in ea
 fieri posset, certè prolixior ratione opus esset ad refuta-
 tionem in media figura colligendam, ut si non concesserit,

a esse

- a esse in b, quia c non sit ipsi consequens: id enim per alias propositiones facillè intelligitur, at refutationem aliò diuer-
ti non oportet, sed continuo alteram propositionum perspi-
cuam habere: quamobrem in una hac figura non est signū.
Sunt autem alia quoque refutationes expendendæ: cuius-
modi sunt, quæ de contrario feruntur cum simili, tum etiā
opinabili. Item, possitne sumi particularis in prima figura,
aut priuans in media.

De consentaneo & signo.

NON est autem res eadem, consentaneum & signum.
sed consentaneū & uerisimile, est probabile quoddam pro-
nunciatum: quod enim plurimum uulgo norūt ita fieri, uel
non fieri, esse item, uel non esse, id est uerisimile, ac consenta-
neum: ut oderint qui inuident, diligant qui amant. At si-
gnum suapte natura est pronunciatum, uel demonstrabi-
le, uel necessarium, uel probabile: id enim est signum, quòd
res sit uel fuerit, quòd dū est, uel sit, uel prius, uel posterius
res ipsa facta est.

De enthymemate.

EST igitur Enthymema ratiocinatio imperfecta ex ue-
risimilibus uel signis. Intelligitur autem signum tribus mo-
dis, quot & medium in figuris: aut enim ita se habet, ut in
prima, aut ut in media, aut ut in tertia figura: uerbi cau-
sa probare mulierem uterū ferre, quia lac habet, ex prima
figura est. nā medium est lac habere, ac in a ponatur uterū
ferre: b uerò sit lac habere, mulier uerò in c ponatur. Illud
autē sapiētes inquā uiros esse probos, quia Pittacus sit pro-
bus, per ultimā figurā efficitur: ponamus in a probum, in b

sapientes, in c Pittacum: profecto uerè dicuntur a, & b de c: ceterum alterum pratermittunt, quia illud norunt, alterum autem assumunt: illud autem, mulierem inquam uterum gestare, quia palleat, per secundam figuram effici solet, nam quia uterum gestantibus pallor est consequens, & huic quoque consequens est, effectum inde putant eam uterum gestare. Sit pallidum in a, in b uterum ferre, in c mulier: ubi igitur una tantum propositio dicitur, signum est modò: si altera assumatur, tum est syllogismus: uerbi causa, Pittacus est liberalis, nam ambitiosi sunt liberales, & Pittacus est ambitiosus: uel contrà, sapiētes esse uiros probos, quia Pittacus est uir probus, & idem est sapiēs. Fiunt igitur ad hunc modum syllogismi. Ceterum qui in prima figura efficitur, dilui nequit, si uerus sit, cum sit uniuersalis: qui uerò in postrema figura efficitur, dissolui potest, etiā si uera sit cōclusio, quia nec uniuersalis est syllogismus, nec ad rem: ut enim Pittacus sit uir probus, non continuo necesse est, alios sapientes esse probos. Qui uero in media figura efficitur, is semper, & ratione quauis solui potest: neque enim efficitur syllogismus unquam, dum extrema ita sunt collocata: ut enim mulier uterum gestans sit pallida, hac etiam mulier palleat, non ideo necesse est hanc uterū ferre: in omnibus igitur figuris uerum efficitur: differunt autē eo, quo dixi, discrimine. Sanè uel hac ratione diuidi debet signum, & medium in illis constituendum est indicium, ac propria rei nota: aiunt enim indicium esse id, quod rem cognoscendam prabet, medium autem maximè est istiusmodi: uel cerre appellatione signi intelligēda sunt ea, quae sunt in extremis: indicia autē appellāda sunt, quae in media figura

gura ponuntur. Nam quod in prima figura collocatur admodum credibile est, & maximè uerum.

De ratione natura coniectanda.


POTEST autem fieri, ut coniiciatur natura & ingenium, si quis concedat, naturales affectiones corpus simul cum anima immutare: nam qui musicam edoctus est, animo fortasse est immutatus: at ea affectio non est ex earum numero, quæ nobis naturales sunt, sed alia potius. Cuiusmodi sunt iracundia, concupiscentia naturalium mutationum: profecto si quis hoc concesserit, & unius rei unum esse signum, & accipere possimus suam cuiusque generis affectionem ac signum, naturam coniectare poterimus. Nam si alicui generi uni sua est, & propria affectio, ut in leonibus fortitudo, necesse est quoddam esse signum, quippe cum sit confessum ea sese mutuò afficere. Sit igitur illud, quòd ingentes habent membrorum extremitates, id quod in aliis quidem generibus reperitur, sed non totis: nam ita demum signum est proprium, quia affectio totius generis propria est, non unius tantum, quo modo loqui solemus. Sanè id in alio genere inerit, eritque homo fortis, item & quodpiam aliud animans: habebit igitur signum illud: unius enim rei unum esse signum diximus. Si igitur hæc ita habent, & in animantibus huiuscemodi, quæ affectionem unam propriam habent, ea signa colligere poterimus, unaquæque autem affectio suum habet signum: quandoquidem unum habeat necesse est, profecto naturam ac ingenium coniectare poterimus. Sin totum genus duas habeat affectiones proprias, quemadmodum leo & fortis est,

ARISTOTEL. LIB. II.

& sauciabilis, quo pacto cognoscemus ex signis illis pro-
 prie consequentibus, utrum utrius sit signum? an si in alio
 quodam, non toto ambo sint, & in quibus non totis utrū-
 que insit, cum unum habeat: alterum non item: nam si for-
 tis sit, nec liberalis, & ex duobus hoc habeat, constat id in
 leone signum esse fortitudinis. Coniectatur autem natura,
 & ingenium in prima figura, cum medium cum priori
 extremo reciprocatur, & excedit tertium, nec cum eo
 comseat: uerbi causa, sit a fortitudo, extremitates
 magna in b, leo in c: profecto in quo est c, in eo
 toto est b, item & in aliis. In quo au-
 tem est b, in eo toto est a, nec in plu-
 ribus dicitur, sed retrouerti-
 tur: alioqui non esset u-
 nus rei unicum
 signum.

FINIS.





Aristotelis de demon-
STRATIONE, SIVE DE SE-
CVNDA PARTE ΑΝΑ-
ΑΥΤΙΚΩΝ LIBRI
DVO.

Nicolao Grouchio Rhotomagensi interprete.

PARISIIS

Apud Vascosanum, uia Iacobæa, ad insigne Fontis.

M. D. L I I.

CVM PRIVILEGIO.



PRIVILEGIUM.

REGIO diplomate cautum est, ne quis alius præter Vascosanum, hæc Poster. Analytica, & de Reprehensionib. sophistarum, N. Grouchio Rhodomagenfi interprete, ante sexennium imprimat, neque uendat: qui secus fecerit, libris & pœna in sanctione æstimata mulctabitur. Lutetiæ Parisiorum V. Calend. Octobr. M. D. XLIX.

Barrillon.

NICOLAUS GROVCHIVS
DISCIPVLIS SVIS S.

HGO in ea semper fui sententia (optima spei adolescen-
tes) nullum esse Aristotelis librum, cuius nō esset cum
propter rerum optimarum cognitionem, tum propter
singularem exquisitamque docendi rationem, summa
utilitas. Sed inter omnes mihi multis nominibus, pri-
mas partes semper obtinere visus est, liber de Demonstratione: in quo
omnis docendi, discendi, ac tractandi quicquid sub scientiam cadere
possit, ratio continetur. Ego uero illud etiam in omnibus quas adhuc
vidi, philosophia scholis animaduerti, nullum esse Aristotelis librum,
qui negligentius legatur, cuiusq; utilitas minus percipiatur. Vnde au-
tem illud malum omnes scholas inuasit, excogitare aliud non pos-
sum, quā quod nimis pertinaciter aliorum consuetudinem obser-
uamus: ita ut saepe non tam quid uerum sit, quā quid in more posi-
tum exquiramus. Neminem hac in re doctorem accuso: tantum con-
suetudinem, penes quam culpa est, non possum non damnare: per quā
factum est, ut in omnibus philosophia scholis liberis te potius lege-
retur, ne quid quod in more esset, omissum uideretur, quā ut im-
mensus fructus perciperetur. Eum librum ego uestro nomine, adole-
scētes mihi charissimi, horis subsecuius, quibus mihi à prelectionibus
erat otium, de græco uerti: ut in ea potissimum re in qua summa esset
utilitas, etiam otij nostri, quod non magnum esse scitis, fructum ali-
quem non illum quidem indebitum (nam quid præceptor talibus præ-
sertim discipulis non debet?) sed uobis certe inexpectatum, percipe-
retis. Id autem eo uehementiore studio feci, quòd eum librum tam ma-
le, ne dicam barbare, uersum esse sciebam, ut non dubitarem quin ex
uitiosa & barbarâ interpretatione nata obscuritas, studia uestra esset
retardatura: & expectatam inde utilitatem maxima ex parte impe-
ditura. Verti itaque hunc librum: atque ita uerti, ut Ciceronis ego con-
siliū secutus, non singula uerba pro singulis superstitione redderem:
sed quia hoc tantum mihi propositum esse existimarem, ut quod opti-
me Græce Aristoteles scripserat, non male Latine uerterem: illud au-
tem etiam non ignorarem, linguam Latinam multis dicendi formulis

uti non posse, quibus græca recte uteretur, iccirco rebus quàm potius
diligentissime expensis, latina uerba ad eas explicandas ita accommo-
daui, ut non uerba uerbis, sed sententiis modo sententia responderent.
Hoc genus interpretandi si quis non probet, uelit autem potius singu-
la uerba curiosius esse persequenda, eius iudicium eo minus reformi-
dabo, quòd necesse est, ut mecum Ciceronem non modo dicendi, sed
etiam interpretandi principem, in eo accuset, in quo à uiris doctissimis
maximam laudem & admirationem est consecutus. Hunc ego au-
thorem non in ratione tantum interpretandi, sed etiam in uerbis, ubi-
cunque potui, secutus sum: in quibus autem locis nil apud eum reperi
quod pro græcis uerbis reddere possem, partim ex aliis recepta fidei au-
thoribus quod ad rem nostram pertineret, desumpsi: partim usitato in
scholis uerbo usus sum. Hinc sunt illa uerba, mediātū, immediātum,
suppositio, & alia nonnulla, quæ quoniam mihi à forma Latinorum
uerborum mihi non uidentur longe remota, usurpare illa non ualde
dubitavi. Ego enim ut semper nimiam in seligendis uerbis negligenti-
am uituperavi, ita nunquam religionem nimiam probandā esse exi-
stimavi. Accipite igitur, adolescentes optimi, singularis mei erga uos
amoris non obscuram significationem: & qui in uestram omnium
gratiam liber scriptus est, uobis dicatus, sub uestro omnium nomine
appareat. Valete. Conimbrica. Ex regio gymnasio. Idib. Februarij.
M. D. XLIX.

A R G V M E N T V M.



MAGNA est & late patens huius libri utilitas, sed magno doctrinarū omnium incommodo paucis cognita. Id quod ij aperte indicāt, qui nuper libris editis, cum omnes Aristotelis libros, tum uerò hunc maxime infectati sunt. Nam si ulla partem ingenij Aristotelis attigissent, aut si suauitatē ipsius doctrinæ uel minimum degustassent, aliud profecto scribendi argumentum quæsisissent, quàm in Aristotelis libros animaduersiones. Sed potius tanti ingenij subtilitatem admirati, aut tarditatem suam accusarent, si quicquam minus intelligerent: aut quæ scripta in Aristotelem ediderunt, uel ad eum illustrandum, uel in ipsius aduersarios cōuertissent. Nequis igitur his decipiatur imposturis, & ut omnes intelligant quàm ualde fallantur, qui parum aut nihil fructus in iis libris esse existimarunt, conabor, quid, ad quē usum, & quomodo, hoc nos libro Aristoteles docuerit, paulo quidem latius quàm argumenti fortasse breuitas postulat, sed tamen quàm breuissime potero, explanare.

Quodnam sit Aristotelis institutum, in iis quatuor libris quos inscriptione *ἀκλντικῶν* legimus, ipse Aristoteles docet tunc initio primi libri de Ratiocinatione, tum ad finem 17. capi. secundi de Demonstratione. Ex iis enim locis intelligimus nil aliud iis libris uoluisse Aristot. docere, quàm quid, qualisque sit scientia demonstratiua. Nihil autem est scientia demonstratiua, quàm omnis quæ per demonstrationem acquiritur scientia. Itaque qui demonstrationem nouerit, quid, qualis, & quomodo conficienda sit, demonstratiuam scientiam cognouerit. Iam autem quia omnis demonstratio est ratiocinatio quædam, in cōque maxime sita est omnis demonstrationis uis, ut uim tuæ cōclusionis nunquam celes (in quo à Dialecticis rationibus distinguitur) sed quàm apertissime fieri potest, ex sumptionibus id necessariò efficias, quod de-

A R G V M E N T V M

monstrandum proposueras: propterea fuit necesse, ut non modo de Demonstratione ageret, sed etiam uim uniuersam, partes, ac proprietates ratiocinationis explicaret. Continetur igitur duabus partibus uniuersa doctrina *ἀκλνπκωτ*. Vna est de syllogismo, duobus libris absoluta. Altera est de Demonstratione, duobus item libris comprehensa. Idem enim est (ut scribit Aristoteles cap. 17. lib. 2. de Demonstratione) nosse demonstratiuam scientiam, quod ratiocinationis atque demonstrationis naturam intelligere. Illa autem disciplina cuius finis est demonstratiua scientia, subiectum, ipsa demonstratio, ab Aristotele Analytice appellatur, & primo Rhetoricorum, & primo libro de Demonstratione cap. 18. Itaque non incommode Analyticen à fine hoc modo definies. Analytice est scientia quæ ad cognitionem omnis scientiæ demonstratiuæ pertinet. A subiecto autem, hoc modo. Analytice est scientia quæ in explicanda natura, partibus, ac proprietatibus demonstrationis uersatur. A partibus uero, hoc modo. Est scientia quæ tota ratiocinationis & demonstrationis cognitione continetur. Porro autem huius appellationis causam intelligemus, si modo usum ac utilitatem huius doctrinæ cognoscamus. Ac primum illud certum est, omnem certam ac firmam rei cognitionem, aut intelligentia concipiente impressas sensibus species contineri, aut argumenti necessaria conclusione. Duobus autem illis perficitur omnis scientia. Nam priore modo principia cognoscuntur, posteriore conclusiones. Sed quoniam in priore illo cognoscendi genere parum est artis: perficitur enim solis propemodum naturæ instrumentis, sensu, cogitatione, experientia: alterum autem totum genus uia & ratione continetur: propterea de priori illo cognoscendi modo, aut nil, aut parum tractandum est: alterum genus, quia arte quadam absoluitur, explicandum est. Non enim quæuis ratio ad probandum aliquid adhibita, scientiam parit: sed ea demum, quæ tibi rem ita facit perspectam, ut quin ita res habeat, dubitare non possis. Nihil enim scientia est, quàm certa ac fir-

OPERIS.

ma rei quæ tibi dubia esse potuit, cognitio. Ergo quia omnes scire desiderant, nec hominis unquam animus conquiescit, nisi cum quàm certissime fieri potest, quantumq; rei fert natura, cognoscit: certò autem cognosci nò potest, nisi adhibita ad fidè faciendam ratio sit necessaria: propterea necesse est, ut quænam & qualis sit illa ratio cognoscamus: ut quum res proposita erit quam scire cupiamus, accommodare hanc rationem ad eam possimus. Illa autem ratio *ἀποδείξις* appellata est à Græcis, à Latinis autem demonstratio: uel, ut Quintilianus uocat, euidens probatio. Est igitur Analytices summa utilitas, quæ huius demonstrationis uim uniuersam, omnes partes, omnes proprietates explicat: siquidem hac adiuti scientia omnem docendi, discendi, explicandi, quicquid nobis sit propositum ad sciendum, rationem tenemus. Hanc si sciamus proposita quacunque re, de qua possit esse scientia, eam ita tractabimus, ut nulla ratione possit melius doceri. Hæc scientia est quæ ab Aristotele secundo Metaphysic. modus sciendi appellatur. Hac enim arte instructi, pro rerum subiectarum natura, rationes, aut magis aut minus accuratas postulabimus: nec semper in omni re probationes, mathematicis demonstrationibus similes requiremus, sed semper principia, cum re subiecta, societate quadam naturæ coniuncta esse debere intelligemus. Nam hominum imperitiam, qui omnibus in rebus pariter accuratas demonstrationes postulant, proficisci ab ignoratione Analytices, ipse Aristoteles 3. capit. libri quarti Metaphysic. ostendit, his uerbis, *ἡ ἀποδείξις ἢ ἀναλυτικὴ ὥς ἐστιν ἀπὸ τοῦ ἀποδείξαι*, hoc est, quia imperiti sunt analyticarum præceptionum, idcirco id faciunt. Continet igitur hæc scientia, omnem rationem tractandarum omnium scientiarum: continet rationem bene docendi, & discendi quicquid sub scientiam cadere possit: continet illam quæ *παιδεία* ab Aristotele uocatur in principio libri de Partibus animalium: quæ nil est quàm eruditio & modus bene tractandæ ac distribuendæ scientiæ cuiusuis: ex qua *παιδαγωγία*, hoc est eruditi ac doctrina politi homines

ARGUMENTVM

appellantur, quorum munus est, ut ait illo loco Aristoteles, uia quadam & ratione posse citra ullum errorem discernere quid in quaque re bene, quid male dicatur. Huius *παιδείας* contrarium est *ἀπαιδεία*, quæ tam sæpe obiicitur ab Aristotele ueteribus philosophis tum in Physicis, tum in Metaphysicis, quæ profecto nil est quàm analytices ignorantio. Postremo hæc scientia est quam Aristoteles cap. 1. libri undecimi Metaphysicorum circa demonstrationem ac scientiam uersari, quasi circa proprium ac certum subiectum, dicit. Atque illa quidem de utilitate sufficient: nunc huius appellationis causam uideamus. Ac primum Analytice ab analysi appellatam esse nemo non uidet. significat autem analysis, in ea ex quibus quæque res constant dissolutionem. Quoniam igitur mathematicæ scientiæ ut sunt certissimæ, & maxime accuratæ, ita omnibus aliis quasi exemplar propositæ sunt, ut quàm maxime fieri potest, earum docendi ac probandi rationem sequantur: Continentur autem omnes mathematicæ hæc ratione docendi, ut propositis primum principiis quibusdam, tum deinde ad theorematum, ac problematum ueniant demonstrationes: atque ita rei cuiusque scientiam efficiant, si alia ex aliis persequendo, ac ueluti retexendo, ad prima principia perueniatur, quæ sunt in quaque scientia simplicissima. Quid autem est reuocare hoc modo unamquamque rem ad sua principia quàm dissoluere? Hac profecto ratione factum est, ut illa Mathematicorum docendi ratio, analysis merito appellaretur: nec modo Mathematicorum, sed etiam aliarum scientiarum, quæ (ut supra diximus) omnes quo ad eius fieri potest, mathematicarum perfectionem imitantur: ob idque eandem illam docendi rationem sequuntur. Quin etiam ipsæ artes & facultates quæ plurimum à ueris scientiis differunt, id docendi genus, quantum rerum in quibus uersantur, natura patitur, non omittunt: sed suas probationes, quandocunque aliquid docere probando uolunt, hoc modo conficiunt. Quo fit, ut quatenus cognitione quadam continentur, scientiæ nomine interdum appellentur. Vt enim

omnis

OPERIS.

omnis quæ ad docendum adhibetur, ex propriis quibusdam constans ratio (διδασκαλικὸν λόγον appellat Aristote. in libro de reprehensionibus Sophistarum) appellatur non incommode demonstratio: ita omnes artes & facultates, quatenus ueri cognitione aliqua continentur, eatenus scientiæ nō male uocantur. Non quòd ueræ illæ ac perfectæ sint scientiæ, quarum uis in sola rerū cognitione certa cernitur, sed quoniam in iis etiam est causarum quædam cognitio, per quas, licet nō omnino necessarias, quid tamen uerius sit in actione, aut effectione mens nostra intelligit. ob eam causam sæpe nomen *ἐπιστήμης*, id est scientiæ à Platone & Aristotele in iis appellandis usurpatur. Quia igitur hæc una est omnium scientiarum uia, quam in docendo ipsæ sequuntur, ut principia quædam initio proponantur, ex quibus omnium quæ in quacunque scientia traduntur, tum oriatur cognitio, cum ad illa initia reuocantur: nil est autē hæc docendi ratio quàm analysis: profecto non incommode illa ars quæ explicat omnium scientiarum docendi modum, Analytice appellata est. Analysin autem ex Aristot. 3. Ethic. cap. 3. hoc modo definire possumus, causarum ex causis continuatam eousque persequutionem, donec ad prima illius rei, de qua quæritur, principia perueniamus. Sed quoniam aliæ etiam docendi rationes non minus accommodatæ ad sciendum uidentur, quàm analysis, consilium Aristot. hoc loco nobis uidetur esse explicandum, cur hanc unam rationem potissimum secutus sit. Plato, quemadmodum ex multis eius locis intelligimus, duas maxime docendi rationes probauit, *διαίρεσις* & *συναγωγή*, id est diuisionē & compositionem. Appellatur autem compositio, multorum in unam aliquam ideam, ac rursus huius & aliarum generis eiusdem, in aliam communem ideam collectio, eousque continuata, dum ad summum aliquod, unumque genus perueniamus. Diuisio uero huic contraria, est distributio quæ ducto à summo aliquo primoque genere initio, eousque perducitur per omnia media genera, dum ad species ultimas perueniatur. Aristotelis uerò aliud

A R G V M E N T V M

fuit consilium: illam enim quã Plato uocat compositionem, uix ac ne uix quidem admisit in tractanda scientia. Ostendit enim Aristoteles statim initio primi de Partibus animalium hanc à rebus singulis ad uniuersas progressionem in docendū ineptam esse, ac inutilem: quandoquidem necesse sit eum qui hac uia persequetur rerum subiectarum proprietates, eadem sæpe repetere: quemadmodum illo loco exēplis apertissime demonstrat. Ergo in explicanda aliqua scientia, hanc rationē Aristot. non admisit, sed hætenus tantum utilem esse uoluit, ut ad inuentionem, itēque ad cognitionem principiorum ualeret, quemadmodum satis indicant uerba illius ultimo capite 2. lib. de Demōstratione. Alteram autem rationem, quã diuisionem appellari diximus, suam quidē habere utilitatem in tractandis scientiis existimauit Aristot. sed eam tamen ut minimam particulam Analytices cēseri debere ipse scribit, cap. 32. lib. 1. de Ratiocinationē. Quam uerò utilitatē habeat hæc diuidendi ratio, tum illo eodē cap. breuiter ostendit, tum uero amplissime sec. lib. de Demonstratione cap. 5. 14. & 16. Quanquam igitur sit utilis ad tradendas scientias ratio diuidendi, non putauit tamen Arist. tantū in ea esse momenti, ut hanc faceret unam quandam explicandæ scientiæ rationem, sed eam quasi particulam analyseos tractauit in Analytices. Quinetiam definiendi rationem, cui tantum non modo Plato, sed etiā ipse Aristot. tribuit, ut alterū hūc sciendi modum. 2. cap. primi de Demonstratione, itēque 3. cap. secundi libri, appellaret, ad Analysin ut partem quandam, reuocauit. Quanquam enim ex quatuor quæstionum generibus tres, an sit, quale sit, & quamobrem sit, demonstratione absoluantur, quæstio autem quid sit tantum definitione, ob idque sit ipsa per se quædam scientia, nosse quid res sit: non tamen id statim existimandum est, definiendi rationem non esse analytices partem. Est enim omnis definitio (ut inquit Aristotel.) cap. 7. primi de Demōstratione, & cap. 10. secundi) aut principium demonstrationis, aut ipsa hoc dempto. demōstratio, quòd paulo diuersus est uerborum in demōstratione quàm

in

in definitione cōtextus, aut demonstrationis cōclusio. Cum igitur omnis cuiusque modi definitio, ut illis uerbis indicat Aristotel. aliquo modo pertineat ad demonstrationem, subiectum autem analytices sit demonstratio: profecto negari non potest ad subiectum analytices, ideòq; ad ipsam analyticen pertinere definitionem. Vnam igitur Aristoteles existimauit esse uiam tradendarum omnium scientiarum a-
nalytin: in qua una omnes reliquæ rationes ab aliis in-
uentæ continentur: scientia autem quæ illius analyseos naturam, partes, ac proprietates explicat, Analytice uocatur. Neque enim mihi placet omnium quos adhuc uidi Aristotelis interpretum ratio, quam reddunt, cur analytica inscripserit libros illos quatuor, quorum duo sunt de syllogismo, & duo de demonstratione. In eam enim sententiam fere omnes Græci ueniunt, analytica appellata esse ab ea parte, in qua de analysi syllogismorū docet. Quod quàm uerum sit, ipsi uiderint: mihi certe non fit uerisimile à minima parte quæ in quatuor libris tractatur, librorū quatuor inscriptionem esse desumptam: maxime cum analysis syllogismorum illo loco tractetur ut una quædam proprietas ratiocinationis, inter alias, quas duobus libris de Syllogismo tractat. Adde quòd illi mihi non uidentur intellexisse, quatuor quidem librorum inscriptionem fuisse analytica, quemadmodum ex Aristotele intelligimus, citate sub hoc nomine tum priores, tum posteriores libros. Nam loquens Aristoteles de aliqua re quæ in libris de Syllogismo à se tractata sit, quàm sæpe analytica citat? ut capite primo secundi de Interpretatione, item 4. & 5. cap. octauī libri Topicorum, item primo Rhetoricorū & secūdo, multis in locis. Et cum loquitur de aliquo à se explicato in libris de Demōstratione, nunquid sub hac eadem inscriptione sæpe citat? ut 6. & hic cap. 3. duobus in locis. item 7. Metaphysico. cap. 12. item 2. cap. de Reprehensionibus sophistarū, quo sane in loco aperte indicat horū quatuor librorum inscriptionem fuisse analytica. Mihi, inquam, hoc uidentur nostri interpretes ignorasse, hanc fuisse communem

ARGVMENTVM

horum quatuor librorum inscriptionē, ἀναλυτικά: propriam
 autem Priorum inscriptionem fuisse, de Syllogismo, Poste-
 riorum de demonstratione. Quod ne fingere uideamur, Ga-
 lenum testem laudabimus. Scribit enim in libello quodam
 ubi libros suos enumerat, de suis in libros Aristotelis de Syl-
 logismo, commentariis, in hanc fere sententiam: Inscribebunt
 autem illos libros hoc tempore fere omnes ἀναλυτικῶν περὶ
 τῶν, sicut eos qui de demonstratione sunt, ἀναλυτικῶν περὶ
 τῶν: ipse autem Aristoteles illorum, sub inscriptione de Syl-
 logismo, horum, sub inscriptione de demonstratione, me-
 minit. Item in libro quarto de differentiis pulsuum, ad finem,
 scribit iis uerbis. Sed iam libros etiam de definitionibus duos
 conscripsi, tertium & quartum commentarium in secun-
 dum librum Aristotelis de demonstratione, cui libro titu-
 lum multi indiderunt, ἀναλυτικῶν περὶ τῶν, sicut & libris de
 Syllogismo, ἀναλυτικῶν περὶ τῶν. Ex iis opinor Galeni uer-
 bis satis perspicuum est, ueram inscriptionē priorum libro-
 rum esse de Syllogismo, posteriorum de Demonstratione:
 fuisse autem mutatam sua fere etate inscriptionē, in eam quę
 etiamnum extat in omnibus libris: nisi quodd in noua inscrip-
 tione librorum de Demonstratione, ubi erat περὶ τῶν, scrip-
 tum est ὑστέρων: quę licet idem ualeant, illud tamen non est
 cognitu indignum, ueterem titulum post Galeni tempora,
 fuisse ἀναλυτικῶν περὶ τῶν, nō autem ἀναλυτικῶν ὑστέρων. Sem-
 per enim Galenus sub titulo ἀναλυτικῶν περὶ τῶν citat, nun-
 quam ἀναλυτικῶν ὑστέρων, ut ex duobus illis locis paulo ante
 citatis apparet: itēque ex libro quarto de Differentiis pul-
 suum non longe ab initio, & ex libro secūdo de Placitis Hip-
 pocratis & Platonis. Quę causa est, ut ueterem secuti inscrip-
 tionem appellauerimus hunc librum de Demonstratione,
 siue de secunda parte ἀναλυτικῶν. Sed quoniam hæc aliquāto
 longius progressa sunt, redeamus unde diuertimus. Si igitur
 est uera Priorum inscriptio, de Ratiocinatione: Posteriorū,
 de Demonstratione, quemadmodum ostendimus, ridicula
 hæc profecto causa est, cur quatuor simul libri Analytica in-
 scripti


scripti sint, quòd uno quodā in loco, de analysi syllogismo-
rum agatur. Scio adduci rationes quasdam, cur licet uno tā-
tum loco de analysi agatur, analytica tamen potius quàm
systatica, hoc est quasi compositoria appellētur. Sed mihi il-
læ non satisfaciunt: nec cuiquam puto placerent, accurate il-
la exquirēti. Itaq; eas ego suis authoribus relinquo. Aliorum
fuit alia sentētia, ob id scilicet appellata fuisse analytica, quòd
eam docendi rationem quæ analysis uocatur, in explicando
syllogismo & demonstratione secutus sit Aristot. Quod quā-
quam uerum sit, non tamen hanc inscriptionis rationem exi-
stimo. Ego enim eos rogarem cur illos potius libros, quàm
alios quosuis, analytica inscripserit Aristot. Siquidem id per-
spicuum sit, omnibus fere suis libris hanc secutum fuisse do-
cendi rationem, nisi si quis se uelit fateri doctrinæ Aristot.
plane ignarum. Ergo reiectis aliorum sentētiis in nostra ma-
neamus, analytica ob id inscribi, quòd iis quatuor libris ex-
plicatur uniuersa illa tradendarum scientiarum omnium ra-
tio, quæ Analysis appellatur, quam uiam & probauit Aristo-
teles, & in omnibus suis libris, quàm maxime fieri potuit, se-
cutus est. Postquam igitur superioribus duobus libris quæ
est prior pars analytices, syllogismi naturam uniuersam, par-
tes & proprietates exposuit, nunc aggreditur ad explicatio-
nem demonstrationis, quæ duobus etiam libris comprehen-
sa est. Ac primo quidem libro, primum quædam ueluti prin-
cipia, ad eorum quæ postea sequuntur demonstrationem ne-
cessaria, ponit, simul naturam demonstrationis, definitione
explicans: id quod ad quartum usq; caput facit. Illo loco in-
cipit partes ac proprietates demonstrationis exquirere. Ac
proprietates quidem sunt, constare ex necessariis, constare ex
iis quæ per se insunt, ex æternis, ex iis quæ propria sunt illius
rei quæ demonstratur: Item in prima figura maxime conclu-
di: item contrariam habere ignorationem: item certo rerum
numero non infinito contineri, & huius generis multa, quæ
illo libro docentur. Partes autem explicantur, cū aliam quòd
res sit, aliam cur ita sit, probare ostendit: item cum aliam uni-

A R G V M E N T V M

uerſam, aliam de parte, unam affirmantem, alteram negan-
tem, denique unam directo, alteram per incommoda rem de
qua quaeritur confirmantem, facit. Vbi ſimul partes explican-
do, partium explicat aut potius demonſtrat proprietates.
Nam comparatio partium inter ſe, quòd una ſit melior, alte-
ra deterior, & cur ita ſit, quid eſt quàm rei proprietas? Atque
in iis fere liber primus continetur. In ſecundo autem nil fere
tractatur quàm de definitione, id quod eo (mea quidem ſen-
tentia) factum eſt, quod ſecundo cap. primi libri dixerat, ex-
quiſitum ſe poſtea an eſſet alius ſciendi modus, quàm per
demonſtrationem. Vt igitur alterum illum ſciendi modum
exquireret Ariſtotel. quia uidebat id dubium eſſe, an eſſet:
propterea an quid eſt, poſſit demonſtratione probari, primū
exquirat. Nam ſi, quid res ſit, non demonſtretur, ſciatur au-
tem per definitionem quid res ſit: proſecto dubitari iam non
poſteſt, quin aliud ſit per definitionem ſcire, aliud per demon-
ſtrationem. Priuſquam autem ueniat ad illam quaſtionem,
an quid eſt demonſtrari poſſit, ſtatim initio quatuor quaſtio-
num genera ponit, ut ex quatuor quaſtionum generibus,
quibus omnia quæ ſub ſcientiam cadunt continentur, intel-
ligeremus tria per demonſtrationem cognosci, quaſtionem
autem quid eſt relinqueret, de qua quaereret, an etiam de-
monſtratione cognosceretur. Et quoniam per definitionem
ſciri quid eſt, non per demonſtrationem, ex longa utranque
in partem diſputatione relinquitur, rationem definiendi uni-
uerſam, abſoluta illa diſputatione exquirat. Quanquam au-
tem ille per definitionem ſciendi modus, diuerſus eſt reuera
à ſcientia quæ per demonſtrationem acquiritur, eſt tamen
ita affectus ad demonſtrationem, quemadmodum ſupra oſ-
tendimus, ut pars quædam ſcientiæ demonſtratiuæ, non im-
merito cenſeatur: uel hoc nomine, quòd, licet demonſtratio-
ne non probentur definitiones, in demonſtratione tamen,
ac per affectionem quam habent ad demonſtrationem, fere
omnes cognoscuntur, ac per demonſtrationem (ut oſtendit
Ariſtoteles) illuſtrantur, maximè que illæ quas Ariſtoteles

OPERIS.

λόγους ἀλλ' ὅτι δὴ λήγεται, appellat, hoc est definitiones causam cur res sit explanātes, quæ ut solæ sunt perfectissimæ, ita non sine ratione Galenus eas solas ὑπόθεσις appellandas esse existimat. Quia igitur non parum momenti est in definitione, sed ille etiam est unus quidam per se sciendi modus, propterea amplissime de ea agendum fuit. Sed etiam quia ad demonstratiuam scientiam pertinet, ob id in iis libris ubi de demonstratione agitur, fuit tractanda. id quod Aristot. fecit. Postquam autem uniuersam illam disputationem de definitione absoluit, ad extremum communes uniuersæ scientiæ demonstratiuæ quæstiones proponuntur & dissoluuntur: de utilitate diuisionis ad cognoscendas rerum de quibus quæritur, causas: & quæ sint eadem, quæque diuersa problemata: & an reciprocentur semper causæ cum effectis: denique principiorum scientiæ demonstratiuæ, quæ & qualis sit cognitio.




I

ARISTOTELIS DE DEMONSTRATIONE SIVE

de secunda parte ἀποδεικτικῶν

LIBER PRIMVS.

 MNIS doctrina, omnisq; disciplina, quæ Cap. I
ratione & intelligentia perficitur, ex an-
tecedente constat cognitione. Id quod per-
spiciū erit, si singulas persequamur disci-
plinas. Primum enim mathematica scien-
tia, atque adeo ceteræ omnes artes, hac ratione continētur:
Deinde & dialectici, hoc modo aut ratiocinatione, aut in-
ductione, differūt. Vtraque enim argumētatione, ex iis quæ
ante cognita sunt, id quod quæritur, docetur. Illa quidē, ac-
ceptis quibusdā quasi perceptis, & cognitis ab iis quibuscū
disputatur. Hac uerò, ob id quòd res uniuersa efficitur per
singularia, quæ sunt unicuique manifesta. Postremo & ora-
tores hanc in probādo rationē sequuntur: Aut enim exēplis,
quæ inductiones: aut enthymematibus, quæ ratiocinatio-
nes sunt, probāt. Prænotionū autē duo sunt genera. Quædā
enim sunt, in quibus necesse est quòd sunt ante cognoscere:
Alia in quibus uis uerbi, ac significatio intelligēda est: In a-
liis quibusdā utrunque. Veluti illud, in quacūque re uera est
affirmatio aut negatio, quòd sit, intelligendū est. Trianguli
autē hanc esse significationē, nosse satis est. Vnitatis autē &
significatio intelligēda est, & quòd ipsa sit, statim initio ac-
cipiendū. Neque enim eodem modo unūquodque horū no-
bis cognitū, ac perspectū est. Sunt autem eorū quæ cognos-

cuntur, quædā quæ ob id postea à nobis cognoscuntur, quoniā antecessit aliarum rerū cognitio. Alia uerò sunt, quorū simul cū altero acquiritur cognitio: Cuius generis sunt singula partes, quæ sub uno genere uniuerso, quod tibi cognitum sit, cōprehenduntur. Nā quod omne triangulū tres habeat angulos pares duobus rectis, prænoueras: quod uerò etiam illud quod in semicirculo descriptū est, tale sit, statim ubi animū aduertisti ad illud, agnouisti: sūt igitur res quædā quæ hoc modo in aliis cognoscuntur, nec medio adhibito, extrema intelliguntur. Cuiusmodi sunt omnis generis uniuersi singula partes, omniāque quæ de nullo subiecto dicuntur. Ac fatendū est quidem priusquā aut inductione, aut ratiocinatione illa concludamus, modo quodā illa iā sciri, & modo quodā alio nesciri. Nā quod omnino nescit quisquam an sit, quomodo illud tres habere angulos pares duobus rectis, plane scire poterit? Attamen illud perspicuū est, quod ea ex parte id scit quæ in toto genere illud cognitū, ac perspectum habet: per se autē, ac distinctè adhuc nescit. Alioqui in laqueos illius quæstionis, quæ est apud Platonē in Menone, incidemus, ut aut omnino nihil discamus, aut id quod iam ante sciebamus. Neque enim cum iis consentio, qui hoc modo soluere ista conantur. Scisne omnem binarium parem esse? illo autem se scire dicente, tum proferebatur binarius aliquis, quem ille ne esse quidem suspicabatur, ob idque nec parem esse sciebat. Ita enim dissoluunt, ut se dicant nescire quidē omnem binarium esse parem, sed omnem quem sciebant esse binarium. Atqui id dubium nō est, quin id sciant quod demōstratione conclusum est, & eo modo quō iis probatum est. Probatū autem eis est non de omni triāgulo aut

numero

numero quem esse scirent, sed omnino ac simpliciter de omni triângulo, aut numero. Nam nec sumptionū ulla in demonstracione cum hac adiectione sumitur, quem scis esse numerū: aut, quod scis esse euthygrāum, id est quasi rectilineū, sed simpliciter in omni accipitur. Nihil igitur mea sententiā uetat quominus quod discas partim scias, partim nescias: neque enim incommodum est id nos aliquo modo scire quod discimus: sed nos hoc modo scire, hoc est qua ratione et quomodo discimus, id iam scire, id uerò est incommodum.

PLANE autē ac perfecte rē scire quisque censetur, ac Cap. 2
non sophistarum modo (qui incertis ac fortuitis cōtinetur) quando causam, per quam res est, ita ipsius rei causam esse cognoscit, ut non posse omnino rem aliter habere credat. Nam quòd rem scire, sit tale quidpiam quale dicimus, hoc argumēto perspicui potest: quòd omnes qui aut reuera sciūt, aut se scire putant, ob id aut sciunt, aut scire se existimant, quòd rem ita se habere uti diximus, aut re uera, aut sua opinione cognoscunt. Itaque res quæ sub scientiam cadit, ita est certa, ut omnino aliter esse nō possit. Ac sitne aliud quidem genus sciendi, postea dicemus: illud nunc certum est, sci re illum, qui per demonstrationem rem cognouerit. Demonstrationem autem in uoco, ratiocinationem quæ scientiam gignere ob id dicitur, quòd illa animo cōprehensa statim rem scimus. Si igitur id est scire quod diximus, necesse est demonstratiuam scientiam ex iis sumptionibus constare, quæ & ueræ sint, & primæ, & (ut sic dicā) immediatæ, & notiores, & priores, denique & causæ cōclusionis: nam si hæc sint omnia, fiet ut accommodata sint ad id, quod demonstratur, principia. Quanquam enim possit esse ratiocinatio, ut

simul hæc nō sint omnia, in demonstratione tamen sunt necessaria: alioqui ut rem sciamus nunquam efficiet. Ac ueras quidē esse propositiones propterea oportet, quoniam id scire nō possumus, quod aliter habet atque putamus: ueluti quod diagonus quadrati, cū aliquo ex lateribus cōuenire possit, cadere sub scientiā non potest. Primas uerò, ac in demonstrabiles easdem illas esse oportet, quoniā ne illas quidē perspectas & cognitās habere sine demonstratione possemus, si etiam illa demonstratione probari possent. Nam ea quæ demonstratione concludi possunt, tum demum certe, ac nō fortuito sciuntur, cum est animo comprehensa eorum demonstratio. Sed etiā ut causæ sint conclusionis & notiores prioresque, necesse est. Nam tum demum rem scimus, cum causam cognoscimus. Atqui si causæ sint, necessariò efficitur, ut priores sint & notiores: ac notiores quidem, non hoc tantum modo, ut uerborum uis ac significatio intelligatur: sed etiam ut quod ita res habeat, cognoscamus. Dicuntur autem priora, & notiora duobus modis. Vt enim sunt alia quæ sunt naturæ ordine priora, alia quæ nobis: ita plurimū inter se differunt, quæ omnino ac per se notiora, & quæ nobis magis nota sunt. Ac nobis quidem illa priora & notiora appello, quæ nostris sensibus magis obiecta sunt. Omnino autem ac per se, ea quæ sunt ab uis remotiora. Huius generis sunt res uniuersæ: illius res singulæ, quæ inter se res contrariæ sunt. Quod autem supra diximus, ex primis constare demonstrationem: id ita accipiendum est, ut ex propriis principiis constare eam intelligamus. Prima enim & principia pro eodē sumo. Est autem principium demonstrationis, propositio, quæ ob id immediata dicitur, quoniam nulla

est

est alia prior per quam ipsa confirmari possit. Propositio est enunciationis pars altera, in qua unum de uno enunciat. Ac dialectica quidem propositio est, utrauis sine ullo discrimine pars contradictionis, ad probandum aliquid sumpta. Demonstratiua autem, altera tantum, atque ea demum quae est uera. Enunciatio est omnis contradictionis pars utrauis. Contradictio autem est contrariorum illa oppositio, in qua nihil quod uere medium sit, reperiri potest. Huius pars una affirmatio est, in qua unum alteri attribuitur. Altera negatio, in qua unum alteri detrahitur. Principia immediata quae in demonstrationibus accipiuntur, in duo genera distribui possunt. Vnum eorum quae quanquam demonstrari non possint, non tamen ita aperta & per se manifesta sunt, ut necesse sit iam ante cognita esse ei qui artem aliquam discere uelit: quas nos positiones appellamus. Altero genere continentur ea, quae ita sunt per se ipsa perspicua, ut non possint non esse omnibus multo ante cognita, ac perspecta, quam quicquam doceantur: quae pronuntiata dicuntur. Nam cum huius generis res quaedam sint, tum uero in illis appellandis hoc nomine pronuntiatorum uti solemus. Sed & positiones rursus in duo genera diuiduntur: in hypothesas quas suppositiones appellemus, & in definitiones. Ac suppositiones quidem sunt, cum alterutra pars enunciationis, ueluti aut esse aliquid, aut non esse sumitur. Definitiones uero sunt, in quibus neutrum accipitur. Quanquam enim definitiones sunt positiones (id enim ab Arithmetici initio poni solet, unitatem, uerbi gratia, id esse quod per quantitatem diuidi non potest) suppositiones tamen esse non possunt. Neque enim idem est quid sit unitas accipere, & esse in rerum natura unitatem ponere.

Quoniam autem ob id certò rem scimus, ac credimus, quia perceptâ animo habemus ratiocinationem illam, quæ demonstratio à nobis paulo ante dicta est: omnis autem ratiocinationis uis posita est in iis ex quibus cõstat sumptionibus: illud certè necessario efficitur, huiusmodi principia, aut omnia, aut aliqua, non modo esse ante cognoscẽda, sed etiam multo magis, quàm ea quæ ex iis concluduntur, scienda. Sēper enim id magis tale est, quod causa est ut tale sit alterũ: Veluti, is nobis semper charior est, cuius causa alterũ amamus. Si igitur hoc principia efficiunt, ut & sciamus, & quin ita res habeat non dubitemus, illa necesse est multo à nobis melius intelligi, quàm quæ per ipsa cõcluduntur. Atqui nemo aliis rebus maiore fidem habet, quàm iis quæ certò scit: si illas aut per demonstrationem, aut certiore aliqua ratione non sciat. Quod tamen fatendum erit, si ea non sunt nobis ante cognita, quæ faciunt nobis fidem rei quæ demonstratione cõcluditur. Plane enim necesse est credibilia esse principia aut omnia, aut quædã, ipsa cõclusionē. Qui igitur per demonstrationem alicuius rei scientiam consecutus est, cum necesse est non modo magis nosse principia, eisquæ maiorem fidem habere, quàm rei quæ demonstratur: sed etiam omnino illi nil debet esse credibilius principijs: atque adeo nil certius scire debet, quàm horum principiorum contraria, talia esse, ut si quid ex iis concludatur, summam inscientiam, atque ignorance[m] rei efficiat. Alioqui id uere dicere non poterimus, Sciẽtem hominem ita esse immutabilem, ut omnino labi, atque errare non possit.

Cap. 3 SED quoniã principia ante sunt scienda, quàm id quod concluditur, ob id quibusdam uisum est, nullã omnino posse esse

esse scientiam. Aliorum contraria fuit sententia, omnium rerum esse demonstrationem. Sed neque hi, neque illi uerum dicunt, neque id necessario efficiunt quod uolunt. Primum enim qui omnem scientiam à medio tollunt, ex eo nil non posse scire confirmant, quòd in infinitum regrediendum sit: semper autem, ut sciamus posteriora, necesse est ut priora cognoscantur, quorum sunt aliqua tandem prima. Ac illi quidem hactenus bene dicunt: infinita enim animo percurrere non possumus. Quòd uero in infinitum sit regrediendum, sic confirmant: quoniam si exitus tandem aliquis reperiatur, ac principia quadam dari possint, in quibus mens tandem consistat, illa necesse erit nobis esse incognita, quandoquidem illorum sententia, omnis cognitio, ac scientia, per demonstrationem acquiritur, illa autem si prima sint, demonstrari non possunt. At uero si principia sciri non possint, ne illa quidem quae ex iis consiciuntur, plane & absolute intelligi poterunt, sed tantum quasi ex conditione, si illa sunt, ista esse scientur quae per illa probantur. Alij autem in hoc quidem cum superioribus consentiunt, quòd non aliam putant esse scientiam, quam quae per demonstrationem comparatur: sed fieri posse ut omnium rerum sint demonstrationes, ipsi existimant: quando id fieri possit ut omnes res uicissim per se mutuò probentur, ac uelut in orbem redeant omnes omnium rerum demonstrationes. At uero nostra longe alia est sententia. Primum enim non omnem scientiam demonstratiuam esse, sed principia quia immediata sunt, sine ulla demonstratione sciri posse existimamus. Id quod hac ratione perspicui potest. Nam si necesse sit scire ea quae antecedunt, & ex quibus demonstratio constat, reperiamus autem aliqua tandem immediata, in quibus sit nobis

consistendum: illa certe necesse erit sine ulla demonstratione
 cognosci. Itaque de hac re sic censeo, aliquam esse non modo
 scientiam, sed & principium quoddam scientiæ, quo nos ex-
 trema ipsa cognoscamus. Deinde uero illud fieri non posse
 putamus, ut bene ac perfecte res demonstrantur, si uicissim
 ita in orbem probentur. Ex prioribus enim & notioribus cõ-
 stat omnis demonstratio: fieri autem non potest, ut res eadẽ,
 una eadẽq; re prior sit & posterior: nisi forte id alio atq;
 alio modo intelligatur: ueluti si uno modo quæ simpliciter
 & naturæ ordine priora sũt acciperẽtur, altero autẽ, quæ
 nobis: quod posterius genus accommodatũ est inductionibus:
 quæ ex iis quæ hoc modo sunt priora, rem de qua queritur
 faciunt manifestam. Quod si ita res habet, alterum horum
 dicendũ est aut propterea non recte à nobis supra definitũ
 esse, quid sit plane ac perfecte rem scire, quia huius duo ge-
 nera non fecimus: aut pro demonstrationibus accuratis eas
 non esse habendas, quæ ex notioribus nobis constituuntur. Iam
 uero illos qui ita sentiunt, in orbem res bene demonstrari, nõ
 modo illo quod nũc diximus incommodo urgere possumus,
 sed hoc etiam, quod qui ita probant, nil aliud dicant, quàm
 id quod ridiculum est, si res aliqua sit, illam ipsam esse: quo
 certe modo facile erit omnia demonstrare. Illud autem sequi
 incommodum, quod dico, perspicuum erit, si tria extrema ac-
 cipiamus. Nã id nil interest an multis, an paucis interposi-
 tis, retro cõmeẽt probationes: modo ne in paucioribus quàm
 duobus, mutuam illam ac reciprocam demonstrandi rationẽ
 fieri intelligamus. Quãdo igitur si sit A, necessario est B. &
 si B sit, necessario est C. id etiam ad extremum concluditur,
 si A sit C esse. Itaque si A posito sequitur B. & contra ex
 ante-

antecedente B, consequitur A, cuius generis erat reciproca demonstratio: loco consequentis A sumamus C, tum profectò ex B antecedente A concludere, idem erit ac si ex eodem ipso B concluderes C. Atqui ex antecedente A conficere C, nil erat aliud quàm ipsum A ex se ipso efficere. Illud igitur aduersus illos qui hoc genus probandi reciprocum induxerunt, recte effectum est, nil hoc cum dicunt aliud eos dicere, quàm huiusmodi conclusionē ualere, si A est, A est. quo profectò modo facile erit omnia demonstrare. Præterea reciprocum hoc genus probandi, in iis tantum uerbis locum habere potest, quæ uicissim retro commeant, cuiusmodi sunt propria. Atqui uno posito simplici uerbo, aut una propositione, iā antea demonstratū est nil necessariò concludi posse, sed minimū duas primū accipi sumptiones oportere, ut ratiocinatione aliquid cōcludatur. Si igitur medium uerbum A sit consequens extremorū B C, atq; ista extrema inter se reciprocetur, etiā necesse erit ut uicissim retro cōmeent cum A medio. Ac fieri quidē posse ut quæ uicissim hoc modo retro cōmeant, in prima figura concludantur omnia, iam ante à nobis demonstratum est in libris de Ratiocinatione: Sed etiā illud simul probatū est, in aliis figuris aut omnino hoc genus conclusionū locum non habere, aut ex iis quæ sumpta sunt, rem non posse concludi. Omnino autē in iis uerbis quæ non reciprocantur, huiusmodi in orbem reciproca demonstratio fieri non potest. Quare si in demonstrationibus pauca sunt huius generis uerba, quemadmodum pauca esse certum est, illud certe perspicuum est, ridiculum esse, uel potius omnino fieri nō posse, ut propterea omnium rerum sint demonstrationes, quoniam uicissim in orbem res concludi possint.

QVONIAM autem id quod certò scimus, non potest se aliter habere, illud profectò sequitur, rem esse necessariā, quæ sub scientiam cadit demonstratiuā. At qui scientia demonstratiua est, quam iam habemus, cū mente percepimus alicuius rei demonstrationem. Quare demonstratio erit ratiocinatio quæ ex necessariis cōstat. Dicendū igitur quæ & quales sunt res illæ ex quibus demonstrationes conficiuntur. Ac primum explicandum, quid est quod in omni inesse dicimus: tum quæ sint ea quæ per se conueniunt. Postremo, quid est, in uniuerso genere spectari. In omni id dicitur quod ita in alterum cadit, ut nec sub illo genere partē nullam accipere possis cui non conueniat: nec ullū tempus inuenire, in quo de illo nō dicatur. Vt si in omni homine dicitur animal, necesse est ut quacunque in re uere enunciabitur homo, etiā animal enuncietur: & quocūque tempore illud uerum erit, & hoc uerum esse. Item si in omnem lineam cadit punctū, idem illud quod in superiori exemplo dicendum. Quod uero id sit in omni inesse quod dixi, argumento est, quòd omnes qui rogati fuerint, nunquid in omni quippiam insit, ita occurrere interrogationi solent, ut aut aliquid subiiciant cui illud non insit, aut certo quodam tempore non conuenire ostendant. Per se autem illa primū conueniunt, quæ in explicanda rei natura atq; essentia adhibentur. Vt triangulo per se inest linea, linea punctum. Nam & in natura triāguli, & linea, hæc insunt: & in definitione, qua declaratur quid illa sint, ponuntur. Deinde illa etiam per se insunt, quæcunq; rē aliquam ita consequuntur, ut cum quid illa sunt definitione explicatur, necesse sit rē ipsam in definitione accipi: quomodo linea conueniunt rectum & circūductū: & numero par & impar,

impar, item primū & compositū, deniq; quod paribus constat lateribus, & quod productioribus altera ex parte oris constat. Nam si ista uelis quid sint definitione declarare, in his quidē numerum, in illis autē lineā necesse erit adhibere. Atq; ut omnia similia semel cōplectar, Ea omnia per se inesse dicēda sunt, quacunque aut hoc posteriore modo, aut illo priore, alteri conueniunt: quæ uerò neutro modo insunt, accidentia appellabuntur. Cuiusmodi sunt album & musicū, quæ animalis sunt accidentia. Est uero & alia significatio huius uerbi, cum ea per se esse dicuntur, quæ cum appellatur, in nullo subiecto esse intelliguntur. Nam cum ambulare dicimus, aliud quiddā intelligamus oportet, in quo illud ipsum ambulare insit: & cum album appellamus, aliud quoddam esse oportet quod album sit: Substantia autē, & omnia quæ hoc aliquid significāt, aliud nihil sunt, quàm id ipsum quod sunt. Quapropter quæ in nullo subiecto insunt, ea per se esse dico: quæ uerò in subiecto insunt, ea accidentia appello. Est etiam aliud quoddam genus, quo ea per se esse dicuntur, quæ suapte natura ac propter se alteri cōueniunt: quæ uerò non propter se conueniunt, accidentia dicuntur. Ut si ambulante aliquo fulserit, accidens est: propterea quòd fulguris causa non est ambulatio, sed ita forte accidisse dicimus. Quæ uero propter se cum altero sunt coniuncta, ea per se sunt. Veluti ut quis iugulatus intereat, id per se fieri dicimus, quando interitus causa est ipsa iugulatio, neque id forte ita contigisse dicimus, sed quia iugulatus erat, ob id mortem obiisse. Itaque in iis rebus, quæ sub certam ac perfectam scientiam cadūt, omnia illa quæ duobus illis prioribus modis per se inesse dicuntur, aut quoniam insunt in at-

tributorum definitionibus subiecta, aut contrà in subiecto-
 rum, attributa: omnia inquam illa necesse est cum propter
 se, ac uisua conuenire, tum uerò necessariò iis inesse quibus
 attribuuntur. Neque enim potest aliter esse, quin aut ipsa (si
 nil habent contrarium) conueniant, aut, in quibus contra-
 ria reperiuntur, ex ipsis alterum insit. Vt linea necesse est
 aut rectū, aut inflexum inesse: numero, aut par aut impar.
 Nā si omne quod alteri aduersatur, est quasi alterius priua-
 tio aut negatio, ad idem genus pertinens: Vt par nil est
 quàm quod in genere numerorum non est impar: necesse
 autem est in omni re aut affirmationem, aut negationē di-
 ci: illud profectò consequens est, ea quæ per se insunt, neces-
 sario iis conuenire quibus attribuuntur. Atq; hæc de iis quæ
 in omni, & de iis quæ per se dicuntur, sufficiant. Ad uniuersum
 autem genus ea pertinere dico, quæ & in omni insunt,
 & per se rei conueniunt, & hoc ipso quòd res talis est. Ex
 quo perspicuū est, ea quæ in uniuerso genere cernuntur, ne-
 cessario iis conuenire, quibus attribuuntur. Per se autem, &
 hoc ipso quòd tale est conuenire, idem significant. Vt per se
 inest linea puuctum, & rectum esse: ea uero etiam linea,
 quia linea est, conueniunt. Et triangulo, hoc ipso quòd trian-
 gulum est, cōuenit habere tres angulos pares duobus rectis,
 sed & per se triangulo illud ipsum conuenit. At uero uni-
 uersum genus ut demonstretur, necesse est non modo ut in
 ea re inesse demonstretur cui omni conuenire possit: sed etiā
 ut de eo concludatur, in quo primum omnium cernitur. Vt
 tres habere angulos pares duobus rectis, neq; in uniuersum
 genus figurarum cadit (etiā si figuram nō eam quidē
 quam uis, sed incerte figurā, probare possumus habere tres
 angu-

angulos pares duobus rectis) neque illud qui demonstratio-
ne concludunt, in quavis figura, sine ullo discrimine, id recte
conficere possunt: quadrangulum enim figura est, neque ta-
men tres habet angulos pares duobus rectis. Isosceles autem
habet quidem, quodcunque illud tandem sit, tres angulos
pares duobus rectis, sed non id primum est in quo illud cer-
nitur, cum ad triangulum id prius pertineat. Quicquid igitur
illud tandem sit, quod primum aut habere tres angulos
duobus rectis pares, aut aliud quidvis, demonstrabitur, id
erit in quo primum omnium genus uniuersum spectabitur.
Ac demonstratio quidem proprie ac per se erit, qua uniuersum
illud genus probabitur: in aliis autem omnibus, non proprie
ac per se, sed alio quodam non accurato genere demon-
strandi, illud idem concludetur. Quinetiam in Isoscele, si il-
lud demonstretur quod diximus, non ostendetur uniuersum
genus, cum id multò latius pateat quàm Isosceles.

ILLUD autem hoc loco ignorare non debemus, saepe id
usuuenire, ut in accipiendo genere uniuerso peccemus, pu-
tantes ipsum genus uniuersum, à nobis in eo esse probatum
in quo primo inest, cum reuera in eo subiecto primū nō cer-
natur. Oritur autem huiusmodi error, aut quando in uno
genere una est res singula, ob idq; superius ea aliquid acci-
pi non potest: Aut cū rebus singulis multis est una quidē com-
munis ratio, sed tamen nullum nomen impositum est, quo il-
lud genus appelletur, diuersis specie rebus conueniens: Aut
si res illa in qua inesse quippiam demonstratur, quasi pars
tantum eius sit, in quo primo inesse cōspicitur. In singulis e-
nim partibus ita demonstrari potest, ut etiam cōclusio sit de
toto genere affirmatio: Attamen nō erit ea generis uniuersi

ARIST. DE DEMONST.

de eo in quo primum inest demonstratio: quandoquidem eam demum demonstrationē genus uniuersum in quo primo inest, conclusisse puto, quæ in ea re subiecta probauit, in qua inest, hoc ipso quod talis est. Si quis igitur rectas lineas non posse concurrere ostendat, illa quidem uidebitur esse demonstratio, propterea quod in omnes rectas lineas id cadere potest, & tamen non est demonstratio. siquidem illud non conuenit lineis pari semper interuallo distantibus, quia sunt rectæ: sed id omnibus pariter distantibus, qualescunque illæ sint, conuenire posse cernitur. Et si nullum esset triangulum præter Isosceles, conuenire uiderentur trianguli proprietates Isosceli, quia Isosceles sit. Et proportio commutata inest in numeris, quia numeri sunt: & lineis, quia lineæ: & in solidis & temporibus, hoc ipso quod aut solida aut tempora sunt, cum ita demonstratur, quemadmodum aliquando separatim de iis singulis demonstratum est. Nihilominus tamen fieri potest, ut una demonstratione communi, illud ipsum de iis omnibus concludatur. Sed quoniam non est nomen impositum quo illud appellemus, in quo ista, numerus, linea, solidum, tempus conueniunt, communique una ratione continentur: & quoniam sunt hæ tres specie inter se differentes, idcirco singulatim illa accipiuntur. Atqui nunc demum quum natura communis accipitur, ipsum genus uniuersum demonstratur. Neque enim inest aut numeris aut lineis hoc ipso quod aut numeri, aut lineæ sunt, sed qua ratione, communi illa ratione participant. Quare si quis una aut altera demonstratione concludat, singulas trianguli species, ut Isopleuron, Scaleno, & Isosceles, habere tres angulos pares duobus rectis, is nondum nouerit (nisi quomodo cognoscere

scere solent sophista) triangulum habere tres angulos pares duobus rectis. Ac ne si præter illas quidem tres species nullus alius sit triagulus, ob id credendū est eum scire uniuersum genus trianguli. Neq; enim triagulū nouit hoc ipso quod triangulū est: neq; nouit omne triangulū, nisi secundū numerum: Secundū speciem autem, & quæ ratione unum quippiam est triangulum, non nouit: etiamsi ex singulis nulum sit quod nō cognoscat. Quod si id scire uelis, quando genus uniuersum non cognoscimus, & quādo generaliter atque absolutè rem aliquā intelligimus, id ego hunc in modum faciam manifestum. Nam si non alia uis, atque natura trianguli esset, quàm huius, aut illius isopleuri, aut uero omnium simul isopleurorum, semper in uniuerso genere rē intelligeremus. At si est huius atque illius diuersa ratio, insit autem aliquid triangulo hoc ipso quod triangulum est, nisi hoc modo sciamus, genus uniuersum non intelligemus. An autem insit aliquid triangulo quia triangulum est, an uerò isosceli quia est isosceles, deinde quando aliquid alteri primum conuenire dicendum sit, postremo quodnam illud tandem sit genus uniuersum, quod demonstratione concludendum est, una hac ratione cognoscemus, Quando tale erit aliquid, quod detractis aliis, in re aliqua inest, atq; adeo illi rei primum omnium conuenit. Veluti isosceli aneo triangulo conuenit habere tres angulos pares duobus rectis: sed etsi illa tollas, aneum, & isosceles, adhuc restat cui conueniet. At si aut figuram, aut quod extrema habet, tollas, nolum quidem erit, cui illud conuenire possit: sed tamen non sunt illa quibus primum sublati, hæc sublata est proprietas. Quo igitur primū sublato hoc esse desit? triangulo scilicet.

Quare & alius per hoc cōueniet: & in hoc solo erit uniuersi generis demonstratio.

cap. 6. ATQVI si demonstratiua scientia ex certis quibusdam ac necessariis initiis oriatur: omne enim quod sub scientiam cadit, non potest aliter habere: sunt autem ea quae per se rebus cōueniunt, necessaria, ex his enim alia in definitione rei subiecta adhibentur, aliorum autem natura, cum definitione explicanda est, adhibito ipso subiecto in quo insunt declaratur: in quo genere, semper alterum ex cōtrariis in re subiecta inesse necesse est: Ex iis illud perspicuum est, demonstrationem ex huiusmodi quae per se insunt, constare: Omne enim quod alteri conuenit, aut hoc modo, aut per accidens attribuitur. Constat autem accidentia non esse necessaria. Aut igitur ita certe statuendum est, aut uerò nobis hoc loco quasi principium quoddam accipiendum, Demonstratorem rem esse certissimam & necessariam, & si quid est quod demonstratione conclusum est, illud omnino non posse aliter se habere: Ex quo illud necessariò efficietur, eam ratiocinationē, quae huiusmodi res concluditur, esse ex necessariis summptionibus constituendam. Nam ex ueris quidem propositionibus alius concludit quàm demonstrator: ex necessariis uerò, quia id iam demonstrationis est proprium, non potest alius præter demonstratorem concludere. Quòd autem fiat ex necessariis demonstratio, hoc quasi signo intelligi potest: quòd cum uolumus occurrere & obsistere ei, qui se aliquid demonstratione probasse putat: hoc nos ferè modo obsistere solemus, ut nō esse id necessarium quod accipit dicamus, si aut reuera posse rem secus habere existimemus: aut uerisimiliter infirmari posse quod adfert, hoc modo putemus.

Qua-

Quapropter ridēdi sunt, qui se putāt accōmodata ad demōstrationem principia habere, cum probabiles ac ueras acceperint propositiones. Qualis est illa Sophistarum propositio, scire nihil est quā scientiam habere. Non enim quod probabile est, aut minus probabile, principium est: sed quod in eo genere, in quo demonstrationes uersantur, primū est: nec omne quod uerum est, unicuique rei demōstranda statim est accommodatum. Iam uerò quòd necessarias esse demōstrationis sumptiones oporteat, ita confirmari potest: Qui causam quamobrem res sit ignorat, is per demonstrationem nō est rei scientiam assecutus. Atqui si ita ponamus, esse conclusionem, Omne C est A, necessariam, medium autem B, per quod illud cōfirmatur, non necessarium: fieri non poterit ut quamobrem res sit intelligamus, quandoquidem talis cōclusionis, tale medium causa esse non possit. Potest enim euenire ut hoc non sit, cum interim necesse sit illam cōclusionem semper esse. Insuper si quis nunc rem aliquam nesciat, cum & res quam sciebat, eadem manet, & incolumis ipse est, & adhuc animo retinet probationem eandem quam prius, nec memoria aliquid, quod ad eam rem pertinet, excidit: si quis inquam, ita affectus, nesciat tamen: an non id certum est, ne prius quidem illa probatione rem scire potuisse? Atqui si medium non est necessarium, interire potest. Cum igitur nō erit medium, illud necessario eueniet quod dixi. ut incolumis ego, re nulla ex parte mutata, eandem animo retinens probationem, nesciam tamen. Quare illud necesse est, ut ne prius quidem sciuerim. Nam quòd fortasse non interit reuera medium, nil refert: id enim satis est quod possit: illud autem quod possibile ac contingens est, iam euenisse sine ul-

lo incommodo poni potest. Atqui fieri nō potest, ut rem sciamus, cum hoc modo affecti sumus. Ac si quidem necessaria est conclusio, non est necesse ut & medium ex quo efficitur illa conclusio, sit necessarium. Quemadmodum enim ex falsis uerum interdum concluditur, sic etiam ex non necessariis interdum conficitur necessarium. At si necessaria sunt sumptiones, & conclusionem esse necessariam oportet: sicuti ex ueris nil unquam nisi uerum efficitur. Veluti si necesse est omne B esse A, itēque omne C esse B, ex his efficitur, necessariū omne C esse A. At uerō si non est necessaria conclusio, fieri non potest ut medium sit necessarium. Sit enim hæc conclusio nō necessaria, Omne C est A, tum si medium ita accipiat, ut necesse sit omne B esse A, & omne C esse B, ex iis sumptionibus efficitur hæc cōclusio, omne C necessariū esse A, quam nos tamen posueramus esse non necessariam. Quoniam igitur quod per demonstrationem scimus, certum semper est ac necessarium, ex eo illud facili colligitur, medium demonstrationis necessarium etiam esse oportere: alioqui fatēdum erit nos non modo non posse, quamobrem res est, scire, sed nec quod res sit, posse certo cognoscere: Sed alterum semper horum usuuenire necesse est, ut aut falsam tantum habeamus scientiæ persuasionem, si id necessarium esse putemus, quod minime est necessarium: aut ne falsam quidem opinionem scientiæ habeamus. Atq; id dico pariter euenturū siue adhibeatur tale mediū ad probandū quod res sit, quasi per mediatas propositiones, siue ad ostendendum quamobrem res sit, quasi per sumptiones immediatas. Accidētia autem quæ non ita insunt per se, quemadmodum supra definiuimus, nō possunt sub scientiam demonstratiuam cadere, eo quod in iis conclusio

conclusio necessaria esse non potest. Nam quod accidens est, potest non inesse: ego enim sic accipio hoc loco nomen accidentis. At quæret fortasse quispiam, Quorsum igitur de his accidentibus fiunt interrogationes, nisi aliquid eadem necessario cõcludi potest? Nam quid refert qualia sint quæ interrogantur, ut ex illis aliquid necessario efficiatur? Dicendum igitur, non ob id illa interrogari, ut res ipsa quæ concluditur, necessaria per ea quæ interrogata sunt efficiatur: sed ut tantum, si illa posita sunt, hæc etiam necessario admittenda esse concludamus. & si uera sunt quæ antecedunt, uerã etiam esse consecutionem efficiamus.

SE D quoniã in unoquoq; genere ea necessario insunt, ^{Cap. 7} quæ per se alicui rei, & quia res huiusmodi est, conueniunt: perspicuum est non modo de iis fieri quæ per se sunt, sed etiã ex iis cõstare debere omnes demonstrationes quæ parere scientiam possunt. Accidentia enim non sunt necessaria: ob idq; ex iis quamobrem sit res, quæ cõcluditur, nõ possumus certo scire: nec si illa quidẽ accidentia semper sint, qualia ferẽ sunt ex quibus constant ratiocinationes, quæ ex propriis rerum notis ducuntur. Nam quod per se est, hoc modo, non per se sciet: quare nec quãobrem res sit intelliget. Porro scire quãobrem res est, nil est, quàm rei causam nosse. Quapropter necesse est ut & mediũ minori extremo propter se conueniat, & maius item extremũ medio. Ex quo illud efficitur, uiti- osum esse in demonstrando, ex uno genere in aliud migrare. Veluti si ex iis in quibus uersatur Geometria, aliquid probetur per ea quæ ad Arithmeticã pertinent. Tria enim sunt in quibus omnis continetur demonstratio. Prima est ea quæ demonstratione conficitur conclusio: cõclusionem autem in

intelligo, illud quod de certo quodā genere, per se enunciari o-
 stenditur. Sunt deinde & pronunciata ex quibus illud ip-
 sum colligitur. Tertium est ipsum genus subiectum, cuius af-
 fectiones, & quæ per se cōueniūt accidētia, demonstrātur.
 Ac diuersis quidem scientiis, eadem pronunciata interdum
 accōmodantur. Quando uerò subiectum est diuersum, quē-
 admodum Arithmetica & Geometria, tum semper est ui-
 uiosum, uelle arithmeticas demonstrationes accōmodare ad
 concludendas magnitudinis affectiones, nisi forte magnitu-
 dines, numeros quosdam esse putemus. Porro quemadmodū
 illud in quibusdam nō incommode fiat, paulò post dicemus:
 Nunc illud constat, Arithmetici demonstrationibus unum
 quoddam esse subiectum, circa quod omnes uersentur: id
 quod in aliis etiam sit scientiis. Itaque necesse est genus sub-
 iectum aut idem omnino esse, aut certè ex parte aliqua con-
 iunctum: ut, quæ demonstrationes unius loci propria sunt,
 accōmodate alium etiam in locum trāsferantur. Nā quòd,
 nisi horum alterum sit, fieri illud non possit, uel hac ratione
 intelligi potest: quòd necesse est ut & medium, & extrema,
 ad idem genus pertineant, quæ si non per se conueniunt, ac-
 cidentia esse fatendum est. Quare ad geometriam non per-
 tinet, ostendere, in rebus aduersis unam uersari scientiam:
 sed nec quod duo cubi unum cubum facere possunt: omninò-
 que quod unius scientiæ est, conuenire alteri non potest: nisi
 forte cum una sic erit ad alteram affecta, ut in una altera
 contineatur. quomodo ad geometriam optice, & ad arith-
 meticam musica affecta est. Imo uerò ne id quidem ad geo-
 metriam pertinet, quòd lineis nō conuenit, quia lineæ sunt:
 aut si quid aliud est, quod ex propriis suis principiis confir-
 mari

mari non potest: qualia sunt ista, quòd recta linea sit omnium pulcherrima: quòd circumducta linea aduersetur recta: neq; enim hac lineis conueniunt hoc ipso quòd proprio quodam genere continentur, sed qua ratione communi aliqua natura participant. Caterum si demonstrationis propositiones sint de toto genere, illud perspicuum est, oportere etiam ut conclusiones huiusmodi demonstrationis, imò uero (ut generaliter dicam) omnis demonstrationis, sint sempiternae: ob idque eorum quae fluxa & caduca sunt, nullam neque demonstrationem, neque scientiam, nisi forte incertam quandam & quasi fortuitam, esse posse: nam quae talia sunt, in omni dici non possunt, sed aut tempore modo aliquo insunt, aut quadam ex parte conueniunt: Cum uero est huius generis ipsa res quae concluditur, necesse est ut minimum altera sumptionum, & de toto genere nō sit, & caduca atque incerta sit. Ac illa quidem incerta mutabilisque futura est, eo quòd talis est conclusio: de toto autem genere non erit, quoniam necesse est ut quadam sint in quibus dicatur, quadam in quibus non dicatur. Quo fit ut de toto genere concludi non possit, sed hoc tantum effici potest, hoc uel illo tempore ita esse. Quod autem in demonstrationibus dixi, idem in definitionibus dico. Omnis enim definitio aut est demonstrationis principium, aut ipsa demonstratio, nisi quòd desideratur collocatio: aut demonstrationis est conclusio. Quanquam autem quadam sint, quae plerunque, statisque tantum fiunt temporibus (qualis est luna defectio) perspicuum tamen est, cum in iis uniuersum genus accipitur, non minus certas & perpetuas esse tū demonstrationes, tum scientias, quàm in aliis: Cum uero non semper esse conspi-

ciuntur, tum in parte accipi. Quod autem in defectione dico, idem in aliis eiusdem generis intellectum uolo. Sed quoniam id iam satis constat, nunquam apte aliquid demonstrari, nisi propria cuiusque rei adhibeantur principia: illud profecto non erit satis ad rem sciendam, quæ propter se alteri conuenit, adhibuisse in probanda ueras, in demonstrabiles, immediatasque propositiones. Illud enim euenire potest, ut cum tales erunt sumptiones, nihilominus tamē talis sit demonstratio, qualis erat Brysonis, quæ circuli quadrare conabatur, probatio. Nam sunt huiusmodi aliqua rationes, quæ communia quadam & alteri etiā non minus conuenientia, ad aliquid ostendendū accipiunt: ob idque ad res nullā omnino inter se societatem, naturamque coniunctionem habentes, accommodari posse tales rationes conspiciuntur. Quo fit ut ex illis nō possimus res per se, & quia huius generis est, scire: sed tantū per accidēs: alioqui non potuisset in aliud quoddā genus transferri. Hoc enim est, per se & nō per accidēs scire: quādo aliquid eo modo alteri cōuenire intelligimus, quo illi cōuenit, idque per principia quæ sunt illi, quia illud ipsum est, propria. Veluti habere tres angulos pares duobus rectis tū scimus, quando illud cui propter se cōuenit intelligimus, atque adeo per principia, quæ ad illā res proprie pertinet. Itaque si quid est quod per se alteri cōueniat, & quia est illud ipsum quod est: ad illud demonstrandū, necesse erit uerbū mediū accipere ex earū rerū genere quæ eandē habent cū illo natura societatem: aut certe quæ sic inter se affecta sint, quomodo arithmetica musica respicit. Quāquā enim in iis quæ ad hūc modū inter se affecta sunt, illā etiā in demonstrando rationē sequamur: illud tamē interest, quod alterius scientiæ est, quod res sit ostendere, eo quod

quòd est illius aliud quoddam subiectum: superioris autem scientiæ (ut quæ in iis rebus uersatur, quarum hæ sunt propria, ac per se affectiones) est, quamobrem res sit demonstrare. Quare & illud ex his perspicuum est, nil unquam bene ac perfecte demonstrari, nisi ex propriis principiis: sed tantum principia inferioris scientiæ, ad alia quæ aliquanto latius patent, pertinere. Atqui si illud certum est, & hoc quoque; minimo negotio perspicui potest, quòd cuiusque scientia principia propria, non possunt quasi ex aliis rursus principis demonstrari: Alioqui illa ex quibus hæc cõfirmabuntur, omnium rerum principia esse fatendum erit, & scientiam quæ in iis uersabitur, omnium esse certissimam, facileque inter omnes principatum obtinere. Quo enim quisque ex superioribus causis cognoscit, eo rem multo certius intelligit: siquidem ea semper priora sunt, quæ ita sunt causæ ut nullas præterea causas habeant quarum effecta sint. Itaque; si ut quisque ex prioribus cognoscit, certius cognoscit: is certe qui ex primis omnium rem nouerit, certissime nouerit. Et si est illa semper magis ac magis scientia, hæc omnium maxime scientia erit. Atqui non potest unius generis demonstratio in aliud genus transferri: nisi (quod paulo ante dictum est) perinde sint affecta, atque geometricæ demonstrationes ad optica, aut fabrica demonstrationes, & Arithmetica ad musicas.

DIFFICILE autẽ est internoscere quãdo rei scientiam Cap. 8
 affecuti sumus, & quando minime: eo quòd nõ est facile intelligere an cognoscamus per propria cuiusque rei principia, an secus: cum tamen illud demum sit rem scire. Sed nos id sæpe ad rem sciendam satis esse existimamus, si modo ex ueris ac primis quibusdã sumptionibus constet ratiocinatio:

ARIST. DE DEMONST.

cum tamen multo secus res habeat. Neceſſe enim eſt ut illa
 præterea, cum iis qua in eo genere prima ſunt, natura qua-
 dam coniunctione ſint conſociata. Ego uero propria cuiuſq;
 generis principia appello, qua quòd ſint, demõſtratione pro-
 bari non poſſunt. Nam qua ſit uerborũ uis, ac ſignificatio, tũ
 principiorum, cum eorum qua ex principiis efficiuntur, in-
 telligendum eſt. Quòd uero ipſa ſint principia, citra demon-
 ſtrationem ponitur: reliqua autem, demõſtratione conclu-
 duntur. Veluti quid unitas, item quid rectum & triangulũ
 ſignificent, ſtatim initio accipiendum eſt. Sed & unitatem
 & magnitudinem eſſe, initio ponendum eſt: reliqua autem,
 eſſe demõſtrantur. Sunt porro ex iis qua in demõſtrati-
 onis ſcientiis uſui eſſe poſſunt, alia ſingularum ſcientiarum
 propria, alia communia. appello autem hoc loco communia
 propter ſimilitudinem, per quam pari ratione multis conue-
 nire poſſe cernuntur: nam illa cum ad demõſtrandũ ad-
 hibentur, tum iam ad naturam ſubiectam traducta ſunt.
 Ac propria quidem ſunt, ueluti lineæ, aut recti definitio. Cõ-
 munia autem ſunt, ut illud uerbi gratia: Si ab æqualibus
 æqualia auferas, qua relinquentur erunt æqualia. quorum
 unumquodque, tum eſt ad demõſtrandum accommoda-
 tum, cum ad certum quoddam genus traducitur. Eandem
 enim uim ad concludendum aliquid habebunt, licet non ge-
 neraliter, ſed in magnitudinibus tantum accipiantur: aut
 uero ut Arithmetico conueniãt, in numeris. Ex iis uero qua
 ſunt propria cuiuſq; ſcientiæ, ea ſunt qua ſtatim initio eſ-
 ſe ponuntur, quorum in explicandis proprietatibus, ipſa to-
 ta ſcientia cernitur. Vt unitates eſſe Arithmetici, lineas &
 puncta, geometra, ſtatim initio conſtituunt. Nam hæc non
 modò

non modo quam uim habeant multo ante statuendum est, sed etiam in rerum esse natura pro certo accipiendum. Horum autem propriae affectiones ipsae quidem quid significet, statim initio explicatur, ueluti in Arithmetica, quid par appelletur aut impar, aut quadratū, aut cubus: in Geometria quid haec uerba significant, ratione carens, constractum esse, concurrere. At quod sint, subiectisque rebus conueniant, demonstratione ostenditur, adhibitis tum communibus pronuntiatis, tum demonstratis iam ante conclusionibus. Nec minus in astrologia idem illud fit, quam in geometria aut arithmetica. Omnis enim scientia demonstratiua, tribus quasi momentis continetur: Horum duo sunt, quae iam inde ab initio esse accipiuntur: Genus scilicet subiectum, cuius proprietates ipsa scientia exquirat & contemplatur: & communia, ut appellantur, pronuntiata, ex quibus primis demonstrationes conficiuntur. Tertium autem est, quo ipsae proprietates continentur: quarum uis & significatio à principio proponitur. Ac in quibusdam quidem scientiis non est uitiosum horum aliquid praetermittere: Veluti si apertum ac manifestum est genus ipsum subiectum esse, non erit opus ab initio eius facere mentionem, ut, quod ipsum in rerum natura sit, subiiciamus. Neque enim sunt omnia ex aequo manifesta: ut quod numerus sit, non tam clarum est quam quod calidum & frigidum. Item si significatio proprietatum ipsa per se intelligatur, illa à principio sine uitio praetermittetur. Nam ne communium quidem pronuntiatorum significatio explicatur, quando satis est per se manifesta: ut illud, uerbi gratia, quid significet aequalia ex aequalibus detrudere. Sunt tamen tria illa natura in omni scientia

*necessaria: res de qua aliquid concluditur, illud ipsum quod
 inesse alteri ostenditur, & ipsa principia ex quibus elicitur
 conclusio. Differunt autem plurimum suppositio, & postula-
 tum, ab iis principiis quae ipsa per se tantam habent fidem,
 ut sit necesse omnes iis assentire. Neque enim demonstratio, ut
 nec ipsa ratiocinatio, ad id pertinet quod uerbo aut affir-
 matur aut negatur, sed ab interiore sensu uim habet, eumq;
 semper respicit. Nam quid est quod uerbo labefactari resel-
 lique non queat? At si suam quisque mentem cōsulat, multa
 sunt quibus obsistere non possit. Est igitur eorū, quae demon-
 stratione quidem concludi possunt, attamen citra demon-
 strationem quasi certa accipiuntur, duplex causa. Nam aut
 sumuntur quae à discipulo approbantur, quod illa uera exi-
 stimeret: tūmq; suppositio est: non ea quidem quae simplici no-
 mine suppositio appellari possit, sed quae ex adiunctione ad
 docendum illum suppositio dicitur. Aut uero ea accipiun-
 tur, de quibus nihil certū habet quod sentiat discipulus, uel
 etiam contrā putat quā accipitur, tūque sit postulatū.
 Nam hoc inter postulatū & suppositionem interest. Nihil
 enim aliud est postulatū quā quod aut repugnat senten-
 tia eius qui docetur, aut, quū demonstratione confirmari pos-
 sit, citra ullam probationem accipitur. Definitiones igitur
 non sunt suppositiones: esse enim aut non esse quippiam non
 significant, omnes autem suppositiones propositiones sunt.
 Deinde definitiones tantum ut simplices quaedam notiones
 animi, concipiuntur: illud uero nemo appellauerit supposi-
 tionem, nisi idem uelit cum singulas res singulis uerbis au-
 ditu percipimus, tum semper esse suppositionem. Sed illae
 sunt suppositiones, quibus positae elicitur conclusio, quia illae
 sunt*

sunt anteposita. Neque uero credendum est, falsas esse geometrarum suppositiones, quemadmodum quibusdam uidentur. dicunt enim uitiosum esse, in probando falsis uti: geometram autem falsum accipere, cum pedalem lineam ponit, quæ minime pedalis est, aut rectam quæ non est recta. At uero Geometra conclusio non ex eo uim habet, quòd talis sit, aut secus, quàm profert linea, sed uis tota efficienda conclusionis est in iis posita, quæ iis quasi signis, nobis intelligenda relinquuntur. Iam uero omnis suppositio aut de toto genere, aut in parte enunciat, neutrum autem in definitione cernitur. Atque ideas quidem esse, aut communem aliquam naturam à rebus singulis separatam, ut demonstratio sit, non est necesse: sed illud tantum uerum est, necessitatem esse, ut communis aliqua ratio sit, quæ in rebus singulis cohæreat. Nam si id non sit, ne ullum quidem genus uniuersum esse poterit: quo sublato nullum medium ad sciendum accommodatum constare poterit. Quare nec demonstratio ulla relinquitur. Ex quo efficitur, ut sit necesse communem quandam, ac minime ambiguam esse naturam, quæ ita in multis cernatur, ut ab iis seiuncta esse non possit. Hoc uero pronuntiatur, Affirmatio & negatio non possunt in eadem re simul esse ueræ: in nulla unquam adhibetur demonstratione, nisi talis sit conclusio, in qua illud ipsum nominatim ostendendum sit. Atque in hunc modum erit illa demonstratio conficienda, ut de medio dici affirmationem maioris extremi, non etiam negationem, in propositione accipiatur. Nec multum interest, an mediæ affirmatio & negatio accipiatur, an non: quemadmodum nec minoris extremi. Nam si illa posita sit propositio, Omnem hominem esse

animal, non autem non animal: etiamsi illud fortasse in non homine uerum esse possit, atque adeo maneat uera propositio, accepta simul affirmatione & negatione hominis: semper tamen ex illa propositione, illud quod est concludendum, efficietur, Calliam scilicet esse animal, non autem non animal: licet possit non minus fortasse uera esse conclusio, si negatio Callia simul cum affirmatione acciperetur. Huius autem rei hac est causa, quia maius extremum, est illud solum, quod bis attribuitur: semel medio, iterum minori extremo, quoniam omnium patet latissime. Quocirca quod attinet ad conclusionem, nil refert sumaturne medium affirmatum tantum, an uero simul affirmatum & negatum. Est & aliud pronunciatum, In quacunque re uera est affirmatio aut negatio: quo nulla utitur demonstratio, nisi qua aduersarium urget incommodo. Neque uero illud semper sicut generale est, ita uniuerse accipiendum est: sed qua ratione aptum est ad aliquid demonstrandum. aptum autem est cum ad certum quoddam genus, id inquam in quo singula uersantur demonstrationes (quod etiam paulo ante dictum est) traducitur. Habent autem omnes scientia communia quaedam, quibus ipsa inter se communicant. Non quod aut subiectum in quo uersantur, aut proprietates quae demonstrantur, non semper sint singularum propria: sed pronuntiata ipsa quibus ad aliquid concludendum utuntur, ea sunt quae communia esse possunt. Dialectica etiam, cum omnibus scientiis communicat, & si qua est alia scientia generalis, quae communia proloquia demonstrare contendat, qualia sunt haec: De quacunque re uera est aut affirmatio aut negatio: si paria ex paribus auferas, quae restabunt paria erunt, & huius generis

generis alia. Dialectica porrò nō habet certas quasdam res quas prober, nec in uno quodam genere subiecto uersatur, alioqui non interrogaret. Nam qui demonstrare uolunt, iis non est pendendū ab interrogatione: quandoquidē ex rebus contrariis nunquam potest una eadēque res demonstrari: quemadmodum in libris de ratiocinatione ostendimus.

ATQVI si interrogatio, apta ad ratiocinationem con-^{Cap. 9} sciendam, idem est cum propositione, quæ est pars altera cōtradictionis: propositiones autem in singulis scientiis appellantur, ex quibus constat unicuique scientiæ accommodata ratiocinatio: erunt profectō suæ cuique scientiæ interrogationes, ad res in quibus uersantur, concludēdas idoneæ. Unde etiam perspicuum est, non temere omnem interrogationem Geometra, aut medico, aut alteri cuius conuenire. Sed sunt illæ demum Geometricæ interrogationes, ex quibus demonstrantur ea quæ aut proprie ad Geometriam pertinent, aut uerò à rebus Geometricis fidem accipere possunt: cuiusmodi sunt ea in quibus uersatur Optice: quod idem in aliis scientiis intelligendum. Ac de iis quidem rebus in quibus ipsa uersatur, ratio reddenda est ex Geometricis principiis, & conclusionibus: de principiis uerò nullam potest Geometra, hoc ipso quòd geometra est, rationem reddere. Atque in aliis scientiis eadem est ratio. Neque igitur petēda est cuiuslibet rei ratio, à quouis sciente, neque par est, ut ad quasuis interrogationes unusquisque qui aliquam artem proficitur, respondeat: sed de iis tantum ratio reddenda est, quæ proprie ad eam quam quisq; tenet scientiam, pertinet. Atque si ad hunc modū, cum Geometra quia geometra est, quisquam differat, et ex huiusmodi interrogationibus. ali-

quid concludat, recte concludere uidebitur: sin minus, non recte. Quin neque alia ratione redargui neque conuinci potest geometra, nisi forte per accidens: Itaq; apud Geometria imperitos de Geometria non est differendum, eo quod, recte ne an perperam disputetur, intelligi non possit: quod idē in aliis scientiis obseruandum. Existit autem hoc loco quaestio, an non sicuti sunt aliqua geometrica interrogationes, ita sint aliqua non geometrica, ita ut illa potius geometrica sint, quae à certa quadam ignoratione nascuntur, ea in quā ignoratione quae oritur ex deprauata intelligentia, eorum quae proprie ad aliquam scientiam pertinent? Alia etiam quaestio est, utra ratiocinatio inscientiam potissimum efficiat, eāne cuius sumptiones contrariae sunt iis, ex quibus rei comparatur scientia: an quae uitiosa est & fallax ratiocinatio, de re tamen Geometrica? Est igitur ea interrogatio non geometrica quae ad aliam pertinet scientiam (cuius generis est musica, uerbi gratia, interrogatio) atque adeo omni ex parte est à geometria aliena: illa autem, parallelas posse concurrere, est ex parte aliqua geometrica, ex altera autem parte non geometrica. Hoc enim uerbum, non geometricum, dupliciter accipitur, sicuti & illud, non numerosum. Vna quidem significatione dicitur non geometricum, quod nil plane à geometria habet: ut non numerosum, quod omnino aliud est à numero. Altera autem significatione dicitur utrunque, quod habet quidem à suo genere aliquid, sed uitiosum ac corruptum. Atque etiam illa uere inscientia existimanda est, quae orta ex contrariis principiis, scientiae aduersatur. Nam in doctrinis ac disciplinis non perinde atq; in disputationibus, locum habere solent uitiosae illae

illa & fallaces ratiocinationes. causa autem est, quod uerbum medium ita ferè bis accipi solet, ut de illo maius extremum uniuersè enuncietur, ipsum autem de minori, etiam uniuersè, nec unquam attributo, uniuersi generis nota præponitur. Hæc autem uerba, præter id quod sic disponuntur, etiam minimo negotio quasi oculis mentis perspiciuntur, quomodo accipiantur: quod fere inter disputandum incertum obscurumque esse solet. Veluti si quis roget sitne omnis circulus forma quadam? id nullam ambiguitatem habebit, si iam ante de picto aliquo circulo id queratur. Tum uerò si illud subiiciatur, an non uersus sunt, qui circuli nomine appellantur? id iam apertissimum erit omnino falsum esse. Nam sic est huic assumptioni, aliisque huius generis mathematicis propositionibus occurrendum, ut uniuersa sit propositio quam opponimus, non autem singularis, & ad inductionem faciendam apta. Ut enim propositio non est habenda, quæ non in multis dicitur, imo uerò in toto genere (nam ex uniuersis propositionibus constat ratiocinatio) ita nec oppositio: Eadem enim sunt propositiones, & oppositiones, quandoquidè nil opponi possit, quod propositio aut dialectica aut demonstratiua statim nõ fiat. Accidit autè interdum uitiosa & fallaci ratiocinatione aliquid cõcludi, quando medium accipitur, quod est consequens utriusque extremi: qualis est illa Canei captio, quæ ostendebat, ignem gigni per proportionem multiplicatam: ignis enim (inquit) subito gignitur: quod autem per multiplicatam proportionem fit, subito gignitur. Atqui hoc modo nil necessariò efficitur: sed sunt ita accipiendæ sumptiones: ut omne id quod citissima quadam ratione oritur, in multiplicata proportionem gigni

ARIST. DE DEMONST.

proponatur, tum deinde assumatur, ignem citissima quadā ratione nasci. Interdum enim nil ex iis quæ illo modo sumpta sunt, concludi potest: interdum uerò potest, sed id non apparet. Quòd si non posset ex falsis uerum concludi, facile esset, in suas causas conclusionem quamque dissolvere: quandoquidem retro commere, ac reciprocari illa inter se necesse esset. Esto enim A uerum: & hoc uero posito, sint uera ea, quæ ego cerò scio esse uera, quæ sint B, cui quæso tum dubium erit quin hæc talia sint, ex quibus illud A demonstrandum sit? Atque in disciplinis quidem uix, ac ne uix quidem euenire potest, ut non ea reciprocentur quæ assumuntur, propterea quòd non accidentia (quæ etiam in re ab iis sermonibus, qui in disputatione ac dialogo continentur, ipsæ disciplinæ differunt) sed definitiones ad docendum unumquodque adhibentur. Solent autem disciplinæ singula progredientes, incrementum hoc modo capere, & quasi in longius produci, ut non multa congerant ad unā rem demonstrandam argumenta, sed aut in directum excurrētes, alia ex aliis docent, ueluti ex A ipsum B, tū ex B ipsum C, deinde ex C ipsum D. eodēmq; modo ex superioribus inferiora, uel in infinitum usque, demonstrando. Aut in obliquum procedentes, quæ ex eodem sunt ordine, demonstrant: Veluti A de C & de E. Ac sit quidem A numerus tantus, aut infinitus, B, autem numerus impar tantus, C uerò numerus ipse impar: ex iis igitur constat A de C demonstrari. Item sit numerus par tantus, D: par ipse numerus, E: concludi igitur etiam A de E manifestum est.

Cap. 10

DIFFERUNT multis modis inter se, scire quòd res sit, & quamobrem sit. Ac primum in eadem scientia, idque bifariam:

bifariam. Vnus modus est, si ad concludendum non adhibeantur immediatae propositiones, neque enim tum prima causa accipitur. Scire autem cur res sit, nil est quam primam eiusque rei causam nosse. Alius modus est, cum immediatae quidem sumuntur propositiones, at non ex causa ostenditur effectus, sed contra hic, quia ut inter ea quae retro committantur est notius, pro medio accipitur. Nam inter ea quae reciprocantur, fieri interdum potest ut id notius sit, quod non est causa. quare et ad demonstrandum non incommode illud assumetur. Ut si probetur, uerbi causa, planetas propius à terra moueri, quia non micant: Itaque sint errantes stellae, C: nullus micare radiis, B: prope esse à nobis, A. Vera est quidem assumptio, Omne C est B. Errantes enim stellae nullis radiis micant: sed et propositio uera, Omne B est A. Nam quod nullis micat radius, prope est à nobis: quemadmodum inductione, uel ipso sensu iam posuit esse manifestum. Illud igitur necessario efficietur, Omne C esse A. atque ita demonstratum erit, propius à terra moueri stellas errantes: quae demonstratio non cur ita sit ostendit, sed tantum quod ita sit. Non enim quia non micant, prope sunt, sed contra, quia prope sunt à terra, propterea non micant. Ob eamque causam si contra ex altero alterum probetur, fiet demonstratio cur res sit ostendens, hoc modo: Sint stellae errantes C, prope esse B, non micare A. Et B igitur ipsi C inest, et A ipsi B, quod est non micare, conuenit: quare et A ipsi C conuenire necesse erit: atque ita necesse, ut etiam cur ita sit, hac probatione sit ostensum. prima enim huius rei causa accepta est. Similis est huic etiam illa demonstratio, qua rotundam esse lunam ostenditur per luminis accretionem. Nam quod in rotundam sem-

ciuntur, tum in parte accipi. Quod autem in defectione dico, idem in aliis eiusdem generis intellectum uolo. Sed quoniam id iam satis constat, nunquam apte aliquid demonstrari, nisi propria cuiusque rei adhibeantur principia: illud profecto non erit satis ad rem sciendam, quæ propter se alteri conuenit, adhibuisse in probanda ueras, indemonstrabiles, immediatasque propositiones. Illud enim euenire potest, ut cum tales erunt sumptiones, nihilominus tamē talis sit demonstratio, qualis erat Brysonis, quæ circuli quadrare conabatur, probatio. Nam sunt huiusmodi aliqua rationes, quæ cōmunia quædam & alteri etiā non minus conuenientia, ad aliquid ostendēdū accipiunt: ob idq; ad res nullā omnino inter se societate, naturæq; coniūctionē habētes, accommodari posse tales rationes conspiciuntur. Quo fit ut ex illis nō possimus rē per se, & quia huius generis est, scire: sed tantū per accidēs: alioqui non potuissēt in aliud quoddā genus trāsferri. Hoc enim est, per se & nō per accidēs scire: quādo aliquid eo modo alteri cōuenire intelligimus, quo illi cōuenit, idq; per principia quæ sunt illi, quia illud ipsum est, propria. Veluti habere tres angulos pares duobus rectis tū scimus, quando illud cui propter se cōuenit intelligimus, atq; adeo per principia, quæ ad illā rē proprie pertinet. Itaq; si quid est quod per se alteri cōueniat, & quia est illud ipsum quod est: ad illud demonstrādū, necesse erit uerbū mediū accipere ex earū rerū genere quæ eandē habent cū illo naturæ societate: aut certe quæ sic inter se affecta sint, quomodo arithmetica musica respicit. Quāquā enim in iis quæ ad hūc modū inter se affecta sunt, illā etiā in demonstrādo rationē sequamur: illud tamē interest, quod alterius sciētiæ est, quod res sit ostēdere, eo
quod

quòd est illius aliud quoddam subiectum: superioris autem scientiæ (ut quæ in iis rebus uersatur, quarum hæ sunt propria, ac per se affectiones) est, quamobrem res sit demonstrare. Quare & illud ex his perspicuum est, nil unquam bene ac perfecte demonstrari, nisi ex propriis principiis: sed tantum principia inferioris scientiæ, ad alia quæ aliquanto latius patent, pertinere. Atqui si illud certum est, & hoc quoque minimo negotio perspicui potest, quòd cuiusque scientia principia propria, non possunt quasi ex aliis rursus principis demonstrari: Alioqui illa ex quibus hæc cõfirmabuntur, omnium rerum principia esse fatendum erit, & scientiam quæ in iis uersabitur, omnium esse certissimam, facileque inter omnes principatum obtinere. Quo enim quisque ex superioribus causis cognoscit, eo rem multo certius intelligit: siquidem ea semper priora sunt, quæ ita sunt causæ ut nullas præterea causas habeant quarum effecta sint. Itaque si ut quisque ex prioribus cognoscit, certius cognoscit: is certe qui ex primis omnium rem nouerit, certissime nouerit. Et si est illa semper magis ac magis scientia, hæc omnium maxime scientia erit. Atqui non potest unius generis demonstratio in aliud genus transferri: nisi (quod paulo ante dictum est) perinde sint effecta, atque geometrica demonstrationes ad optica, aut fabrica demonstrationes, & Arithmetica ad musicas.

DIFFICILE autem est internoscere quado rei scientiam Cap. 8 affecuti sumus, & quando minime: eo quòd nõ est facile intelligere an cognoscamus per propria cuiusque rei principia, an secus: cum tamen illud demum sit rem scire. Sed nos id sæpe ad rem sciendam satis esse existimamus, si modo ex ueris ac primis quibusdã sumptionibus constet ratiocinatio:

cum tamen multo secus res habeat. Necesse enim est ut illa
 praterea, cum iis quæ in eo genere prima sunt, natura qua-
 dam coniunctione sint consociata. Ego uero propria cuiusq;
 generis principia appello, quæ quòd sint, demonstrati-
 one probari non possunt. Nam quæ sit uerborum uis, ac significatio, tum
 principiorum, tum eorum quæ ex principiis efficiuntur, in-
 telligendum est. Quòd uero ipsa sint principia, citra demon-
 strationem ponitur: reliqua autem, demonstratione conclu-
 duntur. Veluti quid unitas, item quid rectum & triangulū
 significant, statim initio accipiendum est. Sed & unitatem
 & magnitudinem esse, initio ponendum est: reliqua autem,
 esse demonstrantur. Sunt porro ex iis quæ in demonstrati-
 uis scientiis usui esse possunt, alia singularum scientiarum
 propria, alia communia. appello autem hoc loco communia
 propter similitudinem, per quam pari ratione multis conue-
 nire posse cernuntur: nam illa cum ad demonstrandū ad-
 hibentur, tum iam ad naturam subiectam traducta sunt.
 Ac propria quidem sunt, ueluti linea, aut recti definitio. Cō-
 munia autem sunt, ut illud uerbi gratia: Si ab equalibus
 equalia auferas, quæ relinquentur erunt equalia. quorum
 unumquodque, tum est ad demonstrandum accommoda-
 tum, cum ad certum quoddam genus traducitur. Eandem
 enim uim ad concludendum aliquid habebunt, licet non ge-
 neraliter, sed in magnitudinibus tantum accipiantur: aut
 uero ut Arithmetico conueniāt, in numeris. Ex iis uero quæ
 sunt propria cuiusq; scientia, ea sunt quæ statim initio ef-
 se ponuntur, quorum in explicandis proprietatibus, ipsa to-
 ta scientia cernitur. Ut unitates esse Arithmetici, lineas &
 puncta, geometra, statim initio constituunt. Nam hæc non
 modò

non modo quam uim habeant multo ante statuendum est, sed etiam in rerum esse natura pro certo accipiendum. Horum autem propria affectiones ipsa quidem quid significet, statim initio explicatur, ueluti in Arithmetica, quid par appelletur aut impar, aut quadratū, aut cubus: in Geometria quid hac uerba significent, ratione carens, contractum esse, concurrere. At quod sint, subiectisque rebus conueniant, demonstratione ostenditur, adhibitis tum communibus pronuntiatis, tum demonstratis iam ante conclusionibus. Nec minus in astrologia idem illud fit, quàm in geometria aut arithmetica. Omnis enim scientia demonstratiua, tribus quasi momentis continetur: Horum duo sunt, quae iam inde ab initio esse accipiuntur: Genus scilicet subiectum, cuius proprietates ipsa scientia exquirat & contempletur: & communia, ut appellantur, pronuntiata, ex quibus primis demonstrationes conficiuntur. Tertium autem est, quo ipsae proprietates continentur: quarum uis & significatio à principio proponitur. Ac in quibusdam quidem scientiis non est uitiosum horum aliquid praetermittere: Veluti si apertum ac manifestum est genus ipsum subiectum esse, non erit opus ab initio eius facere mentionem, ut, quod ipsum in rerum natura sit, subiiciamus. Neque enim sunt omnia ex aequo manifesta: ut quod numerus sit, non tam clarum est quàm quod calidum & frigidum. Item si significatio proprietatum ipsa per se intelligatur, illa à principio sine uitio praetermittetur. Nam ne communium quidem pronuntiatorum significatio explicatur, quando satis est per se manifesta: ut illud, uerbi gratia, quid significet aequalia ex aequalibus detrahere. Sunt tamen tria illa natura in omni scientia

*necessaria: res de qua aliquid concluditur, illud ipsum quo
 inesse alteri ostenditur, & ipsa principis ex quibus elicitur
 conclusio. Differunt autem plurimum suppositio, & postula-
 tum, ab iis principiis quae ipsa per se tantam habent fidem,
 ut sit necesse omnes iis assentire. Neque enim demonstratio, ut
 nec ipsa ratiocinatio, ad id pertinet quod uerbo aut affir-
 matur aut negatur, sed ab interiore sensu uim habet, cumq;
 semper respicit. Nam quid est quod uerbo labefactari resel-
 lique non queat? At si suam quisque mentem cōsulas, multa
 sunt quibus obsistere non possit. Est igitur eorū, quae demon-
 stratione quidem concludi possunt, attamen circa demon-
 strationem quasi certa accipiuntur, duplex causa. Nam aut
 sumuntur quae à discipulo approbantur, quod illa uera exi-
 stimet: tumq; suppositio est: non ea quidem quae simplici no-
 mine suppositio appellari possit, sed quae ex adiunctione ad
 docendum illum suppositio dicitur. Aut uero ea accipiun-
 tur, de quibus nihil certū habet quod sentiat discipulus, uel
 etiam contrā putat quā accipitur, tumque sit postulatū.
 Nam hoc inter postulatū & suppositionem interest. Nihil
 enim aliud est postulatū quā quod aut repugnat senten-
 tia eius qui docetur, aut, quū demonstratione confirmari pos-
 sit, citra ullam probationem accipitur. Definitiones igitur
 non sunt suppositiones: esse enim aut non esse quippiam non
 significant, omnes autem suppositiones propositiones sunt.
 Deinde definitiones tantum ut simplices quaedam notiones
 animi, concipiuntur: illud uero nemo appellauerit supposi-
 tionem, nisi idem uelit cum singulas res singulis uerbis au-
 ditu percipimus, tum semper esse suppositionem. Sed illae
 sunt suppositiones, quibus positis elicitur conclusio, quia illae
 sunt*

sunt anteposita. Neque uero credendum est, falsas esse geometrarum suppositiones, quemadmodum quibusdam uidentur. dicunt enim uitiosum esse, in probando falsis uti: geometram autem falsum accipere, cum pedalem lineam ponit, quæ minime pedalis est, aut rectam quæ non est recta. At uero Geometra conclusio non ex eo uim habet, quòd talis sit, aut secus, quàm profert linea, sed uis tota efficienda conclusionis est in iis posita, quæ iis quasi signis, nobis intelligenda relinquuntur. Iam uero omnis suppositio aut de toto genere, aut in parte enunciat, neutrum autem in definitione cernitur. Atque ideas quidem esse, aut communem aliquam naturam à rebus singulis separatam, ut demonstratio sit, non est necesse: sed illud tantum uerum est, necessitatem esse, ut communis aliqua ratio sit, quæ in rebus singulis cohareat. Nam si id non sit, ne ullum quidem genus uniuersum esse poterit: quo sublato nullum medium ad sciendum accommodatum constare poterit. Quare nec demonstratio ulla relinquitur. Ex quo efficitur, ut sit necesse communem quandam, ac minime ambiguam esse naturam, quæ ita in multis cernatur, ut ab iis seiuncta esse non possit. Hoc uero pronuntiatur, Affirmatio & negatio non possunt in eadem re simul esse ueræ: in nulla unquam adhibetur demonstratione, nisi talis sit conclusio, in qua illud ipsum nominatim ostendendum sit. Atque in hunc modum erit illa demonstratio conficienda, ut de medio dici affirmationem maioris extremi, non etiam negationem, in propositione accipiatur. Nec multum interest, an mediæ affirmatio & negatio accipiatur, an non: quemadmodum nec minoris extremi. Nam si illa posita sit propositio, Omnem hominem esse

animal, non autem non animal: etiamsi illud fortasse in non homine uerum esse possit, atque adeo maneat uera propositio, accepta simul affirmatione & negatione hominis: semper tamen ex illa propositione, illud quod est concludendum, efficietur, Calliam scilicet esse animal, non autem non animal: licet possit non minus fortasse uera esse conclusio, si negatio Callia simul cum affirmatione acciperetur. Huius autem rei hæc est causa, quia maius extremum, est illud solum, quod bis attribuitur: semel medio, iterum minori extremo, quoniam omnium patet latissime. Quocirca quod attinet ad conclusionem, nil refert sumaturne medium affirmatum tantum, an uero simul affirmatum & negatum. Est & aliud pronunciatum, In quacunque re uera est affirmatio aut negatio: quo nulla utitur demonstratio, nisi qua aduersarium urget incommodo. Neq; uero illud semper sicut generale est, ita uniuerse accipiendum est: sed qua ratione aptum est ad aliquid demonstrandum. aptum autem est cum ad certum quoddam genus, id inquam in quo singula uersantur demonstrationes (quod etiam paulo ante dictum est) traducitur. Habent autem omnes scientiæ communia quædam, quibus ipsa inter se communicant. Non quod aut subiectum in quo uersantur, aut proprietates quæ demonstrantur, non semper sint singularum propria: sed pronunciata ipsa quibus ad aliquid concludendum utuntur, ea sunt quæ communia esse possunt. Dialectica etiã, cum omnibus scientiis communicat, & si qua est alia scientia generalis, quæ cõmunia proloquia demonstrare contendat, qualia sunt hæc: De quacunque re uera est aut affirmatio aut negatio: si paria ex paribus auferas, quæ restabunt paria erũt, & huius generis

generis alia. Dialectica porrò nō habet certas quasdam res quas probet, nec in uno quodam genere subiecto uersatur, alioqui non interrogaret. Nam qui demonstrare uolunt, iis non est pendendū ab interrogatione: quandoquidē ex rebus contrariis nunquam potest una eadēque res demonstrari: quemadmodum in libris de ratiocinatione ostendimus.

ATQVI si interrogatio, apta ad ratiocinationem con- Cap. 9
ficiendam, idem est cum propositione, quæ est pars altera cōtradictionis: propositiones autem in singulis scientiis appellantur, ex quibus constat unicuique scientiæ accommodata ratiocinatio: erunt profectō suæ cuique scientiæ interrogationes, ad res in quibus uersantur, concludēdas idoneæ. Unde etiam perspicuum est, non temere omnem interrogationem Geometra, aut medico, aut alteri cuius conuenire. Sed sunt illæ demum Geometricæ interrogationes, ex quibus demonstrantur ea quæ aut proprie ad Geometriam pertinent, aut uerò à rebus Geometricis fidem accipere possunt: cuiusmodi sunt ea in quibus uersatur Optice: quod idem in aliis scientiis intelligendum. Ac de iis quidem rebus in quibus ipsa uersatur, ratio reddenda est ex Geometricis principiis, & conclusionibus: de principiis uerò nullam potest Geometra, hoc ipso quòd geometra est, rationem reddere. Atque in aliis scientiis eadem est ratio. Neque igitur petēda est cuiuslibet rei ratio, à quouis sciente, neque par est, ut ad quasuis interrogationes unusquisque qui aliquam artem proficitur, respondeat: sed de iis tantum ratio reddenda est, quæ proprie ad eam quam quisq; tenet scientiam, pertinet. Atque si ad hunc modū, cum Geometra quia geometra est, quisquam differat, et ex huiusmodi interrogationibus ali-

quid concludat, recte concludere uidebitur: sin minus, non recte. Quin neque alia ratione redargui neque conuinci potest geometra, nisi forte per accidens: Itaq; apud Geometria imperitos de Geometria non est differendum, eo quod, recte ne an perperam disputetur, intelligi non possit: quod idē in aliis scientiis obseruandum. Existit autem hoc loco quaestio, an non sicuti sunt aliqua geometrica interrogationes, ita sint aliqua non geometrica, ita ut illa potius geometrica sint, quae à certa quadam ignoratione nascuntur, ea in quā ignoratione qua oritur ex deprauata intelligentia, eorum quae proprie ad aliquam scientiam pertinent? Alia etiam quaestio est, utra ratiocinatio inscientiam potissimum efficiat, eāne cuius sumptiones contrariae sunt iis, ex quibus rei comparatur scientia: an quae uitiosa est & fallax ratiocinatio, de re tamen Geometrica? Est igitur ea interrogatio non geometrica quae ad aliam pertinet scientiam (cuius generis est musica, uerbi gratia, interrogatio) atque adeo omni ex parte est à geometria aliena: illa autem, parallelas posse concurrere, est ex parte aliqua geometrica, ex altera autem parte non geometrica. Hoc enim uerbum, non geometricum, dupliciter accipitur, sicuti & illud, non numerosum. Vna quidem significatione dicitur non geometricum, quod nil plane à geometria habet: ut non numerosum, quod omnino aliud est à numero. Altera autem significatione dicitur utrunque, quod habet quidem à suo genere aliquid, sed uitiosum ac corruptum. Atque etiam illa uere inscientia existimanda est, quae orta ex cōtrariis principiis, scientia aduersatur. Nam in doctrinis ac disciplinis nō perinde atq; in disputationibus, locum habere solent uitiosae illae

illa & fallaces ratiocinationes. causa autem est, quòd uerbum medium ita ferè bis accipi solet, ut de illo maius extremum uniuersè enuncietur, ipsum autem de minori, etiam uniuersè, nec unquam attributo, uniuersi generis nota præponitur. Hac autem uerba, præter id quod sic disponuntur, etiam minimo negotio quasi oculis mentis perspiciuntur, quomodo accipiantur: quod fere inter disputandum incertum obscurumque esse solet. Veluti si quis roget sitne omnis circulus forma quædam? id nullam ambiguitatem habebit, si iam ante de picto aliquo circulo id queratur. Tum uerò si illud subiiciatur, an non uersus sunt, qui circuli nomine appellantur? id iam apertissimum erit omnino falsum esse. Nam sic est huic assumptioni, aliisque huius generis mathematicis propositionibus occurrendum, ut uniuersa sit propositio quam opponimus, non autem singularis, & ad inductionem faciendam apta. Vt enim propositio non est habenda, quæ non in multis dicitur, imo uerò in toto genere (nam ex uniuersis propositionibus constat ratiocinatio) ita nec oppositio: Eadem enim sunt propositiones, & oppositiones, quandoquidè nil opponi possit, quod propositio aut dialectica aut demonstratiua statim nõ fiat. Accidit autè interdum uitiosa & fallaci ratiocinatione aliquid cõcludi, quãdo medium accipitur, quod est consequens utriusque extremi: qualis est illa Canei captio, qua ostendebat, ignem gigni per proportionẽ multiplicatã: ignis enim (inquit) subito gignitur: quod autem per multiplicatam proportionem fit, subito gignitur. Atqui hoc modo nil necessariò efficitur: sed sunt ita accipiendæ sumptiones: ut omne id quod citissima quadam ratione oritur, in multiplicata proportionem gigni

bisariam. Vnus modus est, si ad concludendum non adhibeantur immediata propositiones, neque enim tum prima causa accipitur. Scire autem cur res sit, nil est quàm primam cuiusque rei causam nosse. Alius modus est, cum immediata quidem sumuntur propositiones, at non ex causa ostenditur effectus, sed contra hic, quia ut inter ea quæ retro committantur est notius, pro medio accipitur. Nam inter ea quæ recipiuntur, fieri interdum potest ut id notius sit, quod non est causa. quare et ad demonstrandum non incommode illud assumetur. Ut si probetur, uerbi causa, planetas propius à terra moueri, quia non micant: Itaque sint errantes stelle, C: nullus micare radius, B: prope esse à nobis, A. Vera est quidē assumptio, Omne C est B. Errantes enim stellæ nullis radius micant: sed et propositio uera, Omne B est A. Nā quod nullis micat radius, prope est à nobis: quemadmodum inductione, uel ipso sensu iam potuit esse manifestū. Illud igitur necessario efficietur, Omne C esse A. atque ita demonstratum erit; propius à terra moueri stellas errantes: quæ demonstratio non cur ita sit ostendit, sed tantum quòd ita sit. Non enim quia non micant, prope sunt, sed cōtra, quia prope sunt à terra, propterea non micant. Ob eamque causam si contra ex altero alterum probetur, fiet demonstratio, cur res sit ostendens, hoc modo: Sint stellæ errantes C, prope esse B, nō micare A. Et B igitur ipsi C inest, et A ipsi B, quod est nō micare, conuenit: quare et A ipsi C conuenire necesse erit: atque ita necesse, ut etiam cur ita sit, hac probatione sit ostensum. prima enim huius rei causa accepta est. Similis est huic etiā illa demonstratio, qua rotundam esse lunam ostenditur per luminis accresionem. Nam quod in rotundā sem-

per formam accrescit, rotundum est: luna autē in hunc semper modum accrescit, rotunda igitur. Atque hac quidem ratiocinatio, quod sit res ostendit: at si ē conuerso medium statuatur, tum quamobrem res sit docebitur. Non est enim huiusmodi luminis accretio, causa cur globosa sit luna, sed contra quia globosa est, huiusmodi semper luminis accessiones capere conspicitur. Sit igitur luna C, rotundum B, luminis accretio A. Quando autem non reciprocantur cū extremis media, atque illud euenit, ut sit manifestior effectus, quā causa: tum quod res sit demonstrari potest, cur sit nō potest. Ac ne tum quidem potest, quamobrem sit, demonstrari, sed tantum quod sit, cum medium est aliquanto longius petitū: id quod propterea sit, quia tale medium causa esse non potest. Veluti si parietem non respirare ostendatur, quia non sit animal. Nam si hac sit non respirandi causa, necesse est ut uicissim animal sit respirationis causa, nimirum quia necesse est, si est negationis causa negatio, ut etiam affirmationis causa sit affirmatio: exempli causa, si calida cum frigidis non apte conuenire, id efficit ut non bene ualeamus, illa certē erit ut bene ualeamus causa, calidorum cum frigidis conuenientia, sed etiam ē contrario, si est affirmationis causa affirmatio, & negationis causa erit negatio. In illis autem uerbis quæ accepta sunt, non ita res habet, propterea quod non omne animal respirat. cōficitur autem illa ratiocinatio, in qua huiusmodi causa sumitur, in secunda figura hoc modo. Sit A animal, B respirare, C paries: lā omne B est A, hoc est omne quod respirat, est animal: deinde nullum C est A, nullum igitur C est B, id est nullus paries respirat. Sunt autem propemodum similes hæ causa iis quæ ita red-

di solent, ut in illis quasi hyperbole quadam contineatur: quod quidem tum sit, cum lōgissimè remotum à re medium accipitur. Huius generis est illud Anacharsidis, apud Scythas tibicines non esse, quia illic uites non essent. Atque illa quidē sufficiant de discrimine earum probationum quibus quòd res sit, & quamobrem sit ostēditur, cum ad eandē scientiam pertinet utraque probatio: item quomodo propter uerbi mediū uariam collocationem hæc inter se distinguuntur. Est autem & aliud inter ista discrimen, cum ad diuersas scientias pertinet, quòd res sit, & quamobrem sit, ostendere: id quod tum accidit, quando res uni scientiæ subiecta sic affecta est ad alterius scientiæ subiectum, ut sub illo contineatur. quomodo ea in quibus uersatur optice, ad geometriam affecta sunt: & quæ tractat fabrica, ad stereometriam: & quæ docet musica, ad arithmeticā: & ipsa phænomena ad astrologiam. Sunt autem ex iis scientiis, quæ sic sunt inter se affecta, plurimæ quæ eodem ferè nomine appellātur. Vt astrologia nomine appellatur & ipsa de rebus celestibus disciplina, & nautarum de iis rebus peritia. Musica appellatur, tum ipsa quæ mathematicarum scientiarū una est, tū illa quæ auribus demulcendis modos aptos nouit adhibere. Ac nosse quidē quòd res sit, est eorum qui eas artes exercent quæ sensu iudicio cōtinentur: cur autem ipsa res sit intelligere, eorum est qui sciētia & doctrina sunt perpolitī. Hi enim sunt qui perspectas habent singularū rerum ex suis causis demōstrationes: ac sæpenumero quòd res sit ignorant, quemadmodum iis qui uniuersas res contēplantur, sæpe usuenit ut quasdam ex rebus singulis nesciāt, propterea quòd ad illas res animum fortasse non aduertunt. In iis

ARIST. DE DEMONST.

autem rebus id potissimum euenire solet quod dico, quæ ut forma quadam separata ob id considerantur, quòd aliam quandam rationem habere cernantur, atque adeo quidpiã aliud esse, quàm quod sensu percipitur. Nam quis artes mathematicas in formis quibusdam uersari non uidet? Neque enim res tractant illæ, quas certa quadã in materia esse necesse sit: & quanquã in aliqua fortè re. subiecta inesse conspiciantur res geometricæ, in ea tamen non hoc ipso cernuntur, quo ad Geometram pertinent. Est autem & alia quadam scientia, quæ eodem modo est ad optice affecta, quo ipsa optice ad geometriã: ea scilicet pars physica, quæ de iride disputat. Nã quòd sit, est physici scire, cur uerò sit, optici, atque eius quidem est, aut omni ex parte, aut qua ex parte ratione ac doctrina cõtinetur. Sunt porrò etiam ex iis quarum una sub altera non cõtinetur, aliqua scientia quæ eandem nihilominus habent inter se quadam ex parte coniunctionem: ut medicina & geometria. Nam quòd uulnera orbicularia difficilius ac tardius curentur, nouit medicus: huius autem rei causam reddit geometra.

Cap. II EX tribus figuris prima est ad scientiam accommodatissima. Primum enim mathematica scientia suas in hac figura demonstrationes concludunt: ut arithmetica, geometria, optice, & ut in summa dicam, omnes quæ cur res sit, inquirent. Omnes enim demõstrationes, quæ cur res sit ostendunt, aut certè pars earum maxima, ac multo sapius in hac figura conficiuntur: quod etiam nobis argumento esse potest, quàm sit ad sciendũ accommodata hæc figura: quandoquidem illud certissimum accuratissimũque genus sciendi est, quo rei cuiusque causa inuestigatur. Deinde hæc una figura

gura definitionem, qua quid res sit intelligamus, inuestigare possumus. Nam in secunda figura nulla est aliens conclusio: definitionis autem cognitio, affirmatione quadam continetur. In tertia uero aliens quidem potest esse conclusio, at nulla potest de toto genere esse: definitio autem ex eorum est numero, quæ uniuersæ enunciantur. Nam quis quadam tantum ex parte hominem esse animal bipes dixerit? Iam uero hac seipsa contenta, nil illarum eget auxilio: in illis autem facta conclusione, si sint quasi retexendo ad immediatas propositiones reuocanda sumptiones, ex quibus illa facta est cōplexio huiusmodi quæ in dissoluendo fit coagmentatio, & in multitudinem quandam propositionum accessio, sine prima figura omnino fieri non potest. Perspicuum igitur est primam figuram ad sciendum esse accommodatissimā. Ut autem sunt quadam affirmationes in quibus ipsi B continuo inest A, sic sunt & aliquæ negationes, quibus confirmandis nullum medium adhiberi potest. Hoc enim est quod alterum alteri continuo inesse, aut non inesse dicebam: quia cum nullum est medium, fit ut non per aliud quippiam affirmetur aut negetur alterū de altero. Ac si quidem in aliquo toto genere aut A aut B, aut utrunque cōtineatur: fieri nunquam poterit, ut sit immediata propositio, Nullum B est A. nam si omne A est C, & nullum B sit C (cur enim ita non possit uenire ut Omni A conueniat, nulli autem B insit, non uideo) ex his illud relinquetur hac ratiocinatione confirmatum, Nullum B esse A, hoc modo. Omne A est C, nullum B est C, nullum igitur B est A. Par ratio erit, si quippiam sit quod de omni B dicatur, ut D uerbi gratia. fiet enim hoc modo demonstratio. Nullum A est D, omne B

est D, nullum igitur B, est A. eodem porrò modo illud demonstrabitur si & A, & B, sua quadam genera habeant, quæ de illis uniuersæ affirmantur. Quòd autem usuuenire possit, ut quod de omni A dicitur, de nullo B dicatur, aut cōtra quod inest omni B, nulli A insit, vel ex ipsis ordinibus & quasi classibus rerum omnium constare potest, quæ omnes suis finibus contentæ, in alienos non transeunt, nec aliquid unquam communicant. Nam si nil eorum quæ sunt ex coniugatione ACD, in iis dicitur quæ pertinent ad ordinem BEF, insit autem G in omni A, necesse est ut illud G, quod ex altera classe sumptum est, nulli B insit: alioqui iā permisceri ac confundi illos ordines fatendum erit. Eadēque ratio erit si aliquod genus est in quo cōtineatur ipsum B. Sin nihil reperiatur quod de A, aut de B affirmari possit, tum certum est negationem hanc, nullum B est A, esse immediatam. Nam si quod medium habeat, necesse erit illud de horum altero affirmari, quoniam aut in prima aut in secunda figura illa negatio concludetur. Ac si quidem in prima, in omni B medium dici oportebit. nam ut illa conclusio efficiatur, assumptionem oportet in toto genere affirmare. At si in secunda, poterit medium de utrovis affirmari: quia siue propositio, siue assumptio, uniuersa negans accipiat, in hac figura recte uniuersa negatio concluditur: nec licet utraq; negationes accipere. Perspicuum igitur est alterum de altero citra ullum medium negari posse: quādo autem & quomodo id fiat, à nobis est explicatum.

Cap. 12. IGNORATIO autē atque inscientia, non illa quidem quæ ex negatione appellatur, sed quæ ex certa quadam affectione dicitur, nil est quàm error ex aliqua ratiocinatione

ortus. Hæc autem dupliciter fit in affirmationibus aut negationibus immediatis. Aut enim ex simplici animi perceptione nascitur opinio, quòd ita res sit aut secus, aut uero ex ratiocinatione. Ex simplici animi comprehensione, simpliciter, unoq; modo gignitur falsa opinio. Quæ per ratiocinationem inducitur inscitia, uaria est & multiplex. Sit enim hæc immediata negatio, nullum B est A, si quis igitur ratiocinatione confirmare uoluerit omne B esse A, adhibito uerbi gratia medio C, is per ratiocinationem in falsam hæc inducetur opinionem. Ac huius quidã ratiocinationis utraque sumptiones falsæ esse possunt: sed & altera tantum falsa, idem hoc concludi potest. Nam si negando uera sint hæc propositiones, nullum C est A, & nullum B est C, sumantur autem è contrario uniuersæ affirmationes, erunt profectò utraque sumptiones falsæ. Illud uero euenire potest ut C medium, sic affectum sit ad extrema AB, ut A de nullo C dicatur, de B autem aliquo non enuncietur ipsum C. neque enim fieri potest ut de omni B dicatur C, quia hanc negationem nullum B est A, immediatam esse posuimus: Neque ipsum A, tale est quale in omnibus quæ sunt dici possit. Quare hoc modo acceptis uniuersis affirmationibus, falsæ erunt utraq; sumptiones. At uera etiam potest altera esse, non ea quidem utrauis, sed propositio tantum, quæ est AC. Nam quoniam nil est quod de ipso B uniuersæ affirmari potest, eo efficitur ut assumptio, quæ est BC, non possit esse uera. Quòd uero AC, propositio uera esse possit, hinc intelligetur, si ponatur A citra ullum medium de C, & de B dici. Quando uero uerbum aliquod de duobus primum ac citra ullū mediū dicitur, necesse est ut ex illis duobus alterū

alteri non conueniat. Veruntamē parum refert ut uera accipiatur propositio $A C$, an sit interiectum aliquod medium inter $A C$, an secus. Atque illa quidem sola sunt rationes, quibus inducitur opinio, qua sibi quis ueram esse de toto genere affirmationem falso persuadeat: quandoquidem non potest in aliis figuris talis ulla affirmatio concludi: Ut uero in eum quis errorem se inducat, ut putet ueras esse in toto genere negationes quæ mentiātur, id tum in prima figura, tum in secunda potest euenire. Itaq; dicamus primū quot modis illud in prima figura possit accidere, & quā uarie sumptiones affectas esse oportet. Ac primum ex utrisque falsis propositionibus id confici posse, hoc potest exemplo intelligi. Conueniat A omni C , & omni B , circa ullum medium: tum si propositio accipiatur, nullum C est A : & assumptio omne B est C , utrasque sumptiones certum erit mentiri. Deinde, ex altera atq; adeo utralibet falsa, illud idem concludi potest. Id enim usuuenit, cum est uera propositio $A C$, assumptionem $B C$ necessario esse falsam. Ac uera quidem esse potest $A C$ propositio, quia non tam late patet uerbum A , ut in omnes res cadere possit. falsa autem $B C$ assumptio, quia fieri non potest, ut omni B conueniat C , cū de hoc uniuerse negatur ipsum A , siquidem id futurum est ut non sit uera $A C$ propositio. Adde, quòd, si utraque uera ponerentur, etiam conclusio uera esset. Atqui illud etiam è contrario potest accidere, ut uera sit $B C$ assumptio, & falsa propositio, ut si de omni B dici possint & C , & A , necesse est ut ex iis duobus alterum alteri conuenire possit. Idcirco si sumatur nullū C esse A , falsa erit propositio. Perspicuū igitur est in prima figura mentientem fieri posse ratiocinationem,

tum

tum ex falsis utrisque sumptionibus, tum ex altera tantum falsa. Nunc de secunda figura dicamus. Primum si ambae sint ex omni parte falsa, nunquam fiet huiusmodi fallax conclusio. Quando enim in omni B inest A, nil reperiri potest, quod uni ex omni parte conueniat, ab altero sit omni ex parte alienum: Vt autem huiusmodi conficiatur conclusio, ita medium in sumptionibus collocari debet, ut de uno uniuerse affirmetur, de altero uniuerse negetur. Itaque si certo quodam modo accepta sumptiones mentiantur, necesse est ut contrario modo sumpta, contrariam affectionem habeant, quod fieri omnino non posse ostendimus. At uero ut sit utraq; ex parte falsa, non est incommodum. ueluti si C in quodam A, atque etiam in quodam B tantum dicatur: sumatur autem propositio, omne A est C, assumptio autem nullum B est C, mentientur profecto utraque sumptiones, non illa quidem ex toto, sed ex aliqua parte. Sed & si negationis collocatio commutetur, eadem ratio erit. Quod si alterutra tantum falsa sit, haec etiam complexio recte efficietur: nam quod omni A conuenit, potest etiam omni B conuenire. Si igitur, omne A est C, propositio fiat, & nullum B est C assumptio, uerum dicit C A propositio, mentietur C B assumptio. Rursus quod nulli B inest, id etiam potest non omni A conuenire, quia si omni A conueniret, etiam omni B inesse oporteret: Cui tamen nulli inesse sumebatur. Si igitur omne A esse C proponatur, & nullum B esse C assumatur, erit uera C B assumptio, falsa altera. Similis porro ratio erit si commutato ordine, prima ponatur negatio. Nam quod de nullo A dicitur, de nullo etiam B dicitur: ideoque si sumatur propositio, nullum A est C, assumptio autem omne B est C, uera erit

ARIST. DE DEMONST.

CA propositio, mentietur altera. Ac rursum quod in omni B uere enunciat, in nullum A posse cadere, mēdacium est. necesse enim est ut si in omni B dicatur, in quodam etiam A dicatur. Sumpta itaque propositione, nullum A est C, & assumptione omne B est C, erit hæc uera, illa falsa. Perspicuum igitur est etiam cū medio carent propositiones, in errorem tamen nos induci per ratiocinationem sumptiones habentiē partim utrasque falsas, partim alteram tantum.

cap. 13

QVANDO uerò interiecto aliquo medio affirmatur quippiam aut negatur, si propriū medium accipitur, atq; ex eo tamen efficiatur falsa conclusio, fieri non potest, ut utraque sumptiones mentiantur, sed ea tantum in qua maius extremum continetur, falsa erit. Ego uero proprium mediū appello, idem illud medium, quod accommodatum est ad cōcludendam contrariam, uerāque pronunciationem. Itaq; si A conueniat omni B, per medium C, quia necesse est, ut fiat ratiocinatio, assumptionem C B affirmātem esse, illud profectō clarum est, hanc assumptionem quæ nec cōmutari, nec aliter accipi potest, ueram semper futuram. Propositio autē AC, falsa erit. hæc enim cōtrarie sumpta, efficitur contraria ratiocinatio. Nec dissimilis ratio erit, si nō proprium, sed ex alio quodam ordine sumptū mediū adhibeatur, ut D. quod tamen ita sit ad extrema affectum, ut de omni illo enuncietur A, ipsum autem de omni B. Nam & hic manere eandem assumptionem D B oportebit, altera autem contra quā uerum est accipietur, ob idque illa semper uerum dicet, hæc semper mentietur. Atque hic error non multum differt ab eo qui ex proprio medio oritur. At uero si non adhibeatur in efficienda fallaci conclusione proprium medium, affirmetur
autem

autem de medio ipsum A: de B autem negetur medium: necesse erit mentiri utrasque. Contrario enim modo sumenda sunt sumptiones, quàm quomodo uera erant: alioqui non fiet ratiocinatio. Atqui hoc modo sumptæ, falsæ sunt utraque. Veluti si uerum sit, omne D esse A, & nullum B esse D, item uerum: acceptis cõtra utrisque propositionibus, ratiocinatio fiet ex duabus falsis sumptionibus. Sin de medio D etiam negetur A, erit uera propositio A D, assumptio autem falsa B D. Ac illa quidem uera erit, quia non poterat de D affirmari A. Hac autem falsa, quia si etiam hac uerum diceret, non mentiretur complexio. Quòd si per secundam figuram inductus quispiam, falsa se implicet opinione, id nunquã eueniet ex sumptionibus omni ex parte falsis. Quando enim omni B inest A, nil unquam inueniri potest (quemadmodum etiam paulo ante dictum est) quod de uno uniuerse affirmetur, de altero uniuerse negetur. Sed ut altera, atque adeo utralibet ex toto mentiat, fieri potest. Nam si C de omni A, & de omni B dicatur, sumatur autem in propositione omni A inesse, in assumptione autem nulli B, erit uera A C propositio, mendax altera. Rursum si omni B inesse C, assumptum sit, propositum autem nulli A conuenire, uerum dicet assumptio C B, falsum altera. Hactenus explicatum est quando & ex quibus falsa inducitur opinio, per ratiocinationem, qua falsa negatio concluditur. Nunc dicendum est de ea ratiocinatione, per quam falsa efficitur affirmatio. Ac primum si propriũ medium accipiatur, nunquam erunt utraq; sumptiones falsæ: quia necesse est eandem manere assumptionẽ C B, ut ratiocinatione aliquid concludatur, quemadmodũ supradictum

est: quare quando propositio sola est qua contrà accipitur quàm oportet, hac sola semper mentietur. Eadem ratio erit si non proprium, sed ex alia quadam classe atque ordine sumatur medium: sicut dictum est supra, cum errorem explicabamus, qui negatione continetur. Etenim assumptionē DB, eandem manere oportet, propositionem autem AD, contra ac uerum est accipi: atque ita eundem errorem gigni cum superiore. Sin medium non sit proprium, in omni autē D dicatur A, hanc propositionem uerā esse oportebit, mendacem alteram. quid enim est cur non possit A multis conuenire, quorum alia non contineantur sub aliis? At si non possit A enunciari de omni D, planum est hāc semper falsam futuram, ut qua affirmans accipiat. Assumptio uero D B potest tum uera, tum falsa esse. Nam quid uetat A in nullo D dici, cum interim omni B conueniat ipsum D: ueluti animal in nullam scientiam cadit, ipsa autem scientia de musica uniuerse affirmatur. Deinde uero, cur id euenire facile non possit ut & A de nullo D dicatur, & D de nullo B? Ex iis igitur planum est, quādo sub A medium non continetur, posse tum utrasque sumptiones, tum alterutram mēiri. Atque illa quidem satis de omnibus modis, quibus falsa opinio per ratiocinationē inducitur, tum in carētibz medio proloquius, tum in iis qua demonstratione probari possunt.

Cap. 14. ILLVD uero iam propemodum est perspicuum, cui sensus aliquis desit, necessario scientiam aliquam defuturam, quòd eā discere iam, ac percipere non possit. Quicquid enim discitur, aut inductione, aut demonstratione cognoscitur: ac demonstratio quidē rebus uniuersis continetur, inductio ex rebus singulis conficitur. Atqui rerum uniuersarum citra indu-

inductionē haberi cognitio non potest: id quod uel apertissime ostendunt ea res quæ cogitatione abductæ, & ab iis rebus quæ sub sensum cadunt separatæ, non possunt tamē planē ac perfectē intelligi sine inductione. Et quanquam hæ res hoc ipso quod ad sensum traducuntur, non iam quasi abiunctæ separatæque intelliguntur, semper tamē in iis aliqua insunt, quæ nō nisi hac ratione manifesta fieri possunt. Quis porro est qui sensibus carens, possit aliquid inductione perdiscere? Etenim in singularibus uersatur sensus. Nam istorum assequi non poterit scientiam. ex uniuersis enim ipsis, citra inductionem nil percipi potest, inductio autem non nisi opera sensuum absoluitur.

OMNIS ratiocinatio tribus extremis constat: atque est Cap. 15
 una quidem, qua affirmari A de C eo ostenditur, quod ipsum A de omni B dicitur, & B de omni C. Alia autem, qua negationem cōcludit, sumpta una propositione aiente, altera negante. Ex quo planē ac perspicuē intelligitur, ipsas demonstrationis sumptiones (quæ hypotheses appellari solent) esse illa ipsa quæ demonstrationum principia dicuntur. Neque enim, nisi acceptis quibusdam sumptionibus, quicquam demonstratur. Veluti cum omne C esse A per medium B probatur. Ac rursus omne B esse A, alio quodam medio: itēmq; omne C esse B, alio. Atque iis quidem qui suas conclusiones ad opinionem dirigunt, & dialecticē tantum disputant, illud modo uidendum est, ut sint quàm maxime probabilia, quæ ad probandum aliquid accipiuntur: adeo ut si re uera est interiectum aliquod medium inter A & B: nec ullum tamē esse uideatur: qui eam propositionē in probando quasi indubitatam accipit, is dialecticē modo rem probasse cense-

tur. Iis uerò qui ad ueritatem suas conferunt probationes, quid in ipsa re sit perpetuò spectandum. Hoc autem ut fieri possit, inde euenit quòd in unoquoque genere sunt quaedam quæ per se, non per accidens insunt, ac dicuntur. Per accidens autem interpretor, ueluti si quis illud quod candidum est, dicat esse hominem: est enim hoc genus attribuendi illi ualde dissimile, quo contra hominem esse candidum pronunciamus. Homini enim per se, non quia aliud quippiam esse intelligatur, candidum esse attribuitur. At candido non alia ratione attribuitur homo, quàm quia ita forte euenit, ut qui homo esset, candidus esset. Sunt igitur in unoquoque genere aliqua huiusmodi, quæ propter se attribuuntur. Ergo ponatur C tale esse, ut nil infra se habeat, de quo enūciatur. Sit autem huic proximum B, quod de illo affirmari potest citra ullum medium: tum deinde sequatur D, quod de ipso B eodem modo dicatur: Posthac cōstituatur E proxime antecedens ipsum D. Nunc quæro, num sit necesse, ut aliquis tandem reperiatur exitus, an uerò ita superiora repetentem, regredi in infinitum licet? Rursus ponatur A summum quoddam caput, de quo nil enunciari possit, dicatur autem primum omnium, ac citra ullum medium de ipso F, tum ipsum F eadem ratione conueniat G, deinde & G ipsi B. Illud igitur hic rogo, futurumne sit, ut tandem reperiamus infimum aliquid, in quo necesse sit consistere, an uerò hic etiam in infinitum progredi liceat? Hoc uerò interest inter hanc questionē, & superiorem: quòd illa, sumpto initio ab infimo, quod ipsum quidem de nullo dicitur, de illo autem alia enunciantur, illud quærit, an superiora deinceps repetēdo, in infinitū regredi liceat? in posteriore uerò id quæritur,

queritur, si exordiamur à supremo aliquo, cui nil omnino possit attribui, ipsum autem de aliis affirmari queat, an inferiora deinceps persequendo, in infinitum progredi liceat? Existit porro & tertia quaestio, possintne media esse infinita constitutis iam ante ac definitis extremis, necne? Exempli causa, si dicatur A de omni C, sitque horum medium B: dein de inter A & B alia interposita sint, ac rursus inter hæc alia: Est ne necesse ut certo quodam numero sint ista media, an uerò in infinito numero esse possint? Atque has quaestiones tractare, nil est aliud, quàm querere, an demonstrationum progressus in infinitum possit produci: & an possint omnia euidenti probatione confirmari, an potius sint aliqui tandem fines, ubi probationum exitus reperiatur. Eadem quaestio etiam ad eas tum ratiocinationes, tum propositiones, quæ aliquid negant, accommodari potest. Veluti si de nullo B dicatur A, aut de hoc primum, ac citra medium negabitur, aut uerò aliquid interiacebit, de quo prius negabitur, ut de C uerbi gratia, quod in ipso B omni dicitur: rursus & aliud erit, in quo prius negatio uera erit, ut D, quod de omni C enunciat. Hic igitur num quari recte potest, sitne eorum infinitus numerus, quibus prius nō inesse ipsum A reperiatur, an uerò certus ac definitus? In iis autem quæ reciprocantur, non possunt hæc quaestiones eodem modo locū habere. Quæ enim uicissim retro commeat, in iis nil tale reperitur, de quo primo, & de quo ultimo alterum enunciat: quia paria sunt inter se omnia. Verumtamen eatenus hæc quaestiones iis accommodari possunt, quatenus id queritur, possintne infinita esse ea quæ per se alteri attribuuntur: aut etiam, possintne tum subiecta, tum at-

ARIST. DE DEMONST.

tributa infinita esse? Sed quum ista reciprocantur, inter attribucendi genera hoc interest, quòd una est per accidens, altera propria ac per se attributio.

Cap. 16 AC primum, minimo negotio illud ostendi potest, fieri non posse, ut media sint infinita, si sursum ac deorsum extrema reperiantur attributa, in quibus necessario sit resistendum. Ego autem summa attributa interpretor, quæ sunt maxime generalia, infima autem quæ minime generalia sunt, ob idque in parte maxime intelliguntur. Si igitur extrema sint A & F, quorum A in omni F dicitur, infinita autem media, B: quid quæso apertius est, quàm illud: si quis ab A ad infimū pervenire velit, futurum ut infinita attributa pratergrediatur? priusquam enim ad F deveniat, interiecta sunt infinita. Et contra si ab F velit ad summum ascendere, necesse esse ut prius infinita media percurrat, quàm ad A pervenerit? Quare si omnino ista fieri non possint, & illud quoque absurdissimū est, inter A & F media esse infinita. Neque uerò id quicquam nostræ rationi officit, quòd diceret fortasse quispiam, ex mediis quadam esse quæ continenter, nulloque interposito sequantur ipsum ABC. Alia autem esse quæ omnino ne accipi quidem, ac inueniri possint. Quocūque enim ex ipsis B mediis accepto, num semper aut versus A, aut versus F media restabunt infinita, an non? Nam unde primum incipiat infinitas, continuōne à principio, an paulò post, nil refert, modo aliquam tandem infinitatē paulò post sequi ostendam.

Cap. 17 SEQUITVR deinde ut planum faciamus, si in affirmantibus demonstrationibus termini tādē aliqui utrinque reperiantur, quos excedere non liceat, necesse esse, ut suos etiam

etiam quosdam fines habeat negans demonstratio. Ponatur igitur nunc, neque ascensum ab imo ad summum infinitum esse, neque descensum à supremo ad infimum. Imum autem ego hic interpretor, quod de nullo dicitur, de ipso autem superiora multa enunciantur. Supremum autem ac primum intelligo, quod ipsum quidem in aliis dicitur, in illo autem nihil. Hoc itaque posito, facile erit intelligere, in negationibus exitum tandem aliquem futurum. Tribus enim tantum modis negatio concluditur. Primus est, cum ita disponuntur sumptiones, ut propositio sit, nullum B est A, assumptio omne C est B. Ac perspicuum quidem iam est, hanc assumptionem B C, atque adeo semper alteram ex sumptionibus, quam necesse est esse affirmationem, ad primam tandem mediisque carentem propositionem reuocatum iri. Alterius autem propositionis attributum, si non primo negetur de B, sed de altero prius, ut D, necessarium erit ut ipsum D in omni B insit: ac rursus si aliud quidpiam est, de quo prius negetur A, quam de ipso D, illud similiter oportebit in omni D affirmari. Quoniam igitur in hac probandi ratione, deorsum uersus finis reperitur ubi consistendum sit, erit etiam superiora repetenti, in summo aliquid ubi consistat. Atque erit tandem aliquid de quo uniuerse, ac citra ullum medium negabitur A. Rursus si facta sit hac dispositione ratiocinatio, Omne A est B, nullum C est B, nullum igitur C est A: uelit autem quispiam etiam hanc assumptionem probare, necesse erit ut aut primam illam formam, ac dispositionem sequatur, aut hanc ipsam quæ hac ratiocinatione continetur: aut tertiam. Ac de illa quidem prima figura iam satis dictum est: nunc secunda explicabi-

tur, in qua ad hunc modum res demonstrabitur, ut (si modo sit aliquid quod de ipso B dicatur, uerbi gratia D) hac forma collocentur sumptiones: omne B est D, nullum C est D. Ac rursus ut de nullo C dicitur D, ita aliud quippiam accipietur, quod in omni quidem D affirmabitur, sed in nullo C enunciari poterit. Quia ergo sursum uersus est aliquis in affirmationibus exitus, necesse etiam est ut in negationibus aliquid tandem inueniatur, ubi sit resistendum. Tertia forma est cum ita concluditur, nullum B est C, omne B est A, quoddam igitur A non est C. ubi si rursus est demonstranda propositio, necesse est, ut aut alio modo ex iis duobus quos proximè exposuimus, id fiat, aut hac ipsa forma. Atque in superioribus quidem illis probandi rationibus, fines tandem aliqui reperiuntur. Hac uerò forma si quis id monstrare instituerit, ita necesse est medium accipiat, E uerbi gratia, ut de nullo E dicatur C in propositione: in assumptione autem, in omni E dicatur B: eodémque modo in aliis rursus faciat, si qua alia reperiuntur media. Postquam igitur id positum est, affirmationes deorsum uersus sua habere quædam extrema, illud etiam necessariò efficietur, ad extremum quoddam tandem peruenturas negationes, in quibus C de aliquo negatur. Est porro illud etiam ex iis perspicuum, quòd si non una tantum uia, ac ratione huiusmodi probentur negationes, sed simul omnibus: ita ut partim in prima figura, partim in secunda, & partim in tertia concludatur, planum, inquam, est hoc etiam modo necesse esse, ut aliqua tandem ueluti stationes reperiuntur, in quibus commorandum & acquiescendum sit. Et enim hæc uia sunt finita: quæ uerò certa sūt ac definita, si nō
nisi

nisi certo quodam numero accipiantur, quomodo non facient totum quod ex iis coniunctum erit certum ac finitum? Estigitur perspicuum in negationibus certos quosdam ac definitos esse terminos, si modo in affirmationibus quosdam esse admittatur.

QVOD uerò in his ipsis exitus tandem aliquis reperia- Cap. 18
tur, nunc demonstrabimus. Ac primum logicè ista consideranti, non est difficile quàm id uerum sit cernere. Imprimis certa esse ea, quæ in definitione accipiuntur, uel hinc planum esse potest, quòd si declarari aliquid definitione posse, aut uerò quid sit res posse oratione cognosci statuatur, necesse est numero quodam certo esse ponantur, quæ in oratione quid res sit explicante adhibentur: siquidem infinita nemo possit animo ac cogitatione percurrere. In uniuerso autem genere eorum quæ de altero dicuntur, idem illud uerū esse, hoc modo planum ac manifestum faciam. Verum quidem dicimus, cum hoc modo pronunciamus, quod candidum est ambulare, aut illud quod magnum est, lignum esse: & rursus cum lignum esse album, aut hominem ambulare enunciamus: inter hoc tamen enunciandi genus, atque illud, plurimum interest. Quando enim quòd album est, lignum esse dico, nil dico nisi illud cui forte accidit ut album esset, lignum esse: nec ita attribuo lignum albo, quasi subiectum quoddam ligno sit album: siquidem id usuuenire hoc loco non uidemus, ut fuerit prius id quod album est, aut omnino aut pars eius, res quædam ipsa per se coherens, cum deinde illi conueniret lignum esse: quare quod album est, lignum esse, id fortuitum ac per accidens tantum est: quando uerò lignum esse album dico, id ego non uolo, rem quan-

dam albo subiectam esse, cui idē acciderit ut præter id quod alba est, lignum esset: qualiter sit cum ita enunciatum, Musicum esse album: id enim ex eo uerum est, quòd eidem homini, qui musicus erat, contigit ut albus etiam esset: sed illius enunciationis ea uis est, ut albo subiectum sit lignum, cui illud non alia ratione conuenire cæpit, nisi qua lignum est, aut species quadam illius. Ac si hic mihi legem ponere, certumque aliquid statuere liceat, tum dici aliquid attribuique statuatur, quando posteriore hoc genere enunciabitur: cum uerò illo priore modo fiet pronuntiatio, tum aut nullo modo dici, aut non simpliciter, sed ex adiunctione per accidens attribui censeatur. Atque esto attributum, ut album: subiectum autem, ut lignum. Ponatur igitur omne attributum de subiecto simpliciter ac non per accidens dici: quandoquidem talia semper sunt, quæ in demonstrationibus adhibentur. Vnde illud sequitur, quandocunque unum uni attribuetur, necesse esse ut attributū aut in essentia rei cōtineatur, aut significet qualitatem, aut quantitatem, aut ad aliquid, aut facere, aut pati, aut locum, aut tempus. Iam uerò quæ ad explicationem naturæ pertinent, ita semper subiecto attribuuntur, ut subiectum significant esse id ipsum quod attribuitur, aut huius partem aliquam. Quæ autem rei naturam non declarant, sed in subiecto quodam dicuntur, quod nec illud ipsum est, quod ei attribuitur, nec illius generis quippiam, ea accidentia dicuntur: quomodo album de homine dicitur. Neque enim homo est illud ipsum quod significat album, neque quod ab aliqua albi differentia significetur: sed homo animal est fortasse, atque adeo quod animal significat, illud ipsum homo est. Quæ porro non de-

clarant

clarant rei naturam, ea semper in subiecto aliquo insunt; nec est quippiam quod ita albū dicitur, ut nil aliud sit quā id ipsum quod hoc uerbo, album, declaratur. Nam ideas hoc loco ualere iubeamus. nil enim quā nuga, & quasi inanes cantiones sunt: & si sint, nil tamen ad hanc nostram disputationem pertinent: quandoquidem in iis rebus demonstrationes uersantur, quæ in subiecto insunt. Iam si non potest ut hoc est illius qualitas, ita uicissim illud huius esse, nec omnino fieri possit ut sit qualitatis alia qualitas: illud profecto fieri non poterit, ut ab accidentibus ulla sit retro cōmeans attributio: non quòd uerum hoc modo dicere non liceat: sed cum retro uertitur ab accidentibus enunciatio, fieri non potest, ut præter id quod uera sit, etiam proprium, ac legitimū genus attributionis contineat. Quid enim? itāne attribuentur illa, ut essentiam declarent, ac perinde dicantur quasi genera, aut differentia eorum quæ attribuuntur generum? Atqui paulo ante demonstratum est, ista nec ascensu nec descensu infinito contineri. Veluti si hominē, deinde bipes, tum animal, tum superius animali aliquid accipias, in infinitum non progredi: ut nec si inferiora persequaris, attribuendo animal homini: tum hominem Calliæ, deinde Calliæ alicui alteri, cuius in essentia contineatur. Omnis enim quæ aliquid est superius & inferius substantia, definitione explicari potest, infinita autem nemo potest cogitatione comprehendere. Quare si non possit ea substantia definiri, de qua infinita dicuntur, necesse est ut tum sursum tum deorsum fit aliquis tandem exitus. At certe non possunt ita uicissim retro attribui, ut genera esse intelligantur, alioqui efficietur ut idē sit id ipsum quod est. Sed nec de qualitate, nec de nullo

alio accidente potest ullum accidens dici, nisi per accidens,
 quandoquidem ista omnia aduētitia sunt, & in substantia
 semper cernuntur. Quod uero superiora persequentem non
 liceat in infinitum regredi, hinc intelligi potest, quod omne
 quod de quaq; re dicitur, aut quale sit, aut quātū sit, aut si-
 mile aliquid indicat, aut uero essentiam rei declarat: atqui
 certo numero sunt quæ in natura rei cōtinentur: & reliqua
 etiam attributionū genera finita sunt. Hac enim fere sunt,
 quale sit, quantū sit, ad aliquid, faciens, patiens, ubi sit, quā-
 do sit. Illud porro iam ante à nobis positum est, unum de uno
 dici, & nunquam euenire ut subiectū id ipsum sit quod at-
 tributum, nisi quid sit, ac substantiā significet ipsum attribu-
 tum. Quæ enim non significant quid est, omnia sunt acciden-
 tia. sed ex iis alia sunt quæ per se insunt, alia quæ alio modo
 conueniunt. Cuiuscunque tamen generis sint, semper in ali-
 qua re subiecta inesse, ac non ipsa quadam subiecta esse cen-
 semus. Nil enim horum est, quod, si esse dicatur, statim aliud
 quippiam esse non intelligatur, quàm quod ipso uerbo con-
 tinetur: sed ipsum de alio quodam dicitur, alia quadam de
 altero. Neque igitur sursum uersus, neque deorsum, fieri po-
 test ut unū de uno sine ullo fine dicatur. Nam de quibus ac-
 cidentia dicuntur, ea sunt quæ substantiam declarant: quæ
 non possunt esse infinita. Superiora uerò cū inferioribus con-
 ferēdo, neque in iis, neque in accidētibus, potest esse in infini-
 tum progressio. Quare necesse est ut aliquid tandē reperia-
 tur, quod mox ab infimo positum, de illo primū omnium di-
 catur, tum deinde aliud de hoc ipso, atq; ita superiora dein-
 cept repetendo tandem in summo aliquo consistatur: quod
 ipsum quidem de aliquo sibi proximo enūciabitur, supra se
 autem

autem nil habebit, quod de se dici possit. Atque una quidem huius rei probatio hætenus explicata est: nunc aliam subiiciamus. Ea tantum demonstratione concluduntur, de quibus alia priora dici possunt: quæ uerò euidenti probatione possunt ostendi, ea nunquam certius meliusque animo percipiuntur, quàm cum plane ac perfecte sciuntur, nec uero citra demonstrationem certo sciri possunt. Porro illud certum est, si ex quibus aliquid manifestum sit, ea nec sciamus, nec alia quadam ratione melius ac certius intelligamus, quàm quæ scimus: fieri non posse ut ex iis aliquid plane ac perspicue cognoscatur. Si igitur est aliquid quod per demonstrationem simpliciter absolutèq; sciri possit, ac non quasi ex quibusdam cõcessis, aut ex fictione quadam omnia sciatur: necesse est ut certo quodam numero contineantur attributiones, quæ inter primas atque ultimas interiectæ sunt. Nam si nullus tãdem reperiatur exitus, sed in infinitum aliqua semper superiora sint, nil erit quod demonstratione confirmari non possit. Quare quæ euidenti probatione ostendi possunt, ea per demonstrationem scire non poterimus, si quidem infinita nemo possit ratione & intelligẽtia completi. Si igitur ea animus non potest melius comprehendere, quàm cum eorum scientiam est assecutus, illud profecto necessario efficitur, nil esse quod per demonstrationem simpliciter sciatur, sed ex fictione, & quasi ex conditione omnia cognoscantur. Ac logicè quidem ista consideranti, hæc argumenta persuadere possunt, id ita esse quod dico: Analytice autem si hæc eadem spectentur, breuius confirmari poterit, non posse nec sursum nec deorsum uersus, infinita esse attributa, quæ in demonstratiuis scientiis (de quibus hæc uniuersa tractatio

suscepta est) locum habent. continetur enim omnis demon-
 stratio iis quæ per se attribuuntur. Hac autem dupliciter di-
 cuntur. Vno modo, quæ in definitione eorum accipiuntur, de
 quibus dicuntur. Altero, quæ subiecto attribuuntur, quod in
 eorum definitione explicanda adhibetur. Huius generis exem-
 plum est, impar, quod numero conuenit, & numerus in de-
 finitione ipsius ponitur. prioris exemplum est multitudo, aut
 quod diuiduum est, quæ ad numerum definitione explican-
 dum adhibentur. At uero neutrum horum potest immenso
 numero contineri. primū enim quæ eo modo insunt, quomo-
 do impar numero, non possunt esse innumerabilia. Nam ut
 aliud quippiam sit quod rursus de impari dicatur, ita ut in
 eius definitione accipiat impar, fieri potest, sed etiam cum
 illud usuuenit, necesse est, ut in omnium illorum definitio nu-
 merus accipiat: quando numerus est in quo primo ista om-
 nia cernuntur. Itaque si non possint uni infinita huius gene-
 ris attributa conuenire, ne id quidem fieri poterit ut sursum
 uersus in infinitum regredi liceat. Atqui ista omnia necesse
 est numero attribui, uicissimque in eorum definitionibus nu-
 merum adhiberi: illa igitur omnia cum numero reciproca-
 buntur, nec poterunt latius patere quam numerus. Iam ue-
 ro ne illa quidem infinita esse possunt, quæ in oratione docē-
 te quid sit res quæque continentur, alioqui ne unam quidem
 definitionem licebit absolvere. Quare si dicatur per se omnia
 attributa, hac autem non sint infinita, erit tandem primum
 quoddam caput, in quo consistamus: ideoque ultimū etiam
 aliquid ubi resistamus. Vnde necessario efficitur, ne illa qui-
 dem infinita esse posse, quæ intra illos terminos continen-
 tur. Hac porro si uera sint, consequens est, ut sint quedam
 initia

initia demonstrationum, nec possint omnia euidenti probatione ostendi, quemadmodum dicunt quidam de quibus initio huius disputationis mentionem fecimus. Etenim si aliqua sint initia, nec demonstratione probari res omnes possunt, nec progredi in infinitum licet: siquidē alterutrum horum ponere, idem ualet, ac si dicatur nullum plane esse interuallum ita cōtinuatū, quin aliquo medio interceptum sit, & quasi interductu aliquo distinctū, sed omnia esse deiuncta, & interrupta. Ita enim demonstratur unumquodque, ut uerbum medium inter extrema immittatur, non autem extra ipsa extrema collocetur. Quare si ita alia ex aliis probando, in infinitum progredi liceat, necesse erit ut inter duo extrema media infinita contineantur. Quod fieri omnino non potest, si modo propria singulorum attributa persequenti, necesse sit tum sursum tum deorsum acquiescere. Quam uero illud necesse sit, & logicē supra, & analyticē modo ostendimus.

DEMONSTRATIS autem his, illud facile fiet manifestum, quod si unum attributum de duobus dicatur, ut A de C, & de D, quorum unum de altero aut nullo modo, aut non in omni enūciatur, non semper commune aliquod uerbum reperiri, per quod illud attributum utrique conuenire ostēdatur. Veluti isosceli & scaleno conuenit habere tres angulos aequales duobus rectis, per communem aliquā utrique naturā. quia scilicet figuræ quædam sunt, nec iam aliud est, cuius interuentu illud conueniat. Sed in omnibus nō est eadem quæ in his ratio. Est enim B, cuius interuentu A conuenit C & D. Constat igitur & aliud rursus esse mediū per quod ipsis C & D, attribuitur B, atq; illud rursus per aliud

quippiam. Ex quo efficitur, intra duo extrema, posse media infinita contineri: quod fieri omnino non potest. Non igitur necesse est, ut quod attributum de multis dicitur, semper aliqui cuius alterius interiectu dicatur: quandoquidē aliqua tandem interualla medio carētia reperiuntur. Sed ut ipsa quæ interueniūt uerba, ex eodē genere sint, iisdēmq; indiuiduis, illud sane necesse est: si modo illud commune uerbum cuius interuentu aliud ostenditur, in numero eorum sit quæ per se conueniunt. Nam traducere quæ unius generis sunt in aliud demonstrando nō licet. Perspicuum porro etiā illud est, quando A de B affirmatur, si est quoddā inter illa medium, illam affirmationem, omne B est A, demonstratione posse cōcludi: atque etiam tot & eadem esse elementa huius affirmationis, quot & quæ sunt ipsius media. quæ enim medio carēt propositiones, aut omnes, aut certe quæ in toto genere enunciant, sunt elementa. Sin nullum est medium, ne demonstratio quidem erit, sed iam tum ad ipsa initia peruentum erit. Eadem ratio erit si de B negetur A. nam si interueniat aliquid, siue mediū, siue in quo prius negetur A, demonstratio de ea re conficietur: sin minus, non conficietur. Verū quot erunt uerba media, tot erunt principia, & elementa: quandoquidem demonstrationis principia sint eæ propositiones quæ ex iis uerbis constituūtur. Atque etiā sicuti sunt aliqua initia quæ probari demonstratione non possunt, quibus aut hoc esse illud, aut huic illud inesse affirmatur: ita sunt quibus negando, aut hoc non esse illud, aut non inesse hoc illi, pronuntiatur: quo fit ut præsto nobis esse possint principia, tū affirmationibus tum negationibus concludendis. Et quidem quando demonstrabitur affirmatio, ita semper accipiendum

piendum erit medium (quod sit, uerbi gratia, C.) ut sit necesse ipsum C, omni B inesse, ac deinde omni C inesse A. atq; eadē hac ratione persequi media oportebit, ita ut nulla unquam extra illos terminos propositio sumatur, nec unquam aliquid quod ipsi A omni attribuat, in probando adhibeatur: sed semper ea quæ in medio sunt spatio coaceruantur, donec ad continens aliquod nulloque medio distinctum interuallum, atque adeo ad unum quippiā perueniatur. Ad illud uero unum tum peruentum est, cum ad immediatum aliquod proloquium deuentum erit. Atque est illa quidem certe propositio simpliciter ac proprie una existimanda, quæ omni medio caret: & quemadmodum in aliis omnibus rebus semper ipsum initium simplex est, non idem tamen in omnibus, sed in ponderibus uerbi causa, mina, in modulatione diesis, in aliisque alia, sic in ratiocinatione ipsa id quod est minimum, ac maxime unum, est propositio immediata: in demonstratione uero ac scientia, ipsa mens atque intelligentia. In iis igitur ratiocinationibus, quibus affirmatio ostenditur, nunquam medium extra extrema accipi potest. In iis uero quæ negationem concludunt, in hac quidem figura prima, nil etiam extra conclusionis attributum accipietur. Veluti si probatum fuerit nullum B esse A, per medium C, hoc modo collocatis sumptionibus, nullum C est A, omne B est C: ac rursus probandum sit nullum C esse A, hic accipietur medium aliquid inter A, & C, eiusdemque modi fiet semper progressio. Si in hac forma ostēdatur nulli E, conuenire D, quia omne D est C, & nullū E est C, aut non omne: extra E, quod est minus extremum, de quo aliud concluditur, nunquam cadet medium. In tertia uero figura nec

extra subiectum, nec extra attributum, negantis conclusio-
nis medium unquam accipietur.

Cap. 20 DEINCEPS sequitur, quoniam sunt alia demonstra-
tiones de toto genere, alia de parte: & partim affirmantes,
partim negantes, ut queramus utra sit potior earum quæ
singulis diuisionibus continentur. Idem illud querendum est
de demonstratione rem directo probante, & de ea quæ ad
incommodum ducit. Sed nos prius quidem de uniuersi gene-
ris & partis demonstratione agemus: tum deinde ad dire-
ctam, & eam quæ incommodo urget demonstrationem ue-
niemus. Ac primum his fortasse rationibus quispiam indu-
catur, ut credat eam probationem, quæ in parte uersatur,
accuratiorem esse, quàm quæ genus uniuersum confirmat.
Ut quæque probatio certiore parit rei cognitionem, ita po-
tior accuratiorque est, siquidem in eo posita sit omnis demõ-
strationis uirtus ut scientiam gignat. Atqui unaquæque res
cum per se cognoscitur, tum melius ac certius intelligitur,
quàm si per aliud quippiam sciatur: ueluti Coriscum esse
musicum tum magis scio, cum scio hunc ipsum Coriscum esse
musicum, quàm cum hominẽ. & sic alia. Vniuersa uero de-
monstratio, quòd aliquid insit in alio semper, & non in eo
ipso in quo inest, demonstrat: ut isosceli conuenire quippiam
ostendit, non quia sit isosceles, sed quia triägulum. Quæ au-
tem in parte demonstrat, in eo ipso cui conuenit, rem inesse
ostendit. Itaque si est melior quæ per se rem ostẽdit, illudque
magis illi conueniat probationi quæ ad partem aliquã per-
tinet, quàm quæ ad totum genus, relinquitur profectò accu-
ratiorem esse partis, quàm uniuersi generis demonstratio-
nem. Præterea si re uera nil sunt res uniuersa præter singu-
las,

las, eā autē opinionē inducat uniuersa demonstratio, ut rem quādam esse eam in qua aliquid ostendit existimemus, atq; adeo in rerum natura coherere talem aliquam naturam: ueluti trianguli prater singulos triangulos quādam esse naturam, figura prater singulas figuras, numeri prater singulos numeros: Est porro ea semper accuratior probatio, quæ quod reipsa est, quàm quæ quod nusquam est ostendit: Et quæ errorē nullum inducit, quàm quæ in falsas nos inducit opiniones. Atqui est huius posterioris generis demonstratio uniuersa. Postquam enim demonstratores aliquantum iam in probando processerunt, tum ferè illud idem faciunt, quod in proportionē demonstranda usuuenit, nempe quicquid erit tale quippiam, omne illud erit proportionis particeps: quod quidem nec est linea, nec numerus, nec solidum, nec planum, sed prater illa nescio quid: Si igitur illud potissimum in demonstrando genere uniuerso eueniat, ideòque in eo quod reuera sit, minus uersetur uniuersi generis, quàm partis demonstratio, adeo ut illa falsam etiam gignat opinionem, iam certè dubium esse non potest, quin longe superetur de toto genere probatio, à demonstratione de parte. Atenim (ut hinc potissimū ordiar) prior illa ratio, nōne tã est ab uniuersi generis demonstratione, quàm ab alicuius partis probatione? Nã si non conueniat isosceli habere tres angulos pares duobus rectis, quia sit isosceles, sed quia sit triangulum: profectò necesse est eum non tam perfectè rem ut est, nosse qui hoc isosceli inesse cognouerit, quàm qui triangulo. Atque ut semel dicam, si non ita res habet, ut triangulo conueniat, quia triangulum est, idque uelit quispiam ostendere, non erit illa demonstratio: sin ita res habet, ut

quisq; rem aliquam, quia ea ipsa est, non erit, ita rē certius multo accuratiusque perspectā habuerit. Itaque si latius patet triangulum, sitq; ipsius una quadā ratio, nec ulla insit in hoc ipso triangulo ambiguitas, in omni autem triangulo uerē dicatur, par esse duobus rectis angulis: illud certe planum est, non triangulo quia sit isosceles, sed contra isosceli quia triangulum sit, cōuenire, ut habeat tres angulos duobus rectis pares. Quare qui totum genus nouit, rem ut est magis nouit, quā qui partē tantū intellexit, ob eāque causam accuratior uniuersi generis demonstratio, quā alicuius partis. Iam uerō si uniuersum ipsum genus una quadā ratione, non autē sola nominis cōmunionē continetur: non minus in rerū natura cohaerebit, quā rerū singularū nōnulla, quin etiā multo magis: quādoquidem quae immutabilia sunt, nec interitum agnoscunt, in rebus uniuersis cernuntur: Res uerō singula maxima ex parte caduca sunt, & mortales. Insuper quae tandē necessitas est, quia res uniuersa unū quippiam est, in eam statim uenire opinionem, ut uniuersale esse aliquid à rebus singulis separatū credamus? nā cur id magis hic necesse sit quā in aliis quae non substantiā, sed aut qualitatem, aut ad aliquid, aut facere significant? Illius igitur falsa opinionis, non causa est demonstratio, sed qui eam male accipit. Praeterea demonstratio est ratiocinatio quae adhibetur ad docendam causam cur res sit: in uniuerso autē genere, causa maxime continetur. Cui enim propter se aliquid conuenit, ipsum sibi est causa cur ita sit: est autē uniuersum genus illud in quo primū ac per se res insunt: in ipso igitur uniuersali causa continetur. Quapropter erit potior accuratiorque de toto genere demonstratio: quandoquidem illa
magis

magis causam cur res sit explicat. Præterea cum quaritur quamobrem sit aliquid, nō cognoscimus, donec ad genus aliquod uniuersum perueniamus, ac tum demum existimamus nos esse affectos rei scientiam, quando nil iam aut esse, aut fieri uidemus, ultra illud totum genus. Exitus enim finisq; ultimus in causa inuestigatione, hac demum ratione inuenitur. Verbi gratia, cur uenerit quispiā, causa est, ut pecuniam accipiat: tum huius ratio est, ut se are alieno liberet: rursum huius causa est, ne quam alteri iniuriam faciat. Et quidem cum hoc modo causas ex causis persequimur, si quando eō perueniamus, ut iam non ob aliam causam, nec alterius rei gratia fieri aliquid uideamus, tum id ipsum, finem esse cur uenerit, dicimus: aut cur aliud quippiā uel sit uel fiat: tūque maxime quamobrem uenerit, nos scire putamus. Si igitur similis est ratio in causis omnibus, & par sit eadēq; affectio in omnibus questionibus, quæ quamobrē quæq; res sit inquirunt: est autē illa quā diximus certissima ratio sciendi, in iis rebus in quibus causa quæ inuestigatur, finis est: & in aliis profecto causis, tum maxime cognita ac perspecta res erit, cū iam nulla erit ulterior causa, quā reddamus. Veluti cum scimus exteriores isoscelis angulos, quatuor rectis pares esse quia isosceles est, id adhuc desideratur, quamobrē id isosceli cōueniat: quia scilicet triangulū: ac rursum cur triangulo, nimirum quia est forma rectis lineis constans. Hic uerō si iam nulla sit ulterior causa, necesse est ut hac demum causa intellecta, illa res planē ac perspicuē cognita sit. Atqui hoc genus quoddam uniuersum est latissime patens: est igitur accuratior uniuersi generis quā par iis demonstratio. Ad hac, quo magis ad singulas partes

declinamus, eo ad infinita magis accedimus: contra autem, quo magis ad res uniuersas ascendimus, hoc ad simplicem definitamque naturam magis appropinquamus. Atqui quæ sunt res infinitæ, hac sub scientiam minimè cadunt: quæ uerò finitæ sunt, ea scientia subiiciuntur. Res igitur ipsa magis hoc ipso quòd uniuersa sunt sub scientiam cadent, quàm cum in parte spectantur. Quare ad demonstrandum magis accommodatæ erunt res uniuersæ, quàm singulæ partes. Par autem est, ut earum rerum quæ ad demonstrationem magis accommodatæ sunt, sit etiam magis demonstratio: simul enim quæ cum aliquo conferuntur, utraque elationem suscipiunt. Quando igitur magis demonstratio est quæ in toto, quàm quæ in parte uersatur, id necessario relinquitur, præstantiorem esse uniuersi generis demonstrationem. Iam uerò illa semper optabilior est demonstratio, per quam simul multa cognoscimus, quàm quæ unius tantum rei adfert cognitionem. Atqui percepto toto genere, simul quod in parte est intelligitur: qui uerò hoc nouit, non etiam uniuersum genus habet perspectum, hac igitur ratione necessario conficitur, optabiliorem esse illam demonstrationem. Sed etiam illud hoc pacto confirmari potest: nil enim est res magis generales, quæq; latius patent scire, quàm per illud medium rem nosse, quod ad initia propius accedit: illud autem quod proximum est à primo, nullo medio est ab illo distinctum, quod quidem est ipsum principium. Si igitur est ea accuratior demonstratio quæ ex principiis constat, quàm quæ non constat, aut uerò quæ ex iis componitur quæ magis principia sunt, ea est potior quæ continentur illa quæ à principiorum appellatione magis sunt remota. Est autem

prioris

prioris illius generis demonstratio de toto genere, profectò necesse est ut sit multo excellentior uniuersi generis probatio. Veluti si demonstrandum est A in D inesse, media sunt B & C, ac superius quidem est B. Quapropter necesse est ut latius pateat demonstratio quæ illud medium accipiat, quàm quæ alterum. Sed sunt quidem ex iis rationibus quæ adductæ sunt, nonnulla logica. Nunc uerò paucis quàm sit præstantior de toto genere quàm de parte demonstratio, planum faciam. Nos enim scientes priore aliquam propositionem, simul & posteriorem quodammodo scimus, ulque ac facultate, hanc in illa animo complectimur. Ut qui scit omne triangulum habere tres angulos pares duobus rectis, scit etiã quodammodo isosceli idem illud conuenire, etiam si nesciat fortasse isosceles esse triangulum. At qui hanc posteriorem nouit propositionem, illam uniuersam nec re ipsa, nec ui & facultate, percepit. Et uniuersi generis probatio, ratione & intelligentia continetur: quæ autem de parte concluditur, ad sensum pertinet, eoque terminatur. Quòd igitur longe præstat demonstratio uniuersa, demonstrationi quæ in parte uersatur, ista sufficiant.

NUNC sequitur ut aientem negante præstantiorem esse ostendamus. Ac primum, ponatur illam demonstrationem alteri præstare, quæ cum reliqua paria habeat, paucioribus absoluitur postulatis, aut hypothesibus, aut propositionibus. ut enim sint æque manifesta utriusque propositiones, illa certe quæ paucioribus constat, celerius rei cognitionem adferet: quod profectò optabilius est. Porro cur præstare dicatur, quæ paucioribus absoluitur, ei quæ pluribus, hæc communis ac generalis ratio reddi potest. Quoniam, licet simi-

Cap. 21

lia sint in perspicuitate media, semper tamen sunt notiora,
 quæ priora sunt, ut probatione una, de E dici A, per media
 BCD ostendatur, altera autem quod D conueniat ipsum
 A per media FG demonstretur: nec obscurius sit ac diffici-
 lius intelligere de D dici A, quàm de E idem ipsum A dici:
 illud tamen prius, ac notius est, quod A conueniat ipsi D,
 quàm quod ipsi E insit A, quandoquidem illud ad hoc de-
 monstrandum adhibetur. Est uerò illud semper credibilius
 quod ad faciendā de altero fidem accipitur. Est igitur præ-
 stantior ea demonstratio, quæ cum ceteris in rebus cum al-
 tera conueniat, paucioribus absoluitur, quàm illa. Ac istæ
 quidem ambæ de quibus quaeritur, tribus constant uerbis
 simplicibus, ac duabus sumptionibus: Verum una affir-
 mationes tantum accipit, altera & affirmationem & ne-
 gationem, quo fit ut hac ex pluribus conficiatur quàm illa,
 ideoque sit deterior. Iam uerò uel hinc perspicui potest, hanc
 illa esse deteriorem, quòd aliis in libris ostendimus non pos-
 se ex duabus sumptionibus negantibus, quippiam necessa-
 riò confici: sed semper unam affirmare, alteram negare o-
 portare. His accedit quòd demonstrandus negationibus sem-
 per adhibendæ sunt affirmationes. semper enim maior est
 aientium quàm insipientium propositionum numerus, in o-
 mni demonstratione, quæ retro acta ad principia, in aliquā
 magnitudinem augetur. Vt autem plus quàm una negatio
 in omni ratiocinatione sumatur, fieri negamus. Sint enim
 hæ sumptiones, nullum B est A: omne C est B: nunc si opor-
 teat has rursus propositiones confirmando, in maius auge-
 re demonstrationem, interponendum erit mediū inter A &
 B, quod sit D, & aliud quippiam inter B & C quod sit E.

Ac perspicuum quidem est medium E in affirmationibus tantum accipi: D autem, cum B quidem coniunctum in assumptione, affirmationem facit: propositio autem in qua cum A ipsum D connectitur, est negans, ut fiat hoc modo ratiocinatio: Nullum D est A, omne B est D. Est igitur in eo toto propositionum numero, una sola negatio: nec secus in aliis omnibus ratiocinationibus fiet. siquidem in affirmatione concludenda semper necesse est utranque sumptionem esse affirmantem, in negatione uero, tantum altera inficiatur. Quo fit ut hac sola negatio sit, cum alia omnes sint affirmantes. Si igitur id semper notius, & credibilius est, quod ad fidem faciendam adhibetur: demonstratio autem negans, per affirmantem, nec uicissim affirmans per negantem confirmatur: erit profecto aliens demonstratio prior, notior, credibilior altera, ob eamque causam praestantior. Postremo si nil est principium demonstrationis, quam uniuersa propositio medio carens, accipitur autem in aiente probatione affirmans talis propositio, in inficiente autem, negans: & affirmans negante prior est & notior: Ac notior quidem, eo quod confirmandis negationibus affirmationes adhibentur: Prior uero, quoniam esse prius est quam non esse: Ex iis profecto efficitur necessario, certiora praestantioraque esse affirmantis quam negantis demonstrationis principia. At enim quae melioribus utitur initiis, eam non modo meliorem esse necesse est, sed etiam ad ipsorum principiorum naturam magis accedere, hoc ipso quod non potest negans sine affirmante constare.

QVONIAM autem longe praestat demonstratio affirmans neganti, perspicuum etiam est ab illa eadem, lon-

Cap. 22

ge superari probationem quæ aduersarium urget incommodo. Imprimis autē quid hæc probatio differat ab ea quæ ad fidem directo pertinet, intelligendum est. Nam cum ita conficitur ratiocinatio, nullum B est A, omne C est B, nullum igitur C est A: tum est directæ huius negationis, nullum C est A, probatio. Quæ uerò ad incommodum ducit, hunc in modum conficietur. Est hoc propositum ad ostendendum, nullum B est A. Vt id ostendam, ego contra accipiam, omne B esse A, tum assumam, omne C est B: ex quo efficitur omne C esse A. Quæ conclusio quoniam perspicue falsa est, fierique id non posse quod ait, omnium opinione confirmatum est, propterea ego ad extremum concludo, nō fuisse ueram illam propositionem, omne B est A. Nā si illam assumptionem omne C est B, ueram esse certum est, ac concessum: fieri omnino non potest, ut uera sit propositio, omne B est A. Ac uerborum quidem simplicium ex quibus utraq; constant, collocatione, non distinguuntur: sed in eo tantum cernitur discrimen, utra ex duabus negantibus propositionibus notior esse ponatur, illane quæ dicit nullum B esse A, an quæ nullum C esse A. nam si id apertius est non esse, quod hac conclusione pronuntiatur, erit demonstratio per absurdam consecutionem docens: sin illa clarior est quæ in ratiocinatione propositionis loco accipitur, erit directæ rei probatio. Atqui naturæ ordine prius est, nullum B esse A, quàm nullum C esse A, quandoquidem ea semper priora sunt complexione, ex quibus ipsa complexio efficitur. Est autem hæc nullum C est A complexio, illa autem nullum B est A propositio, ex qua hæc conficitur conclusio. Neque enim quoquo modo ex aliis reprehēdatur, ac refellatur quippiam,

quippiam, id statim ita accipi debet, ut hac semper conclusio censeatur, illa sumptiones, ex quibus efficiatur illa complexio, appellentur. Sed ea demum sunt ex quibus aliquid concludi proprie dicitur, quæ in aliqua ratiocinatione ita accipiuntur, ut aut quasi pars post totum, aut contra post partem totum, ante complexionem sumptum sit. Duæ autem illæ propositiones AB & AC, non sic sunt inter se affectæ. Quocirca si præstator est quæ ex apertioribus, ac prioribus constat, ualeant autem illæ quidem utraq; negantes demonstrationes ad fidem faciendam, sed una ex prioribus, altera ex posterioribus cõficiatur: illud profecto necesse erit, ut demonstratio negas, quæ simpliciter ac directo rem probat, ea sit accuratior, quæ ad incommodum ducit. Vnde perspicuum est, quia omni negante, præstantior est affirmans demonstratio, longe præstare ipsam affirmantem, omni, quæ per incõmoda res docetur, demonstrationi.

PROXIMUM est ut scientiam cum scientia comparemus. Ac primum, illa est accuratior ac prior, quæ simul & quòd res sit, & cur sit, non autem quòd sit tantum percipitur, quàm si quæ sit, quæ rei tantum causa cognoscatur. Deinde illa semper est certior, quæ in eo subiecto uersatur, quod est omnino à sensuum iudicio disiunctum, quàm quæ in re uersatur ad sensum maxime accommodata. Vt Arithmetica quàm Musica subtilior est ac certior. Postremo accuratior est quæ simplicioribus elementis constat, ea cuius elementa non nisi ex aliqua adiectione intelliguntur: quæ ratione geometriæ præstat arithmetica. Quid autem ex adiectione appellauerim, hoc exẽplo intelligi potest. Vnitas enim natura quadam est, quæ nusquam posita, per se spectatur:

punctum autem substantia quædam est, quæ situ quoddam suo intelligitur: quod nos supra appellauimus ex adiunctione. Vna scientia est, quæ in uno quodam genere uersatur, earum rerum quæ ex iisdem primis initiis constare cernuntur, quorum initiorum aut partes, aut affectiones sunt illa, quæ per se conuenire illi generi conspiciuntur. Diuersa autem sunt, quarum principia nec eadem sunt, nec alia sub aliis continentur. Has uero, diuersas esse scientias quas dicimus, iis constare poterit, qui ad prima usque principia regrediendo peruenerint. illa enim ad idem genus pertinere debent, ad quod ea quæ demonstratione concluduntur: Vt uel hoc argumento perspicitur, quod ea ipsa quæ ex iis principis probantur, necesse est omnia, eiusdem esse generis, summæque naturæ societate inter se coniuncta. Iam fieri potest ut ad eandem rem probandam adhibeantur plures demonstrationes, non solum si ex eodem quidem ordine sed non deinceps ac cōtinenter, sumantur media, cuius generis sunt media inter A & B C D & E: sed etiā si ex alia quadam serie rerum accipiat medium. Exempli gratia, sit A agitari, D uero moueri, B uoluptate affici. Ac rursus sit E tranquillari. Verum igitur est & omne D esse A, & omne B esse D. Quicquid enim mouetur, agitur: qui autem uoluptate fruitur, mouetur. Et rursus uerum est, omne E esse A, & omne B, esse E, omnis enim qui tranquillatur, etiamnum in agitatione est: qui autem uoluptatibus fruitur, tranquillatur. Itaque per diuersa media quorum non ponitur unum sub altero, sed ad diuersas rerum series pertinent, ratiocinatione effecta est hæc una conclusio. Verum, intelligendum est, ea media non tā posse esse diuersa, ut alterū alteri nullo modo

modo conuenire possit:quãdoquidem eidẽ alicui ambo conuenire conspiciuntur . Videndũ porro est etiã in aliis figuris quã multã de eadem re ratiocinationes fieri possunt.

EORVM autẽ quã casu, aut forte fortuna fiunt, nulla Cap. 24
 potest esse quã ex euidenti probatione oriatur scientia. Neq;
 enim necessarium est, neque plerũque ita sit, quod fortuito
 euenit: sed in alio rerum genere, quod est prater hac duo, e-
 uenta fortuna collocantur. Omnis autem demonstratio, ex
 altero illorum constat. Nam omnis quã quippiã demonstra-
 tur probatio, constat propositionibus aut omnino necessa-
 riis, aut quã plerunque ita fiunt. Ac si quidẽ necessaria sum-
 ptiões sint, necessaria est complexio. sin ex iis sunt quã ple-
 runque eueniunt, talis etiam futura est conclusio. Quare si
 quod casu & fortuito sit, nec semper, nec plerunque ita sit,
 nõ poterit illius ulla esse euidens probatio. Ac ne per sensum
 quidem ulla oritur scientia. quanquam enim uniuersa cu-
 iusdam rei, ac non singularis sit sensus, quã tamen res actu
 sentitur, eam necesse est, non modo singularem esse, sed &
 certo quodam loco, & tempore definitam. ipsum autem ge-
 nus uniuersum, quod in omnibus rebus singulis continetur,
 sensu percipi nullo modo potest: quandoquidem non sit cer-
 to quodam loco ac tempore definitum: aut certe uniuersa
 res non esset. Nam quod semper est & ubique, hoc est quod
 uniuersum genus appellamus. Quando igitur uniuersa-
 rum rerum sunt demonstrationes, quas non possumus sen-
 su percipere, perspicuum est, nos sola sensuum perceptione nõ
 posse cuiusquam rei scientiã assequi. Quinetiam illud pla-
 num est, tamen si sensu percipi posset, triangulum habere tres
 angulos pares duobus rectis, nihilominus huius rei nos de-

monstrationem requisituros: nec eā (quod aliqui affirmāt)
 adhuc sciremus. Quod enim sensu accipitur, singulare est,
 omnis autem scientia in rei uniuersa cognitione posita est.
 Quo fit ut si supra lunam positi, obiectā terram uideremus,
 nondū tamen causam defectionis intelligeremus. Quanquā
 enim tum lunam deficere sentiremus, tamen non omnino
 quamobrem deficiat, intelligeremus: quādo quidem sensu non
 percipitur genus uniuersum. Illud tamē fieri potest, ut quia
 idem illud sapius euenire conspeximus, inuento tādē uni-
 uerso genere, rei demonstrationem assequamur. Sic enim ex
 multis rebus singulis, totū genus manifestum fieri solet. Est
 porro genus uniuersum, uel hoc nomine plurimi faciendum,
 quod causam rei complectitur ac declarat. Quare earū re-
 rum quæ sub scientiam cadunt, uniuersa cognitio est præ-
 stantior omni sensuum perceptione: imò uero & omni alia
 cognitione animi, si modo earum rerum sit, quæ causam ali-
 quam habent. Nam de principiorum cognitione alia ratio
 est. Planum igitur ex iis est, in sentiendo non esse positam rei
 quæ demonstrari potest scientiā, nisi id quisquam fateri ue-
 lit, nil aliud esse sensibus percipere, quàm scientiam cuiusque
 rei per demonstrationem consequi. Veruntamen quadam
 quæstiones sunt, quarum obscuritas ac dubitatio confertur
 ad sensuum defectionem, & infirmitatem. Quædam enim
 sunt quæ si oculis cernere possemus, nunquam dubitaremus:
 non quod rem oculis perspicere, sit scire, sed quoniā ex ocu-
 lorum sensu oritur uniuersi generis conformatio. Veluti si
 tantum oculi ualerent, ut minimos uitri meatus, transmis-
 sumque per illos lumen cernere possent, id nobis apertissimū
 esset quamobrem luceat uitrum, propterea quod uidentes in
 alio

alio atque alio uitro, ita rem habere, communem notionē statim efficeremus, esse omnium eandem rationem.

SEQUITUR, ut ostendamus, non posse esse omnium Cap. 25
ratiocinationum eadem initia. Ac primum logice ista consideranti, sic probari potest. Omnis ratiocinatio, aut uera aut falsa est. quanuis enim ex falsis uerum efficiatur, id tamen non plusquam semel, unāq; cōclusionē euenire potest. Veluti si uera sit hæc conclusio, omne C esse A, medium autem B, falsum, cum nec uerum sit omne B esse A, nec omne C esse B, uelut autem rursus quispiam has propositiones, alio quodā medio concludere, fieri non poterit quin falsæ sint quæ hic accipientur sumptiones, eo quod falsa conclusio non nisi ex falsis efficitur: ex ueris autem semper uera. At enim uera à falsis maxime distinguuntur. Deinde uero ne ipsa quidem falsa, carent aliquo inter se discrimine. falso enim de se inuicem enunciantur, tum quæ aduersa sunt, tum quæ ita sunt repugnantia, ut omnino conuenire inter se nō possint. ut iniustitiā esse iniustitiam falsum est, aut ignauiam: & hominem esse equum, aut bouem, & quod æquale est, aut maius esse aut minus. At si ea tantum quæ ad hoc nostrum institutum pertinent, spectare uelimus, hunc in modum ostendetur, ne eorum quidem quæ uera sunt, omnium eadē esse principia. Multa enim sunt quorum principia, cū genere diuersa sint; nullo modo inter se conuenire possunt. Cuiusmodi sunt, unitates & puncta, quæ quomodo conuenire possunt, cum illæ nullum situm habeant, hæc nisi alicubi sita intelligi non possint? Nam si conuenire possint, & demonstrandis aliis, alia accommodari, necesse est ita applicentur, ut aut in medio sita sint eorum quæ demonstrantur, aut supra, aut infra, aut

certe partim intra extrema, partim extra ipsa. Sed nec ex communibus principiis aliqua esse possunt, ex quibus omnia demonstrentur. Communia autem initia appello, quale est illud, In quacunque re aut affirmatio aut negatio uera. Genera enim eorum quæ sunt, diuersa sunt: & in quantitate & qualitate semper sunt aliqua quæ eorum generum propria sunt, quibus acceptis, ac deinde simul adiectis communibus, omnes constant demonstrationes. Iam uero non multo pauciora sunt principia quàm conclusiones: nihil enim sunt principia quàm propositiones illæ, quæ connectuntur ex uerbi mediij uaria collocatione, quod interdum extra extrema accipitur, interdum inter extrema iniicitur. Adde quòd conclusiones in immensum excrecere possunt, cum interim extrema finito, certòq; sint numero. Deniq; principiorum alia sunt necessaria, alia in rebus contingentibus cernuntur. Qui igitur his rationibus ista examinauerit, facile uidebit fieri omnino nō posse, ut sint omnium eadē principia certo quodā numero comprehensa, si sint innumerabiles conclusiones. At uero si quis hoc de quo agitur, effatū aliter interpretetur, ut dicat esse quædā uniuersæ Geometriæ cōmunia principia, alia quæ eadē omnibus numeris conueniunt, tum deinde alia quæ medicina sunt accommodata: Quid quæso hoc aliud est, quàm dicere singulis scientiis sua quædā esse, ac propria principia? Quid uero magis ridiculū est, quàm ob id dicere omnium scientiarum eadem esse principia, quòd unaquæque scientia sua quædā habet principia quæ secum ipsa conueniunt, idēque sunt? Possunt enim hac ratione omnia eadem appellari. Sed ne id quidem dici potest, nil aliud esse, eadē omnium principia querere, quàm uelle omnia principia

ad

ad quāvis rem demonstrādā ualere. Nā quid hoc absurdius? neque enim id in iis scientiis quæ adhuc inuenta & cognita nobis sunt, fieri uidemus: neq; omnino id fieri potest in dissolutione. Principia enim nil sunt aliud, q̃ propositiones immediatæ. Sēper autem alia atque alia efficitur conclusio, quādo diuersæ propositiones immediatæ accipiūtur. Quòd si hic dicat quispiam, primas propositiones immediatas, esse ipsa quæ eadem esse dicuntur principia: ne id quidem uerum esse poterit: quandoquidē uniuscuiusq; generis una est huiusmodi propositio. Si igitur nō possit effatū hoc, de quo agitur, ita accipi, ut ad demonstrandum quoduis, omnia principia ex æquo accommodari possint & debeāt: nec rursus illo modo intelligi ut nil dicatur, nisi prout sunt diuersæ singulæ scientiæ, ita diuersa esse principia: relinquitur ut uideamus, possitne in eam sententiā conferri, ut omniū scientiarū principia dicantur esse cognata, & naturæ quadam cōiunctione consociata, sed tamē hac illis probādus esse aptiora, itēq; alia aliis. Atqui perspicuū iā est, ne id quidē fieri posse. Supra enim demonstratū est rerū genere diuersarū, esse diuersa genere principia. Sūt enim duo principiorū genera. Alia sunt ex quibus cōclusiones efficiūtur. Alia quæ sunt ipsæ res, in quibus uersatur scientia: & sunt illa quidem ex quibus cōmunia, hæc uero in quibus semper sunt propria: quomodo uidemus numerum, rem esse omnino à magnitudine distinctam.

SCIENTIA & res quæ sub scientiam cadit, differt ab Cap. 16
opinionē, & re opinabili: quòd in rebus uniuersis, iisq; necessariis cernitur scientia, necessaria autē hic dicuntur, quæ se aliter habere nō possunt. Sunt porro aliqua quæ & sunt in rerū natura, & uera sunt, quæ tamē aliter atque sunt, esse

possunt. Planum autē est in iis non uersari sciētiam, alioqui quæ omnino aliter esse nō posset atq; sunt, secus esse possent atq; sunt. Sed nec intelligentia in iis cerni potest. Intelligentiā enim appello, primā omnis scientiæ originem. Neq; uero certissima illa, quæ citra ullā demōstrationē acquiritur sciētia in illis uersatur. Ego uero scientiam hanc appello, perceptionem illarum propositionum quæ nullo medio confirmari possunt. Atqui omnes habitus quibus uera noscuntur, sunt intelligentia, sciētia, opinio: & quæ ab iis cognominata sunt, res ipsæ sunt, quæ uere ab iis percipiuntur. Restat igitur ut opinio in ueris quidē aut falsis cernatur, sed quæ aliter atq; sunt esse possunt: ita ut opinio nihil sit aliud, quàm propositionis nullo certo argumento confirmatæ cōprehensio nō necessaria. quod autē de opinione dixi, id consentaneum est iis quæ in opinando usuuenire conspiciuntur. Est enim infirma semper atq; incerta opinio: uisq; ac natura ipsius, in hac infirma assensione continetur. His accedit quòd nemo se dicit opinari sed plane scire, cū existimat non posse rē aliter habere: sin ita sentiat esse quippiam, ut nihilominus posse aliter esse existimet, tum se opinari dicit: quasi in huiusmodi rebus incertis cerni opinionē indicans, in certis autē ac necessariis scientiā. Exiit autē hoc loco quæstio, quomodo non eadē res sit, quam opinamur, & quā scimus, & cur non idē sint opinio, & scientia, si nil est quod quis scire possit, de quo opinio etiam esse non queat. Num enim quemadmodum sciens, ita opinator, media singula eousque persequetur dum ad primā mediòque carētia proloquia deueniat? Hic uero quid est cur ob eam causam ille sciat, hic opinator nesciat? neq; enim opinio tantum uersatur in putando quòd res sit, sed etiam
quamobrem

quamobrē res sit opinabile est, quod nil est quā̄m mediū. An si quis ita cōceperit animo ea quae per se necessaria sunt, nec aliter habere possunt, ut etiam teneat ipsas definitiones, ex quibus demonstrationes cōficiūtur, an, inquā, nō illa tū opinatio, sed scientia erit? Sin uera illa quidē esse existimet, sed non ita hac illis cōuenire, ut in essentia ac natura rei contineantur, atq; adeo per ipsam rei formā, tum opinabitur, nō uere sciet? Et quidē quod res sit, & quamobrem sit, opinabitur, si nata sit opinio ex quibusdā propositionibus immediatis, at si nō ex immediatis, tantū quod res sit opinio erit. Neque uerō eiusdē omnino rei sunt opinio, & sciētia, sed ut uera, & falsa opinio dicūtur quodāmodo eiusdē rei esse, ita in eadē re uersari opinionē & sciētiā intelligēdū est. Dicere enim uerā & falsam opinionē in eadē omnino re uersari, quemadmodū uolūt quidā, id tum multis aliis incōmodis quae ex eo sequuntur refelli potest, tum quia illud, quod ualde absurdū est, sequitur, nō opinari nos, quae falso opinamur. Sed quoniā ambigū est & multiplex hoc uerbū, idem, propterea fit ut una significatione, eiusdē esse recte dicātur, altera uerō, recte negētur. Nam diametrū cōuenire, cōparabilēmq; esse cū latere, uere esse opinabile, id absurdū est, hoc tamē ipso quod eadē est diametrus, de qua sunt utraque opinionēs, de eadē re utrāque opinionē esse dicimus: cū ratio, quid utrūque sit ostendēs, sit diuersa. Simili modo eiusdē rei esse dicūtur opinio & sciētia. Hae enim ita animal cognoscit, ut non possit nō esse animal: illa uerō, ut secus esse possit: perinde ac si una esset in homine, quia homo est, altera autem in homine etiā, sed nō hoc ipso q̄ homo est. Hae enim idē sunt, hoc ipso quod homo unū aliquid est, in quo utraq; cernūtur, ratio autē est

diuersa. Perspicuū autē ex iis est, nil esse quod simul sub opinionem ac scientiam cadere possit, alioqui simul animo concipiemus, posse aliquid aliter esse atq; est, & non posse: quod omnino fieri non potest. Nā ut alio atq; alio tēpore, in rē eandem cadat utraq; fieri potest, quemadmodū etiā paulo ante dictū est. At ut eodem tempore id fiat, omnino est à ratione alienū. Sic enim existimaret quispiā, hominem, uerbi gratia, esse id ipsum quod animal (nā hoc idem est quod nō posse esse nō animal) & simul nō esse id ipsum quod animal: accipiat enim hoc, pro eo quod est, accidere homini ut sit animal. Reliqua autem quæ præter opinabilia supersunt, quomodo sint distribuenda, ut partim ad excogitandi uim pertineant, partim ad intelligentiam, partim ad scientiā, partim ad artem, partim ad prudentiā, partim ad sapientiam, hæc inquā distributio, ex parte una ad physicen pertinet, ex altera, ad eā philosophia partem quæ est de moribus.

Cap. 27 SOLERTIA uerò est perspicacitas quadā, per quā cuiusq; rei mediū, & causa nobis statim occurrit. Veluti si quis uidēs semper lucidā partem lunæ, ad solem esse cōuersam, cōtinuo excogitaret cur ita sit: nempe q̄ luna solis lumine illustratur. Aut si quis cū diuite aliquo colloquentem uideat alium, confestim iudicet, peri mutuam pecuniam. Aut ob id cōtractā esse inter aliquos nouā amicitiam, quoniā cōmunem inimicum habere ceperunt. Nā qui medias causas perspicit, statim extrema cognoscit. Esto A lucidam lunæ partem cōuersam esse ad solem: B uerò accendi à sole, C luna. Conuenit igitur C lunæ, ipsum B, quod est accendi à sole, & omne B est A. hoc est, à quo lucem accipit quicquā, ad id conuersum esse oportet. quare ipsi C conueniet A per medium B.

ARISTOTELIS DE DEMONSTRATIONE, SIVE

de secunda parte ἀκλυπικῶι,

LIBER SECVNDVS.

QVAESTIONVM tot sunt, quot rerum Cap. I
 quæ sciuntur, genera. Quatuor autē gene-
 ribus cōtinentur omnes quæstiones, An ita
 sit, cur ita sit, sit necne, & quid sit. Cū enim
 quærimus, sitne hoc an illud, non in uerbo
 simplici, sed cōiuncto iā aliquo uerborū numero, uerbi gra-
 tia, an sol deficiat an nō, tū sit quæstio, an ita sit: quā tū qua-
 le sit, tū quæstionem cōsecutionis appellare latine possumus.
 Quod autē sic res habeat, argumēto est, & statim ubi inueni-
 mus deficere solem, cōquiescimus: & si iā ab initio sciremus
 deficere solē, non quæreremus an ita sit; Postquā autē quod
 ita sit cognouimus, proximū est, ut quāobre ita sit, inuestige-
 mus. Ut postquam scimus aut solē deficere, aut terra motū
 fieri, tū deinde quærimus quam ob causam deficiat, & quæ
 sit terra motus causa. Atque illa quidē quæstiones huiusmo-
 di sunt. Alia autē sunt in quibus quæredī ratio est diuersa.
 Veluti sint necne centauri, aut dī. Hic autē cū quæritur, sit
 necne, in uerbo simplici quæstionem accipi uolo, nō autem cō-
 iuncte, sitne albus quisspiā an nō. Postquā autem esse rem no-
 bis cōpertū est, illud proxime sequitur, ut quærat^{ur} quid sit.
 Verbi causa quid deus sit, aut quid sit homo. Quæstionū igitur,
 & rerum quæ per quæstionem inueniuntur, ac perci-
 piuntur, genera tot & talia sunt, quot & qualia diximus.

CVM autem quæritur aut quale sit, aut simpliciter sit, Cap. 2

nécne, tum nil queritur nisi an aliquod mediū sit, an minus, quo utrūque eorū ostendatur. Postquā autē intelligimus tale esse, (id quod in parte aliqua eorum quæ sunt cernitur) aut omnino coherere in rerū natura (qua quæstione nō, sitne res aliqua hoc aut illud, sed simpliciter sit necne queritur) rursus querimus aut cur tale sit, aut quid sit: quibus quæstionibus nil queritur nisi quōdā sit ipsum mediū. Ego uerō quod supra dixi quæstiones, an ita sit, & an sit, in parte & simpliciter querere, sic interpretor, ut sit in aliqua parte querere, ueluti si an luna deficiat, aut accrescat, queratur: in huiusmodi enim quæstionibus non an sit omnino, sed an sit hoc aut illud queritur. Simpliciter autem est, cum ita queritur, sit necne luna, sitne nox an nō. In omnibus igitur quæstionibus id usuuenit, nil aliud inuestigari, quā aut sitne medium, aut quōdnam illud sit. Etenim causa, & medium idē sunt. in omnibus autē queritur causa, ueluti cum queritur an luna deficiat, quid quæso aliud inuestigatur, quā sitne aliqua defectus causa an nō? Hāc autē postquā esse aliquam cognoscimus, tū querimus quā illa sit. Causa enim per quam res est, non hoc aut illud, sed simpliciter in rerū natura, itēque causa per quam alicui subiecto cōuenit attributū aliquod per se, aut quoddā accidens, utraque inquam causa mediū est. Esse autē id simpliciter dico, quod est quasi subiectū quoddā, cuiusmodi est luna, sol, terra triāgulū: esse uerō hoc aut illud, est, ueluti deficere, aequale esse, in medio esse aut nō esse: iis enim omnibus perspicuū est definitionē, quæ docet quid res sit, & causam cur res sit, eādem esse. Exēpli causa, Quid est defectio luna? est interpositu inter iectūque terra facta luna obscuratio. Quāobrem deficit luna quia

quia lumē eius, terra interpositū obscuratur. Itē quid est cōcentus? est apta numerorū in graui & acuto ratio. Quā ob causam cōcinunt graue & acutiū? eo quod certā quandā numerorū rationem inter se habent acutiū & graue. Postremo si queratur, possintne cōcinere acutiū & graue, hoc quaretur siue inter hac numerorū certa affectio: ac postquā esse quandam intelleximus, tum quānam sit illa ratio & affectio numerorū querimus. Quod uerō omnis questio ad medium pertineat, in iis rebus quæ sub sensum cadere possunt apertissimē constat. in iis enim hac nobis est causa querendi, quoniam medium non uidemus. Vt deficiat necne luna, ob id querimus, quia sensibus id non percipimus. At si supra lunam essemus, iū neutrum quæreremus, neque an deficiat, neque cur deficiat: sed utrumque nobis statim esset manifestum. Ex sensu enim, uniuersi generis conformatio efficeretur. Nā quod hoc tempore sit interposita terra, quia nūc deficere lunā perspicuū sit, hoc est quod sensus percipit, mox autem ex eo oritur uniuersi generis notio. Quare nosse quid sit, & cur res sit, idem sunt, sicuti diximus: idque tum locum habet in iis quæ simpliciter ac per se sunt, non alteri insunt, tum in iis quæ in subiecto semper aliquo insunt: cuius generis sunt, habere tres angulos pares duobus rectis: maius esse aut minus. Quod igitur omnes questionēs ad mediū inuentionem pertineant, ex iis quæ dicta sunt, perspicuum est.

QVOMODO autem quid sit res, hoc est rei definitio ^{Cap. 3} ostendatur, tum qua ratione in demonstratōne locū habeat, deinde quid sit definitio, postremo quæ sint quæ definitione explicentur, nūc dicendum est: sed prius tota hac disputatio probabiliter, ac dubie tractanda: Ac primū quidem summa-

mus exordium ab ea questione quæ maxime accommodata videtur, ad ea quæ deinceps sequuntur intelligenda: quæ est an eandem rem, eadem ratione, per definitionem intelligere possimus, quam per demonstrationem cognoscimus: an omnino id fieri non possit. Etenim definitio, quid sit res quæque declarat: omnia autem quæ quid sit res ostendunt, & uniuersè enūciantur, & non nisi in affirmante proloquio dicuntur. Atqui ratiocinationes sunt etiā negatæ, & in parte interdum concludunt. Vt quæ in secunda sunt figura, omnes sunt negantes, quæ in tertia, omnes in parte concludunt. Deinde uerò ne omnium quidem affirmationū, quæ in prima figura concluduntur, definitio esse potest, ueluti huius, triangulum omne habere tres angulos pares duobus rectis. Huius autē rei hæc ratio est, quòd scire rem quæ demonstrari potest, nil est quàm eā rem per demonstrationem cognoscere. Quare si est earū rerum demonstratio, statim efficitur non esse earundem definitionem requirendā: alioqui nos per definitionem eas res sciremus, non per demonstrationem, quandoquidem fieri possit, ut seorsum à demonstratione, definitionem percipiamus. Satis porro ad faciendam huius rei fidem ualere inductio poterit. Nūquam enim earum rerum quæ aut per se insunt, aut alteri accidunt, perfectā scientiam quisquā affectus est per solam definitionem. Iam uerò definitio est substantiæ ac naturæ declaratio, illa autē, perspicuū est non esse substantias. Quòd igitur non possit in quā rem cadit demonstratio, etiā definitio cadere, dictum est. Sequitur nunc alia quæstio, An in quamcunque rem cadit definitio, possit etiam cadere demonstratio, an potius id fieri non possit? Ac huius quidem rei hæc una ratio est, quòd unius rei hoc ipso quòd

quòd una sit, una est scientia. Quare si scire rem qua demonstratione cōfirmari potest, nil est quàm per demonstrationē rei assequi cognitionem, hic rursus idem incommodum efficitur. Nam qui rei definitionem tenebit, citra demonstrationem rem sciet, qua demonstratione probari potest. Dein de principia demonstrationum sunt definitiones, illorum autem nullam esse demonstrationem supra probatum est. Aut enim dicendum est demonstratione cōfirmari principia, & principiorum alia rursus esse principia, atque ita nos in infinitum posse regredi, aut fatendum prima cuiusque artis initia, esse definitiones quæ citra ullam demonstrationem intelligantur. Sed quoniam non potest omnis res pariter sub utrunque cadere, nunquid in quibusdam rebus id evenire potest, ut pariter in eas cadant definitio, & demonstratio? An potius ne id quidem fieri potest? Ad quam enim rem definitiones adhibentur, ad eam demonstrationes non conferuntur: siquidem omnis definitio eò pertinet, ut quid res sit, atque essentiam declaret: demonstrationes autem omnes non quid res sit concludunt, sed ante demonstrationem id positum ac perceptum esse debet. Sicuti in mathematicis uidemus statim initio accipi quid sit unitas, quid impar, & huius generis alia. Iam uerò quod sub demonstrationem cadit, propositio est, in qua alterum de altero dicitur: eorum autem quæ in definitione continentur, nunquā alterum de altero enunciatur. Verbi causa, nec animal de bipede, nec uicissim bipes de animali enunciatur. Item figura de plano non dicitur: quandoquidem nec planum figuram esse, nec figuram planum ipsum esse, uerum sit. Præterea aliud est quid sit, aliud quòd res sit ostendere: definitio autem quid res

sic declarat, demonstratio uerò semper unum alteri conuenire aut non conuenire ostendit. Et ut res sunt diuersæ, ita semper est alia atque alia demonstratio, nisi alterum sit affectum ad alterum, ut pars quadam ad totum. Ego uerò hanc partis ad totum affectionem, sic interpretor. exempli causa, postquam ostensum est omne triangulum habere tres angulos pares duobus rectis, non alia requiritur demonstratio, qua id isosceli conuenire ostendatur, eo quòd hæc pars est, illud totum. Atqui non sic affecta sunt inter se ista duo, quid sit, & quòd sit, nec unum pars est alterius. Perspicuum igitur est nec omne quod definitur, posse demonstrari, nec contra, omne quod demonstratur posse definiri. Vnde fit ut in re eandem nunquam utraque cadere possint. Ex quo planum est, nec definitionem & demonstrationem idem esse, nec alterum in altero quasi partem in toto contineri, quandoquidem necesse esset si illo modo affecta essent inter se definitio & demonstratio, ut etiam res illæ subiectæ eodem se modo respicerent. Atque illæ quidem quæstiones hætenus satis agitatae sunt.

Cap. 4 NVNC sequitur ut quæramus, An quid sit res possit ratiocinatione, adeoque demonstratione concludi: an potius quemadmodum hæc quæ paulo ante posita sunt rationes ostendebant, id fieri omnino non possit. Omnis enim ratiocinatio unum alteri conuenire per medium ostendit. Omnis autem definitio est rei quæ definitur propria, & in quæstione qua queritur quid res sit, dicitur. Ea uero quæ huius generis sunt, necesse est omnia uicissim retro commeari. Nam si A extremum maius, proprium est minori C, necesse est ut etiam sit idem A proprium medio B, itémque B proprium ipsi C, atque

C, atque ita vicissim omnia reciprocentur. Atqui si ita cōueniat A ipsi B ut sit eius definitio, itēmq; B ipsi C, ut eius etiā definitio sit, necesse erit A ipsi C ita conuenire ut quid sit declararet. Quòd si sumerentur propositiones citra illam geminationē, id non posset concludi, A ita inesse ipsi C, ut in quaestione quid est dicatur. Sed nec si propositio omne B est A, illā adiectionem, ut definitio, habeat: in assumptione autem omne C est B, omittatur. At si in sumptionibus utrisque sumatur illa adiectio, ut & definitio, id igitur in ipsa assumptione acceptum erit B, definitionem esse ipsius C. Itaq; si utraque sumptione accipiaturs definitio, & quid res sit ostendēs oratio, iam ante conclusionem in ipso medio definitio quæ quærebatur, accepta erit. Ac ut paucis absoluiam, ponamus, uerbi gratia, demonstrari posse quid homo sit, atque esto C homo, A autem definitio, animal bipes, aut alia quæuis. Ut igitur id tandem ratiocinatione concludatur, necesse est in omni B inesse A, medium autem uerbum, est alia quædā definitio, quare etiam illa quid homo sit indicabit. in assumptione igitur, id ipsum quod demonstrandum erat, accipitur: B enim est hominis definitio. Sed ut id apertissime fieri uideatur quod dico, sumendæ sunt duæ propositiones primæ & immediatæ. Qui igitur ex eo uolunt ostendere, quid anima sit, aut quid homo, quòd reciprocari inter se, duas quasdam orationes conspiciunt, id ipsum quod à principio quærebatur, ad probandum accipiunt. Exempli causa, si quis ostendere uelit animum esse id quod sibi ipsum uiuæ est causa, ex eo quòd est numerus se ipsum mouens, priusquam id efficiat quod uult, necesse est ut ante postulet, animo ita conuenire numerum se ipsum mouentem, ut cum animo idem

fit atque ita idem, ut definitio sit. Neque enim si quoquo modo conueniat A ipsi B, & B ipsi C, ad extremum efficietur, A ita conuenire ipsi C, ut eius definitio sit, sed id modo concludetur, uerum esse, omne C esse A. Sed nec conclusio huiusmodi efficietur, etiamsi in omni B ita dicatur A, ut uerum sit, B esse id ipsum quod A. in homine enim ita uidemus animal dici, ut animal esse, homini recte attribuat: quandoquidem non minus uera sit hoc modo enunciatio, esse hominem est esse animal, quam illo, omnis homo est animal, attamen non ita conuenit animal homini, ut una eademque res sit homo, atq; animal. Ergo nisi illo quo diximus modo sumptiones accipiantur, nunquam effici poterit, ita conuenire A ipsi C, ut ea sit eius definitio atq; essentia. At si tales sint quales uolumus sumptiones: iam antequam ad conclusionem perueniatur, in assumptione, B esse definitionem ipsius C, acceptum erit. Itaque non erit illa demonstratio: quandoquidem id ipsum quod ab initio in questione positum est, in probando accipitur.

Cap. 5 NEQUE uero illa probandi ratio quæ per diuisiones absoluitur, ad demonstrandum ualet, sicuti eo loco diximus, ubi de dissolutione figurarum egimus: quia non ita ex aliis alia conficiantur, ut conclusionem, quia sunt antepositæ sumptiones, esse concludamus. Sed hac uia non magis res demonstratur, quam quæ inductione aliquid ostenditur. Neque enim cum res demonstratur, interroganda est, perinde atque propositiones, ipsa conclusio: neque ob eam causam rem esse oportet quia admissum est ita esse: sed ex sumptionibus efficienda est necessario conclusio, etiamsi is quicum disputatur, non admittat. uerbi causa, nunquid homo aut animal est,

est, aut in animal? tum ex hac interrogatione sumitur, non autem necessario concluditur, hominem esse animal. Deinde num sit omne animal, aut terrenum, aut aquatile? hic etiam accipitur, non probatur, terrenum esse. Ad extremum autem, de homine coniunctim dici animal terrenum, non necessario ex antepositis conficitur, sed id quoque concedi à respondente, itaque accipi oportet. Quod uero hic in duobus uerbis ostendi, idem fieri intelligendum, si plura accipienda essent. quid enim interest, in multis, an paucis id accidere ostendatur? Iam uero tamen si esset hac ratio concludendi per diuisionem necessaria, tamen ad hanc rem de qua agitur, concludendam non ualeret. Primum enim quid uetat totam aliquam orationem uere in homine enunciari, nec eam tamen esse definitionem, neque omnino quid homo sit indicare? Deinde uero quid in hac probandi ratione prohibet, quominus plus aliquid aut minus accipiam quàm necesse est? aut quominus transiliendo explicem essentiam? Verum enim tria hac quidem uicia in definiendo per diuisionem committi possunt, sed tamen non est difficile illa declinare, modo inter diuidendum nil accipiat quod essentiae attributum non sit: & ducto initio à primo genere, deinceps & eo ordine quo diuiduntur, omnia sumantur, ita ut interim nil pratermittatur. Quàm uero id sit in diuidendo necessarium, facile uidebimus, modo id putemus in omni bona diuisione obseruandum esse, ut diuisionis partes uim uniuersam complectantur rei quae diuiditur, & ut in ea nil minus positum sit. Atqui hac inter diuidendum necessario obseruanda sunt, quia necesse est omnem definitionem ad unam quandam naturam specie indiuiduam conferri. Sed tamen nulla inest uis necessario concludendi in diuisionibus: sed

si qua est in iis utilitas, in eo est quod alio quodam modo ad explicandā atque illustrandā rem ualeat. id quod non incommodē fieri uidetur, quandoquidē eū qui inductione utatur, non probare rem necessario, nihilominus tamē illustrare, & alio quodā modo declarare perspiciamus. Qui igitur per diuisiones definitionē colligit, nihil adhibet ex quo rem ueluti necessaria conclusione efficiat. Nā quod usuuenit in iis conclusionibus, in quibus citra instam uerbi mediū collocationē ex antecedente colligitur cōsequens, ut ad extremum quæritur, unde & quamobrem illa sequatur complexio: illud idem in definitionibus accidit, quæ per diuisionem colliguntur. Verbi causa, si ostendatur quid homo sit, singulis partibus definitionis hoc modo deinceps collectis, animal, mortale, ingrediens, bipes, pennis carens, ut quæque pars adicietur in definitione, ita rogabitur in singulis, unde & cur illud colligatur. Nam hæcenus tantum ualeat (in quo illi non falluntur) hæc probatio, ut ostendat omnem hominem esse aut mortalem aut immortalem: huiusmodi autem tota oratio, nō est definitio: quare ut etiam illud positum sit, diuisionem habere uim aliquā probandi, hanc tamen esse rei definitionem non potest necessariò concludere.

Cap. 6 SED nunquid potest, quid res sit atq; essentia, ita demonstrari, ut ante subiiciatur illa propositio: illa oratio rei essentiam cōtinet, quæ est propria alicuius rei, & constat iis uerbis quæ ad ostendendum quid res sit ualent? Atqui hæc sola sunt, quæ quid sit hac res ostendunt, & tota oratio propria est: Ex iis enim num ita recte cōcludi potest, hæc igitur oratio quid res sit indicat? An etiam in hac probatione id ipsum quod in questione est, uidelicet, quid sit res, in sumptionibus accipi-

accipitur? Neceſſe uero eſt ut recte demōſtretur, aliud quod-
dam medium adhibere. Iam uero quemadmodum quoties
ratiocinatione aliquid concludimus, non ſumimus quid ſit
ratiocinatio, quādoquidem eſt ita ſemper affecta unaque-
que propoſitio, ex qua conſtat ratiocinatio, ad alteram, ut
illam ueluti totum, aut ueluti illius pars quaedam reſpiciat:
Ita in hac qua quid res ſit oſtenditur probatione, non debet
quid ſit ipſa definitio accipi, ſed ſeorſum à ſumptionibus ſe-
ponenda eſt ratiocinationis definitio, qua tum uſui erit, cum
erit controuerſa, an aliqua iam ante facta argumentatio
ſit ratiocinatio, necne: tum enim ita occurrere licebit, ut o-
ſtendamus eſſe ratiocinationem, quia talis ſit argumenta-
tio, cui ratiocinationis definitio conueniat. Simili modo poſt-
quā eſſet probata aliqua ratiocinatione definitio, ſiquis am-
bigeret eſſe ne illa definitio an non, tum locus eſſet definitio-
ni definitionis, qua oſtenderetur hāc eſſe definitionem, quia
talis oratio ſit, qualem eſſe definitionem poſitum eſt. Itaque
neceſſe eſt, ut ratiocinatio ſit citra definitionem ratiocina-
tionis, ita quid res ſit oſtendere non adhibita definitione de-
finitionis. Ac uitium quidem idem committitur, ſi ex condi-
tione hunc in modū quid res ſit oſtēdatur. Si eſt bonum malo
contrariū, & indiuiduum diuiduo, ſit autē mali eſſentia di-
uiduū eſſe, erit etiam boni natura indiuiduū eſſe: atqui bo-
num malo, & diuiduum indiuiduo aduerſatur, eſt quē mali
natura diuiduum eſſe, eſt igitur boni natura atque eſſentia
indiuiduum eſſe. Nam hic quoq; definitio, qua id ipſum eſt
quod quaeritur, in ſumptionibus accipitur. At enim, inquires,
hic quidem ad probandum quid res ſit, accipitur definitio,
ſed diuerſa ab ea qua oſtenditur. eſto. At in demōſtrationi-

bus, non modo id ex quo aliud probatur, non debet esse idē, sed etiam tale, quale non sit eiusdem rationis cum eo quod probatur, quòdque nō possit uicissim recte ex illo demonstrari. Cōmunis porro ratio est aduersus utrosque, eos in quā qui diuisione, & qui hoc de quo loquimur, syllogismo, definitionē demonstrare conantur: Cur potius erit citra cōiunctionē expressa hæc oratio, homo est animal bipes, terrenū, definitio hominis: quā illa, animal & bipes? Nil enim ī sumptionibus harum probationum sumitur, unde necesse sit, ex singulis definitionis partibus unum attributum fieri, non magis quā quomodo idem homo est musicus & grammaticus.

cap. 7 QVAE igitur demonstrandæ definitionis & naturæ ratio restabit? Neque enim ex quibusdam positis, ita quid res sit ostēdi potest, ut hoc esse necesse sit, quia illa sunt anteposita: esset enim hæc demonstratio. Neque uero ex rerū singularū inductione, quid sit res ita demonstrabitur: ut quoniā rebus singulis omnibus cōuenire aliquid perspeximus, in toto genere illud cōcludamus: quandoquidē inductione nō quid sit, sed sit necne res ostendatur. Nunc uero, præter illa duo probandi genera, quæ potest esse reliqua ratio? Neque enim sensu, aut digito, quid res sit demonstrari potest. Iam uero quomodo quid homo sit definiendo demonstrari potest? necesse enim est ut omnis qui scit quid homo sit, aut aliud quiduis, quòd ipsa res sit cognoscat. Nam quod non est, nemo scire potest quid sit: sed tantum quid aut oratio, aut uerbū significet. Veluti quid significet tragelaphus intelligi potest, quid sit ipse tragelaphus non potest. Atqui docendo quid sit, quomodo eadem ratione etiam quòd res sit doceri potest? aliud enim est definitio, aliud demōstratio. ut quid homo sit, aliud est

est, quàm sit necne homo. Deinde nil est prater substantiam, quod per demonstrationē esse non ostendatur, probare autē rē esse & in rerū natura coherere, nō est rei essentiam atq; naturam declarare, quia ens genus esse non potest. Demonstratio igitur non definitio erit, quæ quòd res sit indicabit: quemadmodū etiam in singulis sciētiis usuuenire uidemus. Geometra enim quæ sit uis huius uerbi, triāgulū, statim initio citra probationē accipit, esse autem ipsum triāgulū demonstratione ostendit. Quid ergo? nil definiens triāgulū aliud demonstrabit quàm quid ipsum sit triāgulū? euenire igitur hoc poterit ut quisquam quid res sit intelligat, nec tamen an sit cognoscat: quod fieri omnino non potest. Perspicuum autem est ex iis definiendi modis, qui adhuc obseruantur, non ostendere eos qui definiunt, simul quòd res sit. Quanquam enim proposita sit in medium hac oratio quod habet lineas à puncto medio ad extremū ductas inter se pares, nil tamen in se habet cur necesse sit esse rem quæ hac oratione explicatur, cūrque oporteat id quod oratione hac continetur, esse circulum. Nam quod ad hanc orationē attinet, potest hac orichalci definitio dici. Definitiones enim neque esse rem quæ definitur, neque quòd illæ sint huius rei definitiones declarant: sed semper quæstioni cur eorum utrunque sit, locum relinquunt. Ergo cum necesse sit eum qui quippiam definit, aut quid sit res ipsa, aut quid nomen significet, demonstrare: si non demonstret quid sit, illud restat ut definitione nil ostendatur, quàm quæ sit uocabuli cuiusque significatio: quod ualde esse absurdum, multis rationibus ostendi potest. Primum, quia etiam in eas res quæ substantia non sunt, atq; adeo in ea quæ

omnino in rerum natura non sunt, definitiones cadere possent: in iis enim quæ non sunt, potest quæ sit uis ac significatio uerbi, ostendi. Deinde quòd omnes orationes possent esse definitiones. Nam quæ tandem oratio est, cui unum nomen imponi non possit? Itaq; omnis disputatio, omnis sermo, definitionibus constabit: & non incommode illas Homeri definitio appellabitur. Postremo quia nulla sciētia est in qua id demonstratione concludi uideatur, quod sit huius nominis illa significatio: neque igitur in ipsis definitionibus inerit uis demonstrandæ huius rei. Atque ex iis quidem quæ hactenus dicta sunt, hæc omnia uidetur esse uerisimilia, definitionem & demonstrationē neque idem esse, neque in eadem re uersari: utemque definitionem non habere uim demonstrandæ, imò ne declarandæ quidem cuiusquam rei: postremo quid res sit, nec definitione, nec demonstratione posse cognosci.

cap. 8 NVNC uero est aggredienda rursus huius rei disputatio, ut uideamus, ex iis omnibus quid uerum quid non uerū sit, tum quid sit definitio, deniq; nūc quæstio, quid est, demonstratione quodammodo, & definitione absoluat, an uero id nullo modo fieri possit. Quoniā igitur idem est (ut supra diximus) nosse quid res sit, & causam qua quæstio an sit, absoluitur: ratio autē huius quæstionis, an sit, est, quia aliqua est per quam res esse ostenditur causa: & quidem causa quæ redditur, aut una tantū est, ac eadem semper causa, aut alia est rursus superior causa: & si est alia causa, uel ex hac illa demonstrari potest, uel non potest: Ergo si est alia causa superior, ex qua demonstratio confici possit, necesse est, ut pro uerbo medio, illa causa accipiat, & ut in prima figura concludatur demonstratio: quandoquidem uniuersa
affir-

affirmatio est, qua hac probatione ostenditur. Atq; ille quidem erit unus modus, qui hac ratione continetur, probanda unius definitionis per alteram. medium enim ad probandam definitionem accommodatum, est definitio: & cū demonstratur aliquid quod proprium est, medium etiam proprium esse oportet. Ita ergo statuendum est, ex definitionibus eiusdē rei, unam concludi posse, alterā non posse. Ac genus hoc probationis, non esse demonstrationem ipsius definitionis iam ante dictum est, sed id non potest negari, quin sit ratiocinatio logica, ipsius definitionis, hoc est probatio ex qua quid res sit, certa quadam ac necessaria ratione intelligitur.

QVO autem modo id accipiendum sit quod dixi, logica Cap. 9 ratiocinatione quid res sit cognosci, nunc paulo altius repetito initio dicamus. Ac primum quidem, quemadmodum postquam quale sit intelligimus, cur ita sit quarimus, & simul interdum utrunque cognoscimus, sed nunquam prius quamobrem res sit percipi potest, quam ita esse intelligamus: ita plane quid res sit, nisi esse ipsam cognitum sit, cognosci nunquam potest: quia nemo potest scire quid sit illa res, quā sit necne ignorat. Est porro duplex ratio intelligendi utrum sit res, necne: una per accidentia, altera per ea quibus rei vis atque natura continetur. Veluti esse tonitrum, quia est strepitus in nubibus, & defectiōē, quia sit luminis privatio, & hominem quia sit animal quoddam tale, & animū quia sit illud quod a seipso agitur. Cum igitur per accidentia rem esse intelligimus, tum nil adfertur unde nos quid res sit assequi possimus, quando ne an sit quidem hac ratione perfici, certōque cognosci queat. Quærere autem quid sit, cum rem esse nescias, inane est, nulliusque momenti. Cum

uero ad docendū, rem esse, adhibetur ea quæ ad explicatio-
nem naturæ pertinent, tum minimo negotio ad cognitionem
quid sit peruenitur. Itaque ut quisque affectus est ad cognos-
cendum an sit, ita ad intelligendum quid res sit, aut propius,
aut longius abest. Ac in iis quidem ubi rem esse cognoscimus
per ea quæ quid res sit ostendunt, prius exemplum subiicia-
mus. Esto defectio A, luna C, terra interiectus B. Querere
ergo utrum defectio sit, necne, nil est quàm sit necne mediū
B, inuestigare. At enim hoc medium inquirere quid aliud est
quàm definitionem ipsam querere sit necne in rerum natu-
ra? itaque si esse definitionem comperiamus, & ipsam defe-
ctionem esse intelligimus. Et ut aliud exemplum subiiciam,
querere sit necne hæc proprietas, habere tres angulos pares
duobus rectis, idem ualet ac si quæreretur utrius partis con-
tradictionis ratio in rerū natura cohereat, affirmationis-
ne, quæ est habere tres angulos pares, an negationis, quæ est
est non habere. Atque illam quidem rationem ubi inueni-
mus, tum simul & quòd ita sit, & quam ob causam, intel-
ligimus si modo proprio suo, ac uero medio utranque quæ-
stionem tractemus. Nam si secus faciamus, rem quidem ita
esse cognoscemus: cur autē sit, minime intelligemus. Verbi
gratia, sit luna C, defectio A. lunam cum plena sit subtracto
etiā omni obstaculo umbram non facere, B: si igitur ipsi C
conueniat B, hoc est si luna non possit umbram facere quum
pleno orbe cōspicitur, & nihil inter nos & lunam uideatur
esse interiectū: huic autē B medio conueniat A, quod est de-
ficere: Hac quidem ratione ostendetur lunam deficere, sed
quamobrem deficiat nōdum perspectū erit. & esse quidē in
rerū natura defectionē intelligetur, sed quid sit ex eo perci-
pi

* pi non poterit. Porro cum perspectum est ita esse quippiā, tū proximū est, ut quærat^{ur} cur ita sit: quæ quæstio eam vim habet, ut perinde sit ac si quæreretur quidnam sit ipsum B: nempe an B sit terra interiectus, an ipsius lunæ conuersio, an uerò lucis extinctio. Hæc autem est definitio alterius extremi: ueluti in hoc exemplo, medium est definitio ipsius A maioris extremi: nil enim est lunæ defectio, quàm terra interpositus. Quid est tonitrus? est ignis extinctio in nube. Cur tonat? quia extinguitur & opprimitur in nube ignis. Sit igitur nubes C, tonitrus A, ignis extinctio B. ergo C hoc est nubi, inest B, quia uerum est in nube ignem opprimi. Huic autem B conuenit A, quod est tonitruum: & definitio maioris extremi A est ipsum B. Nunc uerò si aliud quoddam adhiberi medium posset ad concludendam hanc propositionem, necesse esset ut illud rursus medium, una esset ex reliquis definitionibus, quibus quid hæc eadem res sit ostenditur. Quo igitur modo quid res sit assequamur, & qua ratione id ipsum manifestum fiat, dictum est. Ac illud quidem ex iis quæ dicta sunt efficitur, nec demonstratione, nec ulla necessaria conclusione quid quæque res sit probari posse: nihilominus tamen per aliquam ratiocinationem, & demonstrationem apertum fieri quid res sit. Ideoque definitiones quæ alia rursus causa concluduntur, non possunt illæ quidē citra demonstrationem percipi: & tamen demonstratione probari quid res sit omnino non potest, sicuti supra recte ostensum est, cum adhuc dubitanter singula & sine ulla affirmatione proponebamus.

AT enim ex iis quæ ad probandum sumuntur, quædā sunt Cap. 10
quibus confirmandus alia rursus ratio desideratur, alia quæ

superiorē causam nullam habent. Vnde satis constat eas definitiones, esse quadam ueluti initia, quibus probandis nullo argumēto opus est: sed statim initio & quod sint, & quam uim habeāt accipitur, aut alio quodā modo manifesta fiūt: id quod Arithmeticus facit, quando statim initio, & esse unitatem ponit, & quid ipsa sit declarat. In quibus autem probandis aliud atque aliud medium reperitur, cūque nō illa tantum, quæ in aliqua demonstratione accipitur, est rei definitio, sed alia quadam, quæ est huius ueluti causa, illud profectō tū usuuenit quod diximus: nēpe, definitionē quidē per demonstrationē explanari, sed hāc huius esse definitionē nullo modo probari. Quoniam autē definitio uocatur oratio quid quæque res sit declarās, hinc profectō planum est, genus quoddam esse definitionis, quo explicatur quæ sit cuiusque uocabuli significatio, aut si breuius appellare libet, nominis explicatio. Cuiusmodi est oratio qua docetur quæ sit uis ac significatio huius uerbi triangulum: quod postquam esse assecui sumus, tum quamobrem sit querimus. Difficile autem est ex hoc definitionum genere, naturam rei assequi, quam sit necne ignores. Huius uerō difficultatis causa, paulo ante à nobis explicata est, nempe quod ne an sit quidem, huiusmodi argumentis certō scimus, sed forte temere, & (ut ita dicam) per accidens tantum. Porro autem oratio duobus modis una appellatur. priore modo, dicitur oratio una per coniunctionem, ut *Ilias uniuersa*: posteriore, una ex eo appellatur, quod unum quippiam uni attribuitur, atque ita unum, ut per se ac proprie, non fortuito & ueluti casu aliquo unum sit. Atque illud quidem unum genus definitionis est, quod modo explicatū est. Aliud autem genus est quo
causa

causa cur res sit, continetur. Itaque prius genus ad rem quidem explanandam ualeat, ad probandam minime: posteriore autem genere definitionis, quandam ueluti demonstrationem contineri, ipsa per se ratio definiendi declarat, quandoquidem à demonstratione tantum collocatione differat. Est enim alia ad questionem, cur tonat, alia ad questionem, quid est tonitruum, respondendi forma. nam ad illam respondetur quia extinguitur ignis in nubibus: Ad hanc autem quid sit tonitrus quaritur, hoc modo respondetur, est strepitus oppressi & extincti ignis in nube. Quare eadem hæc oratio, uno modo expressa, definitio est: alio modo, demonstratio: non illa quidem suis sumptionibus distincta, sed una quadam oratione tota simul comprehensa. Præter hæc autem alia est tonitrus definitio, strepitus in nube factus. Hæc autem est conclusio illius demonstrationis, per quam illustrari quid res sit diximus. Alia uero definitiones earum rerum quæ initio citra ullam probationem accipiuntur, nihil sunt quàm positiones quædam, quibus nulla adhibita demonstratione, quid res sit ponitur. Vt igitur rem in pauca conferam, unum genus definitionis est quod nulla ex parte demonstrationem desiderat. Alterum est in quo ratiocinatio, quæ adhibetur ad illustrandam definitionem, continetur: & hoc tantum à demonstratione distinguitur, quod mutata aliquantum uerborum terminatione exprimitur. Tertiū est quod conclusionis obtinet locum in demonstratione, quæ quid res sit illustratur. Atque ex iis quidem quæ diximus, perspicua sunt hæc omnia: primum, quomodo in definitionem demonstratio cadat, & quomodo non cadat: tum in quas definitiones possit, & in quas non possit cadere demon-

stratio: deinde quot sint definitionum genera, & quonam modo quid res sit ostendat definitio, & quomodo non ostendat: mox quarum rerum sit, quarum non sit definitio: postremo quomodo est ad demonstrationem affecta definitio, & qua ratione in eadem re cerni utraque possunt, quaque ratione non possunt.

Cap. 11. QVONIAM autem censetur quisque tum demum rem scire, cum est assecutus causam: causarum autem quatuor sunt genera: Vnum est forma atque essentia cuiusque rei: Alterum est in quo inest necessitudo non absoluta, sed ex adiunctione, si alia quaedam sint, hoc esse necesse est: Tertium genus est id in quo inest rei efficiendae vis primaria: Quartum est finis, cuius causa aliquid sit: Omnia quidem certe ista causarum genera, pro medio adhibita in demonstratione intelliguntur. Ac primum quod genus illud causa, ex quo necessarium esse ut aliud sit concluditur, medium sit, hinc intelligitur, quod illa consequentis ex antecedente consecutio, accepta una propositione non censetur habere vim necessariam, sed minimum ut duae sumptiones antecedant necesse est: duas vero ad aliquid efficiendum sumptiones accipere, quid est quam unum quoddam medium habere? Hoc igitur uno medio accepto, necesse est, conclusionem esse. Sed etiam exemplo idem illud ostendi potest. Sit quaestio quamobrem rectus est angulus, qui in semicirculo descriptus est? aut si accommodatius ad hoc causa genus quaerere uelis, quid est quo posito rectum hunc angulum esse necesse est? Esto autem angulus rectus A, dimidium duorum rectorum angulorum B, angulus in semicirculo descriptus C: ut igitur A conveniat ipsi C, id est ut sit rectus angulus qui in semicirculo descriptus

ptus est, causa est B. Etenim paria sunt A & B, itēque C & B. omnis enim angulus, qui dimidium habet duorū rectorū, est rectus. Ergo quia B est, hoc est, dimidium duorum rectorum angulorū, necesse est A omni C inesse, quod est rectum esse angulum qui in semicirculo descriptus est. Mediū porro istud idem ualeat quod forma atque essentia rei, propterea quod oratio hac, illam ipsam declaret. At uerò quod causa, qua forma atque essentia rei continetur, medium sit demonstrationis, iam supra dictum est. Alia itaque causa explicanda est. Quamobrem Medi aduersus Athenienses bellum gesserunt? eo pertinet hac quaestio, ut causa queratur qua effecerit, ut bellum Atheniensibus inferretur: qua est, propterea quod Athenienses ipsi unā cum Eretriis, incurSIONEM in Sardis fecerant. Hoc enim est quod primum ad bellum Medos excitauit. Sit igitur bellum A, priores impetum facere B, Athenienses C. Et B igitur conuenit ipsi C, quod est, Athenienses priores inuasisse, & A ipsi B, nam eos bello persequi, qui priores laceSSierunt, aequum est. Ergo hunc in modum hac ratio connectitur: Omne B est A, hoc est omnes qui priores inuaserunt, iusto bello oppugnantur. omne C est B, hoc est Athenienses autem priores bellum intulerunt. Atque in hac ratione, medium, est causa, in qua motionis principium cernitur. SupereSt ut de iis dicamus, in quibus finis cuius causa fit aliquid, accipitur. Exempli gratia, quamobrem deambulamus? ut ualeamus. Quam ob causam domos habemus? ut supellectilem uniuersam seruemus. Atque in superiori quidem quaestione finis est ualere, in posteriori, seruare. Porro autem inter has interrogandi rationes, cur post cēnam inambulare oporteat, & cuius causa, nil in-

tereſt. Eſto igitur deambulatio poſt cœnam C, nō fluitare ci-
 bos in ſtomacho B, ualere A: id igitur efficit deambulatio
 poſt cœnam, ne ad os uentriculi redundant cibi, id autem ad
 ſeruandam ualeitudinē plurimum ualet. Conuenit enim ipſi
 C quod eſt inambulare, B, quod eſt non fluitare cibos in ſto-
 macho: itēque ipſi B conuenit A, quod eſt utile eſſe ad ua-
 letudinem conſeruandam. Cauſa igitur cur omni C inſit A,
 quod nihil eſt quā, ſinis cuius cauſa illud fit, eſt B. hoc au-
 tem B eſt ueluti illius definitio. nam ſi quis docere uelit quid
 ſit A, in definitione explicanda ipſum B accipiet. Cur autem
 B inſit ipſi C, cauſa eſt, quod ita in inum ſtomachum cibos
 deprimi, ſalubre eſt. Atque ut iſta ſingula apertius uidean-
 tur, commutādæ ſunt ſuperiores propoſitiones. In iis autem
 cauſis atque in efficientibus, rerum ortus contrario modo
 ſpectatur. efficientes enim cauſa, qua pro medio in argu-
 menti conſuſione accipiuntur, tempore præcedunt, & an-
 te naſcuntur quā effecta: cōtra in ſinibus, C minus extre-
 mum antecedit, ſinis autem ipſe cuius cauſa ille fit, poſtre-
 mus eſt. Accidit autē interdū, idem effectū probari non mo-
 do ex fine, ſed etiā ex materia, qua neceſſitudinis cauſa dici
 ſur. Veluti cur lumen per laternā tranſmittatur? huius rei
 cauſa duplex redditur. una eſt, quia neceſſe eſt ut per maio-
 res meatus, id quod ſubtilioribus conſtat partibus, trāſmit-
 tatur: ſiquidem eo lux cernatur, quia corpus aliquod per-
 meet & trāſeat. Altera, eſt ſinis, ne uidelicet uſpiā offenda-
 mus. At enim, ſi in iis qua ſunt, duplex cauſa reddi poſſit,
 nunquid etiam in iis, qua fiunt, idem illud uſuuenire pote-
 rit? Eſt certe poteſt, nam ſi eam ob cauſam tonitrus fiat, quia
 reſtinguitur ignis, hac una cauſa erit, cur ſtrepitum illum

et stridorem in aëre fieri necesse sit: alia autem causa erit
 (si uerum est quod aiunt Pythagorei) ad terrendos manes
 qui sunt in tartaro. Sunt autem huius generis plurima, ac
 potissimum in iis quæ natura constant et fiunt. Cum enim
 ad suum quendam finem pertineat semper natura, tum o-
 mnia nescio quæ facit necessitate. Est uero duplex, quæ in
 rebus cernitur necessitudo. Una quæ est natura et ingenua
 cuique rei inclinationi consentanea. Altera est quæ uim ad-
 fert, et naturali cuiusque rei inclinationi repugnat: ueluti
 lapidem, et sursum et deorsum quadam necessitate ferri
 recte dicimus: sed non idem esse necessitatis genus, facile per-
 spicitur. Ex iis uero quæ ratione et artificio fiunt, quadam
 sunt in quibus casus nullum locum habere potest: cuiusmo-
 di sunt domus et statua, quæ non illa quidem necessario fiunt,
 sed ad finem aliquem semper pertinent. Alia sunt in quibus
 etiam fortuna interdum cernitur, qualis est ualetudo, et sa-
 lus cuiuspiam. Posterioris autem generis ea potissimum sunt,
 quæ ut hoc modo, ita secus fieri possunt, quo tempore non erit
 rei euentus fortuitus. Quocirca finis est bonum aliquid, cu-
 ius causa aliquid aut natura, aut arte fit. Nam quod for-
 tuito euenit, nullius rei gratia fieri dicitur. Porro autem quæ
 causa est eorum quæ sunt, eadem est eorum quæ fiunt et quæ
 facta sunt, et quæ futura sunt: quandoquidem quæ rerum
 causa est, ea in demonstratione medium est. Verum id est di-
 uersum, quod in iis quæ sunt probandis, medium quod iam
 est, accipitur: in iis autem quæ fiunt, fieri medium sumitur:
 in factis factum, in futuris futurum. Verbi causa, cur fuit lu-
 na defectio? quia fuit terra interiectus: sit autem defectio
 quia interponitur terra: erit, quia interponetur: est autem

defectio quia est terra interpositus. Esto autē & aliud exēplū, ac primum definiatur glacies aqua cōcreta: iū aqua sit C, concreta sit A, causa autem ac medium sit B, quod est caloris usquequaque defectio: in ipso igitur C, dicitur B, & in hoc ipso B, A inest, quod est congelare: gignitur autem glacies, cum gignitur mediū B, & fuit glacies quia fuit B, & erit, quia futurum est, ut B sit. Atq; huiusmodi quidē causa, simul sunt cum effectibus, ita ut cum fiat unum, fiat alterū, & quo tempore unum est, eodem tempore alterum esse necesse est: nec secus in praterito & futuro tempore sit.

Cap. 12. IN iis autem quæ nō simul sunt, quæstio est, an quēadmodū nobis uidetur, ita res habet: ut ex causis effecta sequantur continuō, hoc est, perpetua quadā, & nullo temporis spatia intercisa consecutione, cum interim sit semper rei facta causa res facta, rei futura, futura, & rei quæ sit, quippiam quod paulo ante fiebat. Est igitur imprimis hoc loco perspicuū semper ab eo quod posterius factum est, duci argumenti conclusionē: nec immerito, est enim iis quæ facta sunt, quasi principium quoddā, id quod posterius factum est: ob eamq; causam in iis quæ fiunt, eodem modo argumentum ducendū est à posteriori. A priori uerō argumentū ducere nullo modo licet. neq; enim recte efficies, si, quia est aliquid iam factum, uelis concludere, id quod posterius est, esse factum: quod idē in futuris intelligendum. Siue enim incertū, siue certū quoddam tempus proponas, id nūquā efficies ut recte sequatur, si hoc factū est, ergo illud quod posterius est, factū est: quandoquidem necesse est hanc conclusionem, falsam esse toto illo tempore, quod interiectū est inter prius factū & posterius: eadēque ratio est in futuris. Neq; uero ad hūc modū recte efficies,

efficies, quia illud factū est, necesse esse ut illud post fiat. Medium enim demonstrationis simul genitum esse debet cum re quæ concluditur: nempe eorum quæ facta sunt, medium est quod factum est, futurorū futurū, eorum quæ fiunt quod fit, eorum quæ sunt quod est. Atqui quod factū est, & quod futurū, genita simul esse non possunt. Iam autē siue incertum, siue certum ac definitū quoddam tempus accipias, nil, ut id recte sequatur, effeceris, quia illo toto spacio temporis quod interiectum est inter id quod factū est, & quod futurum est ut fiat, falsa erit illa complexio. Sed quid illud sit, quo res ita connectuntur & continuantur, ut statim post factū esse sequatur fieri, uideamus. An non uerū est cohaerescere inter se id quod factū est & quod fit? Etenim cōtingere, & cohaerere inter se non possunt duo (ut sic dicam) facta esse: quia ipsa, extrema quadā sunt omnino indiuidua. Vt igitur nō possūt puncta punctis cohaerescere, ita factum esse cum altero eiusdem generis perpetuari non potest: utraque enim indiuidua sunt. Vnde efficitur, ut nec factum esse & fieri contingere inter se possint: fieri enim diuiduum est, factum esse, indiuiduum. Quod igitur est punctum ad lineam, hoc est factum esse ad fieri, quandoquidem in eo, quod fit, insunt facta infinita. Sed de iis clarius dicendi alius est locus, ubi genus uniuersum motus explicatur. Atque illa quidem hoc loco sufficiant, de ratione quam habet causa, quæ pro medio accipitur, ad effectum, in iis rebus in quibus deinceps ex aliis alia oriuntur. Nam cum argumenti conclusio in iis rebus connectitur, perinde inter mediū & maius extremum nil debet esse interiectum atq; in aliis. Exempli causa, factum est A, quia C factū est: ubi C, posterius est, prius A. Ob id autem C

in hac conclusione principium est, quia propius ad instans
 accedit, quod est temporis principium. tum uero, quoniā D
 factum est, necessario efficitur C factum esse: illud igitur ad
 extremum necessario concluditur quia D factum est, A fa-
 ctum esse, cuius rei causa est C. Etenim si factum est D, ne-
 cesse est ut C factum sit: si autem C factum est, necesse est
 ut A prius factum sit. At quæret quispiam, fierine id possit,
 ut medium tandem accipiatur usque eo coniunctum, atque
 adhærescens, ut nullum sit præterea medium? an uero quia
 mediorum infinitas quædam inest, aliud atque aliud sem-
 per accipi possit? Nam hoc paulo ante dictum est, non posse
 inter se connecti, & coaptari duo facta. Verumenimvero,
 quicquid contra obiiciatur, illud certum est, ducendum sem-
 per initium ab eo medio quod instanti est propinquius. Ea-
 dem autem ratio est in futuris. Nam si uerum est fore D, il-
 lud necessario prius futurum est, ut sit A, ubi etiam causa est
 C. Si enim erit D, prius erit C, si autem erit C, prius erit A.
 neque uero in iis minus est infinita diuisio, quam in factis:
 nec enim momenta quæ in futuris cernuntur, continentia
 esse possunt. Porro illud etiam in his obseruandum est, ut ini-
 tium accipiatur ab eo, citra quod nullum sit interpositum
 medium. Quod autem modo dixi, in ipsis etiam artium ope-
 ribus cernitur. Vt si domus facta est, necesse est incisos atq;
 adeo paratos fuisse lapides. Cur autem id necesse sit, causa
 est, quia necesse fuit iacta esse fundamenta, ut facta esse do-
 mum intelligamus. Atqui ut fundamentum esset, iam ante
 paratos fuisse lapides necesse est. Nec ratio dissimilis erit, si
 ad futurū id transferas: nam si erit domus, futuri sunt ante
 parietes: idque eodem modo, adhibito aliquo medio proba-
 bitur,

bitur, quia necesse est ut sint ante iacta fundamenta.

QVONIAM autem rerum naturalium ortus in plu- ^{Cap. 13}
rimis reciprocari, ac ueluti in orbem redire cōspicitur, eo fit
ut non incommode interdum argumenti conclusiones uicis-
sim in orbem tractentur: id quod tum erit, cum inter se mu-
tuo consequentia erunt, mediū, & extrema: in talibus enim
uerbis cernuntur uicissim retro cōmeantes probationes. De-
monstratum autē est in superioribus libris, fieri interdum, ut
uicissim ad concludendas sumptiones, adhibeatur comple-
xio: quod aliud nil est quā reciproca, & orbicularis demō-
stratio. Quod autem in natura operibus hoc probandi ge-
nus cernatur, hoc exemplo perspicui potest: postquam terra
imbre madefacta est, inde necesse est nasci uapores: tum ex
iis oritur nubes: mox autem nube resoluta, imbrem effundi
necesse est: ex quo rursus madefieri terram consequitur: id
autem est unde sumptum erat exordium. Itaque hac qua-
si orbem quendam absoluunt, quae ita in se redire uidentur,
ut posito uno aliquo, sequatur aliud, tum illo posito, mox
aliud, ex quo id ipsum quod primum erat renascitur. Sunt
autem duo genera eorum quae fiunt. Vnum est eorum quae
quia semper, & in omnibus eodem modo se habent, aut fiūt,
propterea uniuerso genere contineri dicuntur. Alterum in
iis cernitur, quae nō semper, sed maxima ex parte ita fiunt.
Ut non sunt omnes uiri barbati, sed in maxima tamen par-
te id cernitur. Porro quae ad hoc posterius genus pertinent,
sui etiam generis medium, quod plerunq; fit, habent. Nam si
ita conueniat A ipsi B, ut in totum genus cadat, itēque B
uniuerse enuncietur de C, efficietur necessario ita in omni
C dici A, ut huius generis omnibus ac semper cōueniat. Hoc

enim est quod cadere in totū genus diximus, quod omni, ac semper conueniat. Atqui id maxima tantum in parte uerū esse ponebatur: necesse igitur est ut medium B ex genere sit eorum quae plerunq; fiunt. Quapropter eorum quae plerunque eueniunt, illa erūt propria, omniq; medio carētia principia, quae ipsa plerunq; etiam ita sunt, aut fiunt.

CAP. 14

SEQUITVR nunc, quia supra ostensum est quomodo definitio in argumenti conclusione pro aliquo uno ex tribus extremis accipiat, & quomodo demonstratione aut definitione, quid res sit ostendatur aut non ostendatur sequitur inquam ut inuestigāda definitionis rationem doceamus. Ac primum, inter ea quae in altero dicuntur, nonnulla reperiuntur, quae latius ipsa quidem patent quā subiectum, sed tamen non latius quā genus ipsius subiecti. Ego uero latius patere ea dico, quae sunt alicui cum aliis communia. Ut si quid est quod omni ternario cōueniat, & aliis praterquam ternario, cuiusmodi est (ut sic dicam) ens, quod cum in omni ternario dicatur, tam late prater ea patet, ut uel omnem numerum longe excedat: Impar autem commune quidem est ternario cum aliis (nā etiā quinarius impar est) sed non latius patet quā genus istorū. Numerus enim, quinarij genus est: prater numeros autē, nulli conuenit impar esse. Est igitur definitionis hic modus, ut sumas ea quae sunt ei rei quā definire uelis cum aliis communia, idq; usq; eo persequaris, dum propriū efficiatur quod nullā in aliam rem transferri possit. Nā illa oratione uim atq; naturam rei uniuersam cōtineri necesse erit. Exēpli causa, omnis ternarius est numerus impar, cum est primus, idq; bifariā: & quod cum aliis numerus non metitur, & quod ex multis numeris non componitur.

ponitur. Hinc igitur colligitur hac ternarij definitio. Numerus impar primus, atq; adeo bifariā primus. Ac eius quidē definitionis pars prior, omnibus est imparibus numeris cum ternario communis: posterior autem, etiā binario conuenit: iunctæ autē simul utraq; partes, in nullam aliam rem transferūtur. Quoniā autem supra docuimus necessaria esse quæ in explicanda definitione sumuntur: quandoquidem quæ in omni dicuntur, necessario conueniunt: hac autem quæ ad definiendum ternarium, aut aliud quiduis, adhibentur, uim ac naturam rei declarant: ternario igitur illa omnia necessario conueniunt. Quòd uero uniuersam rei essentiam complectatur, hinc perspicitur potest, quòd necesse est si naturā rei uniuersam nō complectatur hac oratio, ut sit genus quoddam, quod aut uno nomine appellari possit, aut nullum habeat nomen impositum. Vnde sequitur latius patere hanc orationem ternario. Nam id hoc loco accipiendum est, omne genus ad multas posse species pertinere. Ergo si hac oratio alteri nulli conueniat, quàm omnibus ternariis, necesse erit ut ea, uis ac natura ternarij uniuersa contineatur. Ponendum enim hoc loco nobis est, uim ac naturam rei esse, huiusmodi quoddam attributum, indiuiduis modo alicuius speciei conueniens. Itaque hac eadem ratione in aliis omnibus, in quibus idem modus definiendi obseruabitur, quæ sit rei uis ac natura ostendetur. Si autem uelit quispiam genus ipsum definitione explicare, hac erit illi uia sequenda. Primum distribuendum erit genus in species ultimas, in quas primum, inter diuidēdum incider: ut numerus, in ternariū, & binariū: Tū singularū formarū erūt inquirēda ex superiore ratione definitiones. Verbi gratia, quid sit recta linea,

quid circulus, quid rectus angulus, & huius generis alia. Deinde postquam genus, ad quod sit id ipsum, quod definitur, referendū, inueneris, nempe utrū quantitas sit, an qualitas, tum ex iis quæ sunt communia primis illis speciebus, erunt illa colligenda, quæ proprie generi conueniant. Nam quæ illa sint quæ uniuerso generi, quod ex infimis speciebus componitur, cōueniant, ex definitionibus ipsarum formarū manifestum fiet: quandoquidem omnis propemodum cognitionis intium est definitio, idque quod simplex est. Ac simplicibus quæ conueniunt, in ipsis simplicibus solis per se spectantur, in aliis autem per ipsa simplicia. Porro autem diuisiones generum per differentias factæ, plurimum ualent ad perfectas definitiones, hac ratione conficiendas. Et quæ ratione quidē ad demonstrandam definitionē adhibeatur, huiusmodi diuisiones, paulo ante docuimus. neq; enim existimandum est, eam modo diuisiones habere utilitatem, quod ad concludendum quid res sit, uim quādam necessariam afferant: sed id potius censendum est, nullam in iis inesse concludendi necessitudinem: quandoquidem absoluta diuisione, statim omnes partes definitionis, citra probationem accipiuntur, perinde ac si iam inde ab initio, nulla antefacta diuisione, sumerentur: Sed eo ualent ad definiendum diuisiones, quoniam plurimum interest, quo ordine singula disponas, & quid primo, quid secūdo loco constituas. Verbi gratia, nō parum refert an hominem dixeris esse animal mansuetum bipes, an bipes animal māsuētū. Quæ uero præterea in definitione uidenda sunt, efficiaturne unum aliquid ex duabus definitionis partibus, ueluti an quippiā unū sint animal māsuētū, itēq; an ex illo genere, & illa differentia, cōstituatur hominis

hominis natura: aut uerò quid illud tandem sit, cuius hac una oratione natura continetur: illa inquam utraq; nō probat qui diuisione utitur, sed citra probationem accipit. Est autem & alia diuisionis utilitas, ut in definiēdo nil pratermittamus eorum quæ quid res sit, ostendere possint. Nam ut id uitium declinemus, propemodū sola diuidendi ratio prestare potest. Postquam enim primo loco genus acceptum est, si quis non proximam diuisionem accipiat, sed ad inferiorem aliquam transiliat: in partes diuisionis non cadent omnia quæ sub genere continentur. Ut si quis animal diuidat in ea quæ alas habent perpetuas continuāsq;, & ea quæ alas habent diuisas: non comprehendet hac diuisione omne animal, sed uolucres tantum hac diuisione continentur, quarum hæ propriæ sunt differentiæ. Animalis autem illæ sunt primæ differentiæ in quas cadit omne animal. quod idem in aliis generibus dicendum est: siue illa sint omnino ab animali diuersa, siue sub ipso animali comprehendātur. Primæ enim uolucris differentiæ sunt in quibus omnes uolucres continentur, & pisces in quibus omnes pisces. Ac singula quidem ita persequendo per diuisionem, facile erit uidere, num pratermittatur quippiam. sin hanc rationem negligamus, necesse erit ut & aliquid interdum pratermittatur, & semper incertum sit, quicquāne pratermissum sit an secus. Neque uerò necesse est, ut definias aut diuidas quippiam, simul omnia quæ sunt nosse, tamen si quibusdam uideatur, fieri non posse, ut rerum inter se discrimina intelligamus, nisi eas ipsas res perspectas ac cognitās habeamus: Ut autem rerum assequamur cognitionem, non intellectis earum inter se differentiis, consentaneum non esse. A quo enim non discrepat

quippiã, cum eo idem esse: à quo autē distinguitur, aliud esse ab eo. Ac primū quidem falsum est postremū hoc proloquiū. Neq; enim omnis differentia aliā rem efficit: quandoquidē multa sunt inter ea quæ specie nō distinguuntur differētiæ, quæ nec in rei natura cernūtur, nec propter se insunt. Deinde uerō postquā quisquā accepit contrarias differētiās: idq; necesse esse, ut aut hac aut illa parte contineatur id omne quod in hoc genere cernitur: mox autē in altera parte id ipsum cuius definitio queritur comprehendere, idque ita esse cognoscit: quid, inquam, postquam hæc omnia recte effeceris, refert sciat an nesciat, in quibus aliis hæ differentiæ dicantur? Perspicuum enim est eum qui hanc uiam insistens eō perueniet, ubi iam nulla possit esse differentia qua res præterea diuidatur: inuenturum eam quam quærebat orationem, qua rei uis uniuersa contineatur. Porro autem genus uniuersum, in partibus diuisionis contineri, si partes in eo contrariorum genere sint, quibus nil interiectū est, nō postulatū est, sed uelit nolit is qui cum disputatur, necessarium, ut si uera sint differentia, ad unam earum pertineat quicquid illo genere comprehenditur. Sed ut per diuisionem recte conficiatur definitio, tria sunt obseruanda, primum est, ut accipiantur attributa quæ sint ad declarandum quid res sit accommodata. Alterum est, ut quod primum quodque secundum esse debet, suo loco collocetur. Tertium est ut omnia quæ sunt ad hanc rem necessaria adhibeantur. A horum quidem primum hinc consequi poterimus, quod ut loci sunt quibus accidentis quæstio tractatur, cum alterum alteri inesse ostenditur: ita suos quosdam locos habet quæstio generis, quibus quippiam genus esse confirmetur. Secundū autem,

autem, quod est singula ut par est collocare, ita facile præstabimus, si quod primum est, primo loco accipiat: id autem erit, si id acceptum sit, quod est omnium consequens, nec uicissim ex eo alia consequuntur omnia, semper enim inter definitionis partes est aliquid huiusmodi. Postquam autem id erit ita constitutum, idem modus erit seruandus in collocandis reliquis inferioribus: nam secundum, ad reliqua comparatum est ut primum, itemque tertium ad ea quæ sequuntur. Sublato enim primo, id quod deinceps sequitur, est omnium primum. nec dissimilis est in aliis ratio. Tertium autem, quod in eo est ut intelligamus, ea quæ accepta sunt, illa esse omnia quæ ad rem definiendam fuerunt necessaria, hinc perspicitur, quod sumpto primo, ita ipsum diuiditur, ut necesse sit omne quod illo genere continetur, aut hac aut illa parte comprehendere, idque quod definitur, in ea parte reponimus, in qua continetur: tum rursus hoc totum quod ex superiore diuisione natum est, suis differentiis distribuimus, idque usque eo persequimur, donec ad extremum totum quoddam efficiamus, cuius nullæ sint differentiæ, uel certe quod statim ubi adiecta est ultima differentia, ab ipsa re quæ definitur, specie non distinguitur. Perspicuum enim est, in definitione quæ hac ratione confecta est, nil redundare: quia omnia quæ sumpta sunt ad ostendendum quid res sit, sunt accommodata: neque abesse quicquam, aut enim genus hic desiderabitur, aut differentia: Atqui genus hic primo loco acceptum est, illudque cum differentiis coniunctum: Differentia autem omnes hic appositæ sunt: quandoquidem nulla præterea differentia hic locum habere possit: alioqui totam hanc orationem specie differre à re quæ de-

finitur, dicendum erit, quod nos supra negauimus. Illud au-
 tem uidendū est ei qui rerum definitiones inuestigat, ut pri-
 mum quid commune habeant ea quæ similia sunt, nec spe-
 cie differunt, consideret: deinde in aliis rursus idem faciat,
 quæ ad genus illa quidem unum, & idem cū superioribus,
 pertineant, sed specie ab illis distinguantur, cum interim cō-
 parata inter se, specie idem sint, quemadmodū & illa. Post-
 quam autem sumpseris quidhis, & illis aliisq; eiusdem ge-
 neris commune sit: tum illud spectabis, siue quod in iis om-
 nibus commune esse reperiabas, idem aliquid, atque ita idē,
 ut communem efficiat unam rationem. Nam si ad unam
 quandam rationem peruenias, erit proculdubio illa rei defi-
 nitio: Sin unam in rationem non conueniant, sed aut duas
 aut plures: certum est non esse simplicem, sed multiplicem na-
 turam eius rei cuius quærebatur definitio. Exempli gratia,
 si uelimus nosse quid sit magnitudo animi, uidendū est quid
 inter se commune habeant aliqui, quos cōstet fuisse magna-
 nimos, quod genus sunt, Alcibiades, Achilles, Aïax, quibus
 id fuisse cōmune uidemus, ut æquo animo contumeliam pati
 non possent. Alcibiades enim ob eam causam bellum patriæ
 intulit: Achilles implacabili exarsit iracūdia: Aïax sibi mor-
 tem consciuit. Tum, eiusdē generis alios spectabimus, ut Ly-
 sandrum & Socratē, in quibus animi magnitudinem ex eo
 agnoscimus quod tam aduersas, quàm secundas res, mode-
 rate & constanter tulerunt. Comparatis igitur inter se iis
 duobus, considerandum est ecquid commune habeant, con-
 stantia idēque in utraq; fortuna animus, & summa in se-
 renda contumelia, impotentia. Quod si nil commune repe-
 rias, statuere poteris, duas esse magnanimitatis species.

SEMPER

SEMPER autem res uniuersa est qua definitione explicatur. neque enim medicus cum definit, quòdnam sit salutare oculis medicamentum, definitionem ad hunc aut illum oculum tantum accommodat, sed aut in genus uniuersum oculorum, aut in aliquam sanè speciem uult transferri. Porro autem singularia definire multo est facilius, quam uniuersale: ob eamque causam à singulis rebus ad uniuersas progrediendum. Etenim ambiguitas qua est in rebus uniuersis minus cernitur, quàm qua est in iis rebus qua specie non distinguuntur. Sicut autè in demonstrationibus cõficiendis, necesse est ut insit in demonstratione necessaria conclusiõ ratio, ita in definitionibus imprimis uidendũ, ut aperte ac perspicue res doceatur. Id quod consequemur si nõ statim ad genus uniuersum definiendum aggrediamur, sed seorsum ante definiamus singulas res, qua ad unum quoddã genus pertinere uidentur. Veluti non totum genus similiũ primo definire oportet: sed prius qui sint similes colores, & qua sint figuræ similes definiendum est: itẽque quid sit accuta uox prius explicandum, tum ad definiendum genus uniuersum ueniamus: sed ita semper, ut, ne subsit ambiguitas, caueamus. Iam autem, si est inter disputandum uitiosum uti metaphoris, id profectò uitiosum etiam erit, in definiendo aut perpetuas adhibere metaphoras, aut uerbo aliquo aliunde trãslato uti. Nam si hic sint metaphora, translationes usurpare in differendo necesse erit.

EST autem & alia diuisionum & partitionum siue in- Cap. 16.
cisionum utilitas, ad causas multarũ questionum intelligendas, si has in promptu habeamus: Est autem hæc tractãdarum per diuisiones questionum, ratio. primum uidendum

est quæ sint generis alicuius uniuersi, quod propositum sit, consequentia: atque esto illud, uerbi causa, animal: Spectandum igitur quæ sint quæ omnibus animalibus conueniant. tum ubi ista absolueris, pergendum est ad partes, uidendumque est, ut quæque latissime patet, proximèque ad generis communitatem accedit, quæ sint huius consequentia: Atque esto uolucris: quæ igitur omni uolucris insint spectandum. idèmq; in aliis deinceps partibus, ut quæque primò generi est proxima, faciendum. Perspicuum enim est, postquam ita singula fueris persecutus, facile tibi esse, causam reddere, cur generis uniuersi consequentia singulis partibus conueniant: Veluti quamobrem homini, aut equo, conueniat animalis consequentia. Esto igitur animal A, animalis consequentia B, quædam autem ex animalibus singulis C D E. cur ergo omni D & aliis conueniat B, causa est A. Nec dissimilis est in aliis eiusdem generis ratio. Atque illa quidem ratio, quam modo subiecimus, ad ea pertinet, in quibus communi generi impositum nomen est, quo appelleretur. Caterum non ad illa tantum ualet hæc ratio, sed etiam si aliud quippiam commune multis reperiatur. Nam hic quoque primum quæ sint illius communis generis consequentia spectandum erit, deinde ad singulas partes, quæ huius sunt antecedentia, pergendum. Exempli causa, omnibus cornua habentibus ista conueniunt, omasum habere, & in utraque maxilla dentes non habere: sunt autem & animalium quædam species, quibus cornigerum esse est consequens: in quibus si queratur quamobrem illa consequentia insint, in promptu causa erit, nempe quia cornuta sunt. Præter illos autè duos modos, est & alius modus, causa ex

sa ex partitionibus eruenda, in iis qua proportionē quadam sola idem sunt: quod genus sunt, sepium, or, spina, quibus nō est cōmunis aliqua natura, qua una appellatione ipsa complectatur: sunt tamen horum quadam cōmunia consequentia, perinde ac si una quadam natura continerentur. Quaestiones autem eadem alia dicuntur, eo quod unum quoddā medium habent, ueluti omnes quaestiones quarum causa est antiperistasis. Sed in iis quadam sunt qua cum eadem genere sint, quibusdam tamen inter se distinguuntur differentiis, qua partim ex subiectis diuersis, partim ex rationibus uariis sumuntur. Verbi causa tres ha quaestiones, quam ob causam sit echo, cur in speculis rerum forma apparent, quā obrem sit iris in cælo: tres inquam ha quaestiones, genere cōueniunt, siquidem omnium causa est reflexio, sed specie inter se distinguuntur. Alia autem ex eo dicuntur eadem, quod unius medium, in medio alterius continetur. Vt hoc, quam obrem circa finem mensis maior concitatioque est Nilus? quia sunt extremo mense imbres frequentiores. Rursus cur obeunte mense uis maior est imbrum? quia tum lumen luna magis ac magis minuitur. sunt igitur ha duæ quaestiones, hoc modo quo diximus inter se affecta.

DE causis autem & effectis ambiget hoc loco quispiam, Cap. 17
nunquid possint uicissim adhiberi effecta ad causas concludendas, cū semper sequatur, si effectus est causam esse? nam si defluere arboribus folia, aut defectionē lunæ ponas, mox sequitur esse horum effectōrū causam, atque esto, uerbi gratia, causa cur decidant frondes, lata habere folia: defectionis autem, terra interpositus. Etenim si ex iis effectis non sequantur ha causa, necesse erit ut sint præterea alia eorum

in hac conclusione principium est, quia propius ad instans
 accedit, quod est temporis principium. tum uero, quoniā D
 factum est, necessario efficitur C factum esse: illud igitur ad
 extremum necessario concluditur quia D factum est, A fa-
 ctum esse, cuius rei causa est C. Etenim si factum est D, ne-
 cesse est ut C factum sit: si autem C factum est, necesse est
 ut A prius factum sit. At quæret quispiam, fieri ne id possit,
 ut medium tandem accipiat usque eo coniunctum, atque
 adhaerescens, ut nullum sit præterea medium? an uero quia
 mediorum infinitas quadam inest, aliud atque aliud sem-
 per accipi possit? Nam hoc paulo ante dictum est, non posse
 inter se connecti, & coaptari duo facta. Verumenimvero,
 quicquid contra obiiciatur, illud certum est, ducendum sem-
 per initium ab eo medio quod instanti est propinquius. Ea-
 dem autem ratio est in futuris. Nam si uerum est fore D, il-
 lud necessario prius futurum est, ut sit A, ubi etiam causa est
 C. Si enim erit D, prius erit C, si autem erit C, prius erit A.
 neque uero in iis minus est infinita diuisio, quam in factis:
 nec enim momenta quæ in futuris cernuntur, continentia
 esse possunt. Porro illud etiam in his obseruandum est, ut ini-
 tium accipiat ab eo, citra quod nullum sit interpositum
 medium. Quod autem modo dixi, in ipsis etiam artium ope-
 ribus cernitur. Ut si domus facta est, necesse est incisos atq;
 adeo paratos fuisse lapides. Cur autem id necesse sit, causa
 est, quia necesse fuit iacta esse fundamenta, ut facta esse do-
 mum intelligamus. Atqui ut fundamentum esset, iam ante
 paratos fuisse lapides necesse est. Nec ratio dissimilis erit, si
 ad futurū id transferas: nam si erit domus, futuri sunt ante
 parietes: idque eodem modo, adhibito aliquo medio proba-
 bitur,

bitur, quia necesse est ut sint ante iacta fundamenta.

QVONIAM autem rerum naturalium ortus in plu- Cap. 13
rimis reciprocari, ac ueluti in orbem redire cōspicitur, eo fit
ut non incommode interdum argumenti conclusiones uicif-
sim in orbem tractentur: id quod tum erit, cum inter se mu-
tuo consequentia erunt, mediū, & extrema: in talibus enim
uerbis cernuntur uicissim retro cōmeantes probationes. De-
monstratum autē est in superioribus libris, fieri interdum, ut
uicissim ad concludendas sumptiones, adhibeatur comple-
xio: quod aliud nil est quā reciproca, & orbicularis demō-
stratio. Quod autem in naturæ operibus hoc probandi ge-
nus cernatur, hoc exemplo perspicui potest: postquam terra
imbre madefacta est, inde necesse est nasci uapores: tum ex
iis oritur nubes: mox autem nube resoluta, imbrem effundi
necesse est: ex quo rursus madefieri terram consequitur: id
autem est unde sumptum erat exordium. Itaque hac qua-
si orbem quendam absoluunt, quæ ita in se redire uidentur,
ut posito uno aliquo, sequatur aliud, tum illo posito, mox
aliud, ex quo id ipsum quod primum erat renascitur. Sunt
autem duo genera eorum quæ fiunt. Vnum est eorum quæ
quia semper, & in omnibus eodem modo se habent, aut fiūt,
propterea uniuerso genere contineri dicuntur. Alterum in
iis cernitur, quæ nō semper, sed maxima ex parte ita fiunt.
Vt non sunt omnes uiri barbati, sed in maxima tamen par-
te id cernitur. Porro quæ ad hoc posterius genus pertinent,
sui etiam generis medium, quod plerunq; fit, habent. Nam si
ita conueniat A ipsi B, ut in totum genus cadat, itēque B
uniuerse enuncietur de C, efficietur necessario ita in omni
C dici A, ut huius generis omnibus ac semper cōueniat. Hoc

enim est quod cadere in totū genus diximus, quod omni, ac semper conueniat. Atqui id maxima tantum in parte uerū esse ponebatur: necesse igitur est ut medium B ex genere sit eorum quæ plerunq; fiunt. Quapropter eorum quæ plerunque eueniunt, illa erūt propria, omni que medio carētia principia, quæ ipsa plerunque etiam ita sunt, aut fiunt.

Cap. 14

SEQUITVR nunc, quia supra ostensum est quomodo definitio in argumenti conclusione pro aliquo uno ex tribus extremis accipiat, & quomodo demonstratione aut definitione, quid res sit ostendatur aut non ostendatur, sequitur inquam ut inuestigāda definitionis rationem doceamus. Ac primum, inter ea quæ in altero dicuntur, nonnulla reperiuntur, quæ latius ipsa quidem patent quā subiectum, sed tamen non latius quā genus ipsius subiecti. Ego uero latius patere ea dico, quæ sunt alicui cum aliis communia. Ut si quid est quod omni ternario cōueniat, & aliis præterquam ternario, cuiusmodi est (ut sic dicam) ens, quod cum in omni ternario dicatur, tam late præterea patet, ut uel omnem numerum longe excedat: Impar autem commune quidem est ternario cum aliis (nā etiā quinarius impar est) sed non latius patet quā genus istorū. Numerus enim, quinarij genus est: præter numeros autē, nulli conuenit impar esse. Est igitur definitionis hic modus, ut sumas ea quæ sunt ei rei quā definire uelis cum aliis communia, idq; usq; eo persequaris, dum propriū efficiatur quod nullā in aliam rem transferri possit. Nā illa oratione uim atq; naturam rei uniuersam cōtineri necesse erit. Exēpli causa, omnis ternarius est numerus impar, tum est primus, idq; bisfariā: & quod eum alius numerus non metitur, & quod ex multis numeris non componitur.

ponitur. Hinc igitur colligitur hac ternarij definitio. Numerus impar primus, atq; adeo bifariā primus. Ac eius quidē definitionis pars prior, omnibus est imparibus numeris cum ternario communis: posterior autem, etiā binario conuenit: iuncta autē simul utraq; partes, in nullam aliam rem transferūtur. Quoniā autem supra docuimus necessaria esse quæ in explicanda definitione sumuntur: quandoquidem quæ in omni dicuntur, necessario conueniunt: hæc autem quæ ad definiendum ternarium, aut aliud quiduis, adhibentur, uim ac naturam rei declarant: ternario igitur illa omnia necessario conueniunt. Quòd uero uniuersam rei essentiam complectatur, hinc perspicitur potest, quòd necesse est si naturā rei uniuersam nō complectatur hæc oratio, ut sit genus quoddam, quod aut uno nomine appellari possit, aut nullum habeat nomen impositum. Vnde sequitur latius patere hanc orationem ternario. Nam id hoc loco accipiendum est, omne genus ad multas posse species pertinere. Ergo si hæc oratio alteri nulli conueniat, quàm omnibus ternariis, necesse erit ut ea, uis ac natura ternarij uniuersa contineatur. Ponendum enim hoc loco nobis est, uim ac naturam rei esse, huiusmodi quoddam attributum, indiuiduis modo alicuius speciei conueniens. Itaque hac eadem ratione in aliis omnibus, in quibus idem modus definiendi obseruabitur, quæ sit rei uis ac natura ostendetur. Si autem uelit quispiam genus ipsum definitione explicare, hæc erit illi uia sequenda. Primum distribuendum erit genus in species ultimas, in quas primum, inter diuidēdum incidet: ut numerus, in ternariū, & binariū. Tū singularū formarū erūt inquirenda ex superiore ratione. definitiones. Verbi gratia, quid sit recta linea,

quid circulus, quid rectus angulus, & huius generis alia. Deinde postquam genus, ad quod sit id ipsum, quod definitur, referendū, inueneris, nempe utrū quantitas sit, an qualitas, iū ex iis quæ sunt communia primis illis speciebus, erunt illa colligenda, quæ proprie generi conueniant. Nam quæ illa sint quæ uniuerso generi, quod ex infimis speciebus componitur, cōueniant, ex definitionibus ipsarum formarū manifestum fiet: quandoquidem omnis propemodum cognitionis initium est definitio, idque quod simplex est. Ac simplicibus quæ conueniunt, in ipsis simplicibus solis per se spectantur, in aliis autem per ipsa simplicia. Porro autem diuisiones generum per differentias factæ, plurimum ualent ad perfectas definitiones, hac ratione conficiendas. Et quæ ratione quidē ad demonstrandam definitionē adhibeatur, huiusmodi diuisiones, paulo ante docuimus. neq; enim existimandum est, eam modo diuisiones habere uilitatem, quod ad concludendum quid res sit, uim quādam necessariam afferant: sed id potius censendum est, nullam in iis inesse concludendi necessitudinem: quandoquidem absoluta diuisione, statim omnes partes definitionis, citra probationem accipiuntur, perinde ac si iam inde ab initio, nulla antefacta diuisione, sumerentur: Sed eo ualent ad definiendum diuisiones, quoniā plurimum interest, quo ordine singula disponas, & quid primo, quid secūdo loco constituas. Verbi gratia, nō parum refert an hominem dixeris esse animal mansuetum bipes, an bipes animal māfuetū. Quæ uero præterea in definitione uidenda sunt, efficiatūrne unum aliquid ex duabus definitionis partibus, ueluti an quippiā unū sint animal māfuetū, itēq; an ex illo genere, & illa differētia, cōstituatur hominis

hominis natura: aut uerò quid illud tandem sit, cuius hac una oratione natura continetur: illa inquam utraq; nõ probat qui diuisione utitur, sed citra probationem accipit. Est autem & alia diuisionis utilitas, ut in definiendo nil præmittamus eorum quæ quid res sit, ostendere possint. Nam ut id uitium declinemus, propemodũ sola diuidendi ratio præstare potest. Postquam enim primo loco genus acceptum est, si quis non proximam diuisionem accipiat, sed ad inferiorem aliquam transliat: in partes diuisionis non cadent omnia quæ sub genere continentur. Ut si quis animal diuidat in ea quæ alas habent perpetuas continuasq;, & ea quæ alas habent diuisas: non comprehendet hac diuisione omne animal, sed uolucres tantum hac diuisione continentur, quarum hæ propriæ sunt differentie. Animalis autem illæ sunt primæ differentie in quas cadit omne animal. quod idem in aliis generibus dicendum est: siue illa sint omnino ab animali diuersa, siue sub ipso animali comprehendantur. Primæ enim uolucris differentie sunt in quibus omnes uolucres continentur, & piscis in quibus omnes pisces. Ac singula quidem ita persequendo per diuisionem, facile erit uidere, num præmittatur quippiam, sin hanc rationem negligamus, necesse erit ut & aliquid interdum præmittatur, & semper incertum sit, quicquàmne præmissum sit an secus. Neque uerò necesse est, ut definias aut diuidas quippiam, simul omnia quæ sunt nosse, tamen si quibusdam uideatur, fieri non posse, ut rerum inter se discrimina intelligamus, nisi eas ipsas res perspectas ac cognitatas habeamus: Ut autem rerum assequamur cognitionem, non intellectus earum inter se differentis, consentaneum non esse. A quo enim non discrepat

quippiã, cum eo idem esse: à quo autẽ distinguitur, aliud esse ab eo. Ac primũ quidem falsum est postremũ hoc proloquiũ. Neq; enim omnis differentia aliã rem efficit: quandoquidẽ multa sunt inter ea quæ specie nõ distinguuntur differẽtia, quæ nec in rei natura cernũtur, nec propter se insunt. Deinde uerò postquã quisquã accepit contrarias differẽtias: idq; necesse esse, ut aut hac aut illa parte contineatur id omne quod in hoc genere cernitur: mox autẽ in altera parte id ipsum cuius definitio quæritur comprehendere, idque ita esse cognoscit: quid, inquam, postquam hæc omnia recte effecerit, refert sciat an nesciat, in quibus aliis hæ differentia dicantur? Perspicuum enim est eum qui hanc uiam insistens eò perueniet, ubi iam nulla possit esse differentia quæ res præterea diuidatur: inuenturum eam quam quærebat orationem, quæ rei uis uniuersa contineatur. Porro autem genus uniuersum, in partibus diuisionis contineri, si partes in eo contrariorum genere sint, quibus nil interiectũ est, nõ postulat, sed uelit nolit is qui cum disputatur, necessarium, ut si ueræ sint differentia, ad unam earum pertineat quicquid illo genere comprehenditur. Sed ut per diuisionem recte conficiatur definitio, tria sunt obseruanda, primum est, ut accipiantur attributa quæ sint ad declarandum quid res sit accommodata. Alterum est, ut quod primum quodque secundum esse debet, suo loco collocetur. Tertium est ut omnia quæ sunt ad hanc rem necessaria adhibeantur. Ac horum quidem primum hinc consequi poterimus, quod ut loci sunt quibus accidentis quæstio tractatur, cum alterum alteri inesse ostenditur: ita suos quosdam locos habet quæstio generis, quibus quippiam genus esse confirmetur. Secundũ autem,

autem, quod est singula ut par est collocare, ita facile præstabimus, si quod primum est, primo loco accipiat: id autem erit, si id acceptum sit, quod est omnium consequens, nec uicissim ex eo alia consequuntur omnia, semper enim inter definitionis partes est aliquid huiusmodi. Postquam autem id erit ita constitutum, idem modus erit seruandus in collocandis reliquis inferioribus: nam secundum, ad reliqua comparatum est ut primum, itemque tertium ad ea quæ sequuntur. Sublato enim primo, id quod deinceps sequitur, est omnium primum. nec dissimilis est in aliis ratio. Tertium autem, quod in eo est ut intelligamus, ea quæ accepta sunt, illa esse omnia quæ ad rem definiendam fuerunt necessaria, hinc perspicitur, quod sumpto primo, ita ipsum diuiditur, ut necesse sit omne quod illo genere continetur, aut hac aut illa parte comprehendere, idque quod definitur, in ea parte reponimus, in qua continetur: tum rursus hoc totum quod ex superiore diuisione natum est, suis differentiis distribuimus, idque usque eo persequimur, donec ad extremum totum quoddam efficiamus, cuius nullæ sint differentia, uel certe quod statim ubi adiecta est ultima differentia, ab ipsa re quæ definitur, specie non distinguitur. Perspicuum enim est, in definitione quæ hac ratione cōfecta est, nil redundare: quia omnia quæ sumpta sunt ad ostendendum quid res sit, sunt accommodata: neque abesse quicquam, aut enim genus hic desiderabitur, aut differentia: Atqui genus hic primo loco acceptum est, illudque cum differentiis coniunctum: Differentia autem omnes hic appositæ sunt: quandoquidem nulla præterea differentia hic locum habere possit: alioqui totam hanc orationem specie differre à re quæ de-

ARIST. DE DEMONST.

finitur, dicendum erit, quod nos supra negauimus. Illud au-
 tem uidendū est ei qui rerum definitiones inuestigat, ut pri-
 mum quid commune habeant ea quæ similia sunt, nec spe-
 cie differunt, consideret: deinde in aliis rursus idem faciat,
 quæ ad genus illa quidem unum, & idem cū superioribus,
 pertineant, sed specie ab illis distinguantur, cum interim cō-
 parata inter se, specie idem sint, quemadmodū & illa. Post-
 quam autem sumperis quid his, & illis aliisq; eiusdem ge-
 neris commune sit: tum illud spectabis, si ne quod in iis om-
 nibus commune esse reperiabas, idem aliquid, atque ita idē,
 ut communem efficiat unam rationem. Nam si ad unam
 quandam rationem peruenias, erit proculdubio illa rei defi-
 nitio: Sin unam in rationem non conueniant, sed aut duas
 aut plures: certum est non esse simplicem, sed multiplicem na-
 turam eius rei cuius quarebatur definitio. Exempli gratia,
 si uelimus nosse quid sit magnitudo animi, uidendū est quid
 inter se commune habeant aliqui, quos cōstet fuisse magna-
 nimos, quod genus sunt, Alcibiades, Achilles, Aiāx, quibus
 id fuisse cōmune uidemus, ut a quo animo contumeliam pati
 non possent. Alcibiades enim ob eam causam bellum patriæ
 intulit: Achilles implacabili exarsit iracūdia: Aiāx sibi mor-
 tem consciiuit. Tum, eiusdē generis alios spectabimus, ut Ly-
 sandrum & Socratē, in quibus animi magnitudinem ex eo
 agnoscimus quòd tam aduersas, quàm secundas res, mode-
 rate & constanter tulerunt. Comparatis igitur inter se iis
 duobus, considerandum est ecquid commune habeant, con-
 stantia idēque in utraq; fortuna animus, & summa in se-
 renda contumelia, impotentia. Quòd si nil commune repe-
 rias, statuere poteris, duas esse magnanimitatis species.

SEMPER

SEMPER autem res uniuersa est quae definitione explicatur. neque enim medicus cum definit, quòdnam sit salutare oculis medicamentum, definitionem ad hunc aut illum oculum tantum accommodat, sed aut in genus uniuersum oculorum, aut in aliquam sanè speciem uult transferri. Porro autem singularia definire multo est facilius, quàm uniuersale: ob eamque causam à singulis rebus ad uniuersas progrediendum. Etenim ambiguitas quae est in rebus uniuersis minus cernitur, quàm quae est in iis rebus quae specie non distinguuntur. Sicut autè in demonstrationibus còficiendis, necesse est ut insit in demonstratione necessaria conclusio, ita in definitionibus imprimis uidendū, ut aperte ac perspicue res doceatur. Id quod consequemur si nò statim ad genus uniuersum definiendum aggrediamur, sed seorsum ante definiamus singulas res, quae ad unum quoddā genus pertinere uidentur. Veluti non totum genus similiū primo definire oportet: sed prius qui sint similes colores, & quae sint figurae similes definiendum est: itèmq; quid sit acuta uox prius explicandum, tum ad definiendum genus uniuersum uenimus: sed ita semper, ut, ne subsit ambiguitas, caueamus. Iam autem, si est inter disputandum uitiosum uti metaphoris, id profectò uitiosum etiam erit, in definiendo aut perpetuas adhibere metaphoras, aut uerbo aliquo aliunde trās lato uti. Nam si hic sint metaphorae, translationes usurpare in differendo necesse erit.

EST autem & alia diuisionum & partitionum siue in-
 cisionum utilitas, ad causas multarū quaestionum intelligen-
 das, si has in promptu habeamus. Est autem haec tractāda-
 rum per diuisiones quaestionum, ratio. primum uidendum

se ex partitionibus eruenda, in iis quæ proportionē quadam sola idem sunt: quod genus sunt, sepium, or, spina, quibus nō est cōmunis aliqua natura, quæ una appellatione ipsa completatur: sunt tamen horum quædam cōmunia consequentia, perinde ac si una quadam natura continerentur. Quæstiones autem eadem alia dicuntur, eo quod unum quoddā medium habent, ueluti omnes quæstiones quarum causa est antiperistasis. Sed in iis quædam sunt quæ cum eadem genere sint, quibusdam tamen inter se distinguuntur differentiis, quæ partim ex subiectis diuersis, partim ex rationibus uariis sumuntur. Verbi causa tres hæ quæstiones, quam ob causam fit echo, cur in speculis rerum forma apparent, quā obrem fit iris in calo: tres inquam hæ quæstiones, genere cōueniunt, siquidem omnium causa est reflexio, sed specie inter se distinguuntur. Alia autem ex eo dicuntur eadem, quod unius medium, in medio alterius continetur. Ut hoc, quam obrem circa finem mensis maior concitatioque est Nilus? quia sunt extremo mense imbres frequentiores. Rursus cur obeunte mense uis maior est imbrum? quia tum lumen lune magis ac magis minuitur. sunt igitur hæ duæ quæstiones, hoc modo quo diximus inter se affecta.

DE causis autem & effectis ambiger hoc loco quispiam, Cap. 17
 nunquid possint uicissim adhiberi effecta ad causas concludendas, cū semper sequatur, si effectus est causam esse? nam si defluere arboribus folia, aut defectionē lune ponas, mox sequitur esse horum effectōrū causam, atque esto, uerbi gratia, causa cur decidant frondes, lata habere folia: defectionis autem, terræ interpositus. Etenim si ex iis effectis non sequantur hæ causæ, necesse erit ut sint præterea alia eorum

ARIST. DE DEMONST.

causa, siquidē simul cum iis causis sint effectus. simul ac enim posuisti terrā interueniū, sequitur defectio, & posita arbore, cui sint lata folia, statim efficitur defrondescere posse. At uerò si res ita habet, nobis igitur admittendū erit uicissim ex aliis alia demonstrari posse. Sit enim defrondescere A, arbor latioribus cōstans foliis B, uitis C. si ergo in omni B est A, quod est omnem arborem latioribus uestitam foliis caduca habere folia: itēque in omni C dicatur B. omnis enim uitis laxioribus recta est foliis: ad extremum igitur concludetur, omne C esse A, quod est omni uiti frondes decidere. Atque in hac quidem ratiocinatione uerbum medium B, causa est. At contra etiam concludere possumus uitem habere lata folia, per medium defrondescere. Esto arbor cui sunt ampliora folia D, defrondescere E, uitis F. omni igitur F conuenit E, hoc est omnis uitis defrondescit: in omni autem E dicitur D, id est omne quod defrondescit latiora habet folia, unde efficitur omni uiti latiora esse folia: sumptūque est pro causa huius rei, defrondescere. Quod si non possint ista uicissim sibi esse causa, ut certe non possunt (semper enim prior causa est effectui, & ut deficiat luna, causa est terrā interpositus: nec cōtra defectio lunæ, causa esse potest, ut inter solem & lunam terra interponatur) erit igitur quæ ex causa cōstabit, accurata & cur res sit demonstratio: quæ autem ex effectui ducetur, tantum quod res ita sit confirmabit. Ex hoc enim effectui interponi quidem terrā cognoscimus, sed quam ob causam interiiciatur nescimus. Quod autem defectio non sit causa cur interueniat terra, sed contra interiectus terrā, ipsius defectio, hinc perspicitur, quod in definitione defectio accipitur terrā interpositus: unde planum est

est, fieri manifestam defectionem per interuētum terra, nec contra huius naturam per illud explanari. Iam uerò, quid uetat eiusdem effecti multas esse causas? Profectò si idem effectus multis primo attribui possit, id nō uidetur esse incommo- dum. Dicatur enim A in omni B primo, itēque in omni C primo etiam insit A: dicantur autem B & C, de D & E. Hic ergo cur A in omni D, & E insit, causa sunt B & C, illud quidem B, cur ipsi D conueniat, hoc autem C cur in ipso E dicatur. Itaque posita causa efficitur necessariò ut res sit: At cum res est, non sequitur uniuersam causam esse, tametsi pars aliqua causa necessario consequatur. An si genus uniuersum complectatur quaestio, semper ex uniuersa causa sequetur uniuersus effectus, & contra? exempli causa defrondescere, quanquam sit plātarum multis generibus commune, si singula uelut persequi, tamen est certum quoddam unum genus in quo id primum omnium cernitur, quod est uel planta, uel certi cuiusdam generis planta. Quare in iis etiam medium & effectum equalia esse, atque adeo uicissim retro commeare necesse erit. Veluti si causa est cur decidant arboribus frondes, quoniam concre- scat humor, necesse est ut si ponas defluere arboribus folia, statim humidi concretionem ponas, & contra si est humoris talis concretio, necesse est defrondescere arbores. Sequitur nunc alia quaestio, utrum sit semper eiusdem effectus eadem causa, an alia atque alia esse possit? An, si ex iis ducta sit argu- menti conclusio quae propter se rei conueniunt, nō autem ex signis, aut accideniibus, fieri non poterit ut sit unius rei plusquam una causa? mediū enim est alterius extremi de- finitio. sin secus res cōcludatur, fieri poterit. Ac possunt qui-

dem maius extremū & minus per accidentia quædam tra-
ctari, sed tamen non erunt ad sciendum accommodata ille
quæstiones. At si accidentia omnia omittantur, erit semper
eiusdē generis medium cum extremis: nempe si homonyma
sint extrema, erit homonymū medium: si genere quodā uno
contineantur, & medium simile erit. Exēpli causa: qualia
sunt huius quæstionis uerba, quamobrē quibusdā inest pro-
portio cōmutata: tale est mediū. est enim alia in lineis cau-
sa, alia in numeris, & eadem tamen: nam hoc ipso quòd hæ
lineæ sunt, illi numeri, est alia atque alia causa: qua ratio-
ne autem, est certi cuiusdam generis accessio, eadem est in
omnibus causa. Eadem ratio est in omnibus id genus. Item,
cur similes sint inter se colores, & cur figuræ figuris similes,
semper est alia atque alia causa: quia simile, uerbum ambi-
guum est, cum ad ista trāsferitur. Ac similes quidem figuræ
hac ratione fortasse dicuntur, quòd certa quædam sit inter
latera proportio, & pares sint anguli: colores autem quia
uno sensu omnes percipiūtur, aut simile aliquid. Porro autē
in iis quæ proportionem sunt eadem, medium etiam idem erit
proportionem. Propterea autem eiusdē semper generis est me-
dium cum extremis, quoniā mutuò se consequuntur causa,
effectus, & res cui per causam attribuitur effectus. Ac si
quidē singulatum res subiecta accipiātur, latius patebit ef-
fectū. Ut exteriores angulos pares esse quatuor rectis, latius
patet quàm triangulū, aut quadrangulū. Ac si genus uni-
uersum earum formarum spectes, quibus conuenit habere
exteriōres angulos pares quatuor rectis, cum eo reciproca-
bitur, etque par erit. Nec dissimilis est in medio ratio. Me-
diū autem maioris extremi definitio est. quocirca dicuntur
omnes

omnes scientiæ ex definitione oriri. Verbi gratia, defrondescere est quidē vitis consequens, sed multo latius patet: itē-
que ficus, sed longe ficum excedit. At si cum omnibus huius
generis arboribus conferas, non latius patet sed æquale est.
Si igitur primum medium ad probandum sumas, erit defini-
tio huius uerbi, defrondescere: ac primum quidem adhibe-
tur hoc medium ad concludendum uniuersum genus, dein-
de uero ad singulas partes accommodabitur. atque esto me-
dium, quoniam contrahitur concrescitque succus, aut tale
aliquid. Quid uero aliud est defrondescere quàm succum ea
in parte contrahi, ubi foliorum pediculus cum extremis ra-
mulis, qui quasi frondium semina sunt, cōiunctus est? Quod
siquis hanc causā & effectus consecutionem uelit sibi descri-
ptionibus quibusdam & exemplis declarari, sic habeto. Di-
catur A in omni B, insit autē B omni D, sed ita ut latius pa-
teat. Erit igitur B, generale quoddam uerbum, facta ad om-
nia quæ sub D continentur collatione. Nam illud generale
appello quod nō reciprocatur: uniuersale autem primum il-
lud uoco, quod cum singulis partibus comparatum, non ui-
cissim retro com meat, cum toto autem genere collatum, reci-
procatur, nec latius patet. Ergo quòd in omnibus D dicatur
A, causa est B. Quare latius patebit A, quàm B. nam si non
ita sit, quæ causa est cur mutuo sibi causæ esse nō possunt? Iā
autem si rursus omnibus E conueniat A, aliam quandā cau-
sam habebūt ipsa E, præter B. nam si secus res habet, cur ue-
rum est, omni E inesse A, nec uicissim sit ut omne A sit E?
quamobrem enim non erit causa cur omnibus E conuenit
A, sicuti aliqua est cur omnibus D insit? Habebunt igitur
ipsa E, aliam quandam rationem in qua conuenient: sed

ARIST. DE DEMONST.

quanam illa sit considerandum: atque esto C. fieri igitur potest ut eiusdem rei plures sint causa: sed ita tamen, ut nunquam plures sint eius effecti, quod in rebus specie iisdem cernitur. Verbi gratia, uita in longum tempus protrahenda, in quadrupedibus causa est quod felle careant, in uolatilibus quod ualde sicca sint, aut simile aliquid. Postrema quaestio est, quando non statim ad prima mediisque carentia pronunciata dissoluitur res proposita, sed multa media alia ex aliis, multasque causas persequi oportet. Vtrum magis causa est, medium quod generale est, & ad genus uniuersum accommodatum, an quod ad res singulas, in quibus aliquid quaeritur, magis accedit? Profecto non dubium est quin illud medium magis causa sit, quod ad minus extremum, in quo quaeritur an aliquid insit, proxime accedit. Semper enim hac prima causa est, cur sub uniuerso genere illud contineatur. Veluti ut omni D conueniat A, causa est C. Sic igitur persequi causas oportet, ut dicamus C causam esse cur A conueniat D, tum cur C insit A, causam esse B, postremo cur ipsi B conueniat A, ipsum B, sibi causam esse. Ac de ratiocinatione quidem & demonstratione, & quid sint & quomodo conficienda, haftenus dictum est, ex quo quid qualisque sit scientia demonstratiua intelligitur, utpote quae nil ab illis destinguatur.

Cap. 18

SVPEREST ut doceamus qua ratione principiorum assequamur cognitionem, & quis ille sit habitus, per quem ipsa intelliguntur. Sed prius, quam hoc aggrediamur, quid utranque in partem probabile sit subiiciemus. Ac primum, quod scire nemo possit per demonstrationem, quin ante cognita, & percepta habeat prima, atque immediata principia,

supra

supra ostendimus. Hic igitur ambiges forte quispiam, utrum sit eadem principiorum quæ aliarum rerum cognitio, necne: & utrum harum & illorum cognitio scientia appellanda sit, an uero harum quidem, scientia: illorum autem aliud quoddam cognitionis genus. Et utrum non insit nobis id inde ab ortu principiorum habitus, sed usu acquiratur: an uero nobiscum quidem nascatur, sed lateat tamen, nec se statim exerat. Ac nobis quidem ingenitum esse, nec intelligi, absurdum est: alioqui fatendum erit eum qui certius aliquid cognoscat, quàm si per demonstrationem sciret, in summa tamen ignoratione uersari. At uero, si non est insita natura principiorum notitia: sed usu & progressu temporis acquiritur, quoniam pacto assequi, ac discere ipsa principia poterimus, nulla antecedente cognitione? Nam illud fieri non posse, in explicanda demonstratione supra diximus. Perspicuum igitur est neque simul nobiscum nasci principiorum cognitionem: neque cum ante plane omnium rerum imperiti essemus, nullumque habitum qui ad ista cognoscenda pertineret haberemus, postea usu, & temporis processu acquiri. Quapropter necesse est, ut ingenita quaedam natura uis huius cognitionis nobis præbeat occasionem: quæ tamen facultas non tam accurate, ac subtiliter singula perspicere possit, quàm certa hæc, minimèque fallax principiorum cognitio. Atque hæc facultas, in omnibus inesse animantibus uidetur. Omnibus enim animalibus tribuit natura aliquam ad discernendas diiudicandasque res facultatem, quam sensum appellant. Cumque hoc omnia animalia conueniant quòd sensum habeant: in eo discrimen est inter ipsa, quòd ea quæ sensibus obiecta sunt, in quorundam animis impressa atque infixæ

manent, aliis statim excidunt. Quorum autem animis rerū obiectarum species non imprimitur, ea aut nullam plane, aut certe earum rerum quæ animo non retinentur, non habent cognitionem, nisi quo tempore sentiunt. Quæ uero sensuum oblatas impulsiones retinent, ea postquam sentire desierunt, habent etiamnum infixam animo unam quandam rei speciem. Cūque huius generis multa sint animātia, hic rursus est quadam inter illa differentia, eo quod quadam sunt quæ coniunctam habent cum illarum rerum memoria rationem. Alia sunt quæ huius plane sunt expertia. Oritur ergo (uti diximus) ex sensu memoria: tum ex memoria aliquoties repetita, nascitur experientia. nil enim est experientia una, quàm multæ (ut sic dicam) memoriæ. Postremo ex experientia, quæ tum est cum est infixæ animo de toto genere pronuntiatio, aut unius cuiusdam rei notio, quæ sit ipsa quidem præter res singulæ, sed in illis tamen omnibus una eadēque manens cohereat: ex ipsa inquam experientia, proficiuntur omnis artis ac scientiæ principia. Artis quidem, si ad eas res pertineant quæ oriuntur & occidunt: scientiæ autem, si ad ea quæ eadē semper sine ulla mutatione permanent. Neque igitur certi cuiusdam generis habitus sunt nobis natura insiti, quibus principia intelligamus, neque ex aliis habitibus prioribus, ac notioribus oriuntur, sed sensibus modo tribuenda est huius cognitionis origo. Quemadmodum enim inclinata iam acie susoque propemodum exercitu, si resistere unus incipiat, mox alius gradum sistit, deinde alius atque alius, donec ad principium agminis id perueniat, ita (ut sunt animi nostri) simile aliquid in iis usu uenire potest. Sed quod modo dictum est, nec satis aperte explicatum,

plicatum, nunc ab initio explanemus. Ac primum, cum se aliquod indiuiduum sensibus offert, tum primum animo comprehenditur uniuersum genus. Etenim singulare quidem est quod sentiitur, sed sensus ipse intimaque cogitatio ad genus uniuersum pertinet. ueluti cum hominem aliquem ui deo, sensus ad hominem concipiendum, non ad Calliam hominem percipiendum pertinet. Tum uero animus aliquandiu in hac atque illa communi notione conquiescit, idque eo usque persequitur dum ad simplicissimam aliquam latissimaeque patentem notionem perueniat. Veluti huius atque illius generis animantia tantisper considerat, dum ad communem animalis notionem perueniat: ac deinde pari ratione ex hoc genere, ad alia progrediatur. Ex iis planum est, prima initia inductione fieri nobis manifesta. quid enim aliud est profecta hoc modo à sensibus notitia, quàm inductione? Quoniam autem omnium qui ratione cernuntur habituum, quibus uerum aliquid dicere possumus, alij sunt in quibus perpetua inest ueritas, alij in quibus ut falsum dicatur interdum euenit: Huius generis sunt, rerum agenda- rum & faciendarum ratio, & opinio: Ex genere autem eorum quae semper uera sunt, est scientia & intelligentia: Et quia nil est certius accuratiusque scientia, prater intelligentiam, semperque notiora sunt principia demonstratione, sine qua nulla potest esse scientia: ex iis profecto necessario efficitur, principiorum non esse scientiam. Atqui nil est certius accuratiusque scientia prater intelligentiam. Itaque in cognoscendis principijs, intelligentiam positam esse, perspicue hac ratione ostenditur. Sed etiam hac ratione id confirmari potest. Principium demonstrationis non

est demonstratio, neque igitur principium scientiæ erit sciē-
tia. Quare si præter intelligentiam nil est in quo sit perpe-
tua ueritas, perinde atque in scientia: erit profectò intelli-
gentia ueluti quoddam principium omnis sciētiæ. Atque ita
id quod ualde consentaneum est, fiet: ut principium scientiæ
ipsis attribatur principiis: scientia autem, simili modo, o-
mnibus his rebus qua ex principiis orta sunt.

F I N I S.

ARISTOTELIS
TOPICORVM LIBRI
VIII.

Ioachimo Perionio interprete, per N. Grou-
chium correcti & emendati.



LVTETIAE,
Ex officina Michaelis Vascofani, uia Iacobæa
ad insigne Fontis.

M. D. LI.

CVM PRIVILEGIO.

WILLIAM
TROTTER

WILLIAM TROTTER
1812-1880



WILLIAM TROTTER
1812-1880
WILLIAM TROTTER
1812-1880

WILLIAM TROTTER

ARISTOTELIS TOPICORVM LIBER I.

Ioachimo Perionio interprete.



HOC nobis loco propositum est, uia atque rationē inuenire, qua & de omni quaestione proposita, probabili argumentatione poterimus disserere: & nihil repugnans, siquid in disputationibus defendamus, afferemus. Ac primum quidem quid sit ratiocinatio dicendum est, quaeque eius genera. ut ratiocinatio dialectica, quoniam hoc sermone eam inuestigamus, quid sit intelligatur. Est igitur Ratiocinatio, oratio in qua quibusdam positis aliud quiddam, quam quae posita sunt, ex iis ipsis quae posita sunt, efficitur necessario. Demonstratio autem est, cum ex ueris & perspicuis conclusio est, aut certe eiusmodi, quae à quibusdam perspicuis & ueris causam cognitionis sumunt. Dialectica uero ratiocinatio est, quae ex probabilibus concluditur. Vera quidem sunt & perspicua ea, quae non ab aliis, sed à seipsa fidem habent. Neque enim initiorum ac principiorum, quae in singulis sunt scientiis, quarendae ratio est, eaque omnia per se ipsa perspicua esse debent. Probabilia autem sunt quae probantur, aut omnibus, aut plurimis, aut certe sapientibus: atque iis uel omnibus, uel plurimis, uel ijs quorum spectata est, & perspecta sapientia. Fallax autem & certandi studio comparata ratiocinatio est, quae ex iis progreditur, quae probabilia uidentur, nec sunt: aut quae ex probabilibus, uel quae probabilia uidentur, constans conclusio necessaria esse uidetur, nec

est. Non enim omne quod probabile uidetur, etiam probabile est: quandoquidem nihil eorum quæ habentur probabilia, extrinsecus & quasi specie prima, tale existit omnino. Id quod initiis conclusionum fallacium solet contingere. Celestiter enim ac sæpe iis etiam qui parua cernere possunt, his in rebus falsa natura se offert & ostendit. Prior igitur ratiocinationum earum quas fallaces & studio certandi comparatus esse diximus, etiā ratiocinatio uocetur. Altera fallax ratiocinatio, non omnino ratiocinatio dicatur, quoniā concludere uidetur, neque concludit. Sunt etiam præter eas ratiocinationes quas exposuimus, fallaces conclusiones, quæ ex propriis initiis nonnullarum artium efficiuntur, & constant: quod sit in geometria alijsq; quæ huic finitima sunt. Nam inter genus hoc & superiora aliquid interest, neque enim ex ueris & primis: neque ex probabilibus progreditur is, qui falsa descriptione utitur. Non enim in definitionem incurrit: quoniam nec sumit quæ probatur omnibus; nec quæ plurimis, nec quæ sapientibus: atq; his, nec ea quæ omnibus, nec quæ pluribus, nec quæ probatis: sed ex propriis scientiæ sumptionibus non ueris, quod uult efficit. Nā quia semicirculos describit, non quemadmodum describendi sunt, aut lineas ducit, non quomodo sunt ducendæ, eò falsam conclusionē efficit. Ac ratiocinationum quidē genera hæc sūt, quæ à nobis pingui quadā Minerua exposita sunt. Nā & de iis quæ iam diximus, & de iis de quibus deinceps dicturi sumus, hoc semel admonere uolo, nil horum me uelle subtiliter & accurate docere, sed tantū rudem ueluti formā subiicere rerum singularum. Ego enim ita sentio ad hanc artem quā hoc loco docere instituimus, satis esse, rudem quandam

quandā ac simplicē rerum singularum habere cognitionē.

SEQVITVR ut deinceps ad quot quāsq̃ue res instituti nostri ratio conducat, differamus. Tria autem sunt, quorum primum exercitatio est, alterum congressus, tertiū philosophia scientia. Atque ad exercitationem quidē magnum eam adferre adiuumentum, hinc perspicī licet, quod si uia & ratione instructi ueniamus ad disputandum, facilius de re proposita differere poterimus. Ad cōgressus autem & colloquia, quod multorum enumeratis expensisque sententijs, non ex alienis & longe petitis, sed proprijs aptisque locis sermonem depromemus, quem cum ipsis conferamus. Ita si quid minus praeclare nobis uidebūtur dicere, id facile refellemus. Ad philosophia autem cognitionem, quod facultate in utranque partem de re quaque disputandi instructi, facilius in quaque re quid uerum sit, quid falsum, perspicemus. Atque etiam ad prima iniitia omnium artium cognoscēda, in hac arte uis maxima est. Nam quoniam principijs, quae propria artis eius sunt de qua agitur, adhibitis, de ijs ipsis nihil dici potest, nec concludi, (sunt enim prima) certē ijs quae in quaque probabilia sunt utamur necesse est, si quid de his exponere uelimus, quod dialectica propriū est uel maxime. Cū enim hac, ratio sit quaedam indagatrix, ad omnia omnium rerū quae uia & ratione progrediuntur principia, uia aperit. Sed hac tum demū perfectā in nobis erit ratio, cū id accideret nobis, quod ijs qui arte rhetorica, medicina, ceterisque facultatibus sunt praediti, id est, cum ex ijs quae commodē ad rem propositam adhiberi possunt, efficiemus q̃ uolumus. Neq; enim uel orator omnibus modis persuadere solet, uel medicus curationē

ARISTOTEL. TOPIC.

adhibere: sed si nihil pratermittat eorū quæ adhibere possit, tum denique & peritum eum & artificē iudicamus.

PRIMUM igitur ex quibus hæc constet ratio, uideamus. Quod si exposuerimus, quot quibūque de rebus omnis instituaturs disputatio, ac ex quibus cōficiatur, & quæadmodum ea omnis nobis suppetent, facile quod uolumus consequemur. Sunt autem numero paria, & ea ex quibus argumentationes constāt, & ea in quibus ratiocinationes uersantur. quippe cum probationes ex propositionibus cōficiantur, & ratiocinationes de quæstionibus sint. Omnis autē propositio omnisque quæstio aut genus declarat, aut proprium, aut accidens. Nam differentia, quia generale quippiam est in eodem, in quo genus, numero reponenda est. Quoniamque proprium aliud est, quod rei naturā explanat, aliud quod non explanat, diuisum sit proprium & distributū in partes has duas, appelleturque unū, id quod rei uim & naturam declarat, Definitio. Alterum communi nomine quod habuit, uocetur Proprium. Ex quo perspicuum est, quatuor omnia fieri ut diuisimus, uel proprium, uel definitionem, uel genus, uel accidens. Neque uero dictū uelim hæc omnia per se aut propositionē efficere, aut quæstionē: sed hoc dico, ex his omnibus & quæstiones constare, & propositiones. Differt autem ratione quadam propositio à quæstione. Nam si queratur hoc modo: An sit animal gradens bipes, definitio hominis? aut, sitne animal hominis genus? propositio est. Sin hoc modo, sitne animal gradens bipes definitio hominis, nec ne? quæstio est. quod idem in cæteris contingit. Pari igitur numero inter se respondent & propositiones & quæstiones: præsertim cum ex omni
propo-

propositione si rationem dicendi mutes, quaestionem facere possis.

NUNC dicendum est, quid sit definitio, quid genus, quid proprium, quid accidens. Definitio est oratio, qua id quod definitur explicat quid sit. Adhibetur autem aut oratio pro nomine, aut pro oratione oratio. possunt enim quaedam quae oratione exprimuntur, definitione aperiri. Qui autem quo quomodo nomen pro nomine reddunt, ij profecto rei definitionem non explicant: quandoquidem omnis definitio oratio est. attamen hoc referendum est ad definitionem, ut honestum est, quod decet. Itemque hoc, utrum idem sit sensus & scientia, an aliud, definitioni attributum est. in definitionibus enim idemne sit an alterum, multus usus est. Ad definitionemque pertinet ea omnia, quae eadem uia & ratione tractantur, quae definitio. Atque haec omnia talia esse ex hoc intelligi potest, quod si possumus quid idem sit, quid aliud differere, magna nobis de definitionibus disputandi suppetet copia. Nam si non idem esse ostendimus, definitionem infirmabimus, quanquam non id retro commeat. Non enim satis est ad construendam definitionem, idem esse docere: ad euertendam autem satis est, non esse idem ostendere. Proprium autem est, quod quid sit res non explicat, in soloque inest, & uicissim de re dicitur, uelut hominis proprium est natum esse ad percipiendam grammaticam. Si enim homo sit, uim habet ad percipiendam grammaticam, & si quid sit quod uim ad percipiendam grammaticam habeat, homo. Neque enim quisquam id proprium esse dicat, quod in aliam rem transferri potest: ut dormire hominis proprium non est, etiam si ad quoddam tempus in solum hominem cadat.

ARISTOTEL. TOPIC.

Sed si quid tale propriū dicatur, non omnino, sed ad quod-
dam tempus, aut ad aliquid collatum proprium appellabi-
tur. Nam à dextra esse, proprium est interdum: & bipedē
esse, proprium est, quod cum aliquo confertur, ut hominis
proprium est ad equum & canem. Atque nihil eorum quæ
in alio etiam inesse possunt, uicissim dici hinc perspicitur,
quòd non est necesse siquid aliud dormiat, id esse hominem.
Genus autem id est, quod de pluribus, specie autem dif-
ferentibus, dicitur in quæstione qua quid sit res quæri-
tur. In quæstione autem qua quid quicque sit queritur,
ea dicuntur omnia quæ accommodatè & aptè responden-
tur, cum rogatur quid sit id de quo agitur. Vt si quis roge-
tur quid sit homo, aptè respondebit animal. Generi etiā il-
lud attributum est, sitne aliquid in eodem genere in quo al-
liud, an in alio. hoc enim eadem ratione tractatur qua ge-
nus. Nam si animal genus hominis esse demonstrauerimus,
itēque bouis: certè ostenderimus quòd in eodem sunt ge-
nere. & si alterius esse genus docuerimus, alterius nō esse,
ea non ad idem genus docuerimus pertinere. Accidens est
est quod nihil horū est, nec genus nec definitio, nec propriū,
rei autem conuenit: & quod cadere potest in rem unam a-
liquam, & in eandem non cadere. uelut sedere & conue-
nire eidem & non conuenire potest. Itēque id quod albū
est, quoniam nihil prohibet eundem aliàs album esse, aliàs
non album. Harum autem accidentis definitionum uerior
est & aptior secunda. Siquidem priore propofita, si quis eā
sit intellecturus, is ante quid definitio sit, quid genus, quid
proprium sciat necesse est: at posterior satis ipsa per se ple-
na & perfectā est, ut quid sit accidens per se intelligatur.

Accidenti

Accidenti attributa sunt rerum omnium inter se comparationes, quæ ab accidente ducuntur, ut utrum expetendū magis, quod honestum est, an quod utile? & utra uita suauior, eāne quæ uirtute, an quæ uoluptate dirigitur? & si quid aliud eodē modo dicitur. In ijs enim omnibus utri id de quo agitur magis cōueniat, quæriiur. Ex quo perspicuū est, accidens ad quoddam tempus, & cum aliquo collatum proprii nomē obtinere posse. ueluti sedere, quod est accidēs, si quis solus sedeat, tum ad tempus propriū erit: & si solus quis sedeat, etiam erit proprium ad eos qui non sedent. Ita nihil prohibet accidens ad quoddam tempus, & cū aliquo collocatum uim proprii ac nomen obtinere, cum interim nō sit futurum omnino proprium.

ILLVD. autē ignorare non debemus, ea omnia quæ ad proprium, quæ ad genus, quæ ad accidens referuntur, attribui etiam definitionibus posse. Nam si demonstraerimus non soli ei cōuenire quod definitur, ut in proprio. aut non esse in definitione genus id quod datum est, aut non inesse aliquid eorum quæ in definitione continētur: quod etiā in accidente dici potest: certe definitionem euertimus. Ita iuxta illam, quam paulo ante posuimus, rationem quodāmodo sub definitionem cadent omnia. Nec uero ob eā causam in his omnibus uia & ratio una generalis quærenda est. Non enim hoc inuentu facile est: & si inuentum sit, tamen obscurum erit omnino, nec magnum adiumentum ad id quod quærimus adferet: at si propria eorum sigillatim uia tradatur, faciliior ex ijs quæ singulorum propria sunt, de re proposita erit explicatio. Itaque summa illa (idque rudi, ut paulo ante dixi, Minerva) facienda paritio est.

ARISTOTEL. TOPIC.

Tum sua cuique assignanda sunt attributa, quæ cum generis, tum definitionis attributa dicuntur. Fere autem quæ exposita sunt, ea sunt quæ singulorum generum attributa sunt.

PRIMUM autem omnium de eodem differendum est quot modis dicatur: tripartito autem, ut rudius hanc rem subiiciam, distributum est. Aut enim numero, aut specie, aut genere idem solui sumus dicere. At numero quidem eadem sunt, quorum & nomina plura & res una est, ut uestimentum & uestis. Speciei autem eiusdem sunt ea quæ multa sunt, neque specie differunt. ut duo homines, ut duo equi. Ea enim eiusdem speciei dicuntur, quæ eidem speciei subiecta sunt. Itemque eiusdem generis sunt ea, quæ eidem generi subiiciuntur, ut homo, & equus. Aqua autem quæ ab eodem fonte manat, eadem dici alio modo atque superiora, uidebitur, sed tamen in eodem genere numeranda est, in quo ea quæ unius speciei quoquomodo habentur, præsertim cum cognatione quadam & similitudine hæc inter se coniuncta sint omnia. Siquidem aquæ omnes, quod similitudinem quandam inter se habeant, eiusdem speciei sunt: & aquæ ab eodem fonte fluentes, quæ eadem dicuntur, non alia ratione differunt ab aliis, nisi quod excellentior sit, & maior harum similitudo. Itaque non ab ijs hoc genus seiungimus, quæ eadem quoquomodo specie continentur. Constat autem inter omnes, id quod est unum numero, idem appellari uerissime. Idque solet in multas partes tribui: quarum prima est, & maxime propria ea, quæ aliqua eodem nomine uel definitione dicuntur, ut uestimentum & tunica, ut animal gradiens bipes & homo. Secundo

do loco cū per proprietatem idem aliquid exprimitur, cuius generis est hoc totum, quod uim habet ad cognitionem percipiendā & homo: & quod sublime naturā fertur & ignis, eadem sunt proprietate. Tertio loco cū id ab accidentibus nascitur, ut quod sedet, quodque musica præditū est, idem est quod Socrates. Vnum enim numero hac declarare omnia, ex ijs qui nominum mutationem faciunt, intelligi potest. Sape enim si quem euocari iubemus nominatim, neque is intelligit cui iubemus, alio tum nomine utimur, quasi facilius ex re aduentitia sit intellecturus, ideoque uel sedentem, uel disputantem ad nos accersiri iubemus. Ex quo perspicuum est, idem existimare nos accidente declarari, quod nomine. Idem igitur tribus modis, ut expositum est, dicitur.

OMNEM autem disputationem de iis quæ supra dicta sunt, haberi ex hisque constare, primū inductione perspicui licet. Si quis enim unamquamque propositionem & quæstionem perspiciat & consideret, is certe uel ex definitione, uel ex proprio, uel ex genere, uel ex accidente eā constare animaduertet. deinde id ratiocinatione hac concludi potest. Quicquid enim de aliquo dicitur, id necesse est reciprocari, uel non reciprocari. Si reciprocatur, definitio erit uel proprium. Nam si naturam rei explicet, definitio: si non explicet, proprium erit: præsertim cū proprium id esse definierimus quod uicissim diceretur, neque rei uim naturamque explicaret. Sin minus ipsum & res reciprocentur, aut in iis est, quæ in definitionem inclusa de subiecto dicuntur, aut non. Si in iis quæ in definitione comprehensa de subiecto dicuntur, aut genus, aut differentia sit necesse est. quan-

doquidem è genere, ac differentiis omnis definitio est. Si non est in iis quæ in definitione continentur, profecto accidens sit necesse est: siquidem accidens id esse definiuimus, quod nec definitio est, nec genus, nec proprium, rei autem accidit. Deinceps categoria exponenda sunt, ad quas ea quatuor rerum quas diximus, distinctiones differentiaque referuntur. Sunt autem numero decem, substantia, quantitas, qualitas, ea quæ cum aliquo conferuntur, ubi, quando, situm esse, habere, facere, pati. Semper enim ad unam harum decem, accidens, genus, proprium, & definitio pertinent: ut necesse sit omnes quæ ex his constabunt propositiones & quæstiones, aut substantiam, aut qualitatem, aut quantitatem, aut aliquam aliam categoriam indicare. Id autem quod significat quid alterum sit, interdum substantiam significare, interdum qualitatem, interdum aliam categoriam, ex hoc perspicitur, quod cum proposito homine aliquis dicit, id quod propositum sit, esse hominem aut animal, is & quid est dicit, & substantiam explicat: cumque proposito & constituto colore albo, dicit id de quo agitur, colorem album esse, naturam & substantiam declarat, explicatque qualitatem. Itemque si proposita magnitudine unius cubiti, id confirmet, de quo agitur, magnitudinem esse unius cubiti, substantiam dicit, & quantitatem indicat. Quod idem in cæteris contingit. Siue enim idem de se dicatur, siue genus de eodem, naturam substantiamque declarat. Sin de alio non naturam, sed uel qualitatem, uel quantitatem, uel aliquam aliam categoriam indicat. Quare hæc tot sunt de quibus, & ex quibus omnis instituitur disputatio. Sequitur

ut,

ut, quemadmodū propositiones eligamus, quibŭsque rebus hæc nobis facultas suppeditabitur, doceamus.

PRIMUM igitur exponendum est, quid sit Propositio dialectica, quid Quæstio dialectica. Neque enim propositio quæstioque omnis dialectica putanda est, præsertim cū nemo, qui quidem mētis suæ sit, accipiat ut aliquid probet, quod probetur neminē: neque pro quæstione ponat quod perspicuum sit omnibus, aut plurimis: quando quidem hæc nullam dubitationem habent: illa autem nemo unquā admiserit. Est autem Propositio, interrogatio probabilis, quæ non sit contra opinionem uel omnium, uel complurium, uel sapientum: ac sapientum, aut omnium, aut permultorum, aut eorum, quorum maximè perspecta est & spectata sapientia. Nam id facile admitti solet quod sapientibus probatur, dummodo maxima partis sententiis minime repugnet. Pertinent etiam ad propositiones huius generis ea omnia, & quæ ad probabilium similitudinem accedunt, & disparata eorum quæ probabilibus aduersantur, omnesque sententiæ quæ iis artibus, quæ inuenta sunt, congruunt & consentiunt. Nam si hoc probabile est, eandem in contrariis artem uersari: etiam illud, eidem sensui subiecta esse contraria, probabile uideatur. Et, si unam numero grammaticā esse, tibiærum etiam artem, unā esse probabile erit: sin plures grammaticæ, plures etiam artes esse tibiærum. Hæc enim similia & cognata sunt omnia. Itēque disparata eorum quæ probabilibus contraria sunt, probabilia uidebuntur. Si enim hoc probabile sit, Afficiendos esse beneficiis amicos: illud etiam probabile erit, De amicis non esse male merendum. Atqui contrarium est, male merendū esse de ami-

cis: disparatum uerò, non esse male merendum. Similiter, si de amicis bene merendum sit, de hostibus, non est bene merendum: quod est contradicens eius, quod probabili repugnabat. Contrarium enim est, Bene merendum esse de hostibus. Eadem est ratio ceterorum. Ex similitudine etiam probabile existet, contrarium de contrario. Si enim de amicis bene merendum est, de inimicis etiam male. quorum illud, Bene de amicis merendum est, contrarium est huius, De inimicis male merendum est. Vtrum autem id uere dicatur, necne: deinceps cum de contrariis differemus, docerimus. Hoc autem perspicuum est, sententias omnes quæ artibus consentiunt, propositionibus ijs quæ dialectica sint, attribui oportere. Illa enim quisque admittere solet, quæ probantur ijs qui in quaque arte uersati sunt: ueluti in re medica quæ medico: in re geometrica, quæ geometra. Quod de aliis iudicandum est eodem modo.

QVAESTIO autē dialectica, est quæstio aut ad expectandum & fugiendum, aut ad ueritatem cognitionemque pertinens, idque uel per se, uel quia adiumentum afferrat ad aliquid aliud, quod horum altero genere continetur: de qua aut neutram in partem, aut contra plerique ac sapientes sentiunt, aut sapientes contra ac plerique, aut utriusque ipsi secum discordant. Sunt enim quæstiones quædam ad persequendum quid & declinandum, cuius generis hæc est, Vtrum uoluptas bonū est nec ne? Alia sunt solum cognitionis & scientiæ. ut si queratur, Sit necne sit mundus sempiternus? Quædam ipsa per se ad neutrum horum ualent. habent tamen suam quandam ad illa utilitatem. Multa enim sunt, quæ per se ad cognoscendum nos non mouent,

nisi

nisi aliorum causa, ut per ea alia discamus. Sunt etiam quaestiones de quibus ratiocinationes contrariae sunt. Vtrum enim sic, an ne secus sit, quaestio est, propterea quòd in utranque partem rationes probabiles suppetant. Sunt & de quibus, quia magna & ardua sunt, statuere nil possumus, rati difficilem esse causaë explicationem: quo ex genere hæc est, Virum mūdus aternus est, nēcne? id enim incidere potest in disputationem. Ac Propositio quidem & Quaestio exposita sunt. Propositum autem, sententia est admirabilis, contráque opinionem omnium, alicuius eorum, quorum in Philosophia illustris est & peruagata fama: uelut non posse contradici, ut placet Antistheni. uel, Moueri omnia, Heracliti sententia. uel, Vnum esse omnia, quemadmodum ait Melissus. Nam curare quæ quisque cōtra opinionē & sententiam omnium afferat, amentia est. Aut de iis certe rebus, quæ cum sint contra opinionem, ratione tamen niti uidentur, quale illud est, Non omne quod est, aut natum esse aut sempiternum, ut sophistis placet. Eū enim qui musicus sit, esse grammaticum, neque factum est, neque sempiternum. Idemnim & si nemini uerum esse uideatur, quia tamen probabili illa ratione nititur, alicui probabile uideri poterit. Ac propositū quidē, etiam quaestio est, non omnis autem quaestio propositum: quandoquidem nonnullæ quaestiones sunt eiusmodi, de quibus neutram in partem sunt sententia. Propositum autem esse quaestionem hinc perspicitur, quòd si uera sunt, quæ paulo ante dixi, necesse est, aut multos de proposito à sapiētibus, aut quoquo modo à seipsis utrosque illos dissentire: quippe cum propositum sit, sententia contra alio-

rum opinionem. Porro autem omnes ferè dialecticæ quæstiones hodie proposita uocantur, nihil tamen referet quocunque nomine utamur. Neque enim hæc ita distinximus, quasi sua nomina singulis rebus dare uelimus, sed ut ne ignoraremus quæ sit eorum distinctio. Nec uerò omne propositum omnemue quæstionem nobis ad disputandum proponere debemus, sed de qua quærat aliquis eorum, qui rationem desiderent, non pœna digni sint, aut sensu careant. Nam & qui quærunt, Sint, necne sint dii colendi, & amâ di parentes, supplicio coercendi sunt: & qui, sitne alba nix necne, sensu carent. Nec de iis etiam quæstionibus, & propositis disputare debemus, quorum in promptu est, & facilis explicatio, aut nimium remota & difficilis: quoniam illa nullam dubitationem afferant, hæc maiorem, quàm ut eam ferre possit exercendi consuetudo.

HIS autẽ expositis, deinceps quot sint genera argumentationum dialecticarum, dicendum est. Est autẽ una, quæ Inductio, altera, quæ Ratiocinatio nominatur. Ac ratiocinatio quid sit, iam diximus. inductio autẽ est ex rebus singulis ad uniuersas progressio: ut si gubernator is demũ sit optimus, qui peritus & doctus, itemq; auriga: in quaque etiam re qui sit peritus & exercitatus, omnino sit optimus & præstantissimus. Inductio quidem uerisimilior apertiorque est, sensuũque iudicio familiarior, & notior, ac sapientius in populi ore uersatur. Ratiocinatio autem magis urget, ad eosque, qui contra dicunt, refellendos potentior est. Ac genera quidem in quibus uersantur, & ex quibus constant argumentationes, ea sunt quæ diximus.

RATIONES autem quibus magnam ratiocinationum

num

num argumētorūque copiam comparabimus, sunt quatuor. quarum una est in propositionibus eligēdis, altera in distinguendo quot modis quicque dicatur, tertia in differentis inueniendis, quarta in similitudinis cognitione & scientia. Sunt autem quodammodo tria illa propositiones. Licet enim ex unoquoque eorum propositionem ducere: ut expetendum esse, uel quod honestum est, uel quod iucundum est, uel quod utile. Et hoc inter sensum, & scientiā interesse, quòd si scientia amissa sit, rursus comparari potest: sensus semel erutus & amissus non potest recipi. Et quam rationem habet id quod efficit bonam ualitudinem, ad bonam ualitudinem, eandem habere id quod firmam constitutionem facit, ad firmam constitutionē. Atqui prima propositio est ex iis quæ multis modis dicuntur, secunda è differentia, tertia ex similitudine. Propositiones igitur eligendæ sunt, quot modis in propositione explicanda diximus, ut uel omnium sententias seligamus, uel plurimorum, uel sapientum: atque eorum, uel omnium, uel plurimorū, uel eorum, in quibus ualet opinio sapientiæ, uel etiam quæ contrariæ sint probabilibus, uel quæ sunt artium singularū propriæ sententiæ: sed contrariæ probabilibus ita sunt accipiendæ, quemadmodum supra diximus, ut nō ipsæ, sed contradicentes earum sumantur. Hoc etiam utile, in iis eligendis non solum probabiles sumere, sed eas etiam quæ ad earum similitudinem accedunt simul proferre, ut eundem sensum in contrariis uersari, quoniam etiam ars & scientia uersatur. Itēque nos cernere aliqua re in aspectum intromissa & recepta, non inde eiectione & emissione, quoniam eodem modo audimus, gustamus, & olfacimus. Quod idem fit in

adhibere: sed si nihil prætermittat eorū quæ adhibere possit, tum denique & peritum eum & artificē iudicamus.

PRIMUM igitur ex quibus hæc constet ratio, uideamus. Quòd si exposuerimus, quot quibūsq; de rebus omnis instituaturs disputatio, ac ex quibus cōficiatur, & quæadmodum ea omnis nobis suppetent, facile quod uolumus consequemur. Sunt autem numero paria, & ea ex quibus argumentationes constāt, & ea in quibus ratiocinationes uersantur. quippe cum probationes ex propositionibus cōficiantur, & ratiocinationes de quæstionibus sint. Omnis autē propositio omnisque quæstio aut genus declarat, aut proprium, aut accidens. Nam differentia, quia generale quippiam est in eodem, in quo genus, numero reponenda est. Quoniāque proprium aliud est, quod rei naturā explanat, aliud quod non explanat, diuisum sit proprium & distributū in partes has duas, appelleturque unū, id quod rei uim & naturam declarat, Definitio. Alterum communi nomine quod habuit, uocetur Proprium. Ex quo perspicuum est, quatuor omnia fieri ut diuisimus, uel proprium, uel definitionem, uel genus, uel accidens. Neque uero dictū uelut hæc omnia per se aut propositionē efficere, aut quæstionē: sed hoc dico, ex his omnibus & quæstiones constare, & propositiones. Differt autem ratione quadam propositio à quæstione. Nam si queratur hoc modo: An sit animal gradens bipes, definitio hominis: aut, sitne animal hominis genus? propositio est. Sin hoc modo, sitne animal gradens bipes definitio hominis, nec ne? quæstio est. quod idem in cæteris contingit. Pari igitur numero inter se respondent & propositiones & quæstiones: præsertim cum ex omni
propo-

propositione si rationem dicendi mutes, quaestionem facere possis.

NUNC dicendum est, quid sit definitio, quid genus, quid proprium, quid accidens. Definitio est oratio, qua id quod definitur explicat quid sit. Adhibetur autem aut oratio pro nomine, aut pro oratione oratio. possunt enim quaedam quae oratione exprimuntur, definitione aperiri. Qui autem quoquomodo nomen pro nomine reddunt, ij profecto rei definitionem non explicant: quandoquidem omnis definitio oratio est. attamen hoc referendum est ad definitionem, ut honestum est, quod decet. Itemque hoc, utrum idem sit sensus & scientia, an aliud, definitioni attributum est. in definitionibus enim idemne sit an alterum, multus usus est. Ad definitionemque pertinet ea omnia, quae eadem uia & ratione tractantur, quae definitio. Atque haec omnia talia esse ex hoc intelligi potest, quod si possumus quid idem sit, quid aliud differere, magna nobis de definitionibus disputandi suppetet copia. Nam si non idem esse ostendimus, definitionem infirmabimus, quanquam non id retro comeat. Non enim satis est ad construendam definitionem, idem esse docere: ad euertendam autem satis est, non esse idem ostendere. Proprium autem est, quod quid sit res non explicat, in soloque inest, & uicissim de re dicitur, uelut hominis proprium est natum esse ad percipiendam grammaticam. Si enim homo sit, uim habet ad percipiendam grammaticam, & si quid sit quod uim ad percipiendam grammaticam habeat, homo. Neque enim quisquam id proprium esse dicat, quod in aliam rem transferri potest: ut dormire hominis proprium non est, etiamsi ad quoddam tempus in solum hominem cadat.

ARISTOTEL. TOPIC.

Sed si quid tale propriū dicatur, non omnino, sed ad quod-
dam tempus, aut ad aliquid collatum proprium appellabi-
tur. Nam à dextra esse, proprium est interdum: & bipedē
esse, proprium est, quod cum aliquo confertur, ut hominis
proprium est ad equum & canem. Atque nihil eorum quæ
in alio etiam inesse possunt, uicissim dici hinc perspicui licet,
quod non est necesse si quid aliud dormiat, id esse hominem.
Genus autem id est, quod de pluribus, specie autem dif-
ferentibus, dicitur in quæstione qua quid sit res quæri-
tur. In quæstione autem qua quid quicque sit quæritur,
ea dicuntur omnia qua accommodatæ & aptè responden-
tur, cum rogatur quid sit id de quo agitur. Vt si quis roge-
tur quid sit homo, apte respondebit animal. Generi etiā il-
lud attributum est, sitne aliquid in eodem genere in quo a-
liud, an in alio. hoc enim eadem ratione tractatur qua ge-
nus. Nam si animal genus hominis esse demonstrauerimus,
itēque bouis: certè ostenderimus quod in eodem sunt ge-
nere. & si alterius esse genus docuerimus, alterius nō esse,
ea non ad idem genus docuerimus pertinere. Accidens est
est quod nihil horū est, nec genus nec definitio, nec propriū,
rei autem conuenit: & quod cadere potest in rem unam a-
liquam, & in eandem non cadere, uelut sedere & conue-
nire eidem & non conuenire potest. Itēque id quod albū
est, quoniam nihil prohibet eundem aliàs album esse, aliàs
non album. Harum autem accidentis definitionum uerior
est & aptior secunda. Siquidem priore proposita, si quis eā
sit intellecturus, is ante quid definitio sit, quid genus, quid
proprium sciat necesse est: at posterior satis ipsa per se ple-
na & perfecta est, ut quid sit accidens per se intelligatur.

Accidenti

Accidenti attributa sunt rerum omnium inter se comparationes, quæ ab accidente ducuntur, ut utrum expetendū magis, quod honestum est, an quod utile? & utra uita suauior, eāne quæ uirtute, an quæ uoluptate dirigitur? & si quid aliud eodē modo dicitur. In ijs enim omnibus utri id de quo agitur magis cōueniat, queritur. Ex quo perspicuū est, accidens ad quoddam tempus, & cum aliquo collatum proprii nomē obtinere posse. ueluti sedere, quod est accidēs, si quis solus sedeat, tum ad tempus propriū erit: & si solus quis sedeat, etiam erit proprium ad eos qui non sedent. Ita nihil prohibet accidens ad quoddam tempus, & cū aliquo collocatum uim proprii ac nomen obtinere, cum interim nō sit futurum omnino proprium.

ILLVD. autē ignorare non debemus, ea omnia quæ ad proprium, quæ ad genus, quæ ad accidens referuntur, attribui etiam definitionibus posse. Nam si demonstraerimus non soli ei cōuenire quod definitur, ut in proprio. aut non esse in definitione genus id quod datum est, aut non inesse aliquid eorum quæ in definitione continētur: quod etiā in accidente dici potest: certe definitionem euertimus. Ita iuxta illam, quam paulo ante posuimus, rationem quodāmodo sub definitionem cadent omnia. Nec uero ob eā causam in his omnibus uia & ratio una generalis querenda est. Non enim hoc inuentu facile est: & si inuentum sit, tamen obscurum erit omnino, nec magnum adiumentum ad id quod querimus adferet: at si propria eorum sigillatim uia tradatur, facilius ex ijs quæ singulorum propria sunt, de re proposita erit explicatio. Itaque summa illa (idque rudi, ut paulo ante dixi, Minerua) facienda partitio est.

ARISTOTEL. TOPIC.

Tum sua cuique assignanda sunt attributa, quæ tum generis, tum definitionis attributa dicuntur. Fere autem quæ exposita sunt, ea sunt quæ singulorum generum attributa sunt.

PRIMUM autem omnium de eodem differendum est quot modis dicatur: tripertito autem, ut rudius hanc rem subiiciam, distributum est. Aut enim numero, aut specie, aut genere idem solui sumus dicere. At numero quidem eadem sunt, quorum & nomina plura & res una est, ut uestimentum & uestis. Speciei autem eiusdem sunt ea quæ multa sunt, neque specie differunt. ut duo homines, ut duo equi. Ea enim eiusdem speciei dicuntur, quæ eidem speciei subiecta sunt. Itemque eiusdem generis sunt ea, quæ eidem generi subiiciuntur, ut homo, & equus. Aqua autem quæ ab eodem fonte manat, eadem dici alio modo atque superiora, uidebitur, sed tamen in eodem genere numeranda est, in quo ea quæ unius speciei quoquomodo habentur, præfertim cum cognatione quadam & similitudine hæc inter se coniuncta sint omnia. Siquidem aquæ omnes, quod similitudinem quandam inter se habeant, eiusdem speciei sunt: & aquæ ab eodem fonte fluentes, quæ eadem dicuntur, non alia ratione differunt ab aliis, nisi quod excellentior sit, & maior harum similitudo. Itaque non ab his hoc genus seiungimus, quæ eadem quoquomodo specie continentur. Constat autem inter omnes, id quod est unum numero, idem appellari uerissime. Idque solet in multas partes tribui: quarum prima est, & maxime propria ea, quæ aliqua eodem nomine uel definitione dicuntur, ut uestimentum & tunica, ut animal gradiens bipes & homo. Secundo

do loco cū per proprietatem idem aliquid exprimitur, cuius generis est hoc totum, quod uim habet ad cognitionem percipiendā & homo: & quod sublime naturā fertur & ignis, eadem sunt proprietate. Tercio loco cū id ab accidentibus nascitur, ut quod sedet, quodque musica præditū est, idem est quod Socrates. Vnum enim numero hac declarare omnia, ex ijs qui nominum mutationem faciunt, intelligi potest. Sape enim si quem euocari iubemus nominatim, neque is intelligit cui iubemus, alio tum nomine utimur, quasi facilius ex re aduentitia sit intellecturus, ideoque uel sedentem, uel disputantem ad nos accersiri iubemus. Ex quo perspicuum est, idem existimare nos accidente declarari, quod nomine. Idem igitur tribus modis, ut expositum est, dicitur.

OMNEM autem disputationem de iis quæ supra dicta sunt, haberi ex hisque constare, primū inductione perspicui licet. Si quis enim unamquamque propositionem & quæstionem perspiciat & consideret, is certe uel ex definitione, uel ex proprio, uel ex genere, uel ex accidente eā constare animaduertet. deinde id ratiocinatione hac concludi potest. Quicquid enim de aliquo dicitur, id necesse est reciprocari, uel non reciprocari. Si reciprocatur, definitio erit uel proprium. Nam si naturam rei explicet, definitio: si non explicet, proprium erit: præsertim cū proprium id esse definierimus quod uicissim diceretur, neque rei uim naturamque explicaret. Sin minus ipsum & res reciprocentur, aut in iis est, quæ in definitionem inclusa de subiecto dicuntur, aut non. Si in iis quæ in definitione comprehensa de subiecto dicuntur, aut genus, aut differentia sit necesse est. quan-

doquidem è genere, ac differentiis omnis definitio est. Si non est in iis quæ in definitione continentur, profecto accidens sit necesse est: siquidem accidens id esse definiuimus, quod nec definitio est, nec genus, nec proprium, rei autem accidit. Deinceps categoriæ exponendæ sunt, ad quas eæ quatuor rerum quas diximus, distinctiones differentiaque referuntur. Sunt autem numero decem, substantia, quantitas, qualitas, eæ quæ cum aliquo conferuntur, ubi, quando, situm esse, habere, facere, pati. Semper enim ad unam harum decem, accidens, genus, proprium, & definitio pertinent: ut necesse sit omnes quæ ex his constabunt propositiones & quæstiones, aut substantiam, aut qualitatem, aut quantitatem, aut aliquam aliam categoriam indicare. Id autem quod significat quid alterum sit, interdum substantiam significare, interdum qualitatem, interdum aliam categoriam, ex hoc perspicui potest, quod cum proposito homine aliquis dicit, id quod propositum sit, esse hominem aut animal, is & quid est dicit, & substantiam explicat: cumque proposito & constituto colore albo, dicit id de quo agitur, colorem album esse, naturam & substantiam declarat, explicatque qualitatem. Itemque si proposita magnitudine unius cubiti, id confirmet, de quo agetur, magnitudinem esse unius cubiti, substantiam dicit, & quantitatem indicat. Quod idem in cæteris contingit. Siue enim idem de se dicatur, siue genus de eodem, naturam substantiamque declarat. Sin de alio non naturam iam, sed uel qualitatem, uel quantitatem, uel aliquam aliam categoriam indicat. Quare hæc tot sunt de quibus, & ex quibus omnis instituitur disputatio. Sequitur

ut,

ut,quemadmodũ propositiones eligamus,quibũsque rebus hac nobis facultas suppetabitur,doceamus.

PRIMVMigitur exponendum est,quid sit Propositio dialectica,quid Quæstio dialectica. Neque enim propositio quæstioque omnis dialectica putanda est, præsertim cū nemo,qui quidem mētis suæ sit,accipiat ut aliquid probet, quod probetur nemini: neque pro quæstione ponat quod perspicuum sit omnibus,aut plurimis:quando quidem hac nullam dubitationem habent: illa autem nemo unquā admiserit. Est autem Propositio,interrogatio probabilis, quæ non sit contra opinionem uel omnium,uel complurium,uel sapientum:ac sapientum,aut omnium, aut permultorum, aut eorum,quorum maximè perspecta est & spectata sapientia. Nam id facile admitti solet quod sapientibus probatur, dummodo maxima partis sententiis minime repugnet. Pertinent etiam ad propositiones huius generis ea omnia,& quæ ad probabilium similitudinem accedunt,& disparata eorum quæ probabilibus aduersantur, omnēsque sententiæ quæ iis artibus,quæ inuenta sunt,congruunt & consentiunt. Nam si hoc probabile est,eandem in contrariis artem uersari:etiam illud,eidem sensui subiecta esse cōtraria,probabile uideatur. Et, si unam numero grammaticā esse,tibiarum etiam artem, unā esse probabile erit: sin plures grammaticæ,plures etiam artes esse tibiarum. Hæc enim similia & cognata sunt omnia. Itēque disparata eorum quæ probabilibus contraria sunt,probabilia uidebuntur. Si enim hoc probabile sit,Afficiendos esse beneficiis amicos:illud etiam probabile erit,De amicis non esse male merendum. Atqui contrarium est,male merendū esse de ami-

cis: disparatum uerò, non esse male merendum. Similiter, si de amicis bene merendum sit, de hostibus, non est bene merendum: quod est contradicens eius, quod probabili repugnabat. Contrarium enim est, Bene merendum esse de hostibus. Eadem est ratio caterorum. Ex similitudine etiam probabile existet, contrarium de contrario. Si enim de amicis bene merendum est, de inimicis etiam male. quorum illud, Bene de amicis merendum est, contrarium est huius, De inimicis male merendum est. Vtrum autem id uere dicatur, necne: deinceps cum de contrariis differemus, docerimus. Hoc autem perspicuum est, sententias omnes quæ artribus consentiunt, propositionibus ijs quæ dialecticæ sint, attribui oportere. Illa enim quisque admittere solet, quæ probantur ijs qui in quaque arte uersati sunt: ueluti in re medica quæ medico: in re geometrica, quæ geometræ. Quod de aliis iudicandum est eodem modo.

QVAESTIO autē dialectica, est quæstio aut ad expectandum & fugiendum, aut ad ueritatem cognitionemque pertinens, idque uel per se, uel quia adiumentum afferrat ad aliquid aliud, quod horum altero genere continetur: de qua aut neutram in partem, aut contra plerique ac sapientes sentiunt, aut sapientes contra ac plerique, aut utriusque ipsi secum discordant. Sunt enim quæstiones quædam ad persequendum quid & declinandum, cuius generis hæc est, Vtrum uoluptas bonū est nec ne? Aliæ sunt solum cognitionis & scientiæ. ut si queratur, Sit necne sit mundus sempiternus? Quædam ipsæ per se ad neutrum horum ualent. habent tamen suam quandam ad illa utilitatem. Multa enim sunt, quæ per se ad cognoscendum nos non mouent,

nisi

nisi aliorum causa, ut per ea alia discamus. Sunt etiam quaestiones de quibus ratiocinationes contrariae sunt. Vtrum enim sic, an ne secus sit, quaestio est, propterea quòd in utranque partem rationes probabiles suppetant. Sunt et de quibus, quia magna et ardua sunt, statuere nil possumus, rati difficilem esse causa explicationem: quo ex genere haec est, Vtrum mūdus aeternus est, necne? id enim incidere potest in disputationem. Ac Propositio quidem et Quaestio exposita sunt. Propositum autem, sententia est admirabilis, contrariaque opinionem omnium, alicuius eorum, quorum in Philosophia illustris est et peruagata fama: uelut non posse contradici, ut placet Antistheni. uel, Moueri omnia, Heracliti sententia. uel, Vnum esse omnia, quemadmodum ait Melissus. Nam curare quae quisque contra opinionem et sententiam omnium afferat, amentia est. Aut de iis certe rebus, quae cum sint contra opinionem, ratione tamen niti uidentur, quale illud est, Non omne quod est, aut natum esse aut sempiternum, ut sophistis placet. Eū enim qui musicus sit, esse grammaticum, neque factum est, neque sempiternum. Idem enim et si nemini uerum esse uideatur, quia tamen probabili illa ratione nititur, alicui probabile uideri poterit. Ac propositū quidē, etiam quaestio est, non omnis autem quaestio propositum: quandoquidem nonnullae quaestiones sunt eiusmodi, de quibus neutram in partem sunt sententiae. Propositum autem esse quaestionem hinc perspicitur potest, quòd si uera sunt, quae paulo ante dixi, necesse est, aut multos de proposito à sapientibus, aut quoquo modo à seipsis utrosque illos dissentire: quippe cum propositum sit, sententia contra alio-

rum opinionem. Porro autem omnes ferè dialectica quæstiones hodie proposita uocantur, nihil tamen referet quocunque nomine utamur. Neque enim hæc ita distinximus, quasi sua nomina singulis rebus dare uelimus, sed ut ne ignoraremus quæ sit eorum distinctio. Nec uerò omne propositum omnemue quæstionem nobis ad disputandum proponere debemus, sed de qua quærat aliquis eorum, qui rationem desiderent, non pœna digni sint, aut sensu careant. Nam & qui quærant, Sint, necne sint dii colendi, & amâ di parentes, supplicio coercendi sunt: & qui, sitne alba nix necne, sensu carent. Nec de iis etiam quæstionibus, & propositis disputare debemus, quorum in promptu est, & facilis explicatio, aut nimium remota & difficilis: quoniam illa nullam dubitationem afferant, hæc maiorem, quàm ut eam ferre possit exercendi consuetudo.

HIS autē expositis, deinceps quot sint genera argumentationum dialecticarum, dicendum est. Est autē una, quæ Inductio, altera, quæ Ratiocinatio nominatur. Ac ratiocinatio quid sit, iam diximus. inductio autē est ex rebus singulis ad uniuersas progressio: ut si gubernator is demū sit optimus, qui peritus & doctus, itemq; auriga: in quaque etiam re qui sit peritus & exercitatus, omnino sit optimus & præstantissimus. Inductio quidem uerisimilior a pertiōrque est, sensuūque iudicio familiarior, & notior, ac sæpius in populi ore uersatur. Ratiocinatio autem magis urget, ad eōsque, qui contra dicunt, refellendos potentior est. Ac genera quidem in quibus uersantur, & ex quibus constant argumentationes, ea sunt quæ diximus.

RATIONES autem quibus magnam ratiocinationum

num argumētōrumque copiam comparabimus, sunt quatuor. quarum una est in propositionibus eligēdis, altera in distinguendo quot modis quicque dicatur, tertia in differentis inueniendis, quarta in similitudinis cognitione & scientia. Sunt autem quodammodo tria illa propositiones. Licet enim ex unoquoque eorum propositionem ducere: ut expetendum esse, uel quod honestum est, uel quod incundum est, uel quod utile. Et hoc inter sensum, & scientiā interesse, quod si scientia amissa sit, rursum comparari potest: sensus semel erutus & amissus non potest recipi. Et quam rationem habet id quod efficit bonam ualitudinem, ad bonam ualitudinem, eandem habere id quod firmam constitutionem facit, ad firmam constitutionē. Atqui prima propositio est ex iis quæ multis modis dicuntur, secunda ē differentia, tertia ex similitudine. Propositiones igitur eligenda sunt, quot modis in propositione explicanda diximus, ut uel omnium sententias seligamus, uel plurimorum, uel sapientum: atque eorum, uel omnium, uel plurimorū, uel eorum, in quibus ualet opinio sapientiæ, uel etiam quæ contraria sint probabilibus, uel quæ sunt artium singularū propria sententiæ: sed contraria probabilibus ita sunt accipiēda, quemadmodum supra diximus, ut nō ipsæ, sed contradicentes earum sumantur. Hoc etiam utile, in iis eligendis non solum probabiles sumere, sed eas etiam quæ ad earum similitudinem accedunt simul proferre, ut eundem sensum in contrariis uersari, quoniam etiam ars & scientia uersatur. Itēque nos cernere aliqua re in aspectum intromissa & recepta, non inde eiecta & emissa, quoniam eodem modo audimus, gustamus, & olfacimus. Quod idem fit in

ceteris. Iam ea pro initio & proposito assumenda sunt, quae in omnibus, uel certe in plurimis rebus ita esse uidetur. Talia enim facile admittunt qui nil habent, in quo uera illa non esse ostendant. Seligenda etiam ex his disputationibus propositiones, quae ab aliis scriptae sunt, sed descriptiones ita faciendae sunt, ut de quoque genere separatim perscribamus: ueluti de bono, aut de animantibus: ac de omni genere bonorum, initio facto à quaestione naturae. Notandae etiā sunt omnium sententiae, ut placere Empedocli, quatuor esse corporum initia & elementa. Dictum enim clari hominis facile admittitur. Propositiones autem & quaestiones (ut earum rudi Minerua numerum complectar) tribus fere generibus continentur, partim enim ad uitā & mores, partim ad naturae obscuritatem, partim ad differendi rationē pertinent. Ad uitam & mores, quales haec sunt, Sine parentibus potius parendum, an legibus, si discrepent? Ad differendi rationem, Vtrum eadem ars in contrariis uersetur? Ad naturae obscuritatem, ut, Sine mundus sempiternus? Eadem est ratio quaestionū. Porro autem quae nam, & quaelia sint tria illa genera, definitione explicare difficile est: tamen diligentia nobis adhibenda est, ut inductione frequēti, ex similitudine exemplorum, quae de singulis generibus proposui, quod sit quodque intelligamus. Ac instituto quidem philosophorum ad ueritatem: dialecticorum, ad opinionem & uerisimilitudinem, haec omnis de iis dirigi debet disputatio. Sumenda sunt autem quā maxime uniuersa omnes propositiones, & una in multas distribuenda est, ut eadem arte contraria contineri. deinde aduersa, tum ea quae cum aliquo conferuntur. Eodemque modo haec in partes diuidenda.

de sunt quoad diuidi possunt. ut, bonorum & malorū eandem esse artem, alborum & nigrorum, frigoris & caloris: itēque in ceteris faciendum est. Ac de propositione quidem satis multa dicta sunt.

IN illo autem, quot modis quidque dicatur, non solum uidenda sunt, quæ alio atque alio modo dicuntur, sed danda etiam opera est, ut rationes afferantur. ueluti nō solum explicandum est, bonum alio modo dici iustitiam & fortitudinem, quā id quod ad firmam affectionem corporis, & id quod ad bonam ualitudinem efficiendam ualet. sed etiam illa, hoc ipso quod affectiones quedam sunt & qualitates: hæc, ob eam causam, quod uim habeant efficiendi aliquid, non quod ipsa sint qualitates. Quod in ceteris omnibus uidendum erit diligenter. An autem specie multis modis, uel uno modo aliqua dicantur, ex his perspicui potest. Primum ex contrario considerandum est, an multis modis dicantur, siue specie, siue etiam nomine discrepent. Sunt enim quedam, quæ statim nominibus aliis atque aliis differant: ut ei quod acutum est in uoce, contrarium est graue: in magnitudine, obtusum. Perspicuum est igitur id multis modis dici, quod acuto contrarium est. Quod si hoc, etiam quod acutum est: utriusque enim ratione alterum erit contrarium: quoniam non idem acutum obtuso & graui contrarium futurum est. atqui utrique acutum est contrariū. Rursum grauitati in uoce cōtrarius est acutus sonus, in magnitudine leuitas: ita grauitas multis modis dicitur, quandoquidē etiam eius cōtrarium. Itēque quoniā pulchro in animali, turpe contrarium est, in domo autem, si quod illa

peccatum habet: sit, ut pulchrum sit homonymum. In quibusdam cum nomina non sunt uaria, tamen aperta speciei distinctio est, ut in candido & fusco cōtingit. Vox enim & cādida & fusca dicitur: itēmq; color candidus & fuscus. Non igitur nomine discrepant, cum interim perspicua speciei aut generis declaretur differentia. Non enim eodē modo color fuscus, & uxor fusca appellatur. Atque etiam ex sensu id perspicui licet. Quæ enim eiusdem sunt generis, eidē sensui subiecta sunt: de eo autem quod in uoce, & in colore est candidum, non eodem sensu iudicamus: sed hoc aspectu: illud auribus. Itēque eius quod acutum est & obtusum in saporibus & magnitudinibus, non in eodem sensu iudicium est: sed huius, in tactu: illius in gustu. Neque enim hæc nominibus discrepant, neque ipsa per se, neque contraria. quippe cum obtusum in utroque sit & contrarium. Præterea uidendum est, unīne quid sit contrarium, alteri nihil sit omnino, ut uoluptati quæ ex potione capitur, contrarius dolor est is, quem sitis affert: at huic quæ ex cognoscēdo & discendo capitur, diametron lateri incomparabilem esse, nihil contrarium est. Ita uoluptas multis modis dicitur. Itēque φιλα, ut animi est, contrarium habet odisse: φιλα autem ut ad actionem corporis refertur, nihil habet contrarium: ob eam causam φιλα multis modis dicitur. Hoc etiam considerādū est in iis, inter quæ media interiecta sunt, utrū aliquorum sit medium, aliorū nihil sit: aut sitne utriusque, nec tamen idem mediū, ut inter candidū & fuscū colorem pallidus est interiectus: inter uocem candidā & fuscā, nihil. Nisi forte ravis interiecta est: placet enim quibusdā, rancam uocem esse interiectā. Sunt itaque candidū

Et fuscum multiplicia. Præterea hoc etiam uidendum est, si inne aliquorum plura media, aliorum unum. ut inter candidum et fuscum colore plura sunt interiecta. Coloribus enim multa sunt interiecta: uoci unum, rauceo.

IN disparatis etiam uidendum est, dicantur ne multis modis. Si enim unius multi sunt modi, etiā contrarij multi modi erunt. ut si nō cernere multis modis dicatur, uno, priuatum esse oculis, altero non fungi oculorum officio: cernere etiam multis modis dicatur necesse est. Vtrique enim significationi uerbi non cernere aliquid opponitur. ut non habere aspectum et habere: et non fungi officio oculorum, ac fungi. In ijs autem contrarijs quæ priuantia dicuntur idem hoc spectandum est. Nam si unius multis modis dicatur, etiam alterum. ut si sentire multis modis dicatur, quia modo ad animum, modo ad corpus pertineat, etiam multis modis dicetur carere sensu, cum modo ad animū, modo ad corpus transferatur. Ea autem priuantia esse hinc intelligi licet, quod animantia nata sunt ad sentiendum animo et corpore. Iam uero in coniugatis hæc spectanda sunt. Si iuste multis modis dicatur, eius etiam quod iustum est, multa erunt genera. Ex utroque enim eorum quæ iuste fiunt, genere, quod iustum est nominatur. Vt si iuste appelletur modo ex sua sententia iudicare, modo recte: eodem modo etiā quod iustum est appellabitur. Similitèrque si quod ad ualitudinem pertinet multis modis dicatur, etiam accommodate ad ualitudinem multis modis dicetur. Vt quoniā quod ad ualitudinē ualet, dicitur, et quod afficiēs est ualitudinis, et quod conseruans est, et quod indicans: sic accommodate ad ualitudinem, uel efficiendā, uel tuendā, uel indicandā.

Itémque in ceteris, si alicuius multa sint genera, casuum
 etiā multa erunt: & si casuum multa, etiā illius. Atque etiā
 uidendum est, sintne genera categoriarū quæ nomini con-
 gruunt, eadem in omnibus quibus ipsum attribuitur. Si e-
 nim non eadem sunt, cerre id de quo agitur ambiguum est.
 bonum in cibo id est, quod est efficiens uoluptatis: in medici-
 na, quod efficiēs est ualeitudinis: in animo quale sit aliquid
 significat, ut temperatum esse, uel fortem, uel iustum. Quod
 idem in homine contingit. Hoc etiam aliquoties in catego-
 ria, Quando, reperitur, ut quod in tempore sit bonum. Bo-
 num enim dicitur, quod opportune sit & in tempore. Hoc
 etiam ad categoriam Quātitatis interdū pertinet, ut quod
 sit modicē: Bona enim est mediocritas. Quapropter bonum
 multis modis dicitur. Itémque candor in corpore color ap-
 pellatur: in uoce quod facile & statim percipitur. Eodémq;
 modo id quod acutum est: neque enim similiter in omnibus
 idem dicitur, ut uox acuta est ea quæ cita, ut placet ijs qui
 modos & cōcentus in numeris cōsectantur. angulus au-
 tem acutus is est, qui minor est recto, & machæra, cuius est
 acutus angulus. Videndum est etiam, sintne genera quæ
 eidem nomini cōueniunt diuersa, atque ita diuersa, ut unū
 ab altero non contineatur, ut grus cum auem & machi-
 nam significat. Eorum enim uaria est nominis definitio &
 ratio. Nam illud species quadam auis est, hoc autem ma-
 china. Sin unum genus ab alio contineatur, non necesse est
 uarias esse rationes. ut corui & animal genus est, & auis.
 Cum igitur coruum auem esse dicimus, animal quoddam
 eum esse dicimus. Ita de eo utrunque genus dicitur. Itémq;
 cum coruum animal pennigerum bipes nūcupamus, auem
 cum

eum esse declaramus. Ita utrunque genus in coruo, eorū-
que ratio intelligetur. In iis autem generibus, quorum unū
non ab altero continetur, hoc non contingit. Neque enim
cum machinam dicimus, auem dicimus, neque machinam
cum auem. Nec uero in eo solum de quo agitur spectare de-
bemus, an sint uaria genera, quorum neutrum alterū con-
tinebit: sed ex contrario etiā id perspicui debet. Nam si con-
trarium multis modis dicatur, perfecto id etiam quod pro-
positum est, dicatur multis modis necesse est. Utile est etiam
definitionem uerbi coniuncti, diligenter ponderare & ex-
quirere. ut candidi corporis, & candida uocis. Sublato e-
nim eo quod proprium est, eadem relinqui debet definitio.
quod in homonymis non contingit: ueluti in iis ipsis quæ à
nobis modo prolata sunt. Superioris enim hæcerit definitio,
Corpus candidum, corpus est quod tali est colore affectum.
Posterioris hæc, Vox candida, est uox quæ facile intelligi-
tur. Sublato igitur corpore & uoce, non idem in utroque
relinquitur. Atqui deberet, siquidem synonymū erat can-
didum, quod in utroque idem esse dicebatur. Et quoniam
sæpe in definitionibus homonymum quod consequens est, i-
gnoratur, propterea spectanda etiam definitio est. Ut si
quis efficientia ualetudinis & indicantia, esse dicat ea, quæ
certo quodam modo ad ualetudinem affecta sunt, non erit
propterea desistendum: sed exquirendum quid in utrisque
certus ille modus quē dixit significet: uerbi gratia, dican-
tūrne efficientia, certo quodam modo ualetudinem respi-
cere, quia uis eorum tanta sit, ut afficere ualetudinem pos-
sint: indicantia autem quia talia sint, ut qualis sit uale-
tudo indicare possint. Praterea illud etiam consideran-

ARISTOTEL. TOPIC.

dum est, possintne conferri ex maiore, uel ex similitudine: ut uox candida & candida uestis: acutus sapor, & uox acuta. Hæc enim nec eodem modo alba & acuta dicuntur, nec alterum altero magis tale. Ex quo fit, ut id quod acutiū est, & quod candidum, sint homonyma. quippe cum synonyma omnia ualeant ad comparisonem. Nam aut similia dicuntur, aut aliud alio maius. Quoniam autem diuersorum generum, quorum neutrum ab altero continetur, diuersa specie differentia sunt (ut animalis & scientia sunt diuersa differentia) uidendum est, an ea quæ eidem nomini subiecta sunt, differentia sint diuersorum generum, quorum unum ab altero non contineatur: ut quod acutum est uocis & magnitudinis. Vox enim à uoce differt, quòd acuta fit: item magnitudo à magnitudine. Ita fit, ut acuti uocabulum sit in homonymis. Diuersorum enim generū, quorum unū ab altero non continetur, diuersa sunt differentia. Iam illud etiam spectare debemus, eorūne quæ eidem nomini subiecta sunt, diuersa sint differentia. ut coloris eius qui in corpore inest, & eius qui in figuris rhetoricis, uaria sunt differentia, illius quod ualet ad separandum aspectū, & quod ad comparandū: huius non eadem sunt. Quo fit ut color uariis modis dicatur. Earundem enim rerum eadē sunt differentia. Postremo quoniam species nullius differentia est (homo enim & bos non in numero differentiarū habentur, cum speciei nomen uimque obtineant) uidendū est diligenter, eorūne quæ eidem nomini subiecta sunt, unum in specie, alterum in differentia numeretur. ueluti candor qui accidit corpori, coloris est species: qui autem in uoce spectatur, differentia. Differt enim uox à uoce, quòd
 sit

fit candida. Ac in iis quæ multis modis dicuntur, hæc consideranda sunt omnia.

DIFFERENTIAS autem in iis primū quæ ad unum genus referuntur, perspicere & iudicare debemus, ueluti quid inter iustitiam & fortitudinem intersit, & inter prudentiam ac temperantiam. quoniam hæc ex eodem genere uirtutis nata sunt omnia. Præterea in ijs quæ diuersis generibus continentur, sed ita, ut inter illa differentias inuestigenus, inter quæ non uidetur magna distantia. ut quid sensus à scientia differat. In ijs enim quæ multum inter se discrepant, facile apparent eorum distinctiones & dissimilitudines. Similitudo uero in iis sic spectanda est, quæ in diuersis generibus collocantur: ut alterum ad alterū est, sic aliud ad aliud, hoc modo: Quam rationem habet scientia ad id quod scientiæ subiectum est, eandem sensus habet ad id quod sub sensum cadit. Itēque, ut alterum in altero est, sic aliud in alio, hoc modo: Quemadmodum aspectus in oculo est, sic mens in animo: & sicut in mari tranquillitas, ita serenitas est in aere. quoniā utrunque est quies uacuitasque uentorum. In ijs autem rebus quarum magnæ sunt dissimilitudines & distinctiones, usus & exercitatio capienda est maxime. Sic enim facilius quæ aliarum sint similitudines perspicere poterimus. Atque etiam illud spectandum est, in eāne quæ ad idem genus pertinent, aliquid idem conueniat: ut in hominem, equum & canem. Si enim unum & idem in eos cadat, hoc ipso erunt similes. Meditatum autem & in promptu habere, quot quicque modis dicatur, magnum ad perspicuitatem affert adiumentū. Facilius enim quid sit id de quo agitur, si explanatum sit, quot

ARISTOTEL. TOPIC.

modis dicatur intelligitur. In eo etiam magna uis est, ut de re ipsa, non de nomine tractetur argumentatio. Nam si incertum sit, quot modis id de quo agitur dicatur, fieri poterit, ut & is qui respondet, & is qui interrogat, non eodē animi sensum referat & intelligentiam. At si explicata sit ambiguitas, & is qui rem proponit ad disputandum suum animi sensum de re ipsa exprimat, profectō ridiculus sit is qui rogat, nisi eodē omnem conferat conuertatque orationem. Magnam etiam uim habet, & ut ne fallaci conclusionē ab alijs capiamur, & ut alios captioso conclusionis genere fallamus. Si enim quot modis dicatur id de quo agitur, sciamus, nō decipiemur: intelligemusque isne qui rogat, ad eandem intelligentiam omnem conferat orationem an non: & nos, si quando nobis obijciendum est, eum qui respondeat, si ignoret quot modis id de quo agitur dicatur, fallaci conclusionē poterimus decipere: Sed huius rei non semper est locus: sed cum eorum quæ ambigue dicuntur alia uera, alia falsa sunt. Nec uero hic locus aptus est & proprius dialecticæ. Itaque ijs omnibus qui ratione & uere differere uolunt, hoc omnino fugiendum est, ne eorum in nomine uersetur disputatio & controuersia, nisi forte aliquis non possit aliter de re proposita disputare.

DIFFERENTIARVM autē inuentio, & ad ratiocinationes cōficiendas de eodem & alio utilis est, & ad cognoscendum quid quicque sit. Conferre quidem ad ratiocinationes de eodem & alio, hinc perspicī potest. quod si rerum propositarum dissimilitudines distinctionēque inuenerimus, facile non esse idem docebimus: ad perspicien-
dum

dum autem quid quicque sit, quod eam orationem qua uim, & naturā cuiusque rei exprimat, ex proprijs cuiusque rei differentijs intelligere solemus. Similium uero cognitio hanc nobis commoditatem asferet, ut argumentationes & per inductionem, & per ratiocinationes quæ ex fictione dicuntur, tractemus: & definiendo uim naturamque rerum explicemus. Argumentationes quidem per inductionem tractabimus, quia rerum singularum quæ similes sunt inductione, res uniuersas cōcludi existimamus. Neque enim facile inducere possunt ij, qui ignorant rerum inter se similitudines. Ad eas autem ratiocinationes quæ ex fictione tractantur, quod probabile est, ut res habet in uno eorum quæ similia sunt, sic in reliquis habere. Ita de uno aliquo, cum differere poterimus, illud antè ex conuentione ab aduersario accipiemus, quemadmodum in eo res se habet, ita in eo quod propositum sic habere. Cum autem illud docuerimus, etiam id de quo queritur, quasi ex illa fictione, docuerimus. Nam cum id positum sit, quemadmodū in hoc sit, ita esse in eo de quo queritur, necessaria conclusionem confecta res à nobis fuit. Definiendi autem artem tenebimus, quòd si possimus quid in quaque re idē sit, perspicere, non ignorabimus ad quod genus rem quam definire uolumus, referre debeamus. Genus enim id est semper, quod ex ijs quæ communia sunt, maxime indicat quid quidque sit. Atque etiam in ijs quæ multum discrepāt, ad definitionem utilis similitudinis cognitio est. ut idem esse tranquillitatem in mari, & in aëre serenitatem, quoniam utrunque est quies, & quod punctū in linea, id unum in numero. quia utrunque principium est. Quapropter si pro genere

ARISTOTEL. TOPIC.

illud accipiamus, quod illi est hoc modo commune, non uidebimur alienis uerbis definiendo rem explicasse. Quin etiā ij qui definiunt, fere eundem modum in definiendo seruare solent. Nam & unum, principium numeri, & punctum, linea principium esse definiunt. Ex quo perspicuum est, eos commune utriusque genus dicere. Ac rationes quidem & quasi instrumenta, quibus ratiocinationes tractabuntur, diximus. Locos autem, ad quorum usum hæc ipsa accommodata sunt, deinceps trademus.

ARISTOTELIS TOPICORVM
LIBER SECVNDVS.

QUESTIONES autem partim uniuersa sunt, partim singula: uniuersæ sunt hæc, Omnis uoluptas in bonis est, Nulla uoluptas in bonis est. Singula hæc, Est quædam uoluptas in bonis, Quædam uoluptas nō est in bonis. Virunque autē genus questionū, uniuersis rationibus quæ & ad confirmandum & infirmandū ualent, continetur. Si enim docuerimus aliquid in totum genus cadere, etiam in partem aliquam cadere ostenderimus. Itemque, si in nullā rem cadere ostendemus, non in totum genus docebimus cōuenire. Primum igitur de locis qui ad refellendum totū genus pertinent, dicendum est, quod simul ad generales, & eas quæ tanquam partes subiectæ sunt generi, quæstiones, ualent, & quod quæstiones sæpius afferri soleant ad disputandum quæ aiunt, quàm quæ negant: ijs autem qui contra disputant, refutationis locis utendum. Sed difficillime ab
accidente,

accidente, quasi commutata dicēdi ratione, appellationem propriam desumimus. Aliqua enim ex parte, non omnino inesse in solis accidētibus reperitur. Nam & à proprio & à definitione, & à genere commutato sermone appellationem accipi necesse est. ut si cui insitum sit, ut sit animal gradiens bipes, uicissim id animal gradiens bipes esse uere dicetur. Similis est generis ratio. Si cui enim conuenit esse animal, id animal est. Quod idem contingit in proprio. Si cui enim id tributum sit, ut aptum animū habeat ad percipiendam grammaticam, id grammaticæ capax recte appellabitur. Nihil enim horum potest aliqua ex parte conuenire aut non conuenire, sed omnino uel conueniunt uel non conueniunt. At accidens, ut candorem & iustitiam, nihil prohibet quadam ex parte inesse. Quocirca non satis est candorem & iustitiam docere inesse, si docere uelimus aliquem album esse uel iustum. Habet enim dubitationem, propterea quòd quadam ex parte albus est, uel iustus. Non igitur in accidentibus uicissim hæc retro commeant necessario. In quaestiones autem duo peccata incidunt, quæ exponenda sunt. peccatur enim, aut mētiendo, aut descēdendo à uerbis quæ imposita sunt rebus. Nā & ab iis peccatur, qui quod non cadit in aliquem, cadere confirmant, & ab iis qui res minus usitatis & tritis nominibus appellant. ut qui hominem platanum appellant, nominū impositorum fines trāscunt. Primum uidendum est, an id quod alio modo dicitur, pro accidente explicarit. quod peccatum in genere uersatur maxime. ut si quis candori accidere dixerit, ut sit color. Non enim accidit candori ut sit color, cū eius sit genus color. Atque id quidem fieri potest, ut nominatim quod genus

est accidens esse ponat: ueluti si dicat accidere iustitia, ut sit uirtus. Sapissime autem etiam si non exprimat, tamen facile intelligitur genus pro accidente dictum esse. ut si quis candorem colore perfusum esse dixerit, aut incessum moueri. Nullo enim ex genere παρωύας, trahitur de specie dicendi ratio, omniāque genera παρωύας de formis dicuntur. Species enim & nomen generis sibi uendicant, & definitionem. Qui igitur cādorū colore tinctum dixit, nec pro genere usus est colore, quia παρωύας dixit: neque pro proprio aut definitione, quia proprium & definitio ad nullam rem aliam transferri possunt. At colore perfusa sunt etiam alia permulta. ut lignum, lapis, homo, equus: Ex quo perspicuum est, id expressum esse, tanquam accidens esset. Alius locus est, ut singula persequendo uideas, idne quod dictum est, in totum genus cadat, an in partem nullā. Quod in formis, non in infinitis uidendum est. Sic enim uia & ratio erit certior, in paucioribūque consistet tractatio. Initium autem à primis faciendum est, deinde usque ad indiuidua progrediendum deinceps, ut si in contrariis uersari scientiam dixerit, uidendum, an in iis quæ cum aliquo conferuntur, & in iis quæ aduersa appellantur, & in priuantibus & in negantibus, eadem spectetur scientia. Quod si ne tum quidē id perspicui poterit, rursum hæc in partes usque ad indiuidua tribuenda sunt, ut in iustisne & iniustis rebus, aut in duplo & simplo, aut in cecitate & aspectu, aut in eo quod est, & in eo quod non est. Si enim in eorum aliquo ostensum sit, non esse eandem, sublata & infirmata erit à nobis quaestio. Quod idē iudicandum est, si uniuerse negaret quaestio proposita. Hic autem locus & ad confirmandum

firmandum & ad infirmādum ualet. Si enim diuisione facta, uel in omnibus intelligatur, uel in plerisque poscēdum est, ut aut uniuersum detur, aut certe occurratur nobis, non ita in quodam reperiri. Nam si neutrum horum faciat, ineptus uidebitur qui non concedat. Alius locus ducitur ex definitione accidētis & rei cui id accidit, uel utriusque uel alterius. In quo id considerandum est, num quid in definitionibus non uerum pro uero sumptum sit. ueluti si quærat, Deusne iniuriam faciat, constituendū est, quid sit iniuriam facere. Nam si sit, sponte nocere, profecto deus nō facit iniuriam, quoniam deus nocere non potest. Si etiam ponatur inuidus sapiens, statuendum est, quis sit inuidus, & quid inuidia. Cū enim inuidia, agritudo sit ex rebus secundis alicuius boni uiri, certe sapiens non inuidet. esset enim improbus. Itēque si ponatur, An qui indignatur inuidus sit, definiendo aperiendum est, qui sit uterque. Sic enim uerūne sit an falsum quod dictum est, intelligitur: ueluti, si is inuidere dicitur, qui bonorū dolet rebus secundis: & indignari is, qui dolet improborū secundis rebus: perspicuum est non inuidere eū, qui indignetur. In quo sæpe etiā adhibēda sunt definitiones pro iis nominibus, quæ in definitionibus cōtinentur, nec ab hoc desistendum, quoad res intelligatur. sæpe enim tradita tota definitione, non intelligimus quod quæritur: at definitione adhibita pro aliquo nomine eorū quæ in definitione sita sunt, intelligimus. Præterea postquā ex quaestione tibi propositionē feceris, quærēdū est, sitne quicquā quod opponere cōtra possis. nā si quid inueneris quod cōtra propositionē opponas, id erit aduersus quaestionem, argumentum. Quanquam autem hic fere locus idem

ualet, quod is, quem iam exposuimus, uidendū esse, utrum
 in toto genere, an in nullo reperietur, quod pro accidēte di-
 ctum esset: tamen modo quodam & ratione differūt. Iam
 uerō exponendum est, quæ appellanda sint, ut plerique so-
 lent, quæque non sint appellanda: qui locus & ad confir-
 mandum & refutandum ualet plurimum, ut res nomini-
 bus iis quæ trita sunt uulgo & usitata, appellandas esse: at
 uerō in constituendo, quæ res tales, uel non tales sint, non
 audiendum esse multitudinem: ueluti salubria ea quæ ua-
 letudines efficientia sint, uocāda sunt illa quidem uulgi o-
 pinione: sed utrū id de quo agitur efficiens sit necne ualeti-
 dinis, de eo non iam uulgi, sed medicorum iudicium expe-
 ctare debemus. Præterea si multis modis quid dicatur, pro-
 positum autem sit, conuenire illud alicui, uel non conueni-
 re, ad alterum significatū multiplicis conferendum est ar-
 gumentum, si ad utrumque non possit. Hoc autem faciendū
 est in iis quorum latet ambiguitas. Nam si incertum nō sit
 quorū modis dicatur, occurreret statim, non esse id explicatū,
 quod quæreret ac dubitaret, sed alterum. Hic autem locus
 & ad probandum, & ad reprehendendum ualet. Nam si
 confirmare uolemus, alterum accidere docebimus, si utrū-
 que non poterimus. Refellentes autem, si utrumque non pos-
 simus, alterum certe non dici & reperiri in re de qua agi-
 tur ostendemus. Sed hoc interest, quod is qui reprehendit
 & refutat, nihil debet ex iis quæ concessa sunt, & ex con-
 uentione accepta disputare, nec si in toto genere, nec si in
 nulla parte positum sit quid reperiri. Nam si cuius nō ac-
 cidere docebimus, in toto genere reperiri aliquid reprehen-
 demus. Itēque si in uno aliquo reperiri demonstrabimus,

nulla

nulla ex parte reperiri, cōfutabimus. At is qui probat, ante
 debet ita quasi cōuentione uti, si in parte aliqua intelliga-
 tur, in toto etiam genere intelligi, si modo pronūciatum ue-
 risimile habeatur. Neque enim satis est, ad probandum ali-
 quid in totum genus cadere, in aliquam partem cadere, do-
 cere, ueluti si hominis animus immortalis sit, omnem etiam
 animum esse immortalem. Quapropter ante conuenire o-
 portet, si quæuis anima sit immortalis, omnem etiam im-
 mortalem esse. Quanquam hoc non semper obseruandum
 est, sed tum denique, cum de toto genere communem & u-
 niuersam rationem nō habebimus talem, qualis est ea, qua
 geometra demonstrat, triangulū tres angulos habere duo-
 bus rectis pares. Quōd si non ignoret uerbi ambiguitatem
 is qui ponit quæstionem, cū explicatum erit quot eius sint
 genera & modi, tum id & confirmandum erit, & refel-
 lendum, ut si id quod decet, utile significat & honestum,
 omnem diligentiam adhibere oportebit, ut utrumque pro-
 bemus, uel refutemus in eo de quo agatur, ut esse honestum
 & utile, aut neque honestum neque utile. Sin utrumque nō
 potest, alterum docendum erit, ita tamen ut præmoneamus
 esse quidem unum uerum, sed alterum non esse uerum. Ea-
 dem ratio est, si plures sint partes, in quas id quod proposi-
 tum sit, tribuatur. Præterea exponenda ea sunt, quæ nō ho-
 monyma multis modis dicuntur, sed alio modo, ut artem u-
 nam esse multarum rerum, aut quia & ipsius finis sit, &
 earum rerum quæ ipsa ad finem pertinent atque referun-
 tur. ueluti medicina est ualetudinis, & rationis uictus: aut
 quia est rerum duarū, quarum utraque finis est, ueluti re-
 rum contrariarum eandem esse artem. neque enim ex eo

quia alterum alterius dicitur, finem esse finis intelligere oportet, aut quia unius est per se & uisua, alterius temere & casu, ut per se quidem triangulum scimus habere tres angulos pares duobus rectis, temere & casu, id quod latera habet equalia. Nam quia accidit triangulo qui constat lateribus aequalibus triangulū esse, ob id intelligimus quod duobus rectis pares habet tres angulos interiores. Si igitur eadem ars esse multarum rerum nullo horum modorū potest, certe omnino esse nō potest. aut si quodammodo potest, perspicuum est id fieri posse. In quo ad utilitatem causa nostra referenda est diuisio, ut si confirmare quid uelimus, ea proferenda sunt omnia, in quibus id uerum est quod uolumus ostendere, eaque tribuenda sunt in eas solum partes, quae ad probandum ualebunt. Sin autem refellamus, in ea quae ad refutationem ualent, cetera uerò omittenda erūt. Sed hoc tum erit faciendum, cum incertum erit quot modis quicque dicatur. Atque hoc in illo uersari, aut non uersari, iisdem locis confirmandū erit. ut artem hanc, in hac re cerni aut tanquam in fine, aut tanquam in iis quae ad finē referuntur, aut in iis quae forte temere accidunt, aut contra non cerni aliquid ullo modo eorum, quos modo diximus. Eadem etiam ratio est cupiditatis, eorumque omnium quae sunt multarum rerum. Est enim cupiditas huius aut illius rei, uel quasi finis, ut ualitudinis: uel ut eorum quae ad finē pertinet, ueluti remedij: uel quasi forte temere eueniat, quo modo affectus est qui dulci uino delectatur, non quia uinum sit, sed quia dulce. Dulcedinem enim per se expetit, uinum temere & casu: quandoquidem si coacescat, non id iā appetit. Ita sit ut uinum forte temere appetat. Huius autē

loci usus est plurimus in iis quæ cum aliquo conferuntur, quoniam huiusmodi omnia fere sunt, quæ eius generis sunt. Præterea commutandum est uerbum, in id quod magis dilucidum esse uideatur, ut pro eo quod accuratum & exquisitum est in opinione, apertum & perspicuum dicendum est, & pro nimia cura rerum agendarum, studium rerum agendarum. Si enim apertius & planius fiat quod dictum est, tum denique propositum facilius argumento tractari poterit. Valet autem hic locus & ad confirmandum quid, & ad refellendum. Ut autem contraria in eadem re cerni doceamus, genus spectare debemus: ueluti si uolumus confirmare in sensu uersari integritatem & deprauationem. si sentire iudicare est, & iudicare licet recte & non recte: certe in sensu integritas & prauitas uersetur necesse est. Qui locus ex genere ducitur. Iudicare enim genus est sentiendi, quoniam qui sentit quodammodo iudicat. Ex forma etiam generis duci potest. Quæ enim speciei accidunt, eadem esse in genere intelliguntur omnia. ut si sciëntia sit bona & mala, recta etiam sit & praua affectio necesse est: siquidem affectio genus est sciëntia. Ac prior quidem locus uiciosus est, si ad confirmandum adhibeatur, alter uerus & commodus. Neque enim necesse est quæcunque generi accidant, eadem speciei accidere, quandoquid animal est pennigerum & quadrupes, homo non item. Omnia autem quæ cadunt in speciem, eadem necesse est cadere in genus. Si enim homo probus sit, animal etiam probum. In refellendo contra, prior locus uerus est, alter uiciosus. Nam & quæ generi non accidunt, speciei accidere non possunt: & quæ in speciem non cadunt, ea non necesse est in genus non conuenire.

ARISTOTEL. TOPIC.

QVONIAM autem necesse est, in quibus genus dicitur, in iis etiam speciem aliquam dici, & quacunque genus habent, aut quæ à genere nomē duxerunt, eadem aliquam speciem habere, aut nomen ab aliqua specie ducere. ueluti si de aliquo scientia dicatur, certe de eodem uel grammatica dicitur, uel musica, uel aliqua scientia. Et si quis arte sit instructus & præditus, aut nomen ab arte habeat, certe grammatica uel musica, aut aliqua alia arte instructus sit necesse est, aut nomē ab arte aliqua ducet, ueluti grammaticus uel musicus appellabitur. Si quid igitur proponatur, de quo genus aliquo horum modo dicatur, ueluti animum moueri, considerandum est, moueaturne animus aliquo genere motionis, ut crescātne, an imminuatur, an itereat, an oriatur, an alio genere motus agitetur. Si enim nullo genere motus agitetur, certe non mouetur. Atque hic locus & ad confirmandum ualet, & ad reprehendendum. Nam si aliquo genere motus cieatur, mouetur: & si nullum genus in eum cadat, certe non mouetur. Cui autem copia non superpetet argumentorum ad propositum confirmandū, aut infirmandum, is à definitionibus præsidium petere debet, aut quæ rei propositæ propria sint, aut quæ esse uideantur. quod si ab una non possit, à pluribus petat. Nam iis qui re definiendo explicarint, facilius erit argumentum ducere. quippe cum facilius sit à definitione ducta argumentatio. Videndum etiam est cui rei res proposita adiuncta sit, aut quid necessario, res proposita si sit, una secum esse uelit. Ac is quidem qui confirmare uolet, cui rei res proposita adiuncta sit, uidebit, quoniam si rem illam doceat cadere, rem etiam propositam docebit. Qui autem refellendi partes tenet,

nebit, quæ res rei proposita sit adiuncta, considerabit. Si enim id quod rei proposita sit consequens, non esse ostendemus, rem etiam propositam non esse docebimus. Spectandū est etiam an tempus alicubi discrepet. ut si quis id dixerit quod alitur, augescere necessario. Et si enim animalia semper aluntur, tamen non semper augescunt. Itēque si quis scire dixerit memoria tenere. Nam hoc ad præteritum tēpus pertinet: illud & ad instans, & ad futurum. Nam & scire dicimur præsentia & futura, ut solis defectionem fore, meminisse nisi præterita nō possumus. Iam locus captiosus & fallax est, eo loci impellere alterum, ubi magna argumentorum copia nobis suppetet. Quod interdum necessarium est, interdum necessarium uidetur: interdū nec uidetur, nec necessarium est. Necessariò autem id faciundum est, cum cum is qui contra disputat, negat, aliquid eorum, quæ ad rem propositam pertinent, & alter de illo differit: accidit autem eiusmodi illud esse, ad quod probandum amplissimus locus suppetat. Quod idē facere licebit, cum inductione utemur, ad aliquid quod est cum re proposita coniunctum, quod nos euertere conabimur. Eo enim sublato & infirmato, res etiam de qua agitur, infirmabitur. Necessarium autem id uidetur, cum id ad propositum pertinere uidebitur: ad id autem ad quod sumitur, non pertinebit argumentum, siue neget is qui respondet, siue facta inductione probabili ex proposito ad aliquid quod infirmare conetur. Reliquum autem tum incidit, cum nec est, nec uidetur necessarium eò transferre disputationem, quò ille traducit: accidit autem citra ullam rationem cum qui respondet redargui. Hoc autem extremum genus, quoniam omnino à

differendi ratione alienum remotumque est, declinare de-
 bemus. Quocirca debet is etiam qui respondet, non grauare
 ei qui hoc modo disputat respondere, eaque dare, quae ad
 propositum non pertineant, ita tamen ut interim significet
 sibi quidem illa non probari, ea tamen se admittere: pro-
 pterea quod ferè in maiore animi distractione uersari so-
 lent ij qui interrogant, si ijs talibus omnibus positis nil ad
 extremum se confecisse uideant. Iam uero quoniam om-
 nes qui quiduis dixerint, quodammodo multa complexi
 sunt (unaquaque enim rem multa necessario consequun-
 tur. ut is qui hominem esse dixit, & animal esse dixit &
 animatum & bipedem, & mentis ac disciplina compotē)
 fit, ut infirmata, & reprehensa unaquavis re earum quae
 sunt consequentes, id etiam quod initio dictū est, rephen-
 datur. Sed uidendum est, ne ad rem difficiliorem delaba-
 mur. Interdum enim facilius est id quod rem propositā con-
 sequitur, interdum rem ipsam propositam euertere. In iis
 autem rebus quibus alterum inest necessario, aut non inest,
 ueluti in homine uel morbus inest, uel ualetudo, si de altero
 possumus disputare in utranque partem, de altero etiā po-
 terimus. Quod ad utranque partem trahi potest. Si enim
 alterum accidere doceamus, alterum non accidere docebi-
 mus: & si alterum non conuenire demonstramus, reliquū
 docebimus conuenire. perspicuū est igitur ad probandum
 & refellendum ualere hunc locum. Atque etiam argumē-
 tum ducendum est à notatione uerbi, quae multo aptius ui-
 deatur uim uerbi explicare, quam id ipsum ad quod signi-
 ficandum impositum est: ueluti *ἰσχυρὸν* non fortem ut tri-
 tum est, sed eum qui bene animo sit affectus: & *ἰσχυρὸς* eū
 qui

qui bona expectat. Itēque *ἰσχυρίζεται* eum esse, cuius animus sit bonus: quemadmodum Xenocrates *ἰσχυρίζεται* ait esse eum cui animus bonus datus sit. eum enim deum esse omnibus. Iam cū res aliæ necessario eueniant, aliæ plerunque, aliæ forte temere: si quis eam quæ necessario euenit, plerunque fieri ponat, aut eam quæ plerunque fit, eiūsue contrariam quæ plerunque ita fit, necessario fieri, is semper locum suppeditabit argumēto. Nam si id quod necesse est fieri, plerunque fieri ponat, profectò non in toto genere inesse dixerit, quod toti conuenit: ita aberrauit siue id quod plerunque accidit, necessario fieri dixerit, quoniam de toto genere dixit, quod toti non accidit. Quod idem fit, si id dixit quod rei contrarium est quæ plerunque euenit, euenire necessario. Semper enim in paucioribus dicitur quod rei quæ plerunque fit, contrarium est. Veluti si fere mali sint homines, boni rarius, certe uehementius aberrauit, si quis bonos dixerit esse necessario. Eodēque modo si id quod temere fit, necessario fieri, aut plerunque dixerit. Neque enim id quod temere utrāque in partem cadit, necessario fieri potest, neque id quod plerunque. Fieri autem potest, ut etiam si non dixerit, neque exposuerit, utrūne plerunque fieri, an ex necessitate uelit quod propositū est: si fiat autem plerunque, tamen disputet alter, quasi ille ex necessitate fieri asseruerit. ut si malos ex heredēs esse dixerit, neq; exposuerit, oportet disputare quasi ex necessitate id ille dixerit. Illud etiam uidendum est, an eandē rem sibi accidere quasi aliam posuerit, quod alterum eidem, sit nomen impositum. Quemadmodum Prodicus diuisit uoluptatē in gaudium, delectationem, & latitiam. Eiusdem enim nominis uolu-

ARISTOTEL. TOPIC.

ptatis hæc sunt omnia. Si quis ergo gaudio latitiã accidere dicat: is idem sibi accidisse confirmabit.

QUONIAM autẽ sex modus inter se contraria iunguntur, & quatuor solum modis iuncta repugnantiam efficiunt: sumenda sunt contraria ut cõmodum erit, & ei qui confirmandi, & ei qui refellendi partes tuebitur: Ac sex modis ea componi inter se hinc perspicitur potest, quod aut utrunque contrarium utrique comparatur, idque bifariã. ut de amicis bene mereri, & de hostibus male mereri: aut contrã, de amicis male mereri, & de hostibus bene: aut utrunque uni, quod etiam duobus fit modis. ut de amicis bene mereri, & de amicis male mereri: uel de inimicis bene mereri, & de inimicis male mereri: aut unum utrique, quod etiam fit dupliciter, ut de amicis bene mereri, & de inimicis bene mereri, uel de amicis male mereri, & de inimicis male mereri. At duæ quidem primæ comparationes non sunt pugnantes, quoniam de amicis bene mereri non est illi contrarium, male de hostibus mereri: quippe cū sint expetenda, & ad eosdem mores pertineant. nec illud de amicis male mereri, huic repugnat, bene mereri de inimicis. Sunt enim hæc fugienda, & moribus eiusdem continentur utraque. Nec res quæ fugienda est ei cui fugienda est, aduersatur, nisi unum sit nimium, alterum parum. quoniam quod nimium est, id in rebus fugiẽdis ducitur, itẽmque parum. At reliqua quatuor, contraria sunt inter se. Nam & de amicis bene mereri, illi cõtrariũ est, de amicis male mereri. quandoquidem à contrarijs moribus proficiuntur, atque illud sequendum est, hoc fugiẽdum. Eadem est ratio cæterorum. In coniunctionibus enim singulis quiddam est expetendum,

expetendum, & quiddam repellendum: & illud ad bonos mores pertinet, hoc ad malos. Ex quo perspicuum est, eidem plura data esse contraria. Huic enim, de amicis bene mereri, illud contrarium est, de inimicis bene mereri: & illud, de amicis male mereri. Itémque ei, qui illa omnia intuebitur, duo uidebuntur contraria. Sumenda igitur sunt ea cōtraria, quæ prodesse poterunt causa nostra. Iam si quid sit accidenti contrarium, considerandū est, an ei accidat cui accidens cōuenire dixerit. Si enim hoc conuenit, illud nunquā conueniet. quoniam fieri non potest, ut simul eidem contraria conueniant. Aut an tale aliquid dixerit, quod si sit, necesse sit contraria simul eidem inesse, ut si ideas in nobis esse dixerit. Nam & moueri eas & stare concludetur, sub sensum cadere, ac ratione & intelligentia contineri. Nam & quiescere eas & immobiles esse, & sub intelligentiam cadere placet ijs qui eas ponunt. Quæ si in nobis sita sint, profecto non poterunt esse immobiles: quā præsertim si ipsi moueamur, necesse sit ea omnia, quæ in nobis sunt, unā moueri. Atque etiam sensu eas percipi, si modo in nobis sint, ex hoc intelligi potest, quod sensu oculorum, formam uniuscuiusq; rei cognoscimus. Rursus si positum est accidens id cui quid est contrarium, uidendum est, idémne sit contrarij & accidentis subiectum. Eadem enim res uim habet ad recipiēda contraria. Veluti si de odio dici iram dixerit, profecto odiū in ea parte animi in qua irarum existit ardor, insit necesse est: est enim sedes ira. Considerandum igitur, sitne contrarium in ea parte animi in qua irarum existit ardor, qualis amicitia est. Nam si non insit, in eaque parte animi qua cupiditatis sedes est, insit amicitia, certe non est consequens

ira odium. Eadem ratio est, si eam partem animi in qua uoluptates insunt, ignorare dixerit. Sedes enim erit scientia, siquidem etiam ignorationis sit. quæ pars non uidetur sedes esse scientiæ. Atque ex hoc loco quemadmodum docui, ei quæ refellendi partes obtinebit, depromenda erunt argumenta. eum autem qui confirmare uolet, nihil adiuuabit hic locus, quatenus accidens conuenit: quatenus uerò potest conuenire, adiuuabit. Nam si non posse contrarium recipere doceamus, nec conuenire accidens, nec conuenire posse docebimus. At uerò non si contrarium conuenire, aut uim habere ad recipiendum contrarium doceamus: idcirco etiam accidens conuenire demonstrauerimus, sed posse conuenire tantummodo confirmatum erit. Quoniamque quatuor sunt contrariorum genera, spectanda erunt disparata ex eo argumento, quo uicissim retro se sequuntur, & ei qui probabit, & ei qui refellet. Per inductionem uerò argumentatio qualis sit, intelligendum, hoc modo, Si homo est animal, quod non est animal, id non est homo. Itémque in cæteris. hoc enim loco commutato ordine tractatur argumentatio. Cum enim hominem sequatur & comitetur animal, tamen non si quid non sit homo, id continuo sequitur non esse animal. sed contra, si quid non sit animal, sequitur non esse hominem. In omnibus ergo id pronuntiandum est, ut si quod honestum est, id iucundum sit: etiam si quid non sit iucundum, id non sit honestum. Quòd si hoc non est consequens, ne illud quidem erit. Itémque si quod iucundum non est, id non sit honestum: certe quod honestum est, etiam iucundum sit necesse est. Perspicuum est igitur reciprocari in aientibus & negantibus.

bus argumentationem, si retro tractetur. In ijs autem contrarijs quæ aduersa appellantur, hoc uidendum est, & ei qui probabit, & ei qui reprehendet, an ex contrario contrarium sit consequens, siue directo, siue controuerso ordine tractetur consecutio. Harum autem consecutionum genus utrūque quale sit, & quomodo aduersis cōueniat, inductione sumendum. Directe autem argumentatio tractabitur hoc modo: fortitudinem uirtus, ignauiam uitium sequitur, & fortitudinem sequitur id quod expetendum est, ignauiam id quod fugiendum. In his ergo ualebit directo à consequentibus ductum argumentum, quoniam id quod expetendum est, ei quod fugiendum contrarium est. Quod idem fit in cæteris. Contra autem consequentia sunt, ut firmitatem corporis affectionem sequitur bona ualetudo: infirmam uero affectionem morbus non sequitur, sed contra morbum infirma constitutio. Ex quo perspicuum est, cōtrā in his argumentationem à consequētibus ualere. Raro autem illa è conuerso consecutio in aduersis incidit, ac fere directo tractatur argumentatio. Quod si nec directo contrarium ex contrario erit consequēs, nec uicissim retro commeabit: profecto in iis de quibus agitur, nunquā alterum ex altero erit consequens: Sin in aduersis sequatur, etiā in propositis alterū alteri consequetur necessario. Quod itē in priuantibus perinde atque in aduersis considerandum est, nisi quod in his non uicissim retrò commeat argumentum ex consequentibus, sed directo necessario. Quemadmodum aspectū sensus sequitur, sic cecitatem sensus priuatio. Opponuntur enim sensus & priuatio sensus ut priuantia, quoniam eorum illud habitus est, hoc eius rei priuatio. Atque etiam

de ijs quæ cum aliquo conferuntur, eodẽ modo quo de priuantibus iudicandũ est. In iis enim etiã ualet à consequentibus tractatum directo argumentũ. ut si triplũ multiplex sit, etiã subtriplũ submultiplex erit. Conferitur enim triplũ cum subtriplo, & multipulum cum submultiplici. Rursum, si scientia opinio est, etiã quod sub scientiam cadit, erit opinabile. Et si aspectus sensus sit, id etiã quod aspectabile est, sub sensum cadat necesse est. Hic autem occurritur, nõ duci necessariam in ijs quæ cum aliquo conferuntur argumentationem à consequentibus, quẽ admodum dixi: Non enim si quod sensum mouet, scientia continetur, idcirco sensus est scientia. Nec uere certe quidem occurrirur. Multi enim negant, ea quæ sensus mouentia sunt, cadere sub scientiam. Nec minus contra hoc quod dixi ualet hic locus: nempe id quod sub sensum cadit, non posse scientia cõprehendi: quoniam ne sensus quidem sit scientia. Rursum, à coniugatis & casibus ducendum est argumentum, siue confirmemus quid, siue refellamus. Coniugata autem sunt hæc, iusta & iustus, cum iustitia: & fortia & fortis, cum fortitudine. Itẽque efficientia & conseruantia coniugata eorum sunt, quorum sunt & conseruantia & efficientia. ut efficientia ualetudinẽ ualetudinis, & conseruantia firmam corporis constitutionem, firmæ corporis constitutionis. Eodẽque modo de cæteris iudicandum est. Atque hæc quidem Coniugata appellari solent. Casus autem sunt, ut iuste, fortiter, salubriter, & apte ad firmã corporis affectionem, quæque eodem modo dicuntur. Sed etiam ea quæ ex casibus dicuntur, in coniugatis esse uidentur, ut iuste cum iustitia, & fortiter cum fortitudine, coniugata sunt.

Coniugata

Coniugata autē dicuntur, quæ sunt ex uerbis generis eiusdem. ut iustitia, iustus, iusta, iuste. Perspicuum est igitur, si quid probatum sit eorum quæ eiusdem sunt generis & coniugationis, esse in bonis, & laudabilibus, cætera probata esse omnia. Veluti si iustitia sit in rebus laude dignis, etiā iustus in iis sit, & res iusta, & quod iuste fit, necesse est: concludeturque, quod iuste fit, etiam laudabiliter fieri, ex eodē casu. quoniam à laudabili re ortum est: quemadmodum illud iuste à iustitia. Nō solum autem in eo quod in quæstione est, spectanda sunt coniugata, sed etiam in contrario, ut quod bonum sit, non necessario esse iucundum. Neque enim quod malum est, necessario molestum est: aut si hoc, etiam illud. Et si iustitia scientia sit, iniustitia ignoratio erit. & si quod iuste fit, id fiat scienter & perite: id etiam quod iniuste, inscite & imperite fiat necesse est. Aut si hæc non placeant, ne illa quidem: quemadmodum in eo quod modo commemoravi, perspicui potest. multo enim potius uidebitur quod iniuste fit, id perite, quam imperite fieri. Atque hic locus expositus est tum, cum de contrariis quæ aduersa dicuntur, disputarem. Nihil enim nūc aliud uolumus, nisi contrarium ex contrario esse consequēs. Præterea ab ortu & interitu rerum, & ex causis efficientibus & corrampen- tibus magna copia suppetit ad disputandum, siue cōfirmare uelimus siue refellere. Quarum enim rerum ortus & origo est in bonis, eæ etiam in bonis sunt. & si hæc in bonis sint, origines etiam earum erunt. Si uero origo sit in malis, eæ etiam in malis numerabuntur. A rerum interitu contra ducitur argumentum è consequentibus. Si enim interitus rerū sint in bonis, res ipsæ erunt in malis. Et si interitus &

euerſio rerum ſit in malis, res ipſa ducetur in bonis. Eadem eſt etiam ratio cauſarum efficientium & euerſentium. Quorum enim effectorum cauſa ſunt in bonis: effecta etiã in bonis erunt. Quarum autem rerũ cauſa euerſentes ſunt in bonis, ea ſunt numeranda in malis.

PROXIMVS locus eſt à ſimili, in quo uidendum eſt, an res ſimiles eodem ſe modo habeant. ut ſi ſcientia una ſit multarum rerum, etiam opinio. Et ſi aſpectum habere, ſit uidere, etiam auditum habere, ſit audire. Quod idem cõtingit in ceteris omnibus, & quæ ſunt, & quæ uidentur. Valet autem in utranque partem hic locus. Si enim in aliqua re ſimili ualeat, in ceteris etiã ualeat neceſſe eſt. Et ſi in aliqua re ſimili non ualeat, nec in ceteris ualebit. Cõſiderandum etiam eſt, an in uno & in pluribus eodẽ modo res habet: quoniam interdum diſcrepāt & diſſimilis eſt affectio, ut ſi ſcire ſit cogitare: multa ſcire, erit multa cogitare. quod non eſt uerum. Multa enim ſcientia comprehendi poſſunt: multa ſimul cogitari non item. Quod ſi non hoc, nec ſcire erit cogitare. Sumuntur etiam ex maiore & minore argumenta. Sũtque ex maiore & minore quatuor loci. Vnus, ſi maior res ex maiore ſit conſequens, hoc modo: Si uoluptas bonum ſit, maior uoluptas maius ſit bonum. Si iniuriam facere malum eſt, maiorem iniuriam facere maius malum erit. Atque in utranque partem hic locus trahi poteſt. Si enim rei ſubiecta elationem & ſummiſſionem accideſtis ſequatur elatio & ſummiſſio, quemadmodum dixi, neceſſe erit in re propoſita accidens ineſſe: ſi minus ſequatur, non inerit. Hic autem locus per inductionem intelligendus eſt. Alter locus eſt, cum una res duabus cõparatur. Si cui uerisimilius

risimilius est conuenire non conueniat, ne illi quidē cui minus: & si cui minus probabile est conuenire conueniat, ei etiam cui uerisimilius. Tertius est, cum duæ res cum una cōferuntur, si quæ magis cōuenire uidetur non conueniat, nec quæ minus. Et si quæ minus uidetur conuenire conueniat, ea etiam quæ magis conuenire uidebitur, cōueniet. Extremus locus est huiusmodi, cum duæ res duabus comparantur. Si quæ alteri magis uidetur conuenire non conueniat, ne reliqua quidem reliqua conueniet: & si ea quæ minus conuenire alteri uidetur conueniat, reliqua etiam reliqua conueniet. Sequitur locus, ex iis quæ paria sunt aut paria uidentur, atque is triplex, quemadmodū exposui de tribus locis postremis, quos ex maiore elici dixi. Si enim una aliqua res duabus eodem modo cōueniat aut cōuenire uideatur, neque alteri conueniat, ne alteri quidem conueniet. Quòd si uni, etiam alteri. Alter locus tractatur hoc modo: Si duæ res eidem pari ratione conueniāt, & altera nō conueniat, ne altera quidem cōueniet. Quòd si altera, etiā reliqua. Tertius hoc modo: Si duæ res duabus eodem modo cōueniant, unīque altera non conueniat, reliqua etiam reliqua non cōueniet: quòd si una alteri conueniet, reliqua etiam reliqua cōueniat necesse est. Atque ex maiore & minore & paribus tot argumēta duci elicique possunt. Alius locus sequitur ex adiectione, hoc modo: Si una res ad alteram adiecta eam faciat bonam aut albam, cum prius bona & alba nō esset, quæ adiecta est, bona erit & alba, quæ le etiā totū reddidit. Præterea si ad aliquid quod inest, quīpiā addatur, quod illud magis tale efficiat, quā ante erat, idē tale erit. Eadē est ratio cæterorū. Quanquam hic locus.

non ualet in omnibus, sed in iis tantummodo quæ elationē aliquam suscipere possunt. Atque idem non uicissim retro comseat in refellendo. Non enim si id quod additur nō facit id cui adiectum est bonum, propterea id non bonum esse necesse est. Quod enim bonum est, si ad id quod malum sit addatur, totum non efficit bonum necessario, nec rem nigram candor albam facit, nec dulcedo rem amaram dulcē necessario, si addantur, efficit. Iam uerò siquid maius aut minus dicitur, omnino etiam conuenit. Nam quod bonum non est nec album, id nec maius bonum, neque minus dicitur, neque albius neque minus album: quippe cum id quod malum est, nulla re maius bonum sit, aut minus bonū, sed maius malum, aut minus dicitur. Nec uerò hic locus in refellendo uicissim retro comseat. Multa enim eorum quæ il lud magis respuunt, omnino dicuntur. Homo enim, & si magis aut minus quàm alius homo non dicitur, non tamen propterea homo esse desinit. Eodēque modo uidendum est quid quadam ex parte, quid aliquando, & alicubi esse dicatur. Si quid enim quadā ex parte possit esse, aut aliquando, aut aliquo in loco, id certe omnino esse potest. Quod enim omnino fieri non potest, id nec aliqua ex parte, nec interdum, nec alicubi fieri potest. Quanquam huic loco occurritur, quòd quadam ex parte homines natura boni sunt, ut liberales, ut temperati: cum interim boni non sint omnino natura: siquidem nemo prudens natura dicitur. Itēque fieri potest, ut aliquid eorū quæ interire possunt, quodam tempore non intereat & occidat, cum fieri non possit omnino quin occidat. Eodēque modo alicubi hanc uel illam uictus rationē seruare, ut in locis pestilētibz & insalubri-

salubribus prodest, omnino non prodest. Aliquo etiã in loco fieri potest, ut unus modo sit, & tamen non unus modo esse illic possit omnino. Itaq; alicubi etiam immolare patrẽ laudi ductum est: ut apud Tribalos: omnino autem non datur laudi & gloriæ. Nisi forte hoc non aliquo in loco fieri declarat, sed apud aliquos, quoniam nihil refert ubi sint: ubiq; enim, apud Tribalos id gloriæ ducitur. Rursum medicamentorum usus, interdum ueluti cū sis in morbo, adiuuat, nec adiuuat omnino. Nisi forte nec hoc quidẽ aliquando fieri significat, sed certum quoddam affectionis genus. Neque enim refert id quocunque tempore fiat, dummodo ita sit affectus. Id autem demum omnino & absolutẽ esse dicitur, quod citra ullam adiectionem dicitur, honestum uerbi gratia aut turpe: ut patrem immolare, non dicas honestum esse, sed apud nonnullos honestum esse. Non igitur omnino honestum est. At deos colere, pulchrum dices, etiam si nihil adiungas, est enim pulchrũ omnino. Quare quod sine adiunctione uidetur esse pulchrum, aut turpe, aut aliquid aliud eiusdem generis, tale esse id dicitur omnino.

ARISTOTELIS TOPICORVM

LIBER III.



Elíquus est comparationis locus, in quo uidendũ est, duobus propositis, utrum sit optabilius aut melius. Ac primum exponẽdum illud est nobis, hoc loco nõ esse propositum de iis differere quæ ualde dissimilia sint, quorumque magna sint differẽtia & distinctiones, (neque enim est quisquam,

cui in dubium ueniat, siue beatitudo quàm diuitiæ magis expetenda) sed de iis quæ cognata sunt & uicina, & iis quibus ppositus dubitamus, utri priores partes tribuamus, propterea quòd quid alterũ alteri præstet, minime uideamus. Ex quo perspicuum erit, exposita harum rerum præstantia una aut pluribus, animum assensurum & approbaturũ id esse magis expetendum quod exceller. Ac diuturniora quidem anteponenda sunt breuioribus: & quæ prudentes anteponant, aut uiri boni, aut leges rectæ. aut quæ anteponant ij, qui in aliqua re excellunt, hoc ipso quòd tales sunt, aut quæ ij qui unoquoque genere sciẽtes sunt, aut quæ plures, aut etiã omnes, ut in medicina & fabrica, quæ plures medici anteponant, aut omnes, aut quæ omnino plures, uel omnes, uel omnia, quale est summum bonum. Expetunt enim summum bonum omnia. Ex iis autem argumentum ducetur, prout commodum uidebitur ad eãrem de qua agitur. Sũntque omnino anteponenda ea quæ à meliore arte proficiuntur: ut quoniã philosophia melior est ars quàm architectura, omnino ea quæ à philosophia efficiantur, iis quæ ab architectura anteponantur. Quæ autem à cuiusque arte efficiuntur, ea quisque alienis anteponit. Deinde anteponenda sunt ea quæ ui sua in genere sunt, iis quæ non sũt, ut iustitia uiro iusto, iustitia enim in genere est bonorũ. uir iustus non est: & illa ui sua bonũ est, hic non itẽ. Nihil enim est id ipsum quod genus, quod non sit in genere. ut homo albus non coloris nomen obtinet. Quod idẽ in cæteris cõtingit. Anteponuntur etiã quæ propter se expetiũtur iis quæ propter aliud, ut uale tudo exercitationi: quoniã illa ppter se expetenda, hæc propter aliud. Et quæ propter se expetiũtur,

tur, iis quæ forte temere & casu. ut amicorum iustitia, hostiū iustitiæ: quod illa per se expetenda est, hæc casu, & fortuito, ut ne nobis noceant. Hic autē locus eandē fere vim habet, quā superior, ab eoque nisi modo non differt. Nā amicos per se iustos esse optamus, etiā si nihil inde ad nos redeat, & apud Indos habitē: at hostes sic propter aliud iustos esse optamus, ut nihil nobis obsint. Et ex quibus per se bona propagātur, iis ex quibus casu & temere, ut virtus fortuna. illa enim per se efficiens est causa bonorū, hæc fortuito. Et si quid aliud tale est. Eodē modo de contrariis iudicandum est. Ea enim quæ per se causæ sunt malorū, postponuntur iis quæ casu & fortuito, ut vitium fugiendū est potius, quā fortuna. illud enim per se malū est, hæc casu. Et quæ omnino bona sunt, iis anteponuntur quæ alicui bona sunt. ut ualere quā secari magis optandum est: quoniam illud omnino bonum est, hoc alicui qui sectione egeat. Et innata ac insita bona assumptis & aduentitiis, ut iustitia viro iusto: quoniam illa insita est & innata, illud aduentitium. Et quæ in re meliore insunt, & quæ iustiores habēt uenerationem, ijs quæ in deteriore. ut bona dei hominum bonis: & animi, corporis bonis sunt anteponenda, & quæ propria sunt melioris rei, ijs quæ deterioris. ut dei quā hominis. Cum enim bonis, quæ illis inter se sunt cōmunia, non differant inter se, propriis alter alteri præstat. Et quæ in melioribus, aut antiquioribus, aut in iis quæ in maiore sunt precio & honore, ea sunt antepōnda iis quæ in deterioribus. ut valetudo viribus corporis & pulchritudini corporis. Valetudinis enim sedes est, in humore, siccitate, calore & frigore, ijsque omnibus, ex quibus primū animal

ARISTOTEL. TOPIC.

cōstat, cohæret: hæc uerò in posterioribus quibusdam. Nam
 & uis corporis in neruis atque ossibus sita est, & pulchri-
 tudo corporis est apta quadam compositio membrorum. Fi-
 nes iis quæ ad finem pertinent atque cōducunt. Ex duobus
 quod ad finem propius accedit. Quæ ad uitæ finem perti-
 net, iis quæ ad alium aliquem, ut quæ ad beatam uitā per-
 tinent, uis quæ ad prudentiam, quod enim ad beatitudinem
 pertinet, anteponendum est. Quæ fieri possunt, iis quæ non
 possunt. E duobus efficientibus cuius finis melior, id etiam
 præstantius. Ex efficientibus & finibus proportionem con-
 cludendum est, hoc modo, Cum pluribus partibus finis fini
 præstat, quàm finis ille suæ causæ efficienti: ut si beatitudo
 ualetudinem pluribus partibus superet, quàm ualetudo sa-
 lubria, efficitur, ut efficientia beatæ uitæ uincat ualetudi-
 nem. Quantò enim beatitudo ualetudinem præstat, tantò
 salubria præstat efficientia beatitudinis. Atqui minore in-
 teruallo salubria ualetudo anteibat: pluribus igitur parti-
 bus salubribus præstant beatitudinis efficientia, quàm ua-
 letudo salubribus. Ex quo perspicuum est, efficientia beatæ
 uitæ sanitati, quia ei præstet, esse anteponenda. Iam quæ per
 se, in maiore sunt honore & pretio, & laudabiliora sunt,
 anteponenda sunt, ut amicitia diuitiis, iustitia ualetudini
 & uiribus corporis. Illa enim numerantur propter se in iis
 bonis quæ sunt honorabilia & laudabilia: hæc nō propter
 se, sed propter aliud. Nemo enim opes propter se amat, sed
 propter aliud. Amicitiam autem propter se colimus, etiā si
 nihil inde fructus speremus nos esse percepturos. Iam si duo
 quadam sint ualde inter se similia, nec quid alterum alte-
 ri præstet & excellat, perspicere possumus: id ex consequē-
 tibus

ribus intelligi licet, hoc modo. Ex quo enim maiora bona sequuntur, id anteponendum alteri est: quòd si mala consequantur ex quo minora mala oriuntur, id est eligendum. Nam si utrunque eligendum, nihil prohibet aliquid molestiæ consequi. ex consequentibus autem duo argumēta sumuntur, quoniam & aliquid antecedit rei, & praevenit, & aliquid rem sequitur: ueluti discenti antecedit ignorantia, & eum consequitur scientia. Ferè autē melius est quod rem sequitur. Argumentum uerò à consequentibus sumendum est, ut commodum fuerit. Plura bona paucioribus anteponēda sunt aut omnino, aut cū alia quæ pauciora sunt, in aliis quæ plura, continētur. Huic autem loco occurritur, si unum alterius gratia petatur. Neque enim uni utrūque anteponitur. ueluti curari & ualeitudo non pluris sunt q̃ ualeitudo, quandoquidem curari optamus ualeitudinis gratia. Nihil etiam prohibet ea, quæ nō sint in bonis, bonis anteponi. ut beatitudinem coniunctā cum aliqua re quæ non numeratur in bonis, iustitiæ ac fortitudini. Et eadem coniuncta cum uoluptate, magis expetēda sunt, quàm sine uoluptate, & eadem ipsa cum indolentia copulata, quàm cū dolore. In quo etiam quicque tempore maiorem uim habet, id in eo magis optandū est, ut in senectute sine ulla molestia & cura uiuere, quàm in adolescentia. Plus enim potest in senectute. Eademque ratione in senectute magis expetēda prudentia est. Itaque nemo adolescens imperatores deligit, quòd prudentes eos non esse existimet. cōtrāque fit in fortitudine, cuius in iuuentute necessarium munus & officium est. Eadem est etiam temperantiæ ratio. Adolēscētes enim magis quàm senes cupiditatibus seruiunt. Quæ per

omne tempus ætatis plus possunt, iis quæ maxima parte, utiliora sunt: ut iustitia & temperantia fortitudine, quia illis semper, hac interdum utimur. Quæque seipsis contenta sunt, meliora, quam quæ egent alijs. quod in iustitia & fortitudine cernere licet. Nam si iusti essent, nihil loci esset fortitudini: at si fortes essent, iustitiam requirerent. Comparatio etiã ex interitu, abiectiõne, origine, acceptione, contrariisque sumi potest, hoc modo: Quorum bonorum interitus magis declinandi sunt, ea meliora. Quod idem in abiectiõibus & contrariis contingit. Cuius enim prætermissio & expulsio, aut contrarium, magis fugiendum est, id etiã optabilius. Contra fit in ortu & acceptione. Quarum enim rerum origines & assumptiones optabiliores sunt, ea alijs anteponuntur. Alius locus: Quod ad bonum propius accedit, id & optabilius & melius est: quodque ad bonum similitudine propius accedit, id melius. ut iustitia iusto. Quæ meliori similia sunt ea meliora: quemadmodum Aiace[m] Ulyssi anteponunt, quod Achilli similior esset. Occurritur huic loco, quod nihil prohibeat Aiace[m], non qua parte Achilles optimus fuerit, ei similiorem fuisse, & tamen alterum virum bonum fuisse, etsi dissimilem. In quo uidendum est, an etiã in ijs quæ magis ridicula sunt, cernatur similitudo: quemadmodum simia similitudine ad hominem propè accedit. cum equus non sit similis. Neque enim præstãtiõ est simia, & si similior homini quàm equus. Rursum è duobus si unum meliori alterum deteriori similis sit, melius erit quod similis est præstãtiori. Atque etiam huic loco occurritur. Nihil enim prohibet, unum meliori paulum similem esse, alterum ualde deteriori. ut si Ajax paulum admodum
similis

similis sit Achilli, & Vlysses ualde Nestori. Et si id quod meliori similis sit, mala eius imitetur: quod autē ad deterius similitudine proprius accedat, bonam in partem simile sit. ut equus asino, & simia homini. Quæ magis insignia sunt, minus insignibus anteponuntur: Et laboriosa, procliuiibus, chariora enim nobis sunt ea, quæ difficulter parantur. Et propria communibus. Quæque molestia minus habet. quæ enim nullam molestiam afferunt, ijs quæ afferunt, anteponuntur. Quæ aliis præstantiora sunt, omnino etiam quæ in eo genere præstantissima sunt, ijs quæ in altero genere sunt præstantissima anteponuntur: ueluti si nobilior equo homo sit, nobilissimus homo etiam sit generosissimo equo præstantior. Et si res præstantissimæ & clarissimæ nobilissimis alterius generis præstant, etiam omnino illis rebus excellunt. Ut si clarissimus homo generosissimo equo præstet, etiam homo equo præstat omnino. Quæque cum amicis cōmunicare licet: ijs quæ non licet. Quæ in amicos præstare cupimus, ijs quæ in quemuis. Ut officia seruare & bene mereri magis optamus, quàm uideri bene mereri, & officia seruare. Quoniam beneficia malumus in amicos conferre, quàm uideri: in quemuis contra. Non necessaria necessarijs meliora sunt, eaque interdum magis expetuntur. Bene enim uiuere præstat quàm uiuere: cum bene uiuere sit non necessarium, & uiuere in necessarijs. Fit autem interdum ut quæ meliora sunt, non etiam magis expetantur. Non enim si quid melius, propterea id necesse sit etiam magis esse expetendum. Philosophorum enim uita cū eo genere uitæ quod in pecunijs quærēdis consistit, sit melior: attamen ei cui res ad uiuendum necessaria non suppetunt,

ARISTOTEL. TOPIC.

non magis expetenda est. Non necessaria autem sunt, cum suppetunt res necessaria, & alia præterea quadam honestate parantur. Ac ferè quidem certe necessaria magis expetenda sunt, non necessaria meliora. Quæ ab alio non suppetitari possunt & accipi, ijs quæ possunt, quomodo iustitia ad fortitudinem affecta est. Quæ sine alijs expetenda sunt, ijs quæ nisi coniuncta cum alijs nõ expetuntur: ut vires corporis sine prudētia non sunt expetenda, sine uiribus etiam prudentia expetenda est. E duobus si unum dissimulemus aut negemus in nobis esse, ut alterum in nobis esse uideatur, id anteponendum est, quo præditi esse uideri uelimus: ut laboriosos nos esse negamus, ut ingenio ualere uideamur. Quorum bonorū defectio minus in iis uituperanda est, qui moleste ferunt ea à se abesse: Et quorum defectio in iis qui non acerbè ferunt ea à se abesse, magis reprehendenda est. Eorum quæ in eodem genere sunt, quod propria illius generis uirtute & laude ualet, alteri quod eo caret, anteponēdum est. Ex iis in quibus inest, id in quo maior est. Quæ bonum eum in quo sint efficiunt, ijs quæ non efficiunt, ut calidius id est quod calefacit, eo quod nõ calefacit. Ex iis quæ efficiunt ea quæ magis efficiunt, aut quæ id quod melius est, & magis præcipuum bonum efficiunt, ut quæ animum bonum efficiunt, ijs quæ corpus. Ex casibus etiam & usu, actionibus, & operibus comparationis locus sumitur, & quæ ab illis orta sunt concluduntur. Alterum enim alteri consequēs est: ut si id quod iuste fit ei quod fortiter anteponendū sit, iustitia fortitudini anteponetur. Et si iustitia fortitudini anteponenda sit: etiam id quod iuste fit ei quod fortiter. Quod idē fit in cæteris. Si quo bono, unum maius bonum

bonum sit, minus alterū, maius magis expetendum est. uel si maiore aliquo maius sit alterum. Quinetiam è duobus quæ alicui præponenda sint, id quod magis expetendum sit, potius eligendum erit, quàm id quod minus. Quorū præstantia & laus, præstatiæ laudique aliorum antepositur, ea etiam anteponenda sunt, ut amicitia diuitijs. Amicitia enim excellentia & gloria, opū excellentia & exuperantia anteponebda est. Quæ ipsum sibi quisq; parare & quærere malit, quàm alterū, ea anteponenda: ut amici opibus. Ex adiunctione hoc modo: Si eidem rei aliquid adiungatur, totūque melius efficiat, id magis expetendum est. In quo cauendum est, ne ad ea progrediamur, in quibus altero eorum quæ coniunguntur, utatur id quod utrisque commune est, uel aliqua alia ei adiumenta afferat, reliquo non utatur, neque ei sit adiumento: quales sunt cū fabrica, serra & falx coniuncta: quarum serra si coniuncta sit, optanda magis est, cū magis expetenda non sit omnino. Rursum si quid ad minus additum, maius totum efficiat, magis expetendū est. Quod idem ex detractiōe effici potest. Quicquid enim est eiusmodi, quo detractō, id quod reliquum est minus efficitur, id omne anteponendum. Quæque propter se expetenda sunt, ijs quæ ad existimationem hominum & opinionem accommodantur: ut ualetudo pulchritudini anteponebda est. Illud autem ad iudicium hominum & opinionem dirigitur, quod si nesciant, nullus in eo parando labor impendatur. Quæ etiam propter se expetuntur & ad hominum commendationem, ijs quæ alterius solum gratia. Quæq; ui sua per se & propter se in maiore pretio & honore sunt, eadē meliora sunt & magis expetenda. Ea autē

per se in maiore honore sunt & pretio, quæ detracta omni opinione utilitatis, tamen magis propter se peteremus.

DIVISIO etiam rerum expetendarum, & quarum causa expetantur, magnam suppediabit copiam disputandi, ut utilitatis, uel honestatis, uel uoluptatis gratia res omnes expetendas. Quibus enim ad omnia, uel ad plura utimur, ea ipsæ anteponenda sunt, quibus ad tot res non utimur. Quod si in utrisque eadem reperiuntur, in utris magis reperiuntur, uidendum est, utrum iucundiora sint, an honestiora, an utiliora. Quæ melioris rei causa comparata sunt, eadem magis expetenda: ut quæ uirtutis, quam quæ uoluptatis gratia. Eadem ratio est rerum fugiendarum. Fugienda enim sunt magis quæ res expetendas impediunt. ueluti morbus magis declinandus & uitandus est, quam deformitas, quod magis nos à uoluptate & uirtute morbus detorquet. Ex eo etiam argumenta sumuntur, si rem propositam & expetendam & fugiendam esse doceamus. Minus enim expetenda est res eiusmodi, quæ expetere æquè ac fugere liceat, quam altera quæ tantummodo sit expetenda. Ac comparationes quidem rerum inter se tractandæ sunt, quemadmodum à me præscriptum est. Qui iidem loci ualent etiam ad faciendam sine comparatione fidem, quid sit expetendum, quidque fugiendum. Detrahenda enim modo excellèntia & præstantia est. quæ alterum alteri præstat. Si enim quæ in maiore honore sunt & pretio, eadem magis expetenda sunt: certe quæ in honore sunt, & ducuntur gloriæ, eadem sunt expetenda, & si quæ utiliora sunt, ea magis expetenda: utilia etiam expetuntur. Quod idem fit in cæteris, quæ comparantur. Sunt autem quedam, ex quorum inter se com-

paratione

paratione statim utrunque expetendum esse, aut alterum intelligimus. ueluti cum unū natura bonum, alterum minime dicimus. perspicuum est enim id quod natura tale sit esse expetendū. Sumendi sunt autem a maiore & minore loci, qui quā latissime pateant. sic enim ad plura concludenda ualebunt. Possunt autem quidam ex ijs locis quos exposuimus, generaliores effici, si parua nominū fiat mutatio ueluti quod natura tale uel tale est, eo est magis tale, quod non est tale uel tale natura. Ex duobus si unū efficit, alterū non efficit tale uel tale, id quod ipsum habet, aut in quo inest, magis tale est, quod interdum facit, quā quod non facit. Sin utrunque uim efficiendi habeat, id quod plus efficit, & magis tale uel tale est. Et si ex duobus, unum magis superet tertium quippiam, quā alterum. Si è duobus unum magis tale uel tale sit, quā quod tale est: alterum magis quā quod non est eiusmodi: profecto primum in eo genere uincat necesse est. Ex coniunctione idem efficitur. Si quid ad eandem rem addatur, totūque magis tale uel tale efficiat. Et si quid ad rem additum quā minus sit eiusmodi, totā magis talem reddat. Itēque detractio-
ne. Nam si quid detrahatur ab aliquo, ex eoque, quod reliquū est minus tale uel tale existat, id in eo genere prestat. Quæ mixta coniunctaque sunt minus cum contrarijs, ea magis talia uel talia. ueluti id albius est, quod minus admixtū habet nigrorem. Præter illos autem locos, qui supra enumerati sunt, hic alius est locus. Quod sibi magis rei de qua agitur ueram asciscit definitionē, uelut si candoris hæc sit definitio: Color affectum oculorum diuidēs, is albior color erit, quō magis dispersit aspectum. Quod si quasi non

generalis, sed quæ subiecta sit generi tanquam pars ponatur, primum loci qui expositi sunt ad confirmandum uel reprehendendum omnes ualent plurimum. Si quid enim omnino & totum cōfirmemus aut refellamus, etiam partem ostendimus: propterea quòd si quid in toto genere reperitur, etiam in parte: & si in nulla parte, in aliqua intelligi non potest. Aptissimi autem sunt loci, latissimæque patēt i, qui ex contrariis cōiugatisque sumuntur. Acque enim probabile est effari, si omnis uoluptas sit in bonis, etiam dolorem omnem in malis esse: ac si quæ uoluptas sit bonum, aliquem etiam dolorem esse in malis. Et si quis sensus nō sit uis & facultas, sequitur, ut sensus priuatio non sit imbecillitas. Et si quod opinabile est, sciētiæ subiectum sit, sit ut quædam opinio sit scientia. Rursum si quæ res iniusta sit in bonis, aliqua etiam res iusta sit in malis necesse est: & si quid eorū quæ iniuste fiūt malum est, aliquid etiam eorū quæ iuste fiūt, erit bonū: & si quid eorū quæ incūda sunt in rebus fugiendis sit, aliqua etiā uoluptas fugienda. Eodēque modo, si quid eorum quæ incūda sunt, utile sit, aliqua etiam uoluptas erit in bonis. Quod idem in iis quæ uim interimenti habent, & in ortu, & interitu contingit. Si quid enim quod uim habeat interimendæ uoluptatis, & scientia, in bonis est, sit etiam necesse est aliqua uoluptas & scientia in malis. Itēque si aliquis interitus scientiæ sit in bonis, aut ortus in malis, erit in malis aliqua scientia. ut si obliuio flagitiorum alicuius, in bonis, aut recordatio in malis numeretur, certē & cognitio flagitiorum alicuius in malis ducitur. Quod idem in cæteris cōtingit, propterea quòd eadē ratio uerisimilitudinis ualet in omnibus. Idem ex maiore,

minore

minore & pari efficitur, hoc modo: Si quid eorum qua ex
 alio genere sunt, magis tale uel tale sit, illorum autem nihil
 sit, efficitur ut id quod propositum est, nō sit eiusmodi. ut si
 qua scientia bonum sit potius quā uoluptas, nec ulla sit in
 bonis scientia, ne uoluptas quidem in iis numerabitur. Si-
 militer ex pari & minore licebit confirmare & refellere,
 nisi quōd ex pari utrunque efficietur, ex minore constitue-
 re solum, non etiam destruere. Si enim pari ratione, uis ali-
 qua in bonis sit & scientia, sit autem uis aliqua in bonis, e-
 tiam sciētia erit. Sin nulla uis & facultas, ne ulla quidem
 scientia. Si autem minore ratione uis aliqua bonum sit,
 quā scientia, sitque uis aliqua bonum, etiam scientia: Sin
 nulla uis in bonis ducatur, non necesse est, nullam etiam
 scientiam duci in bonis. Ex quo perspicuum est, locum ex
 minore solum uim habere ad probandum. Non solum au-
 tem ex cōparatione eorum, qua sunt diuersorum generū,
 argumentum duci potest, sed ex eodem etiam genere, si quis
 sumat quod sit in eo genere maxime tale. ut si qua ponatur
 esse in bonis scientia, probatūque sit non esse in bonis pru-
 dētiam, nulla alia numerabitur: quippe cum ne ea quidem
 qua maxime uideatur. Ex fīctione idem efficitur, si id ante
 conueniat, pari ratione si cui conueniat, etiā omnibus con-
 uenire aut non conuenire. ut si hominis animus sit immor-
 talis, etiam caterorum. Quōd si non hic, ne caterorum
 quidem esse. Si igitur in quāstione positum sit alicui con-
 uenire, non conuenire alicui docere debemus. Sic enim il-
 lud consequens erit ex fīctione nulli conuenire. Quōd si cui
 non conuenire ponatur, probandum est alicui conuenire.
 sic enim illud consequens erit, conuenire omnibus. Illud au-

tem perspicuum est, eum qui ex huiusmodi fictione argumentum ducit, ad generalem reuocare quaestionem quae in parte proposita est, eum enim uult qui partem concedat, totum etiam concedere: quādoquidem si uni, pari ratione aequum putat conuenire omnibus. Ac infinitae quidem quaestiones uno modo eueriti refelli que possunt: ut si uolūtatē bonum esse dixerit, aut non esse bonum, neque aliud quicquam exposuerit. Nam si uoluptatem aliquam in bonis esse dixerit, nullam esse omnino probandum est, si rem propositam uelit euertere. Item si uoluptatem aliquam non bonam esse enunciarit, omnino demonstrandum est omnem esse: aliter enim non potest reprehendi. Nam si uoluptatem aliquam non esse bonum, aut esse doceamus, nondum proposita res reprehensa est. Ex quo perspicuum est, rem infirmari uno modo posse, confirmari duobus. Siue enim omnino doceamus omnem in bonis uoluptatem duci siue aliquā, res confecta erit. Itemque si opus sit ostendere aliquam uoluptatem non esse in bonis, si nullam esse doceamus, aut aliquam non esse, utrum effecerimus, aliquam in bonis non esse uoluptatem docuerimus. Definita autem quaestione, duo ad refellendum loci suppetent, ut si quis ponat in bonis uoluptatem aliquam esse, aliquam non esse: siue omnis in bonis esse doceatur, siue nulla esse, res proposita infirmata erit. Quod si unam tantummodo in bonis uoluptatem posuerit, tribus modis id poterit refelli. Si enim omnem esse, uel nullam, uel plures docuerimus, rem propositam euerterimus. Si uero quaestio definita exposita quae sit pluribus, aeluti prudentiam solam ex uirtutibus esse scientiam, ad id reprehendendum quatuor modis instructi erimus. Nam si

doceamus

doceamus omnem uirtutem scientiam esse, aut nullam, aut etiam aliam, ueluti iustitiam, aut ipsam prudentiam non esse scientiam, euersum erit id de quo agitur. In quo uis erit, quid cuique rerum singularū quæ continentur sub specie de qua quæritur accidat, aut non accidat, uidere: quæ admodum de generalibus quæstionibus tradidi. Genera etiam uidenda sunt diligenter, eaque in partes, ut dixi, usque ad indiuidua, tribuenda. Siue enim in toto genere uideatur inesse, siue in nulla parte, postquā in singulis rebus aliquot, ita rem habere docueris, petendum est, ut omnino totumque concedat, aut certè occurrat, in quo non ita reperiatur. Postremò quibus in rebus, diuidi in specie diuersa, aut numero potest accidens, facta eius diuisione, nunquid conueniat uidendum est. ut tempus non moueri aut non esse motum, si probare uelimus, quot sint genera motus docendum est. Si enim nullum eorum conueniat tempori, tempus certè non mouetur, nec motus est. Itemque animum non esse numerum licebit docere, diuisione adhibita, omnem numerum aut parem esse aut imparem. Nā si animus neque par, neque impar sit, profectò esse numerus nullo modo potest.

Ac ex his quidem locis argumenta ducenda sunt, & depromenda ad confirmandum, uel refellendum accidens.

ARISTOTELIS TOPICORVM
LIBER III.

DEinceps ea quæ ad genus & proprium perti-
nēt, uideamus. In iis autem elementa defnien-
di tradentur: illa autem ipsa, raro in disputa-
tionem incidunt. Si igitur ponatur genus ali-
cuius eorum quæ sunt, primum uidendum est, an de aliquo
eorum quæ illi cognata sunt & uicina, minimè dicatur. ut
sit in accidētibus. ut si uoluptatis genus bonum statuatur,
an aliqua uoluptas non sit in bonis, uidendum erit. Nam si
ita fiat, certè uoluptatis bonum non est genus, quippe cum
genus in formis omnibus quæ sub ipsum subiectæ sunt, in-
telligatur. Deinde considerandum est, an in quaestione qua
quid sit res exquiritur, minimè dicatur, sed ut accidens. ut
id quod album est de niue, aut de animo, id quod pulsu suo,
& interiore agitur. Neque enim idem nix est quod albū
aliquid. itaque non est id quod album est niuis genus, nec
animi id quod à se mouetur: accidit enim ei ut moueatur,
quemadmodum sæpe animali ut ambulet. Præterea quod
à se mouetur, nō quid est, sed facere aut pati indicat. Itē-
que id quod album est, non naturam niuis significat, sed
qualitatem. Ita neutrum eorum in naturæ quaestione dici-
tur. Maxime uerò an definitio accidentis in id genus quod
datum est, conueniat, spectare debemus. Nam ut in eo exē-
plo quod modo protuli, permaneam, fieri potest ut aliquid
seipsum, & moueat, & non moueat. Itēque ut album sit
aliquid & non album. ex quo efficitur, neutrum eorum ge-
nus esse, sed accidens. quandoquidē accidens diximus esse,
id quod

id quod & conuenire alicui potest, & non conuenire. Iam illud etiam uidendum est, an non in eadem diuisione, genus & species numerata sint. unumque eorum ad substantiã, alterum ad qualitatem: aut illud ad ea quæ cum aliquo conferuntur, hoc ad qualitatem pertineat. ueluti nix & cygnus ad substantiam: id autem quod album est, non ad substantiam, sed ad qualitatem pertinet. Ita id quod albū est, nec niuis genus est, nec cygni. Rursus, quoniam sciētia in iis est quæ cum aliquo conferuntur, bonum autem & honestum in qualitate, sit, ut honestum, aut bonum non sit genus scientiæ, præsertim cum eorum quæ cum aliquo conferuntur genera, etiam ipsa in eodem genere esse debeant. Id quod in duplo cernere licet. Nam cum multipulum dupli sit genus, ipsum etiam in iis est, quæ cum aliquo conferuntur: atque ut summatim dicam, eidē diuisioni, cui species, genus subiici debet. Siue enim species substantia sit, etiam genus: siue qualitas sit species, etiã genus qualitas sit necesse est. Ut si candor ad qualitatem referatur, color etiam refertur. Quod etiam fit in cæteris. Præterea uidendum est, an necesse sit, aut possitne genus eo participare quod in genere positum est, definitio autem participandi est, eius quod communicatur, recipere definitionem. Ex quo perspicuum est, species generum participes esse, genera formarum non esse, quãdoquidem generis cum specie communicatur definitio, speciei cum genere non item. Illud ergo uidendum est, genusne id de quo agitur, particeps sit, an possit esse speciei particeps. ut, si quis eius quod est, aut unius aliquod genus tradat. Ita enim fiet, ut particeps sit formarū genus. quoniam in rebus omnibus quæ sunt, id quod est & unum in-

intelliguntur: ergo etiam eorum definitio. Illud etiā, an species data & proposita in aliqua re uere dicatur, genus nō dicatur: ueluti si id quod est, aut quod sciri potest, opinabile ponatur genus: de his enim rebus, quæ nulla sunt, opinabile dicitur. quoniam multa eorum quæ nulla sunt, in opinione consistunt. Id autem quod est, aut quod scientia comprehenditur, de iis quæ nulla sunt, ut perspicuum est, nō dicuntur. Ex quo fit ut neque id quod est, neque id quod scientia comprehenditur, sit genus opinabile: præsertim cum in quibus species dicitur, genus quoque dici debeat. Præterea illud etiam considerandum est, an nullius formæ id quod positum est, in genere particeps esse possit. fieri enim non potest, ut generis sit particeps, id quod nullius formarum est, nisi forte aliquid eorum sit, quæ in diuisione prima formarum collocantur, quæ omnia genere tantummodo participant. Si igitur motus ponatur uoluptatis genus esse, an neque interitus, neque commutatio, neque ullus motus alius eorum qui eodem genere continentur, uoluptas sit, uidendum est. Perspicuum est enim, nullius formæ recipere posse communionem: ita ne generis quidem: quandoquidem id necesse est, quod generis est particeps, alicuius etiam particeps esse formarum. Ita sit, ut motionis species uoluptas esse non possit, neque indiuiduorum, neque eorum, quæ subiecta sunt sub specie motionis: quādo quidem generis speciei-que cum indiuiduis definitio communicatur, ut certus homo, & hominis particeps est, & animalis. Præterea illud etiam uidendum est, an id quod positum est, in genere in pluribus quā genus intelligatur. ut opinabile in pluribus quod id quod est, dicitur. Etenim id quod est & quod non est, in opinione

opinionē cōfidit. Ita opinabile eius quod est, species esse nullo modo potest. Semper enim ad plura genus quàm species pertinet. Itēque illud, an genus in totidem rebus quos forma dicatur. ut si eorum quæ res omnes consequuntur, unū genus, alterum species statuatur, qualia sunt id quod est, & unum. Omnibus enim in rebus id quod est, & unū intelliguntur. Neutrū igitur alterius esse genus potest, quandoquidem in rebus paribus æqualibūque dicuntur. Quod etiam fiet, si quod primum est & principium, alterum alterius genus esse statuatur. Nam & initium primum est: & quod primum est, id initium. Ita si utrumque idem ualeat, certe neutrum alterius genus futurum est. In quibus omnibus illud initium & quasi elementum nobis propositū esse debet, Genus ad plura quàm speciem differentiāque pertinere. Pauciora enim quàm genus, etiam continet differentia. Animaduertendum etiam est, an id quod pro genere adhibitum est, non est genus alicuius eorum quæ specie non differunt, an etiam non possit uideri. Is quidem qui rem confirmabit, sitne cuiuspiam uidebit. Est enim omnibus iis quæ specie non differunt, idem datum genus. quod si unius docuerit esse, profectò omnium esse ostenderit: sin unius non esse docuerit, certè nullius docuerit. Ut si quis indiuiduas lineas ponat, dicatque earum genus esse id quod secari non potest: linearum enim earum quæ diuidi possunt, non est genus id quod datum est, cū specie non differant: quandoquidem recta linea omnes specie non differunt.

ILLVD etiam, an sit aliud aliquod genus eius speciei quæ data est, quod nec genus propositum contineat, neque sub illud subiectum sit, ut si quis iustitia genus esse scientiā

ponat. quoniam enim genus est etiam uirtus, neutrumque genus alterū continet, scientia genus esse iustitia nullo modo potest. Cum enim species una duobus generibus subiecta est, tum alterum altero continetur. Quanquam de nonnullis quaestio est. nonnullis enim & uirtus, & scientia prudentia uidetur esse, nec alterum genus altero contineri: non tamen omnium consensu prudentia scientia est. Quod si quis id quod dixi uerum esse concedet, at certe alterum alterius genus esse, aut sub eodem genere utrunque subiici, quod eodem genus sit necesse est. quod & in uirtute, & in scientia contingit. utrunque enim eidem generi subiectum est, quippe cum eorum utrunque habitus sit & affectio. Illud igitur uidendum est, an neutrum generi proposito conueniat: quoniam si nec alterum altero continetur, nec utrumque eodem, certe id quod propositum est, esse genus nullo pacto potest. Spectandum etiam genus est propositi generis, & semper id genus quod supra est, omniāne illa de specie dicantur, & in quaestione naturae intelligantur. De specie enim in quaestione naturae genera quae supra sunt dici debent omnia. Quod sicubi hac non constet ratio, profectō id quod propositum est, non est genus. Iam illud etiā considerandum est, an speciei cum genere, aut cum aliquo genere eorum quae supra sunt, communicetur definitio. Quod enim genus supra est, nullius eorum quae infra sunt, definitione participat. Ac ei quidem qui partes infirmandi obtinet, ita ut dixi, hic tractandus locus est. Ei autem qui probabit rem, si speciei, genus propositum conuenire constiterit, in dubium autem ueniat, an ut genus conueniat: satis erit aliquod eorum generum quae supra sunt, dici de specie in quaestione

quæstione qua quid quicque sit exquiritur, docere. Etenim si unum aliquod in illa quæstione dicatur, certè omnia & quæ hoc priora antiquioraque sunt, & quæ posteriora: si quidem de specie dicantur, in naturæ quæstione dicentur. ex quo efficitur, id genus quod datum sit, in eadē quæstione dici. Quòd si unum in naturæ quæstione dicatur, cætera etiā omnia, si quidem dicantur, in eadē dictum iri quæstione, inductione concludendum est. Sin an omnino genus propositum speciei conueniat in controuersia uersetur: non satis est docere, unū aliquod genus eorum quæ supra sunt, in naturæ quæstione dici de specie. uelut si quis ingressui genus dederit delationem, non satis est ingressum esse motionem docere, ad probandum ingressum esse delationē, quādoquidem alia sunt etiam motionum genera: sed ante docendum est, ingressum nullius eorum, quæ in eadem diuisione, qua delatio collocantur, nisi delationis retinere definitionem. Quod enim particeps est definitionis generis, id alicuius etiam formarum quæ prima partitione continentur, definitione participet necesse est. Quòd si ingressus nec accretionis, nec imminutionis, neq; aliarum motionum sibi definitionem uendicet, profectò delationis uendicet necesse est. ita ingressus delatio genus erit. Præterea in quibus species posita ut genus dicitur, considerandum est, an etiam genus quod datum est, in quæstione naturæ de ijs de quibus etiam forma, dicatur: itēque an quæ supra genus sunt omnia. Nā si quo loco hoc non conueniat, certe id quod datum est, generis nomen non obtinebis. Etenim si genus esset, omnia & quæ supra sunt, & ipsum illud in naturæ quæstione dicerētur, quemadmodum etiam species in ea quæstione

dicitur. Commodum igitur erit ei qui refellendi partes ob-
 tinebit, non dici genus in quaestione qua quid sit quaeretur,
 de ijs omnibus de quibus etiam forma dicatur. at ei qui cō-
 firmabit in ea dici quaestione. Ita enim efficietur, & ge-
 nus & formam de eodē in quaestione natura dici: ex quo
 consequens erit, idem duobus generibus esse subiectum. Al-
 terum igitur altero contineatur necesse est. Quòd si demō-
 stratum sit, id genus quod constituere uolumus, nō esse sub-
 iectum sub specie, profecto species sub eo subiecta erit. Ita o-
 stensum erit, generis id nomen obtinere. Videndum etiā
 est, an speciei proposita, iisque quibuscum species commu-
 nicatur, generū conueniat definitio. Necesse est enim in spe-
 cie, iisque omnibus qua specie participāt, generum dici de-
 finitiones. Quòd si quo loco non conueniat, certe quod da-
 tum est, generis nomen non obtinet. Illud etiam, num dif-
 ferentiā pro genere adhibuit: ut si immortale genus dei di-
 xerit. Est enim animantium differentia immortalē: quan-
 doquidem animantium alij sunt mortales, alij immorta-
 les, ex quo perspicuum est in errore illum esse uersatū, quo-
 niam nullius rei genus differentia est. Quod uerum esse ex
 hoc intelligi potest, quia differentia quid res sit, nō indicat,
 sed potius quale quid sit, quemadmodum gradicens & bi-
 pes. Illud etiam, an differentiam in genere quasi speciem po-
 suerit, ut si quis impar speciem numeri dixerit. differentia
 enim numeri est impar, non species: nec differentia generis
 est particeps, praesertim cum quicquid generis est particeps,
 id uel species sit, uel indiuiduum: & differentia nec speciei
 nec indiuidui nomen obtineat omnino. Ita sit ut generis nō
 sit particeps differentia. Nō igitur impar species est, sed dif-
 ferentia,

ferentia, quandoquidem nō est particeps generis definitio-
nis. Præterea illud etiam considerandum est, an genus in
formarum numerum retulerit: ut contiguitatem idem esse
quod continuationem: aut permixtionem idem quod tem-
perationem: aut ut Plato definit, delationem, loci mutatio-
nem, neque enim necesse est contiguitatem continuationem
esse: sed contrā, continuationem contiguitatem esse necesse
est. quippe cum non omne quod coaptatur continuetur: sed
quod continuatur aptatur. Quod idem sit in cæteris: neque
enim cōfusio omnis temperatio est, quoniam siccorum per-
mixtio non est temperatio: nec mutatio loci omnis, delatio.
Ingressus enim delatio non uidetur esse, propterea quod in
ijs tantummodo quæ ui non sponte, & uoluntate sua locū
mutant, dicitur. id quod in rebus inanimis cōtingit. Ex quo
intelligitur speciē, quā genus in pluribus dici, in ijs quæ
data sunt, cum contrā necesse sit fieri. Videndum etiam il-
lud est, an sub formarum aliqua differentiam collocarit.
ueluti si immortale idem esse quod deū dixerit. Ex eo enim
consequens, erit id quod inferius est specie in paribus aut
pluribus dici specie. semper enim in paribus rebus aut in
pluribus, quā species differentia dicitur. Etiam illud an
genus sub differētia quasi speciem reposuerit, ut colorē sub
eo quod uim habet ad aspectū oculorum comparādum, uel
numerum sub impari. Itēque illud, an genus dixerit dif-
ferentiā. Fieri enim potest, ut aliquis hoc propositū afferat
& inducat, temperationis differentiā esse confusionē, aut
delationis, loci immutationem. Atque hæc omnia ex iisdem
locis, quoniam inter eos communio est & societas quædam
intelligenda sunt. Nam & genus in pluribus dici debet

ARISTOTEL. TOPIC.

quàm differentia, & differentia non esse particeps. quòd si ita, ut in superioribus exemplis, genus detur, neutrũ eorũ quæ exposuimus accidere potest. Sic enim & in paucioribus dicetur genus, & participabit differentia. Præterea illud intelligendum est, si differentia nulla earum quæ generi subiecta sunt, de specie quæ data sit, dicatur, ne genus quidem dictum iri. nam quoniam de animo, nec impar, nec par dicitur, eo fit, ut ne numerus quidem. Iam uerò si species sit prior naturæ ordine, & genus una secũ tollat, & euertat, nã id contra fieri debet. quod idem fit si species genus expressum & propositum, aut differentiam, potest relinquere, ut animus motum, aut opinio uerum & falsum. neque enim alterum eorum genus potest esse, aut differentia, quoniam quandiu species est, eam & genus & differentia sequuntur.

ATQVE etiam illud uidendum est, an idipsum quod positum est genus esse alicuius, particeps sit definitionis contrarij generis, aut esse possit. sic enim eadem res simul contrariorũ poterit esse particeps, propterea quòd species nunquam genus prætermittit: & contrarij est aut potest esse particeps. Illud etiã, an cum specie aliquid communicetur, quod ijs quæ subiecta generi sunt, conuenire non possit omnino. ut si animus uita est particeps, nec ullus numerus possit uiuere, certè animus esse numeri species nullo modo potest. Illud etiam uidendum est, an species multis uarijsque modis cum genere collata dicatur. In quo ex locis eorũ quæ multis modis dicuntur quos exposuimus, argumenta nobis suppetent. Sunt enim genus & species synonyma. Cũque omnium generum multa sint forma ac species, considerandum

dum est, an possit alia species esse illius generis quod datum est. Nam si non sit alia species, profecto id quod propositum est, in numero generum non est habendum omnino. Illud etiam, an quod per translationem dicitur, pro genere sit positum. ueluti si quis temperantiam cōcordiam concentumque dixerit. Nam cum genera omnia proprie de formis dicantur, concentus de tēperantia non proprie, sed per translationem dicitur. quandoquidem concentus omnis in sonis cernitur. Iam uerò an aliquid speciei contrariū sit, uidendum est. qui sane locus multis modis tractari potest. Primū, si in eodem genere etiam contraria reperiuntur, cū interim nihil sit generi contrarium. In eodem enim genere contraria inesse debent, si nihil generi sit cōtrarium. Quod si quid contrarium sit generi, an contrariū in contrario sit uidendum est. Contrarium enim, si quidem sit generi aliquid contrarium, in contrario necesse est esse, quæ omnia ex inductione intelligi licet. Præterea illud etiam, an in nullo omnino genere id insit quod speciei contrarium est, sed genus ipsum sit: quale est bonum. Nam si illud in genere non reperiatur, nec cōtrarium quidem eius in genere reperietur, sed ipsum in generū numero habebitur. Quod in bono maloque cōtingit: quorum neutrum ad genus refertur ullum, sed utrunque eorum genus est. Illud etiam, an contrarium & genus sit alicui & species, & quibus aliquid est interiectum, & quibus nihil est. Nam si quid interiectum sit generibus, etiam formis est: & si formis, etiam generibus uicissim. Quod in uirtute & uitio, iustitia & iniustitia perspicui licet: quorum utrisque aliquid interiectum est. Huic loco occurritur, inter ualitudinē & morbum nihil mediū

esse, inter malum & bonum aliquid esse. Tum uidendum
 est, an inter species & genera aliquid interiectū sit, nec eo-
 dem modo, sed ita ut inter alia negatio interiecta sit, inter
 alia res aliqua subiecta: siquidem eodē modo utrisque pro-
 babile est data esse. Ad quod uidere licet in uirtute & in ui-
 tio, & in iustitia & iniustitia, quibus aliqua interiecta est
 negatio. Porro quando non erit generi contrarium, non so-
 lum illud uidendum est, an cōtrarium in eodem genere re-
 periat, sed etiam illud quod medium est, quandoquidem
 in quo extrema, etiā medio collocatur, quod in candore &
 nigrore contingit. Nam & eorum & colorū omnium qui
 mediū sunt & interiecti, color genus est. Cui tamen loco oc-
 curritur. Parum enim & nemiū cum in eodē genere repe-
 riantur (sunt enim in malis) tamen mediocritas quæ ijs in-
 teriecta est, nō in malis est, sed in bonis. Illud etiā, an genus
 alicui, species nulli sit cōtraria. Nā si genus alicui contrariū
 est, etiā forma est, ueluti uirtus & uitiū, iustitia & iniu-
 stitia. Quod idē in ceteris omnibus perspicui licet. Hoc tamē
 loco nobis occurritur. ualetudo enim uniuersa, morbo
 contraria est, certus autem morbus cum morbi sit species,
 nulli contrarium est. ut febris, ut oculorū dolor, & singuli
 alij. Ac ei quidem qui refellendi partes tuebitur, tot modis
 hæc uidenda sunt. quoniam si ea ipsa quæ exposuimus mi-
 nus reperiantur, certe quod datum est & propositum, nō
 est genus. Ei autē qui confirmabit, tribus ex locis ad dispu-
 tandum suppetet copia. Primus est, si quod contrariū est spe-
 ciei, id in eo genere situm sit quod positum est, cum interim
 contrarium generis minime reperiat. Si enim cōtrarium
 ad aliquod genus pertineat, profectō propositum etiam ad
 illud

illud genus pertinebit. Alter locus est, si id quod interiectū est & medium, ad genus propositum referatur: ad quod enim genus media, etiam extrema referuntur. Tertio loco, si quid contrarium est generi, an etiam contrariū sit in contrario, uidendum est. si enim sit, profecto propositum etiam genus sit in proposito necesse est.

At uero & ei qui infirmabit, & ei qui confirmabit, à casibus & coniugatis uidendum erit, an eodem modo sint consequentia quæ proponuntur. Nam si semel in uno, etiam in omnibus intelligitur aut nō intelligitur: ueluti si iustitia scientia quædam est, etiam id quod iuste fit scienter fiat, & iustus sciens sit necesse est. Quod si nihil eorum sit, ne aliorum quidem esse aliquid potest. A simili hoc modo: Quod iucundum est, eandem habet rationem ad uoluptatem quā id quod utile est ad bonum: siquidem utrunque utriusque efficiens est: ita fit, ut si uoluptas sit in bonis, etiam id quod iucundum est, sit in ijs quæ utilia sunt. Perspicuum est enim boni esse efficiens, quādoquidem uoluptas est in bonis. Hoc etiam modo locus ab origine & ortu interitūque ducitur. ut si edificare, sit agere: edificasse etiam erit egisse. & si discere est recordari, certe didicisse recordatum esse erit, & dissolui, interire est: profecto & dissolutum esse interisse erit, & dissolutio aut direptio, interitus. Eadem est ratio eorum quæ uim habent ad gignendum & interimendum. Itēq; uis & usus, omninoq; in quauis similitudine, & is qui refeller argumentationem, & qui confirmabit, eodem modo perspicere debet, quomodo in loco ab ortu & interitu exposuimus. Si enim id quod uim habet ad interimendum, uim etiam habet ad dirimendum, etiam interire erit diri-

mi: & si id quod uim habet ad gignendum pertineat ad efficiendum, certe & gigni idem quod fieri erit, & ortus idē quod affectio. quod de ui & usu eodem modo iudicandum est. Nam si uis affectio sit, etiā posse, affici erit. & si alicuius rei usus & functio actio sit, profecto & fungi idē quod agere: & functum esse, idem quod egisse ualebit. Quod si priuatio erit id quod speciei contrarium est, dupliciter licebit refellere. Primo quidem, si in genere quod propositū est, id contrarium reperiatur. Aut enim in nullo omnino genere eodem, aut certē non in extremo priuatio est: ueluti si aspectus in extremo genere sensu insit, certē sensus cecitas esse non potest. Deinde si & generi & speciei contraria sit priuatio, neque sit contrarium in contrario, ne id quidem genus quod propositum est, in proposito intelligatur. Atque is quidem qui refellit, argumenta sumet, quemadmodum exposui: qui autē cōfirmabit, unum tantūmodo depromet, hoc modo: Si contrarium in contrario, etiā propositū genus in proposito reperiatur necesse est: ut si cecitas, quaedam sensus uacuitas sit: etiā aspectus sensus sit necesse est. Ab aientibus autē & negantibus, commutato ordine quēadmodum in accidentibus expositum est, argumenta ducenda sunt, hoc modo: Si quod iucundum est, bonū est: quod est non bonum, id non iucundum est. si enim non ita sit, erit aliquid iucundum, quod non est bonum. Fieri autem non potest, ut si bonum genus sit, eius quod iucundum est, sit aliquid non bonum iucundum: præsertim cum in quibus genus nō dicitur, ne ulla quidem species in ijs dici queat. Hoc quidem modo ei qui confirmabit ducendum argumentum est: Si quod non bonum est, id non iucundum est, quod iucundum

cundum est, in bonis est. ita genus est bonum eius quod iucundum est. Quòd si in iis sit species, quæ cum aliquo cõferuntur, an etiam genus in iis sit uidendum est. Si enim species in eorum habeatur numero, quæ cum aliquo conferuntur, etiã genus habeatur necesse est. quod in duplo & multiplo cernere licet, quorum utrunque in iis est quæ cum aliquo conferuntur. At uerò non si genus ad ea pertineat, speciem etiam pertinere necesse est. Nam & scientia in iis est, & grammatica non item, aut certè ne id quidem quod supra diximus, uerum uideri potest. nam cum uirtus in bonis sit & in rebus honestis, uirtusque in iis quæ cum aliquo cõferuntur, tamen nec bonum, nec honestum in iis quæ cū aliquo conferuntur, sed in qualibus. Præterea uidendum est, an species non ad idem referatur, per se, & generis ratione, ut si duplum simpli dicitur duplum, etiã quod multipulum est ad simplum referri debet: sin minus, certè multipulum esse genus dupli nullo modo potest. Itémque illud, an minime ad idem referatur, & generis, & omnium generum superiorum ratione. si enim duplum sit simpli multipulum, erit etiam duplum exuperans simplum, omninòque omnium generum quæ supra sunt ratione ad simplum referetur. Quanquam huic loco occurritur: propterea quòd non necesse sit, ipsum per se & generis nomine cum eadem re conferri. Nam cum scientia ad rem quæ scientia cõprehenditur, referatur, tamen habitus, & affectio non ad rem quæ sub scientiam cadit, sed ad animum pertinet ac referatur. Illud etiam, an genus & species iisdem casibus explicetur. ut an alicui tribuatur, an uerò alicuius sit, aut aliò modo dicatur. Eadem enim est ratio speciei & generis.

Id quod fit in duplo, iisque omnibus quæ supra sunt. Alicuius enim rei & duplū & multipulum, duplū multiplūque dicitur, quod eodem modo de scientia iudicandum est. Alicuius enim scientia, & ipsa scientia, & genera, ut affectio, ut habitus esse dicuntur. Occurritur tamē interdum, non ita rē habere, propterea quod differens & contrariū alicui contrario dicitur, cum interim diuersum quod illorū genus est, non alicui diuersum, sed ab aliquo dicitur. Diuersum enim quid ab aliquo nominatur. Rursum, illud uidendum est, an ea quæ cum aliquo cōferuntur, iisdem casibus explicentur, minimēque reciprocentur eodem modo. ut sit in duplo & multiplo, quorum utrumque alicuius & ipsum, & cum uicissim reciprocatur, dicitur. Nam & simplicum, & subduplum alicuius rei simplicum & submultiplū appellatur, quod idē in scientia & opinione coniungit, quæ alicuius esse dicuntur. Itēque reciprocantur. Nam quod sub opinionē cadit & scientiam, eodem modo in datiuo, cū scientia & opinione reciprocatur: ex quo fit, ut si in aliquo non uicissim respondeat alterum alteri, non sit futurum genus. Illud etiam uidendum est, an in hoc ipso genere quod tractamus, genus & species paribus casibus explicentur, quoniam iisdem paribūque casibus utrumque dici debet, quod fit in dono & largitione. Nam & donū, alicuius donum, & alicui dono datum esse dicitur: & largitio alicuius largitio, & alicui facta largitio dicitur. quorum largitio genus doni est. Est enim donum, largitio quæ reddi nō debet. Quanquam non nulla sunt in hoc genere, quæ paribus casibus non efferantur. Duplum enim alicuius duplum est. quod autē uincit & maius est, & aliqua re ma

ius est, & aliqua magnitudine maius est. Quicquid enim præstat, id excellentia aliqua præstat, & alicui rei præstat. Ita non sunt genera dupli quæ proposita sunt: quandoquidem paribus casibus ea & species non exprimuntur, aut certè non omnino uerum est, speciem & genus paribus casibus efferri. Atque etiam illud uidendum est, ut contrarij contrarium genus sit, ut dupli multiplū, & simpli submultiplum, contrarium enim contrario genus esse debet. Quod si quis scientiam ponat esse sensum, id etiam quod sub scientiam cadit, sub sensum cadere oportebit. non ita est. neque enim omne quod scientia comprehenditur, mouet sensum: cum præsertim quædam eorum quæ intelligentia & ratione continentur, subiecta sint scientiæ: ita non est genus eius quod scientia comprehenditur, id quod sub sensum cadit. quod si ita non est, ne sensus quidem scientiæ genus est. Quoniam autem eorum quæ cum aliquo conferuntur, partim necesse est, in iis sita esse quibus cum conferuntur, ut affectio, ut habitus, ut apta compositio membrorum, quæ in nullo alio possunt inesse quàm in iis ad quæ referuntur: partim non est necesse in iis sita esse ad quæ pertinent, potest tamen, ut ita sit, euenire: (ut si animus est, qui scientia contineatur: nihil prohibet animum sui continere scientiam, & tamen non est necesse: cum præsertim fieri possit, ut hæc ipsa in alio sita sit) partim non possunt in iis inesse omnino ad quæ referantur, ut contrarium in contrario esse non potest, neque scientia in eo quod subiectum est scientiæ, nisi cum animus aut homo ea sunt quæ sub scientiam cadunt: illud uidendum est, an aliquis ad aliquod genus eiusmodi quippiam retulerit quod.

non est eius generis. ut si quis memoriam retentionem scientia dixerit. Omnis enim retentio in eo sita est quod retinet. Ita fit ut scientia retentio in scientia sita sit. memoria igitur in scientia sita erit: quandoquidem scientia retentio est. quod fieri non potest. Omnis enim memoria in animo sita est. Hic autem locus ad accidens referri potest: nihil enim interest, utrum memoriae genus sedem & retentionem dicamus. an ei hoc accidisse: quoniam si quouis modo, memoria, retentio sit scientia, eadem ac ei attribuetur ratio.

ILLUD etiam intelligendum est, si quis habitum pro actione dixerit, aut actionem pro habitu, eorum neutrum esse genus. ut si quis sensum, motum corporis dixerit. est enim sensus habitus, motus autem actio. Quod idem fiet, si memoriam habitum continendae opinionis appellauerit. nulla enim memoria habitus est, sed potius actio. Errant etiam ii, qui habitum statuunt esse vim quae consequens est ex habitu, ut clementiam irae continentiam, & fortitudinem atque iustitiam, metus lucrique continentiam. Nam & fortis clementisque uacuus à perturbatione dicitur: & continens is qui est in perturbatione, neque ab ea uincitur. Ac uis quidem ex utroque, talis fortasse consequitur. ut si quis in perturbatione, non ab ea uincatur, sed eam uincat, sed tamen fortem aut clementem esse, non est hoc se modo continere, sed nihil omnino ab iis perturbationibus agitari. Interdum etiam quod ex re qualibet consequens est, id pro genere dicunt. ut dolorem, irae genus, & fidei, opinionem. utrumque enim eorum cum ex forma propositis quodammodo consequatur, neutrum tamen in numerum generum uenit. qui enim irascitur, dolet ille quidem, sed ita ut dolorē ante esse quam

quàm iram intelligamus, quandoquidem non ira doloris, sed dolor iræ causa est. ex quo efficitur, ut ira non sit dolor omnino. Ex quibus etiam intelligi potest, fidem non esse in opinione. Fieri enim potest, ut is etiam qui nō fidem habeat, eandem habeat opinionem. quod fieri non posset, si quidem fides esset opinionis species. Non enim fieri potest, ut idem etiam permaneat aliquid, si ex specie omnino aut genere in genus transferatur: quemadmodum fieri non potest, ut aliquid sit idem animal, & aliàs homo sit, aliàs nō sit. Quòd si quis cōtendat, necesse esse eum qui opinetur etiam credere, idemp aria esse & a què patere opinionem ac fidem fatebitur. Ita non erit genus, quoniam genus ad plura debet pertinere. Illud etiam uidendum est, an in aliquo eodem utrūque inesse possit. In quo enim genus inest, etiam species. ut in quo candor existit, etiam color: & in quo grammatica, etiam scientia solet existere. Si quis igitur uerecundiam metum esse dicat, aut iram dolorem, nō efficietur, ut in eodem genus speciesque intelligantur. Est enim uerecundia in ea parte animi sita, quæ rationis est particeps, metus autē in ea in qua irarum existit ardor, & dolor in ea in qua cupiditates uersantur: quoniam in ea etiam uoluptatis est sedes: ira uerò in qua ira uersatur. Ex quo efficitur non esse genera ea quæ proposita sunt, quandoquidem nō in eo ipso insunt in quo species & forma. Itēq; si amicitia in ea sit parte in qua uoluptates habitant, non erit uolūtas aliqua, præsertim cum uoluntas omnis in ea parte sita sit quæ rationis est particeps. Valet etiā hic locus ad subiecta & accidentia, in quo enim accidens situm est, etiam id cui conuenit situm est: ita fit ut si in eodem non existant, non sit acci-

ARISTOTEL. TOPIC.

des. Illud etiam, an quoddam ex parte cum specie genus quod datum est communicetur. Non enim quadam ex parte genus communicatur, quippe cum homo non sit quadam ex parte animal, nec grammatica aliqua ex parte scientia, quod idem in ceteris contingit. Illud ergo considerandum est, an quadam cum genere quadam ex parte communcentur. ueluti si animal, cadere sub sensum: aut aspectabile quoddam esse dictum est. Animal enim & sub sensum, & sub aspectum quadam ex parte cadit. quandoquidem corpore sensum & aspectum mouet, animo autem non mouet. ex quo sequitur non esse genera animalis aspectabile, & quod sensum mouet. Falluntque nos interdum ij qui totum ad partem transferunt, ueluti animal ad corpus animatum: atqui pars in toto nullo modo dicitur, non est igitur corpus genus animalis, quandoquidem pars eius est. Atque illud etiam spectandum est, num quid eorum, quae uituperanda & fugienda sunt, ad uim, aut ad id quod aliquid potest, relatum sit: ut si sophistam eum statuerit aliquis, qui potest parare pecunias sapientia, quae in eo uidetur existere: aut calumniatorem eum, qui potest calumniari, & ex inimicis inimicos facere: aut furem eum, qui potest clam aliena furari. nemo enim eorum quos exposuimus eiusmodi appellatur, ex eo quod possit aliquid eorum efficere. Quandoquidem & deus potest, & uir bonus quae mala sunt efficere, cum interim non sint eiusmodi. Omnes enim improbi ex animo & uoluntate nominantur. Præterea omnis uis & facultas in numero expetendorum habentur. etenim malorum uis expetenda est. Itaque deum & uiros bonos ijs ipsis pradtos esse dicimus. Eos enim fatemur res malas & flagitiosas agere posse.

se. Ita sit ut uis nullius rei, quæ quidem uituperanda sit, genus possit esse. Sin secus, certè efficietur, ut aliquid eorum quæ uituperanda sunt, sit expetendum. Sic enim uis aliqua uituperanda erit. Itémque illud uidendum est, an aliquid eorum quæ propter se & per se honorabilia sunt, aut expetenda, ad uim & facultatem, aut ad id quod potest aliquid, aut quod efficiens est, relatū sit. Vis enim omnis, & quicquid aliquid potest, aut efficiens est, id omne propter aliud expetendum est. Aut, an aliquid eorum quæ duplex habet genus, aut plura, ad alterum retulerit. Sūt enim quædam, quæ ad unum genus referri nō possunt, quo in genere sunt impostor, & calumniator. neque enim is calumniator aut impostor habendus est, qui uult, nec potest, neq; is qui potest, neque uult, sed is demum in quo utrūque horum inest. ex quo efficitur, ea quæ posita sunt non in uno genere, sed in utroque esse collocanda. Iam uerò contrā interdum genus pro differentia, & differentiam pro genere dicunt. ut stuporem magnitudinem admirationis, & fidem stabilitatem opinionis. neque enim magnitudo, neq; firmitas & stabilitas generis, sed differentia nomine appellari debent. quoniā & stupor admiratio est nimia, & fides firma opinio. ex quo perspicuum est, & admirationem genus esse & opinionem: magnitudinem uerò nimiam, & firmitatem, esse differentiam. Præterea si quis exuperantiam & firmitatem pro genere explicauerit, efficietur ut res inanime & fidem habeant & consternentur. Nam quoniam inest uniuscuiusque rei firmitas, & magnitudo, aut exuperantia in eo cuius est firmitas & exuperantia, certè si stupor exuperantia est admirationis, stupor inerit in admiratione: ita

obstupescet admiratio. itēque fides erit in opinione: si quidem firmitas opinionis est. ex quo efficitur opinionem credere. Consequens etiam erit, ut is qui isto pacto de genere sentiet, firmitatem firmam exuperatiāque nimiam esse fateatur: quandoquidem fides aliqua firma est. Si igitur fides firmitas sit, certē firmitas firma futura est. Itēque quoniam stupor aliquis nimius est, si stupor exuperantia sit, erit nimia exuperantia. quorum neutrum uerum est, quemadmodum nec scientia, id est, quod sub scientiam cedit, neque motus id quod mouetur. Errant etiam interdum ij qui affectionē eius faciūt speciem cuius est affectio, quales sunt ij, qui immortalitatem uitam sempiternā esse definiunt. Est enim affectio quaedā, aut certe comes uitae immortalitas, quod uerum esse fiet perspicuum, si quis ex mortali immortalem effici concesserit. Nemo enim cum hominē aliam uitam degere, sed aliquid ei conuenire, aut affectionem accidere fatebitur. Ita fit ut immortalitatis uita nō sit genus. Quo etiam in errore uersantur ij qui affectionem eius rei cuius est affectio, genus esse ponunt, ut uentum esse aerem motum & agitatū. Est enim potius uentus, aeris impulsio: quandoquidem idem aer & cum agitur, & cū stat, permanet. ex quo efficitur uentum nō esse omnino aerem. Effet enim uentus etiam si aer non impelleretur: siquidem idem aer qui uentus erat, permanet. Similis est ratio caterorum eius generis. Quod si etiam in hac re uentū esse aerem impulsū & agitatū concedere debeamus, at certē non omni ex parte id approbandum est: non iis quidem in rebus, in quibus hoc tale genus non uere dicitur, sed in iis in quibus uerē intelligitur genus id quod propositum est.

Sunt

Sunt enim quædam in quibus non uerè dicitur: ex quo genere sunt, nix & cænum. Aiunt enim niuem esse aquã congelatam atque cõcretam: cænum uerò terram humore tẽperatam: atque neque cænum terra est, neque nix aqua: Neutrum igitur genus esse eorum quæ proposita sunt, nullo modo potest: quippe cum semper genus de formis uere dici debeat. Item ne uinum quidem aqua est putris, ut ait Empedocles, Aqua putruit in ligno. Iam uerò si omnino nullius sit genus id quod datum est, perspicuum est ne eius quidem quod positũ est esse. quod hinc intelligi potest, quia nihil specie differunt ea omnia, quibus cũ genus id quod datum est, communicatur. Cuius generis sunt alba quæ specie inter se non differunt. Species autem omnis generis differunt. Non igitur id quod album est, ullius genus esse potest. Illud etiã uidendum est, idne pro genere aut differẽtia dixerit, quod ex rebus omnibus consequẽs est. Sunt enim multa quæ res omnes consequuntur, ueluti id quod est, & unum in ijs sunt quæ rem omnem sequuntur. Itaque si id quod est genus esse posuerit, certè omnium rerum genus futurum est, quãdoquidem in ijs dicitur: genus autem de nullo nisi de formis dicitur. Ita unum eius quod est, species esset. ex quo efficere-tur, in ijs omnibus in quibus genus, etiam speciẽ dici. quãdoquidem & id quod est, & unum de rebus omnibus dicitur, cum species pauciora quàm genus continere debeat. Quod si id quod omnibus ex rebus sequatur differentiam appellauerit, profectò paria aut plura quàm genus differentia continebit. Nam si genus etiam in ijs est quæ consequẽtia sunt ex omnibus ex æquo: sin minus ex omnibus genus sequatur, plura eo contineat differentia necesse est, Iam si

in subiecta specie genus id quod datum est, ut id quod album est in niue insit, perspicuum est id non esse genus. Solum enim genus de subiecta specie dicitur. Atque illud etiam uidendum est, an genus & species sint synonyma. Genus enim de formis omnibus nominis definitionisque cōmuni societate dicitur. Qui etiam error nasceretur, quando generi & speciei aliquid erit contrariū, meliūsque contrariorum ad genus deterius referetur. ita enim fiet ut id quod reliquum est, insit in alio. sunt enim in contrariis generibus contraria. fit igitur ex his, ut id quod melius est sit in deteriore: atqui optime cuiusque rei etiam genus optimum est. Illud etiam uidendū est, idēne aliquid quod ad utrūque eodem modo affectum sit, ad deterius genus, non ad præstantius retulerit. ut si animum motum, uel id quod mouetur dixerit. Nam quoniam idem animus æquē uim habet standi ac mouendi, profectō si status melior est, in eo genere animus statuendus erat. Iam ex maiore & minore elicere argumenta licet ei qui refellit, si genus accessionē capiat, & species nō capiat, nec ipsa, neque quod ab ea deductū est, hoc modo: Si uirtus elationē habeat, etiā iustitia, & iustus habebūt. alius enim alio iustior dicitur. nam si genus quod datum est accessionē accipiat, speciesq; non accipiat, neque ipsa, neque id quod ab ea natum sit, id quod datum est, esse genus nullo modo potest. Præterea si id quod magis aut æquē uidetur genus, nō est genus: certē ne id quidem quod datum est. Atque huius loci in ijs plurimus usus est, in quibus multa de specie in quæstione dicuntur qua quid res sit queritur, nec certū genus traditū est, neque quod eorum genus sit possumus explicare: ut de ira,

ira, & dolor & opinio contemptus in natura quaestione dicuntur: praesertim cum is qui irascitur, angatur, seque contemni putet. Quae eadem tractatio in specie per locum comparationis suppetit, hoc modo: Si quae species magis aut aequae inesse uidetur in genere quod datum est, non inest in genere, ne ea quidem quae data est in genere erit omnino. Atque is quidem qui infirmabit quemadmodum exposui, hunc tractabit locum: qui autem confirmandi partes tenebit, ei hic locus nihil ad argumentandum suppeditabit, quoties genus quod datum est, & species recipient accessionem. nihil enim prohibet si utrumque recipiat, alterum alteri non esse genus. Nam & id quod album est, quodque honestum, accessionem capit, nec alterum alteri genus est. Sed generum ac formarum inter se comparatio magnam ei suppeditabit argumentorum copiam, hoc modo: Si eadem est huius & illius generis ratio, & alterum genus est, etiam alterum erit. Itemque ex minore & maiore idem effici potest, hoc modo: Si continet uis magis quam uirtus genus est, uirtus autem genus est, uis etiam erit. Quod de specie eodem modo indicandum est. Si enim aequale hoc atque illud eius de quo agitur species est, & alterum est species, etiam reliquum. Et si quod minus uidetur, species est, etiam quod magis uidetur. Illud etiam in confirmatione uidendum est, an genus de ijs quibus datum est & tributum, in natura quaestione dicatur, nec una sit species eius quod genus esse positum est, sed & plures & differetes. Sic enim genus erit. Quod si una sit species ea quae data est, uidebimus, an etiam de alijs formis genus dicatur in quaestione naturae. ex quo iterum efficietur & de pluribus ipsum ac differentibus dici, & genus approbari. Quoniam au-

tem quibusdam placet, differentiam in quaestione natura dici de formis, secernendum est genus à differentia, ijs locis quos exposuimus. quorum primus est, genus plura quàm differentiam continere: Alter, Genus in respondendo quid quicque sit aptius dici posse quàm differentiam. Qui enim hominem animal esse dixerit, planius facit quid sit homo, quàm si gradiens dicat. Tertius est, Differentiam generis qualitatem declarare semper, genus differentia qualitatē non item. Nam & qui gradiēs dixerit, quale quid animal exprimit: & qui animal dicit, non quale quid gradiēs explicat. Ac differentia quidem à genere hoc pacto separāda est. Quoniam autē uidetur musicus, quia musicus sit, sciēs esse, etiam musica sciētia quādam est. quoniamque si quod ingreditur, ob eam causam quia ingreditur & ambulat, mouetur, ingressus etiam quādam est motio. In quo autem genere aliquid confirmare & efficere uelimus, quemadmodum dixi, diligenter uidendum est, hoc modo: Si scientiā esse fidem confirmandum est: si is qui scientia præditus est quia sciat, credit, profectò sciētia fides sit necesse est. Eadēque ratione in alijs omnibus facere licebit. Postremo quoniam quod alicui consequens est semper, nec uicissim retro cōmeat, id difficile est improbare nō esse genus, si hoc ex illo omni ex parte sequatur: illud uerò ex hoc non omnino (ueluti ex trāquillitate quies sequitur, & ex numero id quod secari potest, contrāque non sequitur: quandoquidem non quicquid diuidi potest, numerus est, nec quies tranquillitas omnis) eo quidem utendum est pro genere quod semper sequitur, tum cum alterum non recipiatur. quòd si ab altero id proponatur, non in omnibus, neque omni ex parte probandum

probandum est. ei autem hoc loco sic occurrendum est: id quod non est, ex rebus omnibus quæ gignuntur consequens est, cum præsertim quod gignitur non sit. neque retro id commeat uicissim. Nō enim omne, quod non est generatur. attamen non est genus id quod non est, ei rei quæ gignitur, quandoquidem eius quod non est, nullæ sunt species omnino. Ac in genere quidem probando uel improbando eam uiam ac rationem quam præscripsi, sequi ac tenere debemus.

ARISTOTELIS TOPICORVM
LIBER QVINTVS.



TRVM autem propriū sit nec ne id quod propositum est, ex ijs locis quos deinceps exponemus, intelligetur. Explicatur quidem propriū aut per se & ui sua, ac semper, aut alterius comparatione, & interdum. ueluti hominis proprium est per se ac ui sua, animal esse humanū natura, alterius autem comparatione, ut animi ad corpus, quod animus imperare, corpus parēre debet. Proprium autem semper est, exempli causa, dei, animal esse immortale. Interdū propriū est, ut certi hominis deambulare in gymnasio. Nascentur autem ex eo, quod collatum cum altero proprium explicatur, aut duæ aut quatuor quæstiones. nā si alicuius proprium esse ponat, alterius idem neget esse, duæ tantummodo quæstiones oriūtur, ut hominis cum equo collati proprium est bipedem esse. Nam hominem non esse bipedē aliquis possit cōcludere, & equum bipedē. & utroque modo,

proprium sic positum confutabitur. Quòd si utrique suum
 proprium concedatur, ita ut etiam utrunque ab utroque
 negetur, quatuor quæstiones existent. ueluti hominis cum
 equo collati proprium est bipedem esse, & equi quadrupe-
 dem. Nam & hominem non esse bipedem, & natura qua-
 drupedem esse, argumento concludere licet. Itémque equus
 bipes esse & non quadrupes, probari potest. Ergo si quouis
 modo doceatur, quod propositum est refellitur. Propriū au-
 tem per se ac ui sua id est, quod omnibus tribuitur, & ab
 omni genere separat, ut hominis proprium est, mortale esse
 animal natum ad cognitionem & scientiam. Propriū ue-
 rò ad alterum est, quod non ab omnibus, sed à quodam cer-
 to distinguit & separat, ut uirtutis cum scientia collata
 proprium est, in plurimis animi partibus esse: scientia in ea
 solum quæ rationis est particeps, & in ijs solū animalibus
 quæ ratione utuntur existere. Semper proprium est quod
 per omne tempus uere dicitur, nec unquam amittitur: ut
 animalis, ex animo & corpore cōstare. Aliquando id pro-
 prium est quod ad aliquod tempus uerè dicitur, nec semper
 consequens est necessario. ueluti cuiuspiam hominis in foro
 deambulare. Fieri autem potest ut proprium proponamus
 ad aliud, & differentiā inter aliqua dicamus duobus mo-
 dis. Vno modo ut id quod proprium dicitur, omni & sem-
 per conueniat: altero ut in maxima parte & plerunq; in-
 sit. ueluti hominis cū equo collati bipedē esse ita propriū est,
 ut & in omnibus hominibus id & semper intelligatur:
 quādoquidē omnes homines bipedes sunt per omne uitæ tē-
 pus, equus autē nullus unquam bipes est. Imperare autem
 parī ei animæ in qua uoluptates uersantur, & ei in qua
 irarum.

irarum ardor existit, sic propriū est eius partis animi quæ rationis est particeps, ut ferè & maxima in parte intelligatur. huius enim imperare est, illarū parère: nec pars animi rationis particeps omni ex parte imperat, interdumq; contrà paret. Neque pars ea in qua uoluptates habitāt, & in qua ira, parent semper, sed interdū imperant, tum cū hominis animus uitiosus est & deprauatus. Sed ea plurimū ad differendū ualēt propria, quæ per se sunt & semper cōueniunt, & ea quæ cū aliquo conferuntur. nā ex eo quod propriū est cum altero collatū, multa, quemadmodū supra dixi, quæstiones nascūtur. aut enim duæ aut quatuor inde eliciūtur necessario. multa igitur argumēta ex eis ducētur. Ex eo uerò quod per se & perpetuò propriū est, multa argumenta licet ducere, aut ad plura tempora trahere. quod enim per se inest, ad multa pertinet, quandoquidem ei cui proprium est exclusis separatisque omnibus alijs quod hoc modo propriū est, cōuenire debet. Quamobrem si ab omnibus non separet, certe non est commode attributum proprium. Quod autē semper proprium est, id in pluribus tēporibus obseruari debet an conueniat. nam nisi conueniat & conuenerit & conueniet, non est futurum proprium. Quod uero interdum proprium est non in alijs tēporibus, nisi in instanti spectatur. Itaque pauca argumentationes ducuntur ex eo. quæstio autē ad differendum ualeat ea, ex qua & crebra & firma argumenta trahuntur. Atque iisdem ex locis quos in accidente exposuimus, argumenta ad differendū de eo proprio quod ad alterū est, supererēt, si propriū aliquid conueniat, alicui non conueniat. Ad tractādū autē quod semper propriū est & per se, ij loci qui deinceps

ARISTOTEL. TOPIC.

proprium sic positum confutabitur. Quod si utrique suum
 proprium concedatur, ita ut etiam utrunque ab utroque
 negetur, quatuor quaestiones existent. ueluti hominis cum
 equo collati proprium est bipedem esse, & equi quadrupe-
 dem. Nam & hominem non esse bipedem, & natura qua-
 drupedem esse, argumento concludere licet. Itemque equus
 bipes esse & non quadrupes, probari potest. Ergo si quouis
 modo doceatur, quod propositum est refellitur. Propriū au-
 tem per se ac ui sua id est, quod omnibus tribuitur, & ab
 omni genere separat, ut hominis proprium est, mortale esse
 animal natum ad cognitionem & scientiam. Propriū ue-
 rò ad alterum est, quod non ab omnibus, sed à quodam cer-
 to distinguit & separat, ut uirtutis cum scientia collata
 proprium est, in plurimis animi partibus esse: scientia in ea
 solum quae rationis est particeps, & in ijs solū animalibus
 quae ratione utuntur existere. Semper proprium est quod
 per omne tempus uere dicitur, nec unquam amittitur: ut
 animalis, ex animo & corpore cōstare. Aliquando id pro-
 prium est quod ad aliquod tempus uerè dicitur, nec semper
 consequens est necessario. ueluti cuiuspiam hominis in foro
 deambulare. Fieri autem potest ut proprium proponamus
 ad aliud, & differentiā inter aliqua dicamus duobus mo-
 dis. Vno modo ut id quod proprium dicitur, omni & sem-
 per conueniat: altero ut in maxima parte & plerunq; in-
 sit. ueluti hominis cū equo collati bipedē esse ita propriū est,
 ut & in omnibus hominibus id & semper intelligatur:
 quādoquidē omnes homines bipedes sunt per omne uita tē-
 pus, equus autē nullus unquam bipes est. Imperare autem
 parti ei anima in qua uoluptates uersantur, & ei in qua
 irarum

irarum ardor existit, sic propriū est eius partis animi que
 rationis est particeps, ut ferē & maxima in parte intelli-
 gatur. huius enim imperare est, illarū parēre: nec pars ani-
 mi rationis particeps omni ex parte imperat, interdumq;
 contrā paret. Neque pars ea in qua uoluptates habitāt, &
 in qua ira, parent semper, sed interdū imperant, tum cū ho-
 minis animus uiciosus est & deprauatus. Sed ea plurimū
 ad differendū ualēt propria, quæ per se sunt & semper cō-
 ueniunt, & ea quæ cū aliquo conferuntur. nā ex eo quod
 propriū est cum altero collatū, multa, quemadmodū supra
 dixi, quæstiones nascūtur. aut enim duæ aut quatuor inde
 eliciūtur necessario. multa igitur argumēta ex eis ducētur.
 Ex eo uerò quod per se & perpetuo propriū est, multa ar-
 gumenta licet ducere, aut ad plura tempora trahere. quod
 enim per se inest, ad multa pertinet, quandoquidem ei cui
 proprium est exclusis separatisque omnibus alijs quod hoc
 modo propriū est, cōuenire debet. Quamobrem si ab omni-
 bus non separet, certe non est commode attributum pro-
 prium. Quod autē semper proprium est, id in pluribus tē-
 poribus obseruari debet an conueniat. nam nisi conueniat
 & conuenerit & conueniet, non est futurum proprium.
 Quod uero interdum proprium est non in alijs tēporibus,
 nisi in instanti spectatur. Itaque pauca argumentationes
 ducuntur ex eo. quæstio autē ad differendum ualeat ea, ex
 qua & crebra & firma argumenta trahuntur. Atque ijs-
 dem ex locis quos in accidente exposuimus, argumenta ad
 differendū de eo proprio quod ad alterū est, suppetēt, si pro-
 priū aliquid conueniat, alicui non conueniat. Ad tractādū
 autē quod semper propriū est & per se, ij loci qui deinceps

exponentur, magna nobis ad argumētandum copiam sup-
peditabunt.

AC primum quidem uidendum est, an recte & apte,
necne explicatum sit proprium: esse autē recte aut minus
recte explicatum ex uno loco illo intelligemus, si rebus mi-
nime notioribus, aut si rebus magis perspicuis expositum
sit proprium. Ac is quidem qui refellit, non constare ex no-
tioribus ostendet: is autem qui confirmabit, ex ijs ipsis qua
magis perspicua sunt constare demonstrabit. Esse autē ex-
positum uerbis minus perspicuis & notis, cognoscemus: pri-
mum si omnino obscurius & magis inuolutū erit propriū
quod datur, quā id cui attribuitur propriū. Neque enim
proprium apte & commode propositum erit, quādoquidē
cognoscenda & illustranda rei gratia proprium inuētum
est. Nam & propriū & definitiones discendi cognoscēdiq;
causa adhibemus. uerbis igitur magis perspicuis illustrāda
sunt. sic enim facilius intelligemus. Ut qui posuit ignis pro-
prium esse proximē ad animi similitudinē accedere, is cer-
tē obscuriore usus est uerbo animi, quā ignis. quoniam fa-
cilius quid ignis sit quā quid animus cognoscimus: ita nō
recte minúsque apte propositum fuit proprium ignis ad a-
nimi similitudinem proximē accedere. Deinde, cum minus
planum sit ac perspicuum hoc illi conuenire, non enim so-
lum proprium re clarius & notius esse debet, uerum etiam
rei cōuenire. qui enim nescit an huic rei propriū conueniat,
ne illud quidem, an huic rei soli conueniat, intelliget. ita fit
ut si alterutrum horum interueniat, incertum & obscurū
futurum sit propriū, ut quando aliquis ignis proprium esse
ponit, quo primū animi sedes est, eo utitur quod obscurius
est

est igne, animum in igne & in eo primū consistere. ex quo fit proprium ignis non esse apte positum, id in quo primo animus inest natura. In confirmatione autem, ut rebus magis perspicuis, & iis perspicuis magis, duobus modis quos modo exposuimus, uidendum est. Sic enim apte & commode hac ex parte proprium explicabitur. quandoquidem lo ci ij qui ad confirmandum aliquid recte positum esse ualēt, alij ex hac tantum parte, alij omnino recte expositum docebunt. ueluti si quis proprium animalium dicat habere sensum, is rebus magis perspicuis, & planius, utroque genere proprium explicabit. Aptē igitur expositum est, hac ex parte animalis proprium esse sensum habere. Proximus locus est in refutatione, si quod uerbum eorum quibus proprium explicatur, pluribus modis dicatur, aut oratio ipsa multa declaret omnino. Sic enim minus apte possum erit proprium, ueluti quoniam sentire plura significat, unum habere sensum, alterū, uti sensu, certe animalis non erit apte explicatum proprium, sentire natura, ob eamque causam nō est utendū uerbo aut oratione, quā pluribus modis dicatur, quā propriū exponamus, propterea quod ea quā multis modis dicuntur, obscurā faciunt orationē: cum praesertim in dubiū ueniat ei qui argumētaturus est, utrū eādem alter dicat ex iis quā multiplici uerbo continentur. profecto enim cognitionis causa comparatum est proprium. Iam uero praeterea necesse est eos reprehendi, qui isto pacto explicant proprium, quando aliquis in ea significatione in qua id quod propositum est uerum non sit, ratiocinationem conficiet de eo quod multis modis dicitur. In confirmatione huius loci usus est, si id quod proprium datur, nec multa signi

ficat, neque ullum uerbum, neque ipsa oratio, sic enim hac
 ex parte apte propriū ponetur: ueluti quoniam nec corpus
 multa declarat, nec id quod celerrime sursum fertur, neq;
 ea quæ ex his uerbis constat oratio, ob eā causam recte po-
 netur ignis propriū esse, corpus quod maxima celeritate sur-
 sum mouetur. Sequitur locus in refutatione, si multis modis
 dicatur id cuius proprium explicetur, neque exponatur cu-
 ius eorum ponatur esse propriū. Neque enim recte propriū
 illud datū est. Quibus autem de causis, ex iis quæ supra di-
 xī intelligi potest. Eadē enim necesse erit cōcludere, hoc mo-
 do: Quoniā aliquid scire multa significat (nā & scientiam
 habere aliquid, & scientia uti aliquid, & scientiā esse eius,
 & scientia uti eius) ob eam causam nullū proprium recte
 dari poterit illius scire aliquid, nisi cuius eorū propriū po-
 nat, explicetur. In confirmatione autē eius usus erit, si mul-
 tis modis non dicatur id cuius propriū ponitur, unūq; sit
 & simplex, hac enim ex parte propriū apte explicabitur:
 ut quoniā homo uno modo dicitur, homini recte proprium
 tribuetur, animal cicur natura. Coniunctus huic locus in
 refutatione ualebit, si sæpe idem in proprio dictum erit. sæ-
 pe enim fallunt nos ij qui hoc faciunt, ut in definitionibus,
 sic in propriis. quod si in proprio contingat, nō erit recte da-
 tum: quippe cum id quod sæpe dicitur & iteratur, audito-
 rem conturbet. ex quo fit, ut & obscura sit oratio, & præ-
 terea delirent & nugentur qui eam inducunt. Duobus au-
 tē modis aliquid idem sæpe repetitur. Primū cum eandē rē
 sæpe nominabit. ut si quis dicat, ignis propriū esse corpus le-
 uissimū corporū, sic enim sæpe dixit corpus. Deinde si quis
 pro nominibus definitiōes accipiat, ut si quis terræ propriū
 tribuat,

tribuat, substantia quæ naturaliter fertur celerrimè corporum deorsum: deinde utatur pro uerbo corporum illa oratione substantiarum talium, quoniam corpus idem ualet quod substantia talis, ex quo efficitur substantia nomen iterari: ut neutrum proprium recte tributum esse uideatur. At uero in confirmatione huius loci usus erit, si nullo uerbo eodem saepe utare. hac enim ex parte apte proprium statuetur, ut si quis proprium hominis dixerit animal ad cognitionem & scientiam natum, is nec saepe eodem uerbo utetur, & hac ex parte recte homini proprium statuet. Sequitur locus in refutatione, si tale aliquod uerbum in proprio expresse, quod conueniat rebus omnibus, inusitatum enim & minus aptum erit uerbum quod à nullo separatur. atqui ut in definitionibus, sic quod in propriis exprimitur, debet seiungere: non igitur recte expositum erit proprium. ut si quis proprium scientia dicat, opinionem, quæ ratione dimoueri non potest, cum sit una: quoniam in proprio exponendo aliquo eiusmodi usus est, unius scilicet nomine, quod rebus omnibus conuenit, profecto scientia proprium recte positum nullo modo uideri potest. in confirmatione ualebit hic locus, si nullum uerbum commune adhibeatur, sed eiusmodi quod à re aliqua separet: hac enim ex parte præclare positum erit proprium, ut si quis animali proprium tribuat habere animum, is quoniam nullo uerbo communi usus est, habere animum recte hac ex parte animalis proprium dedit. Proximus locus est in refutatione, si quis plura propria eidem statuatur, neque se plura ponere explicet. Tum enim haud recte positum erit proprium. ut enim in definitionibus nihil adhibendum est præter orationem, quæ rei uim & naturam explicet: sic ne

in propriis quidem, præter orationem, quæ propriū id quod datum est efficiat, quicquam exprimendum est. quādoquidem inusitatum minūsq̃ aptum est, quod præterea additur. Id quod continget, si quis ignis proprium dixerit corpus tenuissimum & celerrimum, utrunque enim de solo igne uerè dici potest, ex quo efficitur ignis proprium, corpus tenuissimum & leuissimum non esse rectè datū. In confirmatione huius loci usus erit, si non plura propria eiusdem, sed unum esse ponatur, hac enim ex parte propriū rectè ponetur: ut si quis dicat humoris propriū, corpus quod in omnem formam flectitur, is quoniam unum expresse proprium nō multa, eò rectè usus est humoris proprio. Sequitur locus in refutatione, si uel eo utatur cuius propriū explicat, aut eorum aliquo quæ ei tribuuntur. Nam quoniam cognitionis gratia inuentum est proprium, eo modo non rectè ponit. Eadem quidem res semper aq̃ue obscura est. quod autem alicui tributum est, id quoniam eo est posterius, non est magis perspicuum. ita fit ut ex his nihil disci cognosciq̃ue possit. ut si quis propriū animalis ponat substantiā cuius est species homo, is quia aliqua re usus est earū quæ animali tributa sunt, profecto nō cōmodè usus est proprio. In confirmatione autem ita demum proprium rectè hac ex parte statuetur, si nec eo neque aliquo eorum quæ ei tributa sunt utamur. quod fiet si proprium animalis ponamus, quod ex animo & corpore concretum est, sic enim neque ipsum, neque quicquam ipsius adhibebimus. ex quo efficitur, ut præclare hac in parte animalis proprium explicemus. Eadēque ratione ea spectanda sunt in aliis etiā rebus, quæ non faciunt, aut quæ faciunt aliquid planius. Iam
uerò

uerò in refutatione uidendum est, an tale aliquid adhibitū sit, quod aut contrarium sit, aut omnino aequè antiquum naturæ ordine, aut posterius, neque enim rectè propriū ponetur. Nam contraria sunt ordine naturæ aequè antiqua. quod autem æquale est alicuius, naturæ ordine, & eo posterius, non facit ipsum planius, neque declarat. Vt si quis boni proprium dicat, malo maximè esse contrarium, is boni contrarium adhibuit, ob eamque causam proprium boni haud rectè explicauit. In confirmatione autem huius loci usus erit, si nec cōtrario utemur, neque ullo alio quod æquale sit ordine naturæ uel posterius, sic enim rectè hac in parte statuemus proprium. ut si quis scientia proprium ponat opinionem quæ maxime fidem facit, is quia nihil adhibuit, nec quod scientiæ esset contrarium, nec quod omnino simul esset cum ea, aut ea posterius naturæ ordine, eo rectè proprium scientiæ hac ex parte statuit. Sequitur locus in refutatione, si quod nō semper sequitur, proprium positū est, sed id quod interdum non proprium est, non enim præclare & commodè proprium erit explicatum. Neque enim in eo nomen necessario uerè dicitur in quo inesse ipsum intelligimus: neque in eo necesse est nomen non dici, cui illud nō intelligimus conuenire. Ita non erit rectè expressum proprium. Præterea non erit perspicuum an cōueniat id quod statutum est esse propriū, si tale sit, ut prætermitti separarique possit. Itaque nō erit perspicuum, neq; apertum proprium. ut si quis proprium animalis ponat, moueri interdū aut stare, is, quia tale statuit proprium, quod interdum non proprium efficitur, certè haud aptè proprium statuit. In cōfirmatione considerabimus, an id proprium statutum sit

quod semper est in re necessariò, hac enim ex parte rectè propriū ponetur, ut si quis uirtutis propriū dicat, eū in quo sit bonū efficere, is quia proprium statuit quod semper consequens est, ob eam causam rectè uirtutis proprium hac ex parte constituit. Sequitur locus in reprehensione, si id quod hoc tempore proprium est statuatur, neque se proprium huius temporis dare, exponat. neque enim rectè statuet propriū. Primum enim quod contra mores, & cōsuetudinem statuitur, id omne enodationis indiget. Atqui solent ferè omnes id proprium statuere, quod sempiternum est. Deinde incertum est, ī fine qui non explicat mentē suam, uelut id ponere, quod hoc tempore sit propriū. Non igitur dare debet reprehensionis occasionē. quod continget si quis ponat alicuius hominis proprium esse sedere unā cū aliquo homine, illudque hoc tēpore propriū esse nō statuatur. Neque enim illud rectè statuatur propriū, nisi se dixisse hoc tēpore propriū esse explicet. Atque hic locus ad confirmandum ualebit, si explicemus cum aliquid propriū statuemus hoc tēpore, nos proprium hoc tēpore ponere. sic enim rectè propriū hac in parte statuemus. Exēpli causa si quis alicuius hominis proprium dicat esse, aliquo in loco hoc uel illo tēpore deambulare, quoniam distinctione usus est, rectè id propriū esse posuit. Proximus in reprehensione locus erit, si quis tale statuatur proprium, quod conuenire aliter, quā sensu perspicui nō licet. Neque enim tum positū propriū erit: quādoquidē quicquid mouet sensum, si id extra sensum sit, obscurū est. incertum enim est an iam conueniat, propterea quòd sensu tantūmodo intelligatur. Quod uerū esse in iis quae nō necessario semper cōsequuntur perspicuemus. uelut si quis solis proprium

primum esse dicat, astrum splendidissimum quod supra terrā fertur, is adhibet in proprio, illud quod supra terrā fertur: quod quidē quia sensu cognoscitur, non rectē solis propriū statuit. Incertum enim erit cum sol occiderit, an supra terram feratur, quod tum sensus oculorū nos deficit. At in cōfirmatione huius loci usus erit, si proprium statuamus eiusmodi, quod sensu non sit perspicuum, aut certē quod si sensum mouet, perspicui potest necessario conuenire. Hac enim ex parte rectē statutum erit proprium. ut si quis extremitatis proprium ponat, quod primum colore inficitur, is illo toto, colore inficitur, quod sensum mouet, ille quidem utitur, sed eiusmodi quod perspicuum est semper cōuenire. Ita hac ex parte rectē statutum est extremitatis proprium. Iam in reprehensione uidendum erit, an definitionem ut proprium posuerit. sic enim proprium non rectē ponetur, quādoquidem non debet proprium rei uim naturāque explicare. Cuius exemplum erit si quis hominis proprium dicat, animal gradiens bipes, proprium enim hominis statuet, quod quid res sit, explicat. Non igitur rectē statui hominis proprium. In confirmatione autem huius loci usus erit, si proprium eiusmodi statuamus quod uicissim dicatur, neq; rei uim naturāque declaret. Erit enim hac ex parte rectē explicatū propriū. ut si quis hominis propriū ponat, animal circum natura, propriū ille quidē statuet quod uicissim dicitur, sed quod nō quid res sit, indicat. Ita fiet, ut hac ex parte rectē statutū sit hominis proprium. Coniunctus huic locus est in reprehensione et refutatione, cū proprium datur, cuius nulla pars quid res sit explicet. Oportet enim ut in definitionibus, sic in propriis primum genus exprimi, deinde iam

ARISTOTEL. TOPIC.

hoc pacto adiungi cetera quae separant atque sciungunt. Non igitur recte proprium ponetur, quod non eo modo statuetur: ut si quis proprium animalis dicat, animum habere, non ponet in quaestione natura animal, ex quo sequetur animalis proprium non recte positum esse. In confirmatione autem considerandum est, an collocatum sit aliquid, quod in quaestione natura dicatur de eo, cuius proprium ponitur, & ita demum adiungantur cetera. Hac enim ex parte recte proprium datum erit. ueluti si quis proprium hominis ponat animal ad scientiam & cognitionem natum, is & proprium quod in quaestione natura aliqua ex parte positum est, dabit: & ea ex parte hominis proprium recte explicabit. Ac utrum recte an minus recte proprium datum sit & explicatum, ex iis locis qui adhuc sunt expositi, intelligere debemus.

VTRUM autem id proprium sit omnino quod explicatur & datur, nec ne, ex iis quos deinceps exponemus, licebit concludere. Iisdem enim locis aliquid omni ex parte recte poni proprium concludemus, quibus proprium omnino statuitur. quorum primus erit in refutatione diligens eorum omnium animaduersio, & consideratio, quorum propria dabuntur. ueluti uidendum erit, an ea ex parte qua datur, non uerè de singulis dicatur, an uerò non sit proprium uniuscuiusque eorum eius ratione cuius proprium explicetur: sic enim non erit proprium quod esse ponebatur. ut quia de geometra non uerè dicitur, eum nulla ratione falli posse, (fallitur enim geometres in falsa descriptione) non est proprium futurum docti & artificis non falli ratione. In confirmatione autem an in omnibus uerè dicatur, & hac ex parte qua sub illo toto genere continentur

continentur, uidendum est, quoniam propriū erit quod positum est esse proprium: ut quia animal ad cognitionē & disciplinam percipiendam natum, in omni homine uere dicitur, & quia homo sit, eò hominis proprium erit animal ad disciplinam percipiendam natū. Huius autem loci usus erit in refutatione, quoties in quo nomen non etiam oratio uere dicitur, & cum in quo oratio nō etiam nomen intelligi licet. In cōfirmatione autem, cum in quo nomen, etiam oratio, & in quo oratio, nomen quoque intelligitur. Alter locus est refutationis, cum de quo oratio, nō etiam nomen, uere dicitur: & cum de quo nomen, nō etiam uere dicitur oratio, tum enim quod positum est esse proprium, non erit propriū: quod ex hoc exemplo intelligi potest. Animal enim ad disciplinam & scientiam percipiendam natum in deo uerē intelligitur, homo non intelligitur. ex quo efficitur nō esse proprium hominis hoc totum, animal quod ad disciplinam cognitionēque percipiendam natum est. In cōfirmatione autem ualebit, quoties in quibus omnibus oratio, nomen etiam dicitur: & in quibus nomen, etiam oratio. quod enim proprium positum est non esse, proprium erit. Quod hinc intelligi potest, quia de quibus illud totum habere animus, etiam animal uere dicitur: & de quibus animal, etiam animatum. ita habere animus animalis proprium est. Refutationis tertius locus erit, si subiectum eius esse proprium statuatur, quod in subiecto esse dicatur. ut si quis proprium statuatur tenuissima rei ignem, quia rem subiectam, proprium ei quod de illa dicitur tribuit, certē non rectē posuit ignem proprium esse rei tenuissima. Ob eāque causam subiectum non est futurum proprium eius, quod in

subiecto esse dicitur. sic enim idē multorum, & quæ specie differunt proprium esset, quādoquidem multa quædā quæ specie differunt eidem conueniunt, quæ de eo solo dicuntur: quorum omniū, subiectum proprium futurū est, si quis isto pacto statuat proprium. Ad confirmādum autem ualebit, si id quod in subiecto inest, subiecti proprium esse ponatur: quādoquidem proprium futurū est id quod positū est non esse proprium, siquidem in solo eo intelligitur, ut dixi, proprium, cuius propriū esse dicitur: ut si quis terræ proprium dicat, corpus grauiissimū specie, is quia propriū subiecti dedit eiusmodi, quod & de sola re, & ut propriū dicitur, efficitur ut recte positū sit terræ propriū. Sequitur locus proprius refutationis, si quis per cōmunionem propriū tribuat: nō enim erit propriū quod positum est esse proprium: quippe cum id quod communione quadam conuenit, ad uim naturāmq; rei explicandā pertineat. Erit autem hoc modo positum propriū differentia quædam, quæ de specie aliqua dicitur. ut si quis proprium hominis dicat hoc totū, gradiens bipes, per cōmunionem quandā proprium explicabit: ex quo fiet, ut non sit proprium hominis gradiens bipes. Hoc loco uidebit is qui confirmandi partes obtinebit, ne per cōmunionem proprium explicet, neque uim naturāmq; rei declaret: ita tamen ut uicissim de re dicatur. Quod enim positum est non esse propriū, id proprium futurū est. ut si quis animalis propriū ponat hoc totum, quod uim habet sentiendi, is nec propriū communione explicabit, neque tale quod uim naturāmq; rei declaret, & tamen eiusmodi quod uicissim de re dicatur. Ita proprium erit animalis hoc totum quod uim habet sentiendi. Proximus locus refuta-

tionis

tionis erit, si doceatur proprium nō posse unā cum re cuius proprium ponitur coherere: sed uel posterius uel prius quā ipsum nomen rei conuenire. Sic enim aut nunquā, aut certē non semper proprium est futurum id, quod positum est esse proprium. Ut quia alicui prius conuenit esse hominem, posterius autē ambulare per forum, certē uolitare in foro aut nunquam, aut non semper hominis est propriū. In cōfirmatione autē huius loci usus erit, cū id quod propriū ponitur, unā cū re semper aderit necessariō, neque definitionis nim, neque differentia habebit. Sic enim propriū erit quod positū est non esse proprium, ut quia hoc totū animal quod ad disciplinam cognitionēque natum est, unā cum homine existit necessario, neque differētia est neque definitio, certē hominis propriū id ipsum futurum est. Sequitur locus refutationis, cum eorundem, quia eadem sint, non est idē proprium. Non enim quod positū est proprium esse, proprium erit. quod intelligi potest ex hoc exēplo. Nā quia eius quod persequendū est, proprium non est, uideri nonnullis bonū, ne eius quidem quod expetendum est, proprium erit uideri nonnullis bonum. Idem enim ualent quod persequendū est, & quod expetendum. Is autem qui confirmabit, ex hoc loco argumentum ducet, quando eiusdem rei quia eadem sit, idem proprium esse ponetur. Nam proprium erit quod positum est non esse proprium, ut hominis quatenus est homo, propriū dicitur, habere animum triperitum, & mortalis quatenus mortalis est, triperitum animū habere propriū erit. Valet etiam hic locus in accidente, quoniam iisdē quatenus eadem sunt, eadem conuenire aut non conuenire debent. Coniunctus huic locus est in refutatione, cum eorum

qua sunt eiusdem speciei, nō ea ponuntur propria, qua etiā
 eadem sint specie: nō enim rei illius id quod positū est, pro-
 prium erit. ut quoniā eiusdem generis homo & equus ha-
 bentur, neque semper proprium est equi à se stare, ne ho-
 minis quidem proprium erit à se semper moueri & agita-
 ri. Sunt enim eiusdem generis moueri & stare per se, quo-
 niam utrique eorum quatenus animalia sunt, hac conue-
 niant. In confirmatione autem illud uidendum est, an eorū
 qua sunt eiusdem generis, id propriū statuatur quod sem-
 per ad idem genus referatur. erit enim proprium, quod nō
 esse proprium positum est, ut quoniam hominis proprium
 est, esse gradientem bipedem, aus etiam proprium erit, uo-
 lucrem esse bipedem. Sunt enim hac eiusdē generis omnia.
 alia enim, ut species qua sub eodem sunt genere, cum sint
 animali subiecta, alia uero ut generis animalis differētia.
 Sed hic locus falsus est, cum alterum eorum qua numera-
 ta erunt, uni alicui soli speciei conueniet, alterum pluribus,
 qualia sunt gradientes quadrupes. Quoniā autem idem &
 alterum multis modis dicuntur, difficile est si quis captioni-
 bus contra disputare uelit, unius & solius alicuius rei ex-
 plicare proprium. Quod enim conuenit alicui, cui quid ac-
 cidit etiam accidenti conueniet, si cum eo sumatur cui con-
 uenit. ut quod inest in homine, etiam in albo homine, si mo-
 do sit albus reperietur. Idēque quod in albo homine inest,
 id etiam in homine inerit. Sed quispiam multa propria re-
 felleret, si subiectum aliud per se faciat, aliud si cum acciden-
 te coniunctum sit. ut si dicat aliud esse hominem, aliud al-
 bum hominem: idem fiet si aliud ponat habitum, aliud id
 quod ex habitu nominetur. ut enim quod in habitu inest, in

eo etiā inest quod ab habitu appellatur: sic quod in eo quod ex habitu nominatur inest, etiam in habitu insit necesse est. ueluti quoniam artifex ab arte dicitur, non erit artis proprium nō posse ratione dissuaderi: quippe cum id etiam artificii cōueniat, qui nulla ratione de sententia deduci dimoueri que possit. In confirmatione autē dicendum est, non esse aliud omnino id quod accidit, & aliud id ipsum cui accidit, si cum eo comprehendatur quod accidit: sed ob eam causam aliud dici solere quod eorū sit natura & ratio diuersa, quoniam aliud est hominem esse hominem, & aliud hominem album esse hominem album. Præterea ex casibus eruendum est quod contra huiusmodi captionem adferamus: scilicet, non esse artificem aliquid quod ratione mutari non possit, sed eum qui ratione dissuaderi non possit. nec artem & scientiam esse id quod ratione sit immutabile, sed ipsam ratione esse immutabilem. Nam ei qui omni ratione contendit, omni etiam ratione occurrendum. In refutatione proximus locus erit, si quis uelit aliquid quod natura inest explicare, eoque uerbo id ponat, ut id semper inesse declaret. Sic enim fiet, ut iacere id & ruere quod positum est proprium uideatur. ut si quis hominis proprium dicat, esse bipedem, uult ille quidem exponere aliquid quod natura insitum est, sed oratione sua id quod semper insitum est, significat. ita non est futurum hominis proprium bipedem esse: quandoquidem non omnis homo duos habet pedes. In cōfirmatione autem huius loci usus erit, si id quod natura insitum est, proprium statuere uelimus, idque oratione nostra exponamus. Neque enim proprium ex hac parte tolletur aut corruet. ut si quis proprium hominis po-

nat hoc totum, animal ad disciplinam & cognitionē perci-
 piendā natū, idque significet oratione sua, natura illud esse
 insitum proprium, hac ex parte nunquā improbabitur ho-
 minis proprium esse id quod diximus. Iam uero in quibus
 est aliquid primū, & aliquid cui per illud primū conueni-
 re quippiam dicitur, difficile est explicare propriū. Nam si
 eius proprium dederit, quod in alio aliquo intelligitur, etiā
 de primo uerē dicitur: sin autem primi propriū ponat, etiā
 in illo quod in alio intelligitur reperietur. ut si quis extre-
 mitatis propriū dicat colore insci, etiam colore insci in cor-
 pore dicitur: quod si in corpore, etiam in extremitate. Ita
 fiet, ut non in quo oratio, nomē quoque uerē dicatur. Sapē
 autē accidit ut in quibusdā proprijs explicandis peccetur,
 propterea quod nec quomodo, nec quorū propriū ponant,
 explicant. Omnes enim enituntur propriū statuere id quod
 aut natura insitū est, quale est hominis bipes: aut quod hoc
 tēpore conuenit: ut hominis alicuius quatuor habere digi-
 tos: aut specie, quēadmodū ignis tenuissimis ex partibus cō-
 stare: aut omnino & per se, ut animalis uiuere: aut per a-
 liud, ut animi, prudētia esse pradiū: aut quasi in quo pri-
 mū aliquid inest, ut in parte animi qua rationis est parti-
 ceps, prudētia esse sedē: aut ex eo quod aliquid habet, quē-
 admodū artificis est proprium, ratione de sententia deduci
 non posse. Neque enim ex alia re, quā ex eo quod habet
 quicquā, ratione de sentētia deduci nō potest. aut etiā sta-
 tuitur propriū ex eo quod aliquid habetur, sicuti propriū
 est sciētia ratione nō posse mutari: aut ex eo quod aliquid
 cōmunicatur, quale propriū est animalis sentire. Nam &
 si aliquid aliud, ueluti homo sentit, tamen iā cū illo hoc cō-
 municatur:

munificatur: aut ex eo quod cōmunicat, ut alicuius animalis uiuere. Si igitur nō adiungatur illud natura, certē in eo peccatur, propterea quod fieri potest, ut quod natura insitū est, ei non conueniat, cui natura conuenit: quemadmodum homini duos habere pedes: peccat etiam qui se nō explicat, propriū dare quod nunc sit propriū: propterea quod ex eo efficitur quod est propriū rei, certo quodam tēpore illi non conuenire: quale est, quatuor habere digitos hominē: si etiā nō exponat se id proprium ponere quod primum, aut quod per aliud conueniat, non in quo oratio, etiā nomen uerē dicetur. ut si quis colore infectū esse, uel extremitatis uel corporis proprium exposuerit. Quod si nō ante explicarit se id proprium dare, uel quia habeat ipsum, uel quia habeatur, certē id quod dedit non est futurum propriū. Nam si ei proprium tribuit cui hoc ipso cōuenit, quo ab aliquo habetur, etiam ei illud cōuenire perspicietur: quod ex eo tale esse intelligitur, quia in se habet quippiam: & si ei qui habet, tribuat, ei etiam quod habetur, cōueniet, quod fiet si hoc totū, ratione nō posse dissuaderi, sciētiae aut artificis propriū esse ponatur. Atque etiā peccabit in explicando proprio, qui nō exposuerit se id statuere propriū, quod dat, uel ex eo quod participet, uel ex eo quod cōmunicetur, propterea quod isto pacto alijs quibusdam conueniet propriū. Nam si in eo statuat, quod communicatur, cū ijs quae participant, conueniet: at si in eo quod participat, ijs quae cōmunicantur. ut si quis alicuius animalis, aut animalis propriū ponat uiuere. peccat etiam qui uerbū illud, specie, non addit, eo quod uni soli eorum quae illi subiecta sunt, cuius proprium statuitur, conueniet. Quod enim praestat & excellit, id uni soli cōc-

nit, ut igni cōuenit celeritas maxima. Fit etiam interdum, ut is aberret in tradendo proprio, qui uerbum illud, specie, addidit. Oportet enim earū rerum quibus propriū tribuitur esse unam speciem, ut recte addatur hoc uerbū, specie: quod in nonnullis non cōtingit, quo ex genere ignis est. neque enim una est species ignis. quandoquidem species inter se differunt, pruna, flamma, & lumen, quorum unumquodque ignis est. ob eam autem causam, cum speciei nomē adiungitur, alia species eius quod dictum est, non debet esse, quia alijs magis, alijs minus, id quod proprium explicatum est conuenire accidet, cuius generis est tenuissimum esse, si ignis proprium esse ponatur. nam & prunis, & flammæ lumen tenuius est, quod non debet accidere, quoties nomen non dicitur magis in eo, in quo oratio uerius dicitur: alioqui id uerum nō erit in quo sit magis oratio, etiam nomē magis potiūsq̃ue dici. Præterea ita fiet, ut sit idem proprium, & illius quod omnino, & illius quod maximē inest in eo, quod omnino tale uel tale existit, qualē habet rationem subtilissimum corpus ad ignem. Nam & luminis & ignis omnino illud ipsum futurum proprium est: quippe cū lumen sit tenuissimum. Ac si quis isto pacto propriū statuerit, argumenta contrā ducenda erunt: ei autem qui ponit quæstionem uidendum est, ne his obiectionibus det locum, sed ut primum proprium posuerit, quemadmodum, & cuius generis, proprium ponat, explicandum.

IN refutatione proximus erit locus, si quis aliquid sui ipsius, proprium statuatur, neque enim proprii uim obtinebit quod positiū est esse propriū. Quicquid enim idem est quod aliquis idem, id naturam explicat. quod autem naturam explicat,

explicat, non est proprium, sed definitio. ut si quis honesti proprium dicat esse decorum, is quia aliquid sui ipsius ponit proprium (honestum enim idem est quod decorum) certe non erit honesti decorum proprium. Huius autem loci usus erit in confirmatione, si aliquid sui ipsius non ponamus esse proprium, & tamen eiusmodi, quod uicissim dicatur. sic enim quod proprium non esse statutum est, proprium uim & nomen obtinebit. quod fiet, si quis proprium animalis ponet hoc totum natura animata: neque enim aliquid sui ipsius proprium esse ponit, cum interim uicissim dicatur. Ita proprium animalis erit animata natura. Iam in iis quæ ex similibus eiusdemque generis partibus constant, uidentur erit. In refutatione totiusne proprium in parte non uerè intelligatur, an proprium partis in toto minimè dicatur, quoniam non rectè explicatum erit quod positum est esse proprium, hoc enim in quibusdam solet contingere. fieri enim potest, ut iis quibusdam proprium tribuat, quæ ex sui similibus eiusdemque generis partibus constant, modò totius, modò partis habita ratione: quorum neutrum rectè explicabit. Exemplum totius erit, si quis dicat maris proprium hoc totum, aqua plurima quæ salsa est. Nam alicuius, quod ex sui similibus partibus concretum est, proprium ponit, sed eiusmodi quod in parte non uerè dicatur. quandoquidem certum quoddam mare non est, aqua plurima salsa: ita maris proprium non erit hoc totum, plurima aqua quæ salsa est. Partis autem exemplum tale est: Si quis aeris proprium esse dicat, quod respirabile est, is alicuius quod ex sui similibus partibus constat, ponit proprium, sed eiusmodi quod & si de quodam aere uerè dicitur, tamen de uniuerso non dica-

tur: quippe cum non omnis aer sit respirabilis, quare spirabile aeris futurum non est proprium. In confirmatione autem ex hoc loco argumentum ducemus, si proprium quod dabimus, de unoquoque quod ex sui similibus constat, uerè dicetur: ita tamen ut proprium sit eorum totius ratione. sic enim quod proprium non esse positum est, erit propriū. ut, quoniam in uniuersa terra uerè intelligitur in inferiorem locum ferri natura, cerè proprium erit hoc ipsum alicuius terra omnino, quia terra est. Nam de terra, hoc ipso quod terra est, dicitur: ex quo efficitur ut terra sit proprium natura ferri ad inferiores partes. Ex contrariis autem multa argumenta utranque in partem elici possunt. Primum in refutatione ex contrariis, quæ aduersa dicuntur, erit, quando contrarij non est contrarium propriū. neque enim proprium contrarij contrarium futurum est, hoc modo: Si iniustitia iniustitiæ cōtraria est, & optimo id quod est deterri-
 mum: iniustitia autem optimum non est proprium, nō erit igitur iniustitia quod deterri-
 mum est, proprium. In confirmatione autem usus erit, quoties contrarij contrarium est proprium. sic enim fiet ut contrarij proprium sit contrarium: exemplum tale est: Si malum bono contrarium est, id quod fugiendum est, ei quod est expetendum: est autem boni proprium id quod expetendum est: profectò mali proprium erit id quod fugiendum est. Alter locus est ex iis quæ cum aliquo conferuntur. In refutatione quidem hoc modo tractabitur: Si quid eorum quæ cum aliquo conferuntur, alicuius eiusdē generis non est proprium, ne id quidem quod est in iis quæ cū aliquo conferuntur, ullius eiusdē generis proprium erit. quod ex hoc exemplo intelligi licet.

licet. Si duplum simpli duplū dicitur, & id quod uincit illius quod uincitur: id autem quod uincit non est dupli proprium: certē simpli id quod uincitur & superatur, non erit proprium. In confirmatione autem hoc modo: Si illius quod cū aliquo confertur, aliquid eiusdem generis propriū est, id etiā quod ex eo genere est, alterius eiusdē generis erit proprium. cuius exemplum est: Si duplū cum simplo cōfertur, unum cum duobus, & duo cum uno: dupli autem propriū est id quod duorum habet rationem ad unum: profectō dupli proprium sit, id quod unius ad duo rationem habet, necesse est. Proximus locus est ex priuantibus, qui in refutatione tractabitur hoc modo: Si rei res non est proprium, ne priuationis quidem proprium priuatio erit. Et si priuationis priuatio non est proprium, ne rei quidem res proprium erit: ut si surditatis proprium non est, uacuitatē esse sensus: (est enim id ceterorū sensuum commune) ne auditus quidē sensum esse proprium uidebitur. In confirmatione hoc modo: Si res rei proprium est, etiam priuationis proprium erit priuatio: & si priuationis priuatio proprium est, rei etiam res proprium erit. ut si aspectus proprium est cernere ex eo quod aspectum habemus: cecitatis etiam propriū erit non cernere, quia aspectum non habeamus, cum natura aptus nobis aspectus esse uideatur. Sequitur locus ex aientibus & negantibus, qui in multas partes distributus est. ac primi quidem, qui ex iis quæ dicuntur, ducitur, in refutatione solū usus est hoc modo: Si id quod ait alterius est propriū, nō erit eius propriū id quod negat. Et si id quod negat eius propriū sit, id quod ait non est illius futurū proprium. ut si animalis proprium est id quod animatum est.

non erit animalis proprium id quod non est animatū. Alter est ex iis quæ dicuntur, aut non dicuntur, & ex iis de quibus dicuntur aut non dicuntur: qui in refutatione tractabitur hoc modo: Si id quod ait eius quod ait non est proprium, ne id quidem quod negat, eius propriū est quod negat. Et hoc modo: Si id quod negat eius proprium non est quod negat, ne id quidem quod ait, eius quod ait futurum est proprium. Cuius exemplum est tale, Si hominis propriū non est animal, ne eius quidem quod non est homo propriū erit, id quod non est animal, uicissimque: Si eius rei quæ nō est homo, ea non uideatur propria quæ non est ex genere animalium, ne hominis quidem animal proprium est futurum. In confirmatione autem huius loci tractatio est talis: Si eius quod ait id quod ait est proprium, etiam eius quod negat id quod negat erit proprium: & si eius quod negat id quod negat propriū est, etiam eius quod ait id quod ait propriū erit. quod hoc exēplo illustrari potest: Si eius quod est non animal proprium est non uiuere, certē animalis uiuere erit proprium, cōtrāq; Si uiuere animalis est propriū, certē eius etiam rei quæ est non animal proprium erit non uiuere. Tertius locus est ex iis quæ subiiciuntur, cuius in refutatione tractatio erit talis: Si ea quæ statuta sūt esse propria, aientium sunt propria, non erunt eadem etiā negantium propria: Et si negantium expressa sint propria, aientium propria non erunt. Exemplum tale est: Si animalis proprium est quod animatum est, certē quod animatum est esse proprium eius quod est non animal, nullo modo potest. In cōfirmatione autem hoc modo: Si ea quæ posita sunt esse propria non sunt aientium, negantium erunt. Quanquā
hic

hic locus interdū uitiōsus est & captiosus. Nam nec aientia negantium, nec negātia aientium propria sunt. Aientia enim negantibus non conueniunt omnino. Negantia autem aientibus illa quidem conueniunt, sed non ut propria. Sequitur locus ex diuisione, cuius in refutatione tractatio talis est: Si eorum quæ in diuisione enumerātur, nihil ullius reliquorum est proprium, ne id quidem quod eius positum est esse proprium, illius futurū est proprium. ut si animal quod sensum mouet, nullius aliorum mortalium animātium est proprium, ne id quidem animal quod intelligentia, & ratione cōtinetur, dei proprium est. In confirmatione autem hic locus nobis copiam ad argumentandum suppeditabit, quoties quiduis reliquorum omnium, quæ in diuisione enumerata sunt, sumetur proprium uniuscuiusque eorum quæ distributa sunt. Quòd si est alicuius eorum proprium quæ enumerata sunt in diuisione, etiam reliquum propriū erit illius alterius cuius proprium nō esse statuebatur. id quod ex hoc exemplo intelligi poterit: Si prudentiæ proprium est per se uirtutem esse eius partis animi quæ rationis est particeps, ceterarūque uirtutum, quarum singula hoc modo assumuntur, certè temperantiæ proprium erit per se naturæque sua uirtutem esse eius partis animi, in qua uoluptates uersantur. Sequitur locus ex similiter cadentibus, qui in refutatione hoc modo tractabitur. Si casus alterius casus non est proprium, ne id quidem quod similiter cadit, alterius propriū erit. cuius exemplū est tale: Si eius quod iustè sit non est proprium præclare fieri, nec iusti id quod præclarum est, proprium erit. In confirmatione autem eius loci talis est tractatio. Si id quod cadit alterius proprium

ARISTOTEL. TOPIC.

est, etiam casus erit alterius propriū . ut si hominis propriū est hoc totum, gradus bipes, etiam homini in dativo conueniet gradienti bipedi. Non solum autem ex iis quæ exposuimus à similiter cadentibus, sed etiam à contrariis, quæ admodum in superioribus locis explicatum est, argumenta ducenda sunt, ac in reprehensione quidē hoc modo: Si contrarij casus non est propriū casui alicuius contrarij, ne contrarij quidem casus alterius casui contrarij futurum est proprium, cuius exemplum est tale: Si eius quod iuste fit, nō est proprium recte fieri, certē eius quod iniuste fit, improbe fieri proprium non erit. In confirmatione autē ducetur hoc modo: Si contrarij casus alterius contrarij casui proprium statuitur, etiam contrarij casus alterius contrarij casui ponetur proprium: ut si boni proprium est optimū, mali quoque id quod deterrimum est proprium erit. Sequitur locus à simili, cuius in reprehensione talis erit usus: Si similia similia nō sunt propria, nec similia similia propria erunt. Si enim, exempli gratia, architectus eandem habet rationem ad extruendam domum, quam medicus ad efficiendam & restituendam ualeitudinem: medici autē proprium non est efficere ualeitudinē, ne architecti quidem extruere domū proprium erit. In confirmatione autem hic locus hoc modo exponitur: Si similia similia propria sunt, similia quoque propria erunt similia. ut si medicus eādē habeat rationem ad efficiendam ualeitudinem, quā gymnasij præfectus ad efficiendam firmam constitutionem, & sit proprium præfecti gymnasij uim habere ad efficiendam firmam corporis constitutionem, erit etiam medici proprium esse effectorem ualeitudinis. Proximus locus est eorum quæ habent

habent eandem proportionem, cuius tractatio est huiusmodi in refutatione: Si ea quæ eandem habent proportionem, aliorum quæ eandem habent proportionem non sunt propria, nec ea quæ eodem modo affecta sunt, aliorum quæ eandem habent affectionem, propria erunt. Et si quid eorum quæ eodem modo affecta sunt, alterius proprium est, id non erit proprium eius, cuius proprium esse ponitur. ut si eodem modo prudentia affecta est ad honestum & turpe, quod utriusque eorum est scientia: prudentiæ autem proprium non est scientiam esse honesti, profectò non erit proprium prudentiæ, rei turpis esse scientiam. Et si prudentiæ proprium est honesti scientiam esse, eius certè rei turpis scientiam esse non erit proprium. quandoquidem eiusdem multa esse propria non possunt. In confirmatione autem huius loci nullus est usus, quippe cum id quod eodem modo affectum est, unum cum multis comparatur. Proximus locus est ex iis quæ ad naturam, originem, interitumque referuntur, qui in reprehensione tractabitur, hoc modo: Si id quod ad naturam & statum refertur, non est eius quod ad naturam & statum pertinet proprium, ne id quidem quod ad interitum pertinet illius quod eiusdem est generis: nec quod ad ortum ullius eiusdem generis proprium erit. ut si exempli causa hominis non est proprium, esse animal, non erit proprium huius totius, hominem gigni, illud totum animal fieri: nec hominis interitus proprius est interitus occasusque animantis. Eodemque modo sumenda argumenta sunt ex ortu concludendo statum & interitum, itèmq; ex interitu concludendo statum & ortum: quemadmodum paulo ante ex statu cõclusus ortus

ARISTOTEL. TOPIC.

& interitus est. In cōfirmatione autē hoc modo: Si id quod
 ad statum pertinet est alicuius eiusdē generis propriū, eius
 etiam quod ad ortum pertinet, erit proprium id quod eius-
 dem est generis, & illius quod ad interitum, quod eiusdem
 generis esse ponitur: cuius exēplum tale est: Si hominis pro-
 prium est esse mortalem, etiam hominis ortus proprium e-
 rit, nasci mortalē: & interitus hominis, mortalē interire:
 eodēque modo concludendus est ex ortu & interitu, sta-
 tus & ortus, quemadmodum hic locus in refutatione ex-
 positus est. Sequitur locus ex forma rei propositæ. In refu-
 tatione quidem huius loci talis erit tractatio. Si formæ nō
 conuenit, aut certe non ex ea parte qua id dicitur conueni-
 re, cuius proprium datum est, quod proprium positum est:
 non erit propriū ut si ipsi homini non conuenit quies, quia
 homo sit, sed quia idea, non erit proprium quiescere. In cō-
 firmatione autem locus est eiusmodi: Si quid speciei conue-
 nit, idque ex hoc ipso conuenit, quia dicatur de eo ipso cu-
 ius ponitur non esse proprium, erit proprium id quod posi-
 tum est non esse proprium. ut si conuenit ipsi animali, ex a-
 nimo & corpore concretum esse, idque ei quia animal sit
 conuenit, certē animalis proprium erit ex animo, & cor-
 pore constare.

SEQUITVR locus comparationis ex maiore & mi-
 nore, qui quadripartito distributus est, quorum primus in
 refutatione tractabitur hoc modo: Si quod elationē habet
 alterius eiusdē generis non est propriū, ne id quidem quod
 submissionem habet, ullius eiusdē generis propriū erit: nec
 quod minimā habet alterius, nec quod maximā habet ela-
 tionē alterius eiusdem generis, nec deniq; id quod omnino
 dicitur

dicitur ullius eiusdē generis, ut si exēpli causa, colore magis infectum esse, magis corporis non est proprium, nec minus colore infectū esse, eius quod minus est corpus propriū erit, nec infectum esse colore corporis omnino. In confirmatione autem huius loci tractatio erit talis: Si id quod elationem habet, eiusdem generis alicuius proprium est, id etiam quod submissionem habet, alicuius eiusdem generis propriū erit. Itēque, id quod minimam habet submissionem alterius eiusdem generis, & quod maximā habet elationem, alicuius eiusdem generis, & quod omnino dicitur, alicuius eiusdem generis sit proprium necesse est. cuius exēplum est eiusmodi: Si eius quod magis uiuit magis sentire proprium est, etiam eius quod minus uiuit, id quod minus sentit: & eius rei quæ maximè uiuit, maximè sentire: & eius quod minimo beneficio uitæ utitur, minime sentire: & eius quod omnino uiuit, omnino sentire propriū erit. Atque etiā ex eo quod omnino dicitur, argumenta ducenda sunt. In reprehensione quidem hoc modo: Si id quod omnino dicitur alterius eiusdē generis non est proprium, ne id quidē quod elationē habet eius quod est eiusdem generis, neque id quod submissionē habet alterius eiusdem generis, neque id quod maximā habet elationē alterius, neq; id quod minimam habet submissionē alterius, erit propriū. quod ex hoc exēplo intelligi potest: Si hominis non est propriū, bonū esse, ne eius quidē qui hominis nomine magis aut potius appellatur, probiorem esse proprium erit. At in cōfirmatione argumentum ab hoc loco sic sumetur: Si id quod omnino dicitur eius quod est eiusdem generis propriū est, id etiam quod maiorem elationem habet alterius, & quod minorem ha-

bet submiffionem, quòdque minimam ac maximam habet alterius eiusdẽ generis propriũ, futurum est, ut si ignis propriũ est sursum ferri natura, eius etiam propriũ erit quod ignis potius dicitur celerius in superiorem locum suapte natura ferri. Eodẽmq; modo ex ceteris hæc concludenda sunt omnia. Alter locus est in reprehensione talis: Si quod elationem habet non est propriũ alterius eiusdem generis, non erit proprium id quod habet submiffionem ullius, quod est generis eiusdem. Eius loci tale exemplum erit: Si animalis magis propriũ est sentire, quàm hominis scire: nec propriũ est animalis sentire, non erit hominis scire proprium. In cõfirmatione autem hoc modo tractabitur: Si id cui illud minus additur, alterius cui idẽ adiungitur est proprium, etiã id cui magis additur alterius cui idem iungitur, est futurũ proprium: ut si minus hominis propriũ est cicurem & humanum esse natura, quàm animalis uiuere: hominis autem est proprium cicurem esse suapte natura & humanũ, profectò animalis proprium erit uiuere. Tertius locus ex maiore & minore in reprehensione talis est: Si quid eius cuius magis est proprium, proprium non est, ne eius quidẽ proprium erit, cuius minus est proprium, & si illius est, non etiam huius erit. ut si colore infici extremitatis magis proprium est, quàm corporis, nec proprium est extremitatis, non erit proprium corporis omnino, colore infici. quòd si est extremitatis proprium, nõ erit corporis proprium. At uerò in confirmatione huius loci nullus usus est: cum præsertim idem multorũ propriũ esse nullo modo possit. Quartus locus est in refutatione huiusmodi: Si quod magis proprium uidetur alicuius, id non est eius propriũ, ne id quidem proprium

prrium erit, quod minus propriū eius uidetur. Cuius exemplum tale est: Si animalis magis proprium est sensu percipi, quàm secari in partes: & animalis non est proprium sensu percipi: non erit animalis proprium in partes secari. In cōfirmatione autem tractabitur hoc modo: Si quod minus proprium est alicuius, id eius proprium est, certè quod magis proprium est, eius erit proprium. ut si minus est propriū animalis sentire quàm uiuere: & animalis proprium sentire est propriū, profectò animalis propriū erit uiuere. Deinceps sequitur locus à paribus, cuius loci tractatio in refutatione hac prima erit: Si quod æquè est proprium, non est propriū alicuius cuius æquè propriū est: ne id quidè quod æquè proprium est, eius erit proprium cuius æquè propriū est. ut si æquè proprium est partis animi in qua uoluptates uersantur, appetere, ac eius quæ rationis est particeps, ratiocinari: & eius partis in qua uoluptates uersantur, nō est propriū appetere: non erit etiā ratiocinari eius quæ ratio- nis est particeps, proprium. In confirmatione autem huius loci tractatio erit eiusmodi: Si id quod æquè proprium est, eius est propriū cuius æquè propriū est, erit etiā quod æquè propriū est, eius proprium cuius æquè proprium est. cuius exemplum tale est: Si æquè proprium est partis animi quæ rationis est compos, primam esse sedem sapiētiae, atque eius in qua uoluptates habitant, primā esse sedem temperātiæ, & partis eius quæ compos est rationis, primam esse sedem sapientiæ proprium est: illius etiam in qua uoluptates habitant, proprium erit primam sedem esse temperantiæ. Alter locus in reprehensione talis est: Si quod pari ratione alicuius est proprium, non est proprium eius: quod æquè pro-

ARISTOTEL. TOPIC.

prium est, id non erit eiusdem proprium, ut si cernere aque
 proprium est hominis ac audire: hominis autem non est pro-
 prium cernere: non erit etiam audire hominis proprium. In
 confirmatione autem talis usus erit: Si quod pari ratione
 alicuius est proprium, id eius proprium est, etiam id quod
 aque proprium, eius erit proprium. ut si aque proprium est
 animi, eius partem ualere ad appetendum, ac posse ratio-
 cinari primum: animi autem proprium est eius partem esse,
 qua primum appetat: animi etiam proprium erit, partem
 eius primum posse ratiocinari. Tertius locus est in repre-
 hensione eiusmodi: Si quid non est proprium eius, cuius a-
 que proprium est, non erit proprium eius cuius pari ratione
 est proprium: & si illius est proprium, alterius proprium
 non erit. Quod hoc exemplo illustrandum est: Si exempli
 causa incendere aque proprium est flammae atque pruna-
 rum, & flamma incendere non est proprium, non erit pru-
 narum proprium incendere: quod si flamma proprium est,
 non erit prunarum proprium. huius autem loci nullus u-
 sus est in confirmatione. Interest autem inter locum à simili-
 bus & à paribus, quod ille ex proportionem sumitur, non
 ex eo quod unum quodammodo alteri attribuitur: hic au-
 tem ex eo quod inest unum alteri certo quodammodo, uim ha-
 bet. Deinceps locus in refutatione tractatur, si quis ex ui
 proprium statuet, propriumque ui ad id quod non est, ac-
 commobabit, nec uis poterit rei quae non est conuenire, non
 erit proprium quod positum est proprium esse. ut si quis di-
 cat aeris proprium esse inspirabilem esse, ex ui proprium
 statuit, quandoquidem illud proprium respirabile; quod
 respirari potest significat, atque etiam proprium statuit

rei quæ nulla est. siquidem sublato animali quod respirare
aërem solet, aër esse potest. nec tamen si nullum sit animal,
fieri potest, ut quid respiret: ita sit ut aëris non sit futurum
proprium eiusmodi, quod respirari potest, tum cū animal
nullum erit tale quod respiret: quare aëris proprium non
erit spirabilem esse. At in cōfirmatione huius loci usus erit,
quando ex vi propriū explicabimus, quod aut ad id quod
est, aut ad id quod nō est, refertur: sed ita ut vis ipsa rei quæ
nulla est, possit conuenire. sic enim proprium erit id quod
positum est non esse proprium. ut si quis eius quod est, pro-
prium ponat posse pati uel facere, is ex vi proprium expres-
sit, idque ad id quod est accommodauit. Quandiu enim al-
iquid est, id & pati aliquid & facere potest, ita eius
quod est proprium, erit posse pati uel facere. Extremus lo-
cus refutationis erit: quando ex præstantia & excellen-
tia proprium exponitur, proprium non est quod positum
est esse proprium. ij enim qui hoc pacto proprium statuunt,
faciunt ut in quo oratio, in eo non etiam nomen uere dica-
tur. sublata enim re, tamen stabit oratio, quippe cum ali-
cui earum rerum quæ sunt conueniat maxime: ut si quis i-
gnis proprium dicat esse hoc totum, corpus leuissimum, i-
gne sublato erit corpus aliquod leuissimum. non est igitur
ignis proprium hoc totum, corpus leuissimum. In confirma-
tione autem, ne præstantia statuamus proprium prouidē-
dum est. ex ea enim parte rectè ponetur propriū. ut si quis
hominis proprium ponat hoc totum, animal natura cicur
& humanum, is quoniam non explicauit propriū ex præ-
stantia, ex ea parte proprium rectè statuit.

ARISTOTELIS TOPICORVM
LIBER SEXTVS.

IN tractatione autē locorum definitionis, quin-
que ad reprehendendum nobis proponere de-
bemus. Primum, omnino non uerē dici de quo
nomen, etiam orationem, debet enim in omni
homine uerē dici hominis definitio. Alterum non esse positū
pro genere aut pro accommodato genere, id genus quod est
in definitione. Nam qui definit rem, debet ad genus diffe-
rentiam adiungere. cum præsertim eorum quæ in defini-
tione collocantur, rei quæ definiendo explicatur, naturam
genus declarat maximè. Tertium, non esse propriam ora-
tionē, quoniam debet propria esse definitio, quemadmodū
supra dixi. Quartum, ut omnia quæ dixi perfectā sint, nō
tamen rem definitam esse, nec eius uim explicatā. Postre-
mum est uitium, si tu quidem definiueris, non autem rectē.
Ac si de quo nomen non etiam oratio uerē dicitur, ex locis
accidentis ad id demonstrandum & concludendum ar-
gumenta ducenda erunt. Illic enim hoc unum egimus, ut
uerē ne an falso diceretur, cognosceremus: cum præsertim
quando differebamus accidens conuenire, uerē dici, quan-
do non conuenire, non uerē dici fateremur. Non esse autem
aptum genus id quod positum est, aut non esse propriam o-
rationem quæ data est, ex locis generis & proprii qui sunt
expositi, docebimus. quod autem reliquum est, non esse de-
finitam rem, aut non rectē definitam, quemadmodum in-
telligemus, meditamur dicere. Primum quidem an mi-
nus aptè res definita sit, uidendum est. quando quidem fa-
cilius

cilius est facere aliquid, quàm rectè facere. ex quo perspicuum est, sapius in hoc ipso peccari, quandoquidem difficilius est. ita argumenta facilius in hoc quàm in illo genere suppetent. Sunt autem duæ partes eius rei quæ nõ aptè definita est: Vna, si dubia & obscura ininterpretatione utamur. Debet enim is qui rē definit quàm potest apertissima ininterpretatione uti: quandoquidem cognoscendæ rei causa traditur definitio. Altera est, si aliquid amplius quam necesse erat, in definitione posuerit: sic enim supernuacaneum erit, quicquid amplius adiectū erit in ea definitione. Rursus utrumque eorum quæ exposita sunt, in plures partes distributum est. Ac primus quidem locus ad probandum definitionem esse obscuram, erit, cum aliquod uerbū quod in definitione continetur ambiguum erit. Ut si quis definiat ortum motum ad naturam ferentem, aut ualitudinem esse aptam caloris & frigoris temperationem & moderationem. Est enim ut motus, sic moderationis ambiguum uerbum, ita dubium erit utrum uelit significare eorū quæ explicata sunt & declarata, eo uerbo, quod multis modis dicitur. Quod idem contingeret, quoties res quæ definitur multis modis dicitur, neque explicatur. Sic enim incertum erit utrius definitionem explicauerit: inciduntque tum cauillationes, quasi non ad omnia quæ definiendo explicata sunt, accommodetur definitio: idque tum incidet maximè, cum obscura est & latens ambiguitas. Atque etiam ratiocinatio cōfici potest, diuisione adhibita, quot modis dicatur id quod in definitione concluditur. Si enim satis explicatū non sit ulla significatione earum quibus id dicitur, perfectò eo modo res rectè explicata non erit. Proximus locus

est, quando per translationē definitio explicatur. ut si quis scientiā definiens immutabilem esse dicat, & quæ nunquā decidat, aut terram altricem, aut temperantiā cōcentum. Est enim obscurum quicquid per translationē dicitur. Calumniari etiam poterimus aduersus eum qui translatione usus erit, quod nō proprio uerbo sit usus. quandoquidē non poterit rei quæ definitur accommodari definitio, quod in tēperantia contingit: quandoquidē in sonis omnis concentus cernitur. Præterea si concentus genus sit temperatiæ, idem in duobus generibus erit, quorum neutrum alterum continet. neque enim concentus uirtutem continet, nec uirtus concentū. Deinceps locus sequitur, quando aliquis in definiēdo uerbis inusitatis utitur, id quod Plato fecit, qui oculū ὀφθαλμὸν, id est ciliū umbrā definiuit, & arancā οὐχιδανίς, id est, ut ita dicam, putrimordacē. aut si quis medullā ossiū procreatricem dicat. quicquid enim inusitatū est, id obscurum est. Sunt etiam nōnulla quæ nec per ambiguitatē, nec per translationē, nec propriē dicuntur. ut si lex definiatur esse modus uel imago eorū quæ natura iusta sunt. quæ omnia translatione deteriora sunt. Translatio enim illustrat declarātque quōdāmodo propter similitudinem id quod significatur. quippe cū omnes qui transferunt uerba, ea propter quandā similitudinē trāsferāt. At uerò illud tale nullo modo rem illustrat, quandoquidem similitudo nulla reperitur, propter quā lex, modus, aut simulachrum dicatur. nec id propriē dici solet. ita si modum propriē aut simulachra legem dicant esse, mentiuntur. Est enim simulachrum id, cuius origo ab imitatione profecta est, quod in lege non reperitur. Quod si improprie id dicant, certē obscurē loquuntur

loquuntur, atque deterius quàm ea quæ per trãſlationem dicuntur. Locus alius erit, quando contrarij definitio ex ea quæ data est, non intelligetur. Quæ enim rectè definitiones constituuntur, etiã contrarias significant atque declarant. Aut quando per se prolata, non perspicuū erit cuius sit definitio, sed simile aliquid usuueniet, quod in ueterum pictorū operibus, quæ quidem nisi quis superscripsisset, nunquã cognosci intelligique potuissent. ac ex iis quidem locis ad probandum non esse definitionem dilucidam argumenta ducentur. Quando autem abundās dabitur, & constituetur definitio: primum uidēdum erit, an uerbum aliquod adhibitum sit eiusmodi, quod cōueniat omnibus rebus, aut quæ sunt omnino in rerum natura, aut quæ subiecta sunt generi eidem rerum earum quæ definiuntur. Sic enim ut in definitione aliquid redundet necesse est. Nam & genus à cateris, & differentia ab aliquo eorum quæ sunt in eodem genere debet rem quæ definitur seiungere. Atqui quod rebus omnibus conuenit omnino, à nulla separat, & quod omnibus quæ subiecta sunt eidem generi cōuenit, ab iis quæ sunt in eodem genere non secernit: ita superuacaneum est tale illud quod adiectum est. Alius locus erit, quādo id quod adiectum est, est propriū, quo sublato, & reliqua oratio propria est, & naturam rei explicat. Quale est in hominis definitione hoc totum quod adiicitur, natum ad disciplinam. eo enim sublato propria est definitio, naturamque rei indicat, atque ut uno uerbo complectar omnia, id omne superuacaneum est & redundans, quo sublato quod reliquum est, planam facit rem eam, quæ definitur. Qualis est etiam animi definitio, si quidē numerus sit se ipse mouens & agi-

rans. Est enim animus id quod seipsum mouet, quemadmo-
dum Plato definiuit, nisi fortè proprium est illud quidem
quod expositum est, sed numero sublato rei uim naturam-
que non declarat, quorum utrū uerius sit difficile est expli-
care. In his autem omnibus quantum utilitatis ratio postu-
lat, uidendum est. Qualis est pituitæ definitio illa, humor
primus ex cibo incoctus. unus enim primus humor est non
multi, ita redundat illud incoctus. quandoquidem sublato
illo propria reliqua est futura definitio. Fieri enim non po-
test, ut aliquid ex cibo unum atque alterum primum deci-
dat: nisi forte pituita non est id omnino quod ex cibo pri-
mum decidit, sed primum est eorum quæ non sunt conco-
cta, ut illud non concoctum addendum esse uideatur. Nam
si illo modo dicatur, non uera erit definitio: siquidem nõ est
primum omnium. Proximus locus erit, quoties aliquid eo-
rum quæ in definitione continentur, non omnibus ijs quæ
sunt sub eadem specie, conuenit. Qualis definitio deterius
& absurdius explicata est iis omnibus, in quibus aliquid
adhibetur, quod omnibus naturis conuenit. illo enim modo
si reliqua propria erat definitio, & tota propria erit. quan-
doquidem si ad proprium aliquid quod uerū est addatur,
omnino propria est tota oratio. At si quid eorū quæ in de-
finitione collocata sunt, non omnibus conueniat ijs quæ ei-
dem speciei subiiciuntur, tota esse oratio propria nullo mo-
do potest. neque enim de re uicissim dicetur: cuius generis
est hoc totum, animal gradens bipes quatuor cubitorum:
neque enim eiusmodi definitio de re uicissim dicitur, pro-
pterea quòd non omnibus iis quæ eidem speciei subiiciuntur,
magnitudo quatuor cubitorum conuenit: Illud etiā uiden-
dum

dum erit, an uerbum idem iteratum est: ut si quis cupiditatem, definiat uoluptatis, & delectationis appetitionē. Omnis enim cupiditas est uoluptatis: quare illud etiā quod idē est cū cupiditate, uoluptatis erit. Definitioni igitur cupiditatis conueniet, esse appetitionem uoluptatis: nihil enim interest cupiditatem dicas, an appetitionem uoluptatis. Itaque esse uoluptatis de utroque dicitur, nisi fortē hoc alienū uideri non potest. homo enim cū bipes sit, certē bipes erit id quod idē est quod homo. Est autē idē quod homo animal gradens bipes, ita animal gradens bipes, bipes est. Sed non ex hoc alienū quicquam & incōmodum efficitur, quādoquidē de animante qui gradens est solo, ac per se sumpto bipes nō dicitur bis. Sic enim bis de eodem bipes diceretur: cum autē de animante gradiente bipede nomen bipedis dicitur, semel tantūmodo bipes dicitur. Eadē est ratio cupiditatis, propterea quòd non de appetitione dicitur illud esse delectationis, sed de tota oratione. ita fit ut semel etiam hoc loco ratio dicendi exprimatur. Atqui iterare idem uerbum non est incōmodum: sed illud demū incommodū est, saepe idē de aliqua re dicere: quod Xenocrati usuuenit, qui sapientiā ait esse definitionē, & cognitionem naturarū, quippe cum definitio quādā sit cognitio: ita bis idē dixit adiecto uerbo cognitionis. In eodē errore uersantur ij qui refrigerationē caloris naturalis priuationem esse definiunt. nam cum eius quod insitum est, omnis sit priuatio, superuacaneum est nomen naturalis addere, satisque erat addere caloris priuationem: quandoquidem ex ipso nomine priuationis, rei naturalis esse intelligitur. Rursus uidēdum est, an ad id quod omnino dicitur, aliquid etiam quod in parte sit, adiunga-

rur. ut si quis æquitatem definiat imminutionem rerū uti-
 lium atque iustarum. Cum enim quod iustum est etiā utile
 sit quiddam, profectò in rebus utilibus continetur. Ita illud
 rerum iustarum redundat. quia posito eo quod omnino &
 in totum dicitur, id adiectum sit quod est in parte. Quod
 idem fiet si medicinam aliquis definiat, scientiam rerum sa-
 lubrium animali & homini: aut legem, imaginem eorum
 quæ natura & ui sua bona sunt & iusta. Nam quoniam
 quod iustum est quædam pars est boni, is qui ita definit, sæ-
 pe idem dicit. Ac utrum rectè necne definitio explicata sit,
 ex his locis & aliis eiusdem generis intelligemus. Ad pro-
 bandum autem naturam rei explicatam esse aut non esse
 definiendo, ex iis quos deinceps exponemus, argumenta su-
 mentur. Primum uidebimus num prioribus & magis per-
 spicuis uerbis exposita sit definitio. Definitio enim rei cogno-
 scendæ gratia tradiitur. Et rem cognoscimus non ex rebus
 & uerbis quibuscumlibet, sed ex prioribus & magis perspicuis,
 quemadmodū in demonstrationibus contingit. ea enim uis
 est omnis doctrinæ & disciplinæ. Ex quo perspicuum est, eū
 non explicare rem definiendo, qui non rebus eius generis re
 illustret & aperiat definitione. Si enim rem definiuit, certè
 multæ erunt eiusdem rei definitiones. quippe cum perspi-
 cuū sit eum qui rebus magis perspicuis, & notioribus defi-
 nierit, aptius & commodius rem definiendo explicasse. ita
 eiusdem rei utraque definitio erit propria, quod nō ita est.
 Sua enim cuiusque rei una est uis atque natura. Itaque si
 multæ eiusdem rei definitiones erūt, uis & natura rei eius
 quæ definitur, erit eadem, quæ utraq; definitione declara-
 tur. Atqui & naturæ non sunt eadem, quandoquidē aliæ

Et diuersæ sunt definitiones. Perspicuum est igitur eum nõ definiuisse rem, qui non magis perspicuis neque notioribus rebus definierit.

AD probandum igitur non esse explicatam definitionē magis perspicuis rebus, duplex locus suppetet. Nam aut uidebimus an ex magis dubiis omnino *Et* ignotis, aut an nobis magis ignotis *Et* dubiis exposita sit res definiēdo. quoniam utroque modo id fieri potest. Quod enim prius est, id eo quod posterius est, notius est omnino. ut punctum linea, *Et* linea plano, *Et* planum solido: quemadmodum unio numero notior est, quoniam prior initiumque est omnis numeri. Itēque elementum syllaba. At uerò in nostra cognitione contra interdum contingit. Nam *Et* quod solidū est magis sub sensum cadit, quàm quod planum est: *Et* quod planum est magis quàm linea: *Et* linea quàm punctum, quippe cum hæc plerisque nota sint omnia. Hæc enim cuiusuis, illa subtilis *Et* ociosi ingenij est discere. Et quanquam præstat omnino eniti, ut posteriores res ex prioribus intelligamus *Et* cognoscamus: (habet enim id maiore uim ad scientiam) tamen apud eos qui rem ex talibus non possunt cognoscere, necesse est profecto rem definiendo aperire iis rebus, quæ illis notæ sunt *Et* perspicuæ. Cuius generis sūt *Et* puncti, *Et* lineæ, *Et* plani definitiones: omnes enim res antiquiores, posterioribus explicant. ut lineæ punctum, plani lineā, solidi planū extremū esse definiunt. Sed tamen illud intelligēdū est, eos qui ita definiūt, uim *Et* naturā rei quæ definitur, explicare non posse. Nisi fortē idē sit *Et* nobis notius *Et* omnino. siquidem omnes qui rectē rē definiunt genere differētīsq; definire debēt, quæ in iis sunt rebus quæ

omnino, & per se notiores sūt, & magis perspicua, quàm forma. quippe cum sublato genere, sublata differentia, forma tollatur. Ex quo fit, ut specie priora sint, & antiquiora. Atque etiam notiora esse ex hoc intelligi potest, quòd cognita specie genus & differentiam cognosci necesse est. qui enim hominem nouit, etiam animal & bipes nouit. at cognito genere, aut cognita differentia, non necesse est speciem esse cognitam, ita species minus nota, & perspicua est. Iam uero ita fiet, ut ij qui definitiones eiusmodi ueras esse confirmant, quæ ex iis constant quæ cuiq; perspicua sunt & nota, multas eiusdem rei definitiones esse fateantur. Nā quoniam alia aliis nec eadem omnibus notiora sunt, una cuiq; & alia assignanda erit definitio: siquidem definitio ex iis quæ cuique planiora sunt, & notiora constitui debet. Præterea eidem alia aliàs magis aperta uidentur. Nam à primo ortu ea quæ sub sensum cadunt, ubi autem acriori sunt iudicio, contra. Ita ne eidem quidem semper eandem definitionem dare debent ij, qui definitionem rebus, quæ cuique magis perspicua sint, tractari uolunt. Ex quo perspicuum est non iis talibus, sed iis quæ omnino clariora sunt, rem esse definiendam, quippe cum ita demum una & eadem semper sit futura definitio. Ac fortasse quod omnino & ui sua notum est, non omnibus perspicuum est, sed iis demum qui bene animo constituti sunt. quemadmodum id etiam quod omnino salubre est, iis salubre est quorum bene affectum est corpus. Tractari ergo hæc debent omnia accurate & subtiliter: adhiberi autē in disputationibus pro rerum usu. Sed consensu omnium eueri definitio tū potest facillimè, cum nec omnino perspicuis & notis, nec iis quæ nobis

nobis nota sunt explicabitur. Ac una quidē ratione ita intelligitur non esse perspicuus traditam & apertam definitionē, si posterioribus (quemadmodum supra dixi) priora declarabuntur. Alia autem ratione, si eius rei quæ stabilis, & certa est, incertis & mutabilibus nobis statuetur definitio. quippe cum prius sit, & clarius quod stabile & certum est, quàm quod incertum & mutabile. Ad probādum autem non constare ex prioribus definitionem, tribus ex locis argumenta sumentur. Primus erit si contrariis contrarium definiendo aperietur, ut si bonum malo definiatur: simul enim naturæ ordine sunt contraria, & quibusdā eadem ars in utroque uersari uidetur. Ex quo fit, ut alterum altero non sit notius. Sed tamen illud ignorare non debemus, quædam esse quæ aliter definiri non possint. cuius generis est duplum, quod sine simplo definiri non potest: itēque omnia quæ per se cum aliquo conferuntur. Nam cum eorum omnium uis & natura idē ualeat, quod ad aliquid quodammodo effectum esse, profecto utrumque sine altero cognosci non potest, ut necesse sit alterum in alterius definitione contineri. Ac sunt cognoscenda illa quidem eius generis omnia, eisque in his (ut res feret) ita utendum est. Alter locus nobis argumenta suppeditabit, quando in definitione aliquid adhibetur quod idem ualeat, quod res quæ definitur: id quod obscurū est: tum cū non eodē uerbo utitur, quod est rei quæ definitur: ut si solē astrum die perspicuum definiant. qui enim diei uocabulo utitur, etiam solis utitur. Ut autē hæc manifestō deprehendantur, pro nomine, definitio sumenda est hoc modo: Dies est solis motus super terrā. sic enim perspicuum erit, eum qui motus solis super terram

ARISTOTEL. TOPIC.

dixerit, etiam solem nominasse, ut solis nomine usus sit, qui diei usus fuerit. Alter locus est, quando eo quod in eadē diuisione numeratur, alterum eiusdem generis definitur, ut si quis imparem numerum definiat, qui parē uno uincit. Sūt enim simul ordine naturæ ea quæ ex eodem genere distribuuntur in partes, cuiusmodi sunt impar & par, quæ numeri sunt differentia. Quod item fiet, si superiora inferioribus definiendo aperiuntur, ut si par numerus definiatur esse qui bifariam diuiditur, aut bonū habitus uirtutis. Nā & bifariam à duobus quæ sunt paria ductum est, & uirtus quædam est pars bonorū: ita hæc illis subiecta sunt. Necessesse est etiam eum qui eo quod infertur est utatur, etiam superiore uti, cum præferim qui uirtutis nomen usurpat, boni etiam nomen usurpet. quandoquidem uirtus in numero bonorum habetur. Itēque is qui bifariam dicat, pari utitur: quoniam illud bifariam aliquid in duas partes distributum declarat, & duo paria sint. Atque hic quidem locus unus est, ut generatim dicam, ex quo ad docendum definitionem non prioribus & magis perspicuis esse illustratam, argumenta ducentur. Cuius partes erunt superiores. Secundus locus erit, quando res quæ definitur ex aliquo est genere, neque in genere ponitur. qui error in iis omnibus uersatur, in quibus nō ponitur genus definitionis. ut si quis corpus definiat, id quod habet tres dimensiones: aut hominem, id quod rationem numerorū tenet, is nō dicit quid est, quod habet tres dimēiones, quæ est magnitudo, & quid est quod scit numerare, quod est animal. Genus autem quid res sit declarat, & primum eorum quæ in definitione dicuntur, collocatur. Idem fiet, si res quæ definitur in multis dicatur, neque

neque ad omnia pertineat definitio. ut si quis grammaticā definiat, artem esse scribendi id quod dictatur & proferatur. Deest enim & legendi, quandoquidem non potius scribendi quàm legendi eam artem tradidit is, qui eam definiuit. ut non qui alterum, sed qui utrunque dixerit, definisse uideatur: siquidem eiusdem rei multæ definitiones esse non possunt. Ac in nonnullis quidem hoc uerè dicitur quod expositum est: in quibusdam uerò non item, cuius generis ea sunt omnia, in quorum utroque nō per se res quæ definitur cernitur, quemadmodum medicina in morbo & in ualitudine uersatur, quorum in ualitudine uis sua & per se, in morbo temerè & casu cernitur: præsertim cum omnino alienum sit à medicina morbum efficere atque generare. Ita non uerius medicinam definiendo aperit is qui utrunque complexus est, quàm is qui alterum, imò uerò deterius: quandoquidem quiuis alius morbum efficere potest. Proximus locus erit, quando non ad id quod præstantius est, sed ad id quod deterius, res quæ definitur accommodatur, cum plura sint in quibus uis eius intelligatur. Omnis enim ars uisq; omnis, ad id quod continet præstantissimum omnium referri uidetur. Rursus si res quæ definitur in proprio & accommodato genere non collocetur, argumenta ex his locis generis quos supra exposuimus ducentur. Iam si quis superiora genera definiendo dicat, nō rectè definiet: ut si quis iustitiam definiat esse habitum efficiētem æqualitatis, aut habitum qui suum cuique tribuit: is enim ita definiendo uirtutem transilit. Quoniam igitur iustitia genus prætermittit, uim eius & naturā non explicat: quippe cum cuiusque rei uis sit cum genere coniuncta. Hic autē

locus idem ualeat quod ille: Non in proximo genere aliquid collocare. Qui enim in proximo genere numerarit aliquid, is superiora dixit omnia: quandoquidem in inferioribus ea quæ suprâ sunt, intelliguntur. Quocirca aut proximum genus in definitione usurpandum est, aut generi quod suprâ est, adiungendæ sunt differentiæ omnes, quibus uicinum genus definiatur. Sic enī nihil pratermitteretur, exprimereturque oratione inferius genus pro nomine: At qui superius genus solum dixerit, non etiam inferius explicat. ueluti qui plantam dicit, non etiam arborem declarat. Rursum in differentijs eodem modo uidendum est, an generis differentias definiendo explicarit. Nam si rem aliquam nō suis proprijs differentijs definierit, aut etiam aliquid dixerit eiusmodi, quod nullius rei differentia esse possit, ut animal, ut substantiam: is rem non definiuerit. Atque etiam illud uidendum est, sitne aliquid quod diuisum quasi ex altera parte differentia quæ proposita sit, respondeat. Si enim non sit, profectò quæ data est, non erit generis differentia: quandoquidem in differentias, quæ diuiduntur ex contrarijs partibus, genera omnia tribuuntur: ut animal in terrenum & pennigerum, in aquatile, & bipes. Aut si est differentia qua ex altera parte genus diuidatur, nec de genere uerè dicatur, perspicuū est neutram generis esse differentiam, præsertim cum omnes differentia in quas genus tribuitur, de proprio & suo genere uerè dicantur. Item que si uere illa quidem dicatur, neq; adiecta generi speciem efficiat, profectò non erit generis hac talis, speciei procreatrix differentia: quippe cum speciei effectrix differentia speciem procreet, si cum genere iungatur. Quòd si hac in differentijs non numeretur,

meretur, nec ea quæ prolata est: quando quidem in hanc etiam genus diuisum est. Illud etiam considerandum est, an in negationem genus sit distributū. Quod ij faciunt, qui lineam definiunt, longitudinem esse latitudine carentē. Nam cum nihil aliud indicet, nisi quod nō habet latitudinem, ita fiet, ut genus definitionis formæ sit particeps. quando quidem longitudo omnis aut caret latitudine, aut habet latitudinem, & de rebus omnibus aut aientia aut negātia uerē dicuntur. Ita longitudo cū lineæ genus sit, aut non habebit aut habebit latitudinem. At qui longitudo non habēs latitudinem, speciei ratio est. Itēque habens latitudinem, præsertim cū quod latitudinis expers est, & particeps, sine differentia: ex differentia autem ac genere speciei constāt ratio & definitio: ita genus sibi formæ definitionem uēdicabit. Itēque differentia, quandoquidē altera differentiarū quas exposuimus, de genere dicitur necessariō. Hic autē locus ualeat contra eos, qui ponunt ideas esse. Si enim nō est ipsa longitudo, quōnam tandem pacto de genere dicatur, quod aut latitudine caret, aut latitudinis est particeps? Debet enim alterum modo eorum de omni lōgitudine dici, siquidem futurū est, ut uere de genere dicatur. Quod ita tamen non fit, cum sint longitudoines quæ latitudine careant, & quæ habeant latitudinē. Ergo hic locus contra eos solos ualebit, qui genus unū numero esse contendunt, quod ij faciunt, qui ideas ponunt. Nam & ipsam longitudinem, & ipsum animal uolūt genus esse. Quanquam in quibusdam definiendus negatio adhibenda est necessariō, cuius generis sunt priuationes. Cecum enim est id quod aspectum non habet, tum cum ei est aptus natura. Nihil autem interest,

negatione res definiatur, an affirmatione eiusmodi, cui necesse sit negationem ex altera parte in diuidendo respondere. ut si quis lineam, longitudinem quæ latitudinem habeat, definiat. Quod enim habet latitudinem, ei quod ea caret, cum in eas quid diuiditur, responderet, præterea nihil. ita rursus in negationem genus tribuetur. Illud etiam uidendum est, speciemne definiendo pro differentia dixerit. quod faciunt ij qui conuiuium contumeliam cum irrisione definiunt. Nam cum irrisio quædam sit contumelia, sit ut non differentia sed species sit irrisio. Iam illud etiam an genus pro differentia definiendo posuerit. ut si quis uirtutem, habitum bonum definiat. Est enim bonum uirtutis genus. Nisi forte non genus bonum est, sed differentia, siquid uerum est illud, non posse idem in duobus generibus numerari, quin unum altero contineatur. Neque enim bono habitus, neque habitu bonum continetur. quandoquidem non omnis habitus bonus est, neque omne bonum habitus. Ita utrumque esse genus nullo modo potest. Quod si habitus uirtutis genus est, profecto bonum non uirtutis genus sed differentia est. Præterea habitus quid sit uirtus declarat: bonum autem non quid sit, sed qualis, indicat. Atqui quale quid significat differentia. Videndum etiam est, an quid non quale quid, quæ data est differentia, declararet: quoniã qualitatem omnis differentia declarat. Atque etiam, fortè ne ac temere rei quæ definiatur differentia cõueniat. Vt enim nullũ genus, sic differentia nulla in ijs numeratur quæ temere & casu rei conueniunt, præsertim cum alicui conuenire & non conuenire non possit differentia. Iam si de genere dicatur differentia aut species, aut aliquid eorũ quæ
speciei

speciei subiecta sunt, nulla definitio est. Nihil enim eorū quę enumerata sunt, de genere dici potest, quandoquidē in pluribus genus quod omnia reperiatur. Quod idem fiet, si de differentia genus dicatur: cum præsertim non de differentia genus, sed de ijs de quibus differentia dicatur. Veluti animal in homine, boue, ceterisque terrenis animalibus dicitur, non in ea differentia quā de specie dicitur. Si enim de singulis differentijs animal diceretur, certe multa animalia de specie dici poterunt, cum præsertim de specie differentia dicatur. Præterea isto pacto aut in formis, aut in indiuiduis, omnes differentię numerabuntur, si quidem animalia esse ponantur. quandoquidem omne animal uel speciei uel indiuiduorum nomen obtinet. Similiterque considerandum est an species, uel aliquid eorum quę subiecta sunt sub speciem, de differentia dicatur. quod fieri non potest, quandoquidem ad plura differentiā quā forma transfertur. Isto etiam pacto fiet, ut inter species differentia numeretur, si quę species de ea dicatur. Si enim de ea homo dicatur, certe homo est illa differentia. Illud etiam uidendū est, an specie non sit prior differentia. debet enim ut genus sequi, sic specie antecedere differentia. Illud etiam, an alterius generis sit differentia ea quę producta est, quod quidem nec contineatur nec contineat. Neque enim uidetur duobus generibus data eadem differentia, quorum alterum ab altero minime contineatur. Sin secus, profectō illud etiam fiet, ut eadem species in duobus generibus sit, quorum unū non contineatur ab altero. Ex differentia enim genus concluditur, ut ex terreno & bipede, animal. Ita fit, ut in quo differentia, etiam genus utrumque dicatur. Ex quo perspi-

cum est, formam in duobus generibus esse, quorum unum altero non comprehendatur. Nisi forte non omnino fieri non potest, ut eadem differentia duorum sit generum, quorum neutrum alterum contineat, sed adiungendum est, quorum utrumque eidem minimè subijcitur. Nam terrenum animal & pennigerum animal, genera sunt, quorum neutrum alterum complectitur, quorum utriusque bipes differentia est: ita addendum illud est, quorum utrumque sub idem genus non subijcitur. hæc enim duo animali subiecta sunt. Illud etiam perspicuum est, non necessario ex omni differentia suum concludi genus: quandoquidem esse duorum generum, quorum unum altero non continetur, eadem potest: quorumque alterum necesse est ex ea concludi & probari, eaque quæ supra sunt omnia. quemadmodum animal pennigerum uel terrenum ex bipede concluditur. Videndum etiam, an id quod alicubi quid esse significat, pro differentia posuerit. Neque enim inter substantiã & substantiam hoc interest, quod alicubi sit. Itaque eos qui animal, in terrenum & aquatile partiuntur, reprehendunt: propterea quod terrenum & aquatile in aliquo esse declarant. Nisi forte in his non iure reprehendunt. Neque enim in aliquo esse aut alicubi aquatile & terrenum, sed quale quid indicat: præsertim cum si sit in loco sicco, tamẽ aquẽ aquatile: & si in humido loco, terrenum non aquatile sit futurum. Sed tamen hoc perspicuum est, si quid esse in aliquo significet differentia, in ea exponenda & explicanda peccari. Præterea uidendum est, an perturbationem in differentia numerarit. Omnis enim perturbatio amplificata, ex statu suo naturam dimouet, ex quo genere non est differentia. Magis enim statum

eius cuius est differentia, differentia conseruat, neque fieri potest omnino, ut sine sua quicque differentia permaneat: sublata enim terreni differentia, esse homo nullo modo potest. Quibus autē (ut omnia semel complectar) cōmutatur id in quo ea sunt, eorum nihil illius differentia est: quandoquidem omnino eiusmodi amplificata naturam ē statu suo dimouent. Quapropter qui talem aliquā differentiam dederit, in eo peccauit, quoniā in differentijs non cernitur cōmutatio, quæ alteratio solet appellari. Iam si quis definiēdo aliquid eorum quæ cū aliquo conseruntur, non constituerit differentiā quæ ad aliud aliquid referatur, errabit. Eorum enim quæ cū aliquo conseruntur, tales etiam debēt esse differentiæ. Quod in arte perspicui potest, cuius differentiæ sunt, ut una sit cognitionis, altera actionis, tertia effectiōis, quæ ad aliud referuntur omnia. Nā cognitio, & actio, & effectio intelligi nō possunt, quin alicuius res esse dicātur. Illud etiam considerandum est, an ad id definitionem accommodari is qui rem definit, ad quod natura apta sunt omnia, quæ cum aliquo conseruntur. Sunt enim quedam, quibus ad id solum uti licet, ad quod natura aptum est unumquodque eorum quæ cum aliquo conserūtur: sunt quibus etiam ad aliud licet. ueluti aspectu ad cernendum tantūmodo uti liceat labro etiam quis hauriat, tamē si quis definiat, labrum instrumentum esse ad hauriendum, peccabit, quoniā ad id nō est natum & comparatū. Definitio autē illius, ad quod natum & institutū est unumquodque, hæc est, id ad quod prudēs quia prudens sit, utitur, & propria cuiusque rei ars & sciētia. Peccabit etiam definiēdo, qui rei cui primum conuenit, non accommodat definitionem, quoties in

pluribus intelligitur. ut si quis (exempli causa) prudentiam
 definiat, hominis aut animi uirtutem, non eius partis animi
 quæ rationis est particeps. Est enim prima sedes prudentia
 in parte animi quæ ratione utitur: quod quidem ex ea &
 animus & homo prudens esse dicitur. Præterea si non est
 hoc rei quæ definitur subiectum, cuius uel habitus uel dispo-
 sitio in definitione esse dicitur, uitiose definiuit. Omnis enim
 affectio, omnisque perturbatio in eo sita esse solet, cuius est
 affectio & perturbatio, quemadmodum ars in animo, cu-
 ius est affectio, sita est. Interdum autem in his ipsis pecca-
 tur, uelut ab ijs qui aiunt somnum esse sensus imbecillita-
 tem: & dubitationem, æqualitatem rationum contrariarum,
 & dolorem discordiam partium coniunctarum natura, ue-
 hemētiore motu excitatā. Neque enim somnus inest in sen-
 su. quod necesse esset, si esset sensus imbecillitas. Itēq; ne du-
 bitatio quidem in contrarijs rationibus inest, nec dolor in
 coniunctis natura partibus. dolebūt enim res inanimæ, si-
 quidem dolor eis aderit. Atque etiam illa ex eo genere ua-
 lerudinis definitio est, apta-cōpositio caloris & frigoris. Sic
 enim necesse erit ualere res calentes & frigidas. Nam cum
 cuiusque rei apta compositio in illis sit, quorum est apta
 compositio, certē in eis etiam ualerudo insit necesse est. Præ-
 terea ita fiet, ut ij qui sic definiunt, quod effectus est, effi-
 ciens esse dicant, aut contrā. Neq; enim dolor dissensio par-
 tium natura coniunctarum, sed hoc est quod ad eum effi-
 ciendum uim habet: nec imbecillitas sensus, somnus, sed al-
 terum alterius efficiens est. quippe cum aut propter imbe-
 cillitatem sensus somno opprimamur, aut propter som-
 num, sensuum munere non fungamur. Itēque dubitatio-
 nem

nem afferre solet contrariarum rationum æqualitas. Cum enim in utrâque partem de aliqua re cogitamus, & paria sunt momēta rationum, tum denique quid nobis agendum sit dubitamus. Iam omnium temporum habenda ratio est, sicubi discrepent: ut si quis immortale animal quod nūc non interit definiat. Sic enim fiet, ut animal quod nunc interitū expers est, hoc tempore sit immortale. Nisi forte in hoc id non est uerum. est enim ambiguum nūc interitus esse expers aliquid. Aut enim non interisse nunc significat, aut nō posse interire hoc tempore: aut esse hoc tempore eiusmodi, ut nūquam intereat. Cum igitur dicimus, hoc tempore interitus expers esse animal, non hoc dicimus, tale esse nunc animal: sed, quod nunquam occidere possit: hoc enim idem est quod immortale. Ita minime efficitur ut id nunc tantum sit immortale. Attamen sicubi id accidat, ut quod oratione explicetur, hoc tempore insit, aut superiore, id autem quod nomine declaratur nō insit, nunquam idem erit. Vfus ergo huius loci talis est. Atque etiam illud uidendum est, idne quod definitum sit, alia oratione, ac ea qua allata est, aptius explicetur. ut si iustitia definitur, uis suum cuiq; tribuēs, iustus est enim potius, qui suum cuiq; uult tribuere quā qui id potest. Ex quo fit ut nō sit iustitia, uis suū cuique tribuens: alioqui iustus etiā esset, qui suum cuique tribuere posset. Illud etiam uitiosum est definiendi genus, cum res accessionem recipit, id autem quod oratione explicatur nō recipit, aut contra cum id quod oratione explicatur recipit, res autem nō recipit accessionem. Aut enim utrunque aut neutrum capere debet, siquidem idem est quod oratione explicatur, & res ipsa. Vitiosum etiam illud genus est

cum utrunque accessionem illud quidem recipit, sed nō simul, ut si amor cupiditas concumbendi definiatur. Cum enim is qui uehementius amat, non magis concubitum appetat, fit: ut non recipiat simul utrunque accessionem. quod quidem deberēt, siquidem idem ualerent. Quod idem fiet, si propositis duobus, de quo magis res dicetur, de eo minus dicetur oratio. Vt si ignis definitur corpus tenuissimum. Nā & flamma magis ignis est quā lux, & corpus tenuissimum flamma est minus, luce. Atqui utrūque eidem magis conuenire deberet, siquidem idem ualerēt. Vitiosum etiam est definiendi genus, si duobus propositis unum utrique aequē conuenit, alterum nō aequē, sed alteri magis. Item cum duo sunt ad quæ res quæ definitur pertinet, si utrunque ad definiendum acceperit, quasi ponens duas definitiones. ut si pulchrum definiatur id esse, quod uel oculos uel aures demulceat. & id quod est, quod pati, uel facere quid potest. Sic enim simul idem & pulchrum erit, & non pulchrum, itēque idem erit & non erit. quandoquidem quod aures mouet ac demulcet, idem erit quod pulchrum: Ita quod nō demulcet aures idem ualet quod id, quod minime pulchrū est. Rebus enim eisdem, eadem data sunt contraria. Cōtrarium autem est pulchro id quod pulchrū nō est, eique quod sensum aurium suauitate quadam mouet, id quod non mouet sensum aurium. perspicuū est igitur, idem ualere id quod non mouet aures suauitate quadam, & id quod est nō pulchrum. Si quid igitur est quod sensum oculorum moueat, non aures, id & pulchrum, & nō pulchrum futurum est. Eodēque modo idem esse, & non esse doceremus. Iam uerò si orationes pro nominibus sumamus, & generum, & differentiarum

differentiarum, & eorum omnium qua diffinitio completatur, an aliquid eorum discrepet, uidendum est.

QVOD si res qua definitur in iis sit qua cum aliquo conferuntur, uel per se, uel ratione generis considerandum erit, an in definitione expressum non sit id cum quo uel ipsa per se, uel generis communione cōferatur. ut si quis scientiam opinionem immutabilem definiat, uel uoluntatem cupiditatem ab agriuidine uacuam. Eorum enim omniū qua cum aliquo conferuntur natura ad alterū refertur, quandoquidem uniuscuiusque eorum qua ex illo sunt genere, natura illa sit, ad aliquid quodammodo affectum esse. Debuit ergo scientia definiri, opinio de eo quod scientia continetur, & uoluntas boni cupiditas. Quod item fiet, si grammatica literarum scientia definiatur. Exprimendum enim fuit definitione cum quo ipsa, genusue conferretur. Illud etiam uidendum est, an alicuius eorum qua cum aliquo conferuntur, non ad finem directa sit definitio: finis autem unicuique est quod optimum est, aut quo cetera omnia referuntur. Ita aut quod optimum est, aut finis, & extremum exprimi debet. Ut cupiditatem non rei qua uoluptatem affert, sed ipsius uoluptatis. quippe cum eius gratia etiam id quod eam efficit, expetamus. Videndum etiam est, tunc ad quod retulerit in ortu uel actione consistat. Nihil enim eorum finis est. Egisse enim, & ortum esse, finis potius nomen, quàm uel oriri, uel agere obtinet. Quanquam non in omnibus rebus ita est. fere enim omnes uoluptatem capere ex quaque re malunt, quàm desisse capere. ita agere potius finem constituunt, quàm egisse. Iam in quibusdam si quanta qualiāque sint, & ubi fiant,

itēque cetera dissimilitudines minimè explicētur, uitio-
 sa erit definitio. Vt si non aperiatur, quāvis & quantā glo-
 riæ cupidus sit ambitiosus. Nam quoniam omnes gloria du-
 cuntur, nō satis est ambitiosum dicere eum qui gloriæ sit ap-
 petens: addendæque sunt differentia quas enuierauimus.
 Itēque si auarus definiatur, quāto studio pecunia teneat-
 ur exponendum est: aut si impotens, quarum uoluptatum
 sit, in quibusque uersetur. Neque enim si quis qualicunque,
 & quauis uoluptate uincatur, is continuò impotens habē-
 dus est: sed is demum qui certa quadam superetur. Eiusdē
 generis sunt definitiones, & qua noctem definiunt umbrā
 terræ, & qua terræ motum, motum terræ, & qua nubem
 aeris crassitudinem, & qua uentum aeris motionem. Ad-
 dendum enim quātum, & quale id sit, & ubi fiat, & un-
 de. Quod eodem modo de aliis eiusdem generis iudicandum
 est. Qui enim quanuis differentiam prætermittit, is naturā
 rei nō explicat. In id autem quod prætermisum est, omnis
 semper dirigi debet argumentatio. Non enim si quomodo-
 cūque, aut quantumlibet terra mota sit, cōtinuò terræ mo-
 tus est. nec si aer quoquomodo aut quiuis pellatur, uentus
 est. Eodē modo peccatur in appetitionibus definiendis, cum
 quod uidetur nō adicitur, in ceterisq; omnibus, in quibus
 illud adiiciendum est. ut si uoluntas definiatur, appetitio bo-
 ni: & cupiditas, appetitio rei quæ uoluptatem efficit, nec
 addatur, eius quod bonum uideatur, aut eius rei quæ uolu-
 ptatem efficere uideatur. Sæpe enim ignorant ij qui cupidi-
 tate tenentur, bonum esse aut iucundū esse id quod cupiūt.
 Ita nō est necesse id esse bonum aut iucundum, sed modo ui-
 deri. debuit ergo eo pacto explicatio fieri. Quod si ita, ut
 dixi,

dixi, rētradat & aperiat, ad species impellēdus erit is qui ponit ideas esse. Neq; enim idea est in ulla re quæ esse uideatur & appareat, & species ad speciem referri uidetur. ut ipsa cupiditas ipsius iucundi est, & ipsa uoluntas ipsius boni. Non igitur eius quod bonum esse uideatur, ipsa uolūtas erit: neque rei quæ uoluptatem afferre uidetur, ipsa cupiditas. Absurdum est enim esse aliquid ipsum bonum apparēs, aut iucundum. Iam si habitus definitio explicetur ex eo in quo est habitus, ducetur argumētum: & si eius in quo est habitus, ex habitu. Itēmq; in ceteris talibus, ut si id iucundum dicatur quod prodest, etiam qui uoluptate afficitur, adiuuatur. In definitionibus autem eius generis fit, nescio quo modo, ut is qui rem definiendo aperit, plura uno definiat. Qui enim scientiam definit, quodammodo etiam definit ignorationem. itēque quod doctum & indoctū est, scire & ignorare. Si enim primum planū fiat quodammodo, etiam cetera perspicua fient omnia. Quapropter in his talibus, si quid discrepet, ex his locis quos in contrariis, & coniugatis exposuimus, argumenta ducemus. Atque in iis etiam quæ cum aliquo conferuntur, uidendum est, an ad quod genus accommodatum est, etiam ad illud aliquid relata sit forma. Ut si opinio cum eo quod opinabile est conferatur, etiam opinio quædam cum quodam opinabili confertur. Et si res multiplex ad submultiplicem refertur, etiam quædam multiplex ad quandam, & certam submultiplicem referetur. Si enim non ita explicata res est, profecto uitiosa erit definitio. Et illud uidendum, an contrarij explicata expositæque sit definitio contraria, ut sit ne simpli definitio contraria dupli definitioni. Si enim duplum est quod

pari uincit, etiam simplum erit quod pari re uincitur. Eadem est oratio eorum contrariorum, quæ aduersa dicuntur. Contrarij enim contraria erit definitio, una quadam contrariorum inter se cōnectione, hoc modo: Si id prodest quod bono afficit, etiam id obest quod malis afficit, aut quod bonis priuat. Alterum etiam eorum contrarium sit eius, quod prius dictum est, necesse est: quod si neutrum contrarium sit eius, quod initio expositum est, certè neutra eorū quæ posterius exposita sunt, esse contrarij definitio illo modo potest: ita ne ea quidem quæ initio data est, uerè & rectè fuit explicata, & constituta. Quoniamque contraria sunt quædam quæ alterius priuatione dicuntur, ut inæqualitas æqualitatis priuatio uidetur esse, inæqualia enim sunt quæ non sunt æqua & paria: profecto id semper quod priuatione dicitur, altero contrario definitur necessario, alterum non etiam necesse est illo quod ex priuatione nominatur, definiri. Sic enim fieret, ut utrumque ex altero cognosceretur. Quare hoc uitium in contrariis animaduertere debemus. ut si quis æqualitatem definiat id, quod inæqualitati contrarium est: definiendo enim aperit rem, eo quod ex priuatione appellatur. Iam uerò necesse est eum qui ita definiat, ea re uti quæ definiatur. Quod ita intelligetur, si cū nomine commutetur oratio. Quando enim nihil interest, inæqualitatem dicamus, an æqualitatis priuationem, certè erit æqualitas cōtrarium æqualitatis priuationi. ita eadem re usus est. Quod si neutrum contrariorum priuatione dicatur, eodēque modo explicetur definitio, ut bonum est, quod malo est contrarium: certe malum erit quod est bono contrarium. Eorum enim quæ ita contraria sunt, similiter

militer explicāda definitio est. Sic rursus fiet, ut eam ipsam
rē quæ definiatur, adhibeat in definitione, præsertim cū in-
sit bonū in mali definitione. ita si bonū malo contrariū est,
malū autem nihil refert dicas, an quod bono est cōtrarium,
efficietur, ut bonū cōtrarium sit eius quod bono contrariū
est. Ex quo perspicuū est, eodē usum esse eū qui ita definiat.
Vitiosa etiam definitio est, cum ita aliquid eorum quæ pri-
uantia sunt, aperitur: ut cuius sit priuatio, ueluti habitus-
ne, an contrarij, an cuiusuis, minime explicetur. Quod idē
fiet, si cuius aut in quo solet esse priuatio, non addatur om-
ninō, an in quo primo soleat habitare, ut si quis ignoratio-
nem priuationē esse dicat, nec addat priuationem esse scien-
tiā, aut non adiungat in quo uersari soleat, aut si adiūgat,
nō dicat in quo primo id habitare soleat: ut si quis nō in ea
parte animi quæ rationis est particeps, sed in homine, uel in
animo aliquid situm esse definiendo explicet. Si enim quid-
uis horum prætermiserit, aberrabit. Eodēmq; modo, si quis
cæcitatem non aspectus priuationem in oculis dixerit. Qui
enim uim & naturam priuationis accommodate apteq;
explicare uult definiēdo, is debet, & cuius rei sit priuatio,
& quæ res priuetur, exponere. Illud etiam cōsiderandum
est, an priuatione explicetur quod non numeratur in pri-
uātibus. Qui quidem error in ignorance uersari uidetur
ijs, qui nullam ponunt ignorance, cuius natura ex ne-
gatione intelligatur. Quod enim artis & scientiæ expertus
est, id ignorare minime uidetur: sed id demum, quod er-
rat & fallitur. Itaq; nec res inanimas, nec pueros ignora-
re dicimus. Ita nō priuatione sciētiae ignorantia dicitur. Iā
illud uidendum est, an similibus nominis casibus similes

ARISTOTEL. TOPIC.

definitionis casus respondeant. ut si id prodest, quod efficiēs est ualitudinis, utiliter accommodate ad ualitudinem efficiendam, etiam quod profuit, id ualitudinē efficit. Spectandum est etiam ex idea, sitne uera, & propria quæ data est definitio. quandoquidem in quibusdam id non reperiri cernitur. Quemadmodum Plato definit, adiungens animantium definitionibus mortale. Si enim idea est, certe non est mortalis, ueluti ipse homo. ita idea minime conueniet definitio. Omnino necesse est si addatur id quod efficiēs est, aut patibile in idea discrepare definitionem. Impatibiles enim & immutabiles uidentur ideae ijs, qui ideas defendunt. Quales definitiones contra eos ualent.

VITIOSVM etiam genus definiendi est, si omnium eorum quæ ambigue dicantur, communis una definitio statuatur. Cum enim synonyma sint ea, quorum una est nomen congruens definitio, nullius certe eorum quæ nomen cōplectitur, propria definitio est, quandoquidem æquē omnibus homonymum cōuenit. Quod uitium in uita definitione reperitur, quam Dionysius tradidit, Motus uniuerso eorum quæ nutriuntur generi, natura insitus. Nec enim hæc oratio animantibus magis inest, quàm iis quæ è terra gignuntur: cum interim uita non unum genus sit, aliudque uita genus animantibus, aliud iis quæ è terra gignuntur, tributum esse uideatur. atque fieri potest, ut quasi de industria, sic definitionem uita explicemus, quasi sit synonymū uerbum, unūque sit genus uita: sed etiam nihil prohibet eum qui homonymiam & ambiguum perspiciat, uelitque alterius definitionem tradere, ita tamen facere, ut nō propriam, sed communem utrique statuatur definitionē. Sed ta-

men

men utrouis modo id fecerit, certe aberrabit. Quoniam autem quædam homonyma obscura sunt, is quidē qui interrogat eis pro synonymis uti debet: non enim alteri, unius significati conueniet definitio. Ita alter quodammodo definisse nō uidebitur, quoniam in omnia cōuenire debet synonymum. idem autem ipse si respondeat, ambiguum debet distinguere. Quoniamque nonnulli eorum qui rem aliquā defendunt in disputationibus, synonymum ambiguum esse dicunt, quoties non conuenit in omnia quæ statuta est definitio, & ambiguum in synonymis ducunt, si utrisque conueniat: ante quā aggrediaris ad disputationē, conuenire debet quæ uelit ea esse, qui respondet: aut antè ratiocinandum est & concludendum ambiguum esse, aut synonymum, aut utrumlibet. Facilius enim cōcedunt ij qui quid sequatur, non prouident. Quòd si non conuenierit inter eos qui differunt, & aliquis synonymum ambiguum esse dicat, propterea quòd ea definitio, quæ data est, in hoc sicut in illo minime intelligatur: tum uidendum est, an huius in cetera conueniat definitio. Perspicuum est enim id synonymum cum reliquis futurum: aut certe si illud sit, nec tamen hoc cum alijs synonymum sit, plures erunt reliquorum definitiones. duæ enim nominis definitiones ad ea accommodabuntur, & prior quæ data est, & posterior. Rursus si quis quid eorum quæ multis modis dicuntur definiat, neq; in ea omnia quæ uerbum ambiguum complectitur, definitio conueniat, nec ambiguum tamen dicat, sed nomen non omnibus cōuenire, quoniam ne definitio quidem in omnibus reperiatur: contra eum afferre debemus, appellatione utēdum esse ea quæ & tradita sit, & ab omnibus recepta:

ARISTOTEL. TOPIC.

nec illam æquum esse infirmare: tamen si quædam sint in quibus à vulgi consuetudine discedendum esse uideatur. Si autem alicuius eorum uerborum quæ coniuncta sunt, definitio statuatur, detracta alterius eorū quæ copulata sunt, oratione, an reliqua ei quod reliquum est conueniat, uidendum est. Si enim secus, profectò ne tota quidem toti conueniet. ut si quis hoc totum lineam finitam rectam definiat, extremitatem plani habentis extremitates, cuius medium extremitatibus adiungitur: si finita linea hac definitio est, extremitas plani quod habet extremitates, hac reliqua debet esse recti definitio: Cuius mediū extremitatibus addatur. Atqui linea infinita nec medium habet nec extremitates, cum interim recta sit: Ita non est eius quod reliquū est, reliqua definitio. Vitiosum etiam definiendi genus est, cum id quod definitur copulatum est, ei que attribuitur definitio eiusmodi, quæ aequalibus & paribus quasi membris respondeat. Definitio autē paribus membris refertur, cum quot sunt coniuncta, totidē etiam sunt & nomina & uerba in definitione. In his enim talibus ipsorum nominū aut omnium aut aliquorum mutatio facienda est necessariò: quandoquidem nō plura sunt hoc tempore quàm superiore nomina. debetque is qui definit, pro nominibus omnibus maximè, sin minus, pluribus, explicare definitionem. Sic enim simplicia uerba nunquam definiat is, qui uerbum tantum pro uerbo reddit. ut si pro ueste tunicam. Vehementius etiam in definiendo errabit, si uerba magis dubia assumat. ut si pro homine albo, terrigenam & mortalem cæcidum. Neque enim definiuit cum minus apertum & perspicuum sit, quod ita dictum est. Atque etiam in commutandis uerbis

bis illud uidendum est, an idem significet una atque altera oratio. Vt si quis artem quæ rem animo cernit, definiat opinionem, quæ rem animo cernit & contemplatur. Opinio enim non est idem quod ars & scientia: quod quidem deberet, si modo totum idem sit futurum. Nam quod animo rem cernit & contemplatur, in utraque oratione est: quod reliquum est, diuersum est. Iam si quis alterum uerbū commutet, neque differentiam sed genus commutet, uitiosa erit definitio. Quod in exemplo quod modo protuli cernere licet, hoc enim totum, quod rem animo cernit & contemplatur, uerbo artis obscurius est, quoniam hoc genus est, illud differentia: & genus, quoniam latissime patet, omnium est clarissimum & planissimum. Ergo non genus mutandum fuit, sed differentia, quandoquidem obscurior est. Nisi forte ridicula hæc reprehensio est, præsertim cum nihil prohibeat differentiam notissimo uerbo significari, genus non item. Quæ cum ita erunt, certe generis non differentia nomen mutandum erit. Quod si quis non nomen pro nomine, sed orationem pro nomine mutet, profecto magis differentia quàm generis explicanda definitio est: quandoquidem rei illustrandæ & cognoscendæ gratia definitio traditur: & minus nota differentia quàm genus est. Si uero differentia definitionem explanarit, an ad aliquid aliud definitio transferatur, uidendum est. Vt si numerum imparem dicat, numerum qui mediū aliquid habet, exponendum est, quemadmodum medium habeat. Nam & numerus in utraque oratione est, & imparis uerbum in definitione mutatu. Atqui mediū aliquid & linea & corpus habent, cū non sint imparia: Non igitur propria est illa

ARISTOTEL. TOPIC.

imparis definitio. Quòd si multis modis dicatur id quod mediū aliquid habet, distinguēdum est, quemadmodū medium complectatur. ita aut refelletur reprehēdeturque definitio, aut uitiosa esse concludetur. Præterea uitiosa etiam erit, si id cuius definitio statuitur, in ijs quæ sunt numeretur, quod autem definitioni subijcitur, non numeretur, ut si quis exempli gratia, rem albam esse dicat, colorē cum igne permixtum. Neque enim quod expers est corporis, permisceri potest cum corpore. Ita color permixtus & confusus cum corpore nullus est: & aliquod album est. Iam ij omnes qui non distinguūt in ijs quæ cum aliquo conferuntur, id cum quo conferūtur, plurāque complectuntur dicendo, aut omnino, aut quadam ex parte, uitiose definiunt. ut si quis exempli causa, medicinā dicat artem esse eius quod est. Nā si nullius eorum quæ sunt medicina ars est, certe uitiosa falsaque est omnino definitio. Sin alicuius est, alicuius non est ars, quadam ex parte falsa est. debet enim esse omnium, siquidem per se non temere & casu eorum quæ sunt, esse dicitur: id quod in cæteris quæ cum aliquo conferuntur, perspicui licet. Quicquid enim scientia & arte cōtinetur, cum scientia & arte confertur. Eadem est cæterorū ratio: quandoquidem quæ cum aliquo conferuntur, reciprocantur omnia. Omne enim quod arte continetur, in ijs est quæ cum aliquo conferuntur. Præterea si is qui non per se, uerū fortuito & casu rem explicat, recte explicet & aperiat definiendo: non cum uno, sed cum pluribus unumquodque eorum quæ cum aliquo conferuntur, comparabit. Nihil enim prohibet eandem rem, & esse & albam & bonā esse. Itaque ut cum quouis eorum collatum quid definiat, recte definierit,

finierit, si modo is qui re aduentitia temere re aliquam explanat, recte explanat. Postremo hæc talis definitio propria rei quæ explicata est & data, esse non potest. Nequæ enim medicina sola, sed pleræque etiam alia artes in rebus quæ sunt, uersantur. ita unaquæque ars in eo quod est, uersabitur: ex quo perspicuum est, hæc ipsam nullius artis esse definitionem: præsertim cum propria, non communis definitio esse debeat. Sed interdum non rem nudam, uerum rem quæ in eo genere perfecta est definiunt. quo ex genere oratoris & furis definitio est: Si orator is est, qui quod in quaque re ad faciendam fidem ualeat, perspicere potest, neque quicquam eorum prætermittit: & fur is qui clam accipit: perspicuum enim est, eum qui talis est, qualem hæc definitiones describunt, perfectum & oratorē & furem esse. Neque enim fur est qui clam sumit, sed qui uult clā sumere. Rursus uitiosa erit definitio, si id quod per se expetendum est, ut ad agendum faciendūue impellens, aut quiduis propter aliud expetendum, explicetur. Vt si iustitia, legum custos, uel sapientia beata uita effectrix definiantur. Efficientia enim & conseruātia in rebus sunt, quæ propter aliud expetuntur. Et quanquā nihil prohibet, id quod propter se expetitur, etiam propter aliud esse expetendum: tamen in eo peccatur, si quis ita id quod propter se expetendum est, definiat. Nam cum in cuiusque rei uel & natura explicanda optimum quicque adhibendum sit, id autem quod propter se expetitur, ei quod propter aliud anteponatur, sit, ut illud ipsum potius significare debeat definitio.

ATQVE etiam illud considerandum est, isne qui aliquid definit, hoc & illud esse, an ex hoc & illo esse, an hoc

cum illo esse definiat. Nam si hoc & illud esse definiat, fiet, ut & utrique conueniat & neutri: ut si quis, exempli gratia, iustitiam definiat temperantiam esse & fortitudinem. Nam si duo sint, quorum uterque altero sit præditus, uterque & neuter iustus erit: quandoquidem ambo iustitiam habent, & uterque non habet. Quòd si hoc non uideatur admodum absurdum esse, propterea quòd in alijs quibusdam hoc contingit, (nihil enim prohibet duos habere minam, & neutrum habere.) at illud certe perabsurdum uidebitur, eisdem contraria conuenire. Quod fiet si eorum unus temperantia & ignauia sit præditus, in altero fortitudo & intemperantia insit. Vterque enim iustitiam & iniustitiam habebit. Si enim iustitia est fortitudo & temperantia, iniustitia etiam ignauia erit & intemperantia. Omninòq; omnia argumenta quæ sumi possunt ad demonstrandum, totum non esse idem quod partes, ad efficiendum id quod dictum est, ualebunt. quippe cum is qui eiusmodi definitionem statuit & inducit, idem esse partes & totum confirmare uideatur. Aptissima autem omnium in hoc genere argumenta ducentur ab ijs, in quibus aperta & perspicua partium compositio est, cuius generis est domus, & si qua sunt similia. Perspicuum est enim, si partes sint, nihil prohibere non esse totum. Ita non sunt idem totum & partes. Si uerò res quæ definiatur non esse hoc & illud, sed ex hoc & illo constare dicatur, primò uidendum erit, an unum aliquid ex ijs ipsis minimè natura constare queat. Quædam enim, ueluti linea & numerus, ita affecta sunt inter sese, ut nihil ex eis effici possit. Deinde idne quod definitione apertum est, in una re aliqua prima situm esse soleat: ea autem

autem ex quibus ipsum constare ille dixerit, non in una re prima inesse soleat, uerum utrūque in altero. Perspicuū est enim ex ijs, nunquam illud ex ijs constare posse, praesertim cum in quo partes, etiam totū necesse sit existere. ita non in una re prima totū, sed in pluribus inerit. Quod si & partes & totū in una re prima insint, illud considerandū est, an non in eadem re, sed in alia partes, in alia totum. Tum sublato toto, an una etiam partes tollantur & intereant, uidendum est. Cōtrā enim effici debet, ut interemptis partibus, totum intereat: interempto uero toto, non necesse est partes interire. Aut illud, an totum bonum uel malū est, & partes neutrum, uel cōtrā, partes in bonis aut in malis sint, & toto in neutro. Neq; enim ex re ulla quae nec bona nec mala est, aliquid quod bonū sit aut malū effici potest, neque ex ijs q̄ ipsa mala sunt, uel bona, fieri aliquid potest, quod sit in malis uel bonis. Aut, maiusne altera pars bonum sit, quā altera malū, quod autem ex eis constare dixerit, nō sit maius bonum quā malum. Vt si exempli gratia impudentia ex fortitudine & falsa opinione constare dicatur, quorum fortitudo maius bonū est, quā malum falsa opinio. Debit igitur etiam id quod ex illis est, ex maiore esse consequens, & esse aut bonum omnino, aut maius bonum quā malum. Quod nō necesse est, nisi utrumque per se in bonis malisue ducatur, quippe cum multa efficientia, per se non sint illa quidem bona, coniuncta autem & cōmixta cum quibusdā, in bonis numerentur. Alia sunt contra quorum utrumque bonum est, quae si coniungantur, uel mala erunt uel indifferentia. Quod autem posterius dictum est, facillime in rebus salubribus uel pestilētibz perspicitur potest.

Quædam enim medicina eam uim habent, ut & utraque per se prosit: & si coniuncta mixtaque adhibeantur, sint obfutura. Iam illud quoque uidendum est, an ex meliore & deteriore parte aliquid constare dicatur, quorum meliore totum nõ sit deterius, & deteriore præstantius. An ne hoc quidem necessarium est, nisi per se sint ea ex quibus illud concretum est, in bonis. nihil enim prohibet in ijs quæ per se bona non sunt, totum in bonis non numerari: quod in ijs quæ modo commemoravi, perspicui licet. Illud etiã eodẽm nomine totum & pars altera appellantur. non enim debent, sicuti nec syllabæ quidem: nam syllaba nunquam eodẽ nomine appellari solet, quo elementa ex quibus constat. Vitiosum etiã est, rationem concretionis non exponere. Nõ enim satis est ad aperiendum declarandumque aliquid, id ex his uel illis constare dicere, præsertim cum eorum omnium quæ concerta sunt, uis & natura non sit ex his uel illis cõstare, sed hoc uel illo modo ex his uel illis effici. Id quod animaduerti licet in domo. Neque enim si quæ res quouis modo disponatur, continuo domus erit. Quod si quid esse hoc cū illo definiat, primum dicendum est, hoc cum illo aliquid esse, idẽ quod hoc & illud, aut quod esse ex hoc & illo ualere. Qui enim dicit aliquid, mel cum aqua esse, is uel mel & aqua dicit esse, uel ex melle & aqua cõstare. Ita si utrumuis horum idem esse concedat quod esse hoc cum illo aliquid, eadẽ omnino sumẽda erunt argumenta, quæ ad utrumque refellendũ supra exposuimus. Deinde diuisione adhibita, quor modis aliquid cum alio dicatur esse, nullõne modo hoc cum illo sit, uidendum erit. ut si dicatur aliquid esse cum alio, uel ut in aliquo eodem subiecto: ueluti iustitia & fortitudo
in

in animo insunt: uel in eodē loco, uel in eodem tempore, & nullo modo id quod quaritur de his uerè dicatur, profecto nullius erit propria, & uera ea qua statuta est definitio: quandoquidē nullo modo hoc cum illo est. Sin diuisione adhibita, quot modis aliquid cum altero esse dicatur, uerè sit in eodem tempore utrunque, uidendum est, an utrunq; minus ad eundem finem pertinere possit. ut si quis fortitudinē definiat audaciam cum recta ratione: fieri enim potest, ut audacia prouectus sit aliquid spoliandi, cum recta ratione ac intelligentia de rebus salubribus sit praduus. Atqui nō habebitur fortis is, qui eodem tempore hac re cum illa ualebit. Iam uerò illud etiam, an ad idem utrūque referatur, ut ad res medicas, nihil enim prohibet aliquam audaciam & rectam intelligentiam ad medicinam asferre: cum interim fortis non erit is, qui hoc cum illo coniunxerit. Neque enim ad diuersa utrunque eorum referri debet, neque ad quāuis eandem rem, sed ad finem fortitudinis. qualia sunt belli pericula, aut si quis alius magis ei propositus est finis. Sunt autem quedam, quæ non in eam quam exposui cadāt diuisionem. ut si ira, agritudo est cum cōtemptus opinione. hoc enim declarat, ex opinione eiusmodi nasci agritudinē. hoc autem ex illo nasci, non idem est quod hoc cum illo esse, ullo genere eorum quæ exposita sunt à nobis. Rursus si quis definiendo, aliquarum rerum concretionem, totum esse dixerit, ut corporis & animi concretionem esse animal, illud uidendum est, an qualis sit cōcretio explicarit. ut si quis definiendo carnem uel os dixerit esse ignis, terræ aerisque concretionem. Neq; enim satis est concretionē dicere, sed qualis ea sit exponendum est: quandoquidem non si quouis mo-

do hac ipsa coalescāt, cōtinuo caro nascitur: sed si hoc modo coalescant, caro: sin illo modo, os gignitur. Quamquam neutrum eorum idem uidetur esse quod concretio, praesertim cum omni concretioni diremptio & dissolutio cōtraria sit, neque sit ulli eorum quae exposuimus. Iam si aequè probabile est, esse omne quod concretum est concretionem, aut nullum: nullum autem animal, quorum unumquodque cōcretum est, concretio est, ne ullum quidem eorum quae concreta sunt, concretio erit. Præterea si pari ratione alicui conuenire natura sua solent contraria, & altero rem definiendo aperuerit aliquis: certè nō uera erit definitio: sin secus, profecto plures eiusdem rei definitiones erunt, Quī enim hoc potius, quàm altero rem definierit, quandoquidem aequè in eodem utrumque reperiri solet? Ex quo genere est illa animi definitio, natura capax sciētiae. Pari enim ratione ignorantis est capax. Quod si cui ad totam definitionem euerendam nullum suppetat argumentum, propterea quod totum obscurum est, & abstrusum, is ad partem aliquā, quae nota erit, & non recte explicata uideatur, omnem argumentationem dirigere debebit. Eversa enim parte, tota etiā euertetur definitio. Quaeque obscurae sunt definitiones, eas ita omnes exquirere ac considerare debemus, corrigēdo & restituendo, ut & aliquid lucis, & argumentorum copiam afferamus. necesse est enim eū qui respōdet, aut quod ab eo qui interrogat assumitur, approbare, aut certe ipsum quod tandem definitione aperiat, exponere. Iam uero quemadmodum in concionibus legem soliti sunt ferre, quae si melior sit, superiorem abrogant: sic in definitionibus faciendum est, aliāque inducēda est definitio. Si enim uerior

uideatur,

uideatur, magisque id quod definitur declarare, certè euer-
sa erit prior: quandoquidē non sunt eiusdem rei plures de-
finitiones. Ad omnes autem definitiones non minima in eo
uis est, si id de quo agitur, ipse tecum considerate definias,
aut definitionē quæ recte tradita & explicata sit, assumas.
Nam ut maior quadam nobis argumentorum copia suppe-
rat, necesse est quasi exemplar, & quid in definitionibus
prætermisissum sit, & quid redundet intueri. Ac de defini-
tionum quidem locis, hæc tenus.

ARISTOTELIS TOPICORVM
LIBER VII.



NUNC utrū id de quo agitur idem sit, an al-
terum, eo genere quod de eodē maximè pro-
prium exposui, dicendum est. Idem autē ma-
ximè propriè dixi, quod unum est numero.
Ac primus locus sumitur ex casibus, cōiugatis, & contra-
rariis. Si enim iustitia & fortitudo idem sunt, iustus & for-
tis idem erunt, & iuste idem quod fortiter. Eadem est con-
trariorum ratio. Nam si quæ eadem sunt, eorum etiam con-
traria eadem erunt, in quavis repugnantia earū quas ex-
posui. Nihil enim interest, huic an illi cōtrarium sumatur,
quandoquidem eadē sunt. Alter locus ex iis ducitur, quæ
uim habent efficiendi quid uel interimendi: itēque ex or-
tu & interitu, & uno nomine ex iis, in quibus est aliqua
unius ad alterum affectio. Quæ enim omnino eadem sunt,
eorum etiam origines, & interitus iidem sunt: & ea quæ
uim habent efficiendi, & ea quæ interimēdi. Atque etiam

illud uidendum est, an quorum alterū maxime quiduis dicitur, eorum etiam alterum eodem modo dicatur maximè. Quemadmodum Xenocrates beatam uitam & rectā eandē esse docet: quandoquidē recta & integra uita, & beata maximè una ex omnibus expetenda est: unū enim esse quod maxime expetatur, & quod maximū sit. Quod idē in ceteris eiusdem generis contingit. Sed illud intelligendū est, utrunque eorum quā maximè expetenda esse, aut etiā maxima dicentur, unum numero esse oportere. Sin secus, esse idem non docebimus. Non enim si Græcorum fortissimi sint Peloponnesij & Lacedæmoni, cōtinuo Pelopōnesios & Lacedæmonios eosdem esse necesse est: quandoquidem non unus numero est Pelopōnesius & Lacedæmonius. Sed unū alterum complectatur necesse est, quemadmodū Lacedæmonios Pelopōnesij. Aliter enim fiet, ut si alteri alteros non cōplectantur, ipsi inter se meliores sint. Nā necesse est Lacedæmonijs meliores esse Pelopōnesios, si alteri alteros non cōplectantur, sunt enim ceteris omnibus præstāiores. Itēmq; Pelopōnesius anteponuntur Lacedæmoni, quoniam ipsi ceteros uincunt. Ita fiet ut alteri alteris præstāiores sint. Perspicuum est igitur, unum numero esse oportere id quod optimum & maximum dicitur, si futurum est, ut idem esse doceatur. Itaque Xenocrates non demonstrauit, quandoquidem non eadem numero est beata & recta uita. Nō igitur necesse est eandem esse uitam, quod utraque expetenda sit maxime, sed alteram ab altera cōtineri. Rursus uidēdū est, duobus propositis, si quid & unū eorū idē sunt, an etiam id & alterū idē sūt. Si enim ambo nō idē ualēt quod aliquid, quod idē est, profecto eadē ipsa nō erūt. Iā ex attributis re-

rum,

rū, & iis rebus quibus hac ipsa attributa sūt, ducēda sunt argumēta, hoc modo: Duobus propositis, quæ uni attributa sunt, eadem omnia alteri etiam attribui debent. Et quibus unum eorum attributum est, etiam alterū attribui debet. Et si quid horum absit, profecto ea quæ proposita sunt, non sunt eadē. Videndū est etiā, an in uno genere categoriæ minus utrumque numeretur, unūque qualitatem, alterum quantitatem, aliud relationem indicet. Illud etiam, an utriusque minime sit idem genus, sed unum bonum, alterum malum: aut hoc uirtus, illud sciētia. Aut si genus idem, eadē mne minus sint differentiæ, quæ de utroque dicātur: sed de hoc, quæ rem animo cernit sciētia, de illo ea cuius opus est in agendo. Quod idem in ceteris omnibus uidendum est diligenter. Ex maiore hoc modo ducentur: Si unum elationem habet, alterum non habet, aut si utrumque habet, sed non simul. Quemadmodum qui uehementius amat nō magis concubitus appetit. Ita non idem est amor, quod concubitus appetitio. Ex adiunctione hoc modo: Si utrūque ad idem additum, idem totum nō faciat & reddat. Aut si eadem re ab utroque detracta, quod reliquum est aliud manet. ut si quis duplum simpli, & multipulum simpli idem esse dicat. Deiuñcto enim ab utroque simplo quæ reliqua sunt idem declarare debent: neque declarant, cum perferim duplum & multipulum non idem efficiant. Neque uero id modo uidendum est, an ex proposito iam aliquod incommodū efficiatur. sed illud etiam, an ex fictione possit aliquid tale effici. Quod ij suscipere cogūtur, qui inane aliquid & plenum aeris idem esse dicunt. Perspicuum est enim, si aer euadat & abeat, non minus inane, quin etiam magis futurū

esse: quo tamen tempore nil est acre plenum. Ergo posito aliquo, siue quod falsum, siue quod uerum sit, nihil enim refert, si alterum tollatur eorum, alterum non item, eadem illa non erunt. Atque ut summatim complectar, in iis quæ de utroque quouis modo dicuntur, & in quibus hæc ipsa dicuntur, illud considerandum est, aliquòne loco hæc discrepent. Quæ enim de uno eorum quæ eadem sunt dicuntur, ea de altero etiam dici debent omnia, & in quibus unum dicitur, alterum etiam dici debet. Et quoniam multis modis idem dicitur, an alio genere, aliâque ratione eadem sint, uidentum est. Quæ enim eiusdem generis uel speciei sunt, ea non eadem numero sunt necessario. In eo genere necne eadem aliqua sint, considerabimus. Postremo si unum sine altero coherere potest, certè non idem ualebunt. Ac loci qui ex eodè ducuntur, expositi sunt. Ex iis autem quæ adhuc exposita sunt, intelligi potest, omnes locos, qui ualent ad refutandam quæstionem de eodem & diuerso, esse accommodatos ad refutationem definitionis. Nam si nomen & definitio non idem declarent, certe non uera erit quæ constituta definitio est. Eorum autem locorum qui ad confirmandum quid sumuntur, nullus ad definitionem probandum ualeat. Non enim satis est ad confirmandam definitionem idem esse id quod definitioni, nominique quod diffinitur subiectum est, docere, sed cætera omnia quæ præposuimus, complecti debet definitio. Sic igitur definitionem, ex iisque locis euertere debemus. Quod si probare eam & constituere uelimus, primum intelligendum est, neminem aut paucos certe eorum qui disputant, definitionem per ratiocinationem tractare & concludere solere, eamque omnes principio

initioque sumere. Cuiusmodi sunt geometræ, & ij qui in numerorum ratione uersantur, ceterisque disciplinis generis eiusdem. Deinde illud intelligendum est, non esse huius disputationis subtiliter explicare, quid sit definitio, & quemadmodum sit definiendum. Nunc quidem quoad hic locus postulare uidetur, eatenus hoc solum dicendum est, & definitionem, & uim naturamque rei per ratiocinationem posse concludi. Nam cum definitio oratio sit, quæ quid sit res explicat, eaque sola quæ in definitione dicuntur, in natura rei dici debeant: (dicuntur autem de natura rei genera & differentia) profecto si quis ea solum sumat quæ de natura rei dici debent, quæ hæc ipsa complectetur oratio, definitio sit necesse est. Non enim aliud definitio esse potest: quandoquidem nihil aliud in rei natura dicitur. Ergo illud quidem perspicuum est, definitionem per ratiocinationem posse concludi. Quibus autem ex locis sumenda sint argumenta ad probandam definitionem, aliis libris accuratius exposuimus, qui iidem ad hunc locum pertinent. Ex iis enim contrariis quæ aduersa dicimus, & ceteris contrariis elicienda sunt argumenta, siue totam definitionem, siue singulas partes spectemus. Nam si opposita & contraria, oppositi definitio est, ea etiam quæ statuta, & posita est, eius sit de quo agitur necesse est. Quoniam autem aduersorum plures sunt coniunctiones, sumenda est ex aduersis quæ contraria definitio uideatur maximè. Ac ex tota quidem definitione argumenta, quemadmodum exposui, trahenda sunt. Ex partibus autem hoc modo, & primum ex genere: Si contrarium in contrario est, id autem de quo agitur, non est in eodem, certe

in contrario genere erit: quandoquidem necesse est cōtraria, aut in eodem genere esse, aut in cōtrariis. Atque etiam contrarias differentias de cōtrariis dici æquum putamus. ut exempli causa, de albis & nigris, quorum de his quod uim habet comparandi, de illis quod uim habet dissipandi. aspectus dicitur. Ita si de cōtrario cōtraria dicuntur, profecto de eo quod propositum est, ea etiam differentia quæ statuta sunt, dicuntur. Ex quo fit, ut quoniā & genus, & differentia recte explicata sunt, definitio uera sit quæ data est. Aut nō necesse est, in contrariis contrarias dici differentias, nisi in genere eodem contraria reperiantur. Quorum autem contraria sunt genera, nihil prohibet eandem differentiam de utrisque dici, ut de iustitia & iniustitia: quorū illa uirtus, hæc uitium animi dicitur. Ita animi differentia in utroque dicitur, quoniam corporis etiam sua uirtus est, & uitium. Hoc igitur uerum est quidem certe, contrariorum aut contrarias, aut easdem esse differentias. Si ergo de contrario contraria dicitur, de hoc autem nō item: profecto in hoc ipso ea quæ statuta est, intelligetur. Cum autem ex genere & differentius definitio sit, si contrariū perspicua & clara sit definitio, eius etiam de quo agitur, perspicua claraque erit definitio. Quoniam enim contrarium in eodē genere est in quo alterum contrariū, aut in cōtrario, eodēque modo differentia aut contraria de cōtrariis, aut eadem dicuntur: certē de eo quod in controuersiam incidit, aut idem genus quod etiā de contrario dicitur, & differentia contraria uel omnes uel nōnulla, & cetera eadem, uel contra differentia eadem, & genera contraria, uel utraque contraria & genera & differentia, quoniā eadem esse

utraq̃ue

utraq̃ue non possunt. alioqui contrariorum eadem erit definitio. Ex casibus etiam & conjugatis ducuntur argumenta. Genera enim alia alia sequuntur, & definitiones alia alias, hoc modo: Si obliuio est depulsio scientiæ, etiã obliuisci depellere scientiam erit: & oblitum esse idem quod depulisse scientiam. Si igitur unum eorum quæ dixi, cõcessum sit, cætera etiam cõcedantur necesse est. Itẽmque si interitus dissolutio est naturæ, interimere etiam erit dissoluere naturam, & accommodare ad interimendum idem quod accommodare ad dissoluendũ. Et si id quod uim habet ad dirimendum idem est, quod id quod uim habet ad dirimendam naturam, interitus etiam dirempcio erit naturæ. Eadẽ est cæterorum ratio. Ita fit, ut si unũ quodlibet sumptum sit, etiã reliqua omnia concedantur. Ex ijs quæ eodem modo inter se affecta sunt hoc modo: Si id quod salubre est, efficiens est ualitudinis, id etiam quod ualet ad firmam constitutionẽ corporis, efficiens erit firmæ corporis cõstitutionis: & quod prodest, ad bonum efficiẽdum pertinebit. Eodem enim modo ad suum quicque eorum finem affectum est. Ita si unius eorum definitio est, uim habere ad efficiẽdum finem, uniuscuiusque etiam cæterorũ hæc propria erit definitio. Ex maiore etiam, & ex paribus quot modis licet confirmare, duo cum duobus comparantur, hoc modo: Si hæc magis huius rei, quàm illius rei definitio est, quæ autem minus uidetur, definitio est, etiam quæ magis uidetur, definitio erit. Et si pari ratione hæc huius rei, & illa illius rei definitio est, & una alterius rei est, reliqua etiam reliquæ rei erit. Quòd si una definitio cum duabus rebus, aut res una cum duabus definitionibus conferantur, nullus huius loci usus erit.

Neque enim duarum rerū una definitio, neque dua unius rei definitiones esse possunt. Maxime autem apti & accommodati sunt ex omnibus loci ij qui modo expositi sunt, & qui ex casibus coniugatisque sumuntur. Itaque ij maxime in mente & cogitatione defixi atque parati esse debent. (maxime enim apti sunt ad multas quaestiones) atque etiā ex ceteris omnibus ij qui latissime patent, quoniam ex ceteris omnibus ualent plurimum. ut si propositis rebus singulis, & formis uideas, an in ea omnia conueniat definitio. quandoquidem synonyma est species. Qui quidem locus contra eos etiam ualeat, ut supra dixi, qui ideas esse ponūt. Iam si per translationem nomen quod definitur dixit, aut idem de se dixit ut alterum, & si quis alius locus late pateat, firmusque sit, is adhibendus est.

DIFFICILIVS autem esse confirmare & probare quā refellere definitionem: ex ijs quae deinceps dicemus, perspicui poterit. Neque enim facilis est cognitu definitio, neque ij quos interrogamus, libenter dant propositiones eiusmodi: Eorum quae data definitio complectitur, unum genus esse, alterū differentiam, & In natura rei genus differentiaque dici: sine quibus ratiocinatione concludi non potest definitio. Nam si quaedam etiā alia in rei natura dicantur, certe dubium est, eāne quae statuta est, an alia eius definitio sit, quandoquidem definitio oratio est, quae quid res sit explicat. Quod etiam ex his intelligi potest, quia facilius est unū quā plura concludere. Ac ei quidem qui euertit, satis est in unum dirigere argumentationem: quippe cum si unū qualecunque refellamus, euertimus definitionem. At uero ei qui confirmat, omnium eorum quae definitio complecti-

itur, necessaria concursio est. Præterea ei qui probat definitionem, de toto genere tractanda est ratiocinatio. Debet enim de omnibus definitio dici quæ nomē complectitur, & præterea uicissim, de quibus definitio, nomē etiam dici debet, si futura sit propria, quæ est statuta definitio. At ei qui refellit, non est necesse de toto genere monstrare. Satis est enim docere, non uerè dici de aliquo eorum quæ nomini subiecta sunt, definitionem. Quod si totum & omnino refellendum sit, certe non necesse est reprehendendo reciprocari argumentationem. Satis enim est eum qui refellit omnino, ostendere in aliquo eorum quæ nomen complectitur, definitionem non intelligi: contrāque non necesse est docere, de quibus oratio non dicatur, nomen quidem dici quod definiatur. Iam si omnibus etiam quæ nomen complectitur, conueniat, non solis autem ijs, definitio euerfa erit. Similis est ratio proprii & generis. Vtrunque enim eorum facilius refellitur, quàm probatur. Atque id quidem de proprio, ex ijs quæ dicta sunt perspicui potest. fere enim in coniunctione explicatur proprium. Ita uno uerbo reprehensio licet refellere: at ei qui probat proprium, omnia concludenda sunt necessario. Cætera autem omnia fere quæ ad definitionem, ad proprium etiam conueniet assumere. Eum enim oportet qui probat, omnibus ijs quæ subiecta sunt nomini, docere conuenire. At eum qui refellit satis est uni docere non conuenire, si conueniat omnibus, at non solis. hoc etiam pacto reprehensum erit, quemadmodū in definitione diximus. Genus autem uno modo licet probare, si omnibus conuenire doceamus, refelli autem duobus. Nam & si nulli & si cui doceatur non conuenire, euerfum erit. Iam

eum qui probat, non satis est ipsum inesse monstrare, sed eū etiam oportet quare ut genus insit, ostendere. At eum qui refellit satis est non inesse docere in aliquo, uel in nullo. Videtur autem, ut in ceteris rebus facilius est dissipare, quā dissipata & dispersa connectere, sic in his refellere quā probare. Accidentis porro uniuerſa quæſtio, facilius refutatur quam confirmatur. Confirmando enim docēdum est conuenire omnibus: in refutatione satis est uni ostendere non conuenire. Contra quæſtio qua in parte proponitur, facilius confirmatur quā reprehenditur. Ad probandum enim satis est alicui docere conuenire. refutando autē nulli conuenire docendum est. Atque etiam illud perspicuum est, quid ita facillima sit una ex omnibus refutatio definitionis, plurā enim quā pleraque eorū qua exposuimus, complectitur, atq; ex pluribus facilius efficitur conclusio, quoniam in multis sapius quā in paucis rebus error uersari solet. Præterea ad definitionem euertendam ex alijs argumenta sumi possunt. Siue enim oratio non est propria, siue non est, genus quod datum est, siue aliquid eorū qua cōplectitur, nō conueniat, euerſa erit definitio. At uero ad cetera refutanda, neque ea qua ex definitionibus existunt, neque alia sumi possunt omnia. Sola enim ea qua ad accidens sumuntur, ei sunt cum ceteris omnibus communia, quippe cum inesse & conuenire omnia debeant. Si uero genus nō ut proprium conueniat, non idcirco genus euerſum erit. Itemque non necesse est proprium, ut genus, neque accidēs ut genus, uel proprium conuenire, sed solum conuenire. Ita fieri non potest, ut ex ceteris ad alia nisi ad definitiones argumenta ducātur. Perspicuum est igitur definitionis unius

ex omnibus & refutationem facillimam esse, & difficillimam probationem. Nam effici & illa concludi debent omnia. Siquidem conuenire illa ipsa ex quibus constat, docendum est, & genus esse id quod affertur, & propriā esse orationem, & præterea rei naturam declarari oratione, atque id præclare factum esse. Ad definitionis hanc naturam proximè ex reliquis accedit proprium. Nam & facillimum est ad refutandum, quòd fere constet ex multis uerbis, & ad probandum difficillimum, quòd multa concurrere & quasi conuenire debeant, quòdque soli rei insit, & cum ea reciproce. Omnium autem accidens facillimum est ad probandum. Cum enim cetera non solum conuenire docendum sit, satis est ostendere conuenire & inesse accidens: difficillimeque accidēs refellitur, propterea quòd per pauca complectitur. neque enim declaratur in accidente quomodo conueniat. Itaque cetera omnia duobus modis refelli possunt, & docendo non conuenire ea, & non hoc uel illo modo conuenire: Accidens autem refutari non potest, nisi ostendatur non conuenire. Ac loci quidem fere expositi sunt, ex quibus nobis ad quāque quæstionem magna argumentorum suppetet copia.

ARISTOTELIS TOPICORVM
LIBER OCTAVVS.



Sequitur, ut de dispositione, & ordine argumentorum, interrogandique ratione dicendum esse uideatur. Primum quidem locum ex quo argumētum sumat, inuenire debet is qui

quæstionem positurus est, deinde quærere ipse per se, &
 disponere omnia. Postremo hæc omnia apud alios tracta-
 re & eloqui. Ac loci quidem philosopho cum dialectico cō-
 munis inuentio est: argumētōrū autem dispositio & inter-
 rogatio, quoniam hoc totum, alterum qui contrā disputet,
 requirit, propria sunt Dialectici. Philosophus enim, quī-
 que per se & solus exquirat omnia, modo uera sint & no-
 ta ea ex quibus efficitur conclusio, non laborat an qui con-
 tra disputat, uel hoc nomine maxime non concedat, quòd
 finitima sint & coniuncta ijs quæ à principio proposita
 sunt, & quòd provideat, quid effici concludique oporteat.
 Quin etiam dat operā, ut quàm clarissima sint maximē-
 que coniuncta cum re, pronunciata: quippe cum ex his ta-
 libus conficiantur quæ scientiam gignunt ratiocinationes.
 Ac loci quidem ex quibus ducenda sunt argumenta, supe-
 rioribus libris expositi sunt à nobis. Nunc de eorum dispo-
 sitione quærendique ratione ita dicemus, si ante eas propo-
 sitiones, quæ præter necessarias reliquæ sunt, partiamur.
 Necessariæ autem dicuntur eæ, ex quibus ratiocinatio con-
 stat. Quatuor autem genera sunt earum quæ præter has
 assumuntur. Aut enim inductionis gratia, ut quod u-
 niuersum est detur: aut augendæ & amplificandæ argu-
 mentationis: aut occultandæ celandæque conclusionis: aut
 illustrandæ aperiendæque orationis causa, omnis propo-
 sitio sumitur, præterea nulla. Sed eò omnis diligentia conse-
 rendæ est, ut his ipsis uel argumentationem amplifemus,
 uel in interrogando utamur. Quanquam autem eas quæ
 occultandæ conclusionis causa assumuntur, certandi stu-
 dio adhibemus: eis tamen, quoniam hoc totum huius artis

munus cum altero transigendum est, uti necesse est. Necessarias igitur ex quibus conficitur ratiocinatio, non statim proponere, sed longe ad summas proficisci debemus. Non enim debet aliquis, exempli causa, contrariorum quæ aduersa dicuntur, eandem artem esse sumere, etiam si id uelit, sed omnino contrariorum. Hoc enim concesso & posito, etiam aduersorum eandem artem esse concludere: siquidē aduersa subiecta sunt contrarijs. Quod si non concedat, tū per aduersorum singulorum inductionem tractanda erit argumentatio. Nam aut ratiocinatione, aut inductione sumenda sunt necessariae propositiones, aut quadam ratiocinatione, quadam inductione. Quæque ualde perspicuæ & claræ sunt, eas proponere debemus, propterea quod obscurior est semper magisque dubia in recessu & in inductione conclusio: Atque mox ipsas necessarias proponere, si quis sumere illo modo non possit, est maxime expeditum. Quæ autem præter necessarias enumeratæ sunt, & illarum ipsarum causa sumi debent, & ita adhiberi: ad inducendum quidem ut à singulis ad uniuersas & generales, à non dubijs clarisque ad obscuras dubiasque; perueniamus inducendo. Clariora autē sunt ea quæ sensui subiecta sunt, aut per se, aut certè plerisque: ad celandam autem conclusionē, ut ante fiat de ijs ratiocinatio, ex quibus id quod initio propositū est, cōcludi efficiq; debet. Quod ita fiet, si quis nō solum necessarias, sed aliquā etiam earum quæ ad illas utiles erūt, cōcludat. Illud etiam proderit, cōclusiones tacere, easque post quasi per coacervationē oēs colligere syllogismo. Sic enī à primo proposito aberrabit longissimē. At ut in summa dicā, eū oportet quod obscure uult interrogare, ita hoc præstare, ut in-

interrogata iam tota oratione, effectâque conclusione, alter
 causa quæ sit, requirat. Idque ex superiore loco efficietur
 facillime. Si enim sola ultima conclusio pronuncietur,
 incertum erit, quemadmodum efficiatur, quod is qui contra
 disputat, unde efficeretur non prouideret, cum priores
 ratiocinationes in membra digestæ non essent. Minime autem
 digeritur in membra ratiocinatio conclusionis tum,
 cum eius sumptiones non enumerantur, & disponuntur,
 sed illa ex quibus probantur illius syllogismi sumptiones.
 Utile erit etiam, non continenter propositiones sumere ex
 quibus ratiocinationes cōstant, uicissimque aliam & aliã
 efficere conclusionem. Collatis enim unum in locum ijs om-
 nibus quæ apta sunt ad aliquid concludendũ, facilius quid
 ex eis efficiatur, intelligi potest. Atque etiã generalis qua-
 dam, ex definitione non eorum de quibus agitur, sed coniu-
 gatorum, sumenda propositio est. Falsa enim conclusione se
 ipsi capiunt iij qui respondent, cum coniugati sumitur defi-
 nitio, quasi uniuersam generalẽq; minimẽ cōcedant pro-
 positionem, ut si hoc sumendum sit, eum qui irascatur, ap-
 petentem esse ultionis, sumaturque ira libido esse puniendi
 eum qui contempsisse uideatur: certe sumpto hoc, omnino
 quod uolumus habebimus. At si quis definitionem asserat
 eorum de quibus agitur, fere fit, ut is qui respondet ei resi-
 stat, quod facilius sit in his occurrendi ratio. Cuius gene-
 ris illud est: Non omnes qui irascuntur, pœnam appetere:
 nos enim parentibus irasci, neque eos supplicio affici opta-
 re. Et quanquã non uidetur uere hoc loco occurri, propter-
 ea quod nonnullis satis grauis pœna est, aliorum molestia
 & pœnitentia, habet tamen aliquid probabilitatis & au-
 thoritatis,

thoritatis, ut non sine causa propositū negatum esse uideatur. Definitioni autem irā tam facile resisti nō potest. Præterea is qui questionem ponit, ita proponere debet, ut nō ad id de quo agitur, sed alio quod affert, pertinere uideatur. Declinant enim omnes qui respondent, ea omnia quæ ad propositum pertinent. Dare etiam operam debet, ut quāmaxime incertum sit, utrū id de quo agitur, an eius cōtrarium uelit sumere. Cum enim quid ad propositum pertineat obscurum est, neque apparet, tum facilius concedunt quod illis probatur. Iam uero ex similitudinis collatione interrogandi erunt, quoniam & uerisimile est, & uniuersa re quam uult quispiam concludere, obscurior, & occultior redditur. uelut quemadmodum ars & inertia eadem est contrariorum, sic sensum eundem uersari in contrarijs. aut contra, quando sensus in cōtrariis rebus cernitur, etiā artem. Quod quidem genus finitimum est inductioni, nō idē tamen ualeat. Illic enim ex rebus singulis ad uniuersas peruenitur, in similitudine autem non peruenitur ad uniuersas, in quibus similia omnia continentur. Ipse etiam sibi interdum debet resistere. Suspectos enim non habent eos, qui æqui in disputando uidentur. Vtile est etiam si dicat ea se proponere quæ usitata & trita sunt, in omniūmq; ore uersantur. Neque enim audent usitata repudiare & tollere, quòd quid contra obiciant non habēt, & quia hæc illis usitata sunt, haud periculum est, ne ea reprehendāt. Iam & studium nostrum in aliqua re sumēda dissimulare, etiam si utile sit, debemus. iis enim qui magnum studium in aliqua re ponunt, resistunt libentius. Et similitudinum collatione proponere. quia facilius concedunt rem in alio, quam per

se propositam. Magna etiam vis in eo est ad probandū obscure quod uolumus, si id non proponamus quod sumendū est, sed id quod illud consequitur necessario. Facilius enim dant & concedunt illud ipsum, quod non aequè ex eo perspicari potest quid sit efficiendum, quo tamen sumpto, etiam illud sumptum erit. Illud etiam plurimum ualet, extremo loco id proponere, quod in primis efficere uelimus. Solent enim omnes primæ disputationi resistere acrius, & diligentius: propterea quod omnes qui disputant, ea in primis proferre solent, in quibus maius studium curamque posuerunt. Quanquam apud nonnullos hæc quæ ad rem maxime faciunt, prima dici debent: cuiusmodi sunt difficiles, qui quidem ea concedunt facilius quæ prima disputatione asferuntur, si modo quid sequatur non omnino appareat: ad extrema autem, difficiles se proteruosque præbent. Quod idem de iis iudicandum est, qui acutos se putant in respondendo. positis enim concessisque permultis, captionibus, & quasi præstigiis quibusdam utuntur in conclusione, quasi ex iis quæ posita sunt, minime sequatur. Illi autem facile concedunt, & freti ingenio suo, & rati nullum se incommodum consecuturum. Postremo producenda erunt & amplificanda interuicendaque in argumentatione ea omnia, quæ nihil ad rem pertinere uidebuntur. Id quod ñ soliti sunt facere qui falso aliquid describunt & delineant. Nam cum multa sunt, difficilis est falsi diiudicatio. Itaque celant & obscurant rem interdum ñ, qui obscure utuntur interrogationibus, ea quasi in cumulo occulta proponentes, sumen tesque quæ nunquam per se ac singula darentur. Atque ex his locis argumenta ducenda erunt, ad celandam dissimulandamque

landamque conclusionem. In ornanda autem amplificandaque disputatione; rerum finitimarum & coniunctarum adhibenda inductio atque diuisio est. Inductio quidem quid sit facile perspicitur. Diuisio autem talis est: ut artem arte prestantiorem esse, aut quia certior sit, aut quia in rebus melioribus uersetur. Et artium alias esse, quarum omne opus est in cognoscendo: alias quarum in agendo: alias quarum in faciendo. Hac enim & ornatum afferunt orationi, nec necessaria sunt ad efficiendam conclusionem. Dilucidam autem & perspicuam argumentationem faciet exemplum; similitudinisque collatio. Exempla autem propria, & ad rem apta esse debent, & eiusmodi, ex quibus res intelligatur. Cuiusmodi illa sunt quae Homerus, non quae Chærilus commemorat. Sic enim notius erit & clarius id quod proponitur. In disserendo autem, ratiocinatione utendum erit apud Dialecticos potius, quam apud multitudinem: inductioque contra magis multitudinem commouet. Sed de his generibus iam dixi. In quibusdam rebus facile potest is qui inductione utitur, inuenire id quod totum dicitur, in aliis non facile potest, quod omnibus similitudinibus non est commune nomen impositum. Quinetiam cum genus uniuersum concludi debet, eandemque caterorum similium rationem aiunt esse, tum id profecto difficillimum est, quoniam eorum quae commemorata sunt, eiusdem sint generis, quae non sint, explicare dicendo. Ob eamque causam saepe disputantes inter se dissident & haerent, dum alij similia esse confirmant, quae non sunt similia, alij similia num similia sint, ambigunt. Quocirca in his omnibus omni ratione efficiendum est, ut nomina fabricentur.

ut nec ei qui poscit quaestionem, num eius quod assertur nō sit similis ratio harere, liceat, nec ei qui rogat, calumniari, eandem esse rationem, quod multa eorum quorum similis ratio non est, eodem modo dici uideantur. Cum autē inductione multarum rerum adhibita, non dat alter, id de toto genere, tum equum est, ut aliquid contra obiiciat, postulare. Quod si in aliquibus non doceas hoc modo cōtingere, non erit equum rogare, quorum tandem non sit similis ratio. Primum enim argumentatio per inductionem tractanda est, tum postulandum, ut resistatur. Sed postulandum est, ut occurratur nobis, non in eo ipso quod proponitur, nisi forte unum est solum eius generis. ut duo, sunt tantūmodo parium numerorum primus. Debet enim is qui resistit, in alio genere resistere: aut certe dicere, hoc uel illud solum esse ex eo genere. Quod autē ad eos attinet, qui in toto genere occurrunt nobis: nec in eodē genere occurrunt, sed in eo quod eodem nomine, sed ambiguo continetur (ueluti habere aliquem non suum colorem, aut pedem, aut manum, quoniā & pictor habeat non suum colorem, & cocus non suum pedem) in his omnibus, diuisione adhibita, interrogare debemus. Nam si ambiguum lateat neque aperiatur, rectē in propositione nobis uidebitur resistere. Quod si in simili genere, non in ambiguo resistēs, nostrum labefactet rogatum, detracto eo, in quo resistet nobis, quod reliquum est in toto genere ualere docebimus, dum quod commodum est, effecerimus. Quod in obliuionis uerbo & oblitum esse animaduerti potest. Non enim concedunt eum oblitum esse, qui artem amiserit, eo quod casu & interitu rei eam amisit, non oblitus est tamen. Quod ergo reliquum est, dempto eo in quo

quo occursum est nobis, cōmemorari debet. ut si quis remanente re, artem amisit, eum oblitum esse. Eodēque modo de iis iudicandum est, quē hoc loco nobis occurrunt: Maiore bono maius malum esse contrarium. Proferunt enim ualitudinem, quā cum minus sit bonum quā firma corporis constitutio, tamen ei maius bonum contrarium est. morbū enim maius malum esse infirma affectione corporis. Ex his etiam id detrahendum est in quo occurritur. eo enim sublato, facilius licebit proponere: ut maiori bono maius malū contrarium esse, nisi unum alterum unā secum inferat, ut firma corporis affectio ualitudinem. Quod idem faciendū erit non solum si quis nobis occurreret, sed etiam si non occurreret, & tamē id negabit, & abnuet, quōd aliquid tale provideat, quod iure cōtra obiici possit. Sublato enim eo in quo nobis resistit, dare & concedere cogetur id quod reliquum est, quōd in eo quod reliquum est, aliquid contineri, quod non sit ita, minime animaduertat. Quōd si dare nolit, etiā tum cum petitum est, ut resisteret, certe quo resistat nobis, non habebit. Sunt autem propositiones eiusmodi, quæ quadam ex parte falsæ sunt, quadam ex parte ueræ. in quibus eo quod ex parte est, sublato, reliquum licebit uerum relinquere. Si uerō multa proponamus, in quibus nobis minime resistat, tum ut concedat omnino, petere debemus. Propositio enim dialectica est, quæ magna ex parte rem ita habere declarat, neque refellitur. Cum autem eadem res, & si ne incommodo, & cum incommodo per ratiocinationem concludi potest, hoc an illo modo efficiatur, nihil ad eum qui necessaria ratione non probabili cōcludit: is autem qui probabili ratione utitur, non debet argumētationem tra-

Etare per ratiocinationem, per quam alter incommodo ur-
 geatur. Nam & cum nullo incommodo urgent concluden-
 do, nihil controuersie loco relinquunt: & cum incommo-
 do urgent, tum nisi sit euident & perspicuum id falsum es-
 se, alij incommodum id negant esse. Ita non habet quod uo-
 lunt ij qui questionem ponunt. Proponenda autem sunt ea,
 qua magna ex parte ita se habent, & refelli aut non pos-
 sunt omnino, aut certe id facile quasi prima facie perspicui
 non potest. Cum enim in rebus quibusdam non ita esse per-
 spicere nequeunt, tum id quod propositum sumptumque est,
 quasi uerum sit solent concedere. Nunquam autem quari
 debet conclusio: sin secus, cum alter eam negabit, ratiocina-
 tio nunquam ad exitum perducipotuerit. Sape enim etiam
 cum nulla interrogatio & questio ponitur, sed ut consequens
 concluditur, id negatur effici. quod cum faciunt illi, certe ab
 iis qui non uident quid ex concessis sequatur, minime repre-
 hendi uidentur. Cum igitur unus rogat, neque id ait effici,
 alter autem negat omnino, tum ratiocinationi nihil omni-
 no loci relinqui uidetur. Neque; uero quicquid de toto gene-
 re dicitur. Dialectica propositio est, ex quo genere illud est:
 Quid est homo. aut hoc: Quot modis bonum dicitur? Propo-
 sitio enim dialectica est, ad quam respondere licet, etiam, aut
 non: quod non licet ad superiores. Ita non est dialectica que-
 stio, nisi is qui proponit, facta ante definitione, aut diuisione
 hunc in modum roget: An bonum hoc uel illo modo dica-
 tur? Quam quidem questionem licet uel negare, uel con-
 cedere. Quocirca enitendum est, ut ita, ut dixi, omnes ha-
 ponantur questiones. Quin illud etiam par est ab illo re-
 quirere, quot sint bonorum genera, quando explicatione & diui-

diuisione adhibita à nobis, ille nullo modo cōcedet. Qui autem in una ratione interroganda multum temporis immoratur, is inscienter quærit. Nam si is qui rogatur, ad rogatum respondeat, profecto ille aut plura quàm necesse est, interroget, aut sæpe idē quærat necesse est. Ita aut nugatur, nihilque agit: aut ratiocinationem per quam argumentationem tractet, non habet, quandoquidem ex paucis quibusdam omnis constat ratiocinatio. Quòd si minus respondeat, cur eum aut non increpat, aut relinquit? Illud autem intelligendum est, omnia proposita, quæ argumentis perdifficiliter probantur, eadem facilia esse ad defendēdum, cuius generis ea sunt quæ & prima sunt, & ultima ordine natura. Nā & prima ac perspicua definitionē requirunt, & ultima multis concludantur necesse est ab eo, qui iā inde à perspicuis, & primis continuatam seriem argumentorum persequi uelit. Aliter enim fallaces ac captiosæ argumentationes uidebuntur: præsertim cum aliquid doceri nō possit nec demonstrari, nisi à propriis initis & principiis capto exordio, usq; ad ultima perueniatur. Ac illi quidem qui respondent nec rem ipsi uolunt definire, nec si qua proponatur ab interrogante definitio, facile admittunt. Sed profecto facilis non est differendi ratio, nisi quid sit id de quo instituitur disputatio, intelligatur. quod in principiis contingit maxime, quibus cætera probantur, ipsa aliis non possunt: definitioneque aperienda sunt, & cognoscenda necessario. Difficilia etiam probatu ea sunt omnia, quæ principiorum uicinitatem sequuntur. Neque enim multa ad ea probanda, argumenta possunt suppetere, cum pauca interiecta sint inter ipsa & initium, quibus

necesse est consequentia omnia monstrari. Definitiones autem ea ex omnibus euertere possunt difficillimè, quæ uerbis eiusmodi explicata sunt, ut primum dubium sit, uno modo, an pluribus dicantur: deinde incertum, utrum proprie de re quæ definitur dicantur, an per translationem. Nam quia dubium est, illud non perspicuum. inde sit ut nulla argumentorum copia suppetat: hoc autem quia incertum est, an per translationem dicantur, non possunt refelli qui definitionem posuerunt. Omnino quæstio omnis si difficilis est probatu, uel definitionem requirit, uel in iis est quæ multis modis, aut quæ per translationem dicuntur, aut non longe abest à principis: aut eo certe difficilis est, quia non est prima facie perspicuum, quo sit ex genere eorum quæ exposita sunt, id quod affert dubitationem. Nam si quo ex genere sit, intelligatur, illud etiam intelligetur, aut definitione explicandum id esse, aut diuisionem adhibendam, aut inueniendas esse medias propositiones, quibus ultima probentur. Pleraque etiam proposita, nisi recte tradita & explicata definitione, neque disputari facile, neque probari argumentando possunt. quo ex genere illud est: Sitne unum uni contrarium, an multa? Quod si contraria definiantur, certe illud facile erit explicare: Sint necne sint plura eorundem contraria. Quod eodem modo iudicandum est de iis quæ definitionem requirunt. Atque etiam in mathematicis uidentur quædam non facile describi posse prætermisione definitionis. quale est illud: Eam lineam quæ ad latus planum secat, simili ratione & lineam secare, & locum: quod definitione adhibita facile intelligetur, quoniam & loco, & linea eadem responderet, quasi ex altera parte diuisio: quæ quidem illius de qua agitur

agitur, orationis definitio est. Omnino prima elementa & initia, definitionibus expositis, ut quid sit linea, quid orbis, facile probari demonstrarique possunt: uerum ad singula eorum probanda non multis argumētis uti possumus, propterea quod non multa sunt media quibus probetur. Definitionibus autem initiorum prætermisissis uix, aut ne uix quidē probari possunt. Quod idem fit in ijs principijs quæ differendo adhibentur. Hoc igitur intelligendum est, cum propositum aliquod difficile est probatu, id aliqua de causa earum quas exposui, euenire. Cum autem propositio & enunciatio quæ adhibetur ad aliquid probandum, difficiliorem habebit probationem, quàm propositum, dubitare liceat, sit necne sit admittenda. Nam si eam non admittat, sed ei etiam probandæ adhiberi probationem uelit, maius alteri onus imponet, quàm quod erat à principio propositum. Sin eam admittat, ijs certe quæ minus ualent ad faciendam fidem, ipse adducetur ut credat. Ac si quæstio difficilior non reddenda sit, ponenda est: si non dubijs & perspicuis dubia concludenda erunt, non est admittenda. Aut ei qui se dat in disciplinam ponenda non est, nisi sit notior: ei autē qui exercitationis gratia disputat, ponenda, si modo uera esse uideatur. Ex quo perspicuum est, non esse æquum ut qui docet, eodem modo postulet sibi concedi quæ sumit, quo is qui interrogādo disputat. Ac de ratione quidem interrogādi, & collocandi satis fere dictum est. Nunc de ratione respondendi differemus, ac primum quod eius sit officium, qui & recte poscit, & recte ponit quæstionem, dicamus. Est autem eius qui ponit quæstionem, ita argumentationem tractare, ut eum qui cum disputer, cogat absur-

diora cōcedere, quā quæ ex se propofita confequuntur. Eius uerò qui quæſtionē poſcit, dare operam, ne quod incōmodū ſua culpa, aut quod ſit contra opinionem omnium, effici uideatur, ſed ex ipſa tātum re, quæ à ſe propofita eſt ad diſſerendum. Aliud enim fortasſe genus peccati eſt, cū quis proponit primum quod non debet, deinde propoſitum illud defendere non poteſt. Non ſunt autem explicata & cōſtituta adhuc à quoquam officia eorum, qui exercitationis & periculi faciendi gratia diſputant. Neque enim idem propoſitū eſt doctōribus aut diſcipulis, quod ijs qui certādi ſtudio diſputāt: neque idem his ipſis & ijs, quorum ad cognitionē & ſcientiam omnis dirigitur exercitatio. Nam & diſcipulis ea ſemper ponēda ſunt quæ probantur omnibus: quoniā nemo eò operam confert, ut falſa doceat. At eorum qui certandi ſtudio diſputāt, is qui quæſtionem ponit, ſemper aliquid facere uideri debet, & is qui cum diſputat nulla in re illi concedere. Quoniam autem in conuentu & congreſſu dialecticorum, ijs qui non certandi ſtudio, ſed uel tentandi, uel cognitionis gratia inter ſe diſſerunt, nō eſt adhuc à quoquam, ut dixi, expoſitū & traditū: quid inueſtigare, quid dare aut nō dare oporteat eū, qui poſcit quæſtionē, ut gnauiter aut non gnauiter, ac praeclare decreta ſua defendat: nos hoc loco inſtituimus dicere. Qui igitur reſpōdendi munere fungitur, is quæſtionē defendat neceſſe eſt, uel probabilem uel non probabilem, uel neutram: ita tamen, ut aut probetur, aut non probetur omnino, uel cum adiunctione, ut huic, uel aliij. Quo autem modo probabilis, uel non probabilis ſit, nihil intereſt: quandoquidem idem genus retinendum erit praeclare reſpōdendi ad rogatum, aut dandi,

dandi, aut non dandi rogatum. Ac non probabile quidem si sit propositum, probabilem: sin probabile, non probabilem necesse est conclusionem effici. Contrarium enim propositi semper concludit is qui interrogat. Quòd si id de quo agitur sit eiusmodi, ut nec probetur, nec improbetur, eiusdem generis efficietur conclusio. Quoniam autem is qui scite ratiocinatur & concludit, rebus non dubijs & perspicuis id quod dubium est, aperit & ostendit, profectò si quando id quod interrogatur, non sit probabile omnino, non debet is qui poscit questionem, neque id dare quod nõ probetur omnino, neque id quod illud quidem probetur, sed minus quàm conclusio: quippe cum propositum, si non probabile sit, conclusio probabilis sit futura. Ita sit, ut ea quæ sumuntur, omnia probabilia esse debeant, ac magis probabilia, quàm id de quo quaeritur: siquidem magis perspicuis, minus probabilia uelit concludere. Ita si non sit ex eo genere id quod interrogatur, non id debet qui respondet cõcedere. Sin autem probabile omnino sit propositum, improbabilis omnino conclusio erit. Itaque danda erunt quæ probantur omnia & eorum quæ non probãtur, si qua magis probabilia sint conclusione: sic enim recte disputatum fuisse uidebitur. Quod idem faciundum erit, si nec minus sit probabilis quaestio. Sic enim & quæ probantur, danda sunt omnia, & quæ nõ probãtur, si qua magis probabilia, quàm conclusio, erunt. Sic enim fiet, ut probetur magis disputatio. Ac si id de quo agitur omnino probabile sit aut nõ probabile, tum habeda erit eorum ratio, quæ omnino probantur. Sin autem non omnino probabile, aut nõ probabile, sed ei modò qui respondet, tũ ex ijs quæ ei probãtur, aut

ARISTOTEL. TOPIC.

minus probantur, iudicare debet, quia concedendum aut non concedendum esse uideatur. Quòd si alterius sententiã defendat is qui respondet, certe eius mentem & sententiã spectare debebit, ut quid concedendum sit aut negandum, intelligat. Itaque qui alienas sententias introducunt, ut bonum & malum esse idem, ut placet Heraclito, ij non dant in eodem simul non inesse contraria: non quòd non probetur hoc eis, sed quòd Heraclui sententia ita dicendum est. Quod etiam ij faciunt, qui alij ab alijs proposita accipiunt. Exquirunt enim illi, quid sit responsurus is, qui rem proponit. Hoc igitur perspicuum est, quæ exquirere is debeat qui respòdet, siue omnino probabile, siue alicui sit id quod quaeritur. Quando autem necesse est omne rogatum aut probabile esse, aut non probabile, aut neutrum. & uel ad conclusionem efficiendam ualere uel non ualere, rogatum: si probetur, neque ad cõclusionem efficiendam ualeat, id & dare, & probabile dicere debemus. Eo enim posito & concessio, propositum primum non eueritur. Si autem neque probetur ipsum, neque ad conclusionem efficiendam ualeat, id quidem dandum est, sed ita tamen, ut non probari id nobis significemus, uitanda amentia gratia. Si uero & probabile sit, & ad rem pertineat, respondendum erit id quidem uideri & probari: sed propositum adeo finitum esse, ut eo concessio, propositum tollatur necessario. Si ad conclusionem efficiendam ualeat, & admodum sit improbabile, respondendum erit, conclusionem eo posito & concessio effici: sed stultum id esse quod afferatur. Cùm autẽ nec probabile quid, nec minus probabile rogabitur, tum si ad conclusionem efficiendam nihil ualeat, id dandum erit nulla facta distinctione:

*distinctione: sin ualeat, exponendum est, eo posito, sublatum
 iri id de quo agatur. Sic enim & nihil eius qui respondet
 culpa factum uidebitur, si quidem quid cōcedere & dare
 debebat, semper prouiderit: & is qui quæstionē ponit, quod
 uult efficiet, cum ei ea dabuntur omnia, quæ magis quàm
 conclusio probentur. Qui autem instituunt argumenta-
 tionem tractare per ratiocinationem, sumptis ijs quæ mi-
 nus quàm conclusio approbantur, ijs quoniam inscienter
 ratiocinantur, quæ rogant dari concedique nō debent. Eo-
 dem modo eis occurrendum erit, cū res dubias & obscuras,
 & quæ multis modis dicuntur, afferent. Nam quoniam &
 qui poscit quæstionem, si minus intelligat, licet dicere: Non
 intelligo: & quod multis modis dicitur, non necessario id
 aut concedere aut negare debet: profecto si quid afferatur
 quod obscurum sit, sine ulla dubitatione & mora se id non
 intelligere fatebitur. Sæpe enim ex eo quod dant & conce-
 dūt, i quibus obscura nec aperta interrogatio proponitur,
 absurdum aliquid incidit. Cum autem cognitū apertū-
 que erit id quod multis modis dicitur, si omni ex parte &
 omnino uerū sit aut falsum quod assertur, id omnino cōce-
 di negariue debebit: sin quadā ex parte falsum sit, & qua-
 dam ex parte uerum, id ambigue dici, & in illo uerè & in
 hoc falsò dici indicabit. Nā si id posterius distinguat, dubiū
 erit, an in prima disputatione ambigū perspexeris. Quòd
 si ambiguum uerbū non attendat, idque tum cum alterius
 habet rationē, cōcedat: si ad alterum impellatur, fateri de-
 bet se id concessisse, cum non ipsum illud ad quod uocatur,
 sed alterū ipse spectaret, & attēderet. Cum enim plura ei-
 dem nomini & orationi subiecta sunt, tū facile existis con-*

ironersia. Sin rogatū & planum sit & simplex, aut etiā, aut non, respondendum est. Quoniāque omnis propositio quæ ualet ad conclusionem efficiendam, aut aliqua earum est ex quibus ratiocinatio conficitur, aut ad aliquam earū refertur: perspicuū est autem tum alterius probanda gratia assumi cum multa similia interrogantur, quippe cū ferre per inductionem uel similitudinem id quod de toto genere & omnino dicitur, concludatur: singula omnia cōcedēda sunt, si uera sint & probabilia cōtra uniuersū genus obijciendum aliquid. Impedire enim cursum orationis, nisi resistas uerē, aut saltem uideare, hoc est iniquum se in disputando difficilēque præbere. Ita si multa similia existant, neque det in toto genere dici, tum cum refellere nequeat, profectō difficilem se proteruumque præbebit. Iam uero si non habeat contra argumentum sumere ad refellendum, tum multo etiam magis difficilis proteruūque uidebitur. Quanquam ne hoc quidem satis est. Multæ enim rationes extant, sententijs omnium contrariæ, quarum difficilis est explicatio. cuius generis est Zenonis ratio, qua tollit motū, & stadij traiectionem. nec uero propterea eorum cōtraria minus defendi concedique debent. Ergo si quis nec contrā ullam adferre rationē queat, nec aliquid opponere in quo non ita sit, & tamen non concedat, is profectō iniquum se præbebit in disputando. est enim in disputationibus iniquitas & proteruita, responsio quæ præter modos quos exposuimus, uim habet ad interimendam tollendāque conclusionem. Defendere autem & propositum & definitionem, ita par est, si ante argumēta ipsi in nos quasi aduersariorū tela iaciamus. Quibus enim rationibus infirmant nostra decreta

decreta ū qui ponunt quæstionē, ūs ipsis resistere debemus. Propositū autē non probabile timide defendendū est. Multis autē modis non probabile esse potest. Nam & id nō probabile est, ex quo efficitur, ut incōmoda, et absurda quædā fateamur. ut si quis uel omnia, uel nihil moueri dicat, & ea omnia quæ deterior status & constitutio sequi solet, & quæ hominū uoluntatibus repugnāt. quale illud est: Voluptas est bonū, & facere q̄ accipere præstat iniuriam. Non enim quasi disputationis gratia defendat: sed tanquā ea dicat quæ probet & sentiat, ita eū oderūt. Argumenta autē quibus falsum cōcluditur, dissoluēda sunt, infirmādo euerrendoq; eo, ex quo falsum effectum est. Neque enim quouis sublato argumētū soluitur, ne si falsum quidem sit id quod sit euersum. Multa enim falsa in argumentatione cōtineri possunt. ut si quis sumat, eū qui sedeat scribere, & Socratem sedere: ex his efficitur, scribere Socratē. Euersa igitur hac enūciatione, Socrates sedet, non tamē dissoluta & explicata argumentatio est. Et quanquā falsa enunciatio est, nō tamen falsa ob id est argumentatio. Si quis enim sedeat neque scribat, nō iam in hac tali causa hæc ipsa accommodata dissolutio est. Nō igitur hoc refellendū est, sed illud, eum qui sedeat, scribere, cum præsertim non omnis scribat qui sedet. Ita fit ut dissoluat argumentū is, qui falsi causam tollit. & explicationē argumenti intelligat is qui causam argumentationis falsæ cognouerit. quemadmodum in ūs quæ falso & uitiose describuntur, contingit. Neque enim satis est resistere, etiam si falsum sit quod refellitur, sed etiā cur falsum sit docendum est. Sic enim utrū occurrendo, ratione & consilio ductus sit necne, intelligetur.

IMPEDIRI autem argumentatio potest, ne concludatur, quatuor modis. Primum id ex quo falsum est, refellendo. Secundo, occurrendo ei qui quaestionem ponit. Saepe enim non explicato & dissoluto argumento, tamen is qui rogat, progredi non potest longius. Tertio, refellendo rogatum. Fit enim interdum, ut ex ijs quae queruntur, non quod uolumus consequamur, propterea quod uitiose interrogatum est, quibusdam tamen apposis effici potest conclusio. Ac si ultra progredi is qui rogat non potest, occursum erit roganti: sin potest, rogato. Quartum genus resistendi, & deterrimum id est, quod ad tempus refertur. Nonnulli enim in refellendo ea afferunt quae ad differendum plus temporis desiderant, quam patitur disputandi consuetudo. Ac resistendi quidem quatuor, ut dixi, genera sunt: sed prima una ex omnibus explicatio est, cetera impedimenta sunt quadam conclusionum. Reprehensio autem argumentationis non eadem ex eius natura & ex interrogandi ratione nascitur. fere enim fit culpa eorum qui rogantur, ut non recte tractetur argumentatio, quod non concedant ea quae magnam facultatem suggerant ad id efficiendum quod quaeritur. Neque enim in alterutro solum positum est, ut communis res recte ad finem exitumque perducatur. Quapropter interdum qui aliquid respondet, refellendus est necessario, & omittendum ipsum propositum: tum denique cum is qui quaestionem poscit, instructus calumnijs, paratus uenit ad contradicendum. Ita iniquos se praebentes, disputationes non dialecticas, sed concertationum plebas instituunt & inuehant. Et quoniam exercitationis & ueluti examinis causa non eruditionis, haec tales disputationes

nes comparatæ sunt, profectò non modo uera, sed etiam falsa concludenda sunt: nec ex ueris semper, sed interdum etiã ex falsis. Nam & plerunque uero posito, is qui contra disputat, refellere debet. ita fit necessario, ut sint proponenda falsa: & falsum quod positum est, interdũ falsis eueri tollique debet, cum præsertim nihil prohibeat falsa alicui magis quàm uera probari. Ita si ex iis quæ illi probantur, progrediatur argumentatio, persuasus potius quàm adiutus erit. Sed omnes debent, qui aliò disputationem recte traducere & trahere uolunt, ut geometra geometricè, sic dialecticè, non pugnaciter traducere, siue falsum, siue uerum sit id quod concluditur. Quæ autem sint dialecticæ ratiocinationes supra expositum est. Vt autem in rebus usuuenit, ut socius iniquus & sceleratus sit is qui rem communem impedit: sic in disputationibus in quibus etiam cõmune quiddam propositum est utrique, præter quàm iis qui certandi studio disputant. Neque enim utrique eorum licet eundem finem consequi, præsertim cum plures uno uincere non possint. Vtrum autem in respondendo, an in rogando, id efficiant, nihil interest. Nam & qui certandi studio rogat, uitiose & præposterè disserit: & qui respondendo non concedit neque dat quod uidetur probabile, neque inducit in animum audire, quid tandem uelit is qui ponit quæstionē. Ex quo perspicuum est, non eodem modo argumentationem, si per se consideretur, reprehendendam esse, & eum qui eã rogando tractat. Nihil enim prohibet, uitiosam argumentationem esse. cum interim is qui quæstionem ponit, quàm poterit accommodatissimè, cum eo qui respõdet, disputabit. Nam si res sit cum difficilibus & proteruis, non potest

profectò statim quas quisque uelit, sed quas possit, tractare per ratiocinationem argumentationes. Quoniam autem incertum est, quando contraria homines sumunt, & quando id quod à principio positum est in quaestione: (sæpe enim ipsi secum, & soli cum aliquid loquuntur, repugnantia dicunt, negatòque eo quod prius est, cōcedunt posterius. Itaque cum rogantur, sæpe repugnantia, & quod primo loco propositum est, concedunt) eo uitiosas argumētationes necesse est effici. Culpa est ista eorum qui respōdent, qui quædā non concedunt, alia eiusdem generis concedunt. Ex quo etiam perspicuum est, non eodem modo reprehendēdos esse eos qui quaestionem ponunt, & ipsam argumentationem. Argumentatio autem quinque modis reprehendi solet. Primo, cum ex iis quæ rogata sunt, & quæsita, nihil cōcluditur omnino, nec quod ad rem pertineat, quod falsa sint, uel non probabilia omnia, aut certè plurima eorum, ex quibus conclusio efficitur: & quod nec detractis quibusdam, nec additis, nec aliis detractis, aliis additis efficitur conclusio. Secundo, si tractetur per ratiocinationem, quæ ad rem non pertineat argumentatio, ex talibus & eo modo quod in superiori dictum est. Tertio, si additis quibusdam conficiatur ratiocinatio, sed quæ deteriora sint quàm quæ rogata sūt, minúsque probabilia conclusione. Quarto, si detractis quibusdam, idem contingat. Interdum enim plura sumuntur quàm necesse est, ut non ex eo quia hæc concessa sunt, efficiatur cōclusio. Postremò, si ex minus probabilibus, & credibilibus efficiatur, quàm sit conclusio: aut si ex ueris, sed quæ difficilinus & maiore negotio quàm id quod quaeritur, ostendi possunt. Neque uerò id postulandum est, ut omnes
 quæ

quæ de proposito instituuntur, æquè probabiles sint ratio-
 cinationes, & æquè ualeant ad faciendam fidem. Eorum
 enim quæ exquiruntur, partim prima facie faciliora sunt
 natura sua, partim difficiliora: ut si quibuscunque proba-
 bilibus possint, concludetur, recte conclusa uideantur. Per-
 spicuum est igitur, non eodem modo argumentationem iu-
 dicandam esse, uitiosam cum ad quæstionem refertur, &
 cum per se exquiritur. Nihil enim prohibet argumentatio-
 nem per se uitiosam esse: quæ si ad quæstionem referatur,
 uera erit, uicissimque uera per se considerata, cum quæ-
 stione collata, uitiosa esse potest: cum facile ex multis proba-
 bilibus, & ueris quæ illi quæstioni tractandæ sunt, accom-
 modata, effici potest quod uolumus. Fit autem interdum,
 ut argumentatio etiam quæ concludit, ea quæ non conclu-
 dit sit deterior, cum illa ex iis quæ minus probantur cõclu-
 dit, cum quæstio proposita in eo genere non sit, hac autem
 talia requirit, quæ probabilia & uera sint, nec ex iis quæ
 assumpta sunt, argumentatio est. Neque uerò ij qui ex fal-
 sis uerum concludunt, iure reprehendi possunt, cum præser-
 tim, & necesse sit semper falsum ex falsis, & liceat inter-
 dum uerum ex falsis concludi. quod ex analyticis perspicui
 potest. Cum autem argumentatio quæ exposita est, alicui
 rei demonstratio erit, si qua sit alia propositio quæ cum
 conclusione nullam habeat coniunctionem, ex ea non effi-
 cietur cõclusio. Sin speciem præ se ferat cõiunctionis, fallax
 erit conclusio nõ necessaria. Est etiā φιλοσόφημα ratio-
 cinatio necessaria. Epichereima autem ratiocinatio probabilis.
 Sophisma autem ratiocinatio pugna. ἀπορία ratio in u-
 tranque partem differendi. Quod si ex utraq; propositione

probabili aliquid ostendatur, neque æquè probentur, nihil
 prohibet id quod demonstratum est, magis quàm utranque
 probari. At si una sit probabilis, altera neutro modo: aut si
 hæc probetur, illa non probetur, si id quidem similiter sit, tū
 ex æquo probabitur & non probabitur, quod demonstra-
 tione concluditur, sin altera magis probetur, magis etiam
 probabitur. Atque etiam in tractandis argumentationi-
 bus per ratiocinationem peccatur, cum aliquid pluribus o-
 stenditur, quod paucioribus potest, quæ etiam in argumen-
 tatione reperiuntur. Cuius generis illud est quod sumitur ad
 probandum, opinionem aliam alia uerius dici opinionem.
 Si quis poscat hanc enunciationem, quicquid appellatur cū
 accessione pronominis, ipsum, illud est quod in eo genere ma-
 xime est, id ipsum quod est. Est autē opinabile aliquid, quod
 quia uere est opinabile, appellatur ipsum opinabile: ex quo
 sequitur illud ipsum cum maxime sit, aliis quibusdam esse
 magis opinabile: porro autē omne quod magis esse dicitur,
 alterius comparatione dicitur magis. Est uero opinio etiam
 aliqua uerāque accessione pronominis, ipsa opinio appella-
 ri potest: quæ aliis quibusdam certior est. Hic igitur sumptū
 est, ueram esse aliquam opinionem, quæ accessione prono-
 minis, ipsa opinio uocaretur. Itēque illud, in omni genere
 illud esse maxime tale quod per accessionem pronomi-
 nis, ipsum, nominatur: ex quibus sequitur ipsam opinionē quæ
 maxime uerax est, eam esse quæ maxime & uerissimè o-
 pinionis nomine uocatur. Sed quod uicium in hac est ratio-
 cinatione? An ob eam causam, quod facit ut causa ex qua
 ratiocinatio cōficitur, ignoretur? Argumentatio autē per-
 spicua est uno modo, qui maxime in populi ore uersatur, cū
 ita

ita conclusa est, ut iam nulla sit opus interrogatione. Altero, qui etiā crebris usurpatur sermonibus, cum sumpta sunt ea, ex quibus esse necesse est quod concluditur, sunt autem ea ex aliis conclusionibus collecta. præterea si quid prætermissum sit quod ualde sit probabile. Falsa autem dicitur quatuor modis, & cum uidetur concludere neque concludit, quod uocatur conclusio, & ratiocinatio ad concertationes spectās. Et cum efficit illa quidē aliquid, sed quod minus ad rem pertineat. quod iis cōtingit maximè, quibus incommodo alij urgentur. Aut aliquid concludit, quod ad id quod agitur pertinet, sed nō propria accommodatāque ratione, id est, si ea quæ non est medicina propria, uideatur medicinæ esse, aut geometrarum, quæ non est, aut dialecticorum quæ non est, siue uerum, siue falsum sit quod efficitur. Alio modo falsa est argumentatio, cum ex falsis cōcludit, cuius generis erit alia falsa, alia uera conclusio. Nam & falsum semper ex falsis, & uerum interdum ex falsis, ut supra dixi, cōcluditur. Ac oratio quidem quòd falsa sit, culpa est eius qui argumentationem tractat potius, quàm argumentationis. Nec uerò culpa est semper disputātis, sed tum denique cum falsam se aliquam argumentationē tractasse ignorat (quandoquidem saepe falsam orationem & propositionem, cū animo aliquid per nos ipsos tractamus, magis quàm multas ueras approbamus) præsertim cum ex iis quæ maxime uidentur probabilia, aliquid eorū quæ uera sunt, ipsa refellit. nā quomodo ea sit semper culpa disputantis, cum saepe ad res ueras demonstratione cōcludendas huiusmodi ratiocinationes ex falsis adhibeantur? quippe cum aliquid eorum quæ posita sunt, falsum esse debeat

omnino, ut id demonstretur. Si uerò falsis, & ualde absurdus uerum concludat argumentatio, multo certe deterior iis futura est quæ falsum concludunt. Cuius generis argumentatio, etiam falsum cōcludere potest. Perspicuum est igitur primum uidendum esse, an concludat argumentatio: deinde, uerūne an falsum: tum ex quibus. Nam si ex falsis, sed quæ probabilia sint, tolerabilis erit, & non aspernanda ratio: si ex ueris, sed quæ non probentur, uitiosa: si & falsa, & quæ ualde improbetur, profecto uitiosa erit aut omnino, aut in re de qua agitur. Quemadmodum autem is qui quæstionem ponit, id quod initio propositum est, & cōtraria petat, ad ueritatem expositum est in analyticis, quemadmodum ad opinionem, nunc dicendum est. Petēdi autem id quod initio dictum est, quinque sunt genera. Primū & clarissimum, si quis id petat, quod demonstrandum ipsi est: quod quidem in eadem re nō facile ignoratur, in synonymis autem iis que omnibus quorum nomen, & definitio idē declarant, magis. Alterum, cum id quod singillatim demonstrari debet, omnino & totum aliquis petit. ut si quis probans contrariorum quæ aduersa dicuntur, unam esse artē, petat contrariorum omnino unam esse. uidetur enim quod per se probari debeat, id unā cum aliis pluribus petere. Tertium, si quis singillatim petat, quod propositū est ad demonstrandum omnino. ut si omnium aduersorum esse propositum sit, aliquorum petat. Nam uidetur hic etiam quod cū multis erat docēdum, id petere per se ac separatim. Rursus, si quis adhibita diuisione, id de quo agitur petat. ut si demonstrandum sit, medicinam esse salubriū & contrariorum, separatim petat utrūque. Aut si quis alterum pe-

eat eorum, quorum alia aliis cōsequuntur necessario. ut latus cum diametro componi non posse cum probandum sit, diametrum cum latere non posse. Contraria etiam tot modis quot ea quæ initio dicta sunt, petuntur. Primum, si contraria petat, aientia & negantia. Secundo, si contraria eo modo quo sunt inter se repugnantia, ut bonum & malum esse idem. Tertiò, si quis omnino & totum sumpserit, & in parte petat quod repugnat. ut si quis hoc sumpto, aduersorum unam esse artem, petat salubrium & insalubrium aliam artem: aut si hoc posteriore petito, de toto genere repugnantiam sumat. Rursus, si quis contrariū petat eius, quod ex positis & concessis efficitur necessario. Item si quis contraria ipsa non sumat, duo autem petat eiusmodi, ex quibus repugnantia sequetur. Sumere autem cōtraria, & petere id quod initio positum est, hoc differūti, quòd huius error in conclusionem incidit. (illud enim spectātes peti id dicimus quod initio positum est) contraria autem in propositionibus cernuntur, quòd inter se quodam modo affectæ sunt. Ut autem exercitatio & meditatio in argumentationibus eiusmodi paretur, primum assuescendum est argumentationes conuertere. Sic enim maior nobis ad disputandum argumentorum suppetet copia, & in paucis multas argumentationes tenebimus. Conuertere enim est, unum eorum quæ data sunt refellere, mutata in suam oppositam conclusionem, eaque cum altera sumptionum accepta. Nam si tollatur conclusio, una aliqua propositio tollatur necesse est: si quidē positus iis omnibus, necesse sit cōclusionē effici. Ad omne uero propositū multum ualeat, in hanc & illam partē argumenta inuenire, quibus solutio illico quærenda est.

ARISTOTEL. TOPIC.

Sic enim fiet, ut simul & in quaerendo, & in respondendo exercitati simus, & si nemo alius sit quo cum disputemus conferamusque hac ipsa: nobis certe per nos, & nobiscū licebit. Sunt etiam comparanda inter se argumenta, quae utramque in partem plurimū valent. Hoc enim & ad obfirmandum se, & ad refellendum multum ualet, cum alicui magna argumentorum copia in utranque partem disserēdi suppetit. Nam ad contrarias partes fiet tutior. Possēque ante perspicere, & perspexisse, quid utranque quaestionem, & causam sequatur, non paruum adiumentum adfert ad cognitionem, philosophiaēque rationem. Relinquetur enim, ut eorum recte alterum sequamur. Sed ad id efficiendū ingenio opus est: uerūque ingenium, & indoles in eo est, ut possis uerum recte sequi, & declinare falsum: quod quidē ij quibus acumen ingenij, & indolem natura largita est, praclare efficere possunt. Cū enim amant, & oderūt quod affertur & proponitur, uere de eo quod praestantissimum est, iudicant. Cū uero ad quaestiones, quae sapissime in disputationem incidunt, parati & instructi argumentorum copia uenire debemus, tum maximē ad eas quibus capita prima proposita, & quaestiones generales disputatur. quoniam in his fere ij qui respondēt, omnia fere quae uulgo recepta sunt, respuere solent. Iam definitionum nobis magnus suppetere debet, eaque in promptu habere debemus maximē, quibus ea quae probantur, & prima declarantur, cū praesertim ex iis ratiocinationes cōstent. Danda est etiā opera, ut ea in qua alia argumenta incurrunt, teneamus. Ut enim in geometria utile est elemēta, & initia exercitatione parata & meditata habere: & in numerorum ratione,


tione, prima quasi capita in promptu habere, magnâq; in hoc ipso vis est, ut alium etiam numerum multiplicatum cognoscant: sic in argumentationibus, principia tenere, & propositiones in ore habere. Quemadmodum enim in memoriae exercitatione loci collocati & dispositi, statim faciunt ut redeant res nobis in memoriam: ita hæc ipsa magnam nobis ad differendum copiam suggerent, quod loci ipsi certis sint, quos spectemus. Sed locus communis potius quàm tota ratiocinatio, memoria mandandus est, quippe cum difficile sit, mediocrẽ principiorũ & propositiorũ vim ac numerũ suppetere. Præterea argumẽtũ unum in multa distribuere assuescendum est nobis: ita tamen ut id obscurissime facere uideamur. Quod ita fiet, si quis longissime aberrerit à uicinitate eorum de quibus agitur. Ea autem argumenta in hoc genere plurimum ualebunt, quæ de toto genere id maxime efficere possunt. Cuius generis illud est: Nō esse unam multarum rerum artem. Eadem enim ratio est eorum quæ cum aliquo conferuntur, & cōtrariorum quæ aduersa dicuntur, & coniugatorum. Atque etiam rationes quas ab alijs accipimus, quasi uniuersales accipere debemus, etiã si in parte sint tractatæ. Sic enim ex una multis etiã facere licebit. Quod fieri in arte rhetorica de enthymematibus eodem modo iudicandum est. Is uero qui respondet hoc quantum poterit declinabit, ne ad totum genus reuocetur disputatio: illique hoc uidendum est semper, an de pluribus rebus communibus tractetur facta ab alio argumentatio. Omnis enim quæ de parte est, in uniuerso genere continetur, inestque in priuata & singulari causa uniuersi generis expositio & demonstratio quod sine uni-

uersi generis locis nihil concludi potest. Vfus autem argumentationem earum quæ per inductionem tractantur ad rudes & ignaros: earum quæ per ratiocinationem ad peritos transferri accommodarique debet. Enitendumque est, ut ab ijs qui argumentationes per ratiocinationem tractare possunt, propositiones: ab ijs qui per inductionem, similitudinum collationes comparationesque accipiamus. Sunt enim utrique in hoc genere exercitati. Omnino is qui exercitationis gratia disputat, conari debet utilitatē illam ex disputatione consequi, ut aliquam inde referat aut ratiocinationem ad aliquid probandum, aut propositionem, aut solutionem, aut oppositionem (quæ instantia vulgo appellatur.) Et ut notet bene an perperam, aut ipse aut alius disputauerit: & quæ ratione utrunque euenerit. Ex his enim tota hæc facultas constat: exercitatio autē facultatis gratia suscipitur. Sed ex ijs omnibus quæ dixi, maxime querenda sunt propositiones & oppositiones, hoc est ut uocantur instantia. Dialectici enim uis maxime cernitur in proponendo, & resistendo. Est autem proponere unum facere ex multis: quādoquidem unū omnino sumi debet, ad quod pertinet argumentatio: resistere uero est multa ex uno. aut enim distinguit, aut euertit, cum ex ijs quæ proposita sunt, hoc concedit, illud non concedit. Quoniam autem uitiosa & iniquæ disputationes cum quibusdam futuræ sunt necessario, nec cum quouis disputationes instituere, nec quilibet in societate exercitationis recipere debemus. nam aduersus eum qui hoc unum agit, hoc conatur, ut alterius argumenta quacunque ratione eludat, æquum est omnino, disputare, tamen non semper decet. Quocirca non temere

cum

cum quibus suis exercitationis causa confidendum est. hinc enim maledicta, hinc contumelia, hinc iracunda contentiones, concertationesque nascuntur. Neque enim fieri potest, ut qui unum in locum discendi exercendaque artis gratia conueniunt, sine concertationibus disputare desinant. Atque ut finem dicendi faciam, parata & meditata argumenta nobis esse debent ad eiusmodi quaestiones, quibus tractandis, quo minor copia suppetet, eo ad plura ualebunt: quo ex genere sunt & ea quae per uniuersi generis quaestionem fusa sunt, & ea quorum ex tempore difficilior supeditatio & inuentio est.

F I N I S.



Aristotelis Stagiritæ

DE REPREHENSIONIBVS

SOPHISTARVM

LIBER VNVS.

Nicolao Gronchio Rotomagensi interprete.

LVTETIAE,

Ex officina Michaelis Vascosani, uia Iacobæ
ad insigne Fontis.

M. D. LI.

CVM PRIVILEGIO.

NICOLAUS GROVCHIVS

omnibus in regio Lusitaniæ gymnasio studiosis
philosophia auditoribus S. P.



LII libri, quos de ratione differendi ab Aristotele & Porphyrio transtulit Perionius, licet multis in locis à nobis emendati, sub illius tamen nomine excusi sunt: hic, De sophistarum reprehensionibus, eodem iure esse non potuit, quia non eadem huius atque aliorum fuit causa. Cū enim ego id tantum spectarem, ut studiosis philosophia auditoribus, nō modo latine, sed etiam plane ac dilucide loquentem Aristotelem audire posthac in hoc regio gymnasio liceret: in alijs libris, paucis admodū mutatis, ab ijs quæ latine, & eleganter scripserat Perionius, id, quod institueram facile præstiti: in hoc tam multis in locis dilucidam orationem, ueramque Aristotelis sententiam in Perionio (quod pace tamen tanti uiri dixerim) desideravi, ut satius esse duxerim totum à principio librum de græco uertere, quàm tantopere immutare, ut minimam à suo authore partem habere uideretur. Meum consilium, ut in omnium studiosorum philosophiæ utilitatem collatum est, ita omnibus, opinor, æquis iudicibus probabitur: eruntque æquiores, si hanc nostram cum Perionij interpretatione conferant. Non quo homini eloquentissimo ulla me ex parte conferendum esse prædicem, sed fidelius certè, ni fallor, & planius à nobis uersum esse hunc librum iudicabunt, qui utrunque legerint. Valete. Conimbrica, ex regio gymnasio. X. Cal. August.

M. D. XLIX.

ARISTOTELIS DE REPREEN-
SIONIBVS SOPHISTARVM

LIBER VNVS.



DE sophistarum autem reprehensionibus, & de ijs, quæ speciem habent reprehensionum, reuera tamen fallaces ac vitiosa conclusiones sunt, nunc dicendum. In quo ego naturã imitatus ab ijs potissimum exordiar, quæ sunt huius disputationis prima ueluti elementa. Ac primum quidẽ alias esse ueras ratiocinationes: alias, quæ tantum uideantur, nec sint ratiocinationes, iã per se propemodum est perspicuum. Atque ut alijs in rebus, ita in argumentationibus propter quandam rerum inter se similitudinem id accidit. Sũt enim inter homines alij, quibus reuera inest bonus corporis habitus, in alijs, aut tumor quidã talis, qualis esse hostiarum solet in sacris curialibus per æmulationem curiarum: aut fictus ad eam rem ornatus bonam corporis habitudinem imitatur. Sunt item, qui sua ipsi forma pulchri sunt: alij autem, qui per fucum tantum tales uidentur. Nec dissimilis est in rebus inanimatis ratio, in quibus sunt nonnullæ, quæ ut uidentur, ita reuera sunt aut argentum, aut aurum: Aliæ cum non sint, falsa quadam specie iudicio sensuum uidentur: ut lithargyrina, & stannea uidentur esse argentea: quæ felle tincta sunt, aurea. Eodem planè modo ratiocinationes, & reprehensiones aliæ sũt, aliæ propter imperitiã uidentur. Sunt enim imperiti homines ijs

propemodū similes, qui procul res prospiciunt. Ac uera quidem tum ratiocinatio est, cum ex quibusdā positis quidpiā ab ijs, quæ posita sunt, diuersum ob id necessario sequitur, quia illa sunt anteposita. Reprehētio autem, cum est ratiocinatio, per quam non modo conclusio, sed eius etiam disparatum cōficitur. Fallaces autem in utroque genere orationes sunt, quæ idem, quod illa, efficere uidentur, nec tamen efficiunt. Id quod multis quidem ex causis euenit, sed unus est inter omnes uulgatissimus & latissimè patens locus, ex rerū uocabulis. Quia enim ipsis per se rebus in mediū prolati, constare disputatio non potest, eoque uerbis, quasi notis quibusdam, pro rebus uti cogimur: propterea fit, ut idem ferè usu ueniat, quod in subducendis per calculos rationibus, nempe, ut uerborum, ac rerum eandem omnino esse rationē existimemus. In quo nos longè latèq; erramus: tantū enim inter illa interest, ut uerborū & orationum certus sit ac definitus numerus, rerū infinitus. Vnde efficitur, ut una oratione, aut nomine multas res significari sit necesse. Et quemadmodum in subducendis calculis qui rudes sunt, & quid suo quiq; loco ualeant calculi, nesciunt, ab ijs, qui sunt in eo genere periti, faciliè circūueniūtur: Ita in sermonibus cōferendis, qui ignorāt, quæ sit uerborum uis & significatio, faciliè siue differant ipsi, siue aliorū audiant sermones, decipiūtur. Atq; illa quidē una causa est præter alias, quæ postea explicabūtur, cur sæpe uideantur esse ratiocinationes aut reprehēssiones, quæ non sunt. Quoniam autem quibusdam illud est ingenium, ut se operæpretiū maius facturos existiment, si sapiētes uideātur nec sint, quàm si essent, nec uiderentur (est enim Sophistice simulata & non uera sapientia,

sapientia, & sophista is dicitur, qui ex ea quam prae se fert non uera, sed simulata sapientia quaestum facit) illud perfectò ex ijs perspicuum est, tali ingenio natis hominibus magis elaborandū esse, ut sapientis officium praestare uideantur, quàm ut faciant, nec uideantur. Est autem (ut singula cum singulis conferam) sapientis in re quaque officium, ut rogatus de iis rebus, quarum habet scientiam, nil falsum dicat: & ut, si quem in errore uersari senserit, illum coarguat, & de falsa opinione deducat. Quorū prius in bene reddenda ratione de ijs, quae interrogantur, positum est: posterius in bene interrogando, si quid sit, de quo reposcenda sit ab altero ratio, cernitur. Necesse igitur est, ut qui sophista munus probè fungi uelit, illud fallaciū argumentorum genus, de quo paulo ante diximus, iprimis exquirat: quādoquidem in eo tantum est momenti, ut haec sit unā ratio, qua sapientiae opinionē, in qua illi sunt omnia, cōsequi possit, si taliū argumentorum facultate instructus sit. Ac esse quidem nonnulla huius generis argumēta, & huiusmodi facultatem ab iis, quos sophistas appellare solemus, expeti, satis explicatum est. Nunc quot sint rationum sophisticarū genera, & quis sit numerus singularum facultatū, ex quibus cōstat haec tota facultas: & quot partes sint huius tractationis, quam institimus, & si qua sunt alia, quae ad huius artis perfectionē pertinet, dicamus. Sunt igitur ad differendum quatuor omnino argumentorum genera: Vnum est eorum, quae propriè ad docendum sunt accommodata: alterū eorum, quae dialectica uocantur: Tertio genere continētur ea, quae ad probandum & examinandū alterum adhibentur: In quarto genere sunt, quae contentiosa appel-

lantur. Atque illa quidem ad docendum sunt accommodata, quæ constant ex proprijs cuiusque disciplina principijs, nec um habent ab eo, quod respondentis probatur. Credere enim, & indubitata fidem habere eum oportet, qui discere aliquid uelit. Dialectica autem sunt, quibus utraque pars contradictionis ex probabilibus concluditur. Illa uerò ad tentandum & examinandum alterum apta dicuntur, quæ ex ijs modò uim habent, quæ ei probatur, quòcum disputamus: quæque talia sunt, qualia ignorare non possit, qui sibi alicuius rei sciẽtiam tribuit & arrogat. Qua uerò ratione id sibi faciendum, alijs in libris docuimus. Contentiosa autem sunt, quæ ex ijs, quæ probabilia uidentur nec sunt, aut concludunt necessario, aut non concludunt, sed modò uidetur. Ac de ijs quidem, quæ ad docendum & demonstrandũ ualent, dictum est à nobis in Analyticis: de dialecticis autẽ, & ijs, quæ ad examinandum alterum adhibentur, in superioribus libris. Nunc de contentiosis dicamus. Primũ autem intelligendum est quot, & quæ sint ea, quæ differendo sibi proponunt, qui contentionis modò, & uincendi causa disputant: quæ sunt quinque: Reprehẽsio, falsum, incredibile, quòdque sit contra omnium opinionem, solacismus: & quintum, cõgere eum, quicum disputat, nugari: quod est eiusdem uerbi inepta & inanis repetitio. Atque illa quidem sibi proponunt, ut aut reuera assequantur, aut certẽ ut assequi uideantur. Hoc enim est, quod primũ & maxime cõtendunt huiusmodi homines, ut coarguere respondentẽ uideantur: secundo loco falsum aliquid uolunt cõcludere: tertio ducere eò aduersarium, ut admirabile aliquid & cõtrea opinionem hominum dicere cogatur: quarto ut eum, si possint,

sint, cogant solacismum committere, quod est aduersarium
 ui rationis adductum uideri non posse effugere, quin bar-
 barè loquatur: postremo ut ad ineptam eiusdem uerbi ite-
 rationem adducât. Sunt autem reprehensionum generales
 duo modi: unus in uerbis, alter in rebus. Atq; ille quidē mo-
 dus, in quo uis captionis ex uerbis oritur, in sex partes di-
 stribuitur, quæ sunt: Vocabuli multiplicitas, orationis ambi-
 guitas, cōiunctio, diuissio, accentus, forma dictionis. Esse autē
 tot, nec plures partes, nō modò inductione doceri, sed etiam
 ratiocinatione non una quidem fortasse, sed hac certè de-
 monstrari apertissimè potest: nempe quia non possit præter
 illos modus alius reperiri, quo non idem semper iisdem uer-
 bis & orationibus dicamus. Ex nominis multiplicitate hæ
 omnes captiones ducuntur: Quæ memoriter ab alio recitā-
 tur, ea grāmatici μαρτυροῦσι, ergo qui docti sunt μαρτυροῦσι.
 Homonymum est μαρτυροῦσι. interdū enim idem ualeat quod
 intelligere rem aliquam, interdum significat idem quod di-
 scere. Quod quenq; facere oportet, id bonum est: sepe autē
 usuuenit, ut mala nos subire oporteat: malū igitur aliquod
 bonum est. Oportere duobus modis accipi potest: Vno modo
 pro eo, quod necessarium est: quæ significatio ad mala sepe
 pertinet: sunt enim quæ licet mala sint, nobis tamen neces-
 sario subeunda sunt: Altero modo quod bonum est officiō-
 que cōsentaneū, hoc uerbo intelligitur. Qui surgebat, stat,
 & qui cōualescebat, ualer: at qui surgebat sedens, & con-
 ualescebat agrotans: stat igitur sedens, & ualeat agrotans.
 Agrotantem facere aliquid, aut pati, non habet unam
 tantum significationem: sed interdum huius generis par-
 ticipia significant eum, qui nunc aut agrotat, aut sedet:

interdum uerò qui agrotabat prius, aut sedebat. Illud tamen uerum est, eum, qui cōualefcebat, agrotantem etiānum fuisse: qui autem ualet, non est agrotans, nisi ita accipias, ut eum significet, qui prius agrotabat. Ad ambiguitatem orationis hæc omnia sunt referenda: Ego uellem me hostes capere. Item illud: Quod quisque cognoscit, illud ipsum cognoscit. Hæc enim oratio uel ad cognoscētem, uel ad rem cognitam referri potest. Item illud: Quod quis uidet, illud ipsum uidet: columnam autem uidet quispiam: colūna igitur uidet.* Quod esse dicis, tu illud ipsum dicis: lapidē autē esse dicis: tu igitur illud ipsum, lapis scilicet, dicis. Postremo illud quoque ambiguum est, *ἀνὴρ* proloqui: nam *ὁ* hoc dupliciter accipi potest. Vno modo, ut significet loqui aliquē qui taceat: Altero, ut de rebus multis loqui aliquem declaret. Sunt autem tres potissimū modi, quibus omnis homonymia *ὁ* amphibolia cōtinetur. Vnus est, quando aut oratio, aut uocabulū propriē ac per se multa significat, ut aquila, canis: Alter est, quando ex usu loquendi multiplicitas nascitur: Tertius, cum uerba cōiuncta multis modis accipi possunt, separata simplicem habēt significationē: quale est illud, scire literas. Vt enim multiplicia non sint singula hæc uerba, scire, *ὁ* literas, cōiuncta tamen multis modis accipi possunt. Aut enim significant ipsas literas scientia capaces esse, aut uerò literarum cognitionē habere alterum. Ac modi quidem, quibus homonymia aut amphibolia continetur, hi sunt, quos exposuimus. Nunc de coniunctione dicamus, ad quam hæc pertinent omnia: Posse sedentem ambulare, posse non scribentem scribere. Etenim hæc duo non idem significant, cum est coniuncta, *ὁ* cum est diuisa orationis

Exēplū hoc licet omnino nō exprimat græcum, tamen quantū patitur latinus sermo ad græcum proximè accedit.

tionis sententia. Est autem huius orationis, posse non scribentem scribere, sententia coniuncta, cum significat eum, qui non scribit, posse, cum non scribit, scribere: diuisa autem, cum eam uim habet, posse eum, qui nunc non scribit, postea scribere. Est etiam illud ex coniunctione ductum: Quas scis lueras, modo didicisti eas. Item illud: Quod unum solum potest ferre, multa potest ferre. Ex diuisione autem ista ducuntur: Quinq; sunt duo, & tria, atque ita paria, & imparia. Item illud: Maius dicitur, quod tantum est quantum alterum, & aliquid amplius: ergo quod maius est, tantum erit, quantum alterum, itaque aequale. Neque enim idem ualeat oratio, cum illius sententia modo diuisa, modo coniuncta accipitur: qualia sunt hæc: Ego te seruum feci liberum: Quinquaginta hominum centum heros liquit Achilles. Ex accentu autem uix oritur captio, nisi si de scripto sit controuersia. Nam in scripto & poemate sæpe locum habet. Quo modo liberatur eorum calumnia Homerus, qui apud illum dicunt absurdè scriptum esse, ἡ κατὰ νότον οὐ μὲν. Dicunt enim male accipi accentum illius particula ἡ, quæ non circumflexo, sed acuto notari debet hoc modo ἦ. Item cum ille locus Homeri reprehenditur, ubi de somnio Agamemnonis agitur, ita occurrunt, ut dicant non esse illa accipienda quasi Iouis uerba: δίδου δὲ τοῖς ἄλλοις ἀπὸ τοῦ, sed ijs uerbis imperare Iouem somno, ut det ipse somnus Agamemnoni illud, ut fiat sui uoti compos Agamemnon, ita ut δίδου pro δίδουαι accipiat. Ac de accentu quidem hætenus. Ex forma autem dicendi tum duci intelliguntur captiones, quando alterius uerbi specie falsi in ijs eandem esse rationem interpretamur, in quibus non est eadem ratio: Veluticum masculini-

num ad femininum genus transferimus, aut contrà femininum ad masculinum, aut uerò, cum neutrum genus male accipimus: Et cum ad qualitatem transferimus quantitatem, aut contrà, ex qualitate facimus quantitatem: Et cum id, quod facere significat, in patiendi significatione accipimus. Denique cum id, quod certam quandam affectionem declarat, pro actione sumitur, eodemque modo in alijs omnibus categorijs, quomodo superioribus libris à nobis diuisa sunt. Illud enim usuuenire interdum, ut quod actionem non significat, si tantum specie uocabuli spectes, ita accipiatur, quasi facere aliquid significet, uel hoc exëplo intelligi potest: Valere dicendi formam simile est his uerbis, secare, edificare: Et tamen illud qualitatem et certam quandam affectionem significat, hæc actionem: nec dissimilis est in alijs ratio. Ac de locis quidem, ex quibus ducta ex uerbo captiones eruuntur, satis. Sequitur, ut de fallacibus conclusionibus, quæ in rebus continentur, dicamus, quarum septem sunt genera: Primum est ex accidente: secundum ex eo, quod simpliciter aliquid dicitur, uel non simpliciter, sed cum aliqua adiectione, aut partibus, aut loci, aut temporis, aut affectionis ad alterum: tertium est ex ignoratione reprehensionis: quartum ex consequenti: quintum ex eo quod sumitur illud ipsum, quod iam inde à principio in questione positum est: sextum ex eo quod pro causa ponitur, quod minimè est causa: septimum ex eo quod quæ multa sunt interrogationes pro una accipiuntur. Ac fallaces quidem ex accidente conclusiones tum ducuntur, quando rei subiectæ, et accidenti eadem omnia attribuuntur, quia enim multa sunt in eodem subiecto, quæ eius modò sunt accidentia, propterea non necesse est eadem omnia rei subie-

subiectæ cōuenire, & omnibus rei subiectæ attributis : nisi uelimus fateri, omnia, quæ sunt, esse eadem : quemadmodū sophista dicunt. In quo uel hac ratione utuntur: Si est diuersus ab homine Coriscus, est à seipso diuersus: Coriscus enim homo est. uel ista: Si est diuersus à Socrate Coriscus, sit autē Socrates homo, diuersum esse Coriscum ab homine necessario fatendum est. Hac autē est huius captionis occasio, quod ita fortè accidit, ut his, à quo diuersus est Coriscus, homo esset. Ex eo autem, quod omnino ac simpliciter esse dicitur, id quod uerè dici potest hoc uel illud esse, aut quod ex parte modo aliqua non propriè, tū uitiosa nascitur cōclusio, quādo ita accipitur quod ex aliqua tantū parte uerū est, quasi omnino ac simpliciter uerū esset. Veluti si quis aut ex eo quod res, quæ nō est, opinabilis est, uellet cōcludere esse rem, quæ nō est (neque enim idē ualet rem esse omnino, quod esse aliquid tale) aut cōtrā rē aliquam, quæ sit, nō esse, quia de illa negetur alia quadam res: uerbi gratia, quia uerum sit rem illam non esse hominem. Multum enim interest dicas, rem non esse simpliciter & sine ulla adiectione, an uerò nō esse hoc, aut illud. Sed quoniā si uerba modò spectes, maxima est affinitas & coniunctio inter ista, esse quidpiam, & esse, utemque non esse quidpiam, & nō esse, idcirco fit, ut distinguī hac inter se non uideantur. Quod autem dixi, in eo quod non omnino esse, sed cum adiectione tale aliquid esse dicitur, idem intelligendum est, quādo id, quod in parte modo aliqua & quodā modo uerum est, ita accipietur, quasi simpliciter omniq; ex parte uerū esset: exēpli causa, Si Indus aliquis, cū sit toto corpore niger, dētes albos habeat, erit igitur idē albus, & nō albus. Itē si pars una sit uno colore

tincta, alterâque altero, inerunt igitur in eodem subiecto
 duo aduersa. Porro autem harum captionum causa in qui-
 busdam facile perspicitur: ueluti si postquam sumpseris ni-
 grum esse Aethiopem, roges, num sit albus dentes: (ut poetæ
 loquuntur) tum eo sumpto ad extremum omni absoluta in-
 terrogatione, putes te necessaria conclusione effecisse, nigrum
 esse eundem & non nigrum. In aliis quibusdam saepe usu-
 uenit, ut sit difficilis explicatio, idque ex duabus potissimum
 causis: Prima est, quando ex eo, quod cum adiectione alicu-
 ius partis dicitur, simplex & absoluta pronuntiatio recte
 sequi uidetur: altera cum ita alteri conueniunt alia, ut sit
 difficile perspicere, utrum ex illis simpliciter ac omnino di-
 ci iudicandum sit: quemadmodum euenire solet, cum duo
 aduersa pariter alicui insunt: tum enim aut utrunque, aut
 neutrum simpliciter dici admittendum uidetur: Verbi gra-
 tia, si dimidium totius cuiusdam album est, & alterum di-
 midium nigrum, sitne illud nigrum potius an album ap-
 pellandum, incertum est. Captiosa autem argumenta, quæ
 ex eo uim habere uidentur, quod non sit constitutum ac defi-
 nitum, quid sit ratiocinatio, aut reprehensio, omnia ex omis-
 sa aliqua definitionis parte oriuntur. Etenim reprehensio
 est contradictio unius & eiusdem non nominis, sed rei &
 nominis, atque adeo eiusdem nominis, ut non synonymum
 sit, sed idem ipsum: quæ contradictio ex ijs, quæ sunt posita,
 ita sequitur necessario, ut in sumptionibus non sit acceptum
 illud, de quo instituta est disputatio: quæ denique ita facta
 est, ut pars utraque in eodem, ad idem, eodem modo, &
 eodem tempore sumatur. Quæ omnia quomodo reprehensi-
 onem conueniunt, eodem possunt errori omnino ac deceptioni

con-

conuenire. Quoniam ergo horum aliquid, quæ in definitione posita sunt, prætermittitur, idcirco fit, ut reprehēdere alterum uideatur, qui tamen reuera nō coarguit: Vt, duo ad unum sunt dupla, ad tria non sunt dupla, est igitur aliquid duplum & non duplum: Item, si unum cum uno collatum in longitudine superet illud duplo, in latitudine autem non duplo, uidebitur idem, facta etiam ad idem comparatione, duplum esse & non duplum: sed non in eadē certē re utrūque dicitur. Postremò si facta sit ad idem comparatio, cernaturque in eadē re utrumque, & eodem modo, ad idē autem tempus utrūque non pertineat, erit etiam ex hoc loco ducta fallax & captiosa reprehētio. Verum quæ ducta est ex hoc loco reprehensio, potest etiam pertinere ad aliquem ex ijs, quos in uerbis esse diximus. Captiones autē, in quibus id ipsum accipitur in sumptionibus, de quo est instituta disputatio, ijsdem, & tot modis sūt, quot, & quibus petitio principij cōmittitur. Causa autem, cur speciē aliquam reprehensionū habere nobis uideātur, est, quia discernere interdum non possumus, quid idem sit cum eo, quod à nobis ad disputandum propositū est, & quid diuersum. Fallaces autem ex consequentibus reprehēssiones inde uim habent, quòd retro uerti cōsecutiones existimemus, quæ minimè retro commēāt. Quia enim ex hoc illud necessariò sequitur, ideo uicissim ex illo hoc effici necessariò opinamur. Atq; ex eodē hoc genere sunt falsæ illæ opiniones, quæ gignūtur ex sensuum perceptione. Quia enim mellis consequens est flauus color, inde fit, ut sæpe fel p melle accipiat: Et quoniā pluuiæ cōsequens est madesceri terram, si madida sit terra, pluuisse statim existimamus: quod tamē minimè necesse est.

Pertinent etiam ad hoc genus illa ferè oratorum argumēta, quæ ex signis ducuntur. Illi enim, ut probent adulterum esse aliquem, consequentia accipiunt: ut quod accuratius cōptus & omni genere ornatus sit, aut quod oberrare noctu conspiciatur, quæ tamen multis insunt, quibus attributum illud non possit conuenire. Nec dissimilis est in ijs argumenti ratio, quibus hi utuntur, qui syllogismis non signis differunt: Quale est illud Melissi, quo infinitam esse uniuersitatem hoc modo ostendere conatur: Vniuersitas est ingenua: (nam ex nihilo nihil gignitur) quod autem genitum est, principium habet Itaque si ingenua est uniuersitas, omni principio careat necesse est: infinita igitur. quæ profectò infirma est minimè quæ necessaria conclusio. Nam ut uerum sit, omne, quod generatum est, habere sua quadā principia, cur, quæso, uicissim id erit uecessarium, ut omne, quod principium habet, genitum sit? Illud sanè non magis uecessarium, quàm hoc: Si quis habet febrē, calet: ergo si quis calet, habet febrem. Sequitur locus, cum non causa tanquam causa accipitur: quò referenda sunt omnes captiones, quæ ex eo nascuntur, quò in sumptionibus aliquid tale accipitur, quale potissimùm uideatur esse causa reprobationis, cum reuerà ea non sit causa, cur ad extremum illud efficiatur, quod concluditur. Quod in ijs maximè ratiocinationibus usuuenit, quæ aduersariū urgent incōmodo. Semper enim quod huiusmodi ratiocinationibus refellitur, est una ex sumptionibus. Si igitur præter uecessarias sumptiones ante conclusionem acceperis illud, unde incommodum sequi debeat, illa saepe uidebitur esse causa, cur tu coarguas absurda conclusione aduersarium, quæ non erit: Exempli

empli causa, si probare uelis, quòd idem non sint uita & anima, & hac tu ratione utaris: Si aduersatur omnino ortus interitui, & cuidã interitui aduersabitur quidam ortus: est autem mors, quæ uita est contraria, interitus quidam: erit igitur uita ortus quidã, & uiuere gigni ac oriri. quod fieri omnino non potest: quare uerum illud nõ fuit, uitam & animam idem esse. Hac tu profectò ratione non confecisti quod uolebas. Nam ut illud nemo dicat, nil interesse inter animam & uitam, nihilominus idem illud incòmodum sequitur, si illud modò admittat quispiã, cum mors interitus quidam sit, eam esse uitæ cõtrariam, interitui autem generationem. Ac huiusmodi quidem rationes nõ sunt ita uisiosæ, ut nil omnino necessario efficiant: sed cum necessaria cõclusiones sint, ad illud modò conficiendum, quod propositum est, infirmæ ac minimè necessaria dicuntur. Neque his captionibus respõdentes modò falluntur, sed etiam qui contra disputant, sæpenumero in conclusiones huius generis incurrunt, cum se optimè argumentari existimãt. Atque illa quidem sufficiant de captionibus, quæ tum ex consequenti, tum ex non causa ducuntur. Postremus locus superest, duas interrogationes quasi unam accipere: quò tum referendæ sunt captiones, cum non putat respondens multas esse interrogationes, ob idque quasi ad unam interrogationem, simplicem dat responsionem. Ac nonnullæ quidem interrogationes sunt, quas faciliè uidemus multas esse, ideòque nõ esse ad illas simpliciter respondendum: cuius generis est ista: Sitne terra mare, an calum? In alijs quibusdam non ita faciliè perspicitur: quas interrogationes ij, qui respõdet, perinde quasi unum esset quod rogatum est.

aut admittunt, quia nil habent quod rectè ad interrogatū respondeant, aut coargui reprehendique meritò uidentur. Exēpli causa: Nunquid hic, & ille homo est? qui igitur hūc & illum cadit, hominem uerberat, nō homines: Item illud: Positis quibusdam, quorum partim bona sunt, partim mala: Sūntne illa omnia bona an mala? Hic enim utrūuis dixeris, uno modo habebit, qui cōtrā disputat, unde te non ille quidem uerè coarguat, sed uideatur certè reprehendere, aut unde eò te deducat, ut absurdū aliquid dicere uideare: nā in bonis aliquid numerare, quod minimè bonū est, aut cōtrā in non bonis, quod bonum, absurdum est. Alio modo, hoc est, si alia quadā praterēā assumat, habebit unde te uera reprehensione coarguat: uelut si quis iam antè cōcessisset, eadem ratione unū, & multa dici alba, nuda, caca. Nā si cacum id appellatur, quod cum in genere eorum sit, quæ uidere possint, caret sensu oculorum, caca illa dicētur, quæ non uident, cum in genere tamen earum rerum sint, quæ oculorū sensu prædita esse possunt. Hic igitur si de duobus rogaueris, quorū unum uideat, alterum non uideat, & alius simpliciter respōdeat, illud necessariò efficietur, utraq; sensum oculorū habere, aut caca esse, quod fieri omnino nō potest. Aut igitur illa, & tot fallacium ratiocinationū, & reprehensionum genera statuēda sunt, quæ, & quot modò exposuimus: aut si malimus unum quasi omnium principium constituere, reuocanda sunt omnia ad ignorationem reprehēnsionis. Nā posse omnes modos, quos paulò ante docuimus, referri ad definitionē reprehensionis, potest his rationibus intelligi: Primum si infirma est conclusio. Est enim hoc in definitione reprehensionis positum, ut ex ijs, quæ po-
sita

sita sunt, conficiat id quod uult, atq; ita conficiat, ut necessaria sit re ipsa conclusio, non tantum uideatur. Deinde uero si singulas definitionis partes persequamur, idem illud planum fiet. Nam ex ijs captionibus, quæ sunt in uerbis, nonnullæ ex eo ducuntur, quod dupliciter non singulari significatione aliquid dicatur: ut quæ sunt ex homonymia, ambigua oratione, & dictionis forma. Solent enim ista omnia, quasi unum quidpiam significarent, ita usurpari. Reliquæ autem, ut quæ sunt à coniunctione, diuisione, & accentu, captionis inde originem habent, quod non eadem semper oratio, aut nomen sumatur. Atqui ut fiat reprehensio, aut omnino syllogismus, oportebat sicut eadem res est, ita eadem esse nomina, & orationes, atque ita eadem: ut si de tunica, uerbi gratia, concludendum esset aliquid, non esset illud sub nomine uestis concludendum, sed sub eodem ipso nomine tunica: non quod illud in altero nomine non tam uerum sit, quam in hoc: sed quia sub illo altero nomine adhuc non confectum est necessarium, quod propositum erat: sed illa præterea interrogatio debet accedere, nonne idem unum ualeat, atque alterum? si modò uelis ei, qui causam rogauerit, unde illud sequeretur, quod concludis, iusta ratione satisfacere. Quod autem captiones, quæ ab accidente ducuntur, huc reuocari possint, ex definitione ratiocinationis statim fiet manifestum. Est enim eadem reprehensionis quæ syllogismi definitio, nisi quod præter syllogismi rationem adiungitur uerbum illud, contradictionis: Reprehensio enim nil aliud est, quam ratiocinatio, quæ ad conficiendam contradictionem pertinet. Si igitur quæ ex accidente captiones ducuntur, syllogismi non sunt, nec reprehensiones profecto erunt. Neque enim si ex illo antecede-

dente efficitur hoc consequens, & hoc album sit, necessario conficitur, ut etiam illud antecedens album sit. Sed nec illud necessario cõcluditur, si triangulũ habeat tres angulos pares duobus rectis, ei autem accadat, ut aut figura sit, aut primum, aut principium: ex his inquam non poterit necessario sequi, eandem illam proprietatem cõuenire figuræ, primo, aut principio: quandoquidem huius rei demonstratio non fiat de figura, aut primo, quia figura sit, aut primum, sed de triangulo hoc ipso quod triangulum est. Quod idem in alijs eiusdem generis dicendũ est. Quare si omnis reprehensio est ratiocinatio, nulla erit ex accidente captio, quæ possit reprehensionis nomine appellari. Verũtamen hoc maximè fallacium conclusionũ genere fallũtur, & coarguuntur ab imperitis hominibus ij etiam, qui uel arte aliqua, uel omnino scientia quadã sunt præditi. Ducunt enim illi ab accidentibus argumenta, quæ contrã sapientes obiiciãt: quæ quoniã docti alioqui homines discernere ac distinguere recte iterdũ non possunt, propterea ab illis interrogati aut concedũt, aut etiam quæ non admiserunt, ea se concessisse opinãtur, Quæ uerò ex eo ducuntur, quod simpliciter, & ex aliqua parte dicitur, in reprehensionis ignorationem eo incurrũt, quod in ijs affirmatio, & negatio in eadem re nõ accipiuntur. Nam ei, quod ex aliqua parte album est, id cõtradicit, quod nõ est ex aliqua parte albũ: ei uerò, quod omnino album est, id quod nõ est simpliciter album. Si igitur quod ex aliqua parte albũ esse dederit quispiam, ita alius accipiat, quasi omnino albũ esse cõcessisset, eo modo nunquã illũ uerè reprehēdet: quod autẽ reprehēdere uideatur, ex eo proficiscitur, quod ignoratur, quid sit reprehensio. Iã autẽ aper-

tissimè omniū ad hoc caput referuntur illæ captiones, quas
 suprâ, ex definitione reprehensionis appellauimus: unde etiâ
 factum est, ut illo nomine uocarentur. Causa enim cur illæ
 aliquam habeāt speciem reprehensionis, in prætermissione
 alicuius partis definitionis posita est. Atque si distribuātur
 singula in partes, eo modo quo iâ aggressi sumus, communē
 esse omnibus captionibus hęc definitionis prætermissionem
 facilè perspicitur. Quòd uerò huc etiâ reuocentur captio-
 nes, quæ oriuntur ex eo, quòd illud ipsum, de quo instituta
 est disputatio, assumitur, aut in quibus nō causa pro causa
 ponitur, uel ex ijs, q̄ nominatum in definitione posita sunt,
 perspicitur potest. Illud enim in definitione erat, ut cōclusio ne-
 cessariò sequeretur propter illa, quæ ante posita essent: quod
 nō sit in captionibus, quæ non causam pro causa accipiunt.
 Item illud in definitione ponebatur, ut nō inter sumptiones
 acciperetur id, quod fuit à principio propositū ad differen-
 dum: quod nō obseruatur in captionibus quibus committi-
 tur petitio, ut uocatur, principij. Quæ uerò ex cōsequētibus
 ducuntur, quasi partes quædā in accidentium captionibus
 cōtinentur: nam quod est alteri consequens, id in acciden-
 tiū numero censetur. Illud tamen differt consequens ab ac-
 cidente, quòd in uno tantum cernitur tractatio accidētis,
 ueluti flauum & mel idem esse, aut albū & cygnum: conse-
 quentis autē uis & tractatio, non nisi in pluribus intelligi
 potest. Nā si quæ sint, quæ idem, quod unum aliquid, ualēt,
 ea etiam idem ualere inter se postulamus: ex quo proficisci-
 tur reprehensio illa, quæ ex cōsequēti appellatur. Illud uerò
 pronunciatum non est ex omni parte uerū, ut si non per se,
 sed fortuitò & per accidēs album sit utrunque. In eo enim

cygnus, & nix idem sunt, quòd utrūque albū sit. Aut si aliud exēplum malis, sumatur argumētatio Melissi, ubi ille accipit idem esse, principium habere, & generatū esse: aut illa, in qua pro eodem accipiuntur, aequalia fieri, & eādem recipere magnitudinem. Quia enim quod factum est, principium habet, idcirco uult Melissus uicissim effici, ut quod principium habet, factum sit, perinde quasi idem ualeant ista duo, propterea quòd principium habeat, quod generatum est, & quod est finitum. Quod idem in ijs, quae aequalia sunt, contingit. Nam si, quae unam atque eandem magnitudinem accipiūt, aequalia sunt, uicissim etiam quae paria sunt, unam & eandem recipere magnitudinem postulatur: quo fit, ut ex consequenti ducta sit haec uitiosa conclusio. Quoniam ergo ad reprehensionis ignorationem reducuntur captiones accidentis, profectò dubium iam esse non potest, quin eò etiam referri possint, quae ex cōsequentibus eruuntur. Sed illud certè, si modò diligentius attendas, alia etiam ratione melius doceri potest. Reliquae sunt captiones, quae ex eo nascuntur, quòd multae interrogationes pro una accipiuntur: quae inde uim habent, quòd à nobis uis & natura propositionis nō satis explicatè animo cer nitur, ac ueluti in suas partes tribuitur. Est enim propositionis natura in eo posita, ut unum de uno dicatur: nimirū quia nō est alia definitio eius, quod unū quidpiā huius generis est, q̄ ipsius omnino generis: ut unius hominis eadē est quae hominis definitio: & sic alia. Si igitur ea est una propositio, quae unum de uno pronuntiatur, erit profectò ipsius omnino propositionis natura in eo posita, ut sit talis aliqua interrogatio. Et quoniā ex propositionibus cōstat syllogismus,

mus, reprehensio autem syllogismus est, propterea necesse est, ut etiam reprehensio ex propositionibus cõstet. Quapropter si ea demum propositio est, in qua unum de uno pronũciatur, illud iam dubium esse non poterit, quin huiusmodi captiones ad ignorationem reprehensionis pertineat: utpote qua non propositiones, sed qua propositiones modò esse uidentur, accipiãt. Ac si interrogatus quidem alius quasi ad unam interrogationem respondeat, uera hinc nascetur reprehensio: Sin ille non ita respõdeat, sed uideatur modò respõdere, fallax nõ uera erit reprehensio. Quare omnes fallacium conclusionum modi in reprehensionis ignorationem incurrũt. Atque illi quidem, qui in uerbis cernuntur, propterea huc pertinet, quia non uera contradictio, quod tamen est reprehensionis maximè proprium, sed falsa modò species contradictionis in eis existat: reliqui autem alij propter definitionem ratiocinationis. Causa autẽ cur nos decipiãt captiones, in quibus inest aut nominis multiplicitas, aut orationis ambiguitas, est, quia distinguere nõ possumus ea, qua multis modis dicũtur. Nam huius generis sunt nõnulla, quorum multiplicitem explicare nõ est facile, cuiusmodi sunt, ens, unũ, idem. In ijs uerò, qua ex coniunctione & diuisione oriũtur, erroris causa est. eo quòd nil putamus interesse inter coniunctam, & distinctam orationem: sicut in plurimis nullũ est discrimen. Nec multum ab similibus est in iis, qua ex accentu eruuntur, ratio, quia scilicet aut nusquam, aut certè in plurimis nil interesse inter contentũ, & remissum uerbũ uideatur. Qua ex uerbi specie ducuntur, propter quandam uerborum inter se similitudinem, in errorem nos inducunt. Difficile est enim discernere, quorũ

sit eadem ratio, & quorum diuersa. Nam qui hoc prestare
 potest, propè est, ut quid in quaque re uerum sit, cognoscat:
 idèmq; scit, nos hac potissimum ratione sophistarum ca-
 ptionibus uinci, quia omne, quod alteri attribuitur, ita ac-
 cipimus, quasi hoc aliquid, unamq; numero naturã signifi-
 cet. Hac enim sunt, quæ substantiam, & id quod unum est,
 maximè consequuntur, significare hoc aliquid, & unã quã-
 dam numero naturã. Vnde etiam fit, ut hic captionis mo-
 dus inter eos numeretur, qui sunt in uerbis. Primum q̃ per
 huiusmodi captionem in errorem potius inducimur, dum
 aliquid cum altero tractamus, quàm cum animo eandem
 ipsam rem apud nos exagitamus. Atqui uerbis absoluitur
 omnis sermo, qui cum altero confertur: quod uerò apud nos
 taciti cogitatione tractamus, non tam ad uerba, quàm ad
 rem ipsam pertinet. Deinde uerò quãdo euenit quenquam
 hac captionem falli, dum tacitus apud se rem exquirat, ex eo
 semper oritur error, quòd ex uerbis rē consideret. Postremò
 harum captionũ omnis error ex similitudine nascitur, quæ
 profectò similitudo nusquã est nisi in uerbo. Captiones autẽ
 ex accidente eo nos in errorem inducunt, quòd diiudicare
 & distinguere rectè non possimus, quæ sint eadem, quæ di-
 uersa: quæ unũ sint, quæ multa: quibus attributis cõuenire
 oportet, quæ rei insunt, & quibus minimè. Quod idè in ca-
 ptionibus ex cõsequenti dicendum est: quandoquidem cõ-
 sequens pars quadam accidentis est. His accedit quòd, quo-
 niam in multis uerum esse uidetur, si hoc est illius ita conse-
 quens, ut seorsum ab illo esse non possit, & uicissim illud ex
 hoc perpetua quadam coniunctione consequi: idcirco quasi
 reuerà ac semper ita esset, suam argumẽtationem tractat,

qui

qui his captionibus utuntur. Fallimur autem captionibus, quæ ex omiſſa aliqua parte definitionis, quæque ex eo quod aliquid omnino dicitur, & quadam ex parte oriuntur, eo nomine, quod res parum inter se distantes non recte distinguimus. Nam quasi nil plus significet, esse quidpiam, aut quadam ex parte, quam esse omnino, aut uero esse quodam modo, aut hoc tantum tempore: ita in toto genere ac simpliciter concedimus. Nec diuersa est in ijs ratio, quæ aut illud ipsum, de quo est questio, assumunt, aut non causam pro causa ponunt, aut unam faciunt interrogationem, quæ multæ sunt. Nam in ijs etiam erroris causa est, paruum admodum rerum inter se discrimen: quia scilicet non satis subtiliter & accurate perspicimus propositionis, aut ratiocinationis definitionem ob eam, quam supra diximus, causam. Quoniam autem ex quot, quibusque locis ducuntur uitiosæ ratiocinationes, quæque uidetur modò, nec sunt, iam tenemus. Illud quoque simul confectum est, qui, & quot loci sunt, ex quibus eruntur sophisticæ omnino ratiocinationes, & reprehensiones. Ego uero sophisticas ratiocinationes, & reprehensiones hoc loco ita accipio, ut non modò complectantur eas, quæ inani quadam & falsa specie ueras ratiocinationes, aut reprehensiones præ se ferunt: sed etiam eas, quæ reuera sunt ratiocinationes, habent tamen falsam quandam hac ex parte speciem, qua ad eam rem, quam efficiunt, proprie accommodata esse uidentur, nec sunt tamen. Cuius generis sunt, quæ illud non præstant, in quo potissimum munus pirasticæ, hoc est, quasi rationis examinandi (quæ pars quædam est dialecticæ) positum est: quia scilicet non uerè coarguunt aduersarium, nec manifestam faciunt eius imperitiā. Atque

illa quidem pirastice falsum aliquid suis argumentis non-
 nūquam efficit: sed illud euenit propter imperitiā eius, qui
 in re, de qua agitur, tales potius rationes admittit. Sophi-
 stica autē reprehensiones, licet etiam necessariò concludāt
 disparata, non tamen manifestò alterius imperitiā coar-
 guunt: quin etiam eis, qui sciunt, tenebras offundunt. Sed
 quòd eadem uia & ratione locos utriusq; generis reprehē-
 sionum complexi simus, hinc fiet manifestum. Nam quot,
 quibúsque de causis solet uideri auditoribus ex ijs, quæ in-
 terrogata sunt, bene ac necessariò rem confici: ijsdē, & tot
 respōdenti idē illud uideri consentaneum est. Ex illis igitur,
 quos exposuimus, locis aut omnibus, aut certē nonnullis e-
 ruuntur falsa ratiocinationes. Quod enim se non interro-
 gatus quispiam admisisse existimat, idem profectò interro-
 gatus nō diuersa erit sententia. Verumenimvero inter has
 ratiocinationes nonnullæ sunt, in quibus simul ac interro-
 gantur ea, quæ ad perfectam conclusionem deerant, cōfe-
 stim falsitas apparet: cuius generis captiones ferē sunt, quæ
 ex uerbis ducūtur, & quæ ad solacismū perducere aduer-
 sarium conantur. Si igitur paralogismi, quibus disparata
 concluduntur, omnes ad reprehensionem ita pertineant, ut
 eo peccēt, quòd speciem modò inanē reprehensionum præ-
 se ferant, illud profectò negari non potest, quin falsa ratio-
 cinationes ex ijsdē, & tot locis ducātur, ex quibus repre-
 hensiones oriūtur, quæ fallaci specie ueras imitātur. Atqui
 fallaces istæ & fucata reprehēiones ex eo nascūtur, quòd
 aliquam partem ex ijs, quæ sunt in natura, ueræ reprehē-
 sionis pratermittunt. Vt enim quæque ex singulis partibus
 omittitur, ita fallax & fucata sit reprehēio: Verbi gratia,
 quando

quando id, quod concluditur, non sequitur ex ijs, quæ antè posita sunt, oritur illa captio, quam maximè in argumèta cadere diximus, quæ ad incòmodū ducunt. Quæ uerò multas interrogationes accipit pro una, eo peccat, quòd propositionis natura nō rectè accipitur. Quæ ex accidēte ducitur, & altera, quæ huius pars est, ex cōsequenti, hoc habent uitij, quòd pro eo, quod per se debeat esse, illa accipiunt. Peccant etiam illa manifestò contra definitionem, quarum cōclusio non ad rem eandē, sed ad uerba tantum eadem pertinet. Præterea aduersus id quod diximus, oportere cōtradictionem in toto genere, ac simpliciter accipi, & in re eadem, & ad idem, & eodem modo omnes captiones peccāt, quæ id, quod ex parte modò aliqua dicitur, sumūt, aut huius generis aliquid, contra quam singule illa particula significanc. Denique in eam partem definitionis, non accepto eo inter sumptiones, quod à principio positū est in disputatione, incurrūt omnes, quibus petitio principij cōmittitur. Quare ex quot, quibūque locis paralogismi eruantur, eadem hac uia perspici poterit. Nam & ijs plures esse nequeunt, & in eos omnes, quos enumerauimus, incurrere possunt. Illud autem hīc intelligendum est, sophisticam reprehensionem, & syllogismū non omnino, nec apud omnes esse reprehensionem, aut syllogismum, sed apud hūc modò, uel illum. Ac si quidem ab eo, qui respondet, alius non accipiat, uerbum multiplex unā habere significationem: & quod simili forma uerbi profertur, rem declarare, quæ sit hoc aliquid, unūque numero: eodēque modo in alijs: ille nullo modo aut reprehensiones, aut ratiocinationes erunt: hoc est, nec apud omnes, nec apud eum quidem, qui inter-

rogatur. Sin illud ab aduersario concessum habeat, erit illa
 quidem, quod attinet ad respondentem, reprehensio, & syl-
 logismus: omnino autem, & apud omnes non erit: quādo-
 quidem non sumptū sit, id quod reuera unum significaret,
 sed quod uideretur modò, & ab eo acceptum, qui talis, hoc
 est imperitus esset. Neque uerò nobis hoc loco elaborandum
 est, ut ex quot, & quibus locus omnes uerae reprehensiones
 ducuntur, complectamur: quādo illud sine omnium rerum
 scientia cognosci non possit. Nulla autem ars est, quae hoc
 praestare una queat. Sunt enim scientiae propemodum infi-
 nitae. Vnde etiam planum est, demonstrationes esse infini-
 tas: quae eadem, uerae sunt reprehensiones. Nil enim demon-
 stratione concluditur, quod idem reprehensione confici non
 possit, quae eum coarguas, qui contradictionis eam partem
 posuerit, quae falsa est: Exempli causa, si quis dixerit, dia-
 metrum esse comparabilem cum latere, is coarguetur de-
 monstratione, quae non esse comparabilem diametrum osten-
 duur. Itaque omnium rerum scientiam habeat necesse est,
 qui omnes omnium reprehensionum locos sit animo com-
 prehensurus. Aliae enim reprehensiones ex geometria, aliae
 ex medicina, aliae ex aliarum cuiusque generis scientiarum
 initijs, & conclusionibus ducuntur. At uerò falsae etiam re-
 prehensiones non minus infinitae sunt, quàm illae: quando-
 quidem nulla sit ars, quae suos non habeat falsos syllogis-
 mos: Veluti in geometria geometrici, in medicina medici.
 Quod autem dixi in quaque arte falsos esse syllogismos, sic
 accipi uolo, ut eo tantum artis esse dicantur, quod principia
 accipiunt ipsius artis. Perspicuum igitur est, non esse nobis
 hoc loco explicandos omnes omnium reprehensionum locos:

sed eos modo ex quibus dialecticæ reprehensiones eruuntur. Sūt enim illi communes omnibus artibus & facultatibus. Ac debet quidem quisque artifex omnes, quæ ad suam artem pertinent, reprehensiones cōsiderare, siue sint illa ueræ reprehensiones, siue speciem tantum habeant uerarum: & quāobrem talis sit unaquaque, explicare. Quæ uerò ex cōmunibus, quæq; nullius artis propria sunt, cōstant, hæ dialectico sunt cōsiderādæ. Nam si locos teneamus, unde ducuntur probabiles ad disputādum de quaque re syllogismi, simul ex quibus reprehensiones eruendæ sint, intelligimus: cum præsertim nil sit aliud rephensio, quàm syllogismus contradictionis: ita ut tum sit rephensio, quando aut uno syllogismo, aut duobus disparata cōclusa sunt. Vnde igitur omnes huiusmodi ex cōmunibus factæ reprehensiones proficiantur, ex superioribus libris intelligi potest: simulq; unde istarum reprehensionum dissolutiones accipi possunt: quādo eas soluere nil aliud sit, quàm exceptione aliqua eas refellere. Ex ijs uerò, quæ paulò antè dicta sunt, cognoscimus, quot quibûsque ex locis oriātur, non ueræ reprehensiones, sed quæ, nō illa quidem temerè cuius, sed certis quibusdam hominibus esse uideantur. Nam persequi omnes causas, quibus uideri possint quibuslibet hominibus reprehensiones, quæ nō sunt, infinitum est. Ex ijs ergo perspicuum est, dialectici esse, notatos habere omnes locos, unde reprehensiones ex communibus constantes ducuntur, cuiuscūque generis illæ sint, hoc est, siue ueræ, siue in speciem tantum reprehensiones sint: itēque siue dialecticæ reuera sint, siue dialecticæ tantum esse uideantur: aut uerò ex eo rationum genere, quæ ad examinandam & excutiendam alterius

eruditionem adhibentur. Non est uera illa argumentorum distributio, qua utuntur aliqui, dicentes, alia ad nomē, alia ad sententiam pertinere. Nam existimare diuersa esse argumenta, quæ ad nomen, & quæ ad sententiam pertinet, ac non potius eadem esse. quæ utroque genere continentur, magna est amentia. Quid enim aliud est, non argumētari ad sentētiā, quā non uti eum, qui se rectē putat interrogare, aliquo uocabulo in ea significatione, in qua est concessum à respondente? Quid uerò, nōne etiam hoc est de nomine contendere? Iam uerò quid est conferre argumentum ad sententiam, nisi cum intellexeris, quod dixit respondēs, ad id argumentū dirigere? Quòd si plura significet aliquod uerbum, putet autē, qui interrogat, & qui respondet, uno modo dici (ueluti ens, & unū multiplicia sūt: existimabāt tamen Zeno, qui interrogabat, & is quoq; , qui illi respōdebat, uno tātūmodo dici: ex quo factum est à Zenone argumentum, quo omnia esse unum concluderet) illam certē eandem argumentationem, siue ad nomen pertinere dicas, siue ad sentētiā eius, qui respondet, utroq; modo nō male dixeris. Sin plura significare putent, nō dubiū est, quin ad sententiā illa nō possit pertinere. Primū igitur in ijs argumentis, quæ multiplicitatē aliquā habent, illud usuenit, ut quæ sunt ad nomen, eadem ad sententiam, pertinere cernantur. Deinde uerò nulla omnino argumentatio est, in quam illud, esse ad sententiam, cadere non possit, quandoquidem, esse ad sententiam & mentem alterius, non sit in ipsa argumentatione positū, sed in eo, quòd respondens hoc, uel illo modo affectus est ad ea, quæ cōcessit. Tū uerò nulla est contrā, cui nō possit accidere, ut sit ad nomen: præsertim

cum

cum hoc loco, esse ad nomen, idem ualeat quod, non esse ad mentem alterius. Nā si nō omnes illuc referri possint, erunt profectō aliqua reprehensiones, quæ neque ad nomen, neq; ad sententiam erūt. Illi autem altero horum generū omnes contineri dicunt: atque ita diuidunt, ut omnis generis reprehensiones, aut ad uerba, aut ad sententiā pertinere fateantur. Atqui ex ijs quidem syllogismis, in quibus quadā inest multiplicitas, nonnulli sunt, qui ad nomē pertinet, (nā illud absurdum est, uelle omnes captiones, quæ ex uerbis ducuntur, pertinere ad nomen) sed illud certē negari etiā non potest, quin aliqua sint in eodē illo genere captiosæ & fallaces ratiocinationes, quæ non ex eo uim habent, quia sit hoc, uel illo modo affectus respōdens, sed quoniam ipsa per se argumentatio continet aliquā interrogationē, quæ multis modis dicatur. Iam uerō illud omnino absurdum est, habere illos, qui sic diuidunt, prius rationem reprehensionis, quā syllogismi, & de illa prius, quā de hoc differere. Cum enim reprehensio syllogismus quidam sit, necesse est, ut prius respiciamus, quid in syllogismo positum sit, q̄ quid in falsa reprehensione, quæ aliud nihil est, quā nō uera, sed fallax & fucata ratiocinatio, adhibita ad cōcludendū disparata. Vnde etiam sit, ut omnis captionis uitium, uel sit in syllogismo, uel in cōtradictione, (nam ad syllogismū oportet contradictionem accedere, ut sit reprehensio) uel in utroque. Ut autem singulorum exempla subiiciam, illa captio, qua concluditur, αὐτῶντα proloqui, uitium habet, non in syllogismo, sed in cōtradicendo: illa uerō, qua, dare aliquē posse, quod non habet, cōficitur, utroq; modo uitiosa est: illa potestremō qua efficitur, Homeri poēma esse figuram, quia cir-

culus quidā sit, in syllogismo uitiū habet. Quòd si qua erit
 argumentatio, quæ neutro modo uitiosa sit, uera ratiocina-
 tio censebitur. Sed ut eò redeamus, unde digressi sumus, il-
 lud hic rogo, an captiones, quæ in disciplinis uersantur, ad
 sententiā pertineāt, necne? Et si in ea quisquā opinione sit, ut
 triāgulum putet esse uerbum multiplex, iſq; interrogatus
 in alia significatione concedat, quàm in qua de triāgulo cō-
 clusit alius, habere tres angulos pares duobus rectis, eritne
 illa ad mentem & sententiā alterius disputatio, an potius
 nō erit? Præterea si multis modis dicatur uerbum aliquod,
 eamq; multiplicitatē nec intelligat alius, nec ullā omnino
 esse suspicetur, hic, quaſo, quonā pacto ad mentē & senten-
 tiā alterius collata est disputatio? Aut quo eadē modo, ut sit
 ad sententiā disputatio, interrogare alius debet? nisi fortē
 adhibita simul ambigui distinctione interrogandū sit, ut sit
 huiusmodi, uerbi gratia, interrogatio: sitne uerum, aut
 proloqui, an falsum: an potius uno modo uerum, & altero
 falsum? At enim si nihilominus hic ita respondeas, ut nullo
 modo fieri illud posse dicas, cōtrā autē alius disputet, nun-
 quid erit ad sententiā tuā disputatum? Atqui ad nomē etiā
 quin huiusmodi argumentatio pertineat, negari nō potest.
 Non est igitur unum quoddam captionum genus ad men-
 tē & sententiā pertinentium, sed illud modō uerū est, non-
 nullas esse, quæ ad nomen sunt: nec huius generis omnes esse
 possunt, non dico quæ uera sunt reprehensiones, sed ne illæ
 quidē, quæ falsa specie ueras reprehensiones pra se ferūt:
 quandoquidē multæ sint captiones, quæ ne ex uerbis qui-
 dem ducūtur: quales sunt, quæ ex accidente eruntur, &
 aliæ nōnullæ. Quòd si quis existimet oportere eum, qui in-
 terrogat,

terrogat, simul interrogādo multipliciter uerbi indicare, & distinguere hūc in modum: quum dico, αὐτῶν prolo-
 qui, uolo intelligas, posse hoc uel illo modo accipi: illa quidē
 cerē primū erit ualde absurda & iniqua postulatio, prae-
 fertim cū illud saepe usuenire uideatur, ut qui interrogat,
 nesciat omnino multis modis dici posse, quod rogat. Quod
 uerò multiplex esse non putes, illud ut distinguas, fieri non
 potest. Deinde uerò quid, quāso, hoc aliud erit, q̄ docere?
 Hoc enim modo res, ut est, illi explicatur & declaratur, q̄
 nec animaduertit, nec scit, nec omnino suspicatur, posse id,
 de quo interrogatur, alio atque alio modo accipi. Nā quid
 uetat, quominus huiusmodi distinctio etiā in ijs argumētis
 locū habeat, in quibus nulla est ambiguitas? Exempli cau-
 sa, nōne quatuor unitates sunt pares duobus binarijs, qui
 sunt in quaternario? ita tamē, ut diuerso modo in quatuor
 insint duo binarij, & quatuor unitates. Itemq; illa, ēstne cō-
 trariorū eadem sciētia? sed ita tamen, ut alia sint cognita,
 alia incognita. Quapropter qui ista distinctione utendū es-
 se cēsent, ignorare uidētur, aliud esse docere, aliud disputa-
 re: & quod oporteat docentem nō interrogare, sed manife-
 stum facere id, de quo agitur: disputātem uerò, eum modō,
 quicū disputat, interrogare. Iam uerò postulare, ut is, quicū
 disputatur, aut dicat, aut neget, non est docentis ac demon-
 strantis rē, sed eius, q̄ te probare ac ueluti examinare uelit.
 Est enim tētādī & examinādī ratio, pars quadā dialecti-
 cā: ob eāq; causam tota in eo posita est, ut quid de quaq; re
 sentiāt, nō illi, qui uerē docti sunt, sed qui rerū sibi arrogāt
 cognitionē, cū sint illarū imperiti, obseruet atq; exquirat.
 Atq; ille quidem, qui nō in speciem modō, sed reuerā cōmu-

nia peruestigat & exquirat, dialecticus est: qui uerò id facere uidetur, nec facit, sophista. Ac ratiocinationum quidē contentiosarum & sophisticarum unum genus est, quo omnes cōtinentur: quæ, cum ex ijs rebus consent, in quibus uersatur tentandi ratio, speciem habent syllogismorum, nil tamen necessariò concludunt, etiamsi id uerū sit, quod concluditur. Istarum enim uitiū est in uerbo medio, in quo uis cōsecutionis posita est. Alterum genus est eorum paralogismorum, qui, cum propriè ad aliquam artem accommodati esse uideātur, ad certam tamen quandam artem reuerà nō pertinent. Neque enim illi, qui pseudographi appellantur (quādoquidem illi sunt paralogismi de aliqua re facti, quæ cuiusdam artis propria sit) contentiosi sunt existimandi, ne si illi quidem pseudographi uerū aliquid cōcludant: qualis erat Hippocratis ratio, quæ circulū quadrare per lunulas conabatur. Sed erit certē contentiosa ratio, si talis sit, qualis erat Brysonis quadratura: quæ quidē ratione tācti quadratum circulo æquale dari cōcluderetur, tamen eo nomine sophistica est appellāda, quòd non propriè est ad illā rem accommodata. Quare quacūque ratiocinatio accommodata ad rē uidebitur, quæ non erit accommodata, etiamsi necessariam habeat cōclusionem, sophistica tamen & cōtentiosa erit appellāda: proptereā quòd ea saltē ex parte, quæ ad istam rem uidetur accommodata, fallacem habet quādam speciem, per quā decipimur, ac ueluti iniuria quadam afficimur. Quemadmodū enim inter certandum, quas aduersario facimus iniurias, speciem quandam æquitatis præse ferunt, & tamen reuerà est iniqua certandi ratio: sic in disputatione iniquum certamen est, ubi ad nimiam cōtentionem

tionem res progreditur. Nam ut in certaminibus, qui quavis ratione uictores esse uolunt, nil non mouent, nil non aggre-
diuntur: ita hic in disputatione idē faciunt, qui sunt supra modum litigiosi. Atq; ex ijs quidem, qui tantam adhibent contentione, quicunq; sibi uictoriā proponunt, illi sunt qui propriē litigiosi, & cōtentionis amatores censentur. Qui uerō gloriam, ex qua quæstum faciant, aucupantur, sophistæ. Est enim sophisticæ, quemadmodum supra diximus, ratio quæstus faciēdi ex sapiētiæ simulatione. Quo fit, ut demonstrationes etiam, quæ specie quadā ueras imitentur, potissimū expetant sophistæ. Et rationes quidem nō sunt diuersæ, quibus litigiosi homines, & quibus sophistæ utuntur, sed sine distinguuntur: & una eademq; probatio sophistica erit, & contentiosa: uerum non eadem ratione. Nā qua ad opinionem uictoriæ adhibetur, contentiosa est: qua uerō ad opinionem sapiētiæ confertur, sophistica. Etenim sophisticæ est sapientia quædam simulata, non uera. Ferē autem contentiosæ argumētationes eodem modo affectæ sunt ad dialecticas, quomodo pseudographi ad geometricas demonstrationes. Vt enim nullæ sunt captiosæ cōclusiones, quæ in ijsdē rebus cernuntur, in quibus uersatur dialectica: ita pseudographi ijsdē de rebus fiūt, de quibus geometra suas facit demonstrationes. Verū huiusmodi quidem certē pseudographi non sunt cōtentiosi, quoniā ex principijs, & cōclusionibus alicuius artis proprijs cōficiuntur. Quæ uerō ex ijs rebus constant, in quibus uersatur dialectica, si quasi accommodatæ ad aliam rem demonstrationes accipiantur, erunt cōtentiosæ: quemadmodū his exēplis perspicitur: illa ratio, quæ per lunulas quadrari posse circulum demonstraba-

tur, non est contentiosa: Brysonis autem ratio est contentio-
 sa. Atque illa quidem prior ratio, cū ex proprijs geometria
 principijs conficiatur, ad nullā aliam artem, quā ad geo-
 metriam transferri potest: hac posterior apud eos etiam u-
 surpari poterit, qui illius artis imperiti, omnino quid in
 quaque re fieri possit, & quid nō possit, ignorāt, atq; ita u-
 surpari, ut ad singula, ad quae adhibebitur, accommodata sit.
 Est etiā in hoc eodē genere ratio, qua Antiphon quadratu-
 rā circuli ostēdere conabatur. Itemque si quis, adhibita ra-
 tione Zenonis, uellet ostendere, non esse bonum post cenam
 inambulare, non adferret propriam medicinā rationem,
 quandoquidem illa sit cōmunis maximē ratio. Si igitur eo-
 dem planē modo affectus est litigiosus homo ad dialecticū,
 quo ad geometriam is qui pseudographos facit, non poterit
 profecto ex ijs, quae propria sunt, cōstare contentiosa argu-
 mentatio: Nunc autem dialecticus nullū certum genus ha-
 bet, in quo quasi in subiecto sibi proprio uersetur: nec ulla
 in re demonstrationes adhibet: neque talis est artifex, qui
 omniū rerum considerationem suscipiat. Neque enim pos-
 sunt res omnes sub unum genus cadere: nec si possent, uerē
 illud dici posset, omnium eadem esse principia. Vnde etiā fit,
 ut nulla earum artium, quae in tractanda certa quadā na-
 tura demonstratōnibus utitur, percontādo differat, & suas
 probationes ex interrogatione accipiat. Cum enim non pos-
 sit ex utraque cōtradictionis parte accommodata ad rem do-
 cendā fieri ratiocinatio, nō debet liberū esse, utramuis par-
 tem admittere. Dialectica autē percontatrix est, & totam
 uim habet ab interrogatione. Atqui si demonstrationes in
 differendo adhiberet dialectica, illam certē oporteret, si nō
 omnia,

omnia, at certè prima pronūciata, & ppria sua principia
 citra ullā interrogationē accipere: alioqui si illa nō admitteret
 alius, nil iam superesset, unde id euerteret, quod esset ab
 altero oppositū. Planè autē generis eiusdē est pirastice cum
 dialectica. Neq; enim hæc tentādi & examinādi ratio ta-
 lis quædā ars est, qualis est geometria, sed cuius munus præ-
 stare etiā indoctus aliquis possit. Quid enim est, cur nō pos-
 sit, qui rei alicuius nō habet scientiā, quasi tētādi causa cū
 eo disputare, qui etiā sit illius rei imperitus? Præsertim cum
 eò conferatur disputatio, ut nō ex iis constet quæ illi, qui do-
 ctus sit, perspecta sunt, quæque sunt rei propria, sed ex con-
 sentaneis quibusdam, & consequentibus rei: quæ consequē-
 tia huiusmodi ferè sunt, ut tamen si illa scias, nil tamen ue-
 tet, te artem nescire: at si nescias, omnino artis cognitionem
 assequi non possis. Ex ijs ergo planum est, pirasticen nō esse
 scientiam, quæ in certo quodam genere subiecto uersetur,
 ideòq; de omnibus disputationem suscipere. Habent enim
 omnes scientiæ cōmunia quædam, quibus utūtur: ob eāmq;
 causam fit, ut omnes homines, etiā idiota, quodā modo utā-
 tur arte dialectica, & pirastica: quādoquidē nemo sit, qui
 ad aliquem modū non uelit iudiciū ferre de ijs qui aliquid
 profitentur. Porro autē ipsa cōmunia omnibus sunt, & a-
 pud omnes eadē: quandoquidē nō sint illa minus idiotis co-
 gnita, quàm alius: etiamsi minus apicè, & citra ullam artē
 tractare illa uideātur. Quo fit ut nemo sit, qui refellere &
 reprehēdere argumentis alterū non conetur. Omnes enim
 nulla arte adiuti, sed duce tantū natura illius sunt muneris
 capaces: quod arte perfectum & expolitū, dialectica pro-
 priū est, illiusque dialectici, qui adhibita diligētī differendi

ratione ad tentandum & examinandum alterum suas disputationes confert. Quoniam autem hæc communia sunt permulta, & tam latè diffusa, ut nusquam non reperiantur: quæ tamen non sunt talia, ut unam quandam communem naturam faciant, & ad unum genus reuocentur, sed uaga semper, & incerta natura, perinde ut sunt negationes: præter hæc autem alia sunt, quæ nõ uaga, sicut ista, sed propria sunt: ex iis profectò planum est nullã esse rem, cuius disputationem ex talibus quibusdam suscipere ac periclitari non possimus. Illud quoque perspicuum est, quãdam esse in earum rerum tractatione artem, quæ nil habeat simile cum scientiis demonstratiuis. Quamobrem contentionis studiosi homines, multum dissimiles sunt iis, qui pseudographos faciunt: ut qui nõ ex principiis, quæ alicuius generis propria sint, fallaces conclusiones efficiant, sed latè uagantes in omni rerum genere uersentur. Ac modi quidem illi sunt, quos exposuimus, quibus sophistarũ omnes reprehensiones conficiuntur. Quòd uerò sit dialectici hæc cõsiderare omnia, quòdque istarũ rerum facultate ualere debeat, hinc perspicere potest, quòd quæ ars in propositionum, hoc est, communium locorum explicatione uersatur, eadẽ sibi uniuersam istam considerationem uẽdicat. Atque illa quidem sufficiant de reprehensionibus fallacibus. Nũc de eo dicamus, quem secundum finem sophistæ appellauimus, quibus scilicet modis falsum aliquid sophistæ cõficiant, & qua ratione eò inducunt disputationem, ut incredibile aliquid & præter omnium opinionem sequi uideatur. Ac prima quidẽ ratio, ex percontandi quodam certo genere sumitur, imprimisque ad illud efficiendum ualet ratio interrogandi. Qui
enim

enim ita aduersariū interrogāt, quasi nulla certa re proposita, de qua differatur, nil profectò aliud præter hoc inuestigant. Nam qui temerè respondent, & parum accurant, quid dicant, facilius labuntur. Cum uerò nil uidemus esse propositum, de quo suscepta sit disputatio, tum minus cogitare solemus, quid dicamus. Altera ratio est, quæ plurimum ualeat ad deducendum eò aduersarium, ut admirabile aliquid, aut falsum admittere uideatur: nempe cum multitudine interrogationum eum oneramus, etiam cū est aliquid propositum, de quo disputetur: simulq; postulamus, ut proferat, quid de singulis ipse sentiat: atque ita, siue aliquid ex ijs affirmet, siue neget, eò loci eum perducimus, ubi argumentorum nobis copia suppetit. Verum enim uerò hoc tempore minus huic rationi fallendi locus datur, quàm olim: nimirum quòd illud statim rogari solet hoc tempore, quorsum hæc, & quid ad id, de quo instituta est disputatio, pertineat. Est autem communis locus ad erucendum tandem falsum aut incredibile aliquid, nullum à principio cōstituere propositum, de quo differatur, sed profiteri se discēdi studio interrogare: dabit enim tādē occasionem argumento huiusmodi dissimulata rei cōsideratio. Vt autem falsum tu aliquid tandem cōcludas, proprius est hic sophisticus locus, eò scilicet perducere aduersarium, ubi argumentorum tibi sit copia. Sed illud certe interdum recte, interdum uitiose fieri potest, quemadmodū nos suprā diximus. Iam uerò ut admirabile quippiam & contra omnium opinionem elicias ab aduersario, uidendum est tibi, quam sectam philosophorū sequatur is, quicum disputas, ut illum interrogas quidpiam ex ijs quæ contra omniū opinionem dicunt huius sectæ phi

loſophi. Habent enim ſingula ſecta ſuas quaſdam huiusmo-
 di ſententias. Eſt autem ad eam rem primum ueluti elemen-
 tum, ut ſingularum ſectarum admirabiles ſententias inter
 propoſitiones accipias. Verum in promptu etiam eſt iſtarū
 captionum ſatis apta ſolutio, ut ad extremū neges ex tuis
 uerbis ſequi admirabilem illam cōcluſionem, quam colligit
 aduerſarius. Atque hoc ipſum genus diſſoluendi argumen-
 ti, non iſto tantum loco accommodatum eſt, ſed quicūque di-
 ſputādo altercationes modò & contentiones ſibi proponit,
 eodem iſto modo conatur aduerſarij rationes eludere. Alius
 locus eſt ex hominū uoluntate, & ſermonibus. Aliud enim
 ferè eſt tacitum hominum iudiciū, aliud palām loquuntur:
 & ſermones quidem ſunt quā honeſtiſſimi, uoluntas au-
 tem & tacitum animi iudiciū, id ſemper ſpectat, quod ma-
 ximè utile uidetur. Veluti nemo ferè eſt, qui non ita loqua-
 tur, longè praſtantiorem eſſe mortem glorioſam, quā ui-
 tam uoluptatibus affluentem: & melius eſſe, iuſtè per ino-
 piam uiuere, quā in magna opū copia turpiter: at nemo
 etiam eſt qui non ſequatur contraria. Ergo ſi defendat is,
 quicum diſputas, quod homines potiſſimū ſequuntur, &
 uolunt, oppones contrā, uſitatas uulgo ſententias. Sin has
 uulgatas ſententias proferat, adſerenda contra erunt, qua
 interim tacitè homines uolunt & ſequuntur. Vtrinque enim
 ut admirabile aliquid efficiatur, neceſſe eſt: quādoquidem
 futurum eſt, ut contradicat reſpondens, aut peruulgatis o-
 mnium ſermone ſententiis, aut tacito hominum iudicio. A-
 lius locus eſt latiſſimè patens, per quem cogimus aduerſa-
 rium dicere aliquid admirabile (id quod Callicles in Gor-
 gia commemorat, quòdque omnes ueteres captionum uni-

cam ferè causam existimabāt) ex ijs, quæ natura, & quæ lege sunt cōstituta. Naturam enim legi contrariam esse: & iustitiam quidem lege esse honestam, natura uerò nō honestam. Sic igitur oppugnandus est qui, quod naturæ consentaneum sit, proferat, ut legem illi obijciamus: sin legem teneat, cōtra quæ sunt ex natura, proferenda erūt. Hic enim effugere non potest, quin utrinque admirabile aliquid dicat. Vocabāt autem illi naturam, id quod in quaque re uerum est: legem uerò, quod in multitudinis opinione positum est. Vnde perspicuū est, illius ætatis homines idem quod qui hodie sunt, fuisse conatos, ut respōdentem aut reprehenderent, aut cogerent tandem aliquid dicere contra omnium opinionem. Porro autem interrogationes quædam sunt suæ sponte tales, quibus respondere non possis quin utrāque in partem dicas admirabile quippiā: cuiusmodi sunt hæc: Sintne sapientibus potius parendū an patri? Sintne honesta potius facienda, an quæ utilia sint? Vtrum optabilius, iniuriā pati, an facere? Iā uerò perducendus est aduersarius ad ea, de quibus contraria est sapientum, ac multitudinis opinio. Ac si ille quidem cum sapientibus sentiat, opponenda uulgi opinio: sin uulgus sequatur, quid sentiant sapientes contra adferendū. Hi enim eos, qui beati sint, necessariò iustos esse existimant: at multitudini incredibile uidetur, regem non esse beatum. Verū enim locus hic ab eo non est diuersus, qui ex legis & naturæ repugnātia dictus est. Nihil enim aliud lex est, quā multitudinis opinio: sapiētes uerò quod in rei natura positum est, & ueritatem sequūtur. Ac de locis quidē, ex quibus eruuntur paradoxa, hæctenus. Sequitur, ut quomodo ad nugationem perducunt sophistæ, dica-

mus. Ac primū quidē, quid illud sit, quod appellamus nugari, supra diximus: modo exempla subiiciamus, quæ sunt huiusmodi: Si nihil referat nomē dicas an orationem: duplum ergo idem ualeat, quod simpli duplum: si quando igitur simpli duplum dicas, hoc dicis simpli simpli duplum: & si iterū pro hoc uerbo duplum accipias simpli duplum, iter idem erit repetitum simpli simpli simpli duplum. Eōdem etiam pertinet hæc capcio: Nunquid uoluptatis est cupiditas? definitur autem hæc, appetitio uoluptatis: est igitur cupiditas appetitio uoluptatis uoluptatis. Cernuntur autem omnes istæ captiones, aut in ijs, quæ nō per sua tantum genera, sed etiam per se ipsa ad aliquid dicuntur, cum interim una eadēque res sit, cum qua utraque comparantur. Veluti appetitio est alicuius appetitio, & cupiditas alicuius cupiditas: itēque duplum alicuius duplum dicitur, & illud totū simpli duplum, alicuius etiam dicitur: Aut uerō in ijs, quæ cum ex genere eorum quæ cum altero conferuntur, non sint, ita sunt affecta ad substantiā, omninoque ad sua subiecta, quorum ipsa sunt aut habitus, aut affectiones, aut simile aliquid, ut in definitione, qua quid illa sunt explicatur, ipsa subiecta accipiantur. Ut impar definitur numerus medium habens. At enim semper in ipso impari inest numerus: cum igitur illud dicis, numerum dicis habentem medium numerum. Et hoc: Si simitas est nasi concauitas, simum autem intelligi nō possit, quin nasum simul intelligas, profectō cum illud dicis, nasum, nasum concauum dicis. Porro autem interdum uidentur negationem efficere istæ captiones, cum nil tale reuera concludant: propterea quod prætermittitur ab eo, qui interrogat, necessaria ad eam rem interrogatio, nempe an
duplum

duplum per se dictū significet aliquid, an nihil: & si quid significet, utrum idem quod coniunctum cum altero, an aliquid aliud: quia inquam ijs interrogationibus omisſis, statim ad conclusionem acceditur, propterea nil reuera, sed in speciem tantum his captionibus conficitur: atque in eo captionis causa est posita, quod idem uerbum cum sit illud ipsum quod oratio, per se tamen unum quippiam significat. Solæcismus quid sit paulò ante dictum est: reliqua igitur dicamus. Sane usu uenire potest, ut solæcismum facias, nec uideare, & ut uideare, cum non facias. Veluti si uerum est quod Protagoras dicebat masculini generis esse hæc uerba *μῦνις*, & *πῆλιξ*, is certè sententia illius solæcismum committit, qui dicit *μῦνι ἀλομεῖλω*: at opinione aliorum nō uidetur committere: qui uerò *ἰλόμειω* dicet, uidebitur ille quidem in hoc uitium incidisse, reuera autem non incidit. Perspicuum igitur est artis sophisticae partem aliquam ad illud conficiendum posse conferri: ob eamque causam multæ sunt captiones, quibus uidetur quasi syllogismo cōcludi aliquis solæcismus, cum reuera nil tale necessariò cōficiatur, non secus atque in reprehensionibus accidere solet. Ducuntur autem omnes ferè fallaces conclusiones, quæ ad solæcismum pertinent ex neutro articulo, hoc, & quando casus aliquis nominis, nec masculinum genus, nec fæmininum significat, sed quod est inter ista quoddam ueluti medium. Nam hic masculinum declarat, hæc fæmininum, hoc autem propriam quidem habet significationem, ut neutrū genus declaret, sed tamen sæpe ad illud utrunque genus transferitur: Ut ad istam interrogationē, quid est hoc? tria ista aptè respondeas, Calliope, lignum, Coriscus. Ac masculini qui-

dem articuli & fæminini omnes casus sunt diuersi, neutrius autem partim iſdem, partim diuerſi. Quo fit, ut ſæpe numero quod in nominatiuo neutri articuli conſeſſum eſt, ad maſculini accuſatiuū id aliud transferat, aut alia quādam ſimili ratione caſum pro caſu accipiat: fallax autem conſuſio ex eo oritur, quòd articulus neutri multis caſibus communis eſt. Interdum enim nominatiuum, interdum accuſatiuum ſignificat. At uerò ſi iſtos caſus dignoſcere uelis, uerbum uariè accipiendum eſt, ut cum nominatiuo, eſt, cōiungas, cū accuſatiuo, eſſe: ueluti, eſt Hipponicus, eſſe Hipponicum. Nec diuerſa eſt in fæmininis nominibus ratio, & in omnibus quæ ſub communi nomine τῶν σκευῶν à Græcis comprehenſa (nos uafa appellemus) maſculinorum, aut fæmininorum inflexionem habent: ſola enim ea, quæ deſinunt in ον, inflexionem ſequuntur τῆς σκευῆς, hoc eſt neutri generis ſunt, ut εὐλόον, ῥοῖον: quæ uerò non habent illam terminationem, maſculina ſunt, aut fæminina, & illa tamen nonnūquam traducuntur ad genus neutrum: & ſub nomine τῶν σκευῶν interrogantur: ut ἀνὸς maſculinum eſt, καὶν fæmininum: Itaque in ijs eodem modo quo in ſuperioribus uerbum, eſt, & eſſe, caſuum inter ſe diſcrimina indicabit. Eſt etiam ſolæciſmus non ualde abſimilis ijs reprehentionibus, quæ ex eo ducuntur, quòd ut ſimilia accipiuntur, quæ non ſunt ſimilia, aut ſi ita uocare malis, quæ ex ſimili uerborum ſpecie oriuntur. Vt enim illæ captiones ſunt in rebus quidam ueluti ſolæciſmi, ita hæ ſunt in uerbis ueri ſolæciſmi. Homo enim & album, & uerba ſunt, & res. Ex ijs igitur, quæ dicta ſunt, planum eſt, ſi quando ſolæciſmum uelis concludere, ex illis caſibus, quos expoſuimus, ſumendum

dum tibi esse argumentum. Ac de generibus quidē contentionarum argumentationum, & partibus singulorum generum, & modis omnibus hactenus. Quoniā autē in collo-
 catione eorum, quā interrogātur, non parum est momen-
 ti ut possis, (quemadmodum de dialecticis disputationibus paulò ante diximus) celare conclusionē, propterea absolu-
 ta illa disputatione, primū omniū de ijs, quā ad dispositio-
 nem pertinent agendū est. Ac primum ad reprehensionem
 plurimum ualet longitudo orationis, quādoquidem multa
 simul providere difficile est. Loci autem unde amplifican-
 darum argumentationum rationes depromes, ex superio-
 ribus sunt repetendi. Alter locus est, ut celeritatē in inter-
 rogando adhibeas. Nam qui aliquāto tardiores te festinā-
 tem sequi non possunt, minus providere possint, quid dicāt.
 Tum illud iuuat plurimum, ut aduersariū ad iram & al-
 tercationem prouoces. Qui enim sunt in perturbatione, mi-
 nus sunt cauti ad omnia. Rationes autē quibus ad iracun-
 diam impelles, hæ sunt: si palam profitearis te iniquum al-
 teri aduersarium, & si impudentiam maximam præ te fe-
 ras. Alius locus est, perturbatē interrogationes collocare, si-
 ue ad rem multas rationes adhibeas, siue in utrāque partē
 argumēta adferas. Fit enim hac ratione ut uno tēpore des
 aduersario aut multa, aut etiam cōtraria cogitanda. Atq;
 ut rem in pauca conferam, omnes loci, quos ad celandam
 conclusionem supra posuimus, sunt etiam ad disputationē
 contētiōsam accōmodati. Pertinet enim eò occultatio, ut la-
 teas: latere autē nis, ut fallas. Quod autē attinet ad eos qui
 nil admittere solent, quod ad rē facere existiment, illa nobis
 aduersus eos cautione utendum est, ut aut per disparatum

interrogemus, quasi contrariam partem uelimus efficere, aut uerò ex aequo utranque partem interrogando complectamur. Quando enim non uidet huiusmodi homines quid potissimum tibi concedi uelis, minus difficiles ac proterui sunt. Iam uero postquam alius tibi singulatim totius alicuius generis partes, interrogati, in singulis ita esse concessit, ut uniuersum genus ad extremum inductione colligas, non est ipsum totum genus interrogandum, sed eo ut cōcesso utendum est. Ita enim ferè euenit, ut cum respondens se admisisse uniuersum genus putet, tum ita etiam auditoribus uideatur, quia adhuc meminerunt inductionis paulo ante factæ, nec illas interrogationes frustra fuisse existimant. Et si quando generi uniuerso nomen nō est impositum, ipsa utendum est similitudine, prout cōmodum uidebitur: nam sæpe similitudo obscurior est. Ad sumendam autem propositionem plurimum prodest, simul aduersa, ut illa quasi inter se conferantur, interrogare. Verbi gratia, si uelis tibi cōcedi omnibus in rebus parentibus esse obtemperandum, hunc in modum interrogabis: Quid? putasne parentibus esse parendum in omnibus, an potius in omnibus repugnandum? Aut uero si sæpius, parendum esse, sumere ab aduersario uelis, sic interrogandum: utrum multa sint parentibus concedenda, an pauca? Hic enim multò potius, (si modo parentibus obsequi necesse est) multa esse cōcedenda uidebitur, quàm pauca: præsertim cū rerum aduersarum cōpositio & collatio efficiat, ut res maiores & magna hominibus uideantur, itēq; deteriores & meliores. Est porro insignis & frequēs, ut quis reprehensus uideatur, sophistarum hac impostura, postquā nonnullas interrogationes proposueris, licet ex ijs nil possis necessario

cessariò conficere, ita extremū argumentationis subicere, ut illud nō interrogas, sed in modū cōplexionis ita proferas, sicut fieri solet in ueris ratiocinationibus, nō igitur hoc & hoc. Est etiā hoc uerè sophisticum, quando paradoxon aliquid accipis, urgere respondentē, ut quid sibi uideatur proferat, cum sit illud, quod à principio positum est, in quaestione, probabile: & hac forma interrogare: Vtrum tibi uideatur? Necessē enim est, si talis sit interrogatio, ut ad cōficiendam rem ualeat, inde nasci aut reprehensionem aut admirabile aliquid, & cōtra hominum opinionem. Nam si admittat, reprehensio sequitur: si neget, & sibi non ita uideri dicat, incredibile aliquid dicere uidebitur: at si non planè concedat, uideri tamen sibi fateatur, si non uerè conuictus, aliquo certè modo reprehensus uidebitur. Alius locus est, ut quod in disceptatione oratoria magno studio faciunt oratores, idem nos in reprehensionibus nostris facere contendamus: ut scilicet diligenter exquiramus, dicātne is, quicū disputamus, aliquid repugnans, aut ijs quæ à se dicta sunt, aut eorum sententiæ quorum orationem & actiones maxime probet & sequatur: adde etiam an aduersetur opinioni eorum, qui reuera tales, hoc est sapientes sunt, aut uero qui non sint huiusmodi, similes tamen talibus sunt hominibus: postremò an contra dicat, quàm sentit hominū pars maxima, aut etiam quàm omnes homines. Iā autem sicut respondentes solent sæpenumerò cum urgentur, & uident se elabi nix posse quin coarguantur, fingere nescio quam multipliciter, cuius distinctione euadant: ita etiam nobis interrogantibus eodem illo præsidio interdum utendum erit, maxime aduersus eos, qui fortiter nobis resistunt: ita

ut si quid uno modo uerum sit, altero nō uerum, illo nos modo accepisse, non hoc dicamus. Qualiter fecit Cleophon in Mandrobulo. Oportet etiam traducta disputatione ad alia, quæ reliqua erant argumenta præcidere. Quo in loco hæ erunt partes respondentis, ut si hoc præsentiat uelle aduersarium, iam ante illi occurrat, & prædicat, ne rē propositam deferat. Interdum etiam ad aliud sunt argumenta dirigenda, quàm quod à principio positum est in quæstione: sed illud ita accipiendum est, si modò nil habeas quod contra rem propositā obicere possis. Quo præsidio usus est Lycophrō cum iussus esset laudare Iyram. Quod uerò attinet ad eos qui probari sibi aliquam propositionem, quam acceperis, postulant: quoniam æquum uidetur, ut subiecta probatione illius reddas rationem, acceptis quibusdam rebus singulis, tutius est, etiam si de toto genere concludi possit, in ipsis singularibus aduersarium ita reprehendere, ut quod affirmauerit, negare: aut quod negauerit, dicere ostendamus, quàm si uniuersum genus concluderemus, quale est illud: Rerum aduersarum eadem est disciplina, aut non eadem. Neque uerò propositionis in modum interroganda est complexio: & quedam sunt, quæ ne interrogari quidem debent, sed ut perspicua & ab omnibus recepta sumi. Ac de locis quidem unde eruuntur argumenta in contentiosis disputationibus, & de ratione interrogandi hætenus. Sequitur nunc, ut de responsione agamus, & ut quomodo dissoluenda sint captiones, & ad quam potissimum rem cōferenda solutiones, & quem ad usum ualeat huiusmodi captionū sophisticarū tractatio, doceamus. Ac primū quidem utilis est duabus de causis ad philosophiā. Vna est, quia cum

maxima

maxima pars istarū captionum ex uerbis ducatur, hoc nobis præstat earū consideratio, ut uerborum ambiguitatem facilius animaduertamus: & ut quæ sint ea, in quibus rerū similitudo cū nominum similitudine cōueniat, quæq; illa in quibus uerborum similitudinem res nō imitantur, intelligamus. Altera est, quia ad res per nos ipsos animo tractandas ueriusq; exquirendas plurimum ualeat. Nā qui facile ab altero captiosa ratione decipitur, neque id percipit, idē si per se aliquid consideret, frequenter se ipse fallaci conclusionē impedit. Est autē & tertia præter illas duas utilitas, ad gloriā consequendam: nempe quòd hinc fiat, ut uideare omnibus in rebus exercitatus, & nullius esse imperitus. Qui enim cū altero sermonem confert, eiusque quicum disputat, rationes aspernatur ac uituperat, cū uitium ipse indicare nō possit, suspicionem is præbet, difficile se & iniquum alteri præstare nō propter ueritatē, sed propter imperitiā. Quomodo autem respondens huiusmodi captionibus occurrere debeat, minimo negotio perspicui potest, siquidē omnes locos, unde fallaces cōclusiones eruuntur, suprà rectē exposuimus, et si omnia cōmentā, omnes fraudes, quas in interrogādo solent adhibere sophistæ, satis explicatē docuimus. Neque uerò idē est sumpta aliqua captione, illius uim perspicere, & uitium ubi sit indicare, quod celeriter posse ei occurrere, qui te interrogat. Sæpe enī accidit, ut quod scimus, mutatis & traiectis uerbis ignoremus. Porro quēadmodū alijs in rebus omnibus, celeritas & tarditas tota pendet ab exercitatione, ita planē in disputationibus usuuenit. Vnde efficitur, ut, tãetsi res nobis cognita sit, sæpe tamē quia desit meditatio exercitatioq; differēdi, expedire nos in tēpore,

Et ut decet, nō possumus. Sanè idem hīc propemodum eue-
 nit, quod in mathematicorū descriptionibus. Sicut enim ple-
 runq; in conficiendis demonstrationibus accidit, ut postquā
 dissoluta res est, & ad sua principia reuocata, componere
 eam rursus non possumus: ita in reprehensionibus usuuenit,
 ut sciamus quidem unde ducatur captio, eam tamē in par-
 tes digerere non ualeamus. Ac primū quidem sicut pro-
 bables nonnunquam rationes ad rem probandam potius
 quā uera adhibenda sunt, ita in respondendo, interdū ad
 opinionē potius quā ad ueritatem conferenda nobis sunt
 argumentorum dissolutiones. Contentiosus enim cum homi-
 nibus, planè nobis pugnandū est, quasi cum ijs, qui uidean-
 tur modò coarguere, ac non uerò coarguāt. Nam cum isto-
 rum hominum rationibus nullam tribuamus concludendi
 necessitatem, non debet profecto aliò pertinere nostra solu-
 tio, quā ut ne conuinci coarguique uideamur. Etenim si
 reprehensio est cōtradictio citra ullā multipliciter, quæ
 necessariò ex quibusdam sumptionibus efficitur: nulla cer-
 tè necessitas est, cur te oporteat captionem ex multiplici no-
 mine, aut oratione ambigua ductam, distinguere: quando-
 quidem nil possit necessariò concludere. Sed hac tantū ra-
 tione utimur distinctione, quia speciem quādam conclusio-
 num, quæ ad conuincendum alterum ualeant, huiusmodi
 captiones præ se ferant. Nobis igitur cauendum non est, ne
 coarguamur, sed ne uideamur reprehendi: quandoquidem
 interrogationes multiplices, & ambiguae, & huius generis
 aliæ captiones, ueram reprehensionem obscurant, & si ne-
 tandem conuictus aliquis, an nō conuictus, incertum red-
 dūt. Quia enim hīc licet ad extremū facta conclusione di-

cere aduersario, nō eū conclusisse negationem eius quod affirmaueras, sed in multiplici aliquo nomine, aut ambigua oratione uersari argumentum illius, etiamsi q̄ maxime figuri potuit, ad id ipsum, quod dixeras, pertinuerit argumentatio: quia inquam id semper huiusmodi captionibus opponi potest, profecto necesse est, ut hac de causa semper incertum sit, reprehensus sit necne is, quicum disputatur. Nā uerū dicat, necne, q̄ illud dicit, intelligi planē nō potest. Quòd si adhibita antē multiplicis uerbi, aut ambigua orationis distinctione, tū interrogaret, ad extremum non dubiū esset, quin tu esses reprehensus: atque etiam illud fieret, quod his quidem temporibus postulari minus solet, superioribus autem exigi sedulò solebat, nēpe ut respondens ad interrogatum, aut etiam, aut non, & nil amplius responderet. At his temporibus propter uitiosam, qua omnes ferē utuntur, interrogandi rationē, necesse est, ut qui respondent, aliquid amplius addant, quo uitium interrogationis corrigant. Nā si ipsi satis multipliciter interrogando distinguerēt, necesse esset, ut aut etiam, aut nō, responderetur. Porro autem si quis uerā esse reprehensionem existimet, qua sub multiplici nomine aliquid concluditur, is nullam respondentem rationem relinquet, qua reprehensionem effugiat: cum praesertim in ijs etiam, qua sub oculos subiecta sunt, necesse aliquando sit, quantum quidem ad nomen attinet, quod affirmaueris negare, & quod negaueris affirmare. Nam quod ijs captionibus dissoluēdis & quasi emendādis, adferre solent aliqui, nil planē adiuuat. Aiunt enim non esse Coriscū musicum & non musicum, sed hunc quidem Coriscum esse musicum, illum uerò Coriscum, esse non musicum. Quasi

uerò non eadem sit oratio, siue hoc modo dicas, non adiecto
 articulo, Coriscum esse musicum, ~~siue~~ illo, hunc Coriscum es-
 se musicum; quod illi tamen affirmare simul & negare co-
 guntur. At non idem fortasse semper pars utraque signifi-
 cat, quādo ne nomen quidem ex quo constant, Coriscus sci-
 licet, idem semper significet. Quare ad hanc captionem elu-
 dendam, nil omnino illud habet momenti. Quod si quis uim
 captionis in eo ponat, quod primum omnino Coriscum ad-
 uersarius diceret, deinde adiecto articulo, hunc Coriscū di-
 xerit, is absurdè faciet. Nam quid causa est, cur id uni po-
 tius quàm alteri conueniat? praesertim cum utrius addide-
 rit articulum, nō minus procedat captio. At uerò quoniam
 qui non distinxit ambiguitatem, efficit, ut ad extremum
 auditoribus dubium sit, an sit conuictus, an non: cum pra-
 sertim cōcessum sit, in medio cursu argumentationis, mul-
 tiplex distinguere, si quod subsit, hinc profectò planum est
 culpa eum non carere, qui multiplicem interrogationē sim-
 pliciter & citra ullā distinctionem admittit. Hinc enim ef-
 ficitur, si minus ipse reprehensus sit, at certè ut illius oratio
 pro conuicta & refutata habeatur. Fit autem plerunque,
 ut qui ambiguitatē perspiciunt, eā tamen distinguere pro-
 pterea minus curent, quod frequenter huius generis inter-
 rogationes, ab aduersario proponantur: ne scilicet uidean-
 tur se ad omnia molestos & iniquos aduersario praebe-
 re: aut certè quia non existimant ex eo posse captionē uim ul-
 lam accipere. Saepe autem ad extremum nescio quid pra-
 ter illorū opinionem occurrit. Itaque quoniā ita licet, nun-
 quam tardi aut negligentes esse debemus in distinguendo:
 quemadmodum paulo ante diximus. Quod si quae multae
 sunt.

sunt interrogationes, non quasi una acciperetur, nūquam fallax & captiosa ratiocinatio ex homonymia aut ambiguitate nasceretur, sed aut uera semper, aut nulla omnino fieret reprehensio. Quid enim interest, sub duobus nominibus diuersis hoc modo interroges, suntne Callias, & Themistocles musici, an sub uno nomine rebus diuersis cōmuni? Nam si plura uerbum significet, qui illud interrogabit, plura interroget, non unum, necesse est. Si igitur haud rectè is facit, qui ad duas interrogationes unā poscit simplicemque responsionē, dubiū profecto esse nō potest, quin ad ambiguā interrogationem nunquā oporteat simplicem dare responsionē: ne si uera quidem sit in omnibus significatis interrogatio, quemadmodū aliqui existimāt. Illud enim idem ualeat, ac si interrogaretur, utrū domi sint, an non sint Callias, & Coriscus: qui siue ambo sint domi, siue nō sint, non minus sunt utroque modo plures propositiones. Neque enim par est unā propterea fieri interrogationem, quod utrūque uerū sit: quandoquidem uisuenire possit, ut uel sexcentas huius generis interrogationes cōiungas, ad quas omnes uerū sit dicere etiā aut non: ueruntamē nō est ad illas omnes una dāda responsio, quippe cū id aliud nihil sit, q̄ disputationis leges tollere, & omnē differendi rationem euertere. Atqui ista multa interrogationes, perinde sunt, ac si multis rebus diuersis unū nomen esset impositū. Vt igitur ad duas interrogationes nō est dāda una responsio, ita ad interrogatū ambiguum nūquā est simpliciter dicendū, aut etiā aut nō. Nā qui secus fecerit, is dixerit quidē aliquid, at cerē nō responderit. In disputationibus tamen quodāmodo id probari solet, quia quid inde sequatur incertū sit. Quemadmodū i-

gitur: (quod etiam nos paulo ante diximus) reprehensiones quædam uidentur, quæ non sunt, ita solutiones nonnullæ erunt, quæ in speciem modò non etiam ueræ solutiones erunt: quas scilicet diximus interdum potius adhibendas esse, quàm ueras, in disputatione contentiosa, et cum occurrere uolumus interrogatis multiplicibus. Porro autem in respondendo adhibenda nobis est hæc cautio, ut ad ea, quæ uera nobis esse uidebuntur, dicamus, Esto. Sic enim fiet ut minimè nos còuincere alius uideatur. Quòd si cogere nos uelit admirabile aliquid dicere, tum maximè uti debemus uerbo, uideri. Hæc enim ratione fiet, ut nec reprehensio, nec admirabilis còclusio còfecta esse uideatur. Id uerò cum perspicuum illud sit, quomodo fiat petitio principij, tùm omnes ita existimant, respondentem negadum esse quicquid proximè ad id accedit, de quo queritur, nec ullam ex eo genere interrogationem esse admittendam, quasi illo modo id ipsum de quo instituta est disputatio, petatur. Cum uerò tale aliquid sibi còcedi postulat alius, quod incredibile quidem, aut falsum sit, ex re tamen proposita consequatur: tum idem illud esse cum eo, de quo agitur, dicendum est. Nam quæ necessariò ex re proposita còsequuntur, pro ipso proposito sunt habenda. Præterea quando genus uniuersum sub nomine proprio non est sumptum ab aduersario, sed sub similitudine, dicendum est, non rectè eum accipere, quādo non ita sumit, quemadmodum concessum est, nec quo modo interrogado sumebatur. Hinc enim plerumque nascitur reprehensio. Quod si inde exclusus, illis cautionibus uti non possis, proximè est, ut recurras ad id, ut non rectè rem demonstrasse aduersariū còtendas. In quo utendum est tibi definitione reprehensionis, quam posuimus, ut eā

argu-

argumentis aduersarij opponas. Ac si proprijs quidem nominibus & aperte interrogaueris, necesse est, ut aut simpliciter respondeas, aut adhibita distinctione. Quæ uerò suppressus quibusdam uerbis breuiter admittimus, qualia sunt quæ non aperte, sed truncatim & imperfecta locutione interrogantur, ea maximè dant reprehensioni occasionem: exēpli gratia: Nōne quod est Atheniensium, id est eorum possessio? certè: nec dissimilis est in alijs ratio. At enim nōne τῶν Ἀθηνῶν homo esse dicitur? certè: Est igitur homo animalium possessio. Sanè hominem dicimus esse τῶν ζῴων, quia sit animal, & Lysandrum τῶν Λακωνίων, quia Lacedæmonius sit. Planum igitur est non oportere, ubi obscurum est, & inuolutum quod ab aduersario proponitur, simpliciter rem concedere. Quando uerò sic sunt affecta duo inter se, ut uno posito alterum esse necesse sit, nec contrà, si hoc sit, illud esse oportet, uidendū est ei, qui respōdet, ut cum rogabitur, utrū eorum esse putet, illud potius ponat quod minus latè patet. Nam ex multis singulis difficilius est aliquid tandem necessariò cōcludere. Quòd si ad aliquid probandū ex eo ducat argumentum, quòd huic nil sit contrarium, illi aliquid aduersetur, & si hoc uerum dicat, nos tamen contra aliquid illi esse contrarium dicere debemus, sed nullum esse illi nomen impositum. Sūt autem ex ijs, quæ uulgò ferūtur quædam, quæ si nō concedās, falsum dicere uidebere: alia uerò, quæ ut nō admittas, falli tamen te nemo putabit: cuius generis sunt dubia & in utranque partem probabiles sententia. Nam sit mortalis an immortalis animantium anima, nō est apud uulgus constitutum. In quibus igitur manifestum non est, utrum potius asserendū sit eorū, quæ alius inter-

rogat: cuiusmodi sunt, quæ sententiæ appellantur. (nam & uera de singulis rebus opiniones; & uniuersæ negationes, ut diameter nõ est cõparabilis cũ latere, sententiarum nomine appellari solēt) & præterea in quibus uera ex aquo pars utraque esse uidetur: in illis inquam utriusque generis interrogationibus, si respondendo ad usum nostrum uerba interrogationum commutauerimus in alia, cõmentum nostrum minime apparebit. Nam quia incertũ est, utrũ uerũ sit, sophisticè nil agere uidebimur, & quia utranq; in parte ex aquo probabile est, falli nos nemo existimabit: at interim illa nostra uerborũ cõmutatio efficiet, ut reprehẽdere nos nullo modo possit aduersarius. Iam uerò ut singulas tu interrogationes præsenferis, ita illæ tibi sunt anteuertẽdæ, & multo ante oratione refutandæ. Ista enim ratione aduersarium tuum maximè impediēs, ne ad extremum quod uult efficiat. Quoniam autem illa est uera solutio, falsitatẽ syllogismi indicare, docendo, ex qua potissimum interrogatione pendeat falsa conclusio: fallaces autẽ syllogismi duobus modis dicuntur, uno si falsum aliquid cõclusum est: altero, si necessaria consecutio esse uideatur, reuera autẽ syllogismus non sit. Hinc sanè perspicuum est præter illã, quam modo dixi solutionem, esse etiam alteram, quæ propriè accommodata est ad eos, qui speciem syllogismorum præ se ferunt, cum reuera nil necessariò concludant: quæ solutio est interrogationum correctio, ad docendum cur ex iis non sequatur, sed modò uideatur sequi. Vnde illud efficitur, capiones, quarum non est uitiosus concludendi modus, soluẽdas esse negando: in quibus uitiosa est cõclusio, in iis distinctionem esse adhibẽdam. Rursus inter eas rationes, quarũ
est

est necessaria cōclusio, alia sunt, quæ uerā, alia quæ falsam habent cōplexionem. Atque illa quidē, quibus falsa est conclusio, dupliciter dissolui possunt, refutando scilicet, ac negando unam aut alteram sumptionū, & indicādo talem, hoc est, falsam esse cōclusionē. Quæ uerò propositiones modò falsas habent, non etiam conclusionem, hac tantum ratione dissoluentur, si quam sumptionum falsam esse conspicias, eam respicias, quippe cum uera sit conclusio. Itaque argumenta qui uolet recte dissoluere, hoc primū spectabit, habeantne uim concludendi necessariā, an minus necessariā: cum deinde utrū uera, an falsa sit cōplexio: idque eò faciet, ut ea dissoluat uel distinguendo, uel negando: & negando, quidē aut hoc, aut illo quo paulo ante diximus modo. Multum autem interest, utrum dissoluatur argumentum, cum tibi ab alio obijcitur, an cū per se nulloque interrogante uis illius exquiritur. Nā statim & in promptu occurrere captioni difficile est: per otium autem, & cum datur tibi cogitandi spatium, facile. Reprehensionum, quæ aut ex uerbi multiplicitate, aut ex orationis ambiguitate ducuntur, duo sunt genera. Vnum earum, quæ in altera sumptionum eā habet ambiguitatem, unde oritur captio. Alterum earum, quibus in cōclusionē inest multiplicitas. Exempli causa, captio, quæ in oratione proloqui, concluditur, ambiguā habet conclusionem: illa autem, quæ efficitur, eū qui sciat, nescire tamen, quæ est huiusmodi: Quod quisq; scit dicere aut facere, id ipsum ille scit, atq; intelligit: atqui iste scit dicere, hoc est recitare carmina iābica: iste igitur intelligit scitque iambica: illa inquam captio habet in altera sumptionū ambiguitatem. Ac duplex quidem uerbū in ijs captionibus interdū

inest reuera ac per se, interdum uerò nō est reuera duplex,
 sed ipsa modò oratio est, quæ dupliciter accipi potest, &
 partim uera, partim falsa est. In quibus igitur est in cōclu-
 sione multiplicitas, in ijs nulla omnino est reprehensio, nisi
 iam antè qui interrogat, ab aduersario acceperit cōtradi-
 cētem eius, quam concludit. Veluti in ea captione, qua ca-
 cum uidere concluditur, quid quaeso nisi contrarium huius
 dixerit respōdens, concludi possit, quod ad reprehensionem
 ualeat? Quæ uerò ambiguas habent interrogationes, in ijs
 nō necesse est ipsius multiplicis disparatū antè acceptū esse:
 quandoquidem non ad multiplex efficiendū pertineat ar-
 gumētatio, sed ex ipso multiplici ducitur. Est igitur iā inde
 a principio multiplici aut nomini, aut orationi ita occurrē-
 dum, ut patim id uerū esse quod interrogatur, partim fal-
 sum respōdeamus: Veluti ~~αὐτῶν~~ proloqui, uno quidē modo
 sumptum, uerū est, altero non uerum. Itēq; id faciendum
 esse, quod facere oportet, una significatione uerū est, altera
 falsum. Oportere enim multiplex est. Quòd si id nos à prin-
 cipio latuerit, hæc nobis ratio erit reliqua, ut ad extremum
 argumētationis, cōclusioni ab aduersario factæ præter sim-
 plicem resposionē aliquid addamus, quo uitium captionis
 indicemus. Verbi gratia, cōcludit aduersarius: Accidit igi-
 tur ~~αὐτῶν~~ proloqui, tu cōtrā dicito, accidit uerò, τὰ ~~αὐτῶν~~
 proloqui, sed τὰ ~~αὐτῶν~~ non accidit. Quod idem erit in ijs
 faciendum, quæ multipliciter habent in sumptionibus.
 Exempli causa, cum ad extremum concludetur, non igitur
 intelligimus quod scimus: certè, respōdebis: uerūtamen nō
 conclusisti, quæ nos hoc modo scimus, eo nos nō intelligere.
 Neque enim idē ualet dicere, nō intelligere omnino scientē,
 quod

quod intelligere eū qui hoc modo scit. Vtque ego unā quamdam generalē rationem eludēdi istas captiones subiiciam, illud semper nos contendere debemus, etiamsi reuera concluderit aduersarius, quod oportuit, illum tamen non eam rem, quā asserimus, sed uerba modò refutasse. Ex ijs uerò, quæ modò exposuimus, iam propemodum perspicuum est, quæ sit ratio soluendarum captionum, quæ ex cōiunctione & distinctione ducuntur. Cum enim aliud coniuncta, aliud distincta ratio significet, ad extremum quando unum concludet aduersarius, cōtrarium tibi erit subiiciendum. Sunt autem omnes istæ captiones ex compositione & distinctione. Nūquid quo tu illum percussus uidiisti, eo ille percussus est? Et nunquid quo is percussus est, id ipsum tu uidiisti? Atque istæ quidem captiones habēt nescio quid ambiguitatis, sed tamen ad locū ex coniunctione referēdæ sunt. Neque enim duplex appellari potest, quod modò coniunctam, modò diuisam habet sententiam: quandoquidem oratio non maneat eadem, cum distincta accipitur, quæ antè erat coniuncta. Nisi fortè dicamus ὁπὸς & ἴσος, cum sic accentibus distincta proferuntur, adhuc retinere multiplicitatē: quæ tamen, quod attinet ad scripturam, sunt unum idēque uocabulum, cū & elementis eisdem, & eodem modo scribantur: ceterum notæ accentuum illic appositæ efficiūt, ne cum pronunciātur, eadem sint. Quocirca multiplex oratio non erit, quæ modò coniunctim, modò diuisim accipi potest. Unde etiam planum est, non uerum esse, quod aliqui uoluerūt, omnes reprehensiones pertinere posse ad locū ex multiplici. Est igitur ad soluendū istas captiones respōdenti adhibenda distinctio, non idem scilicet ualere si dicas uidiisse te

oculus, percussus, ac si diceret uidi te, oculus percussus.
 Quod idem in captione Euthydemii faciendum: quæ est hu-
 iusmodi: Nunquid iri remes, quæ in Piræo sunt, nunc scis, cū
 in Sicilia sis? Itemque in hac: Putasne malum suturem bonū
 esse? atqui fieri potest, ut quis malus sit, & bonus sutor sit:
 quidam igitur sutor bonus erit. Item in hac: Nōne quorum
 bona sunt scientiæ, ea sunt bona μαθηματα? malorū autem
 bona sunt scientiæ: mala igitur sunt bona μαθηματα: atqui
 mala & μαθηματα sunt, & sunt mala: quare necesse est, ut
 sint mala μαθηματα. Et putasne uerū esse dicere modò te
 natum esse? tu igitur modò natus es. An aliud coniuncta, a-
 liud distincta significat hæc oratio? Certe: Verum enim est
 nunc, te natum esse: sed falsum est te nunc natum esse. Quæ
 tu facere potes, & uti potes, ea nōne tu & eo modo redde-
 re effecta possis? tu uerò non pulsans citharā, pulsare illam
 potes: tu igitur hoc efficere poteris, ut nō pulsans citharam
 pulses tamen. At enim quod posse se alius dicit, non sic acci-
 piendū est, quasi non pulsans possit pulsare, sed quasi possit,
 cum desinet unum facere, alterum statim effectū reddere.
 Porro autē aliter hanc captionē dissoluere aliqui conātur,
 dicentes, quanquam id concessum sit, posse me quomodo pos-
 sum aliquid, eo modo illud effectū reddere, non tamē rectē
 concludi, posse me non pulsando citharam pulsare: quia nō
 sit concessum, omni modo quo possum, sed incertē quomodo
 possum, ita me facturum: nunc autem certum est, idem non
 ualere, quomodo possum, ita faciā, & quocūq; modo possū,
 illo omni modo faciam. Verū quā illi malē soluāt, hinc
 potest faciliē intelligi, quòd cū necesse sit omnes captiones
 ex eodē loco ductas uno eodēque modo dissolui, ista disso-
 lutio

lutio nō possit ad omnes huius generis accommodari: quin etiam illo modo occurri nō possit omnibus, qui eandem istā captionem alio quouis modo proponerēt: sed ad eum modō, qui ita proponit hanc captionem, non etiam ad ipsam argumentationem, est accommodata hæc solutio. Ab accentu captiones nullæ sūt, nec in scripto, nec in uoce, aut certè admodum pauca sunt: qualis est ista: Nōne ꝛ habitas, domus est? certe. at nōne illud, ꝛ habitas, est negatio huius uerbi, habitas? dixisti autem, ꝛ habitas domum esse: domus igitur negatio quædam est. Quæ captio quomodo sit dissoluenda non est difficile uidere. Non enim idem significat illud ꝛ rono acuto prolatum ꝛ, & circumflexo ꝛ. Nosse etiam rationem occurrendi captionibus, quæ ducūtur ex eo, quòd uerborum specie falsi pro iisdem accipimus, quæ nō sunt eadē, non est difficile, quādo genera categoriarum quot & quæ sint intelligimus. Nā quod iste interrogatus negauit in uerbo, quid est substantiāque significāte, id alius ut affirmet, traducit ad id, quod in genere quantorū cōtinetur, aut eorum, quæ ad aliquid dicūtur, quæ tamen si formā uerborū spectes, speciem quandam præ se ferunt eorū, quæ quid, hoc est substantiā, significant. Veluti in hac captionē: Putāsne fieri posse, ut tu eandē rē simul facias, & feceris? At uidere tu idē potes & uidisse, idq; eadem ratione. Et illa: Putāsne fieri posse, ut aliquid sit actio & passio? Quid uerò, nūquid secari, cremari, operari genere dicendi conueniūt, & pati omnia significant? Illa uerò, dicere, currere, uidere, nūquid eodem modo dicuntur? At qui uidere est operari: quare pati significat: quod tu tamē idem actionem significare dixisti. Quòd si quis fieri non posse dixerit, ut idem simul facias &

feceris, idq; postea admittat, posse euenire, ut idē uideas & uideris, nondum erit hac ratione reprehēsus, modo non dixerit, uidere, actionē significare, sed potius pati. Nā ut reprehensio fieret, id quoq; fuit prater illa interrogandum. Illud tamē uidetur auditoribus iam esse concessum, quia admissum est, secare, esse agere, & secuisse, egisse, & huius generis alia, quæ genere dicendi illis sunt similia. Nam quod deest argumento, ipse per se auditor supplet: quasi dicēdi genere hoc non differat ab illis. Reuerā autem hac eodem genere dicendi non cōtinentur, sed propter uerbi similitudinē ita secus quā est uidetur. Atq; ita in ijs captionibus idem ususuenit, quod in ijs, quæ ducūtur ex homonymia: in quibus si quis uerborū uim ignorat, putat respondentē non modò in nomine, sed etiā in re eadē, quod affirmauerat, negare: cū tamen ei qui cōtra disputat necesse sit, ut aduersariū coarguat, interrogare prater eā, an eadē semper significatione accipiat, quod dicit: quo certe concesso, uera sequitur reprehensio. Sunt autem, & quæ sequuntur captiones superioribus similes, ex eodēq; loco ductæ. Si quis quod habuit iam nō habet, nōne illud amisit? At enim qui unum modò ex decem calculis amisit, iam non habet decem calculos. An uerū est eū amisisse, qui non habet, quod habuit, illud autē non uerum, si tantū non habet, quantū prius, aut tot, quot antē habuit, propterea tantum, aut tot amisisse? Ergo quod primum in substantia interrogauerat, id trāsferat in cōclusionē ad numerū: decem enim nō substāciam, sed numerum significāt. Quod si initio ita interrogauisset: Si quis modò nō habet tot calculos, quot antē habuit, nōne tot omnino amisit, quot habuit? nemo id cōcessisset, sed dixisset, uel ex ijs aliquot

aliquot uel illa omnia amisisse. Huius quoq; generis est captio, qua concluditur dare aliquem quod non habet: quia cum nō habeat unum solum calculum, unum solum det alteri. Atqui hoc non est dare quod non habes, sed quatenus tu unum solum non habes. Nam hoc uerbum, solū, nō substantiam aut qualitatem aut quantitatem significat, sed in comparatione ad alterum cernitur, ut significet non habere te illud cum alio. Habet igitur illa captio eādē uim, ac si quispiam ita interrogaret, nunquid dare quispiam potest quod non habet? idque negante altero, subiiceret: Quid uerō, nunquid dare cito potest, quod cito non habuit? quo ab aduersario concessō, cōcluderet, potest igitur dare quispiam quod non habet. Nam quid apertius est, quā eum qui ita sit argumentatus, nil necessariō confecisse? Etenim cito dare non est quippiā dare, sed hoc modo. Illud uerō nemo negauerit fieri posse, ut alio modo des quippiam quā habebas: ueluti quod cum uoluptate habes, id agrē & cum molestia dederis. Ad hunc eundem locum ista quoque superioribus persimiles captiones pertinent: Potēstne aliquis ferire alterum manu quam non habet? aut uidere oculo quem non habet? Neque enim unum tantum oculum habet. Huiusmodi autem captionibus ita occurrunt quidam, ut eū dicant unum modo aut oculū, aut aliud quiduis habere, qui plura habet. Alij uerō dicunt id ipsum omnino hunc accipere, quod alius dat, quippe cum unum modo det iste calculum, alijsque non plusquam unum ab altero accipiat. Alij itē aiunt fieri posse, ut quis id habeat quod non accepit. Veluti si quis dulce unum accipiat, eo inter accipiendum corrupto, acetum quod non accepit habere. At illi quidē certe

omnes illo modo captionem non dissoluunt, sed (quod etiam paulo ante diximus) homini non argumento occurrūt. Nā si esset hac uera solutio, qui contrarium eius quod illi uolunt faceret, non posset omnino istas captiones (quod idem profecto in aliis omnibus usuuenit) dissoluere. Ut si uera solutio est in distinctione multiplicis, dicendo in una quidem significatione uerum esse, in altera non uerum, quicumque simpliciter dici concesserit, is necessario conuincetur, eritque id necessario cōfectū quod uoluit aduersarius. Sin qui hoc fecerit non conuincatur necessaria cōclusionē, nō erat profecto uera illa solutio. Atqui in ijs de quibus agitur captionibus, concessis omnibus contra quā illi uolunt, nil necessario concluditur. Præter illas autē, quas proposuimus, istæ etiam quas modo subiiciam, ex eodem loco ducuntur. Nōne quod scriptum est, id scripsit aliquis? scripta autē est hac oratio, quæ te ait sedere, nunc falsa, quæ tamen erat uera quando scribebatur: Ergo simul & uera & falsa scribebatur. Etenim ueram aut falsam dicere orationē aut opinionem, non hoc, id est substantiam, sed tale aliquid, id est qualitatem declarat. Dixi autem opinionem, quia eadē est ratio illius, atque orationis. Ad hoc etiā genus ista pertinent: Nōne quod quisque discit, illud uerum est esse quod discit? discit autem quispiam celerius, quod tardius est. Hic enim non assumptum est, quod discit quispiam, sed quo modo discit. Item ista: Quod quisque perambulat, nōne id pedibus calcatur? perambulat autē aliquis totum diē. Profecto hic nō assumptum est, quod quis perambulat, sed tempus in quo ambulat. Itemque cum calicem bibisse alterum dicimus, hoc ipsum quod bibit, non dicimus, sed unde bibit. Est etiā

in hoc genere ista: Nōne quod scit quisq; , id aut ab altero didicit, aut ipse per se inuenit? At duobus sumptis, quorum unum didiceris , alterum inueneris, in illa ambo neutrum eorum cadere potest. Nam quod singulatim sumptis rebus prius interrogabatur, id paulo post coniunctis simul multis accipitur. Illa etiam, qua ostenditur esse aliquem tertium hominem, prater ideam, & prater singulos homines. Homo enim & omne uniuersale, non hoc aliquid, sed tale aliquid, aut comparisonem quādam ad aliud, aut affectionem quandam & modum, aut aliud huius generis significat. Eadem autem est huius ratio atque illius, qua quæritur, an Coriscus, & Coriscus musicus, idem sint, an uerò diuersi. Nā ille hoc aliquid, hic quale aliquid significat. Itaq; non est eadem unius atque alterius expositio. Neque uerò ab expositione nim habet ista captio, qua esse aliquem tertium hominem concluditur: sed ex eo quòd conceditur, esse id ipsum quod illud, idem ualere, quod esse hoc aliquid. Neque enim esse id ipsum quod Callias, aut id ipsum quod homo, idem semper significabit, quod esse hoc aliquid. Quòd si in exponendo dicas, nō significari hoc esse id ipsum quod illud, sed potius esse tale quippiā, omnino nil intererit: quādoquidem ut hoc dixeris, nihilominus relinquatur uniuersale quoddam, non illud quidem separatim, sed in singulis rebus coherens, quale est homo. Perspicuum igitur est non esse admittendū, uerba quæ de multis dicuntur, hoc aliquid significare, sed aut quantum, aut quale, aut relatum quippiā, aut aliud quiduis huius generis. Omnibus autem captionibus, quæ in uerbo sunt (ut rem semel complectar) hoc commune est, ut per contrarium eius, unde ducitur captio,

semper dissoluantur: Verbi gratia, si ex coniunctione cap-
 ptio existat, dissoluetur per diuisionem: sin ex distinctione,
 per cōiunctionem. Rursum si in accentu acuto posita sit ca-
 ptio; per grauem dissoluitur: sin ex graui orta sit, per acu-
 tum. Si uerò multiplex nomē eam effecerit, ita dissoluetur,
 si contrarium illius nominis, quod cōcludit aliud, ponas: ue-
 luti si ita eueniat, ut tu interrogatus, de animato dixeris,
 ille contrā negationē cōcludere conetur: tibi ad extremum
 dicēdum erit de animato te intellexisse. Sin dederis esse in-
 animatum aliquid, contrā autem ille animatum aliquid
 concludat, tibi dicendum erit, in re inanimata te intellexis-
 se. Eadēque est ratio in amphibolia. Si autem ducta sit
 ex uerborum simili forma, à contrario petenda est solutio.
 Veluti ad illā captionem, nōne dare quispiam potest quod
 non habet? dicendum est, non dare quidem eum quod non
 habet, sed alio modo quā habet: nempe quia non habet
 unum solum calculum. Ad istam quoque: Nūquid quod scit
 quisque id didicit, aut per se ipse excogitauit? respo-
 dendum est, uerum quidem esse, quod scit, horum altero modo id ac-
 cepisse: sed non esse necesse, multis simul iunctis, quæ scit, ea
 altero modo affectutū fuisse. Huic quoque: Nōne quod per-
 ambulas id pedibus calcas? sic occurrendum, id quidē quod
 perambulo me calcare, sed non tempus quo perambulo. Et
 sic alia. Captiones autem accideiis, omnes una ratione dis-
 solui possunt. Quia enim incertū est quando rei attribuen-
 da sunt quæ accidentibus conueniunt, atque illud quidē in
 quibusdam uerum uidetur: idque ita fieri interdum neces-
 sarium esse aiunt, in alijs uerò negant id esse necessarium:
 illud profectò nobis statuendum est, atque ita debemus ad-
 uersus

uersus huius generis omnes captiones esse confirmati, ut omnino illas ullam habere necessitatem negemus. In quo uidendum est, ut paratam nos semper habeamus aperte captiosam ex hoc genere cōclusionem, cui similē esse dicamus eam, quā adfert aduersarius. Sunt autem ex accidente omnes quæ sequuntur captiones: Scisne quid ego te rogaturus sum? Nostin' eum qui huc ad nos uenit, aut eum qui hic absconsus est? Est ne hæc statua opus tuum, aut hic canis tuus pater? nunquid haud multoties pauca, sunt pauca? Perspicuum enim est in ijs omnibus non esse necesse, ut eadem quæ accidentibus conueniunt, rebus subiectis attribuantur. Nā in ijs solis quæ natura & substantia non differūt, sed unū quippiam sunt, id usuuenit, ut quæ uni attribuuntur, eadem alteri omnia conueniant. Iam autem non idem est bonū esse bonū, & esse id quod ego te uolo interrogare: neq; idem ualet uenientem aut absconsam, esse uenientem aut absconsam, atque esse Coriscum. Itaque non rectē efficitur, si Coriscum nouerim, aduenientem autem non nouerim, eūdem me nosse, & nō nosse. Neque ualet cōclusio: Hoc opus quoddam est, idque meū est, hoc igitur est meum opus: sed concludendum est meam esse hāc possessionem, aut rem, aut aliud quippiā huiusmodi. Nec dissimilis est in alijs ratio. Ceterū istas captiones dissoluere nonnulli conātur adhibita distinctione ad postremā interrogationem. Aiūt enim fieri posse, ut idē nos cognoscamus & non cognoscamus, sed non eadē ratione. Eum igitur qui uenit, se fatentur nō nosse, Coriscū autem se nosse aiunt: & cōclusionem quæ efficitur eundē illos nosse & nō nosse, ad extremum concedunt, sed tamen nō eadē ratione. Atque illud primum ut uera sit dissolu-

rio, necesse est (quod etiā nos paulò ante diximus) ut ad omnes eiusdem generis captiones diluendas sit accommodata, quod in hac cadere non potest: quandoquidem si non ex uerbo nosse, sed ex uerbo esse, aut certo quodam modo affectum esse, pronunciatum illud constaret, nō haberet locum illa solutio. Verbi gratia, in illa captionē: Hic pater est, & est tuus: quid quāso loci habeat illa solutio? Ut enim in quibusdam id uerū sit, fieri posse, ut idem tu scias & nescias, at certè hac captio nil habet cum illa commune. Porro autem nil uetat, quo minus multis modis sit uitiosa & fallax eadē captio: attamen non omnis uitij explicatio est uera captionis illius solutio: quippe cū fieri possit, ut falsum esse id, quod concluditur, dicas, & tamen unde oriatur falsa illa cōclusio, non ostendas. Qualiter usuuenire potest in argumentatione Zenonis, qua nil posse moueri ostendere conabatur. Quapropter si quis respōdēs cōtrā argumentari conetur, ut id absurdū esse doceat quod alius conclusit, absurdè faciet, tamen si uerè ac necessariò id conficiat. Neq; enim hoc est argumentū dissoluere, præsertim cū uerā solutionē appellauerimus, talē falsi syllogismi explicationē, ut quare sit uitiosus, ostendatur. Itaque si quando argumentū nil necessariò concludit, huius ipsius rei declaratio erit solutio, idque dico siue uerū, siue falsum aliquid illud argumentum cōcludat. His accedit quòd possit illa quidē fortasse solutio ad quasdā captiones ualere, at in ijs certè ad quas modo adhibetur, nix locū habere posse uideatur. Nouit enim ille Coriscū hoc ipso quòd Coriscus, & ueniētē hoc ipso quòd uenit: at nosse idē & nō nosse, est tale aliquid quale usuueniret, si tu quod albus quidem sit quispiam, nosses: eundem autem musicum esse

esse ignorares: sic enim tu idem scires & ignorares, sed non habita ratione eiusdem rei. Hic uerò utrumque nouit, & Coriscum quòd sit Coriscus, & ueniētem quòd ueniat. In eodem errore, in quo ij quos modo diximus, uersantur, qui cōcedendo omnem numerum esse multum & paucum, captiōem se putant dissoluisse. Cum enim nil necessariò ista captio concludat, hoc pratermissò, ad id se conferunt, ut ueram esse conclusionem dicant: omnem enim numerum & multum & paucum esse magno suo errore fatentur. Sunt etiam qui dicētes multipliciter inesse in iis uerbis, est pater tuus, aut filius, aut seruus, captiosas illas cōclusiones dissoluunt. Atqui ut dicatur ad multipliciter pertinere reprehensio, perspicuum est oportere, ut aut nomen, aut oratio, multa propriè significet: hunc uerò huius esse filiū propriè dici nemo affirmare audeat, si hac oratione significetur, hunc esse dominum huius qui alicuius est filius: sed forte temerè & (ut sic dicam) per accidens factum est, ut ista ad extremum coniuncta sumerentur, in hunc modū: Nōne hic tuus est? etiā. At iste est filius: est igitur hic filius tuus: quia scilicet ita forte accidit, ut idem & tuus esset, & filius, nō quidē tuus, sed alicuius. Quod idē dicendum de captione qua ē genere κακῶν esse aliquod bonum concluditur, quia prudentia sit malorū scientia. Nam aliquid esse aliquorum nō dicitur multipliciter: sed possessionem modo hoc significat: aut si forte multipliciter dicatur (ut certe uidetur dici, quādoquidem homo καλῶν esse dicitur, nec tamen hic possessio ulla significatur) nīl tamen ad istam captiōem pertinet. Etenim si ita aliquid ad mala affectū sit, ut illa affectio in genitiuo casu exprimat, dicitur quidē

illud cū aliqua adiectione, & hac ex parte esse τὸ καλόν:
omnino autem & simpliciter nō dicetur esse τὸ καλόν. Vnde
de efficitur, ut potius illa captio sit referēda ad locum ex eo
quod quadā ex parte & simpliciter dicitur, quā ad locū
ex multiplici. Quanquam illud fortasse possit accidere, ut
illa oratio, aliquod bonū esse τὸ καλόν, dupliciter accipia-
tur, licet in ea de qua agitur captionem non sit multiplex:
Verbi gratia, si seruus aliquis bonus, sit mali domini. Nisi
forte ne hac quidem ratione possit illa multiplex appellari.
Neque enim si separatim uerum sit, hoc esse bonū, idque es-
se illius, rectē coniunctim efficietur, hoc esse bonum illius.
Quin ne illud quidē, hominem esse τὸ καλόν multiplex est,
quādo ne alibi quidē, si quid dicamus suppressa aliqua par-
ticula, quae ad plenā sententiā desideretur, rectē diximus
multiplicem esse orationem: quippe cum rectē ac sine ulla
multiplicitate dari mihi Iliadē iussero, si pronunciato dimi-
dio uersu ita dixerim, da mihi μῆνιν ἄλκιυ Κρονίδη. Captiones etiā
quae ducūtur ex eo quod quasi omnino ac simpliciter uerū
sit, tale quippiā esse dicitur, aut ex aliqua parte, aut alicu-
bi, aut quodāmodo, aut facta ad aliquid collatione, nō au-
tem simpliciter ac citra ullā adiectionē, captiones inquā il-
lae hac demū ratione rectē dissoluentur, si ad conclusionem
diligenter aduertas, nū cōtradictio horū aliquod uitii ha-
beat. Aduersa enim omninoq; cōtraria, & aientia & ne-
gantia omnino quidem ac simpliciter in re una dici nō pos-
sunt, at quadam ex parte, aut facta ad aliquid compa-
ratione, aut quodāmodo si pars utraque sumatur, in re u-
na dici possunt: aut etiam si pars una citra ullā adiectionē,
altera cū adiectione alicuius partis sumatur. Itaq; si pars
una

una simpliciter dicat, pars altera quadā ex parte neget, nō poterit esse ista ratione reprehēfio: id quod in cōtradictione quā ad extremum quasi reprehensionis causa cōcluditur, nobis est spectandum. Ad hoc autē genus captionū omnes pertinent quæ sequuntur: Fierine potest ut sit aliquid quod non est: at uerū est dicere rem quæ non est, tale aliquid esse. Nec dissimili modo, nō esse aliquid quod est, ostēdetur: quia de re quæ sit, uerum sit dicere non esse hoc uel illud: Fierine potest, ut sanctē iuret quispiam simul & peieret: Fierine potest, ut idem eidem simul credat & non credat? At illa certē eo sūt captiosæ, quia plurimū interest inter esse omnino, & esse hoc uel illud: quo sit, ut male efficiatur, si res aliqua quæ nō sit, est hoc uel illud, omnino illam ac simpliciter esse. Itēq; licet hāc quidem rem, & illa ex parte, sanctē iuret quispiā, nō tamen rectē cōcluditur omni ex parte sanctē iurare. Nā qui se peieraturum iurauit, & peierat, is sanctē quidem quod ad hoc pertinet, & hac modo ex parte, iurauit, omnino autē ac simpliciter non rectē. Is quoque qui nō credit alteri, nō simul illi omnino credit, sed quadā credit. Similis etiā ijs est illa captio, qua simul aliquem posse mentiri & uerum dicere ostenditur. Verū quia difficile est statuere, utrum ei quod est ueracem esse, tribuendum sit illud simpliciter, an ei quod est esse mendacem, propterea difficilis uidetur huius captionis explicatio. Atqui nil incōmodi est, si dicamus eūdem hominem simpliciter quidem mentiri, ex aliqua tamen parte uerū dicere: aut ex parte aliqua uerū dicere, qui omnino tamen mentiatur. Nec secus profectō iudicandū est de ijs, in quibus quod dicitur, facta modo ad aliquid comparatione uerum sit, aut ex aliqua parte

insit, aut ad certum quoddam tempus. Nam ex hac eadem
 causa omnes huiusmodi captiones proficiuntur: Nōne sa-
 nitas bona, aut diuitia bona? At ijs qui parū prudētes sunt,
 quīq; ijs uti rectē nō possunt, nō sunt bona: sunt igitur hac
 bona & nō bona. Nunquid bene ualere, aut in sua ciuita-
 te potētē esse, bonum est? At qui euenire tempus potest, cū
 id nō sit bonum: idem igitur eidem bonum & non bonum.
 At hoc certē non est incommodum, quod omnino ac simpli-
 citer bonū est, huic aut illi id non esse bonum. Nōne id ma-
 lum est quod non uult sibi uir prudens? bonum autem uir
 prudens non uult amittere: bonum igitur est malū, nō rectē
 efficitur. Plurimū enim interest, dicas bonum esse malum,
 an bonum amittere, esse malum. Huic similis est captio, qua
 de fure fieri solet. Neq; enim si fur est malus, propterea o-
 portet, ut eum capere sit malū, non igitur qui eum uult ca-
 pere, malum uult, sed potius bonum, quippe cum bonum sit
 illum capere. Nam morbus quoque malū est: sed eo liberari
 nō est malum. Nōne iusta iniustis, & qua iure sūt, iis qua
 iniuria, optabiliora sūt? At optabilius est iniuria mori, quā
 iure. Nōne equū est sua quēq; habere? Qua uerò tibi ad-
 iudicata sunt falso iudicio, sed tamen ut putauit iudex esse
 aequissimū, ea legibus rata esse debent. Est igitur idē equū
 & iniquū. Est ne is condēnandus qui aqua profert in iu-
 dicio, an qui iniqua? At qui equum est eum cui facta est in-
 iuria, omnia proferre, qua suo cum damno pertulit: erant
 autem illa iniusta. Hac omnia sunt capiosa & fallacia ar-
 gumēta. Neque enim si iniuria pati aliquid optabile est, sta-
 tim existimandum est, omnino id magis expetendum esse,
 quod cum iniuria coniunctū est, quā quod iuri consenta-

neū. Sed omnino quidē ac simpliciter ius est iniuria optabilius, nil tamen uetat quo minus iniuria, quod ad hoc uel illud attinet, sit magis expectēda. Itēque sua quēque habere æquum est, aliena iniquum: & tamen iudicium hoc iustum esse nil prohibet, nimirū quia ut æquissimum esse existimauit iudex, ita iudicauit. neque enim oportet siquid quod ad hanc quidem rem attinet, aut hoc modo, iustum esse omnino esse iustū. Simili modo ut sint aliqua per se iniusta, fieri tamen potest, ut illa recitare & in iudicio edere, iustū sit. neque enim recte efficies iustū esse quippiā, si illud exponere iustū sit: sicuti non est necesse id esse utile, cuius narratio utilis est. quod idē de rebus iustis sentiendū est. Illud itaque nō recte cōcludebatur, quia iniqua erāt quæ edidit is qui passus est iniuriā, propterea eū uincere qui iniqua in iudicio protulit. nā illa protulit quæ edere quidem æquū erat, simpliciter autem, & ad ferendū iniqua. Captionibus autem quæ ex definitione reprehensionis existunt, ea ratione occurrendū est, quā in superiore loco subiecimus, exquirendo, an cōtradictio quæ ad extremū in conclusione proponitur, iisdē omnino uerbis rebúsq; cōstet, an in eadē re pars utraq; sumatur, & ad idē, & eodē modo, & in eodem tempore. Quod si iam inde à principio disparata interroget alius, nō est fatendū fieri non posse ut idem sit duplum & nō duplū: quin potius concedendū est fieri posse, non eadem tamen ratione. Id enim esset sine ulla cōtrouersia reprehendi & conuinci. Ducuntur autem omnes istæ captiones ex hoc loco: Nūquid quanq; rem nouit aut ignorat, qui nouit aut ignorat quanam & qualis sit res quæq;? Atqui idem qui nouit Coriscū quod Coriscus sit, eundem quod sit musicus ignorat: eandē

itaque rem scit quissiam & ignorat. Et rursus nonne maius est quod quatuor cubitorum magnitudinem habet, quam quod trium? At fieri potest ut ex tricubito fiat magnitudo quatuor cubitos in lōgum producta: Et necesse est ut omne quod maius est, minore sit maius: potest igitur fieri ut idem seipso sit maius & minus. His uero q̄ ducuntur ex eo quod id ipsum de quo à principio suscepta est disputatio, sumitur, ita occurrendū est, ut ille quidem qui respondet, si talia sumere aduersarium perspiciat, nil eorum admittat, ne si illa quidem sint probabilia: ita tamē ut interim uera esse dicat illa quæ nō admittit. Sin ille non perspiciat à principio talia esse quæ sumit aduersarius, ignorationem suam in aduersarium propter huiusmodi argumentorum uitium reijciat: dicens nil eum tandem confecisse, nec bene disputasse. Debet enim ut sit reprehensio, abesse petitio principij. Deinde uero dicet respondens se illa admisisse, nō ut ijs aduersarius cōtra se uteretur, sed ut aduersus illa disputaret, eiusq; contrarium concluderet, quod captiosa sua reprehensione confecit. Quod uerō attinet ad eas quæ ex consequentibus eruuntur, in eo ipso unde uim habere argumentum uidetur, uitium indicādum est: cum enim duplex sit argumentum à consequentibus, unū in quo ex parte uniuersum genus cōcluditur: ut ex homine animal: alterum in quo inter contraria tractatur consecutio: in priore genere dicendum nobis est, eo aduersarium peccare, quia uelit, ut ex hoc illud sequitur, ita uicissim ex illo hoc concludi, quod minime necesse est: in posteriore autē quia uelit, si ex hoc antecedente illud consequens efficitur, ex contrario antecedentis omnino ac semper confici contrarium consequentis. Cuius gene-

ris est argumentatio Melissi. nam si quod generatū est, principium habet, ex eo confici recte existimat, quod non est generatum, nō habere principium. Itaque si ingenitum est cælum, non habere principium adeoque esse infinitū. Atqui non ita res habet: quandoquidem inter disparata consecutio cōuerso ordine tractanda sit. In ijs autem captionibus quæ oriuntur ex eo, quod amplius aliquid adiectū est, quam ex quo ducendū fuit argumentum ad conuincendum alterū, uidēdū est, si eo quod dixisti sublato, nihilominus sequatur idem incōmodum. Quod ubi ita esse compereris, tum id tibi est planum faciendū, dicendūque omnes propositiones te nō eo admisisse, quod ueras illas esse putares, sed ut uideres quid tandem ad rem facerent: iam autem omnino ad rem nil pertinere q̄ ipse sumpserat. Captionibus uero quæ plures interrogationes quasi unam accipiunt, iā inde ab initio occurrendū est, idq; adhibita distinctione. Est enim una interrogatio, ad quā simplex recte adhibetur responsio. Itaque nec plura de uno, nec unū de pluribus affirmandum est aut negādum. Porro autem sicut in homonymis interdum euenit ut utraque, interdum ut neutra significatione uerū sit quod interrogatur, eōq; accidit, ut qui quasi ad simplicem interrogationem unā dedit responsionem, nullo inde possit urgeri incommodo: ita in ijs de quibus agitur usuuenit, ut quādo plura de uno, aut unum de pluribus uere affirmatur, aut negatur, qui simplicem ad illa dederit responsionē, quanquam in eo, uitio non careat, nulla tamen hinc ducta ratione conuinci reprehendiq; possit. Quādo uerò illa partim uere, partim falso dicuntur, aut etiā quando plura de pluribus ita enūciātur, ut uno quodā modo utraq; utrisque

conueniant, alio quodam modo non conueniant, tum uerò maxime nobis cauēdū est. Exempli causa: Acceptis duobus quorum unū bonum sit, alterum malum, nōne illa uerū est uno modo dicere esse bona & mala, & rursus altero nec bona nec mala? neq; enim utraq; attributa utrisq; subiectis inesse possunt: Idem igitur bonum & malū est, & rursus nec bonū nec malū. Item si quaq; res secū est eadem, & ab alijs diuersa, sumptis duobus diuersis, in hūc modū fiet captio. Hac ad se cōparata non ad alia, sunt eadē: Hac eadem ad se cōparata sunt diuersa: Sunt igitur eadem res à se inuicem diuersæ, & eadem tamen. Item si bonus quispiā malus fiat, & malus quispiā, bonus, hic etiā ex simplici respōsione efficietur, unū ex ijs duobus, simul duo cōtraria effici. Itē acceptis duobus inter se inæqualibus, uerū est dicere illa ad seipsa cōparata esse æqualia, erūt igitur eadem aliqua inter se æqualia & inæqualia. Neq; uero ego illud negauerim, posse in has captiones aliā solutionem cadere: præsertim cū illud uerbū, utraque, itēque illud, omnia, multis modis dicātur. Vnde fit ut nō idem affirmetur & negetur nisi nomine tenus: quam ueram esse reprehensionem supra negauimus. Caterum illud planū est nunquam illa incommoda sequi potuisse, nisi ex multis interrogationibus una facta esset: etsi unū uni attributum fuisset affirmando aut negādo. Quod uerò attinet ad eas captiones, q̄ eō spectant, ut ad ineptā eiusdem uerbi repetitionem aduersariū perducant, hac ratione perspicuū est omnes dissolui posse, si negemus attributa quæ ad aliquid sunt, separatim sumpta, præter se quicquam significare. Exempli causa, si solum ac per se duplū dicas sine adiectione simpli: tamen si uerū sit in duplo

duplo *simplum* quodā modo appellari. Etenim in hac oratione, uno minus decem, uerbum illud, decem, acceptum est, nec decem tamē illa oratione significatur. Itemq; in hac negatione, non facere, inest uerbū facere, atque adeo in omni negatione inest affirmatio: neq; tamen uerū est eū qui dicit, hoc non esse album, significare album esse. Duplū igitur nil quicquam fortasse prater se significat, sicut nec simplū significat id quod in ipso intelligitur: aut si significat, nō eodem certē modo separatim atque cōiunctim significat. Neque etiā sciētia in specie sumpta: ueluti si medicina est sciētia, id ipsū significat quod cū in genere sumitur, quod quidem erat scientia ad id quod sub scientiā cadit comparata. De ijs autem attributis quæ per ea subiecta definiuntur, de quibus ipsa dicuntur, illud primum nobis dicendum est, nō idem significare uerbū aliquod seorsum, atque in oratione acceptum. Curuum enim si communiter ac per se sumatur, idem significat in simo & in uaro: at cōiunctum illac cum naso, hac cū cruribus, nil prohibet aliud atque aliud significare: praesertim cum idem sit nasum curuū & nasum simum appellare. Deinde uerò nō est permittendum aduersario, ut in recto casu subiectū, cum ista uerba definit, accipiat: quandoquidem falsa illo modo fiat oratio: neq; enim uerū est in recto, Simum est nasus curuus, sed in obliquo dicendū, simum est nasi talis affectio. Quocirca nil absurdū sequitur, si in alio casu uerbū illud nasus repetatur, dicendo nasum simum esse nasum habentem nasi curuitatem. Quod autem ad solæcismos attinet, unde illi quidē ducantur supra exposuimus: quomodo autem ijs occurrendū sit, ex ipsis captionibus intelligemus. Nam istæ quas subiiciā,

ad solæcismum efficiendum omnes pertinent: Nōne quod uerè dicis, hoc reuera est? dicis autem aliquid esse lapidē, est igitur aliquid lapidem. At enim qui lapidem nō neutrum, sed masculinum, non nominatiuū, sed accusatiuum dicit. Quocirca si hūc in modum interrogasset alius, nōne quē tu esse uere dicis, est illud? statim apparuisset illum non latine loqui: quemadmodum ne is quidem latine loqueretur, qui interrogaret, nōne hic est quam tu esse dicis? Lignum uero & alia quæuis nomina, quæ nec masculina nec fæmina sūt, an in illo modo mutatis casibus interroges, nil refert: unde etiā fit, ut si illam captionem ad neutrū accōmodes, nō fiat solæcismus: Nōne quod tu esse dicis, illud est? lignū autē tu esse dicis, lignū igitur est. Lapis autem & articulus, hic, masculinorū habet inflexionē. At uerò si interrogauerit quispiam, sitne iste illa? tum subiecerit, nōne iste est Coriscus? & ad extremū cōcluserit, est igitur iste illa: nō erit profectō hoc modo conclusus solæcismus: ne si Coriscus quidem reuera idem significet cum aliqua re quæ est fæminini geueris, illud autem ita esse non admiserit respondēs. Nam ut aliquid tandem cōficiatur, illud præterea ad superiores interrogationes adici debet. Quod si neq; ita est, neque ita esse admiserit respondēs, omnino nulla fiet ratiocinatio, nec reuera, nec quod ad hūc quidē attinet qui interrogatur. Simili igitur modo & hic quoque oporteret uerbū illud, lapidē, nominatiuū significare. Quod si nec ita sit, neque ita esse dederit respondēs, omnino illi cōclusioni nullus est locus: speciem autem aliquā ex eo accipit, quod qui sunt re ipsa dissimiles nominis casus, similes esse uidetur. Quid? nōne hac uere dicitur esse illud ipsū quod tu eā esse dicis?

Atqui

Atqui tu hęc parmam esse dicis: est igitur hęc parmam. An hoc modo nil cõfectũ est? Certe. Nā, hęc, non parmā, in accusatiuo sibi iūgit, sed in nominatiuo parma, hęc autē, parmā indicat in accusatiuo. In hac quoque simile vitium est: Nōne hic est illud ipsum quod tu eum esse dicis? tu autem Cleonem esse dicis: Est igitur hic Cleonē. Neq; enim articulus hic, Cleonem in accusatiuo sibi iungere debuit, quippe cū in prima interrogatione dictũ sit, quem tu esse dicis hic est, non autem hunc est. Neq̃e enim qui hoc modo dixisset, latine fuisset locutus. Nōne scis tu illud? Est autem illud lapis, scis igitur lapis. An pronomen, illud, nō eodē modo sumitur in priore propositione, scisne illud? atq; in posteriori, Est autem illud lapis? profecto in priore accusatiuus erat, in posteriore nominatiuus: Nōne hoc scis cuius tu habes scientiā? Habes autē lapidis scientiā, scis igitur lapidis. An illud, hoc, demonstrat lapidem in accusatiuo, huius autē lapidis in genitiuo? Atqui concessum est cuius habes scientiam, hoc te scire, in accusatiuo, non huius in genitiuo. Quare concludendum fuit, scis igitur lapidē, non lapidis. Quod igitur huiusmodi captionibus non cōcludatur solæcismus, sed uideatur modo concludi, & quomodo ijs occurrendum sit, ex ijs quæ sūt à nobis exposita, planē intelligi potest. Illud autem hoc loco nobis intelligēdum est, nō esse unius generis omnes captiones, sed nonnullas esse in quibus facile sit causam captionis perspicere, nonnullas in quibus difficile: idq; dico usu uenire etiam in ijs quæ sunt eiusdem generis: nam eiusdem generis appellanda sunt, quæ ex eodē loco ducuntur. Ac eadem quidē captio alijs ex genere earū esse uidetur quæ ex uerbis ducuntur, alijs ex alio genere. Id quod propterea fit,

quia ut quæque res uarie cōmutatur, ita non aequè semper solet esse perspicua. Quemadmodū igitur inter eas quæ ex homonymia ducūtur (qui certe locus est omnium, unde oriūtur fallaces conclusiones, uulgatissimus) quædam sunt quæ cuius etiā imperito sunt aperta, adeoque ridiculæ & leues captionēs, ex uerbo propemodū omnes eruiūtur, cuiusmodi sunt istæ: Vir ferebat per scalas diæmon. & Quo properatis? πῆς ἢ πῶς κελτα. Et utra boum ante pariet? neutra, sed retro utraq; Nūquid purus est Boreas? non, sed impurus qui mēdicos aque & mercatores interficit. Nunquid ὄναρ ille est? nō, sed Apollonides. Eodē plane modo ex alijs locis huiusmodi nōnulla perfaciles ducuntur conclusiuncula. Sed etiā sunt aliæ, quæ uel doctissimos quosq; impediūt. Id quod eo argumēto intelligi potest, quòd inter se de nominum significationibus saepe dissentire docti homines cōspiciuntur. Verbi gratia, utrum eodem semper modo accipiātur unum, & ens, an alio atq; alio, parū inter doctos cōuenit. Quibusdā enim uisum est nullam inesse in ijs uerbis, unū, & ens, ambiguitatē. Alij ex eo dissoluūt rationes Parmenidis & Zenonis, quòd ens & unum multipliciter dicuntur. Nec secus fit in captionibus quæ ex accidēte alijsq; locis eruiuntur: nā in ijs quoq; aliæ facili, aliæ difficilè perspicuūtur. Atq; nosse ex quo genere sit quæq;, & utrū reprehensionis uim habeat an minus, nō est pariter in omnibus manifestū. Porro autē acuta argutæque captio appellari solet, quæ multū in animo relinquit dubitationis. Ea enim est quæ acrius pungit mordetque. Ambigendi autem duplex est causa: Vna, quæ locū habet in ijs quæ concludendi uim necessariam habent, cum dubitatur utra sumptionum neganda sit. Altera, quæ propria

propria est fallacium contentiosarumque conclusionum, cum de ratione indicandi uitiij, eiusque quod plus acceptum est quam oportuit ad necessariam conclusionem, ambigitur. Itaque inter eas quae necessario concludunt, ut quaeque est acutissima, ita plurimum adfert dubitationis. Est autem illa acutissima ratiocinatio, quae ex ijs quae sunt quam maxime probabilia, aliquid aut probat, aut refutat, quod est maxime probabile. Nam cum illa una sit ratiocinatio, accepto disparato conclusionis cum altera sumptionum, semper necessario quod uolet concludet: quandoquidem necesse sit, ut ex aequae probabilibus, hac ratione, semper quod aequae probabile est, aut confirmetur, aut refutetur: quae ratione efficitur ut ambigere hoc in loco necesse sit. Est igitur illa imprimis & maxime arguta, quae pariter à conclusione & à sumptionibus adfert dubitationem. Secundo loco, quae ab utriusque sumptionibus aequalem relinquit, utra neganda sit, dubitationem. Cum enim sit altera neganda, utra tandem ea sit, non est facile discernere. Inter eas autem quae fallaces & contentiosae sunt, illa primo loco acuta censenda est, in qua non statim apparet, sitne consecutio necessaria necne: & utrum sit ea dissoluenda negando falsam aliquam quae sumpta sit, propositionem, an distinguendo. Secundo loco numerabitur, quae id quidem minime habet dubium, utrum sit negando, an distinguendo soluenda, sed tamen quamnam ex omnibus interrogationibus sit neganda, & quae distinguenda, an scilicet quae complexionis loco accipitur, an ex sumptionibus aliqua, non satis intelligitur. Interdum igitur argumentatio forma uitiosa, inepta est ac ridicula, nimirum quando sumptiones ualde incredibiles sunt, aut falsae: in-

terdum minimè contemnenda est. Quando enim in argumentatione desideratur talis aliqua interrogatio, ex qua potissimum argumenti uis duci debuit, qui illam nō sumpsit, rem tamen quasi ratiocinatione concludit, is ineptam omnino ratiocinationem facit. Sin quod pratermissum est, ex genere est eorum, quæ extrinsecus ad rem ualent, non continuò illa argumentatio aspernanda est: quin argumentatio bona est, culpa autem omnis est penes eum, qui nō rectè interrogauit. Sicut autem argumenta uarijs modis dissoluntur: uno modo, ut ad ipsam argumentationē pertineat solutio: altero, ut ad interrogatē atque adeò ad ipsam interrogandi rationem: tertio, ut ad neutrum conferatur: ita etiā tribus modis tractantur interrogationibus argumenta: uno modo, ut ad id, quod propositum est, omnes tuas rationes conferas: altero, ut respondētem persequaris: tertio, ut disputando rationem habeas temporis: quod postremum tum euenit cum plus temporis desideratur ad refutandam solutionem, quam dedit aduersarius, quàm patitur spatiū temporis, quod ad disputandum concessum est. Atque illa quidem omnia hæcenus exposita sunt, ex quorū, quibūque locis ducuntur omnes captiosæ conclusiones, quæ solent inter disputandum incidere: deinde quo modo sit mendaciū arguendus aduersarius, & quibus rationibus eò perducendus, ut paradoxa aliqua dicere uideatur: tum quibus ex causis potissimum nascatur solæcismus: mox quo modo interrogandum esset, quæque esset interrogationum collocatio: deinde quīnam esset usus tractationis huiusmodi sophistarum captionum: postremò quæ in uniuersum esset ratio respondendi, & quomodo singule rationes, & syllogismi

gismi dissoluendi essent. Nunc reliquum est, ut postquã à ca-
pise repetierimus institutum nostrũ, de eoque pauca dixe-
rimus, finẽ huic disputationi imponamus. Hoc igitur à prin-
cipio diximus, fuisse nostrum institutum, ut inueniremus
facultatem quandam differendi de quacunque re proposi-
ta ex iis, quæ essent in re proposita quàm maximẽ probabi-
lia. Est enim hoc officium dialectices, tum eius, quæ per se
dicitur. tum eius, quæ in tentando & experiundo cerni-
tur. Sed quoniam par est, sic esse hac arte instructum dia-
lecticum (ne qua in re hac ars Sophistica, cui finitima est,
cedat) ut non modò experiundi causa probabiliter alterũ
interrogare possit, sed etiam ut scientiam rei præ se ferat:
propterea non tantum illud, quod modò dictum est, posui-
mus huius artis officium, quod in exigenda ab altero ra-
tione cernitur, sed etiam in eo, ut si quando à nobis exigat-
ur ratio de eo, quod defendendum in disputatione susce-
pimus, constantissimè ac sine ulla repugnantia tueamur:
idque ex iis, quæ sunt quàm maximẽ probabilia. Cur au-
tem id etiam partem muneris dialectici fecerim, paulò an-
te rationem subieci: ob quam etiã causam Socrates inter-
rogabat semper, respondebat nunquã: quia se nil quicquã
scire profitebatur. Illud porrò in superioribus libris expli-
catum est, quæ, & quot sint questionum genera, in quibus
hac ars uersatur: & quæ essent, & in quo numero ea, ex
quibus ipsa constaret disputatio: tum quomodo earum re-
rũ magna copia nobis suppetere posset: postremò de ratio-
ne interrogandi, omninq; de collocatione, quæ sit inter-
roganti obseruanda: itẽque de respõsione, & ratione dis-
soluendorũ argumentorum diximus: omninq; exposui-

mus cetera omnia, quæ uisa sunt ad illā differēdi rationem pertinere. Post hæc autē docuimus, de fallacibus & capiosis cōclusionibus, quæadmodum etiā paulò ante dictum est. Quæ cū ita sint, profectò iā dubitari nō potest, quin satis cōmodè ad exitū à nobis id perductū sit, quod institueramus. Iā uerò ne quis ignoret, quid nobis in explicatione huius artis usuenerit, illud intelligēdū est, eorū omniū, quæ inueniuntur, aliqua esse, quæ iā antè ab alijs aliqua ex parte cōprehēsa, subtilius postea, & quasi particulatim elaborata, opera eādē eorū, qui illa postea accipiūt, lōgius progrediuntur, magnūmq; incrementū capiunt: Alia autē à prima origine inuēta, nō ita multū à principio progrediuntur: sed tamen multò plus utilitatis habēt illa initia, q̃ reliqua omnis, quæ ex ijs proficiscitur, accessio. Est enim (ut dici solet) principium maxima pars totius: idēque difficillimū. Quāto enim ui & facultate maiore est, tantò minore est magnitudine: eaq; de causa difficillimè perspicitur: eo autē inuento, nō est difficile cōferre & adijcere reliqua. Porro autē illud, quod dixi, cū in alijs ferè omnibus artibus, tū in arte oratoria usuuenisse maximè conspicitur. Qui enim huius artis principia inuenēre, parū admodū progressi sunt: Qui autē nunc sunt in eo genere illustres & probati, acceptis ijs, quæ à multis tractata quasi per successionē paulatim processerāt, in eos fines, quos nūc habet, artē ptulerūt. Tisias quidē primus addere cepit ijs inuētijs, quæ à primis inuentoribus profecta erāt. Hūc Thrasymachus secutus est: cui deinde successit Theodorus, aliique permulti, qui singuli suas quasdā particulas adiecerūt: ut iā nō sit mirum in tantam magnitudinē eā tandem excreuisse. At uerò huius artis, in
cuius

cuius explicatione uersamur, nō pars quādā iam ante inuenta & elaborata erat, pars altera minus explanata: sed omnino nil in eo genere adhuc ab alijs traditum extabat. Nā qui adhuc mercede conducti natā ad contentiones differendi rationē docuerunt, idem ferē quod Gorgias sequuti sunt in docendo institutum. Vt enim hic ad dicendū, ita illi ad disputandum, orationes ediscendas discipulis tradebāt de ijs rebus, in quas sapius suos utriq; sermones inducebāt. Vnde efficiebatur, ut discipuli celeriter illi quidē, sed citra ullam artem, quæ ab illis tradebantur, discerent. Illi enim ita demū se rectē docere existimabant, si omīssa arte, ipsū artis opus proponerent. Vt si quis se profiteatur artem traditurum, quæ ne pedes postea ullus offendant, effecturus sit, ac postea nō sutoriā ille quidem doceat, neque unde parari possint, quæ ad eā rem sunt necessaria, ostendat: sed magnā calceorum omnis generis multitudinem proferat. Sanē qui hoc fecerit, ad usum quidem profuit, artem autem nō attingit. Ac de arte quidē rhetorica satis multa à ueteribus tradita habuimus: de hac autē differendi ratione nil planē habuimus, quod alijs acceptum referamus: sed nos longo usu singula inquirendo, multum temporis magno cū labore cōsumpsimus. Si igitur uobis ea considerātibus uideatur hæc ars illis, quæ nos tradibimus, inijs satis accuratē explicata, præ alijs disciplinis, quæ ex longa successione in tantam excreuerūt amplitudinem, hæc profectō uestra sunt auditorūque partes, ut si qua prætermīssa sint in tractatione huius artis, ea nobis bona cū uenia cōdonetis: & si qua rectē inuenta, magnas eo nomine nobis gratias habeatis.

F I N I S.

THE HISTORY OF THE
LIFE OF
JOHN DE Witt
BY
JOHN DE Witt
OF THE
PROVINCE OF NEW YORK
IN PARLIAMENT ASSEMBLED
IN THE YEAR OF OUR LORD
1697
AND OF OUR KING
WILLIAM III. 6
AND OF OUR QUEEN
MARIA II. 2
PRINTED BY J. M. IN THE
CITY OF NEW YORK
1703

PRÆCEPTIONES
DIALECTICAE.

Nicolao Grouchio Rhotomagensi authore.

Disputatio eiusdem, *Quid de nomine Dialectices & Logices cum Aristotele sentiendum sit, & quod singuli libri Organi Aristotelis pertineant.*

L V T E T I A E

Apud Vascofanum, uia Iacobæa ad insigne Fontis.

M. D. LII.

CVM PRIVILEGIO.

NICOLAUS GROVCHIVS GVI-
lielmo Guerentæ, & Patricio Buchanano
S. .P. D.



Ræceptiones dialecticas quarto abhinc anno à me in Lusitania, ut scitis, conscriptas, cum uestro aliorumque amicorum consilio in uulgus edere pararè: accessit uestra postulatio, qua ne solus ille libellus in manus hominum ueniret, effectū est. Rogastis enim me, ut scriberem quid de nomine Dialectices & Logices, cum Aristotele sentiendum sit, & quò singuli libri Organi Aristotelis pertineant: ut tandem Aristoteleorum inter se cōtrouersia componi possint: inter quos tam parum constat quid de iis rebus dicendum sit, ut fere omnes uulgo receptam in scholis philosophorum opinionem, quæ sane falsa est, sequantur. Ego uero nostræ amicitia, uestròque consilio tantum tribuo, ut maluerim cum periculo etiam inuidiæ multorum, qui suam fortasse ignorantem à me aperiri, ut necesse fuit, moleste ferēt, meam libere sententiam proferre, quàm meo erga uos officio ulla ex parte deesse. Accipite igitur meam, aut potius uestram (nam idem uos sentire certo scio) per me pronunciatam sententiā: & si qua inde studiosis philosophiæ, quibus consultum uoluimus, utilitas existat, uobis, qui me ad scribendum incitastis, prima habeatur gratia: sin reprehensio aliqua sequatur, quòd non tam fortasse elegāter quàm oportuit, hoc præsertim tam eloquenti seculo, hæc scripta sint, in me, qui non potius de ea re scribendi munus uobis reliqui, tota conferatur. Valete. Ex domo paterna Nonis Septembris 1551.

2
QVID DE NOMINE DIALECTI-

ces & Logices cum Aristotele sentiendum sit, & quò

singuli libri Organi Aristotelis pertineant.

Nomen dialectices apud Arist. nunquam sumitur, nisi pro facultate perspicendi probabilia in re quaque. Vbicunque enim facit mentionem ipsius, semper ait nullo certo subiecto contineri, sed in communibus uersari: ideòq; nec esse scientiam, nec ulla habere demonstrationes. Quo magis miror nostræ ætatis philosophos, præter admodum paucos, cum unum Arist. in scholis legant, non animaduertisse ex Aristotelis sententia non esse istam, qua utuntur, Dialectices pro Logica appellatæ. Quod ut appareat, citabo Aristotelis locos, ex quibus planè intelligi potest, quid apud ipsum accipiendum sit nomine Dialectices. Scribit in libro de Interpretatione, eam modo haberi dialecticam interrogationem, quæ liberum relinquit respondentem, ut respondeat utram uolet partem contradictionis: ideòque quæstionem, quid est, non esse dialecticam. Cui etiam loco similis est alius octauo Top. Quod si Dialecticus expectare debet alterius responsionem, cui sit liberum utrumuis respondere, non habet profecto certa quædam principia, ex quibus conficiat quod uult. Quare dialectica scientia non est. Alius locus est primo cap. primi libri de Syllogismo: ubi ita scribit: Differunt dialectica & demonstratiua propositio, quod demonstratiua est sumptio alterius partis contradictionis: neque enim interrogat, sed sumit ipse per se qui demonstrationibus utitur: Dialectica autem est contradictionis interrogatio. Et paulò post: Demonstratiua propositio erit, si uera sit, & sumpta ex iis, quæ ab initio posita sunt principia: Dialectica autem interroganti quidè est contradictionis interrogatio: ratiocinanti uero, est sumptio eius quod probabile est, & opinione hominum receptum. Similis huic locus est libro primo de Demonstratione cap. secundo. Alius locus est cap. xxxi. pri. lib. de Syllogismo: Colligenda, inquit, sunt rerum antecedentia, & consequentia: efficiendumque, ut eorum quàm ma-

DIALECTICAE ET LOGICAE

xima nobis suppetat copia. Tum illa nobis in trium extremorum dispositione erunt spectanda, in refutando quidem, hoc modo: in confirmando autem, illo. Et ad ueritatis quidem inquisitionē, ad ea nobis attendendum erit, quæ uere ipsis rebus conuenire describuntur. Ad dialecticas autem ratiocinationes conficiendas seligendæ nobis erunt quæ in opinione uersantur propositiones. Alius locus est cap. viij. pr. de Dēmōstratione: Dialectica, inquit, nō habet certas quasdam res quas probet, nec in uno quodam genere sibi subiecto uersatur: alioqui non interrogaret: nam qui demonstrare uolunt, non interrogant. Alius locus est cap. xv. eiusdem libri: Atque iis quidem, inquit, qui suas conclusiones ad opinionem dirigunt, & dialectice tantū disputant, illud modo uidendū est, ut sint quāmaxime probabilia, quæ ad aliquid probandum accipiuntur: adeo, ut si re uera est interiectum aliquod medium inter *A* & *B*, nec ullum tamen esse uideatur, qui eam propositionem quasi indubitatam in probando accipit, is dialecticē modō rem probasse censetur. iis uero, qui ad ueritatem suas conferunt probationes, quid in ipsa re sit perpetuo spectandum. Omitto hic locos primi Topicorum, cap. primo & secundo, ubi apertissime ostendit quid dialectices nomine uelis intelligi: citabo autem locum duodecimi cap. eiusdem libri, ubi, postquam tria quæstionum genera posuit, ita scribit: Ac ista quidē problemata ut philosophicē tractentur, ad ueritatem attendere oportet: Dialecticē autem tractabuntur, si quid in opinione positum sit spectabimus. Est & alius locus initio octauī libri Topicorum, ubi ita ait: Quod attinet ad loci inuentionem, similis est philosophi ac dialectici consideratio. At illa quæ inueneris certo quodammodo collocare, itēque interrogare, id iam dialectici propriū est: quandoquidem omne dialectici negotium, in disputatione cum alio quopiam absoluitur. Item in libro de Reprehensionibus sophistarum ita scribit: Perspicuum igitur est, non esse nobis hoc loco explicandos omnes omnium reprehensionum locos, sed eos modo, ex quibus dialecticæ reprehensiones eruuntur. Sunt enim illi communes omnibus artibus & facultatibus. Et paulo post: Quæ uerō reprehensiones ex communibus, quæque nullius artis propria sunt constāt, hæc dialectico sunt considerandæ. Et paulo post: Ex iis

ergo perspicuum est, dialectici esse notatos habere omnes locos, unde reprehensiones ex communibus constantes eruuntur, cuiuscunque generis illa sint: hoc est, siue ueræ, siue in speciem tantum reprehensiones sint. Alius locus eiusdem libri est, ubi scribit: Tam uero postulare, ut is, qui cum disputatur, aut dicat, aut neget, non est docentis, ac demonstrantis rem, sed eius qui te probare ac ueluti examinare uelit. Est enim tentandi, & examinandi ratio pars quædam dialectica: ob eamque causam tota in eo posita est: ut quid de quaque res sentiant, non illi quidem qui uere docti sunt, sed qui rerum sibi arrogat cognitionem, cum sint illarum imperiti, obseruet atque exquirat. Atque ille quidem, qui non in speciem modò, sed re uera communia peruestigat & exquirat, dialecticus est: qui uerò id facere uidetur, nec facit, sophista. Alio loco eiusdem libri ita scribit: Nunc autem dialecticus nullum certum genus habet, in quo quasi in subiecto sibi proprio uersetur: nec ulla in re demonstrationes adhibet: neque talis artifex est, qui omnium rerum considerationem suscipiat: neque enim possunt res omnes sub unum genus cadere, nec si possent, uere illud dici posset, omnium eadem esse principia. Unde etiam fit, ut nulla earum artium, quæ in tractanda certa quadam natura demonstrationibus utitur, percontando differat: & suas probationes ex interrogationibus accipiat. Cum enim non possit ex utraque contradictionis parte, accommodata ad rem docendam fieri ratiocinatio, non debet liberum esse utramuis partem admittere. Dialectica autem percontatrix est, & totam uim habet ab interrogatione. Et paulo post: Plane, inquit, generis eiusdem est pirastice cum dialectica: neque enim hæc tentandi, examinandi ratio talis quædam ars est, qualis geometria: sed cuius munus præstare etiam indoctus aliquis possit. Quid enim est, cur non possit qui rei alicuius non habet scientiam, quasi tentandi causa, cum eo disputare, qui etiam sit illius rei imperitus? præsertim cum eò conferatur disputatio, ut non ex iis constet, quæ illi, qui doctus sit, perspecta sunt, quæque sunt rei propria, sed ex consentaneis quibusdam & consequentibus rei: quæ consequentia huiusmodi fere sunt, ut tamen si illa scias, nil tamen uetet item te nescire: at si nescias, omnino artis cognitionem assequi non possis. Ex iis ergo planum est, pirasticen non esse scientiam quæ in certo

DIALECTICAE ET LOGICAE

quodam genere uersetur: ideoque de omnibus disputationem suscipere. Habent enim omnes scientiae communia quaedam quibus utuntur. Ob eamque causam fit, ut omnes homines, etiam idiotae, quodam modo utantur arte dialectica & pirastica. Itē in fine lib. de Reprehensionibus sophistarum ita scribit: Hoc igitur à principio diximus fuisse nostrum institutum, ut inueniremus facultatem quandam differendi de quacunque re proposita, ex iis, quae essent in ipsa quam maxime probabilia. Est enim hoc officium dialectices, tum eius quae ipsa per se spectatur, tum eius quae in tentando, & examinando cernitur. Scribit etiam pr. Rhet. hoc modo: Rhetorica dialecticae quasi ex altera parte responder: uersatur enim utraq; in iis, quorum cognitio omnibus quodam modo communis est, quaeque nullius certa scientiae sunt. Et alio loco eiusdem libri: Ac nulla quidem, inquit, aliarum artium concludit contraria: Dialectica autem & rhetorica sola id faciunt: utraq; enim in uno pariter atque in altero contrariorum uersatur. Et paulo post: Quod igitur rhetorica, sicuti dialectica, nullum certum genus habeat, in quo quasi in subiecto, uersetur: quodque utilis sit, perspicuum est. Et paulo post: Sit igitur Rhetorica, facultas perspicendi quid sit in re quaque uerisimile. Neque enim hoc alterius cuiusquam artis officium est. Alii siquidem omnes, totae in certo quodam sibi subiecto genere docendo ac probando posita sunt: ut medicina, in iis quae ad morbos, & ualitudinem pertinent; Geometria, in proprietatibus magnitudinis; Arithmetica, in numeris uersatur: eodemque modo reliquae & artes, & scientiae. At rhetorica in eo posita est, ut possimus in quacunque re proposita perspicere quid sit uerisimile: Ideoque negamus hoc artificium habere certum quoddam subiectum, in quo uersetur. & paulo post: Est enim rhetorica, quemadmodum etiam prius diximus, pars quaedam, ac ueluti simulachrum dialectices: neutra enim earum est certi cuiusdam generis cognitio, per quam quale illud ipsum sit, sciatur: sed facultates sunt suppeditandi argumenta. Et alio loco: Dialecticas & rhetoricas argumentationes appello, eas quae eruantur ex iis, quos locos appellamus. Loci autem huiusmodi sunt, qui communes sunt rebus in se, naturalibus, civilibus, & aliis multis specie differetibus: qualis est locus à maiori & minori. Ex hoc enim loco ratiocinationes aut
enthymemata

enthymemata erues, pariter ad tractandū de rebus iustis aut naturalibus, aut aliis quibusvis, quæ sane specie distinguuntur. Proprias autē argumentationes noco, quæ ducuntur ex propositionibus proprie ad certum quoddam genus accommodatis. Sunt enim de rebus naturalibus, uerbi gratia, Propositiones quædam, ex quibus nō possis eruere aut syllogismum, aut enthymema rebus moralibus accommodatum: cōtrāq; de his rebus sunt aliæ quædam, quæ naturalibus nunquā conuenirent: quod idem in alijs dicendum est. Atque illius quidem generis argumenta, non possunt doctum in certo quodā genere reddere aliquem, cum ad nullum certum subiectum pertineat. Huius uero generis argumenta talia sunt, ut qui huius generis propositiones seligere recte poterit, aliam quandam scientiam efficiat, quam & dialectica & rhetorica. Si enim in principia quædam incurrat quispiam, non iam id dialectices erit aut rhetorices, sed eius scientiæ, cuius illa sunt principia. Et alio loco ita scribit: Nam quod etiam prius diximus, uerum est: rhetoricā scilicet compositam esse ex analytica scientia, & ea, quæ in moribus uersatur, ciuili doctrina: atq; illa quidem ex parte similis est dialecticæ: hæc autem sophisticis disputationibus. Quod si quispiam, aut dialecticam, aut hanc ipsam, non ut facultates, sed ut scientias instruere ac docere conatur, is non uidet se naturam earum de medio tollere, dum illas non facit solum sermonis, sed rerum quarūdam scientias. Alius locus est lib. quarto Metaph. cap. ij: Dialectici, inquit, & sophistæ, personam induunt philosophi: Sophistice enim est simulata modo, non uera sapientia: & dialectici de omnibus differunt: commune autem omnibus est id quod est. Porro autem de ijs ipsis ideo differunt, quia philosophiæ hæc propria sunt. Versantur enim dialectice & sophistice in eodem genere, in quo philosophia. Verum hæc ipsa à priori quidem modo facultatis distinguitur: à posteriori autem uitæ instituto. Est autem dialectica percōtatrix earum rerum, quarum cognitionem præsefert philosophia: sophistice autem nil habet præter fallacem quandam, & inanem speciem. Item undecimo Metaph. cap. tertio ita ait: Dialectica, & sophistica in ijs quidem uersantur, quæ ijs quæ sunt, accidunt, sed non hoc ipso quod sunt, neq; circa id quod est, quæ ratione est, uersantur. Hi sunt fere omnes loci, in qui-

DIALECTICAE ET LOGICAE

bus *Aristoteles* in ijs, qui extant libris, facit mentionem dialectices: ex quibus luce clarius est, nunquam illo modo *Aristotelem* usurpasse nomen dialectices quò modo ab omnibus fere *Aristoteleis* remere accipi solet: quanquam ego non negauerim habere eos, qui nomine dialectices ita abutuntur, grauíssimos authores, quibus se tueatur: *Stoici* enim & *Academici*, cū philosophiā tripartito diuidunt, unam illius diuisionis partem modo *Logicen*, modo *Dialecticen* absque ullo discrimine appellarūt. Quos *Cicero*, & *Quintilianus* alijq; Latini authores secuti, in eum, in quo sunt, errorem *Aristoteles* non satis accurate ad diuersarum sectarum diuersas sententias spectantes induxerunt. Quam enim ab istis authoribus induerunt opinionem de dialectica, eam in *Aristotelis* doctrinam traducere conantur: quasi oporteat ubi nomina eadem sunt, res easdem esse: praesertim in sectis tam inter se dissidentibus. Ex hac uero ignoratione natae sunt multae quaestiones, de ordine librorum *Aristotelis*: quas cū nō possent satis cōmode explicare, alij ordinē librorū *Aristotelis* immutandū censuerunt: alij in ipsum, quasi omnia confundētem, nec *Dialecticas* praecipiones accurate tradentē, animaduersiones scripserūt. Diuisio illa dialectices, in inuentionē & iudiciū, *Ciceronis* est, aliorumque, siue *Stoicorum*, siue, quod potius sentio, *Academicorū*, non *Aristotelis*: attamen, quasi oporteat doctrinā *Aristolis* ad illam diuisionē, quam nunquā cogitauit, esse accommodatam, quaeritur statim, qui libri ad inuentionem, qui ad iudiciū pertineant. Quod cum nō possunt recte explicare, tum ad illud ueniunt, ut dicant, *Topica* praeposenda esse libris ἀναλυτικῶν: quin etiam quibusdam uisum est antecedere librum de Interpretatione, & περὶ ἑρμηνείας: alij uero, ut se facilius expedirent, utq; ex grauíssimi authoris reprehensione se aliquid esse ostēderent, melius esse existimarunt *Aristotelem*, quasi imperitū doctorem, condemnare: quòd scilicet ad illam, quam ipsi à *Cicerone* acceperunt, opinionem libros suos non accommodauerit. Neque uero moueri quisquam debet ex eo quod *Cicero* initio *Topicorum*, postquam posuit illā diuisionem, subiicit, utriusque partis principem fuisse *Aristotelem*. Quanquam enim uerum sit, nullum esse authorem, ex quo tu possis plura praepia inuentionis & iudicij accipere, quàm ex *Aristotele* (quo sane modo

modo ego interpretor illa uerba Ciceronis) non statim efficitur, illius esse hanc diuisionem, aut huius eum rationē habuisse in libris suis. Verum ut intelligamus, quā uanum sit labor eorū, qui uolunt Aristotelis libros ad illam diuisionem accommodare, paulo altius repetemus discriminē opinionū Aristotelis, à Stoicis, & Academicis de differendi ratione. Ac primum quidem Stoici in sola indicādi parte elaborarunt: quemadmodū Cicero testatur in Topicis, & lib. quarto de finibus bonorum & malorum: ita ut nomine Dialectices, nil intelligerent, prater scientiam quandam recte collocandi quacunque inueneris argumenta. Vnde etiam, postquam infinitos modos cōcludendi & simpliciter, & ex conditione persecuti erāt, uniuersam se siue Logicen, siue Dialecticen, absoluisse existimabāt. Ex quo intelligi potest, si ad Stoicorū opinionem Aristotelis libros referamus, cum in ijs qui extant libris Dialecticā tantum docuisse, in libro de Interpretatione, & duobus libris Priorum. Nam quod non agnouerint Stoici certam illam demonstrandi rationem; quæ in libris de Demonstratione traditur, cum ex eo intelligi potest, quod qui inuentionem relinquunt naturæ, ideoque omne argumentū, quod inueniris, approbant modo recte disponas, longe absunt ab illa certa probandi ratione, in qua plus, aut certe non minus interest, quid inuenias, quā quomodo colles: tum uero aperte ostendit Galenus in lib. ij & iij, de Placitis Hippocratis & Platonis, ubi cōtra Chrysippū disputat: illic enim reprehenditur Chrysippus, quasi ignarus Analytices: ut qui multitudine potius rationū contentus, quā ueritate, omnes rationes undecunque ducerentur, accommodatas ad docendum existimabat. Academici uero, assensionē sapienti detrahentes, nullius rei certam posse esse scientiam uoluerunt: ex quo intelligi potest nullam eos differendi rationē nouisse, prater eam, quæ probabilibus contenta est. Tantū igitur abest, ut Analyticen, quam Aristoteles undecimo Metaph. cap. primo, in demonstratione & scientia uersari dicit, agnouerint: ut etiam ipsi eam de medio sustulerint. Hos Ciceronē, ut erat Academicus, in ratione etiam differendi secutum fuisse uerisimile est: quo minus mirum est, quæ à Cicerone de Dialectica dicuntur, non semper cum Peripateticorum doctrina convenire. & sane illa ætate non erat, nisi admodum paucis cogni-

DIALECTICAE ET LOGICAE

ius Aristoteles: quod ipse Cicero scribit in epistola ad Trebatium, quæ initio Topicorum legitur. Aristoteles uero unam faciebat differendi rationem, scientijs accommodatam: quæ ex proprijs principijs cuiusq; artis proficisceretur ad docendum ea, quæ rebus ad eam artem pertinentibus convenirent: alteram uero, communem quandam de quacunque re differendi facultatem, quæ sua ex communibus quibusdam, & probabilibus duceret argumenta. Illi contrariam faciebat *ἁπλοῦς λόγος*: huic uero *κοινὸς λόγος*. Itaque in explicanda differendi ratione semper habuit rationem illius diuisionis, non eius quæ à Cicero-
 ne suam, ut opinor, academiam secuto in inuentionem & iudicium ponitur. Etenim hæc diuisio potest communis esse utrique parti diuisionis Aristotelis: quandoquidem utraque suam quandam inuentionem, & suum quoddam iudiciū habeat. Priorem illam differendi rationem, cuiusq; contrariam tradidit Aristoteles in *Analyticis*: posteriorem uero, cum contraria in *Topicis* docuit, & libro de *Reprehensio- soph.* Posteriorem istam facultatem Aristoteles appellauit *Dialecticam*: priori uero, ut est omnibus scientijs communis: ita nō est unum nomen, nisi forte eam philosophiā esse dicamus: nam & Aristoteles fere semper philosophiā opponit dialectico: & philosophicā disputationem dialecticā. Vnde efficitur, *τοπικὸς* eodem modo affectam esse ad Dialecticā, quo *ἀναλυτικὸς* ad omnes scientias demonstratiuas: aut, si uno nomine comprehendere uelus, ad philosophiam. Et ut *ἀναλυτικὸς* est uelut proprium *ὄργανον* ad Philosophiam: ita *τοπικὸς* est ad Dialecticā *ὄργανον*. Sic enim illa, omnem differendi rationē philosophorū cōplectitur: ita hæc, omnem artem, quæ in differendo utitur dialecticus, cōprehendit. Porro utriq; parti communis est explicatio syllogismi, enunciationis, & *κατηγοριῶν*. Quod si hic quaeratur, quod nomen sit illi doctrinæ, quæ complectitur duas illas partes, & ea quæ sunt utriq; communia: ego, ex Alexandri Aphrodisæi sententia, respondebo, Logicam appellari: nam apud Aristotelem, in ijs qui extant libris, non legitur nomen Logices pro arte quadam: licet apud eū reperiās *λογικὸς* probare, & *λογικὸς* συλλογισμὸς, & *λογικὰ πρὸς ἐλέγχματα*: Probare enim *λογικῶς*, apud eum, est cum omisiss proprijs principijs, adhibentur communia, quibus nō demonstratur res, sed tamen cōgruenter rationi, & ut uerbum

bum pro uerbo singam, rationabiliter ostenditur. Ες λογικὸν συλλογισμοῖ, interdum apud eum significant dialecticos syllogismos, quia licet non demonstrent, congruenter tamen rationi eas res probant, in quibus uersatur philosophia, ut primo libro Rhetorices: interdum uero non reiiciendos, & quod uulgo dicimus rationabiles syllogismos, ut secundo lib. de Demonstratione cap. octauo, & lib. octauo Topicorū cap. quinto: λογικὰ πρὸς ἐλέγμῳ τε uno loco significant ea quæ multis rationibus aut cōfirmari aut refutari possunt, ut primo cap. libri quinti Topicorum. Alio loco ea quæ cū ipsa per se nō pertineāt, aut ad cognitionē, aut ad actionem: attamen certo quodā modo adiumentū adferunt ad utrunque: quæ enim ista descriptione appellauerat nono cap. primi libri Topicorū Aristoteles, ea paulo post duodecimo cap. logica nuncupauit problemata. Qui sane locus mihi uidetur potuisse inducere interpretes, ut λογικῶν appellarent cōmunem istam scientiā, quæ omnem complexa differēdi rationem, esset ueluti ὀργανὸν philosophiæ. Appellemus igitur, si Alexandrum sequi uelimus, Logicen, scientiā quæ à primis initijs profecta, omnem differendi rationem exquirat & explicat: concedamūsq; rhetoricas præceptiones, & poeticas sicuti dialecticas sub hac scientia contineri. Vnde illud efficiemus, Logicen non modo philosophiæ instrumentum esse, sed etiā dialectices & rhetorices: ita ut dicatur illius subiectum esse λόγος, hoc est siue sermo, siue oratio. Aliorum interpretum fuit alia opinio, existimantium nomen logices non tam late patere, sed ut philosophiæ modo instrumentum appellari solet, ita subiectum illi esse tantum orationem philosophorum: qua oratione cōtinentur potissimum demonstratio & definitio, quos duos sciendi modos fecit Aristoteles ad finē libri primi metaph. & primo de Anima, cap. ij. tum horum causa enunciatio, & uerba simplicia. Itaq; horum sententia Aristoteles in ijs, qui extant libris Logicen docuit tantum in Categorijs, libro de Interpretatione, & quatuor lib. Analyticorum. Quid autem de hac re potius senserit Aristoteles, non potest plane iudicari: quia, ut supra dixi, nusquam apud eum reperitur nomen illud Logices. Sunt sane utrinque momenta rationum, quæ rem faciunt controuersam: nam quod Aristoteles scribit, esse quodā problemata dialectica, quæ cum ipsa per se, nec ad cognitio-

DIALECTICAE ET LOGICAE

nem, nec ad actionem pertineant, adiumentum tamen afferunt ad utrumque: quæ problemata Logica ab eodem uocantur: ille inquam locus uidetur indicare Logicen ex Aristotelis sententia, nil aliud esse, præter instrumentum philosophia. Contra uero, quæ de Syllogismo traduntur, de Enunciatione, & Categorijs communia esse dialecticis & demonstratoribus, quemadmodum & ratio indicat, & ipse Aristoteles multis in locis ostendit: id sane uidetur argumento esse, quod logice commune instrumentum est ad differendum, & more philosophorum & dialectice. Quod si litem componere potius, quàm alteram partem condemnare uelimus, dicendum nobis erit, logicen quidem esse commune instrumentum philosophia & dialectice, ut uult Alexander: sed ita tamen, ut potior eius pars sit, quæ ad philosophia pertinet: à qua potiore parte, non male instrumentum potius philosophia dicitur: quia scilicet potissimum ad philosophiam referantur præcepta logica. Nam & Aristoteles quæ tradit in quatuor libris Analyticorum ad demonstrationem pertinere statim initio Priorum scribit: cum tamen omnia fere, quæ in libris de Syllogismo traduntur, pertinere possint ad dialecticas rhetoricasq; probationes: ut ipse idem scribit secundo lib. de Syllogismo cap. xxiij. Cur uero illa potius ad demonstrationem pertinere dixerit, nos postea dicemus. Nunc ex ijs quæ dicta sunt, perspicuum est, utrūuis sequaris de logica opinionem (parum enim, ut dixi, interest) errare eos uehementer, qui peripateticam disciplinam profitentes cōfundunt nomen Logices cum dialectica. Est enim logice, ex Peripateticorum sententia, uiciodos quædam præceptis comprehendens eas orationes, quibus utuntur omnes, qui differunt, ac præsertim quibus utuntur Philosophi. Dialectica uero, facultas quædam differendi de quacunque questione proposita, ex ijs quæ sunt in ipsa re, quàm maxime probabilia: ita ut etiam de ijs possit disputare, quæ logices propria sunt: atque adeo de ijs ipsis præceptis, quibus proprie ipsa facultas continetur, qualia sunt quæ ab Aristotele traduntur in Topicis. Neque enim incommodū est, ut dialecticus, qui probabilia in omni re sequitur, de suæ artis præceptis differat: nō magis quàm ut orator de præceptis Rhetorices orationem habeat. Dialecticen negant Peripatetici esse scientiā: Logicen uero maiori saltem ex parte cōcederent esse scientiam.

scientiam. Dixi autē maiori ex parte, quia licet cum Aristotele undecimo Metaph. Analyticen uere scientiā esse dicamus, nescio an possimus Topicen (si eam cum Alexandro logices partem faciamus) recte appellare scientiam: in hac enim ponuntur multa præcepta, demonstrantur propria ac uera demonstratio nulla aut pauca. Adde quod Aristoteles ipse ad finē primi cap. prim. lib. Topic. ait, non accuratum genus docendi sibi illic sequendū esse, sed omnia rudi minerva tractari satis esse: quod sane à uera scientia alienum esset: at in Analyticis, quæ est potissima pars, omnia demonstrantur. Unde fit, ut non incommode Logicen à potissima & maxima sui parte scientiam appellauerimus. Cum etiam non oporteat, ut in omnibus partibus alicuius scientiæ, sint ex æquo accuratæ demonstrationes: nam cum iam ad infima descensum est, non possunt similes esse ijs, quæ in toto genere erant demonstrationes. Quod si tales adhibeantur rationes, quæ ad materiam subiectam sint accommodatæ, non desinet scientia tota appellari, licet in illa rerum infimarum parte non sint tam accuratæ, quam in alijs partibus demonstrationes. Appellemus igitur Logicen scientiā, licet partem aliquam habeat, in qua ut non requiruntur accuratæ demonstrationes, ita non reperiuntur: sed pro materia subiecta satis aptæ ad docendum rationes: concedamūsq; quod in totum (ut sic dicam) corpus aliarum scientiarum cadit, posse in logicen eadē ratione cadere. Iam uero qui ita confundunt nomen dialectices cum logica, quid respondebunt Aristoteli dicenti, unum genus quæstionis dialecticæ esse logicam quæstionem? Quomodo enim Logica & Dialectica eadem sunt, si materiæ dialectices una tantū particula sunt ea quæ ad Logicen pertinent? Postremo si ostēdam Aristotelem in Topicis, & libro de Reprehē. soph. uniuersam Dialecticē docuisse, nec dici possit in ijs duobus libris uniuersam Logicam contineri, nonne planum erit toto cælo errare à Peripateticorum disciplina qui ista pro eodem accipiunt? Atqui Aristoteles in fine libri de Reprehen. soph. repetendo, quod à principio instituerat, inuenire scilicet uiam quandā & rationem, per quam poterimus de quacūq; quæstione differere ex probabilibus, quod sane officium est dialectices, enumeratis ijs quæ in Topicis, & libro de Repreh. à se tradita sunt, ad extremū concludit, plane satisfactum esse suo in-


DIALECTICAE ET LOGICAE

stituto, hoc est docuisse omnia quae uisa sibi erant pertinere ad Dialecticam docendā. Quid igitur apertius est, quam id quod ego conabar ostendere, Dialecticē à Logica plurimū differre? Neq; mihi locum habere uidetur illa toties in scholis decantata Auerrois, & D. Thomae distinctio, aliam esse dialecticā docentem (nam sic illi loquuntur) aliā utentē: nā ut nomine dialectica docētis aliud intelligi nō potest, quā ipsa dialectica in praeceptis posita: ita nomine utētis necesse est accipiamus eā ipsam, qua ratione utitur praeceptis in quacūq; materia sibi proposita. Aut igitur ita accipiunt docētē, ut pertineat ad eam quā uocant utentē, uicissimq; utentem, ut respiciat docentē, aut seiunctas faciunt illas dialecticas, ita ut non se mutuo respiciant. Si illud prius sentiant, longe à Peripateticorū doctrina aberrant. Primū, quod isto modo facient dialecticum utentē in differendo omnibus praeceptis uti, quā in docente traduntur: atq; ita praeceptis demonstrādi utetur dialecticus: neq; enim à Logica distinguunt istam suam docentē uolunt. Vnde efficitur quā late patēt praecepta logica, tam late patere usum dialectica utentis. Deinde uero, cum eorum sententia dialectica utens non sit scientia, sed probabilibus utatur, necesse est, ut docens, quā illā proprie respicit, ea sit modo, quā tradit praecepta differendi, ex probabilibus. Quare dialectica docēs non erit quod logica, nec talis scientia, qualē ipsi esse dicūt, cum illi tribuunt pro subiecto ens rationis. Sin quod posterius est dicant, eāq; se mutuo respicere non uelint: in hoc sane primum reprehendendi sunt, quod in doctrinā Aristotelis minus necessariam distinctionē introduxerunt. Semper enim apud Arist. uno modo accipitur dialectica pro illa facultate ex probabilibus differendi. Quorsum igitur cum à Peripateticis habeāt nomen Logices, quo appellēt illam scientiā, quā praecepta differendi explicat, sinxerunt nouam quandam appellationē dialectica docentis? Tam uero si Logica recte appelletur Dialectica docens, & necesse sit Logica praecepta, sicut omnia, ad usum aliquem referri, profecto erit aliqua utens dialectica, quā proprie illam docentē respiciet: & qui logicis praeceptis utetur, non male appellabitur Dialecticus utens. Et cōtra cum necesse sit illam, quā uocāt utentē, quibusdā praeceptis dirigi, erit certe rursum alia quādam dialectica docens, quā proprie erit accommodata ad illam

llam suam utentē. Ex quibus efficitur, duas esse docētes, & duas utentes dialecticas. Præter id igitur quod inepta est, & barbara illa distinctio, est sane aut omnino falsa, aut nullo modo ad doctrinam Aristotelis necessaria. Restat nunc ut obiectiones quasdam dissoluamus, quæ adversus ea quæ supra diximus afferri possent. Ac primū quæri potest, quo pacto verum esse possit, quod diximus, rationem docendi philosophorum in *Analyticis* doceri, sicuti Dialecticæ in *Topicis*: quasi vero non sit accommodata etiam dialecticæ tota illa de Syllogismo tractatio, quæ in *Analyticis* continetur: & quasi ex locis, qui in *Topicis* ponuntur, non possint philosophi eruere argumenta. Huic quæstioni satisfaciemus, si dixerimus, ita fere artes collegatas & consociatas esse, ut mutuo sibi adiumento esse possint: neque incommodum esse, quæ ad unam artem proprie pertinent, ad aliquam aliam artem non modo iuvare, sed omnino necessaria esse. Quamquam igitur recte dicamus, secuti authorem Aristotelem in *Topicis* doceri dialecticum: illud tamen non uetat, quin philosophus, si uelit, inde utilitatem aliquam accipiat. Et quæquam ea, quæ in *Analyticis* docentur, proprie ad demonstrationem pertineant, quemadmodum ipse Aristoteles statim initio librorū de Syllogismo ait, illud tamen negari non potest, quin dialectico sit necessaria ea saltem pars *Analyticorū*, quæ de Syllogismo tractat. Cur uero cum sit etiam dialectico communis illa tractatio, uoluerit tamen Aristoteles ad demonstrationem potius pertinere, causa est: quia licet dialecticus debeat secundum regulas, quæ in libro de Syllogismo traduntur, necessario concludere: ipsius tamen est artificium illud, quantum potest, in differendo occultare: & nisi conclusionem suam celet, non probe suo munere fungitur, ut Aristoteles docet octavo *Topicorum*. Contra uero demonstrator quam potest apertissime necessitatē suæ conclusionis debet ostendere. Vnde fit, ut merito Aristoteles magis proprias fecerit demonstratoris illas regulas necessario concludendi, quas non modo adhibet in demonstrando, sed etiam uelle adhibere præ se fert: quam dialecticus, qui conclusionem suam dum celare uult, debet ab illa simplici uia concludendi, quæ traditur in libris de Syllogismo, declinare. Adde quod, ut illa est potior pars logica, quæ ad demonstrationem pertinet: ita non immerito dicuntur præcepta

logices, quæ communia sunt, ad illam potius partem pertinere. Alia
quæstio existere potest aduersus id quod diximus, & ex Aristotele
probanimus in Topicis, & libro de Reprehen. sophist. uniuersam
dialecticam explicatam esse: nam quomodo id uerum erit, cum scri-
bat Aristoteles in primo libro Rhetoric. dialectices esse, aut totius,
aut sane partis ipsius, de syllogismo in uniuersum tractare: quibus
uerbis significat id quod paulo post dicit, Analyticen partem esse
dialectices. neque enim in Topicis, & libro de Reprehensione soph.
Analyticen docuit: cum tamen, ipso authore, sit pars Dialectices.
Huic quæstioni occurremus, si ostendamus quid nomine partis A-
ristoteles illis in locis intelligat: perspicuum enim est partes illic ap-
pellari ea quæ ex alijs artibus sumpta, ad perfectionem artis requi-
runtur, præter ea quæ sunt artis propria. Veluti præter ea quæ in
Rhetoricis traduntur, quæ sane sunt ipsius artis propria, Aristote-
les facit partes Rhetorices Politicen, & Analyticen: quia scilicet ne
ea quidem quæ propria sunt, satis essent ad perfectionem artis, nisi
extrinsecus illarum scientiarum accederet cognitio. Cum igitur uni-
uersam Dialecticam dicimus in Topicis & libro de Reprehensione
sophist. explicatam esse: id uolumus accipi, quod attinet ad ea quæ
sunt propria ipsius artis: neq; tamen negamus, quin necesse sit aliū-
de accedere cognitionē Analytices, ea saltem ex parte, qua de syl-
logismo agitur, & enunciationis, & categoriarum: quæ ut nō sunt
propria dialectices, ita ex alia scientia petenda est eorum cognitio.
Quod uero diximus librum de Reprehen. sophist. proprie ad Dia-
lecticen pertinere, cum ex eo intelligi potest, quod sophisticus syl-
logismus eodem modo respicit Dialecticam, quo *Λεωδοξείας* &
demonstrationem: tum uero, ex ipso Aristotele id ipsum scribente,
tum in fine libri de Reprehē. sophist. tum alio in loco eiusdem libri:
quos locos supra citauimus. In his enim ait dialectici esse, nosse lo-
cos reprehensionum, quæ ex communibus constant: de quibus solis
eo in libro sibi agendum esse dicit.

F I N I S.





Jo Antonio Piche



